



43

14 July







GULIELMI  
BALLONII  
OPERA OMNIA  
MEDICA  
TOMVS SECVNDVS.





Digitized by the Internet Archive  
in 2018 with funding from  
Wellcome Library

[https://archive.org/details/b30527740\\_0002](https://archive.org/details/b30527740_0002)

GULIELMI  
BALLONII  
MEDICI PARISIENSIS  
CELEBERRIMI  
CONSILIORUM  
MEDICINALIUM LIBRI II.  
A JACOBO THEVART,

Facultatis Medicæ Paris. Doctore, Auctoris pronepote, scholiis  
nonnullis illustrati, digesti ac in lucem primum editi.

*Prodeunt secundo emendatissimi, & Græcarum dictionum passim occurren-  
tium interpretationibus insigniter aucti.*

TOMUS SECUNDUS.

In quo pleraque continentur quæ & ad Morborum cognitionem,  
eorumdemque curationem propositis Exemplis, & obscurorum  
Hippocratis locorum intelligentiam pertinebunt.



VENETIIS,  
APUD ANGELUM JEREMIAM,  
Via Mercatoria sub signo Minervæ.

---

MDCCXXV.

SUPERIORUM PERMISSU, AC PRIVILEGIO.



# GALLIUM

OFFICE OF THE SECRETARY OF THE ARMY

WASHINGTON, D. C.

## CONSTITUTION

OF THE UNITED STATES OF AMERICA

### ARTICLE I

SECTION 1

All legislative Powers herein granted shall be vested in a Congress of the United States, which shall consist of a Senate and House of Representatives.

#### SECTION 2

The House of Representatives shall be composed of Members chosen every second Year by the People of the several States, and the Electors in each State shall have the Qualifications requisite for Electors of the most numerous Branch of the State Legislature.

No Person shall be Representative of this United States who shall not have attained to the Age of twenty five Years, seven Years, and be seven Years a Citizen of the United States, and when elected shall have been seven Years a Citizen of the United States, and when elected shall have been seven Years a Citizen of the United States, and when elected shall have been seven Years a Citizen of the United States.




SECTION 3

The Senate of the United States shall be composed of two Senators from each State, chosen by the Legislature of the State for which they so serve, and they shall hold their Offices for six Years, and each Senator shall have the Qualifications requisite for Senators of the most numerous Branch of the State Legislature.

SECTION 4

SECTION 5





# BENEVOLO LECTORI

JACOBUS THEVART

Doctor Medicus Parisiensis, S. D.



DIU multumque tacita apud me cogitatione perpendi, prius quam hæc GULIELMI BALLONII avunculi mei, Clarissimi quondam nostri ordinis Decani, antiquiorisque Doctoris opera quæ per me nunc prostant, publici juris facerem; tandemque rebus diligenter pensatis de quibus ii maxime sunt solliciti, qui ut sua aliorumve scripta posteritati nota faciant, se nomenque suum omnium censuræ subji- ciunt, publicæ rei amor meos nimium prudentes metus vi- cit: quum præsertim in ea semper fuerim sententia, ab eo tempore quo de ho- minis vitæ cursu quotidiano judicare cœpi, eos beatos & aliqua ratione huma- no fastigio sublimiores esse, quibus divino munere concessum fuit, aut facere scribenda, aut scribere legenda, beatissimos vero quibus utrumque: sicque do- lui summo judicio, singulari prudentia, adeoque eleganti nitidaque dictione con- scripta opera, tot vigiliis & lucubrationibus exarata, nostrisque adeo profutura nepotibus, aut in privatos meos usus solum verti, aut tandem in blattarum tinearumque escam servari. Quod ne mihi probro adscriberetur, ex omnibus BALLONII operibus editioni paratis, quorum me ille heredem testamento in- stituit, Consilia hæc medica primum in lucem emittenda censui, quod scilicet a plerisque Philiatris desiderari, nullaue doctissimorum Collegarum (excepto Fernelio) ea de re scripta opera exstare animadverterim. Quæ quidem si di- ligenter & accurate evolvas, incredibile dictu quam bene tuis studiis consultum erit. Primum enim perfectam facilemque addisces methodum medendi plurimis morbis inauditis & curatu difficillimis qui in hac florentissima Parisiorum urbe propter frequentiam & celebritatem, sæpius quam alibi gentium aut sanandi aut dijudicandi proponuntur: Deinde vero legitimam & numeris omnibus ab- solutam, qualemque primarii olim Medici celebrarunt consilia ineundi rationem habebis: Denique non paucorum Hippocratis Aphorismorum elucidationem, adeo ut hæc quoque Consilia singularis alicujus commentarii loco merito esse possint. At vero tuis commodis privatim inserviens, utque uberiores, & num- quam satis optatum ex his fructum sis percepturus, copiosissimos rerum memo- ria scituque dignarum indices vocumque Græcarum Latinarumque contexui: alios præterea duos perquam necessarios quum morborum omnium & sympto- matum, tum & Aphorismorum Hippoc. qui toto opere explicantur: Denique quæ superflua mihi visa fuerunt multis in locis subtraxi, scholiaque aliquot passim iis quæ ex Auctoris peculio sunt adjuncti. Licet vero in describenda morborum symptomatumque historia, a capite ad calcem usque progrediendo methodicum ordinem Auctor non sit secutus, non minoris propterea existima-



tionis Consilia hæc esse debent. Enim vero id factum fuit quod e re nata, & pro ratione temporum, quibus ægros invisit, eorum affectus in commentarium & historiam redegerit, adde quod exquisita ordinis ratio in conscribendis Consiliis parvi admodum sit momenti: quam ob causam Auctoris seriem immutare nefas duxi, abundeque fuit prædictos morborum indices his subjecisse; quod si mihi laudi non vertatur, satis est tamen quod studio operaque mea in communem usum relata sint. Ceterum aliorum operum seriem & catalogum quibus artem nostram locupletavit idem BALLONIUS, hic non descripsi, neque etiam quod multos fecisse video adscriptorum commendationem, eum magnis encomiis & laudibus celebrandum suscepi, quandoquidem id tentare aut aggredi frustranei laboris videri posset, nam quæ super ea re desiderari, tuumque genium, ingeniumque pellicere & recreare poterunt, abunde & elegantissime in ejus vita ex Libro de illustribus Medicis Parisiensibus desumta, est prosequutus Clarissimus Collega *RENATUS MORÆUS* Medicinæ & Chirurgiæ Professor Regius, summi judicii & exquisitissimæ doctrinæ vir, cujus hoc non mediocre singularis virtutis argumentum est, quod sic alienas virtutes quæ plurimis invidiam aut fastidium pariunt, colat, foveat ac prædicet. Interim si quæ hac in editione errata admissa esse observaveris, quæ typographo aut mihi imputari possent, exemplarium cacographia, frequentes in his obeli, atque huc illuc sparsi asterisci utrumque facile excusabunt: quorum tamen compendiarium congeriem (quod multi solent) non struxi, quod ita levia esse animadvertim ut te remorari non debeant, deinde vero operis venustas & elegantia tali congerie velut deformi aliquo nævo plerumque deturpatur. Itaque (*Benevole Lector*) qui laborem meum ἀνεπιφθότως es observaturus, quidquid mei fuit officii diligenter advertas bonique consulas quæso, eaque ratione audacior factus alterum ejusdem Auctoris Consiliorum librum elegantissimum, aliaque dein præstantissima opera non minoris in medicina facienda utilitatis necessitatibusque propediem excudenda curabo. Vale.



IN DOCTISSIMA CONSILIA  
Medica Clarissimi viri D. D.

G U L. D E B A I L L O U,  
DOCTORIS MEDICI PARISIENSIS  
olim Decani, & antiquioris  
Scholæ Magistri,

H E X A S T I C H U M.

*S* E urgeri fatis cernens *BALLONIUS*, atque  
*Abrumpti vite stamina grata sue:*  
*Nil facitis, Parce, nec enim minus ipse saluti*  
*Humane, scriptis auxiliabor, ait:*  
*O res mira! aliis nam sic dum consulit, ipse*  
*Producit vite stamina grata sue.*

GUIDO PATINUS, Bellovacus,  
Doctor Medicus Parisiensis.

I N E A D E M.

*L* Ucrum alii querant: *BALLONIUS* arte salutem  
*Reddit Consiliisque, omnibus absque lucro;*  
*Hoc Medico amissam desperet nemo salutem,*  
*Consilium semper, fit Medicina, bonum.*

PINEAU.

A P P R O B A T I O.

*H*ÆC Consilia Medica Magistri GUILLELMI DE BAILLOU, Medici  
Parisiensis celeberrimi, erudita oratione & summo judicio conscripta, fruan-  
tur ea qua diutius caruere luce, futura rei Medicæ & ornamento & usui ma-  
ximo. Datum VII. Calend. Junii. Anno M. DC. XXXIV.

Fr. BOVIONIER, facultatis  
Medicæ Parisiensis Decanus.

IN-



# INDEX CONSILIORUM,

Morborum & Symptomatum hoc in opere contentorum. Numerus  
prior Consilium designat, posterior  
paginae faciem.

<b>D</b> E Capitis dolore CONS. 1. pag. 1.	De vermibus & alvi fluore cœliaco & dy-
De Tabe. Conf. 2. 3	senterico. Conf. 30. 60
De turbatis ac cruentis urinis. Conf. 3. 5	De Iliaca passione. Conf. 31. 63
De febre tertiana notha. Conf. 4. 6	De Calculo. Conf. 32. 66
De colico dolore. Conf. 5. 8	De Epilepsia. Conf. 33. 99
De pulmonum phlogosi. Conf. 6. 10	De alvi fluore. Conf. 34. 100
De febre hectica. Conf. 7. 10	De scabie & pustulis. Conf. 35. 106
De fluxione biliosa in scoptula & bra-	De febre tertiana. Conf. 36. 108
chia. Conf. 8. 12	De febre purpurata. Conf. 37. 111
De melancholia Hypochondriaca. Conf.	De melancholia hypochondriaca. Conf.
9. 13	38. 112
De colli ac cervicis contorsione. Co. 10. 14	De hydrope. Conf. 39. 116
De alvi fluore. Conf. 11. 15	De convulsione. Conf. 40. 121
De sanguinis stillicidio ab utero. Con. 12.	De foetore oris & anhelitus. Conf. 41. 125
17	De pulmonum affectibus, & an ad pulmo-
De sanguinis profluvio a partu, Conf. 13.	num morbos quadret tenuis diata. Conf.
20	42. 136
De febre tertiana typum referente. Conf.	De ventriculi gangrana, & sideratione.
14. 22	Conf. 43. 153
De hepatis inflammatione. Conf. 15. 23	De vena sectione in febribus tertianis. Conf.
De duplici tertiana. Conf. 16. 24	44. 154
De febre tertiana. Conf. 17. 25	De Lethargo. Conf. 45. 157
De febre erratica. Conf. 18. 27	De renum calculo. Conf. 46. 176
De febre pestilente. Conf. 19. 29	De sanguinis per os rejectione ex costarum
De febre tertiana. Conf. 20. 30	vulnere. Conf. 47. 172
De visus imbecillitate. Conf. 21. 33	Questionis explicatio; cur multi valde va-
De Asthmate. Conf. 22. 35	letudinarii vivant, alii integre sani, alii
De febre tertiana. Conf. 23. 41	in statu neutro. Conf. 48. 176
De Hydrope. Conf. 24. 44	De capitis vulnere. Conf. 49. 181
De febre cum gravibus symptomatis sin-	De lactis asinini praestantia & dotibus. Con.
gultu & tussi. Conf. 25. 47	50. 183
De doloribus ventriculi. Conf. 26. 50	Questionis explicatio: An qui Gibbi ex A-
De febre continua cum destillatione in	sthmate fiunt ante pubertatem moriantur?
pulmone. Conf. 27. 54	Conf. 51. 186
De doloribus ad sternum & spinalem me-	De renum calculo. Conf. 52. 197
dullam. Conf. 28. 58	De diarrhaea & dysenteria. Conf. 53. 200
De febre quartana cum gravissimo capitis	Da angina. Conf. 54. 217
dolore & lienis affectu. Conf. 29. 59	De cholera morbo. Conf. 55. 228



<i>De fluore muliebri.</i> Conf. 56.	231	<i>De parotidibus.</i> Conf. 90.	336
<i>De cholera morbo.</i> Conf. 57.	232	<i>De quartana febre leipothymia implexa.</i>	
<i>De alvi fluore in muliere gravida.</i> Conf.		Conf. 91.	ibid.
57.	236	<i>De hepatis phlogosi.</i> Conf. 92.	339
<i>De singultu febris superveniente.</i> Conf.		<i>De precautionē febris lentæ &amp; destillationis</i>	
58.	ibid.	<i>in pulmones.</i> Conf. 93.	341
<i>De febre purpurata.</i> Conf. 59.	245	<i>De Arthritide.</i> Conf. 94.	342
<i>De Epilepsia.</i> Conf. 60.	260	<i>De Gonorrhœa virulenta.</i> Conf. 95.	356
<i>De Elephantiasi.</i> Conf. 61.	269	<i>De febre lenta symptomatice.</i> Conf. 96.	358
<i>De fluore uterino.</i> Conf. 62.	270	<i>De pleuritide notha.</i> Conf. 97.	360
<i>De volvulo.</i> Conf. 63.	273	<i>De Ischiade.</i> Conf. 98.	364
<i>De febre quartana.</i> Conf. 64.	278	<i>De Carcinomate uteri.</i> Conf. 99.	365
<i>Explicatio trium questionum quarum 1.</i>		<i>De destillatione in pulmones.</i> Conf. 100.	366
<i>est de hypnoticis. 2. de usu medicamen-</i>		<i>De febre continua.</i> Conf. 101.	ibid.
<i>torum prapropere vena sectione in fe-</i>		<i>De Dysuria.</i> Conf. 102.	367
<i>bribus quibusdam. 3. De ratione pur-</i>		<i>De Mola &amp; fluore uterino.</i> Conf. 103.	368
<i>gandi macilenta corpora.</i> Conf. 65.	286	<i>De Animi defectione.</i> Conf. 104.	ibid.
<i>De fluore uterino.</i> Conf. 66.	292	<i>Ad facilem uteri gestationem.</i> Conf. 105.	
<i>De febre Hectica.</i> Conf. 67.	294	369	
<i>De Gonorrhœa virulenta.</i> Conf. 68.	295	<i>De ulcere in regione pubis.</i> Conf. 106.	ibid.
<i>De febre erratica.</i> Conf. 69.	296	<i>De urina incontinentia.</i> Conf. 107.	ibid.
<i>De Hydrope.</i> Conf. 70.	298	<i>De visus imbecillitate.</i> Conf. 105.	370
<i>De febre maligna.</i> Conf. 71.	301	<i>De quodam qui per tres menses integros la-</i>	
<i>De febre maligna.</i> Conf. 72.	303	<i>borarat, ut tanta diuturnitatis causa in</i>	
<i>De convulsione &amp; complicatis uteri affe-</i>		<i>medicos referretur.</i> Conf. 106.	371
<i>ctibus.</i> Conf. 73.	304	<i>De febre quartana, Arthritide &amp; variis</i>	
<i>De pleuritide.</i> Conf. 76.	308	<i>affectibus.</i> Conf. 107.	375
<i>De febre semitertiana.</i> Conf. 77.	309	<i>De febre maligna.</i> Conf. 108.	388
<i>De sanguinis sputo.</i> Conf. 78.	314	<i>De Cordis palpitatione.</i> Conf. 109.	390
<i>De febre typhode.</i> Conf. 79.	317	<i>De febre continua cum gravissimis sympto-</i>	
<i>De Gonorrhœa virulenta.</i> Conf. 80.	318	<i>matis.</i> Conf. 110.	399
<i>De febre Affode.</i> Conf. 81.	319	<i>De febre continua &amp; destillatione ferina.</i>	
<i>De hepatis inflammatione.</i> Conf. 82.	320	Conf. 111.	411
<i>De febre continua cum eruptione paroti-</i>		<i>De Hypochondriorum phlogosi.</i> Conf. 112.	
<i>dum.</i> Conf. 83.	ibid.	414	
<i>De febre continua.</i> Conf. 84.	ibid.	<i>De febre continua horrida &amp; destillatione.</i>	
<i>De febre continua cum gravibus sympto-</i>		Conf. 113.	419
<i>matis.</i> Conf. 85.	321	<i>De Capitis dolore.</i> Conf. 114.	421
<i>De febre maligna.</i> Conf. 86.	325	<i>De febre semitertiana.</i> Conf. 115.	428
<i>De febre maligna.</i> Conf. 87.	327	<i>De febre &amp; dentium dolore.</i> Conf. 116.	433
<i>De destillatione in pulmones.</i> Conf. 88.		<i>Encheiridion sanitatis D. Henrico Hervil-</i>	
329		<i>leo, in miliciam profecturo prescriptum.</i>	
<i>Questionis Explicatio. Cur exigua puris</i>		Conf. 117.	435
<i>excretionē animus facile deficiat?</i>		<i>De febre continua.</i> Conf. 118.	ibid.
Conf. 89.	231	<i>De vermibus.</i> Conf. 119.	438



# I N D E X

## APHORISMORUM HIPPOCRATIS

qui hoc in opere explicantur.

<b>E</b> xplicatur Aphorismus 5. libri 7. a furore habito, &c.	pag. 99. 230.
Explic. Aph. 44. libr. 6. quibus ex stillicidio urina.	64.
Explic. Aph. 65. lib. 5. quibus tumores in ulceribus apparent, &c.	209.
Explic. Aph. 45. lib. 2. quicumque pueri morbo comitiali laborant, &c.	121.
Explic. Aph. 64. lib. 5. lac dare, &c.	184 & sequent.
Explic. Aph. 23. lib. 4. quibus ex morbis acutis aut diuturnis vel ex vulnere- bus, &c.	173.
Explic. Aphor. 3. lib. 6. in longa dysenteria averfio ciborum, &c.	208.
Explic. Aphor. 28. lib. 2. febricitantibus non omnino leviter, &c.	158.
Explic. Aphor. 6. lib. 2. qui parte laborant aliqua, &c.	167.
Explic. Aphor. 69. lib. 5. mulieribus rigores ex lumbis, &c.	209.
Explic. Aphor. 46. lib. 6. qui gibbi ex asthmate, &c.	186.
Exp. Aph. 34. lib. 4. si a febre habito tumore non existente in faucibus, &c.	224.
Explic. Aphor. 26. lib. 7. in forti dolore ventris, &c.	234.
Explic. Aphor. 34. lib. 5. si gravida alvus fluat, &c.	236.
Explic. Aph. 8. sect. 2. Prorrh. corporis partes extima si celeriter mutantur, &c.	251.
Explic. Aph. ultimus lib. 5. icterici non valde flatuosi, &c.	395.
Explic. Aphor. 43. lib. 4. quoquomodo febres intermiserint, &c.	403.
Explic. Aph. 30. lib. 2. circa initia et fines omnia imbecilliora, &c.	ibid.
Explic. Aphor. 9. lib. 7. a profluvio sanguinis desipientia, &c.	240.
Explic. Aphor. 13. lib. 6. a singultu habito sternutamentum, &c.	239.
Explic. Aphor. 22. lib. 1. cocta medicari, &c.	102 & 378.
Explic. Aphor. 65. lib. 4. in febribus circa ventriculum aestus, &c.	381.
Explic. Aphor. 73. lib. 4. quibus Ilia obmurmurant, &c.	276.
Explic. Aphor. 3. lib. 7. a vomitu singultus et oculorum rubor, &c.	239.
Explic. Aphor. 71. lib. 5. quibus cutes circumtenduntur, &c.	106.
Explic. Aphor. 6. lib. 7. in morbis longis ἀποσιτία.	106.
Explic. Aphor. 18. lib. 4. dolores supra diaphragma, &c.	103.
Explic. Aphor. 41. lib. 4. sudor a somno multus, &c.	110.
Explic. Aphor. 6. epid. melancholici fiunt epileptici et contra, &c.	115.
Explic. Aphor. 9. lib. 4. melancholici fortiter purgandi, &c.	103.
Explic. Aphor. 56. lib. 4. sudor superveniens febrem non solvens, &c.	110.
Explic. Aphor. 38. lib. 4. ubi sudor ibi morbus, &c.	110.
Explic. Aphor. 67. lib. 4. ex somnis timores in febribus, &c.	116.
Explic. Aphor. 14. lib. 2. Prorrh. faciei color bonus et mastitia, &c.	382.
Explic. Aphor. Coac. coloris bonitas et sudores, &c.	280.
Explic. Aphor. Coac. cholera morbus leipyriam solvit, &c.	230 & seq.
Explic. Aphor. Coac. in potibus submurmurant, &c.	218.
Explic. Aphor. 8. lib. 3. Prorrh. quibus lumborum labores γριφόμενοι.	233.



BENEVOLO LECTORI  
 G U L I E L M U S  
 DE BAILLOU,  
 DOCTOR MEDICUS  
 P A R I S I E N S I S S. D.



**S**i ut cujusque est ingenium, ita se limet ac exercent, præclare de se mereri videtur. Et quum exercendæ industriæ excolendive ingenii duplex omnino sit ratio, una dum privato studio addicti in communem utilitatem nihil afferimus, ac si in se ipsa res verteretur, altera dum studiorum nostrorum partem cum aliis communem esse volumus, ut hæc ab illa longe diffidet, ita utilitatis & laudis quæ ab alterutra redit, alia atque alia ratio existit. Qui privatis in studiis sese abdit, majorem ætatis suæ partem in iis occupans, quum secum ipse vivat, sibi soli natus videtur. Cui melior inest animus eximia cujusdam immortalitatis opinione imbutus, is privati sui otii, cui se adjecerat, fructum longe fluere ac manare volens, ad alios quoque vult pertinere: Sui enim conscius est miseram se alias vitam propagare, nisi quæ ipse apud se commentus est & in unum contulit, eorum alios participes esse velit. Quod quidem ab re non videtur. Nam in iis qui secum ita vivunt exilis admodum est immortalitatis opinio: in iis contra quos publici nominis desiderium ac amor tangit, augustum aliquid ac florens existit. Et qui umbra & otio delectati falsa temporis usura abutuntur, tametsi excellentem animo litterarum impressam effigiem tenere se existiment, nullo laudis aculeo pungi videntur, quum illam non exprimant, alioqui non ita publicam utilitatem defererent ut privatae serviatur. Quum vero nulla laudis spe ducantur atque alantur, eos nihil aut parum salis ac humani habere judicandum est. Illis pectus refrigescit quum hoc nullus laudis ardor inflammarit, quod stolidissimum quemque frigidissimumque hominem incendere ac incitare possit. Nimium illis scilicet æger est animus, ut quibus non sint stomachi delicatissimæ epulæ quas laus subministrat, quæque acerbitem omnem condire possint ac mitigare. Frustra tot præliorum dimicationes bellicosa sustinisset Antiquitas, in qua priscum semper aliquid ac nitidum apparuit quod in publicam rem redundaret. Frustra arbores sevisserent sæculo alteri profuturas, in excolenda agricolatione tantam operam posuissent: Nec minus ridendi essent qui seposita omni rerum domesticarum cura in publicæ utilitatis studium sese conjicientes libris de re quavis editis & miro artificio limatis claruerunt. Inanis eorum



rum omnis foret industria nisi quum rebus illis arduis ætatem suam tererent ; simul etiam admirabilis cujusdam immortalitatis opinione , & laudis nullo marcere exstinguendæ incredibili exspectatione sese sustinerent ac recrearent , quod qui negat , suam ipsius inertiam abunde declarat . Quod eo animo dictum acceptumque velim , ut & instituti nostri consilium intelligatur , & hominum sibi solis consulentium pessima mens condemnetur . Novimus qui tametsi publicis scholis multum profecerint , tam male tamen de Publica re mereantur , ut nil novum cudere , nil scribere , nil in ordinem redigere velint . Non hos laboris vigiliarumque piget , sed quum multa studio contigerint , nonnulla aliena industria collegerint , piget tamen eorum partem aliis communicare , quorum hæc ratio est jejuna admodum & angusto ingenio digna . Quid attinet me nonnullam operam ponere in iis enucleandis evolvendisque quæ multa sunt apud me aranearum & tinearum ludus & esca ? si quid tale velint posterius , laborent , assequantur , nolo meam industriam illis inertiae desidiaeque occasionem dare ; belluinum hoc & libero homine indignum . Si hoc jure nobiscum egisset antiquitas , si immensum artium proventum invidisset , langueremus nunc omnes ac frigeremus . Quicquid agimus , scribimus , excogitamus , id non est novum , sed veterum inventis addimus tantum atque amplificamus . Melius multo de nobis meruit Antiquitas quæ nullum non sustinuit laborem ut multa undique quæreret , ingenio & industria excoleret , quod in commodum nostrum verteretur . Immo in eo consumuntur eorum industriae & curæ , ut posterorum supellex instructior locupletiorque illorum labore reddatur . Quo fit ut nos majorum conatus proxime imitati succideremus nonnullam temporis partem quam in hunc librum conferremus ac conjiceremus . Si quid enim aut ingenio nostro quæsiverimus , aut aliorum industria collegerimus , id ipsum huc contulimus utilitatem non omnino poenitendam aliis allaturum . Sic nulla infamiae aut socordiae nota nostro nomini hærebit , ut iis contigit qui aut quum se desidiae dediderint , omnem laborem detrectant , aut quum multa alias habeant diffusa , dispersaque quorum nonnullus esset fructus , si in vulgus ederentur , nolunt tamen laborum suorum partem cum aliis communem esse . Quod quum brutum sit ac inhumanum , inde longe nobis recedendum arbitramur : si quid hic sit lectione dignum , hoc pro arbitrato utere : sin autem , aliquid afferes limatius ac excogitatum magis quod nos qui hujus rei inventores dici volumus , amplectamur . Vale , & iis qui publico nomine laborant magnam gratiam habe .  
 Lutetiae Parisiorum . Idibus sextilibus 1572.






# GULIELMI BALLONII

MEDICI PARISIENSIS CELEBERRIMI,  
CONSILIORUM MEDICINALIUM  
LIBER PRIMUS.

CONSILIUM PRIMUM.  
DE CAPITIS DOLORE.  
AD DOMINUM ANDREAM GUILLARDUM,  
*Regium in Consilio Secretiore Consulem.*



ET ERGAS partium infirmitates etsi omnino non tolluntur, leniri tamen solent ac mitigari. Eas autem jam vestigia pressisse, ac jam-pridem inveterasse argumento est, quod quum sopitæ extinctæve judicentur, eæ veluti postliminio redeunt, sæpe acerbius quam alias nos exerceant ac fatigent; sive, quod fere fit, externa aliqua causa adsit quæ ignaviam morbi exsuscitet, sive ab humoribus qui intus ignavi residesque latent, dolor hic redintegrandi sui causas principiaque ducat. Inter affectiones, quæ in hominum genus maximam partem sæviunt; sunt capitis dolores, & ventriculi infirmitas. Hic quidem, quoniam vel ob usum medicamen-



torum quibus maxima hominum pars imprudentius addicitur, vel ob esculentorum potulentorumve varietatem, alteratur ac elanguescit; cerebrum autem, quod pars sit externarum injuriarum procellis maxime exposita, & internis affici solita, quum instar cucurbitæ inferne sursum errabundos vapores attrahat. Ac præ ceteris quidem nuper apud me questus es de vete-  
 re capitis infirmitate, quam hemicraniam appello, quæ stata rataque periodo caput exerceat; unde capiti conflata comparataque imbecillitas, ut leviuscula de causa in subjectas partes illinc tamquam a fonte scaturientes humores præcipites ferantur. Quinetiam a catarrho in fauces, deinde in pulmones melius, quod uberrime saliva in os recurrat, idque quum alias, tum maxime dum hemicrania repetit, quæ sua periodo ratoque circuitu in alteram tantum capitis partem tyrannidem exerceat. Sed ut pluribus paucis ante diebus edisserui, non tam a capite residua hæc superfluaque materia dimanat, quam a ventriculo, ab hoc nimirum resudante tenui fero in os ob consensum ventriculi cum cerebro, quasi ventriculus qua data porta exoneret sese, eo quo mirum in modum vexatur, excremento. Quamquam imbecilla maleque affecta pars est; non prius tamen morbus revirescit, quam a causa aliqua externa vis ac impressio inferatur. Unde pertinaci studio, cura, sedulaque in rem aliquam animi contentione, aut ejusdem perturbatione, quum alioqui sedatus tranquillisque esset, vetus infirmitas detegitur ac invalescit. Sed in eo demum virtutis & temperantiæ significatio maxima est, qui causis illis quæ morbos excitant, occurrit, ut suo sibi Marte perniciem conciliasse non judicetur. Et in potulentis, esculentisque moderatum se præbendo, & in animi perturbationibus quietum ac equabilem, & in aliis id genus temperatum. Ægrè fers admodum, quòd liberum in litterarum quarum mirum in modum desiderio elanguescis, studium incumbere non permittat aut parata in oculos fluxio, quæ te ea re frui vetat, quam cum vita eandem æstimas; aut hemicrania, quæ longo annorum flexu confirmata in caput tuum jus, ut sic dicam, vindiciarum habere videatur. Si quid consilio possum, censerem jecinoris & ventriculi statò tempore rationem habendam esse. Quantum mente ac ratione colligo, duæ illæ partes accusandæ sunt, ut jampridem illustrium Medicorum qui tibi fecere medicinam tacitum consilium videtur indicasse. Eorum enim omnis ratio & industria in eo versata est, ut intemperiem jecinoris calidam emendarent, ventriculo robur ac firmitatem conciliarent. Sed & illud addo, corpus tuum jam ad melancholicum statum videtur divertere, non tam ratione curarum quibus opprimeris, quarum tamen moli ac magnitudini erecto animo resistis, quam ætatis descriptione & annorum flexu. Hoc enim jampridem Hippocratis auctoritate testatum est, corpora biliosa ætatis decursu quum perspiratione carent, melancholica effici. Supprimitur enim humor qui per extima cutis diffilari debuisset, biliosusque humor exassatur, unde in melancholicum succum facile degenerat. Itaque quum constet hepatis vernaculam esse intemperiem quæ demum variorum affectuum tamquam fomes ac seminarium existat, illa primum corrigetur. Optime ad eam rem consultum

*Sectio. 6.  
 l. 6. epid.  
 2. Gale-  
 nus Com.  
 in Apho.  
 15. lib. 3.  
 Aphor.*



videretur si syrupus ad hanc formam concinnaretur: *℞. succorum endi-* Et 2. de  
*via, scar. borrag. depurat. an. ℥ iii. succi summitatum lupul. ℥ j. succi* diata a-  
*pomor. de curtip. ℥ iii. succi granat. ℥ ii. sacchar. candidi & communis par-* cutorum.  
*tes equales quod sufficit; fiat syrupus coctus, calo astuante in usum reduc.* Item cap.  
 Loco hujus syrupi in pharmacopœorum officinis asservatur syrupus e ci- ult. lib.  
 cho compositus cum rheo. 2. Non videberis operæ multum pretii fa- de con-  
 cturus si medicamentis purgantibus corpus assuescat. Nam quum illis suet.  
 nulla amicitia cum corpore intercedat necessitudo, ab iis corpora alteran-  
 tur ac deteruntur. Deinde in pravam consuetudinem adducuntur; desue-  
 scere autem non facile est, aut non commode id fit. Humores enim qui  
 desides in corpore diu restiterunt, & qui de sanitatis gradu nondum de-  
 jecerunt, semel moti ac concitati deteriores redduntur, quam ipsi fuerunt  
 dum quiescerent. Potes cassia fistulari contentus esse admisto rheo. At  
 ventriculo consultum oportet sumtis statò tempore pilulis aliquot, quibus  
 non tam ventriculi repurgandi, quam ejus confirmandi facultas concessa  
 sit. Conferent pilulæ ex aloe initio pastus, nisi hæmorrhoidum fluxui sis  
*obnoxius. Conferent eæ pilulæ sub ea forma. ℞. mass. pilul. de aloe ℥*  
*j. aggreg. ℥ ii. cinamomi interior. grana vi. cum aqua bugloss. infus. gra-*  
*nor. vi. mastich. fiant pilul.* De cerebro quoniam ita quereris, rationis  
 est earum partium curam rationemque habere. Quæcumque enim labe  
 contingit, ea ad inferarum partium morbum ac infirmitatem transfere-  
 tur. Plura multo sunt quæ in eam rem conferri possunt, sed malo de-  
 sideres, quam minus copiose accomodateque ea a me explicari ac per-  
 tractari. Parisiis Calend. Februar. 1571.

## CONSILIUM SECUNDUM.

*Pro Jano Guichomio ad Tabem vergenti.*

**Q**UUM vigil astitisses Illustri hero tuo ministraturus, plethoricis sym-  
 ptomatis cerebrum fetum plenumque relictum est, unde perenni de-  
 fluvio in pulmonibus labe contracta est. Eo quoque aliquid contulisse vi-  
 detur consuetudo assidua cum hero phthisico, cujus halitus potest ad alios  
 venenatam mali qualitatem traducere. Hoc enim jampridem veterum au-  
 ctoritate confirmatum est. Ergo inveterata jam in pulmones fluxio est, &  
 quæ pulmones jam affecerit labe nulla arte eluenda. Verum, quod non-  
 dum artuum corporisque universi macies contracta sit, id arguit nondum  
 confirmatam phthisin esse, sed aliqua industria ac arte elevari posse: Ma-  
 lum hoc funditus tolli posse si quis asseveret, aut effecturum se pollicea-  
 tur, fraudem is faciet ac decipiet. Duobus modis occurri potest; uno, si  
 quam maxime poteris legitimam victus rationem servaveris: altero, si per  
 intervalla levibus medicamentis te accommodaveris, quæ paullo post descri-  
 bam. Hæc autem in victu rata firmaque sunt, somno diuturno absti-  
 nebis,



nebis , ac præcipue meridiano ; frugalis cœna esto , jurulenta parca erunt , jentaculum solo pane constabit , potus nullus esto : Vini usus huc non confert , quum multis abſtinentia vini ſanitatē reddiderit . Quoniam tamen abſtinere omnino difficile eſt , metuendumque ſit , ne circumciſus vini uſus ſtomacho imbecillitatem pariat , aqua primo hauſtu in paſtu ſumetur , ut viſcera ſuperiore abſtinentia paulum reſiccata , raptō ad ſeſe primo hauſtu humeſcant , nec incaleſcant . In aqua incoquantur myxaria , dactyli , pruna . Quod ad medicamenta , valentiorum uſus parum tutus , malum enim inveteravit ; at blandiorum .

„ *℞. Caſſ. ℥ j. Diaphœ. ꝑ iii. cum Elect. Diatrag. & pulp. zizyphor.*  
 „ *fiat bolus : aut hic potus . ℞. Decoct. pector. ℥ iiij. in quibus incoquantur*  
 „ *folior. ſenæ ℥ iij. ſeminis fœnicul. ℥ j. ſ. in expreſſ. infund. agar. troch.*  
 „ *ꝑ iii. in expr. diſſ. cath. & ſyrup. e bech. an. ℥ vj. Diaphœnicon. ℥ j.*  
 „ *fiat potus .* Nec vero abunde erit capiti conſulere , ſed & humoris in pulmonem illapſi ratio eſt habenda . Eo conferet hic linctus .

„ *℞. Elect. diatragacant. frig. ℥ j. ſacch. candi pulver. diaireos , an. ℥.*  
 „ *ij. penidiar. ℥ j. ꝑ. looch ſani ℥. ꝑ. cum ſyrup. myrtino , aut de hyſſ. fiat*  
 „ *linctus . ℞. confeſt. de rebecca ℥ j. utatur ſæpe . ℞. looch ſani & exper-*  
 „ *ti ℥ iij. utatur cum baculo glycyrr. Veſperi cubiturus uteris opiata . ℞. pul.*  
 „ *elect. diatraga . ℥ vj. boli arm. ℥ j. ꝑ. conſer. roſar. veter. ℥ j. ꝑ. cum ſy-*  
 „ *rup. de papav. fiat opiata .* Hordeata plurimum conferent . Nec eſt quod frequenter iis remediis te fatiges , eorum enim uſus incidet maxime in magnis temporum mutationibus . Vere appetente venæ ſectio plurimum utilis erit . In aurora conandum eſt expectorare ea quæ in pulmonibus contenta erunt : depexis in poſteriora capillis commode adhibebuntur ſacculi ex milio & furfure . Commode in ore verfabuntur grana maſtiches . Deinde excipiendus fumus hoc pulvere in prunas injecto .

2 *℞. Nigel. Rom. ℥ iij. pulv. roſ. ℥ ij. thuris ℥ j. maſtich. ℥ ꝑ.* His remediis non priſtinam ſanitatē , quam non pollicemur , ſed longiorem jucundiorēve vitam promittimus .

#### A N N O T A T I O .

2 Fortaſſe ſuffitus ex aromaticis quales hic & a medendi peritis præſcribi ſolent non conveniunt in affectibus *πευματιχοῖς* capitis : in his enim ſemper conjuncta eſt gravitas , hanc autem adaugēt plurium aromatum ſuffitus . Nam calida omnia , ſuperiora facile petunt , fumis caput opplent . Gal. *comm. in aphoriſm. 28. lib. 5.*



## CONSILIUM TERTIUM.

*Ad consulem Regium turbatas ac cruentas urinas excernentem.*

**R**ENUM affectus maximam partem jure hereditario ad posteros perveniunt, ut & earum partium quibus commune publicumque officium a natura demandatum est, sic nimirum quibus cerebrum imbecillius est, ii ad posteros id vitii transfundunt, ut quemadmodum bonorum sic & morborum heredes constituentur; in ceteris lithiasis hereditaria esse solet, quod semini impressa sit dispositio a qua affectus principia causasque ducat. Vita tamen institutum plurimum ad hanc aut illam partem confert, ut nativa dispositio corrigatur; vel ut depravata victus ratione pravorum humorum proventus in corpore fiat, unde lapidis generatio & soboles consequatur. Affectus quo non ita pridem conflictaris propter insolentiam mirum in modum terruit te, quum nulla haecenus rudimenta ejus exstiterint. Doloris tamen species, situs, urinæ quoque ipsæ male affectorum renum locuples satis argumentum reliquerunt. Non quin a superis quoque partibus aliquid deerrare possit, ita enim quæ loco supero sitæ sunt partes, in eas sua onera deponunt, quæ inferiore sitæ sunt, quæque excipiendis totius corporis excrementis dicantur. Urinæ arguunt renum affectus, eosque indicant: illac enim trajciunt ac si quid præter naturam contineatur, devehunt ac in matula ostentant. Arenosæ apparuerunt primum quæ contentum necessario in renum cavis calculum non arguunt, sed quum vi naturæ deturbentur dejicianturve, generationi lapidis occasiones præripiunt. Alioqui metus foret ne si illic diutius resisterent, in lapidem tandem cogerentur ac coagmentarentur. Cruentæ postea, ac *ταραχώδεις*, & ad nigrorem divergentes excretæ sunt, quæ lapilli contenti occasionem, vel opinionem potius fecerunt, quum sæpe ejuscemodi excernantur attritu collisive rei duriuseculæ renem deterentis. Nam quum corpus id carnosum sit, facile patitur. 2. Quamquam & ab hepate, & a liene præsertim nigrore aspersæ excerni possunt, quum eo loci exassentur aduranturque humores, qui postmodum cum reliqua humorum colluvie defluentes novo colore urinas imbuant ac intingant. Tamen sive a renum pressu attrituve res ita evenerit, sive aliunde raptus humorum fiat in renes, unde & gravitatis sensio adest, quæ lapidem contentum ementiatur, consulendum tamen renibus, ut & non ita facile excipiant onus aliarum partium amandantium a se se excrementa, si hoc aliunde eveniat, sive a propria ipsius renis imbecillitate & morbo id contingat. Id ut apte commodeque fiat, derivandus est alio humorum cursus qui præcipientes in renem male affectum ruunt. Quod usu syrupi hujus solemnis facile consequeris, præsertim quo tempore Luna silet.

*℞. Scariol. acetos. plantag. an. m. j. endiviæ, agrim. lupul. an. m. ℞. foliorum viol. & malvæ an. m. j. bismal. m. ℞. Quat. semin. frigid. maj. semin. endiviæ an. ℥ j. passul. glycyrr. an. ℥ ℞. sebest. 4. Caricas tres, sum-*  
*Ballonii Opera Tom. II. A 3 mitatum*



*mitatum urtica mollis m. ℥. fol. senæ ℥. j. ℥. polyp. & semin. carth. an. ℥. j. corticis myrob. citrin. & tamarin. an. ℥. j. fiat Decoct. ad lib. j. in col. diss. sacch. quart. iij. express. ℥. j. ℥. rhei & ℥. s. agar. maceratorum in succo end. cum ℥. j. sant. citr. & ℥. ij. cinn. fiat syrup. coctus. cap. ℥. j. ℥. inter- lunio Lunæ, cum decocto glycy.*

*℥. Diatrag. frig. ℥. ij. cap. frequenter. ℥. ung. refriger. Gal. aut ro- sati Mesue ℥. ij. pro litu regionis renum.* Interdici debet usus eorum quæ movendarum urinarum facultate pollent, nam ea ad renes materiam deve- herent, & ita obstruerent, unde malorum incrementum, ideo perperam & ignorata rerum natura plerique audito lapidis nomine, aut renum affectus statim ad vinum album & diuretica concurrunt, ignorantes cautius uten- dum esse vino albo, præsertim quum corpus scatet excrementis: Hæc enim usu eorum quæ tenuitate partium prædita sunt, in renem affectum conve- hunt, nataque inde obstructio mirum in modum lædit, efficitque ut mor- bus quasi redivivus capiat incrementum. Exercitationis magnæ sunt oppor- tunitates ad præcautionem, & curationem calculi; sed hic consideratos es- se oportet, ne aut intermissione exercitationis propriique officii corpus igna- vum reddatur, vel exsolvatur, unde magna crudorum humorum copia con- geratur, aut vehementiore agitatione humores agitentur, unde sursum, deorsum ac in omnem partem impetu facto, tandem eæ onerentur partes quæ imbecillitate aliqua fatiscant. Quomodo affectu renum tentati nimia exercitatione sæpe dolores magnos experiuntur. Videndum ne curiosa nimis & accurata ciborum varietas obsit. Nam varii inde humores generantur qui naturæ conficienti plus facessunt negotii, quam si res uniusmodi usu ve- niant. Quoniam autem renes semel affecti aliis atque aliis exercentur mor- bis, unde eorum successio contingit, æstuante calo ad lac asininum confu- giendum: hujus eximie sunt dotes quum accomodate usurpatur, ita præ- posterum ejus usum magna incommoda consequuntur. Quod facile magno usu apparebit. Calend. Martij 1571.

### A N N O T A T I O.

2) *Simile quid observavit Hipp. in Herophonte, qui licet nigra minxis- set, convaleuit, lib. 1. Epid. sect. 3. & Gal. sub finem lib. 5. de locis affect. inter cetera ea de re commemorabilis locus est apud Aetium, tetrabibli 3. serm. 3. cap. 3.*

### CONSILIUM QUARTUM.

*Pro Nobili puella Lodoica de Herville.*

**I**LLUSTRIS virgo febre prehenditur quæ typo tertianam refert, sed quod & paroxysmi in noctem inciderent, & quod longiores forent, esse



esse notham spuriamque febrem tertianam inferebat . Eo quoque contulit verna constitutio calida , sed tepens . Corpore erat satis male affecto , & foedis coloribus deturpato , sed illam insitam innatamque habebat corporis imbecillitatem ; adeo ut toto febris cursu impura humorum colluvies emanaret , locuples congestæ cacoehymiae & in dies succrescentis argumentum . Sic potulenta esculentaque omnia corrumpebantur : sic hæctica quædam corruptela & diaphthora conjiciebatur . Exactis diebus tredecim ( qui septem circuituum terminus erat ) quum & sudores erupissent , & alvus abunde lata foret , immo fluxus quidam diarrhœicus terrore magno apparuisset , sed hic quam primum repressus est , quod non excernerentur quæ excernenda erant , idque magno totius corporis incommodo fieret ; tamen quasi redivivus repetiit , & ad tertianum paroxysmum auctarii vice adjectus & alius ut duplex tertiana existeret . At esse mirum oportuit , quod excretæ materiæ copia malum non terminarit , sed ne minuerit quidem . Quod in omnibus morbis malum . Dubitatum est num secanda esset vena ? Aliis non placuit hoc remedium , quod juvencula , imbecilla , corpore admodum difflabili , materiaque non tam in venis contenta , quam in mesenterio , in quo magna obstructionum copia contineatur . Aliis secus visum est , qui experientia norint in febribus ab obstructione natis præsens remedium afferre venæ sectionem . Itaque omissum remedium hoc . Potuit tamen usurpari , quod febris nulla appareret vacuitas finitis paroxysmis , impresso nimirum partibus solidis calore . Morbus diuturnus , partim securus , partim vero non apparebat ; diuturnus quidem quod maximam partem accessiones in idem tempus inciderint , & eodem desierint : quod ex Hippocratis mente morbum fore longum significat . Securitatem autem designabat accessionum statata periodus & repetitio ; ex ejusdem enim sententia periculi immunitas est cum intermissione quocumque modo illa sit . Nam & malignæ humorum putredinis & inflammationis metus abest ex mente Interpretis . Itaque febris ex se quidem securitatem pollicetur , sed ratione subjecti patientisque corporis non item , quod viscerum magna impuritas subsit fortasse & diaphthora . Et duorum alterum consequi est necesse , vel ut in longum tempus morbus producat , vel hæctica quædam symptomata consequatur . Illud enim observatum est a venarum mesaraicarum obstructione nasci febres hæcticas , quæ diu sine sensu magno ægros exercent . Eoque initi consilii extremum pertinuit , ut agarico & folliculis obstructionum libertas quæreretur . Nam quæ excernuntur viridia , flava , & varii coloris recrementa , ea non minuunt paroxysmos , quod arguit id non excerni quod excerni debuit , unde natura opprimitur tantum , sed non allevatur .



## CONSILIUM QUINTUM.

*Pro Coquo Domini de Roissy, colicum dolorem pati se  
asserente.*

**I**NCREDIBILE dictu quāntis doloribus venter imus torquēatur. Ac sæpe exercent in ea parte dolores quos frustra, multis adhibitis remediis sive ea assumantur, sive adhibeantur, solvere aut lenire cogitabis. Injectis clysteribus non solvuntur, medicamentis paullo vehementioribus irritantur. 2. Primus nostra memoria Fernelius observavit sæpenumero cruciatus excitari, qui quadam similitudine & vehementia colici nuncupantur, quibus tamen non in colo intestino sedes est, sed vel in peritonæo, vel in membranis quæ abdomini ventrisque partibus obtenduntur. Non clysteribus, non medicamentis leniuntur. Eorum materia aut flatus est, aut acer æruginosusque humor, qui quum diu restagnans in visceribus restitisset, tandem inusitatam viam in abdominis spatium aut in peritonæum sibi patefacit. Et hæc in diuturnis febribus contingunt. Quippe natura depulsionem materiæ crissimque in alvum molitur; & quum nusquam expeditam viam nanciscatur, humorem illum è venis ac visceribus in membranas avertit ac derivat. In quatuor aut quinque id ego deprehendi, qui quum dies aliquot febre conflictati fuissent, aut quod ejus diuturnitatis eos tæderet: aut quod quum primum natam febrem rescindere ac jugulare cogitarent, inito cum mulierculis, aut præstigiatoribus circulatoribusque hominibus consilio, motum impetumque materiæ impediverunt. Et quum ea inducias aliquot dies dedisset, resumtis collectisque viribus, jam demum recens furibunda quaquaversus sese insinuat, unde dolores priore morbo deteriores exsurgunt. Ac ut ceteros omittam, Nicolaus du Saussay memorandus hic. Hic febrem tertianam sustinuerat: remedia neglexerat, sero tamen neglecta usurpavit. Habitu erat melancholico, putri, aut saltem pessime affecto liene. Quum febris quievisset, octavo post die adstricta alvo, in stomachi capacitate flatum sensit. Pauculo post tempore paullo contractius malum fere superius orificium occupavit, ac si hic punctum esset aliquod: circa pectinem ad extremum musculi recti altera doloris sedes, præterea circa renem sinistrum; non quia meo judicio materia diffusa esset magis, sed in particulis his magis elucebat. Pulsus parvus; sudores, ac veluti animi defectiones; urinæ flavæ ac sedimentum nigricans divulsumque: (sed tales urinas in melancholicis, & quibus affecta viscera sunt observavi) pugnatur cardiacis, nil profectum. Ita exactus dolor, ac velut superficiem attingens, ut minimum digitorum appulsus, immo ne rarissimi lintei ferre posset. Descendit in balneum, adhibiti litus, fatus, medicamenta vomitoria usurpata, nil profectum. 2. Imo sæviebat magis dolor. Visus est toxico infectus. Ac ejus rei magna erant argumenta: duodecies repurgatus; & hic blandis pri-



Primum agendum est, nec incepto desistendum. Quum vires languere viderentur, secta fuit vena dextra, allevatus paullum, malum recrudit iterum. Exhibita sunt iterum medicamenta, secta vena sinistra, allevatus; ex intervallis data narcotica, somnum inire nequibat. Sed an hic sectio venæ utilis? Nullus pene est qui a secanda vena non abhorreat, quum dejectæ sint vires admodum. Præsentissimum tamen remedium, quod materia a centro per metastasim ad habitum corporis viam affectat, & quum illic restitet, potest educi sectione venæ. Siquidem tenuis fuisset, per insensilem transpiratum, aut sudores efflasset: sed quum crassa foret, medio quasi itinere objecta veluti mora resistens, membranas ferit atque divellit. Lutetiæ Parisiorum mense Majo 1571.

## A N N O T A T I O.

2. In aliorum scriptis hoc nondum observavi. Fernelius vocat colicum dolorem non legitimum: dolor non est erraticus, sed in imo ventre fixus manet, & intolerabilis est, fotibus paullum quiescit, sed multo savior repullulat; immo Io. Fernelius ait eum dolorem aliquando tertianarum febrium (quibus aliquando succedit) modo, repetere ac exacerbari. Non est quod hujus rei inventa gloriam sibi decernat Fernelius: Nam & Hippocrates aliquid simile in Coacis videtur observasse. Verba quidem obscura sunt, sed tamen idem subindicasse mihi videntur: dolores, ait, ex lumbis diuturniores qui febre exacerbantur τετανογενῶς, similiter tertiana febris, vel in modum quemdam tertiana febris, grumosum sanguinem egerere faciunt: Hoc enim vult dicere, vel eos dolores quadam periodo repetere, more earum febrium quibus successerunt, vel in febribus modum quemdam tertiana retinentibus eos demum repullulare ac reviviscere. Porro in ejusmodi agris quos observavimus, crudelissime affligit dolor, & tumores quidam nonnullis apparent, ut in fabro lignario contigit, qui diutissime in somnis præ dolore mansit cum colico isto dolore illegitimo: hinc abscessus metuebantur: nec abs re, nam de iis dictum est ab Hippo. in Coacis, durities circa ventrem & dolores in febrientibus cum horrore, cibum aversantibus, si alvo parum humectata non purgentur ad suppurationem veniet. In iis nos & frequentibus fotibus, & medicamentis opem attulimus.

2 Hippocrates lib. de affectionibus eos dolores adumbrasse videtur, dum explicat quotuplex sit volvulus, unus hiemalis: alter æstivus & ictericus: tertius hamatites, & autumnalis. Nam ii dolores ad volvulum accedere videbantur.

2 Joannes Fernelius in talibus balnea usurpabat, viribus nondum lapsis: ac in balneo ipso medicamentum purgans propinabat: Quod dum agere insipiebat, educi jubebat agrum e balneo.

2 Ac de ejusmodi doloribus quos hic ager noster sustulit, videtur agere aphorismus Coacar. animadversionum. Quibus dolores Hypochondriorum, oris ventriculi, hepatis, partium circa umbilicum, hi sanguine per inferiora excreto sanantur, non excreto moriuntur, quia metus est inflammationis.



## CONSILIUM SEXTUM.

De pulmonum phlogosi.

*Pro puella Nobili Longueil.*

**F**ILIA Consulis Regii alvi profluvio ac febre prehenditur, in pulmonibus incendium magnum conceptum est. Febris quidem specie benigna ac mitis videtur, tamen nisi occurratur, futurum est, ut in hecticam degeneret: in pulmonibus erysipelatodes aliquid esse declarat appulsus manus ad regionem thoracis; infirmis est pulmonibus, tum quod id vitii a matre contraxit, tum quod superiore hieme magna in pulmones destillatione laborarit: hinc difficultas magna anhelitus, hinc pulmonum imbecillitas, hinc pituitæ putris in iisdem *ξυνεσποισμός*, & nisi diligenter provideatur, brevi in pulmones facto humoris impetu gravius aliquod opinione nostra malum eveniet. Præterea alvus fluit, vomitioque ægram fatigat. Quæ dejiuntur liquidiuscula sunt, & diarrhoica. Magna vermium suspicio quos putredo magna parit. Nam paullo post propinato ex Rheubarbaro poculo excretus vermis mortuus (quod tantam corruptelam significat, ut nequidem eam vermes, prognata tamen ex putredine soboles, ferre possint.) Itaque oppugnanda ventris inferioris putredo, quæ febrem hanc pene hecticam putridam quoque efficit: alterandi & pulmones. Hæc enim quæ adest sitis ingentem in pulmone conceptam flammam arguit. Et quum silentium, frigida hæstus, nec non auræ frigida inspiratio sitim sedare dicatur ab Hippocrate, eam sitim non explebit frigida potus, quum non in alvo æstus, sed in pulmonibus concipiatur: foris illinetur totus thorax Oleo violaceo, & butyro recenti: epithemata cordi & jecinori applicata. Sedatus vomitus. Præscriptum rheubarb. Omnia in melius vertuntur.

## CONSILIUM SEPTIMUM.

De febre hectica.

*Pro Puella.*

**C**laudius de Heruille circa mensem Martium cælo æstuante cœpit febricitare. Diaria erat febris quæ primo quoque tempore in speciem quamdam hecticæ degeneravit. Ac id Medicos primis diebus latebat ad eam rem parum attentos. Alvus liquida deiecit, cinericia, putria admodum. Paucis post diebus alvus restitit. Secta vena, sed frustra. Interjecto aliquo tempo-



ris spacio urinæ croceæ turbatæ apparuerunt: illud χλωράσμα λαμπρόν Hippocratis, idest faciei viriditas collapsa est: brevissimis intervallis deprehensa est collabi corporis ea tantula quæ inerat corpori moles. Metus maximus fuit Hecticæ μαρασμώδους. fomes in pulmonibus est, & in imo ventre: febrisque complicata est, elevato subinde ex imis sedibus vapore, qui cordis intima feriat atque attingat. Hicque considerari debent ἐξίς, putredo malaque qualitas per partium inferarum quamdam corruptionem. A cibo refrigerabantur extimæ partes: rubebant genæ ex intervallis. Itaque non tam de morbo ejusque specie laboratum est, quam de curatione, quæ operosa ac difficilis visa est. Nam ariditas cutis & scabrities, marcor, & collapsus repente habitus, facies pene Hippocratica, caloris ad interiora recursus & expansio, vicissitudoque ejus a cibo præsertim, caloris acrimonia hecticam intemperiem ali fovérique declarabant. Institit & quidam hoc argumento nixus probare hecticam febrem non esse, quod a cibo refrigeratio, non calfactio contingeret. At Galenus exemplo de perfusione calcis adducto vult in hecticis febribus a cibo partes calefieri: sed non excludit levem refrigerationem, quam postea calfactio excipiat. Vel dicemus in iis quibus robusta sunt viscera, calfactionem statim enasci: quibus contrario modo affecta, leve refrigerium contingere. Ergo primo quoque tempore hæc instituendi usurpandique remedii jam demum nata necessitas & occasio videbatur. Sed hic audito febris hecticæ nomine, non statim ad humectandum refrigerandumve accedere oportebat, eorum more qui empiricam methodum sequuti, omnia confundunt ac pervertunt. Febris illa hecticæ omnia argumenta præseferbat, sed unde nata, an morbo successerit, symptomaticave, an essentialis, quæstione dignum putatur. Hecticæ raro primariæ sunt, & ut agnovit Galenus 3. *de præsig. ex puls.* aut a mœrore aut ab ira nascuntur, præeunte aliqua diaria. Alias causas non agnovit. Nec enim credibile causas procatarcticas tantam vim habere, ut primo quoque tempore partes solidas immutent. Tamen ex tribus unum videtur probabile. Visus est diariam productam pati quum cælum mense Aprili æstu incandesceret, cui febris aut celata, aut neglecta hectica promptè successit, ut 8. *Meth.* Gal. ait contingere. Nam faciles sunt morborum successiones in male præsertim affectis corporibus. Vel potius (ut licet simile legere apud Gal. 3. *de præsig. ex pulsibus*) quum intemperies & superficialia phlogosis ratione cæli æstuantis præcessisset, ecce hectica pestilens quæ contingit aliquando, oborta est, quæ omne medentis consilium ad cardiaca converterit. Quod & urinæ prætendebant, quæ confusæ & subcroceæ apparebant, quum nil tale contingere soleat ab simplici hectica. Sæpe enim idque primis diebus urinæ non parum absunt ab urinis sanorum. Probabile & illud hecticam hanc veluti symptomaticam in corpore macilento maleque affecto ab obstructione, aut vitio totius substantiæ partis alicujus natam. 2. Etenim legere est exoriri sæpe febres lentas ex hecticarum genere a latente obstructione, aut semimala in parte quapiam corruptela. Sic nimirum focus videtur cor, hepar per consensum cordis, mesenterium, ipsi quoque pulmones. Licet Gal. lib. *de Marasmo* neget pulmonem sedem esse febris hecticæ, quod pulmo sit humidus, & perpetuo no-



vo attracto aere refrigeretur. Sed hoc quam verum, aliorum esto iudicium. Ac in hoc juvene pulmo & mesenterium focus videtur, ut ne uno neglecto alteri male consulatur. Itaque hic considerantur intemperies, mala qualitas, putredo, ut perpetuo urinæ declararunt. Diligenter profligata est mala qualitas, duorumque hic habenda ratio, putredinis, intemperiei tamquam cuiusdam phlogoseos. 2. Hic tamen opus, hic labor. Audito nomine morbi sectio venæ, quum putredo est, & purgatio; quum autem hectica intemperies est omnis refrigerandi modus & alteratio intelligitur, sed hic gravissime a plerisque peccatur. Nam ait Gal. 10. *Methodi*, in febribus hecticis si quid peccatur, graviter peccatur; & quum affectus sit magnus, levissimum errorem tolerare nequit. Ac hic contrariæ multæ indicationes. Ita blandissime ex intervallis corpus repurgandum, litus corporis totius, præsertim vero ad thoracem. Syrupus resumptivus. Auræ refrigeratio, frigida potus. Aqua rosarum & violarum: nam & facile penetrat, & summam refrigerandi vim habet. Massipanes: panis infriatus in jure gallinarum, aut caponum. Lac asininum postmodum jure & loco præscribetur.

## A N N O T A T I O.

2 *Obstructio & phlegmone duo sunt quæ impediunt quo minus audacter in febribus hecticis refrigeremus. Tamen Gal. mavult usu frigida & obstructionem & phlegmonem augere, quam sinere longius serpere hecticam intemperiem.*

## CONSILIUM OCTAVUM.

*Pro biliosa fluxione.*

**A** Nglus annos aliquot laboraverat destillatione biliosa in scoptula, & brachia cum capitis dolore. Destillationis fons creditus est in capite esse; ita tamen ut hepar præcalidum auctor primarius crederetur. Metusque tandem est, ne in partes inferas humor deferatur; illicque aut gonagram, aut ischiadam faciat. Quod ut ne contingat, omnisque mali præripiatur occasio, remediis iis occurrendum. Vinum circumcidi debet. Corpus Rheubarb. sæpe repurgandum. Per tres annos vere & autumnis basilica aperitur. Luna silente hiemis tempore repurgetur pilulis ex agarico, sine quibus, & cocciis. Tota æstate cassia cum rheubarb. Quum fluxio in motu est, applicetur supra partem bolus armenia, aut nutritum: amurca aut aqua salsa: pro capitis dolore paretur Lixivium ex cineribus sarmentorum & uncis quatuor fol. fenæ mund. Parabitur smegma ex nigella romana, roremarino, sale. Item opiata ex conserva antheos, buglo. borrag. cortic. citr. & myrob. item mithrid. ther.



## A N N O T A T I O.

2 De iis articularibus morbis biliosis doctæ Aetius cap. 28. serm. 4. retrahib. 3.

## C O N S I L I U M N O N U M.

## De Melancholia Hypochondriaca.

*Pro quodam Mercatore de Montargis.*

**M**ercator quidam variis curis implicitus ac metu mortis percussus cœpit macrescere admodum. Habitus erat macilentus, squalidus: Hypochondria collapsa. Destillatio in pulmones, & difficultas anhelitus. Cui-dam Empirico se concrediderat qui accurata diæta catarrhum sistere contende-bat, sed frustra id, & imperite. Lutetiæ quum moram nonnullam traheret, consuluit medicos ut præsentī malo occurrerent. Visus est tantum queri de difficili anhelitu, cujus auctorem catarrhum accusabant. Oculi erant mobi-les, modo fixi, Galli vocant, *esgarez*, quasi esset attonitus. Quod propter affluentem animalem spiritum fit affatim, deinde propter eum resistentem; E nare sinistra stillabat humor putris serosus, qui si restitaret in cerebro, aut vertiginem, aut epilepsiam accerferet; sed ut accurate investigata est to-tius mali causâ, ac præsertim de difficili respiratione, de qua solum quere-batur, laborabamus: invenimus tandem eum melancholia Hypochondriaca laborare, & in visceribus quasi hectica quædam affectio deprehensa est. 2. Difficilis respirationis causâ longius repetita est, eaque siccitati marcorique viscerum ac cordis præsertim accepta relata est. Nam in ista hypochondriaca affectione siccitas est totius corporis per alimenti proprii corruptionem, siccum est cor, calidum tamen calore acri, febrili & squalido. Unde quum cor fla-bellationem (ut sic dicam) evētilationemque summe efflagitat præ siccitate, dum sufficientem motum duplicem non habet ad refrigerationem ejus caloris febrilis, statim repetito motu illud compensat ac refarcit. Hinc fit ut dum paullo magis corpus agitatū est, quasi animal ipsum ἀπὸ τοῦ ἀέρος remaneat & veluti suffocatum. Sic causâ difficilis respirationis & anhelitus potius ad sic-citatem cordis incendio junctam referenda est, quam ad catarrhum. Non quin pulmones ipsi laborent, ut & ceterum corpus. Itaque in eo omnino versandum est, ut quacumque id ratione fieri possit, corpori prima moles restituatur, tollaturque, tum alimentis, tum medicamentis squalor & mar-cor totius corporis: 2. Nam ut dicebat quidam ex veteribus, melancholia hypochondriaca laborantes, tum demum curati dicuntur quum pinguescunt. Corpus renutriendum optimis alimentis, utendum hordeatis sæpe ac juscu-  
lis:



lis : pulmones humectandi , balneis utendum licet catarrhus dehortari videatur . 2. Sed quoniam extinguendus aut humefaciendus , & temperandus calor ille præter naturam qui omnium illorum malorum auctor est , magis speratur felix eventus ex usu balneorum , quam sinister exitus . Caput corroborandum , humectandum , conferet lixivium ex cephalicis & folliculis senæ . Lacti asinino locus erit post diligenter , blande tamen , repurgatum corpus . Etenim licet melancholicum sit , proptereaque vehementioribus utendum sit medicamentis secundum sententiam Hippocratis : Tamen illud sine consilio & ratione non est usurpandum , etenim quum in melancholicis humoris potius atri ac contumacis copia in promptu est , quam vitium substantiæ , ac prava quædam viscerum diathesis & imbecillitas : illic tum ad vehementiora remedia converti debet consilium , presente scilicet viscerum ipsorum robore , quod ab Hippocrate intellectum putari debet : sed quum cachexia quædam est ob alimenti corruptelam , vitiatamque nutritionem , ac viscera vitiata sunt ac vieta , illic ex intervallis blando medicamento utendum est , ut sensim ac sensim potius therapia consistat in epicrasi quædam , quam frequenti catharsi quæ vim visceribus alioqui effertis illatura est .

## A N N O T A T I O .

2. *Aetius cap. 15. tetrabibl. 3. serm. 2. ubi ex professo agit de iis splenicis quos tussis infestat , & istam tussim soli catarrho tribuunt nonnulli .*

2. *Mesues cap. de melancholia Hypochondriaca .*

2. *Hæmoptoicus erat , sed Hipp. lib. 2. prorrh. admirabiliter scribit Hæmoptoisin non afferre periculum in iis in quibus dolores melancholici excitantur in dorso & sterno . Quod in historia de Tassino annotavimus .*

## CONSILIUM DECIMUM.

*Pro quodam Nobili cui Collum intortum erat .*

**N**obilis vir annos natus 45. in bello civili perfuga multa tulit , & in tot tantisque discriminibus cœpit laborare destillatione a capite postico , præsertim in humeros & cervicem . Hinc colli ac cervicis contorsio quædam , & quum tempore occursum non fuisset remediis ad id institutis , ita malum increvit ut facies in posteriora detorqueretur , & non nisi magno conatu in anteriora reflecteretur . At sive bibere , sive edere , sive loqui vellet funiculo in eam rem comparato , retrahebatur caput aliorsum inclinans . Lutetianis Medicis numquam quidquam tale videre contigerat . Ac laborandum fuit in specie morbi inquirenda , & remediis accommodatis . Videbatur nonnullis unius partis esse resolutio , quæ alteri convulsionem attulisset : quod non erat credibile , nam in eodem statu pars perpetuo permansisset . At reducta facies in locum suum , nisi magno conatu & magno cum dolore sistetur ,



retur, convulsivo quodam modo statim revellebatur in postica, magna omnium qui aderant admiratione. Convulsio erat revera, & omnes muscoli erant affecti, & viscoso frigidoque humore imbuti, qui discussus usu rerum calidarum affectum sustulit. Itaque hæc remedia descripta sunt, quibus aliqua ex parte allevatus est.

℞. *Pilul. cocciarum & aurearum an. ℥ ss. turbith. & agar. trochisc. an. ℥ ss. fiat Pilule.*

℞. *Gummi Elemi ℥ j. olei ebuli Keirini, & lumbricorum an. ℥ ss. pro litu ad cervicem & occiput cum lana succida.*

℞. *Emplastri de beton. ℥ iij. opopa. gumm. elem. stiracis an. ℥ j. picis navalis, picis pinguis an. ℥ j. pulv. major. & Ireos an. ℥ iij. ss. cera & olei ruta q. s. fiat Emplast. pro capite.*

℞. *Nitri pulveris. ℥ ss. sulphur. vivi ℥ iij. fiat pulvis quo sinapizetur Emplastrum prædictum.*

℞. *Castor. ℥ iij. sem. nigell. Roman. ℥ iij. ligni aloes ℥ iij. pul. major. ℥ ss. fiat pulvis pro suffitu cum rosis rubris.*

℞. *Conser. anth. bugl. borag. folior. beton. an. ℥ iij. mithrid. ℥ j. ss. marg. elect. ℥ j. rad. pæon. & sem. ejusdem an. ℥ j. cum syrupo de stæchade, & conserv. citrij, fiat Opiata ad usum ante cibum, & sero ante somnum. Usus est decocto guajaci & Chynæ: abstinuit vino: Repetita sunt remedia frequenter, usus est Laconico.*

## CONSILIUM UNDECIMUM.

### *Pro alvi fluore.*

**A** Dolefcens in comitatu Equitis torquati quum debitum officii munus exsequi non posset præ valetudine nimirum lubrica, cœpit eum diuturnæ cessationis tædere, aut quod invita pene natura multa ferret quibus ferendis satis non esset. Affectus erat alvi fluor aut diarrhoicus fluxus, inveteratus & pene cum nutricis lacte suctus, adeo omnem ejus memoriam superaverat. Egregie ad calamitatem natus videbatur. Affectus tædio quum eo magis augeri infirmitatem hanc videret, quo major annorum decursus fieret, nihilominus solatus aphorismi fide, *Quibus juvenibus alvus fluit, iis senibus adstringitur*, Medicos consulit, ut hoc jam corroboratum malum vel extirpent plane, vel aliqua ratione allevent, nam eum sæpe cogit magna desidendi necessitas. Malum hoc non tam mereri videtur nomen morbi quam symptomatis, quod tamen ab imbecillitate aliqua in visceribus nata profectum est. Non affligit perpetuo, sed ex intervallis præsertim quum plenius paulo gulæ ventrique indulgit. Sæpe ita invito illo alvus fluit, aut potius laxatur, ut primo quoque tempore desiderare cogatur, nec ratione ulla differatur. Interim totum corpus emaciatum est, pallidum, sitis magna, cetera satis ad res alacris. Non queritur de frequenti nimis dejectione, nec enim plus æquo alvus descendit, sed de cita nimis liquidaque alvo, & ut ita dicam, sterco-  
ris incontinentia. Intestinatorum affectus, alvus cita, Græcis *διέξοδος τῆς αἵμα*,  
dyfen-



dysenteria, leienteria, ( quæ ventriculi quidem vitio fieri solum nonnullis visum est, tamen intestinis tribuitur a Galieno *com. in apho. 22. lib. 3. aphorism.* ) diarrhœa, cœliaca affectio, fluxus hepaticus, lienosus. Fluxum hepaticum aut lienosum quidam annos aliquot pertulere, tamen tandem parte resoluta interiere. Ergo non est ejusmodi fluxus, leienteria minus esse potest, nec enim ea infirmitas tamdiu perseverasset. Nec sane ventriculum in vitio esse suspicamur. Nasceretur autem vel ab excretrice ventriculi irritata, vel a retentrica resoluta, vel a coctrice debilitata. 2. Retentrix resolvitur a pituita acida & conjunctam habet *δ'ξυπερμύαι*, ab hectica intemperie ventriculi, & intestinorum distributioni subservientium: vel secundum Oribasium, a pituita crassa viscidaque quæ replet rugas ventriculi. Excretrix irritatur multitudine alimentorum per se, vel quia non distribuuntur ob obstructionem mesaræi: vel acrimonia alimenti, vel humoris, ut quum ventriculus aphthis tentatur. Ergo ad fluxum diarrhoeicum potest revocari. Observatum est enim diarrhœam quamdam biliosam esse qua bilis flava, aut citrina ardens ac plerumque spumans emanat, idque sine magna ventris torsione. Sed tamen quum in diarrhœa non modo in excretionis modo, sed & in qualitate & in quantitate peccatum sit: hic noster affectus ex parte aliqua quiddam habet tale, ex aliqua vero non. Nam ut prædictum est, non de frequenti nimis dejectione conqueritur, sed de cita nimis alvo, & de excretionis modo. Fluxus alvi, qui motus est ad excernendam materiam per alvum & intestina, aut a toto corpore, aut a parte, fit motu naturæ, aut symptomatice. A toto corpore aut diarrhœa est proprie, aut colliquatio, aut cruentus fluxus, aut varii coloris, aut cholera morbus. Si a capite, cerebralis fluxus dicitur, unde sæpe mulieribus *ρῆξι γυναικείῃς* dicitur a capite manare. Aut hepaticus, aut alvinus, quum nimirum in lactibus, aut crassioribus intestinis, aut in mesaræo, aut mesocolo vitium concipitur. Et sic in ceteris prout hæc aut illa pars infirmitate detinetur. At nil tale in hoc affectu. Siquidem si tale aliquod vitium conceptum esset, jampridem detectum fuisset in ægro-tantis juvenis perniciem. Ergo de frequenti dejectione non laboratur, nil de aliena excrementorum qualitate, sed de excretionis modo. 2. In tribus res tota versata est. In hepate intemperies est, unde biliosi acerrimique humoris proventus fit, qui in intestina illabens facultatem excretioni dicatam irritat; facultati retentrici imbecillitas comparata est. Inest quoque intestinis sensus exquisitus, idque propter eorum nuditatem, ex corporis enim mole & facilitate facile colligitur interni corporis constitutio, & longo temporis tractu, aut ab ipsa conformatione intestina non satis oblita obductaque sunt mucore pituitosoque humore, quem natura instituit ne bilis flavæ illac transeuntis, aut excrementi mordacis acrisque per calorem redditæ molestiæ tam facile sentirentur. Quod fortassis non abs re. Ego autem quum pruritus narium observarem, cœpi rogare num vermium molestias sensisset. Nam inter causas fluoris alvi vermes numerantur. Dum nimirum generatur putris humor vermibus generandis aptus, qui & per se alvum citaret, & quum vermes generet, vermes ipsi mordicando idem præ-



præstarent, intellexi excretos infra supraque vermes, deprehensum est tandem hepar in vitio esse. Ad hæc capita curatio reducta est. Utatur conserva rosarum initio pastus. Aliquando granis mastich. cum syrupo rosarum siccarum, Julepo ros. myva cydo. In jusculis misceatur succus ompha. Expurgetur bilis quæ multa circum cystim & jecur collecta est, decocto seridis, absinth. pont. plantag. lactucæ novell. 4. seminum frigidorum majorum in quo macerentur ℥ ii. rhei, in forti expresso dissol. syrup. myr. ℥ β. vel ex succo plantag. & portul. Quum perseverabit fluor addetur corall. ℥ j. rhu. pul. ℥ j. Vere & æstate parabitur syrupus ex succis omph. plantag. portul. seridis, cichorii utriusque cum ℥ ij. seminis papav. alb. cum seminib. frig. madeant boli armeni ℥ ij. in nodulo addentur ℥. ij. rhu. pro lib. in forti express. Jecori adhibebitur cerot. refrig. & epith. Parabitur Elect. ex pulvere trias. coral. rub. seminis plantag. terr. sigill. carabe cum saccha. dissol. in aq. conveniente. Intestina oblinantur decocto omazor. cui coquantur ros. plantag. fol. myr. cum mucag. gummi tragac. interdum cremore hordei. Utatur elixis potius quam assis. Vere novo si pulsus velocior, tundatur vena jecoris. Lacte asinino & balneis uti poterit. Idibus Junij 1571.

## A N N O T A T I O.

2 Et quod hic dicitur de ventriculo, idem de intestinis dici potest, quorum rugæ dum lævigantur, fluor alvi contingere potest.

2 Longi quum perseverant alvi fluores, raro id fit citra catarrhosam cerebri dispositionem: veteres autem Medici eo discernunt fluxum hepaticum & cerebralem a stomachico & intestinali, quod hepaticus & cerebialis sit periodicus & nocturnus; stomachicus autem diurnus fere, & non periodicus. Ratio hæc esse censetur: ideo illi sunt periodici & nocturni; quod per fluxionem fiant, & præterea eadem de causa multis fiunt de nocte ob revocationem caloris intro, & pororum occlusionem: citantur enim tunc catarrhi: huc accedit motus materia phlegmatica de nocte. Quod autem caput adjuvet maxime hujusmodi fluores, & propterea illi consulendum sit, prius observavit Hippocrates, lib. περὶ πᾶσων. Hujus verba hæc sunt, Dysenteria, Lejenteria, diarrhœa, morbi consimiles sunt: Hi sic sunt sanandi ut defluxum a capite impedias, & a ventre superiore, morbi enim natura hinc est. Qui locus est diligenter annotandus.

## CONSILIUM DUODECIMUM.

## De sanguinis stillicidio ab utero.

C Ujusdam mercatoris uxor quum gravida esset, diesque aliquot paululum de sanitatis gradu dejiceretur ex alto in latus dextrum cecidit.



Ante casum stillaverat paullulum sanguinis ab utero ac si fluxus menstru-  
us minaretur : A casu grumus sanguinis apparet ac paullo plenior fluor :  
febricula prehendit : corpori magna est lentitudo : pondus quoddam in pe-  
ctine sentit : dejecta appetentia , pulsus parvus , humilis ac in quodam  
ictu deficiens . Queritur num fetus mortuus . Quum res in dubitationem  
adducta est , jam dies octavus a casu agebatur , & superioribus diebus ,  
ut ante dictum est , stillicidium sanguinis præcesserat . Quæsitum est pri-  
mum , num utero gestaret : num vitale , si vitale , an casus iste vitam fe-  
tui præripere potuisset ? ne temere de accelerando partu elidendoque fetu  
cogitaretur . Agra mulier utero se concepisse certo affirmabat , quod exa-  
ctis duobus mensibus menstruum nil apparuisset , nisi quod paullo ante  
casum tantillum cruoris effluxisset . At numquam illi menses substiterant  
quin utero concepisset . Nunc an a lapsu aliquid alienum contigisset ? Non  
visa est vita præcisa fetui quod vitalis non esset exactis tantummodo duo-  
bus mensibus & duodecim diebus . Immo embryo tantum est . Quod fal-  
sum videtur . Nec enim a die quo movetur in utero fetus numerari de-  
bent dies vitæ . Prius enim ut planta vivit , deinde ut animal sentiens :  
tum ut mobile animal : postremo ut rationis capax . Sensus enim faculta-  
te illustratur fetus circiter diem sextum & trigesimum . Ubi autem ad  
mensem tertium mas pervenerit , femina vero ad quartum , moveri inci-  
pit , ait Hipp. calcitrare . Ac certe sive mas , sive femina geritur , aliæ  
prægnantes semper die 42. aliæ mense tertio , aliæ non nisi medio præ-  
gnationis cursu eum loco dimoveri sentiunt . Itaque deceptus admodum  
medicus qui negaverit extinctum posse esse fetum , post duos menses &  
12. dies , & quod vitam animalis vivere non existimetur . Ac ille totius  
corporis lentor , fluor sanguinis , ἀκίνησις , λεποδουμία , pulsus διακοπή , &  
ἐμνήσις , cujusdam ponderis in pectine sensus , lumborum magnus dolor ,  
tormina , dejecta appetentia , sudor in quibusdam tantum partibus appa-  
rens , qui Hippocr. ἐφίδρωσις dicitur , ac in malis habetur , immo & su-  
dor subfrigidus apparens , alienum aliquid contingens satis aperte videntur  
attestari . Immo quibus diebus in morbis apparet aliquid , iisdem natura  
nescio quid moliebatur . Molam nullam esse inde colligi potest , quod an-  
te casum nil devolvi videretur in alterutrum latus decumbenti . Tamen  
hæc omnia signa non potuerunt Medicos adducere ut certo crederent col-  
lissum esse oppressumque id quod utero contineretur : alia enim multo cer-  
tiora paruissent exactis præsertim octo aut novem ab occasu diebus . Ta-  
men narrantibus obstetricibus sæpe a casibus in unum aut alterum men-  
sem signorum argumentorumque extincti seminis fidem suppressi . 2. Quam-  
quam Hippoc. in Historiis vicesimi diei in ejusmodi rebus mentionem in-  
ierit . Enim vero stillicidium sanguinis si a fundo uteri manaret , os ute-  
ri hiaret , si quid collissum esset , ac vietum . ( Gallis *fané* ) id una efflue-  
ret , aut alia ratione sese proderet . Potuit enim a casu sanguis effluere ,  
non quod aliquid alienum in utero sit , sed eo modo quo ante casum ,  
per externas nimirum venas quæ ad collum uteri pertinent , non per eas  
quæ in fundo delitescunt . Item & lapsus auctor ejus stillicidij esse potest ,



non propterea hiante utero, sed erumpente sanguine per partes inferas, utpote præ ceteris ab eo casu conflictatas & concussas. Ut in iis apparet, quibus cerebrum concussum est, alias enim per os, alias per nares, aures, oculos quoque ipsos sanguis quaquaversum erumpit. Leipothymia, ac pulsus exiguitas potest humorum summam putredinem consequi, quam dejectiones detegebant. Propinato enim blando medicamento ex rheub. & elect. diacarth. tantula quantitate excreta sunt admodum putria, cineritia, subflava, quæ magnam subesse corruptelam significarent. Ac metus ipse, animique pathemata, quibus mulierum leve ingenium facile concutitur, & quibus ista de qua sermo est, mulier, ex intervallis agitabatur, nonnihil earum rerum afferre ac adducere potuerat. Ac in tam ancipiti ambiguoque negotio videndum, ne quid detrimenti capiatur: nihilque audentius moliendum quousque rerum agendarum proclivior promptiorque sese nobis offerat occasio. Saltem non obsumus dum prodesse volumus, quum hoc multum ad honorem Medicorum referre videatur. Ac mirum quod die circiter 13. apparuit, refrigerunt extimæ partes, crurum femorumque tantus sudor, isque frigidus sequutus est, ut larga veluti copia aquæ irrigatæ essent illæ partes. Ac deficiens ille pulsus necessario aut affectum cor, aut os ventriculi declarat. Adde & illi in asthmaticis, & iis qui ab oppressione pulmonum moriuntur, tales pulsus apparent. Præterea in magna humoris corruptela idem contingit. Licet febris adesset, ac urinæ flammeæ apparerent, usu vini etiam generosi non interdicta est: exhibita sunt quæ vim roborandi superioris orificij ventriculi haberent. Tertio quoque die propinatum rheubarbarum, ut omni ope exigeretur is putris humor, qui febrem posset reaccendere. Rerum præscriptarum hæc ratio est.

℞. Rad. bistort. tormentill. tunica an. ℥j. rad. & folior. dictamni, agnicast. an. ℥. β. fiat decoct. in qua infunde rheu. ℥ij. β. rad. bistort. gra. 6. sacch. ros. ℥vj. fiat potus. cap.

Item ℞. Ambre gris. gran. iij. margar. electar. ꝑj. corall. rub. fragm. lapid. pretios. & lapid. hæmatitis an. gr. vj. rad. bistor. ꝑ. β. pulver. diarrh. abb. ꝑ. j. cum sacch. ros. in aq. bistort. dissol. fiant tabellæ.

## ANNOTATIO.

2. Ab Aristotele quæ conceptus corruptio intra 7. diem fit, expurgis dicitur, Latinis effluxio, ἐκπαυσμός autem ad 40. diem usque fit. De his Hippocrates primus lib. de septimestri partu.



## CONSILIUM DECIMUM-TERTIUM.

*De sanguinis profluvio a Partu.*

**M**ulier annos 35. nata, longe a partu magno sanguinis profluvio divexata est. Multa eo conferentia adhibita sunt. Quum sanguis restitit jam primum oborti dolores atrocissimi circum lumbos, & ventrem ad umbilicum. Non cedebant remediis. Inter dolores ab utero numerabantur. Relictis Medicis ad mulieres confugitum est. Illæ & balneis & fomentis, & cucurbitulis uterum loco reponere conabantur, Sed frustra; tandem variis ultro citroque usurpatis remediis, dolores conquieverunt. Aliis Medicis visus est uterus illuvie humorum oppletus esse: ideo præscripta sunt hæc ad sedandos primum dolores, tum ad deplendam istam humorum illuviem.

*℞. Rad. alth. lilio. farina lini an. ℥ iii. mal. viol. parietar. an. m. j. chama. melilo. an. m. j. coquantur addendo butyr. recent. & ole. lilior. an. q. suff. fiat cataplasma, cui adde foliorum ruta in sartagine cum axungia porci coctorum, m. ij. cinam. pulveris. ℥ β. fiat catapl.*

*℞. Casto. ℥ β. rheub. ℥ iij. fiat massa cum syrup. viol. capiat pilul. 4. pro dosi.* Ab usu fomentorum allevatus dolor aliqua ex parte, sed partibus imbecillitas est comparata; unde aliquo post tempore facta veluti systrophe & collectione humoris ad hypochondrium dextrum, difficultas summa respirandi consecuta est: primo occursum manuum dolor ingens. Ingredi non valebat. Curvata pene incedebat. In neutrum latus decumbere poterat. Quum superioribus diebus de utero conquesta esset, visa est morbi sedes esse in partibus quæ ad uterum pertinent. Ac præsertim ligamentorum uteri vitium aliquod esse suspicabantur, sed situs sedem esse aut in hepate, aut in partibus vicinis demonstrabat. Initum est ea de re consilium.

Summus Hippocrates successiones morborum considerandas esse præcipiebat, quod in morbis longis multa symptomata contingant quæ bonis & cruditis Medicis ob similitudinem & fallaciam imponant. Et novi morbi tamquam soboles rediviva ex aliis subinde consequantur ac repullulent. Nec mirum si hæc mulier post dolores uterinos, post sanguinis profluvium ingens tam varie ac varie conflictetur, quod multis contingit post partum præsertim si difficilis & laboriosus extiterit. Nam oportuit naturam diuturnitate morbi jam debilitatam, aliquid moliri, aliquid in partem aliquam deponere, quod in fine morborum contingit, præsertim si qua pars dolitaverit. Id quicquid est de quo dubitatur dolor est ad dextrum hypochondrium, qui aut immutati habitus, aut alienati temperamenti consequens est. Difficultas respirandi, corporis piger motus, inflexio difficilis. Quæ & iis contingunt auctore Actio, quibus ad cornu dextrum uteri collectio fit & inflammatio, aut quum uteri ligamenta in vitio esse incipiunt. Morbus tumor est. Sed unde natus, quæ sedes, & cujusmodi sit, hoc opus, hic labor. Omnis Hypochondriorum æqualitas in bonis ducenda quod subjectas partes bene habere



significet . Inæqualitas in mole & qualitate in malis ponitur . Nam verum est quod scribit Hippocrates : *Hypochondrium molle esse convenit, dolore vacuum, æquale . At inflammatum, aut inæqualiter se habens, aut dolens signum est ægritudinis non bene moratæ .* Ac nisi præcessisset illud sanguinis profluvium, illic inflammatio hepatis concepta fuisset : nec abfuit longe quin conciperetur . Illud confirmat sententia Hippocratis : *Quibus præcordia non mollia, facies sana, non liberantur citra multi sanguinis ex naribus fluxum, aut convulsionem, aut coxendicum dolores .* Porro, tumor qui eas partes occupat, aut externas, aut internas tenet . Item aut humilis est & depressus, aut elevatus : occultus, aut apparens : recens, aut inveteratus . Si recens & repente fit, aut inflammationem significat, aut abscessum . Si inveteratus & sensim increseat, scirrhum significat, aut obstructionem, auct. Gal. *com in 4. Aphorismorum .* Hic non est inflammatio, quia febris vacuitas non repente contigit, quo fit ut scirrhi suspicio sit, aut congestæ illic multæ materie . At externas maxime partes occupat, nam digitorum pressus altus dolores affert, quo fit ut non hepar, sed muscoli intumuisse judicentur . Mirum illud est, quomodo secutum hoc sit post magnum sanguinis profluvium, quin potius una cum sanguine id quicquid est excerni debuerat, & magno illo profluvio hepar quodammodo refrigerescere debuerat, & alvus humescere, per Aphorism. Hippoc. *A largo sanguinis profluvio alvi humectantur .* At contra contigit, immo alvus suppressa est, & frequentibus clysteribus irritata . Sævisimi dolores fuerunt qui colicos referrent . Quod duabus de causis mihi videtur contigisse, aut quia profluvii diuturnitate caloris paupertas consecuta fuerit : hinc flatuum & torminum magna vis exorta est : Aut quia natura, qua data porta, a centro ad circumferentiam humores detorserit, qui lancinantes peritonæum, & partes vicinas eos dolores excitarunt . Præterea purus sanguis excretus est, multa crassa excrementa, quibus præsertim inter alias mulier hæc abundat, quod & præpinguis sit, & intemperanter vivat, in alvo restiterunt, quæ eos dolores invexerunt . Ergo si ampla & vasta mole aut venter imus, aut pars hypochondrii promineat, si non fluctuatio sit, non alvi suppressio diuturna, non hydropis suspicio, aut est musculorum abdominis tumor, aut mesenterii, aut hepatis . Nam ab ingluvie sæpe acervus est pituitæ, quem Natura aut in pancreas, aut in mesenterium relegat . Et in iis glandulis quæ illic jacent exaggerantur varii humores qui tempore siccescentes renitentem durumque tumorem ingenerant ; unde in iis partibus veluti concrevisse judicatur . Atque ut finiatur oratio, duorum alterum esse videtur : quoniam mesenterii tumor alte sepultus est, nec se in conspectum dat : vel est tumor insertus musculis abdominis ; tum quia primo contactu occurrit, & quia etiam citra pressum dolorem afficit . Aut est tumor qui jecur sine scirrho distendit, iisdem fere notis se prodens ac scirrhus in se . Hic in jecoris ambientes membranas effunditur : & ut aliquando legi ; sæpe tantus est ut universum hypochondrium repleat, & nulla jecoris circumscriptio appareat . Hic a flatu, aut cruditate quam immodica frigida potio affert,



vel intempestivo fugacium fructuum esu : & non gravitatis , sed tensionis sensus est , utpote ab humore crasso & lento quem jecur validum a se excutiens in proprias membranas deponit . Nec enim proprie scirrhus est . Curatio hæc legitima esse videbitur . Omni ope amolienda est illa materia , quæ eo loci congesta falso scirrhum refert . Cavendum a remollientibus , ne vel cancrum quid generetur , vel scirrhum . *Comparatus est syrupus solemnis ex ℥. ij. rheub. ℥. j. agar. & ℥. iij. foliorum senæ . Rhabbarum in succo mercurialis maceratum est . Foris applicatum est hoc .*

℥. Ceroti santalini ℥. ij. mucag. scyllæ & rad. altheæ an. ℥. j. Extrahatur in aqua hepaticæ . Fiat linimentum cum oleo rosato .

## CONSILIUM DECIMUM-QUARTUM.

### *De Febre Tertianæ typum referente.*

**A**Dvocatus febre corripitur inæquali , sed quæ ad tertianæ typum referri posset . Vix erat expers febris , pulsus admodum languidus , sæpe hiabat os , continuæ erant pandiculationes . Morbus nescio quid finistri portendebat . Antequam de remediis statuatur , primum constare oportet quis morbus , & quæ morbi causa . Alioqui inutilis opera , inutile omne consilium . Si obscura morbi species est , ut in hoc agro existit , huic non protinus remedia adhibenda , sed major negotii pars naturæ committenda . Nam futurum ut natura legitima vitæ ratione adjuta morbum profliget , & patefaciat id de quo dubitatur . Incerta enim medicatio non nisi dispendio decernitur . Omnis morbus suis se signis & symptomatis prodit . An hæc febris intermittens , an continua , plane dici non potest . Nam nulla , aut exigua febris vacuitas apparuit hætenus : quod aut inflammationem , aut malam humorum qualitatem declarat . Tamen solatur Aphorismus dum ait : Quocumque modo intermiserint febres , periculum abesse significant . Si autem morbos & eorum accessiones periodorum vices declarant , in censu febrium tertianarum haberi potest , quod tertio quoque die novæ accessionis rudimenta appareant , sed ita parum perspicua , ut quorsum res evasura sit hætenus non sit intellectum , facile in hecticam notham degeneraret : corpus squalidum est , calor ( ut sic dicam ) squalidus , tempus id postulat : a cibo statim calfactio sequitur , contentio animi , insomnia , vacuitas doloris , pandiculationes frequentissimæ , ita tamen ut putredinis maxima eluceant argumenta , Magna est imbecillitas , quæ aut affectum cor , aut ventriculi orificium , aut malam putredinem arguat a qua vapores excitentur . Urinis parum fiditur , quod hic ager nephriticus sit . Parum autem tutum judicium est urinarum in eo casu . Nam sæpe humor crudus excernitur a renibus ipsis , qui falso hypostasim laudabilem refert . Morbus fuit brevis . Secta vena eventilatus calor , qui in putri materia erat sepultus . Bis repurgatum corpus satis vehementer .

Toto



Toto morbi cursu abstinere vino non iussimus, tum quod imbecillitas summa dehortaretur: tum quod habitus esset melancholicus. Hic autem vino interdicare non est artis.

## CONSILIUM XV.

*De Hepatis inflammatione.*

**T**Hesaurarii uxor pravis scatens excrementis in utero conceperat. Toto graviditatis tempore nonnullos dolores ad umbilicum sentiebat. Præterita tempestate austrina post immoderatum usum fructuum fugacium alvi fluore tentata est, qui dies aliquot neglectus. Tandem decumbere coacta est. Excernebantur cruenta, viridia, *υπόχλωρα*. Interjecto tempore pici simillima, mox ramenta intestinorum prodibant. Febris successit. Dubitatum an fluor is esset symptomaticus, proptereaque potius in febrem esset incumbendum, quam alvi fluorem. Videbatur Medicis optimum si sæpe repurgeretur. Non apte tamen. Desiderè cogeatur nocte quadragies, & ita vires frangebantur. 2. Vomitus fuit æruginosus plane: vomebat ante cibum, & præsertim a somno. Dolitabat regio hepatis. In hoc phlogosis conjiciebatur. Prætermissa venæ sectio. Celebrata est die octavo febris. Tardius hoc factum, & nullo profectu. Sexto & septimo die excreta sunt quæ cadaverosum olerent. Et hæc suspecta sunt plane. Vino erat interdicens tum ratione febris, tum phlogoseos in hepate. Nam hic dolor recenter obortus, in dextro hypochondrio aliquid simile subesse demonstrabat. Pulsus fallebat: At scire debebamus ex Galeni sententia in gravidis pulsum esse parvum & oppressum. Unde sæpe gravidas febre non laborare existimamus, quum tamen revera laborent. Ab hepate inflammato resudabat inutilis & serosus humor, qui in ventriculum refluens illum perturbabat, & vomitum promovebat. Ergo tam frequenter desidendi desiderii causam revocabam ad serosum humorem, qui continenter ab hepate inflammato resudabat, juvante ad id uteri pondere: unde conatus & inane desiderium sæpe potest contingere. A partibus internis facile resudat humor qui fluorem alvi citare potest. Tandem hepaticæ dejectiones apparuerunt. Decimo tertio die peperit vitalem. Lochia suppressa sunt: alvus non reddidit ut ante: Omnia visa sunt tranquilliora, sed calor sensim intro revocabatur. Sequenti nocte profuse ridebat. Delirabat. Repente omnes partes refrixerunt. Sudor frigidus. Per duodecim horas hæc apparuerunt. Mente satis constabat. Interiit. Ab omnibus clamatum est. Et tantæ cladis causa relata est in prætermissam reprimendi fluoris alvi occasionem. Quod perperam & imperite effectum fuisset. Nam ubi primum repressa est, mortis periculum creavit. Ac tanta excrementorum varietas etiam pravissimorum satis abunde docuit summam fuisse in partibus intimis corruptelam, quam Græci *διεφθοράν* nuncuparunt. Ac & tempus, & corporis constitutio, & graviditas, & affectus ipse omnem salutis occasio-



nem præripuerunt. Si alvus suppressa fuisset, non est dubitandum quin febris & alia symptomata increvissent.

## A N N O T A T I O.

2. *Ingens bilis copia sursum deorsum ferebatur: deorsum quidem per alvi fluorem dysentericum, sursum per vomitum. Nam aruginosum per os excernebatur. De eaque verum fuit quod dixit Hippocrates in Coacis.*  
*„ Quæ ante partum in modum cholera morbi, idest humore sursum deorsumque lato, dolent, facile quidem pariunt; sed si febricitent, perniciose habent: tum alias: Si quid in faucibus adsit, aut si aliquod prævum signum adsit. Quæ omnes aphorismi circumstantiæ in mulierem istam inciderunt: Et interiit. Sub finem 5. Epid. narrat de quadam muliere gravida quæ dysenteria laboraret. Sed edito fetu statim quievit malum. Nam pondus pueri potest facere ad irritationem, & inane desidendi desiderium.*

## CONSILIUM XVI.

### *De duplici Tertiana.*

**A** Dolefcens annos circiter undecim natus toto mense Augusto febre laboravit duplici tertiana, quæ exasperationes tamen certas & statutas non habebat. Corpus macrum erat, cacochymum, visceribus affectis male. Et qui color in cute efflorescebat, is alimenti pravitatem detegebat. Progresso morbo fluxio in pulmones eum adoritur: paullo post dolor permolestus ad hypochondrium dextrum: alius ad sinistrum. Quum morbus quiescere videretur, postliminio redit, non idem, eandemque rationem habens: sed diversus. Lenta obscuraque febris eum noctu diuque sine fere ullo sensu occupabat. Dolor hypochondrii dextri repetit. Initur consilium. Capita hæc sunt: Unde hypochondrii dolor: Quæ febris. Complicatane. Quæ medendi ratio. Dolorem hypochondrii ementiri potest stomachi inflatio & dolor. Unde sæpe conqueruntur de alterutro latere ægrotante, quum aut nulla, aut exigui doloris causa sit in alterutro viscere: sed affectus ventriculus, tumefactusque affecti hypochondrii opinionem facit. Atque ita diligenter videndum ne similitudo affectuum nobis imponat. Tamen non multum nostra nos fefellit opinio: sed revera dolor in eâ hypochondrii parte erat qua latet hepar. Nullus qui apparet tumor: nulla inflammatio, siquidem amplior febris esset. Sed id quicquid erat meo iudicio depositio erat materiæ in partem illam ut infirmiorrem & exercitiorrem toto morbi tempore. Febris lenta est, complicata cum catharro & fomitem habet maxime hypochondriorum obstructionem, idest, partium in hypochondriis contentarum. Nam annotatum supra est a latente obstructione mesenterii nasci febres non hecticas quidem per empyreuma



pyreuma & phlogosin , sed putres heclicas , ut putredo continuitatem , perseverantiamque ( ut sic dicam ) afferret . Evincenda itaque putredo omnis . Alvus pigra est admodum : an ideo vehementioribus pugnandum remediis ? Nequaquam . Sic foede ac turpiter a Medicis arbitratur , qui quum alvum pigram admodum vident , nilque etiam valido medicamento deicientem , temere corpuscula sicca & emaciata graviter medicamentis fatigant . Nesciunt enim , nesciunt , siccitatem corporis retentricem confirmare admodum , & dejectiones non posse fieri faciles & liberas , nisi humiditas quædam radicalis sit quæ actionem adjuvet . Sic enim magna illa siccitas omnem actionem impedit ac intervertit . Interea affatim sæpeque medicamenta valida damus , & dum majorem siccitatem afferimus , nihilominus nostro voto satisfacit . Ergo catharrus febris junctus illam provexit . Uterque consulendus , sed maxime *διατρέψαι* per *ἐπίκρασιν* sensim ac sensim refici renutririque debet . Expeditis obstructis , lac asininum dabitur , quod omnium tardissime acescit . Et non est quod dehortari videatur febris nisi ea admodum magna sit . Quod Gal. consilium est libris *περί τροφῆς* .

## CONSILIUM XVII.

*De duplici Tertiana .*

**M**ercatoris uxor quum instaret pariendi tempus febre prehenditur , quæ duplicem tertianam imitaretur . Ac quæ in tempus autumnale febres incidebant , ad tertianarum naturam accedebant , ac iis de nocte præsertim ægri torquebantur . Humor biliosus suppressus induebat naturam pituitæ ejusmodi febres ingenerans . Quæ vomebantur biliosa erant , subviridantia . Et quod mirum fuit , illo temporis non videbantur immunes a febre ægri , incertisque horis modo cum sensu frigoris , modo sine eo adoriebantur . Exactis duodecim fere diebus enixa est , viribus satis robustis , facile . Quæ excerni debuerunt , excreta sunt . Sed repente , aut uno prope dicam interjecto die dolor oboritur acutus , difficultatem respirationis inferens . Nulla tussis erat : nec febris aliquanto acutior . Quum aut tussire , aut expectorare vellet , aut aliorsum movere , præ dolore illud non poterat . Simile apparuerat nobis in alia quæ peperisset . Ab imo ischio ad mediam lateris dextri partem dolor erat toleratu difficillimus . Hic remediis non cedebat . Tandem exeunte pure per sinum pudoris allevatio . 2. Sic in multis gravidis orgasmo materiæ quam natura utpote imbecillior facta enixa non potest regere ac domare ut ante partum , multa contingunt quæ pleuritidem mentiuntur , sive quod motu naturæ humor sursum deorsum moveatur : sive quod externa aliqua fluxio fiat , sive quod circa hypochondriorum tunicas & venas humor multus est , unde per continuitatem membranarum & vasorum communionem elevatur hypochondrium alterutrum , & hic meteorismus difficultatem respirandi affert ,



fert, quæ similitudine imponit sæpe Medicis, supponitque alium affectum pro alio. Ita nimirum *in Coacis*, summus Hippocrates animadvertit quemdam lateris dolorem cum hypochondrii meteorismo & difficultate spirandi. Sed vocat eum dolorem, lateris dolorem sine signis; quasi dicat pleuritidem non esse, ne ea similitudo nobis falso imponat. Quum urgeret hic dolor, metusque esset suffocationis, quæsitum num tuto & jure tundenda esset vena, cujus maxima est opportunitas ad antevertendos morbos per congestionem nascituros. Dehortabantur vires imbecillæ: partus qui paulo ante præcesserat: item quod pleuritis non esset, aliisque fortassis remediis cederetur. Denique metus suppressionis lochiorum a partu: quæ si supprimerentur, omnia pejora multo contingerent. At quum dolor ad pectus urget cum difficultate spirandi, non statim tundenda vena: immo nisi signa adsint, talem sectionem improbat Hippocrates in *Coacis Animadversionibus*. Tamen ne quæ materia locum certum nondum teneret, tandem parti impacta opinione nostra majorem morbum afferret, in eam ventum est sententiam, ut sectio venæ tuto celebraretur. Sanguis qui fluxit lacteus erat, planeque putris. Dolores conquieverunt: Lochia non sunt suppressa, immo aliquando ut & in menstruum tardo pigroque motu, sectione venæ liberalior, multa fluxio fit. Sed antequam tundetur vena, præscriptum est hoc poculum.

*℞. rad. bistort. myrrh. dictamni, & rad. rub. majoris, an. ℥. β. mithrid. scr. ij. syrup. rosar. pallid. ℥j. vini albi ℥ vj. cum aqu. hyssopi & arthe. fiat potus, capiat mane. Una post hora aperiatur vena.*

Quum perseveraret febris, augerenturque symptomata, subesset magna cacochymia, quod ex olidis excrementis apparebat, quæsitum rursus quid hic consilii caperetur. Intumebant pedes & brachia: item facies, ac si leucophlegmatia tentaretur. Ac mirum fuit (dicebat senior medicus) quomodo non discuteretur morbus hic a febre, quum Hippocrates febrem aquas ac crudos humores concoquere ac digerere affirmaret. Sed illud verum est præsertim de febre superveniente, aut de ea quæ esset copiarum humoris analogæ. Quod in hac muliere non constabat: nec jure ea sententia Hippocratis citabatur. Etenim hic febris corrumpebat sanguinem: sanguinem corruptum aversantur partes, & facultas alteratrix quodammodo vitiata, non ratione sui, sed alimenti in probum sanguinem affluxos humores non convertibat. Accedit quod inflatio ista morbos istos sequi soleat, minusque propterea terrificæ esse soleat, præsertim quum in neutro hypochondrio tumor aut inæqualitas appareret. Tandem de purgatione una atque altera, tertiaque cogitatum est, quod hypofarcidio habitum liberari alvi profluvio, testatum Hippocrates reliquisset. Tamen non erat *ὑποσπικιδιος* nec tam frequentibus locus fuit purgationibus. Immo decipiuntur sæpe Medici rerum similitudine. Et ea tempestate multis pedes, manus, & brachia intumere, & qui venæ sectione educebatur sanguis, plane putris erat.



## A N N O T A T I O.

2. *Questio magna esse potest, An quum lateris dolores oriuntur in muliere a partu cui lochia eunt, secanda sit vena, In hac enim muliere cui dolor lateris, ut hic dicitur, abortus est, secta vena lochia suppressa sunt. Vereor ne illa suppressio tanti mali causa sit, idest, cur in hydropem inciderit. Vide nostras historias de uxore Comitis de Mauleurier.*

---

## CONSILIUM XVIII.

*De Febre Erratica.*

**P**ROcurator post curas aliquot & molestias, præeunte aliqua corporis gravitate in febrem incidit. Hæc de genere earum quæ vagabantur eo tempore autumnali. Incertæ: sine typo: modo cum sensu aliquo rigoris: modo sine eo. 2. Exiguo medicamento provocatus leipothymiaprehendit, paullo post visa est alvus liberior: sed mox restitit. Inde omnia symptomata increverunt. Illud autem præ ceteris terrori fuit: In accessionibus pulsus parvus, febris non analogos, coma, aphonia. Nulla re excitatur. Mirum hoc fuit in homine satis macro. Erat & quidam πῆλξ, & suffocationis metus ingruerat. Secta vena perseverarunt illa. Cessante accessione & tentatis multis ad se tandem redibat, semisopitus tamen. Repurgatus sæpe. Hæc ab oppressione cerebri nata erant. Coeuntibus quoque malignis vaporibus a partibus inferis, ut febris pestilentis suspicio aliqua esset. Verum quidem illud coma, catalepsi, cataphoran denique ipsam aliquando sub finem longorum morborum contingere, quod nos ipsi animadvertimus: & plerique interierunt; tum quod corpus aliquot dies fideratum manens non nutriretur: tum quod summa erat oppressio cerebri, & febris augebatur, in modum continuæ perseverans. Credibileque fuit horum alterum, aut illam catalepsi ab exhausto manare, quod periculosissimum: aut propter paupertatem caloris & spirituum, & longitudinem morbi multa succrevisse pituitosa excrementa, eaque maligna, quæ quum a febre dissipata non fuissent, restitantiæ in corpore tam funesta symptomata intulerunt. Nec huic solum viro ea symptomata tam formidabilia contigerunt, sed & omnibus fere qui toto illo tempore in febres inciderunt. Vidi quibus suffocationis periculum ingruit accessione adventante quasi pondus in pectore sentirent, & sibi præcludi fauces viderentur. Aliis accessionis initio præfrigidi sudores, quod raro contingit. Aliis (quibus ex longis intervallis tantum tussicula erat infesta) quum accessio prehenderet, tussis adeo vehemens accidebat, ut eam quam molestissime ferrent. Mulieri sexagenariæ toto tempore accessionis leipothymia: comatosum quid, dolores permolesti, Querimonia. Sed ut ad agrum nostrum rever-



revertamur, variis remediis a primariis Medicis occursum est. hic potus injectus est.

℞. scobis unicornis gran. 4. ambra grisea gran. 3. cum aqu. card. fiet potus. cap. Injecti frequenter clysteres: injectus & hic.

℞. centaur. minoris, betonica, meliss. salvia, calament. an. m. j. flor. genist. p. ij. sem. lini ℥ ij. agar. in nodulo positi ℥ iiij. fiat decoct. ad ℔ j. In col. dissolve Cath. & hiera diacolocyntidos ann. ℥. β. olei aneth. ℥. iiij. fiat clyster.

℞. Conseru. anth. flor. salvia & beton. an. ℥. ij. mitho. ℥. j. β. semin. pæon. ℥ s. cum syrup. conseru. citrij. fiat opiata.

℞. folior. salvia. beton. major. yua. arthr. prim. veris an. m. j. florum stæchados, salvia, & anthos, an. p. ij. fiat decoct. in vino pro fotu capitis.

℞. olei chamam. liliorum, & nardini an. ℥. ij. castorei ℥ ij. aceti scillitici ℥. j. pro embroche totius capitis.

℞. thymi sature. beton. & salvia an. m. s. piperis ℥. j. s. coquantur in ℔. j. Colatura dissolve oxymel. scillitici ℥. iiij. fiat gargarisma: Usus est hydromelite: fotibus ex lixivio sarmenti, cum agarico, sena, & rasura ligni sancti. Item usus decoct. sarseparilla & guaiaci. Quis enim dubitat quominus decoctum ligni sancti conferat ubi oppressum videtur caput a pituita. Siccando enim confirmat, & liberat a dominatu ipsius pituitæ.

℞. Theriaces, mithridat. an. ℥. s. olei de castor. ℥. ij. aceti parum pro nuca & posteriore capitis parte.

Item ℞. pyretri, nucis moscata, caryophyll. an. ℥ s. castorei ℔. j. fiat pulvis pro naribus. Tamen mihi valde suspectus est castorei usus, propterea quod Epilepsiam inducit.

Item ℞. emplastr. de betonica ℥ ij. ladani, styracis, calamita an. ℥. j. olei ros. chamam. an. qu. suff. fiat magdaleon pro capite.

℞. oxymel. simpl. & syrup. de hysop. an. ℥ s. cap. ex cochleari.

Item ℞. theriaces, mithridat. an. ℥. ij. conseru. acori, camp. anthos. an. ℥. j. pulv. diamarg. diarrhod. abbat. an. ℥. j. decoctionis beton. buglos. bipinel. mors. scabio. cum ℥. j. semin. pæon. 6. ℔. distillentur in alambico.

℞. prædictæ decoct. ℥. iiij. colentur per manicam Hippocratis cum sacchar. Utatur saepe. Subjectus & hic clyster est.

℞. salvia, majorana, betonica an. m̄. j. mercurialis m̄. j. sem. anisi & pæonia an. ℥. j. fiat decoct. ad ℔. j. in qua dissolve hiera diacolocyntid. ℥. β. mellis mercurial. ℥. β. salis comm. ℥ iiij. castorei pulveris ℔. j. fi. clyster.

Sed perendie quam iniiceretur hic clyster, dati sunt ℔ ij pilularum sine quibus fero. Tertio post die potio hæc propinata quum accessio præcessisset superioribus similis: initio autem illius dormiendi adest inexpugnabilis necessitas.

℞. beton. bipin. scabios. folior. buglos. an. p. i. folior. sena ℥. s. semin. card. citrii & pæon. an. ℥. s. fiat decoct. in qua infunde agaric. trochisc. ℔. iiij. rhei ℥. ij. cinnam. ℥. s. In express. dissolve hiera diacolocyntid. ℔ j. fiat potus.

Item ℞. florum anthos, stæchados, betonica, calament. an. m. s. radic angelic



*angelica* ℥. ij. *florum cordial.* p. i. 4. *semin. frigid. majorum*, *cuscut. citrij* an. ℥. j. β. *Fiat dec. ad quart. tria. In coll. dissol. confect. Alkermes* ℥. iiij. *theriac. & mithridat.* an. ℥. ij. *fiat potio colata per manicam, pro tribus dosibus.*

Item ℥. *farin. fabar. & orobi* an. ℥. iiij. *pulv. chamem. beton. ireos*, an. ℥. ij. *coquantur in oxymel. satis diu ad spissitudinem pulticula & tenacitatem. fiat cataplasma pro capite demto superiore emplastro post operationem medicamenti.*

Vires interea concidebant. Interiit decimo septimo die. Fortasse superior curatio paullo durior fuit. Etenim convenit in evincenda multa materia pituitosa: sed in siccitate conjuncta cum humoribus aliquot juncta virium infirmitate non ita convenire videtur.

## CONSILIUM XIX.

*De Febre pestilenti.*

**N**obilis mulier post liberalem usum fugacium fructuum, & molestias aliquot, quum tamen ea satis hilariter viveret, coepit aliquando conqueri de dolore & gravitate capitis. Aliquot post diebus quum omnia vitæ munia probe fungeretur, a prandio coepit caput dolere: deinde omnium artuum dolor. Febris acutissima. 2. Vomitiones frequentes, varia excernebantur. Alvus fluxit. Secundo die mitiora aliquanto omnia. Febris perseverabat. Ex intervallis modo temperatæ partes percipiebantur, modo acerrimo calore calfactæ: Jactationes plurimæ: resistit alvus: vomitus cessant. Tertio intumuit facies: paullum taciturna: raptus humorum sursum. Omnes partes dolent. Urinæ confusæ, nigricantes. Quarto eadem perseverant. Nox difficillima: clamores: taciturnitas: difficilis anhelitus: surrectiones quadraginta: jactationes. Quinto oculi feroces: mox depressæ palpebræ: fero omnia exacerbantur: oculi ferociore: constantes quasi defixis palpebris: acies oculorum obtusa: aphonia: potum assumebat submurmurando: non deglutiebat: delirabat: Nox implacidissima. Sexto interiit corpore purpureo. Acutissimus hic morbus: nec ante quartum diem quicquam tentatum est. Pestilens fuit febris, declararunt jactationes quamplurimæ, omnium pene facultatum casus, summus stomachi dolor. Inanis vomendi appetitus. Partes modo tepidæ, elato teterrimo vapore a centro ad superficiem, modo calidissimæ. Lingua non erat febri analogos, nec enim præsicca. Et jam observavi in febribus malignis nec magnam sitim esse, nec linguæ ariditatem, nec calorem magnum. Unde sæpe morbus multo major est opinione. Et quum specie parvus appareat, tamen ex eo ejus malignitas paret, quod non cedat remediis. Suspecti mihi fuerunt parvi tremores. Et in hoc morbo quum alias observavi illud quod scripsit Hippocrates verissimum: *In malis febribus parvi tremores: & in potionibus.*



*bus . In siccis quasi subsilientes & submurmurantes pessimum . Injunctus clyster . Quarto die blando medicamento repurgata : tum alvus supra modum reddidit . Quinto secta vena . Plane putris sanguis . Et quum fluebant menses, metusque esset suppressionis : item & ratione malignæ qualitatis , data potio hæc .*

*℞. rad. tormentill. dictamn. bistortæ , & rub. an. ℥. ij. conservæ flor. cichorii ℥ i. s. scabiosa p. j. flor. p. j. fiat. decoct. In coll. dissol. pulv. cinnam. ℥. s. pulver. rasur. eboris scr. j. mithridat. scr. iij. syrup. limon. ℥ vj. fiat potus .*

Cautos admodum esse medicos oportet in ejusmodi morbis, in quibus tantæ jactationes, nec febris tam effera & magna specie quam suis se prodit signis: quum functionum animalium casus adest. Et quotquot ejusmodi febribus prehenso vidi, in iis observavi facultates animales primo quoque tempore occupari: quod mirum est.

### A N N O T A T I O.

*Febris hæc pestilens fuit, quum tamen constitutio alia esset temporis . Et primis diebus morbi sævissima erant omnia, & projectio virium . An hæc febris tam effera, tam maligna, & quæ mulierem validissimam tam cito e medio sustulit, vitio humorum contingere potuit? & potuit hercle . Et in hanc rem meminisse oportet historia Hippocratis, quæ quarta est ordine sectionis 3. lib. 3. Epid. Narrat quemdam statim phreneticum decubuisse, qui tertio die interiit, Galenus in Commentar. In illius agri corpore humor generatus fuerat letali veneno similis, in corporibus vicinis aliquid paullatim agens, quæ quando vitio jam aliquo pælo opportuna erant, humorque ipse evaserat malignissimus, letale repente apparuit symptoma . Et quomodo generetur venenum in nobis ob pravitatem humorum, ut tamen minime opinantibus nobis eripiantur agri, Galen. ample docet in part. 17. lib. 2. Prorrhetic.*

### CONSILIUM XX.

#### *De Febre Tertiana.*

**C**onsul regius tribus ante mensibus connubio junctus, & ut verisimile est, exhausta multa anima, imbecillior redditus, in febrem tertianam incidit. Hæc postea in duplicem tertianam versa est, nec tamen reliquo tempore febris vacuitas: medicamentulo agitatus est: alvus liberior reddita est: biliosa materia & effera in intestina derivata fluorem invexit. Metuitur a dysenteria aut longo fluore. Dubitatum de sectione venæ. Præripiebat occasionem impetus alvi: item & virium imbecillitas, superiore trimestri ob causas dictas inducta, quod recens conjugibus parce detrahendus sit sanguis. Secta tum est parce. Incubuerunt omnino ad id Medici ut alvum qua id ratione fieri posset, sisterent: dolores si quos ferret, sedarent; vires confirmarent. Subinde injecti clysteres mane bis, ter, quater: item sero, & aliis temporibus.

*℞. tapsi*



℞. *tapsi barbati*, *centinodia*, *plantag. rosar. rubr.* an. m. ij. *semin. cydoniorum* & *psyllii* an. ℥. β. *malicorii* ℥. β. fiat decoct. ad ℔. j. in qua dissolve *sacchar. rosat.* ℥. j. *syrup. de siccis* ℥. ij. *vitellos ovorum duorum*.

Item ℞. decoct. ordin. *quartar.* iij. in collat. dissolve *mucor. seminis psyllii*, & *cydonior. extract.* in *aq. hordei* an. ℥. β. *sacchar. ros.* ℥. ij. *vitellum ovi unius*. fiat clyster.

℞. *Radic. gram. acetosa*, *passul. integr.* an. ℥. j. *cichor. plantag. agrim. beton.* an. m. j. *granor. berber. recent.* ℥. j. *semin. acetos. plantag. card. citrii.* an. ℥. β. *conserv. rosar. nenuph.* an. ℥. ij. fiat decoct. ad quart. tria. In col. dissolve *syrupi cap. vener.* & *de cichor.* an. ℥. j. β. fiat apozema.

℞. *syrup. de siccis* ℥. j. cum gran. 4. *mastich.* fiat potus. cap. dormiturus. Interea purgabatur ex *rhabarb.* per intervalla.

℞. *rasur. ebor. cornu cervi usti* & *loti in aq. ros.* an. scr. j. *margar. elect. scr.* β. *rasur. unicorn. gr.* vj. dissol. In decoct. 2. *dactyl. passul. integ. cap. unius papav.* & *lact. cum* ℥. i. *syrup. de nenuph.* & *de siccis.* Capiat hora somni. Media nocte cap. *hordeatum paratum cum decocto semin. papav. albi* & *lactuca*, cum *saccharo ros.*

℞. *flor. nenuph. viol. rosar. rubr.* an. p. i. *semin. lactuce, papav. albi,* an. ℥. ij. Ex his contusis fiat frontale inter duas syndones: vaporetur *aqu. rosar.* prius illinantur tempora *oxyrrhodino*.

℞. *caponem juven. carnosum*, *perdices duas*, decoction. juvenis caponis alterati cum *lactuc. cichor. domestic. plantag. semin. majorib. frigid.* libras 4. *conserva rosar. veter.* ℥. ij. *conserv. buglos. nenuphar.* an. ℥. j. *myrobal. Embl.* ℥. j. β. Omnia reponantur in alambico, in balneo Marie. Fiat destillatio.

℞. *predicti destillati quart. tria*, *sacchar. rosat.* ℥. i. β. Fiat julep. utatur cum condito.

℞. *mirobal. unam Emblicam. coral. rub. pulver.* ℥. β. *rasura cornu cervi loti usti*, *margar. elect.* an. scr. j. *rasura unicornis gr. vi.* *ossis de corde cervi scr.* β. cum *sacchar. rosat.* dissolve in *aqua ros.* fiat conditum.

Sæpe ac sæpe datus *syrupus somniferus*, qualis ante descriptus est.

℞. *furfur. rosar. rubr. balaust. tapsi, plantag.* an. p. j. *semin. psyllij, cydonior. altheæ*, an. ℥. β. fiant duo parvi sacculi qui bulliant in lacte pro fotu ani. Renoveantur quotidie.

℞. *cerati ros. Mesue. loti in aqua rosar.* ℥. ij. β. excipiat *linteolo* pro sede.

℞. *plantag. centinodia, tapsi* an. m. i. *balaust. rosar. rubr. flor. chamamel. nenuphar.* an. ℥. i. fiat decoct. in lacte chalyb. dissolve *sacchar. ros.* an. ℥. i. β. *boli armen.* ℥. iij. *syrupi rosar. siccar.* ℥. i. *vitellum ovi.* fiat clyster.

℞. *succi cydonior.* ℥. ij. *succi plantag. portulac.* an. ℥. i. cum *sacchar. rosa.* fiat julep. in modum *syrupi perfecte cocti.* utatur cum decocto *graminis.* 2.

Fiat emplastrum ex cerato Santalino pro hepate.

℞. *aqu. plantag. rosar.* an. ℥. iij. *aqu. decoct. hordei* ℔. β. in quibus dissol. *syrup. rosar. sicc.* & *mell. rosat.* an. ℥. i. β. Fiat gargarismus. colluet os sæpe; sentiebat enim ardorem in faucibus, & difficultatem deglutiendi. Teneat in ore *sacchar. rosat.* interdum tabell. *diatragacant. frig.*



℞. *malum cydonium unum* : pistetur & contundatur in mortario paucō aceto rosato affuso: passetur per setaceum: passatura adde conser. rosa. ℥. ii. β. pulver. rosar. ℥. iiij. mastich. pulver. absynth. rom. an. ℥. ij. malaxentur cum oleo rosato. Fiat cataplasma pro hepate & ventric. Extendatur super stupas molles & bene carpinatas, prius in aqua rosar. & aceto paucō maceratas.

Item ℞. *carabes* ℥. ij. mastich. ℥. i. β. pulver. elect. diamargar. frig. triasantal. rasura eboris, cornu cervi, cum ℥. i. coral. utriusque ℥. i. semin. agni casti ℥. β. semin. melonum ℥. ii. tunica interioris gallinae preparata ℥. ii. β. saccha. ros. qu. suff. Fiat pulvis.

Et quoniam diuturnitate morbi & fortasse refrigeratione ventriculi, ad ejus regionem dolor obortus est, sequenti fotu ei provisum est.

℞. absynth. roma. major. ros. rubr. an. m̄. j. menth. m. β. ligni Rhodij, cyp. an. ℥. β. omnium santalor. ligni aloes, an. ℥. ij. florum chamam. p. j. Fiat decoct. in aqua & quarta parte vini pro fotu ventriculi ante cœnam. Illinatur oleo cydoniorum & mastichino.

℞. conser. rosar. symphyt. buglos. borag. an. ℥. iii. myrobal. emb. ℥. β. rasura eb. coral. cornu cerv. an. scr. j. ossis mespilo. scr. j. terræ sigill. sc. ii. cum saccharo ros. fiat conditum.

℞. Trochiscor. de camphor. ℥. i. margarit. elect. scr. i. rasur. unicolor. g. 4. Fiat pulvis cap. hora som. cum julepo rosato.

℥. cerati santal. ℥. ij. mastich. ℥. β. pulvis ligni rhod. ℥. iiij. malaxentur cum oleo rosato. Fiat emplastrum pro jecore.

℥. coral. rubr. cornu cervi usti an. ℥. j. rhei torrefacti & irrorati succo granator. ℥. j. incorporentur cum ℥. j. conserva rosarum cum paucō syrupo myrtill. fiat parva mas. capiat mediam partem duabus horis ante jussulum.

℥. balaustiorum, nūcis gallarum ℥. β. absynthij rom. & vulgaris an. m̄. j. cypp. cal. aromat. ligni rhod. an. ℥. β. seminis plantag. ℥. ij. santal. omn. ℥. ij. Fiat decoct. in aqua fabr. & quarta parte vini pro fotu ventris. Post fotum

℥. mucagin. gummi arab. extract. in aqua rosar. ℥. vj. olei myrtill. cyd. an. ℥. j. fiat litus post fotum.

℥. pulv. de cynoglos. ℥. s. mastich. gr. 6. excipiantur syrupo de cicho. fiant duæ pilule, cap. dormiturus.

Quum dolor imum ventrem vexaret.

℥. malv. bismalv. parietaria an. m. j. semin. lini, fenugr. an. ℥. i. florum anthemit. meliloti an. m. j. absynth. rom. j. fiat decoct. in oxymel. diu. fatus fiat: & post materialia applicentur. Item data sepe potio ex julepo rosato & ℥. j. thuris.

## A N N O T A T I O.

2. Melius est incoquere eos succos cum aliquo decocto convenienti, gravior & melior erit.

3. Ga-



3. Galenus cap. 1. lib. 12. method. magnam cautionem vult adhiberi in usu soporosorum & anodynorum medicamentorum. Et Trallianus, non vulgarem noxam sequi ait ex talium rerum potione, praesertim quum imbecilla sunt vires. Quaestio tamen esse potest num imbecillis viribus tutus soporosorum usus, quum hac viribus studere videantur.

## CONSILIUM XXI.

## De imbecillitate visus.

**D** Omina de Pallue aquea quum exertos habeat oculos, eosque satis latos ut radii rerum objectarum non facile in conum coniiciantur: nec suo satis gyro qui per opticum canalem feruntur spiritus retineantur: conqueritur saepe de imminuto visu. Ac quum probe intelligerent Medici id vitii a natura pendere ut arte sublevari tantum possit, non corrigi, tamen ne aliquid non agerent, & efflagitanti urgentique mulieri nihil denegarent, variis atque variis remediis, illam bona spe crexerunt. Saepe enim postica capitis parte dolorem gravem persentit: saepe ad radices oculorum ab intimis partibus dolores protenduntur, ut male affecti cerebri nonnulla suspicio adsit. Itaque eo medicorum processit industria, ut capiti consuleretur, vel per sese affecto ac laboranti, vel sublatis aliunde vaporibus plethoricis symptomatis aucto. Ac si, ut eos qui medicinam caste & integre factitant, decet, lubenter agræ quarenti denegassent, quum saepe frustra contra ejusmodi inveterata mala, a naturaque contracta pugnetur; ut certe fecissent, non tot remediis eam vexavissent ac oneravissent. At misellorum ægrotantium morbi etiam desperati aliqua remediorum formula sunt eludendi.

℞. fœnicu. recent. euph. symphy. petre. chelid. an. ℥. j. sem. ormini, fœnic. an. ℥. ℞. agrimo. buglos. ℥. ℞. turbith in nodulo positi myrob. citrin. an. ℥. s. folior. senæ ℥. j. ℞. fiat decoctio ad quart. 3. dissol. sacch. quart. 3. addendo express. ℥. j. ℞. agar. recent. troc. & ℥. ℞. rhei infusi in aqua fœnic. cum ꝑ ij. santal. cap. ℥. ij. cum decoc. fœnicu.

℞. Decoct. unius capi alterati cum acetosa, buglos. borrag. lib. iiij. carnem unius cap. & duarum perdic: conserva rosar. buglos. nenuphar. viola. an. ℥. ij. pulv. triasantal. simpl. diamarg. frigid. an. ℥. ij. pulver. elect. de gemmis ꝑ ij. micam unius panis albi maceratam in aqu. cordial. & vino albo fiat destillatio.

℞. bipinel. ℥. ℞. betonica sicca, summit. fœniculi viridis an. ℥. j. summit. lupuli ꝑ. ij. florum cordial. ꝑ. j. agrimonie, scariola, an. ꝑ. j. fiat decoct. ad lib. ℞. In colat. dissolve sacchari quart. j. express. ℥. viij. rhei infusi in aqua fœnicu. cum cinna. ꝑ s. nucis mos. ꝑ ℞. agari. ℥. j. fiat syrupus in tres doses.

℞. beton. origa. sampsuc. thymi, puleg. siccata. an. ꝑ. j. caryophyl. nucis mos. macis, cubeb. piper. lon. an. ℥. j. masti. ℥. ij. nucis cupres. cortic. thur. an. ℥. i. s. strac. calam. benioin. an. ℥. iiij. fiat pul. pro cucufa.



℞. elect. diarrhod. ℥ s. coriandri prepar. cinnam. sem. anisi, macis. an. ℥ j. in euph. sic. ℥ ij. pulveriscentur, subtilis. cum lib. ℞. sacch. fiat pulvis.

℞. masti. ℥ iij, cubeb. nucis mosc. macis, galan. cala. arom. an. ℥ s. pulveriscentur omnia & excipiantur gummi tracag. in aqua rorismar. dissoluto fiant trochisci, quorum unus cum tenui linteo versetur in ore mane ex-  
puendo.

℞. Decoct. sampsu. & succi betæ an. ℥ i. ℞. vini albi odorif. ℥ j. mel. ros. ℥ ℞. pul. nigel. rom. ℥ j. nucis mosc. ℥ s. bulliant omnia fervore uno, colentur & servantur in vase pro caput purg.

℞. agar. in succo fœnic. loco vini al. trochis. massæ pillul. lucis & sine quibus. an. ℥ j. cum succo fœnic. fiant pillula.

℞. Euph. fœnic. an. p. ij. semin. fenugr. loti in aqua fœnic. ℥ j. majora. p. ℞. sem. anisi, fœnic. & gallitrich. an. ℥ i. ℞. fiant duo sacculi quadrati qui bulliant in aqua euphr. pro fotu oculi dolentis.

℞. Aloes in aqu. end. & succo fœnic. depurato lotæ ℥ iij. pul. hier. simpl. ℥ i s. rhei ℥ iij. agar. troch. ℥ ij. pulv. euph. ℥ j. cum syrup. rosar. pallid. fiat mass. pill. cap. bis mense pillul. 3. pond. ℥ ij.

℞. aqu. still. rorismar. ℥ ij. in hac calidiusc. dissol. salis gemmæ ℥ ij. & in hoc liquore infunde nodulum ex aloe linteo levi invol. ex quo linteo expresso instillabitur guttula liquoris præscripti: id fiet mane & vesperi.

℞. symph. petr. & fœnic. an. m. iij. rute, chelid. an. m. ij. irrorentur vino albo per triduum: fiat destillatio in alambico cum magno igne ad usum.

℞. milii comm. libr. j. salis furfur. macr. salv. sicc. an. lib. s. semin. fœnic. ℥. iv. fiant duo sacculi pro capite.

℞. emplastr. de betonica ℥ ij. opop. ℥ j. castor. ℥ ij. picis navalis ℥ s. pul. chamom. major. ireos, an. ℥ i. s. cera ℥ j. cum oleo nard. fiat emplastr. sinapizetur ℥ j. salis nitri pro capite.

Ovum recens ad duritiem coquetur detracto vitello, pulvere e vitriolo albo, & saccharo cand. implebitur: ambabus partibus ovi divisi colligatis macerabitur in aqua rosar. & euphrasia per quatuor dies: expressione facta fiet collyrium.

Huic Dominae in metu cœcitatis hic multa remedia præscribuntur. Item & alia quæ sequuntur optima cognitu.

℞. semin. fenugr. loti in aqua tepida ℥ j. semin. fœnic. ℥ s. euphr. p. s. fiat decoctio in aqua ubi ferbuerint leviter: primam aquam abjicies: novam addes: in secunda aqua dissolve sacchar. rosati cand. ℥ iv. mellis rosati ℥ ij. fiat collyrium, de quo guttas in oculum jaciat agra.

℞. farin. fenugr. & tuthiæ prepar. an. ℥ iv. aloes lotæ ℥ ij. fellis perdicis ℥ s. amyli ℥ s. cum melle ros. colato. Formentur trochisci, siccentur in umbra, siccatis utatur cum succo fœniculi depur. addita pauca aqua rosacea majore vel minore pro ardore.

Eidem pariter Dominae ad dentium fœtorem corrigendum hæc præscripta fuerunt.

℞. rad. mal. dr. s. myrrha dr. s. mastich. cornu cervi ust. an. ℥ j. off. spong. & sapia



℞ *sapia an. dr. s. sang. drac. ℥ j. ireos flor. ℥ j. s. corall. utriusq. an. dr. s. cinnamomi & santal. citrin. an. ℥ ij. cum sacchar. ros. fiat pulvis pro dentibus. ℥ pulver. prædict. ℥ i. s. excip. gumm. trag. extract. in aqua odorif. fiant parvi troch. versentur ore saepe mane præsertim.*

Item ad dentes.

℞ *rad. althea ℥ j. ciner. rorismar. ℥ j. s. florum rosar. rubr. ℥ iij. agrim. m. s. alum. ℥ s. tartari ℥ ii. fiat decoct. ad lib. s. pro ablutione dentium.*

℞ *corall. utriusque, rosar. rubr. an. ℥ ij. cinnam. xyl. an. dr. i. s. mastich. ℥ ij. cum melle rosato: fiat opiata pro dentibus. Item:*

℞ *coral. utriusque ℥ j. ossis sapie ℥ i. sang. dracon. mastich. an. ℥ s. pulv. rad. bistortæ & ireos floren. an. dr. s. cinnam. gr. s. ambr. gris. & caryophyll. an. gr. ij. ligni aloes ℥ i. rasur. ebor. cornu cervi usti, rosar. rubr. an. dr. s. cum melle. fiat opiata. Item:*

℞ *corall. utriusque, pumicis, santal. rubr. cryst. an. ℥ iij. cinnamo. caryophyll. an. ℥ j. cum melle rosato, & granis 6. mosch. fiat opiata. Aut*

℞ *marmor. alb. cristall. an. ℥ iij. pumicis, santal. rub. an. ℥ s. caryoph. ireos flor. an. ℥ ij. cum melle. Fiat opiata.*

## CONSILIUM XVII.

## De Asthmate.

CAROLUS d'Heruille ex asthmate, difficilique anhelitu laborabat. Juncta erat & destillatio in pulmones, quæ suffocationis periculum afferebat. Summam pulmonum infirmitatem Medici accusabant, qui sese facile explicare non possent, nec alas suas expandere ad exigendam materiam quæ orthopnoeam concitaret. At inito prudenter consilio cum catarrho pugnatum est, incisa materia quam conceperant pulmones: & quoniam in tabem inclinatio fiebat, analeptici quoque cautum provisumque est, ne marcor adaugeretur, tandemque in discrimen conjiceretur. Huc autem referentur multa remedia, tum quæ sistendo catarrho dicant operam, pulmonum alas explicant, tabem retardant, & hæmoptoica quoque ipsa. Ut quum eorum sylva in promptu erit, facile si quid sese offerat ejusmodi, occurratur. Magna enim copia est hominum e pulmonibus Lutetiæ laborantium: sive quod, ut olim Romæ ejusmodi affectus percrebuerint, ob aeris humidam temperiem, idem Lutetianis contingat. Magnam enim partem perflantur austrinis Parisienses. 2. Sive quod Lutetiani partes thoracicas imbecillas habeant, catarrhisque obnoxii sint. Delicatæ sunt vitæ, imbecilla habent viscera. Sive quod quum post centum annos multi tabidi decubuerint, quumque nullus quantam hoc perniciem afferat, caute animadverteret, hereditario jure ad posterum malum serpsit. Nam quicumque stirpe tabida sati sunt, eos fere omnes tabes attingit. Sive quod quum nullus Medicorum hætenus monuerit nos quanta sit labes & contagio pulmonum affectorum, e quibus aura venenata effertur facile eos quibuscum versantur inficiens ac contaminans, nemo sibi providerit, & ita incautus venenata qualitate infectus fuerit. Ac futu-



rum tandem est ut nisi vel in eam rem interdicendæ consuetudinis lex fanciatur, vel cane pejus & angue tabe affectûorum communis societas fugiatur; malum hoc ita Lutetiæ accrescat, ut oppido pauci malignam ejus vim effugiant. Cur enim elephantiorum, cur febricitantium consuetudo eos quibuscum vitæ communio est, contaminat, tabidorum virulentia impune in populo jactabitur? Halitus fœtor, spurcities, squalorque corporis, character & viriditas decussa, marcor, consumptio corporis luculento etiam injecto alimento, quid aliud præter tabificam qualitatem malignamque designat? Ophthalmia, qui affectus est externus, aeri expositus, ut vapor facile evanescat, intuentium oculos inficit, vapor e pulmone ulcerato, tabidoque pulmones alios non inficiet? Unde tanta corporis consumptio & macies, nisi quod tabifica qualitas ad cor delata, & a corde continuato cursu per arterias ad omnes corporis partes derivata, omnes in extimis facultates, debilitet, conspurcet, & contamine? In phthoe enim ut & elephantiasi spectatur quædam totius substantiæ diaphthora, quæ nulla arte corrigi & emendari potest. At plerique visi sunt & a neotericis & a veteribus qui parentum alterutro tabido fati eodem anno nati interierint quo & parentes. Nec est quod Hippocrates in *Aphorismis*, juvenibus hunc morbum accidere dicat, quod a vehementi exercitio sæpe hæmatoptysis præcesserit, ut Galenus interpretatur: Etsi enim causa hæc procatarctica aliquid efficiat, tamen naturalis proclivitas majoris multo momenti est. Sed jam ad remedia descendamus. Ad marcorem in phthisi.

℞ amygdal. dulc. ℥ ij. pinear. passul. mund. in aqua rosar. mund. & contu. an. ℥ j. pulp. carnis capi vel coxar. ranarum vel cancrorum fluviatilium vel testudinum ℥ j s. medull. 4. sem. frig. major. alth. & bombac. an. ℥ ij. anisi & cinnam. an. ℥ ss. amyli parum, sacchar. qu. suff. fiat massa panis cum jusculo pulli: fiant placentæ, coquan. in clibano.

℞ pulver. pulm. vulpi prepar. ℥ j. pulv. diatreos & diatrag. frig. sacchari cand. an. ℥ j. coral. rub. rasur. unicorn. an. gr. 4. ambr. gris. gr. ij. marg. elect. ℥ j. fiat pulvis.

℞ bar. vitellinum unum, pullos tres, testudinem nemoralem unam: coqu. in aqua cum lactuc. portul. agrimon. pineis, jujub. sebest. semin. bombac. ungu. caball. passul. ℥ ij. ℞ præd. decoct. ℞ 6. lymaces vineal. 60. reponantur in alambico cum carne capi juvenis. Fiat destillatio in Balneo Mariæ: utatur in pastu, & extra pastum cum sacchar. ros.

Et quum urget tussis a catarrho destillante in pulmones, hæc conferunt.

℞ glycyrr. ℥ ss. passul. ℥ j. jujub. sebest. an. num. 6. bulliant in jusculo pulli. In colat. dissol. mann. granat. ℥ ij. sacchar. candi. ℥ iij. fiat dosis.

Fiat litus ad totum thoracem ex oleis quæ ad eam rem institui ordinarique solent.

℞ conserv. ros. violar. & bugloss. an. ℥ ss. conser. scabios. & ung. caball. an. ℥ iij. pulp. sebest. & jujub. an. ℥ ij. boli arm. præp. ℥ iij. pulv. elect. diatrag. frig. ℥ ij. syrup. ros. sicc. & m rt. qu. suff. Fiat Opiata.

℞ rosar. rubr. mastich. santal. citrin. an. ℥ iij. myrtill. ℥ ij. sampsuc. flor.



*flor. stœchad. an. p. s. beton. sicc. ℥ s. Fiat pulvis tenuiss. quo aspergatur pars anterior capitis.*

*℥ diatrag. frigid. ℥ j. penid. ℥ ij. looth sani ℥ s. julep. ros. qu. suff. fiat in modum Opiatæ.*

*℥ nigell. rom. ℥ β. vernicis, ros. an. ℥ iij. ligni aloes ℥ ij. mastich. ℥ j. fiat suffitus pro capite.*

*℥ decoct. hordei mund. ad crepat. costli. ℥ ij. in quibus bull. jujub. sebesth. dactyl. passul. an. ℥ j. glycyrr. ℥ β. bulliant omnia ad consumt. tertiae partis. adde folior. ungu. caball. & bipinell. an. p. j. In decocto dissol. sacchari albi ℥ vj. fiat syrupus eximius.*

In catarrho vehementissimo cum magna humorum copia frigidorum præsertim, valet quod sequitur.

*℥ chamem. melil. scabios. buglos. hys. satur. an. m. j. ungu. caball. m. ij. rad. enul. campan. eryngii an. ℥ ij. semin. anisi ℥ ij. rad. ireos ℥ s. fiat decoct. & excipiatur ejus fumus.*

*℥ rasur. ligni sanct. ℥ iij. sarcap. ℥ i. s. stœchad. Arab. omnium capill scabios. bipinell. borrag. hyss. agrim. an. m. β. semin. anisi, fenic. an. ℥ ij. glycyrr. ℥ j. jujub. sebesth. polyp. an. ℥ ij. epith. unc. i. β. Fiat decoct. ad ℥ dimid. In colatura dissolv. theriac. veter. unc. s. syrup. cap. ven. unc. iij. syrup. de stœchad. unc. j. β. colent. per manicam hippocr. cum cinnam. Capiat uncias tres singul. matut.*

Quum præ copia materiæ asthmatici ægri quodammodo videntur, valet hoc quod sequitur.

*℥ rad. serpent. unc. ij. passul. & glycyrr. an. unc. j. fiat decoct. ad lib. j. In colat. dissolv. sacchar. unc. iij. fiat in modum Julepi. Item.*

*℞ cypp. calami arom. an. ℥ ii. cort. citrii, assæ odor. an. ℥ i. milii sicc. furfur. mac. loti in vino & sicc. an. ℥ iij. salis ℥ iij. ros. rubr. santal. citr. an. ℥ s. Fiat pulvis, cujus pars inspergatur capiti hora somni.*

*℞ succi liquir. in aqua scabios. infusi ℥ v. pulver. elect. diatr. frig. ℥ ii. pulv. diatr. ℥ iij. sacchari candi & penid. an. ℥ i. s. sacchari albiss. ℥ iij. cum infus. gumm. tragac. in aqua rosar. fiat pasta: form. pil. sub lingua.*

*℥ boli arm. ℥ s. elect. diatrag. pulver. glycyrr. cinnam. an. ℥ i. pul. elect. aromat. rosar. ℥ s. sacchari albiss. ℥ iv. cum infus. gummi tragac. in aqua rosar. & ungu. cabal. fiat pasta.*

*℞ pulver. ireos floren. gummi tragac. an. ℥ i. amyli, boli arm. an. ℥ j. rhei pulv. ℥ ii. rasura ebor. cornu cervi an. ℥ s. liquirit. rasæ ℥ i. s. saccha. in aqua ungulæ cabal. soluti quant. suff. Fiant tabell. ℥ j. teneat in ore sepe.*

*℞ mell. despum. sacchari & butyri recent. an. ℥ vj. utatur ex cochleari.*

*℞ medul. caulium rubror. coctior. inter cineres unc. duas, 4. semin. frigidior. major. incisior. unc. j. sacchari albiss. unc. iij. fiat conserva.*

*℞ diatrag. frigid. unc. s. diaireos unc. s. semin. bombac. melon. an. dr. ij. pulpa passul. mundat. ℥ ij. s. cum partibus aquis syrupi violar. & capill. fiat looth.*



Et quum perenniter illabatur catarrhus a materia effera, qui tabem tandem afferat, ille qui sequitur syrupus miraculose dicitur prodesse.

℞ flor. & germin. i. salicis, folior. urtica mortuæ an. m. iv. summit. viminis rubri, folior. bursæ pastor. an. m. ij. fiat decoctio in ℥. iij. aquæ rosar. ungu. cabal. & bursæ pastor. cum saccar. lib. j. s. ad medietat. sumat ℥ j. s. cum aqua destillat. viminis rubri.

℥ ungu. caball. buglos. scabios. an. m. i. s. jujub. sebest. num. 4. fol. senæ ℥ i. fiat decoctio ad lib. s. In colatura infunde agar. ℥ s. sacchari candi lib. s. Fiat syrupus, capiat bis in hebdomad.

℥ syrupi rosar. siccar. jujub. & de papav. an. ℥ ij. pilul. de cynogloss. ℥ j. misceantur in mortar. capiat eger sine aqua duo cochlearia sero, addita ℥ i. s. pulver. saccha. ros. aut candi.

Suffumigium pro capitis ornamentis in destillat. Sed hoc mihi valde non probatur. Usurpatum tamen a nobili viro.

℥ coriandri prepar. ℥ vj. gummi hedere, sandarac. mastich. olibani, & rosar. an. ℥ j s. trochiscor. de caphura ℥ s. semin. papaver. albi ℥ i. s. contundantur omnia crassiuscule. Ex his mane & vesperi in lecti introitu suffiantur capitis ornamenta.

℥ agar. trochisc. ℥ j. olibani ℥ ij. fiant pilula 6. capiat unam dormiturus.

℥ scabiosa, bipin. ungu. cabal. an. m. i. ficus pingues num. 8. passul. jujubar. sebest. prunor. damasc. an. ℥ j. semin. melon. cucumer. an. ℥ ij. fiat decoct. ad quartar. iij. in quibus dissolv. oxymel. simpl. & sacchar. ros. an. ℥ vi. fiat in modum syrupi.

℞ materialia prædicta, coquantur cum gallo vetere, in decoct. ℥ v. dissolv. manna grana. unc. ij. s. fiat potus.

℞ radic. altheæ in taleolas sect. ℥ i. summit. malva, bismal. buglos. borrag. an. m. i. plantag. p. ij. jujub. sebest. dactyl. pruna damasc. an. nu. 20. semin. bombac. melon. cucurb. an. ℥ s. glycyrrh. ℥ ij. conserv. ungu. cabal. ℥ j. ungu. cabail. m. ij. hyssopi sub finem positi p. s. florum nenuphar. & violar. an. p. i. agrimon. bipin. an. m. i. Fiat decoct. ad lib. i. in aqua ungule cabal. & rosar. In colat. dissolve sacchar. candi, & rosa. an. lib. s. syrupi de ungu. cabal. ℥ ij. penid. ℥ i. fiat syrupus perfecte coctus.

Et quoniam sanguis ore rejicitur, sæpe formidabile symptoma proxime phthoen minitans, quammaxime anniti debemus ut hoc arceamus.

Syrupus ex stercore asinino in omni rejectione sanguinis confert plurimum. Lavatur primum in aqua rosac. in eadem incoquitur cum saccharo rosato, & fit syrupus.

℥ conserv. rosar. veter. buglos. borrag. an. unc. i. pulver. semin. plantag. ℥ i. boli armen. terræ sigil. an. ℥ ij. lapid. hemat. scr. i. cum syrupo capill. ven. fiat opiata.

℥ Julepi ros. unc. i. utatur cum aqua ros. & plantag.

℥ succor. portulac. plantag. urtica mort. granat. lactuc. an. ℥ ij. sacch. ros. quart. tria. fiat Julep. in quo madeat nodulus ℥ ij. lapid. hematit. sicut, alkoor pulver.

℥ syrup.



℥ syrup. myrtil. & papav. & rosar. siccar. an. ℥ j. capiat dormiturus.

℥ mumie pulver. ℥ ij: terre sigill. scr. β. aquæ plantag. rosar. centinod. an. unc. j. detur.

℥ succi unguis. cabal. plantag. an. unc. iiij. succi berber. & macerat. rosar. siccar. an. unc. ij. cum saccharo ros. fiat Julep.

℥ mumie ℥ j: terre sigill. & boli armen. an. ℥. s. aquæ myrtil. & ros. an. ℥ iiij. decoct. rosar. & cortic. citrii lib. s. fiat Julep. in 4. doses.

℥ boli armen. terre sigill. mumie an. ℥ iiij: semin. papav. albi & melon. an. ℥ s. glycyrr. ℥ ij. sacch. candi ℥ s. Excipiantur omnia in gummi tragac. extracto in aqua rosar. fiant formulæ quas in ore teneat.

℥ majoran. flor. chamem. meliloti an. p. β. fiat decoct. pro vapore nasi.

℥ meliss. buglos. scolop. plantag. beton. unguis. cabal. folior. cardui. portul. an. p. j. passul. ℥ ij: folior. senæ ℥ s. F. decoct. infunde rhei ℥ ij. dissolve syrupi violar. ℥ j.

℥ semin. papav. albi ℥ j. pulver. diatragag. frigidi ℥ ij. amyli ℥ j. semin. melon. lactuc. an. ℥ s. glycyrr. ℥. β. sacch. ros. ℥ s. cum mucagin. semin. psyll. in aqua lactu. extract. Fiant formulæ quæ ore versentur.

Quum a capite catarrhi origo est labentis in pulmones, ut & capiti & thoraci consulatur, valet hic syrupus.

Radic. lapathi acuti, serpent. bismalva, ireos florent. an. ℥ s. cichor. tot. agrimon. adiant. ungula caball. hyssopi an. m. i. semin. bombac. mal. melon. cucumer. fenic. an. ℥ ij: passul. glycyrr. an. ℥ i. β. ficus, jujub. an. numero x. violar. p. ij. Fiat decoct. in qua infund. agarici trochisc. ℥ ij. cinnamom. & santal. citrin. ℥ iiij. bulliant mane in colat. dissol. cass. ℥ viij. sacch. quod suff. Fiat opiata, capiat unc. unam cum sacch.

℥ pulv. rosar. cornu cervi, santal. alb. & rub. an. ℥ ij. spod. gummi Arab. mastich. an. ℥ s. coral. ℥ j. succi glycyrr. ℥ s. semin. papav. & melon. an. ℥ s. cum saccharo in aqua ros. solv. fiant tabell. pondere ℥ ij.

℥ diarrhod. abba. diatrag. frig. an. ℥ j. coral. ℥ j. cum sacch. dissol. in aqua rosar. fiant tabellæ pondere ℥ j. β.

℥ rhei ℥ s. mastich. gr. 2. cum aqua agrimonie, fiant pilulæ tres, capiat mane.

℥ succor. plantag. portul. centaur. an. ℥ iiij: succi granat. ℥ iiij: aquæ rosar. maceratæ cum lapide hemat. super marmore ℥ iiij. sacchari ros. qu. satis. fiat syrupus posito nodulo boli armen. inter coquendum. Capiat cochlearia duo cum express. ℥ unius rhei bis in mense.

℥ aquar. plantag. & rosar. an. ℥ ij. aquæ macerat. rosar. siccar. ℥ ij. cum sacch. ros. fiat Julep.

℥ rasuræ ebor. cornu cervi, margar. elect. an. scrup. j. coral. rubr. lapid. hemat. boli armen. terre sigil. an. ℥. β. glycyrr. ℥ ij. cum sacchar. ros. in aqua arnoglos. soluto. fiant tabellæ pondere ℥ ij.

Optimum est remedium opiata facta ex pulpa passular. damasc. ex pulpa jujubar. & sebest. cum sacch. qu. suff.

℥ succi depur. per residentiam. plantag. portul. granat. cydonior. beton. agni cast. an. ℥ ij. sacch. ros. qu. s. fiat syrup.



℥ spodii, rosar. rubr. boli armen. terra sigil. hemat. an. ℥ β. coral. rubr. carab. margar. an. ℥ i. β. gummi tragac. dr. ij: semin. papav. albi, portulacæ, mal. rosar. rub. arnoglos. cornu cervi usti an. dr. ij. acaciæ, succi barba hirci, succi glycyrr. an. dr. ij. amyli torref. drag. ij. terantur, misceantur cum saccharo, fiat pulvis.

Tabidos alvi fluorprehendit sæpe, unde mors consequitur. Eo hæc conferunt.

℥ cerati santal. ℥ ii. cerati stomach. cydonior. an. ℥ β. mastich. ℥ j: olei myrtil. qu. suff. fiat emplastr. pro stomacho.

℥ olei de absynth. & cydonior. an. ℥ ij: spicæ nar. ℥ ij: santal. citrin. coral. rubr. spod. rosar. an. drag. j. cera q. s. Fiat liniment. pro hepatic.

℥ conf. rosar. nenuph. an. ℥ i. coral. rub. cornu cervi, boli armen. terre sigil. an. drag. s. sacch. ros. ℥ iij. Fiat conditum.

℞ succi pomor. de curtup. plantag. endiv. an. unc. iij. succi granat. & cydon. an. unc. i. β. sacchari & syrupi rosar. an. qu. suff. fiat syrupus.

℞ pulv. elect. diarrhod. abbat. & triasant. an. dr. β. diamarg. frigid. ℥ ij: cornu cervi usti, & ebor. an. ℥ j: sacchar. dissol. in aqua rosar. Fiant tabellæ.

℥ conserv. rosar. symphy. an. ℥ j. cortic. citrii cond. myrobal. citrin. cond. an. ℥ β. trochiscor. de terra sigill. & de spod. an. dr. β. trochisc. de coral. scr. j: pulv. elect. latitiæ grana xv. cum syrup. myrtino. Fiat syrup.

Ad superiora quoque pertinent hæc quæ in destillatione præscribi possunt.

℥ conserv. violar. anthos, carnis myrobol. embl. cond. an. dr. ij: pulp. passul. & sebest. an. ℥ s: olibani pulv. mastich. an. scr. j. cum syrupo de stæcha. Excipiantur omnia: capiat drach. j. hora somni.

℞ conserv. symphy. rosar. an. ℥ j. carnis myrobol. embl. unc. β. cum syrupo myrti. Fiat opiata, capiat mane cum syrupo sequ.

℥ sigill. Salom. herba judaica an. p. ij: plantag. cum rad. m. j. consolidæ utriusque an. m. β: bipin. m. j. β: semin. plantag. ℥ ij. Fiat decoct. ad lib. j. In colatura dissol. sacch. ros. ℥ vi. capiat ℥ i. s. pro dosi.

℥ rad. ireos florent. enula campanæ, glycyrr. ras. an. ℥ β. passul. mund. drag. 6. ficus pingues num. tres, jujub. sebest. alkeken. an. num. 6. bulliant in equis partibus vini albi & aquæ. Fiat decoct. ad usum sequentem.

℥ gummi tragac. ℥ ij. s. pul. glycyrr. ℥ iij. pul. elect. diaireos simpl. & diatrag. frig. an. ℥ j. sacch. candi & penid. an. ℥ i. β. amyli. ℥ ij. cum sacc. al. ℥ vj. dissol. in decocto superiore fiant cylindri.

℥ rad. ungula cabal. ℥ ij. glycyrr. ℥ j. carn. dactylo. viij. jujub. sebes. an. ℥ j. adian. folior. ungu. cabal. an. m. j. passul. damas. nucleor. pini. an. ℥ i. s. semin. mal. bomba. an. ℥ iij. fiat decoct. addendo sub finem pulver. pulmon. vulp. ℥ iij. in colat. ad quart. iij. dissol. oxymel. simpl. syrup. violar. an. ℥ ij. sacch. can. ℥ vj. fiat syrup. utatur mane longe a pastu.

℥ carnem duarum testud. prepar. rad. serpent. maior. glycyrr. ungula cabal. an. ℥ ij. scabio. adianti, capil. vener. scario. hyss. an. m. j. jujub. sebes. numero 12. passul. ℥ ij. semin. melo. cucurb. dactyl. enucleat. nucleor. pini,



hini, & pistaciar. an. ℥ j. fiat decoctio in aqua scabio. ungula cabal. scabio. & endiv. in colat. ad lib. j. dissol. mel. al. & sacch. an. quart. iii. clarificatio. fiat pulvere sequenti.

℥. pulv. diaireos, diarrhod. abb. an. ℥. i. pulver. pulmo. vulp. prep. ℥ iiij. pul. ireos flor. ℥ β. cinnamomi, ℥ j. ponantur omnia in nodulo.

## A N N O T A T I O.

<sup>1</sup>\* Maxime vero contingit magnam partem pulmonum in his regionibus vitiata apparere, quod etiam a pueritia magna in thorace acervetur phlegmatis copia. Videmus enim omnes fere nostros pueros tussiculosos esse, raucos, & πνευματίας, quum tamen nil extussiant. Sic colligitur pituita, quæ non recta amplius a natura pulmones corrumpit.

<sup>2</sup>\* Tussis oritur vel stimulata natura a materia influente e capite: vel eadem stimulata a materia contenta in pulmone. Quum tussis continenter affligit, argumentum est descensus humoris e capite, licet intervallis longis, credibilis a materia in pulmone contenta oriri. Si a capite manat, roborandum caput, & impediendus catarrhus: si in pulmone contenta, bechicis utendum. In catarrhis, sed ferinis, præsertim illud fieri potest: non est alienum sæpe ac sæpe cibum ingerere; hinc enim catarrhi impetus debilitatur: nisi forte ex esculentis aut potulentis aliquid aliena qualitate tussim provocet.

<sup>3</sup>\* Salix maximas vires habet. Desiccatur impense, & sine morfu. Mirum est, quum hæc arbor adeo sit familiaris nobis, ejus vires tamen negligi, quas Dioscorides tanti facit lib. 1. suorum Simplicium.

<sup>4</sup>\* Quarto locor. affector. Galenus abunde explicat quomodo distinguere possimus an sanguis a ventriculo, an a pulmone, an ab ore rejiciatur. Inter cetera commemoratione digna, scribit quosdam hæmorrhagia tentatos, & excrevisse sanguinem per vomitum ob ductam per os & per nares forte fortuna hirudinem exiguum admodum quæ tempore accreverit. Quod notandum est.

## CONSILIUM XXIII.

## De Febre Tertiana.

**D** Omus Lotharingæ custos circa mensem Augustum in febrem incidit:

Ut corpus biliosum erat, constitutio temporis calida sicca, ita adorta febris est tertiana; sed ea non multo post tempore mutationem recepit, & quæ prius statura rataque esset, ea erratica effecta est in quartanam proxime degeneratura. Reddito aere caliginoso, inæquali, frigidoque corpus melancholicum effectum est per aduersionem humoris biliosi: dominatum humoris indicarunt & actiones animales expeditæ, citæ, celeres, motus animi, excrementa quoque ipsa, & caloris species. Tandem quartanarius decubuit, ingens admodum sitis, proclivitas ad iram, vigiliæ perpetuæ. Nec  
dum



dum tamen perseverant circuitiones periodique quartanæ. Exactis enim sex aut septem circuitionibus satis constantibus, interjectæ sunt aliæ accessiones modo cum sensu frigoris, modo sine sensu, ita tamen ut die quoque quarto primæ febris ratio aliqua retineretur. Dubitabatur num triplex, an duplex quartana: an hemitritæus. Non hemitritæus erat quod continuus non esset, nec affecti ventriculi argumenta sese proderent. Non duplex tertiana, quod majus multò esset intervallum inter repetitiones quam in duplici tertiana esse soleret. Ergo eæ accessiones ita incertæ aut significabant causam nondum satis firmam in lactibus & viscere utroque, aut translata materia a suis sedibus brevi finitum iri morbum. Scribit Galenus usu intempestivo theriaces & rerum similium, præsertim nondum coacta materiâ effici ut ex simplice quartana duplex triplexque fiat. Incidit enim materiam nondum præparatam, & in diversas partes pellit. Ita nimirum humor in illo corpore redundans tenuis, acer, a bilioso adusto procreatus, seipse potuit movere, cedere, & impellere. Ut quod theriaca tamquam externum efficere posset, idem humor tamquam a sese habens motus principium præstaret. 2. Sed hæc fortasse argutiora. Non adhibuimus majorem operam ut morbus destrueretur, quia corpus ut nimis siccum ferendo non esset. Immo nostra remedia irrita videntur fuisse, nisi ex eo irrita non fuisse videri debent, quod nobis auctoribus, quum alioqui morbus esset periculosus, & homini necando satis, vim mortis tamen evaserit, morbo nimirum deluso & temperato. Contra in hac quartana gerere se oportuit quam in aliis. In his enim usui sunt aperientia, vehementer & impense calfacientia, piperata, falsaque: Sed hic ad humectantia plane descendendum fuit, tum ut ingenti siti quæ præcipui symptomatis rationem habebat, consuleretur, tum ut humorem biliosum adustum temperaremus, & quodammodo occasionem contrahendæ putredinis præriperemus. Quærebatur num iterato mittendus sanguis, an medicamenti pugnandum. Neutrum accommodatum visum est. In morbis acutis, & principiis morborum longorum valida quidem remedia usuveniunt, quod & natura adhuc viget, & quia humor cedit trahenti medicamento. Hic morbus progressus est, & nescitur quorsum evadat. Ergo naturæ medicatrici committendus est. Natura enim maxime medica in longis apparet coquendo, secernendo, abscessum moliendo, virtus non stat: ergo & venæ sectionem & purgationem dehortatur. Mineræ virtutum in partibus solidis. hæc siccæ sunt diuturnitate morbi, vasorum ora connivent, concidunt, & collabuntur: Siccitas illa & collapsus impedit actionem medicamenti: & potius colliquatio afferretur partibus solidis. Præterea si paullo validius medicamentum daretur, metus esset ne in dolores colicis similes æger incideret quod in plerisque observatum est quibus humor exagitatus est. Item & observatum, mulierem quartana laborantem, quum jam 16. dies quievisset assumpto etiam medicamentulo, in morbum elapsam esse: Omnis enim materia agitata emotaque seipsa quiescente deterior esse solet, quod diligenter animadvertendum fuit. Urinæ flammæ sunt admodum, sitis magna: non propterea tamen hæc sectionem venæ arguunt. Nam oportet in iis febribus uliginosum excrementum efferri a præcordiis ad cor, quod fit ut facillime



ventriculum attingat, & a ventriculo tunicam linguæ alvoque ipsi communem. Et quum sedabitur illa, incipietque corpus bene nutriri humidis alimentis, naturæ resurgentis, & recreantis sese erit argumentum. De prognost. Metus esset ne in marasimum conjiceretur, nisi proba victus ratione provideatur: id quod febres erraticæ efficiunt sæpe, tum quod focus multiplex, & natura sæpe ac sæpe affligatur. Spes enim convaliturum, quod hypochondria non metèora, nec pro ratione febris inæqualia. At in omnibus morbis hypochondria recte valere optimum. Alvi fluor conferet si non cum excrementis rapiatur chylosa substantia e ventriculo. Nec hodie verum constat esse quod scribit Hippocrates, quartanas securissimas: quum his temporibus aut illis succedat hydrops, aut scirrhus lienis. Tamen quum affecta non sint viscera insigniter, satis tuta potest esse quartana. Nunc autem observatur in ejusmodi febribus quartanis cancrasam in corpore lienis concipi dispositionem, quæ quo magis medicamentis irritetur, magis ægrescat medendo, quod & in externis affectibus cernere est. Tota ratio curationis ad duo revocabitur, ad curam ventriculi vicinarumque partium: item ad dietam. Dieta hæc erit: Utatur jusculis sæpe, immo etiam sub finem accessionis, minutalibus vitulinis, panata, hordeatis, vino diluto tamen. Est enim sitis ingens, & urinarum venosique generis ardor dissuadet usum vini, tum morbi longitudo suadet; aqua enim non transiret vasa longo morbi tractu collapsa & conniventia, nisi veheretur. Ventriculo studendum quod fatiscat morbi longitudine, & quod eadem de causa congerat multa excrementa, unde morborum aliud semen. Liniatur ventriculus oleis quæ vim habebunt ejus corroborandi, & adstringendi. Foveatur iis quæ eundem excitabunt & confirmabunt. Dentur tabellæ ex aromatico rosato descriptione Gabrielis, & Triasantalo. Atque ea ratione futurum est, ut vincente, triumphanteque natura, quæ nunc inferior veluti latet, morbus debilitetur, & tempore destruat.

## A N N O T A T I O.

\* *Hic ager gravissime habebat, & dolores gravissimos perferebat. Sudabat sæpe, & tamen nihilum sudores proficiebant. Ac revera nos observavimus in Quartanis sudores non proficere solere. Nam quum materia sit crassa, frigida, lenta, non est credibile eam ita attenuari posse, ut in sudores resolvatur. Sed quum calor naturalis & calor febrilis nihil non agere possit, adoritur aliam tenuem materiam a'endo corpori satis accommodatam: ut mirum non sit si non proficiant tales sudores, quum maxima ex parte non sint ipsius materie morbificæ. Prosunt quidem sudores apparentibus coctionis signis, quod materia naturæ cedat, sed donec aliquid tale apparuerit, non est quicquam opis exspectandum. Unde non est cur solliciti simus de citandis sudoribus in Quartanis. Nam si sudores nondum apparentibus signis coctionis, procurari non possint sine obstructionis majoris metu, quod ars non audet facere id si natura parum provideat, præstiterit, minus saluti corporis consuluerit. Quod hic diximus de crebris sudori-*



doribus qui in Quartanam incidunt, questione dignum unde oriantur. Nam non credibile est materiam tam crassam ita in halitus abire, id quod praesertim in corpore squalido & sicco, in quo tamen tot sudores apparent. Et hic annotari oportet anno Domini 1573. plurimis Quartanariis corpus totum sudoribus diffluxisse corpore plane emaciato, squalido & arido. Et ii sudores nil proficiebant. Horum duplex causa esse videbatur, infirmitas naturæ priore morbo ita fatigata: item ariditas hepatis & viscerum. Nam quum calor febrilis diu durans partes resiccet, sit ut quod alimentum alligit, ad partes facile non possit agglutinari, praesertim quum liquidus est. Tales autem febricitantes solis iusculis liquidis utebantur; nec mirum sinequeunte hepate ob siccitatem multum consumere, reliquum per sudores exeat. Hanc questionem alio loco fusius forte explicabimus.

2\* Tametsi in morbis, & praesertim in febribus: in hypochondriis, nec inæqualitas, nec tumor appareat, propterea securos esse non oportet de morbo, ut in hoc agro apparuit: Etenim vitium sepe in ipsis visceribus heret quod tactu nec visu percipitur. Itaque falli non oportet: Et id primus observavit Gal. cap. 7. lib. 5. Locorum affectorum; ubi declarat sepe colorem æruginosum, aut auriginosum potius in superficie corporis apparere nulla existente obstructione, aut inflammatione, aut scirrhus in hepate: ut & alteratio sit temperamenti non alienatio, nec sit morbus ullus in conformatione: ideo quum tales colores adsunt, non statim ad admota foris deveniendum, ut male quidam faciunt.

Ille vir, de cuius morbo hic differitur, circa mensis Novembris decimum sextum diem luna inclinante interiit. Et antequam interiisset intumebant pedes, omniumque partium corporis dolor obortus fuerat. Quarto antequam interiisset die, de repente suppressa est urina, & venter intumuit, ac si natura aliquid vellet moliri ad solutionem morbi: prescripto diuretico excrevit urinae plus minus pintas tres. Visus est allevari. Repetente accessione nova cum horrore interiit.

## CONSILIUM XXIV.

### De Hydrope.

Vide ante consilium 17.

**M**ercatoris uxor, de qua ante, nec purgationibus, nec venæ sectione febris & tumoris quo detinebatur, curationem recipiebat. Immo morbus tanto contumacior resistebat, quanto maiore opera ac cura Medici conarentur ut morbum profligarent. Sed a Medicis aberrari videbatur. Nam illi rerum humidarum usum suadebant, usum quoque vini: hi neglecta febre ab humidis rebus ægram avocabant, ut & cruditatem humoris in præcordiis contentam corrigerent, & tumorem omnium partium extimarum & abdominis minuerent. Item vino interdicebant illi: hi eam ad ejus usum hortabantur. Nec abs re dubitatum est utri potius esset consulendum. Nam & a febre metuendum est, quæ dum humores corrumpit, majorem semper



semper tumoris occasionem affert, & tumor iste curationem postulabat, ne si incremento non prohiberetur, tandem hypofarcidion immedicabilem adduceret. Ac revera tumor ille morbi rationem habebat, a febre quidem primo originem ducens, sed qui prius symptomatis nomine donari deberet, morbi rationem habere debebat, quod & cruditatem ejus causam corpus contineret, & actionem læderet. Dum contrariis sententiis pugnaretur, de ægræ salute ambiguum admodum ibat, necdum constabat quo loco standum, quidve consilii ea in re caperetur. Coacto Medicorum concilio res diligentius pensitata est, quod ægræ mulieris sanitas admodum lubrica foret. Visum est omnibus feбри & tumori consulendum; ita tamen ut potius febris, quam tumor, ejusque causa negligeretur. Humorū congeries & cruditas visa est totius morbi causa, & febris ipsius, & tumoris. In iis humoribus sepultus calor visus est sese recreare nequiens; ut nisi provideretur brevi, leucophlegmatias verus sequeretur, a quo vix evaderet. Urinæ ardebant: sed id nihilominus febris habendam rationem indicabat; quod & leucophlegmaticis esset familiare, in quibus sectio venæ metuenda, licet febris eam exposcere videretur. Quin & eam venæ sectione curationem aggredi, ægram jugulare asserebant: & erratum ab iis qui jam quarto venam secuisissent, falso inducti sanguinis detracti pravitate. At talis in leucophlegmaticis sanguis redundare consuevit. At tantum abest ut quarto iterata venæ sectio juverit, ut jacturam caloris naturalis attulerit, quum incumbendum esset in coctionem tam contumacis materiæ morbum longum efficientis. In tanta enim cacochymia incidebat occasio nulla secundæ venæ. Quod attinet ad veram curandi methodum, hæc in medium adducta sunt quæ in nullis morbis usuvenire debent, & quæ Galenus 12. Method. proposita febre cum syncope & cruditate conjuncta pertractavit. Nam eo loci nec purgationi, nec venæ sectioni quicquam concedi debere explicavit, quod & vires in ea humorum corruptela, & veluti hypofarcidio habitusque tumore elanguescant, & cruditatis ipsa ratio omnem occasionem purgandi præripiat. Immo in ejusmodi affectu sola frictione corpus exercet paullum admodum majoribus artis medicæ remediis attribuens. Ad summum revocari debet ejus morbi curatio ad duos canones quos Hippocratis Interpres pro hypothesei proposuit. Nam in prima Aphor. sectione, febrem hydropi humido junctam constituit, ut utri tribuendum sit in iis & similiter complicatis affectibus, doceatur: æque studendum utrique tandem concludit; ita tamen ut ejus quod magis urget potior ratio habeatur. 2\* Posterior hypothesis est de febre quotidiana: in ea habenda est ratio febris, & materiæ; hæc siccantia & calfacientia postulat: illa contraria. Galenus ita in eo se gerit negotio, ut neglecta ad tempus febre materiei præparationi incumbat. Quod diligenter annotari debet. Contra nitebantur, qui dicebant, ideo sectionem venæ commodam videri, quod ex lochiis & mensibus non nihil superesset. 3\* Tandem dictum est mensium recentem suppressionem sectionem quidem venæ hortari: sed quum morbus etiam ab ea suppressione natus jam affectus est. Imbecilla ea est quæ a suppressione ista sumitur indicatio: nam contaminata est sanguinis molisque corporis œconomia, sic-



crevitque cacochymia quæ ex se catharsin indicabit. 4\* Nec febris ipsa per se sectione venæ tollitur, præsertim quæ a cruditate orta est, & cum caloris inopia conjuncta est. Placuit eis ut vino etiam generoso uteretur ad excitandum calorem naturalem, vires recreandas, cruditatem coquendam, ut idonea reddatur ad excretionem, & tumorem minuendum. Vinum absinthites probatum. Sequens apozema institutum.

℞. rad. enul. camp. sicca ℥ i. s. rad. apij, petrosel. aspar. fenic. an. ℥ j. omnium capill. agrimon. an. m. j. beton. scolop. chamed. chamæpyt. an. m. j. florum cordial. absyn. rom. an. p. j. glycyrr. polypod. passul. an. ℥ j. stæch. florum anthos an. p. j. folior. senæ unc. iiij. agar. sub finem decoct. positi unc. ij. fiat decoct. ad lib. j. addendo turbit. unc. s. In colat. dissol. saccha. q. s. fiat syrup. quo semel in hebdom. utatur.

℞ melilo. salvia, hyssop. agrimo. an. m. j. cypperi, cala. arom. schœn. an. unc. s. flor. cordial. p. j. fiat sacculus, bulliat in vino pro fotu.

### A N N O T A T I O.

Mulier hæc circa solstitium autumnale interiit quum præcessisset alvi fluor symptomaticus a quo nil est allevata. Nec ulla fuit salutis spes quod omnium pene male affectarum partium internarum magna argumenta apparent. Ita enim Hippocrat. sub finem 4. de morbis, ubi in hydrope alvus valde fluit, citissime moritur audiens & loquens.

Hyposarcidios, quia aliis affectionibus successit, funestus fuit, non per se sed ex eventu. Verum enim id est quod scriptum ab Hippocrate libro πειρ παδων morbum omnem alteri succedentem, funestum esse fere. Huc pertinet quod scriptum ab Hippocrate sub finem lib. 3. de morbis: Omnis hydrops difficilis curatu, præsertim si corpore attenuato veniat, & ubi alvus fluit, moritur cito.

Mirum est quod quum totum corpus edematofum esset, & μωξωδες mucosum dicere possis, tamen intus ardor erat, & nonnisi admodum sollicitata alvus reddebat. De hoc morbo videtur ad unguem pronuntiasse Hippocrates in Coacis. Nam vere exprimitur morbus & symptomata: Quibus ex agritudine aliqua res ad æquam intercutem devenit, his alvi sicca spiratodea reddunt cum eliquatione mucosa: urina non bona: distentiones præcordiorum, dolores, tumores in ventre & in aqualiculo: & juxta spinales musculos: febres, sitis, tussis sicca, spirandi difficultas, crurum gravitas, abstinentia & horror cibi, paucis injectis replentur.

Libro πειρ παδων, notandum quod scribit Hippocrates, hydropem succedere morbis longis, quum agri purgati non sunt. Ratio hæc est, quia carnes corrumpuntur & liquantur, hoc, quod dicitur, communi sensu & experientia perspicitur.

\* 2 Hæc ratio videtur probabilis ad dissuadendam venæ sectionem, quum suppressio inveterata est, ab ea non desumitur secunda venæ indicatio: sed quum recens. Tamen Galenus comment. in artic. 28. sect. 3. lib. 6. Epidemior. narrat se optimo consilio liberalissima manu sanguinem detra-



*detraxisse in muliere extenuatissima, cui jam octo menses menstrua purgatio substiterat.*

3 \* *Mirum est quod hic propter cruditatem Medici vino interdici nolunt: tamen vinum febris plane dehortatur. Incredibile enim dictu quantopere vinum febrem augeat. Nam dum valemus, ac calor naturalis intra suos limites consistit, magna etiam generosi vini copia, nihilo pene auctiorem calorem reddit. Sed dum e gradu discessit, & jam febricula corpus occupavit, etiam tenue vinum propinatum statim symptomata excitat, quod qualitas caloris præter naturam facile adjecto stimulo appareat.*

## CONSILIUM XXV.

*De febre cum gravibus symptomatis singultu & tussi,  
pro Domino de Bures.*

**D**UO sunt quæ inter accidentia symptomataque in febres quæ hac tempestate grassantur incidentia numerantur, quibus plurimum ægri torquebantur, singultus ac tussis. Nec ita quidem molesta esse cœperunt, vel quod totum febris tempus occuparent, vel quod brevissimo tempore divexarent. Vidimus enim ineunte statim accessione ita suffocationis periculum oboriri, & tussis molestias, ac si nulla vitæ spes relinqueretur; desinente accessione placide ac sedate habebant. Singultus autem in nonnullis ita molestus fuit, qui febre nocturna, mox diurna, quum destillatione in pulmones laborarent, ut omnia præter singultum moderate ferrent. Sed ecquid causæ fuit tum singultus illius, tum tussis in accessionis tempora incidentis? Ac tussim quidem eo tum favire tempore, quo paroxysmus repeteret ex eo conjicimus, quod febris a catarrho maxime esset. Et quæ materia subtilis, acrisque, quæ rigorem sensationemque frigoris afferre solet, quiescebat aliquo loci conclusa, dum ruptis veluti repagulis desævire decurritque in extima corporis, feriendo superiores membranas pulmones vel vestientes, vel illis proximas, tristis ille sensus tussim afferebat. Præterea in catarrhosis febribus quid impedit moveri quoque materiam in pulmonibus & capite ipso, quæ dum cietur, suscitatur, impelliturque, hoc molestiarum afferre solet? Accedebat & nocturni temporis occasio qua pituitæ falsæ serosæque impulsiones & molestiæ sese produnt. Quemadmodum enim universalium temporum aliqua est observatio in motu humorum, ita & particularium. Sic ascarides moveri Autumnò scripsit Hippocrates: sic in vespertinum tempus earum ascaridon motus incidit. Quod & de fluxionum incursionibus verum esse mulierculis compertum est.

Sed is singultus difficultatem majorem afferebat. Nam duodecim aut sexdecim fere noctes affligebat. At leviusculis remediis superatus, relabatur, recurritque cum molestissimo ulcerationis sensu circa orificium ventriculi. Quod ut clarius cognoscatur, licebit huc Hippocratem adducere, qui quum in omni parte Medicæ contemplationis accuratus esset, ita nil reliquit quod animadversione dignum foret. 1. Multos legimus, qui de singultu, ejusque causis dis-



Qua fe-  
bris vere  
singul-  
tiens di-  
catur, in-  
quiritur.

disputarent, nullos præter Hippocratem, qui de singultiente febre conscriberent. Ergo omissis rebus variis, quæ ad singultus causas explicandas facere possent, quæque alio loci quam hic venari liceret, ne opera omnis frustra ludatur, quod ad hoc institutum pertinebit, de singultiente febre disputabimus. Quæstio quæri potest: An hic æger, de quo paullo ante mentio injicitur, singultiente febre laboraret? an quicumque febre detinetur, cui tamquam ἐπιγεγόνειον σύμπτωμα adjungatur singultus, febre singultuosa laborabit? Nequaquam vero. Nam & qui sub finem febrium, aut principio illarum male judicati sanguinem multum profundunt, unde ratione inanitionis, & exhausti singultus oboritur, propterea singultiente febre teneri dicentur? Nequaquam. 2. Et qui aliquot ex intervallis dum febrit, singultiat, nec tota febre, aut toto accessionis tempore, molestiis singultus urgeatur, an singultiente febre vexari dicetur? Nequaquam. Ergo in omni Hippocratis doctrina una singultiens febris dicitur, ut inquit Galen. Comment. in particulam quamdam sect. 4. lib. de Diæta acutorum, quum vel toto febris tempore singultus molestus est, vel maxima saltem febris parte illum generet, viscidus lentusque humor impactus orificio ventriculi. Unde Hippocrates ejusmodi febres negat solutum iri, nisi aut diebus judicibus, aut urinæ profluvio acris, aut abscessu, quod memoria dignissimum est. Sed in nostro ægro proposito antequam cessaret singultus, totum corpus intumuit: Detumesciente corpore repetiit singultus afferens ei aliquid permolestius quam ante. Nam & ulcusculum excitavit, aut deflorationem aliquam, ut sic loquar, in partibus ad orificium ventriculi attinentibus. Nam quum quid deglutiebatur aut calidiusculum, aut manifesta qualitate præditum, percipiebatur in imo œsophagi dolor, suspicabamur aliquid esse ἀφωδες, quod non vacabat periculo. Ad genus febrium singultientium fortasse referri dicet quis febres acutas ab inflammatione aut hepatis aut ventriculi natas, aut partium vicinarum. Quæ inflammatio, ut narrat Aetius cap. de singultu, singultiendi molestias affert. Quod & Hippocrates primus annotavit. Item referri videbitur, sed minus apte febris singultiens senum hernia laborantium, & supinatione ventriculi, ut volunt veteres. Nam dum intestinum prolapsum est, præsertim jejunum, ut volunt, singultiendi finem non faciunt, & hoc in mortem præcipitare solet. Ac de singultu multa quæ in veterum libris intractata sunt. 3. Cui autem is singultus contigerat, quum abdomen inflatum fuisset, alvus biliosa reddidit: post excretionem biliosorum secuta sunt purulenta, quod mirum est. Nec credibile hæc a pulmonibus emanasse, quamvis hos laborare suspicaremur: quum enim a partibus superis tale quid contigit, id simul & semel fieri solet. Unde Galenus annotat Hippocratem data opera usurpasse verba de præsentì, aut de præterito, *mejat* aut *minxerit*. Nam quum a superis partibus excretio fit, Hippocr. utitur verbo *minxerit* quasi dicat, ut mejendi finem fecerit: sed quum a partibus proximis excretio fit, utitur verbo præsentì *mejit*; quoniam propinqua est affectio quæ excretionem purulentam fovet. At hic æger sæpe eam excrevit materiam. Nos autem suspicabamur idem hic posse contingere quod & in urinis. In his enim sedimentum puri proportionem respondet, immo & excerni potest



est aliquid simile puri, quum tamen non sit pus, sed mucago quædam quæ una cum urinis a corpore deturbatur. Id autem in excrementis per alvum secedentibus apparere potest, præsertim in iis quibus longæ & maximæ fuerunt obstructions mesenterii, & longus morbus. Nam humores qui pepasimum admittere non potuerunt, tandem in mucorem versi sunt, qui pus referat. Quod & observavimus in nutrice quadam quæ ex longo morbo incidit in fluxum alvi perennem, cruentum, mistum: Tandem secedebat alvus reddens aliquid pulci simile, quum præcederent dolores alvini colicis similes crudelissimi, quum inappetentia esset, summa extenuatio corporis, & marcor: præterea acerbissimus dolor ad regionem ventriculi, & totius abdominis, & qui minimo blandissimoque digitorum pressu exasperarentur. Sed id primus Hippocrates annotavit in Coacis duobus in locis: *Hepar dolentes, os ventriculi dolentes, soporosi, rigorem habentes, alvum turbatam, tennes, cibum aversantes, purulenta per alvum excernunt.* Et alio loco: *Durities circa ventriculum cum dolore in febrientibus, cum horrore cibum aversantibus, si alvo insuper parum humectata purgationem non faciant, ad suppurationem pervenient.*

Quod quum alias tum in ægra illa apparuit, cui totius corporis marcor aderat. At certo scire an id quod excernebatur verum pus esset, an quiddam puri simile, non erat facile.

## A N N O T A T I O.

1. Non solum lib. 4. de Diata acutorum ( ut hac pagina annoto ) Hippocrates meminit febris singultientis: sed & lib. 2. de morbis, ubi caput conscribit de febre singultiente.

2. Præsertim vero & tussis & singultus premebant quum appeteret accessio febrilis: quod annotavit diligenter Savonarola cap. de singultu. Singultus sape a pressu costæ, aut depresso, aut tracta contingit, quod diligenter annotavit Fernelius: item vomitus ab eadem causa fit, quod nos quoque in ancilla pictoris observavimus.

3. Ille æger singultiens, tussiens, febriens, ad tabem vergens, decimo nono mensis Novembris interiit. Aperto cadavere inventus est hydrops, ascites in abdomine, qui longitudine morbi, & depravatione alimenti e potu liquidorum genitus fuerat. Nam tanta diuturnitate facultates fatiscunt, concidunt ora vasorum, nil fere transsumitur. Inventi sunt pulmones purulenti, corrupti: intestina livescebant quasi siderata superna parte: unde credibile fuit tum singultus magnam occasionem illinc natam, tum syncopes qua prehensus est. Lien plane putris. Denique nulla in toto corpore pars inventa est integritatem suam servans. Dejectiones purulenta, quæ nobis admirationi fuerunt, a putri mesaræo manabant. Dejectiones ( antequam diem suum obiret ) præcesserunt nigra, pici liquida similes.



## CONSILIUM XXVI.

*De doloribus ventriculi. Pro domina de S. Jean.*

1. **P**lerosque dolores ad stomachum varie fatigant, quos nescias an at-  
tineant ad ventriculum ipsum, an vero ad partes vicinas. Ratione  
enim membranarum tum quæ investiunt thoracem, tum quæ diaphragma-  
ti vicinæ sunt, oriuntur sæpe dolores continuitate quadam affligentes, & ea  
ratione alios aliterque quam sint morbos mentientes. Ut sæpe male ab æ-  
gris species doloris ignorantibus intelligentes Medici decipiantur plerumque,  
nec dolori ullum solatium afferant. Quod quum alias tum in nobili mu-  
liere Equitis Torquati conjuge manifestum fuit. Illa quum dolores tum  
noctu a primo præsertim somno, tum interdiu tribus aut quatuor horis a  
pastu pateretur, imbecillitate stomachi laborare se existimabat. Dolores illi  
repetebant per intervalla, maxime si quid in victu peccaretur, aut constitu-  
tio temporis a naturali moderatione discederet. Sæpe intolerabiles sunt, &  
quasi suffocationis periculum ingruat, statim discingi cogitur. Illi modo in  
ventriculi capacitate contineri videbantur, & delapso per pyloron cibo quum  
a duodeno jejunoque traductio transvectioque alimenti fieri deberet distribu-  
tio, repullulabant. Ac tum ac si creparet media & intumesceret ventriculus,  
ut revera contingit, cohibet spiritum ut flatus aliquis aut sursum aut de-  
orsum erumpat, quod dum fit, allevatur maximam partem dolore. Nulla  
illam vertigo exercet, nec syncope, sed præ dolore qui imum ventriculum  
affligens, licet exiguus, ratione partis magnus est, & magni momenti,  
multa contingunt iis affectibus quam simillima. Itaque dum diligenter inqui-  
ritur hujus mali sedes, & animo lustratur, multa ultro citroque disputan-  
tur, quorum accurata & limata ratio plurimum valet, tum ad hujusma-  
li investigationem, & ad similibus affectuum notitiam venandam. Nos di-  
ligenter rem excussimus, relicta diligentiori quæstione honorario arbitro &  
æstimatori, ne quid præjudicata sententia afferat detrimenti. Duæ sunt  
partes in nobis, quarum veteres infirmitates apparent & deteguntur, sive  
eæ per se ac solæ laborent, sive ambæ per communionem & materiæ mor-  
bificæ & affectuum, ut in hac muliere contingit, ventriculus & caput.  
Hoc quidem quod & superum locum tenens externis injuriis pateat maxi-  
me, & internis attractione & summissione vaporum. Non quod in ea opi-  
nionem Principis hærendum existimem, qui omnem a capite destillationem  
jecoris calidæ intemperiei adscribit; nam cerebrum ipsum tum ratione im-  
becillitatis suæ, tum intemperiei illarum parens est & auctor. Immo fri-  
gida intemperies jecoris eas potest promovere. Addit Fernelius, si a jecore  
præcalido illarum destillationum proventus foret, excrementi minimum ea  
ratione in cerebro congereretur. Quod quam probabile, alii viderint. Ven-  
triculi autem infirmitas patebit facile, quod & ciborum promptuarium, etsi  
quid peccetur aut domi, aut foris, idest vel mala alimenta, vel præpos-  
tero ordine injiciantur; domi dum aut nativa, aut ascititia imbecillitas, aut  
dum propinquæ partes vitium attingunt. Quæ enim sunt propinqua &  
communia, ea maxime ac primum affici solent. Receptum illud: *Ubi su-*



*dor, ibi morbus: ubi dolor, ibi morbus:* & ut doloris vacuitas actionumque bonitas cujusque legitimam symmetriam declarat; ita doloris presentia, & earumdem actionum læsio contrarium significant. In ægra nostra ventriculus, ventriculique partes vicinas dolor exercet, ergo ibi morbus, hic intemperies, hic actionum perversio. Etsi enim habet ὁρδὸς ἄδην, tamen isti dolores aut intemperiem aliquam declarant, aut malam conformationem. Ventriculum enim exercent; vel ἀπεψία, vel βραδυπεψία, vel δυσπεψία, rugitus, inflatio, singultus, nausea. Maxime vero queritur de oppressione ventriculi, ac veluti inflatione. Hæc autem cruditatis improprie dictæ, non autem quam ἀπεψίαν vocant, symptoma est: & sequitur vel caloris defectum, vel ejus inopiam & paupertatem, vel externum vitium. Caloris inopiam dicimus, quod flatus qui excitantur necessario imbecillitatem caloris designant: quum enim vel validus calor est, vel impendio imbecillus, flatus non excitantur; Galen. 3. de symptom. causis. Et suspicio est inflationis stomachi quam vulgus colicam stomachicam appellat. Quod si non solum intra ventriculum dolores consistant, sed infra, suprave, id per consensum fit. Unde Archigenes apud Actium dicebat Medicos decipi sæpe ratos doloris causam aut in præcordiis esse, aut in pectore, quum eorum causa a ventriculo repetenda sit.

Alter Medicus rem paullo altius repetivit. Affectio hæc ait videri possit stomachi, quod hæc pars maxime affici cernitur: sed an tantum ejus sit: & si sit, an per se, an per consensum afficiatur; hoc demum quæri potest: Omnis affectio quæ ventriculum exercet, ea aut intemperies est, aut morbus instrumenti. Si intemperies, aut in ore ejus est, aut in ipsius capacitate afficitur ventriculus, aut in fundo in quo chyloseos officina vera. Si os esset, ejus affecti aliquot essent argumenta, leipothymia, aut dejecta appetentia a calore, aut intensa, a frigore, aut nausea aliqua: Nil horum ægra refert. Si medium corpus esset, aut depravate coqueret, & ructus essent acidi, aut nidorulenti; sed acidi præsertim si imminute: si non coqueret, aut diminute, fluctuationes essent, quas κληδῶνας vocant, nausea impacta materia, vomitio, vagante fluctuanteque eadem. 2. Si fluctuatio esset, & ab ea inflatio dum ventriculus non retineret, nec probe conficeret, oporteret necessario celiacas esse dejectiones, corruptas, liquidas, chylosas, quod tamen non apparet, & nil eorum quæ supra dicta sunt. Ergo credibile in fundo mali causam esse, in quo coctio maxime fit. Et quum superiores partes bene habeant (nam si male habuissent, majora sese promississent affecti ventriculi argumenta, multoque latius malum emanasset) credibile quoque fundum e natura habere, sed impediri ejus actiones a remissa aliqua re præter naturam, unde dolor excitatur, & præsertim quum a pyloro distribuitur ad interiores partes alimentum. Conjecturam facit catarrhus quo jampridem affecta est, & rejectio pituitæ liquidæ & 3. limpidissimæ per os a ventriculo, ut hinc colligamus perpendiculariter a capite ad fundum ventriculi delabi illud phlegma, quod ægre quidem corrumpitur, crudumque manet, aut paullum immutatum cum excrementis remixtum rejicitur. Item dolor qui sub quartam pomeridianam re-



petit, indicat mēsaræi venas obstructas, & speciem quamdam melancholiæ hypochondriacæ constituit. Hinc annotavit Fernelius cap. de ventriculi symptomatis, sæpe jecoris, lienis & mesenterii vitia sympathia integre sani ventriculi concoctionem perturbare: sic melancholicis, hepaticisque & lienosis ventriculus, male concoquit, si vitiosa qualitate laceffitur, &c. Ergo dum chylus aliqua ratione mitificatus rapitur a venis mesenterii, pars tenuior a calido jecore refugitur: cum crassiori parte phlegma illud mixtum subiens angusta viarum & elaborationem vix recipiens dolores excitat: 4. & nisi aliqua ratione domaretur, iliacas passiones excitaret. Itaque bene affectus est ventriculus, quod excrementa quæ ipsam ideam partis aqua manant referunt, laudabilia satis sint. Nam quum ventriculus probe officium non præstat, liquida, aut chylosa, aut cœliaca excrementa sunt: 5. quum tantum pituita liquida vitium facit, illa remissa apparet excrementis, quæ spiratodea vocantur. Unde vero hæc pituita a cerebro. *Hoc enim veluti medulla est.* Hippocrat. libro de glandulis: *Ab hoc fluxiones fiunt foras, intro: foras per oculos, nares, aures; intro per palatum: aut in pulmones, aut in ventrem. Si in ventrem, vel fluores fiunt, vel non. Si non fiunt, volvulosa sunt affectiones, &c.* Locus ille præclarus admodum.

6. Et lib. 4. de morbis idem fere explicat dum docet, *caput fontem pituitæ, & eam a ventriculo calfacto accipere. Lienem aquæ fontem, folliculum fellis, bilis fontem, & cor sanguinis.* Quod diligenter notandum. Itaque non mirum si descensu pituitæ frigida putredinem vix recipientis illa mulier dolorem sentiat, & si postea volvulis sit obnoxia, & melancholiæ hypochondriacæ. Quæ duplex est, una vera per adustionem humoris melancholici, aut congestionem; altera improprie dicta, ob pituitam illam quæ obstruit venas mēsaræicas. Nec hic necesse est tumere hypochondria. Nam sæpe vitium est in visceribus, melancholiaque hypochondriaca sævit, sed in corporibus ipsorum viscerum, & vasis eorum obstructio delitescit sine ullo perspicuo hypochondriorum tumore. Et dum crudum aliquid continetur, facile in flatus digeritur. Quo teter vapor fertur, ibi vitium communicatur: si in cerebrum, mania, aut melancholia: si in ventriculum, coctionis error; si in cor, palpitationes. Maxime autem ejusmodi affectionibus corpus patitur, quum hepar præcalidum. Porro calidum bifariam, vel ut ferrum & plumbum, idest divisum calorem retinens: vel ut palea. Unde in plerisque serofus sanguis quaquaversum irrumpens, & rubores faciei quæ maculas inferens; est enim veluti calor *ἔρυσσιπέλατωδης*. Nam rapit tenuiorem chyli sanguinisque partem, & in halitum vertit. Sic plerisque ventriculus frigidus & hepar calidum calore halituoso. Hic omnia exurit, & in ichores vertit. Et talis calor non potest temperare frigiditatem ventriculi; nam fixum stabilemque esse calorem oporteret. Curatio illius affectus in diæta & pharmacia continetur. Diæta quæ ad siccitatem vergat potius, ut pituita illa consumatur quæ dolores citat. Pharmacia ut blande deturbetur pituita, quæ in angustas vias rapitur sæpe, & a capite descendit. Item habenda ratio capitis mittentis. In corrigendo ventriculo non ita occupatos esse oportet, quod in vitio per se non sit. Abstineat a jusculis multis, a generoso



seroso & crasso vino. Sæpe cibum capiat, ne ventriculus vacuus aliunde humores evocet. Ab iis quæ cacochymiam promoverent abstineto. In ore semper contineat coriandrum conditum, passulas, cinnamomum, mastichem & alia id genus. Carminativis sæpè clysteribus utatur, ut & a lienis corpore humores crassi evocentur. Syrupus hic singularis.

℥. succorum mentha, absynth. pont. scariola depur. an. ℥ iiij. express. ℥ ij. rheub. macerati ad partem sacch. albi quart. iij. Fiat syrup. capias semel in hebdom. ant bu.

Item in hoc affectu commendatur plurimum ad liberandos infarctus usus dejectionis sequentis.

℥. rad. cichorii sylvest. acetos. & gram. an. ℥. j. Incoque in lib. j. aquæ ad tertias, in quibus infundantur ℥ ij. rheib. taleolatim secti. De hac infusione capiat ℥ iiij. singulis matutinis tepide.

℥. pulv. hiera picra ( quæ in ejusmodi affectibus ab Archigene plurimum commendatur ) ℥ ij. pilul. sine quibus ℥. j. rhei ꝓ ij. syrup. de ment. quod suff. fiat massa, capiat ꝓ ij. sæpe una hora ante cibum.

℥. aromatic. ros. desc. Gabr. major. ℥ j. pulv. elect. triasan. ꝓ ij. rasur. ebor. ℥ s. cum sacchar. dissol. fiant tabella.

Fotus fiant ad regionem ventriculi, ex iis quæ usurpari solent ad confirmationem ejus: & a fotu liniatur oleo de mentha, absynth. & mastich.

℥. syrup. de siccis ℥ iiij. utatur sero cum granis mastiches aut olibani. Paretur opiata ex conservis rosar. buglos. anthos, conserv. violar. cortice citrii & theriaca pauca. Utatur sero dum componit se ad somnam.

Observata legitima victus ratione, & usurpatis leviusculis illis remediis prima sanitas poterit recuperari.

## A N N O T A T I O.

Aetius cap. 68. serm. 4. Tetrabibl. 2. docet quomodo, & qui cruditatibus abundant, fiant pleuritici, non quod sit pleuritis, sed imaginaria est.

2 Hippocrates lib. 2. de morbis, de morbo quem ructuosum vocant, huic affectui quem hoc loco describimus finitimo disputat. Sed illum ab humore præsertim bilioso nasci demonstrat. Caput illud commemoratione dignum est. sæpe similes affectus disputandi proponuntur.

3 Tamen sputatio ista fallax esse potest signum. Nam & denotare potest prolapsam pituitosæ materie a capite, item & melancholiam hypochondriacam, qua mulier hæc nostra divexatur. De melancholia dum disputat Galenus ex sententia Dioclis, proponit sputum humidum nullum consequi, præsertim injecto cibo in iis qui laborant melancholia hypochondriaca. Quod diligenter notandum est, ne rei ambiguitate decipiamur.

Cap. 14. sermonis 1. tetrabibl. 3. Aetius notat affectus esse quosdam malos quum a capite in ventrem humores feruntur. Nam aut frigidi humores in ventrem calidum feruntur, aut contra: ait difficilior curationem institui quum frigidi humores in calidum ventrem deferuntur: Item gravia inde symptomata edi. Tale quid mulier ea de qua hoc in loco pertulisse mihi visa est.



5. Et nos in ea muliere observavimus excrementa spyratodea muccosa pituita veluti oblita. Vocat autem Hippocrates in Coacis τὰ σπυρατώδεια καὶ περιττίζιος μυσώδεος, eliquationem muccosam.

6. Ad hunc locum pertinet & alius lib. 1. de morbis. In morbis catarrhosis fluxum maxime caput exhibet, utpote quod cavum est & superne situm. Quum ab alvo fuerit calfactum, pituitam tenuissimam de corpore in seipsum trahit: ubi vero in eo collecta fuerit, rursus reddit acervatam & crassam, &c. Et tunc remittit vel in superum ventrem, idest thoracem, vel inferum. Et cons. 11. hujus lib. de industria probatum est longorum alvi profluviorum, dysenteriarum causam cerebro acceptam ferendam esse, ex libro Hippocr. περὶ πᾶσῶν.

## CONSILIUM XXVII.

*De Febre continua cum distillatione in pulmones.*

**M**ELCHIOR de Fresnoy annos quatuor natus febre corripitur continua, sed quæ exasperationes haberet vesperi. Catarrhus erat. Tussis sicca. Nec præ tenella ætate quicquam excernere poterat. Tamen inanis semper erat tussis, & tenuis humor eludebat spiritum. Vomitiones frequentes. Alvus albicantia dejecit, deinde substitit. Urinæ tennes, crudæ, decolores pro febris vehementia: medicamentulo alvus sollicitata reddidit multa biliosa. Tussis perseverabat. Dolores ad sinistrum hypochondrium, sed vagi, nec eodem modo perseverantes. Deinde sinistram lateris partem occupabant. Alvus soluta est. Viridia excreta, chylosa: sitis quæ expleri non poterat. Magnum in pulmonibus conceptum incendium conjectum est. Hinc dolores ad sternum & latus sinistrum: sed qui ad latus sinistrum non perseverabant, ut ante dictum est. Medici putabant vomitiones ab imbecillitate ventriculi oriri. Quod in eam suspicionem eos adduxit, est frequens dejectio, multaue rerum variarum, putrium, viridantium: Aliquando animus paullum deficiebat: & nos animi defectiones, & frequentes vomitiones in alio observavimus, cui inflammatio pulmonis a pleuritide, aut fugaci dolore lateris oborta fuerat. Quæstio hoc loco moveri potest, 2. an inflammatio pulmonis, sive ea sit phlegmonodis, sive erysipelatodis habeat hæc sibi conjuncta; defectus animi, vomitiones, tussim siccam, alvi fluores, ac si per se primoque alvus inferior laboraret, fugacem genarum ruborem, tussim inextinguibilem, febrem non ita magnam omni tempore, sed ex intervallis ferocientem & prodentem sese? Hoc fortasse pauci ante nos animadverterunt, & sic alium morbum pro alio curamus: aut falso vomitiones, & alia accidentia quæ narravimus ad alias partes referimus: rati hoc non ad pulmones, quæ tamen præcipue affecta pars est, pertinere. Et ut quod sentio obiter dicam; quum ad puellum adsciti essent tres celebres Medici, unus solum affectum pulmonem intellexit, & quamdam speciem peripneumonix suspicatus est, unde sectionem venæ suavit. Sed falso subesse ulcus cogitavit, nesciens



nesciens inanem hanc tussim erysipelatis pulmonis pathognomonicum esse. Omnes ignorarunt vomitiones illas frequentes, dejectiones frequentes, ingentem admodum sitim, & opinione majorem, in inflammatione pulmonis solere apparere: Quorum ignorantiam ut detegam, ne forte sese excusent quod nullo loco legissent, aut animadvertissent talia symptomata contingere solere inflammato pulmone, citabo Hippocratem, qui illum pueli morbum mihi vere expressisse videtur. Ita autem scripsit Hippocrates lib. 1. de morbis, in omnibus suis observationibus ex monumentis admirandus: *Erysipelas in pulmone fit quum pulmo fuerit nimium resiccatus. Quod contingit ab ardore, febribus, labore, intemperie. Et quum superresiccatus fuerit, plurimum sanguinis ad se trahit, maxime ex magnis venis tenuissimum ac debilissimum trahit. Postquam trahit, febris ex ipso fit acuta, tussis sicca, repletio in pectore, dolor acutus in anterioribus ac posterioribus partibus, maxime circa spinam, magnis venis calfactis. Vomunt subcruentum aliquando lividum, vomunt pituitam & bilem, animo linquntur ob sanguinis transmutationem derepente contingentem. Atque hoc maximum signum est in pulmone generati erysipelatis, & si assidue febris invasio perseveraverit.*

Aliquot alia scripta sunt quæ huc non pertinent. Itaque ex contextu Hippocratis apparet hæc maxime symptomata erysipelate tentato pulmone contingere solere: 3. dolorem sterni, vomitiones, tussim siccam, deliquium animi, quid mirum esse potest. Sed hæc contingunt vel majora, vel minora, vel plura, vel pauciora pro humorum varietate. Nos autem observatione trium eo affectu laborantium, certo scimus febrem (licet sit occupatus pulmo) non eodem perpetuo tenore affligere ac sævire: nam quia Erysipelatosæ affectioni comes est, & præsertim a tenui sero, fit ut flammeus sit calor, cujusmodi in palea accendi solet & evolare statim: si autem putris, solida, firmaque esset materia: & pars quæ inflammatur solida (ut hepar) perseveraret febris, & calor eodem modo quo in candente ferro. 4. Deliquia animi quæ hic contingunt nos admodum perturbarunt, ignorantes tale aliquid contingere posse inflammato pulmone, & triviales medicos secuti ad malignam qualitatem jactationes istas, deliquia animi, & virium jacturam referebamus, non autem ad propriam affectionem pulmonis, ut Hippocrates fecit loco prius citato. Movit quoque alvi fluor: sed duabus de causis contingere potest: tum quia ventriculus ipse afficitur: & quemadmodum leipothymia eumprehendit per consensum pulmonis ratione ichoris a pulmone resudantis, & ratione attractionis ab ingente calore pulmonis, ut eruditissimus Hippocrates annotavit: Ita quoque debilitas aliqua in ventriculum cadere potest, a qua leienteriæ aliquid simile contingit. Ac revera in puello nostro chylosa nulla prodire. Secunda causa hæc esse potest, quod ichor a pulmone refluens ferire possit ventriculum & intestina, hinc alvi inferioris fibræ laxantur: hinc fluores. Fernelius ut in multis accuratus fuit, ita in pulmonum affectuum observatione annotavit quamdam notham peripneumoniam, cujus idea apparet in agro a nobis proposito. *Tenuis, acris, multaque destillatio* (in-

Cap. de  
pulmon.  
morb.



quit) e cerebro confertim illapsa in pulmones interdum ardore præter naturam incenditur, æstum ac febrem inferens, plerique eam affectionem peripneumonia nomine designant, in qua & tussi & spirandi difficultate & lenta febre sensim conficitur æger sine ulcere, sine spuitione cruenta. In puello nostro vere exprimitur morbus: nam febris non erat admodum vehemens: destillatio erat magna: eludebat spiritum: & sensim conficiebatur; & incautis nobis quum cibum appeteret, biberet avidissime, vicesimo die, item quum de purgando eo cogitarent Medici, sublatus est, magno assidentium mærore. Debuerat mitti sanguis. Aperto cadavere nil præter naturam in pulmone contentum inventum est. Una pars pulmonis veluti stipula ardente deflagraverat: lobus unius pulmonis livebat. 6 Hepar quoque veluti deflagraverat. Et quum destillatio est, tussis sicca, febris non ita ad manum mordax, rubor genarum, dolor sterni (quod notandum) virium dejectio: sitis ingens: perceptio summa caloris in pectore: non est dubium quin inflammatus pulmo sit. Ac notari debet ex locis citatis prius tum ex recentioribus, tum veteribus, aliquid erysipelatodes in pulmonibus concipi bifariam, aut cum tussi, aut sine tussi saltem quæ magnam afferat molestiam (nam subest tantula) si cum tussi destillatio est ferina, diluens calorem unde febris non ita ferox apparet: illi incauti moriuntur, nil extundunt commemorabile: a capite præsertim manat causa fovens morbum. Si sine tussi a venis parvis & magnis refugitur sanguis, qui in pulmonem illabens, & incurrens potius attractis foveat incendium. Et illud est quod volunt Medici memorandum, veram peripneumoniam oriri excusso tenui & bilioso sanguine e dextro cordis sinu in venam arterialem; hinc totum pulmonis corpus occupatur, hinc inflammatio. Quod si verum est in inflammatione pulmonis, sectio venæ videtur potius celebranda ex interiore dextra. Tamen Fernelius ex sententia quorundam, in inflammatione pulmonis secari vult internam cubiti sinistri. Ratio ejus hæc est: Quoniam pulmonum venæ ex dextro cordis sinu prodeunt: hic autem in sinistram parietem venæ cavæ inseritur, qui per alam sinistram in cubitum excurrit: Inter morbos qui occurrunt, pulmonum affectus cogniti sunt difficiles: nec enim signa univoca sunt, sed maxima ex parte æquivoca.

## A N N O T A T I O.

1 In illo rubor erat genarum magnus. Unus ex Medicis ex eo collegit argumentum peripneumonia aliis cum signis, alius repugnabat. Ille citavit Prognostic. Hippocr. & quamvis verum dicebat, male citavit. Nam in 2. Prognosticon meminit quidem ruboris genarum Hippocrat. in morbis thoracis, sed loquitur de purulentis, quibus & ob calorem pulmonum, & ob assiduam tussiculam rubent gena, ait Galen. in Comment. part. 60. lib. 2. Prognost. Sed in Coacis peripneumonia signum εὐχραιᾶς dixit, politico modo loquendi, idest, ruborem genarum. Et ille Aphorismus huic egro quadrat. Nam etiam fluente alvo erat inappetentia, sudores, vomendi desiderium,



riam, rubor faciei, cum febre & tussi. Quae omnia declarant raptum humoris biliosi ad partes thoracicas, & concipi in illis partibus incendium. Sic Hippocrates in Coacis ait eos quibus hac accidunt, interire modo peripneumonico.

2 Quum Mesueus de peripneumonia loquitur, illud notat maxime quamdam peripneumoniam biliosam esse, aliam pituitosam. Credibilis esse ait pituitosas esse. Porro pars qualibet laborat ab humore vel tamquam nutrimento, vel tamquam excremento. Si pulmo laboreat ab humore tamquam excremento, a pituitoso humore laborat, si tamquam a nutrimento, a bilioso; nutritur enim humore bilioso. Vult autem omne excrementum ex sententia Aristotelis, parti contrarium esse, prater illud excrementum quod deferre solet facultatem, ideamque partis, ut est semen; siquidem ab omnibus benignum dicitur. Si prius verum est, peripneumonia a pituitoso humore tamquam ab excremento secundum Mesueum, & tamquam a contrario secundum Aristotelem deterior erit ea peripneumonia quae est a bilioso humore, qui est veluti nutrimentum. Tamen dubitari potest an verum sit quod scribit Aristoteles, excrementum omne parti contrarium. Et an ea peripneumonia quae fit a bilioso humore, ab eo fiat tamquam a nutrimento; Si quidem superabundans humor biliosus, ut qui a partibus inferis per violentam exercitationem rapitur, excrementum vere dici potest.

3 Quoniam hic de peripneumonia agitur, quae non saepe occurrit, sciendum an pars dextra pulmonis, an sinistra, an superior, an inferior, an lobus unus tantum occupetur ut inde venemur occasionem usurpandi remedii. Argumenta omnium horum apprime ad artem facientia enarrat doctissimo Hippocrates in Coacis.

4 Queri possit an deliquia animi in peripneumonia laborantem incendant. Nos id observavimus, & precipitem virium lapsum & sudores subfrigidos. Quod primus Hippocrates observavit in Coacis, loquens de quibusdam quibus totus pulmo cum corde inflammatur, & de aliis, in quibus non inflammatur. Nam resolvuntur illi quibus cum corde pulmo inflammatur. Sic Regina Navarra peripneumonica 5. die interiit; & tertio vires collapsae sunt plane.

5 Qui sunt peripneumonici, praesertim quum valde sunt imbecilli, ii diaphoreticis sudoribus dissolvuntur, & symptomaticis. De iis Hippocrat. 4. Acutorum. (Idem porro iudicium esto de reliquis morbis acutis.) Mali sunt sudores circa caput & claviculam apparentes; fiunt enim vincente aegritudine ob aestum, impetum, & violentiam.

6 Paulo ante docuimus & auctore Hippocrate, & historia Regine Navarra peripneumonia laborantis post levem pleuritidem, cui addi potest historia Domina Dupuy, quae post pleuritidem peripneumonica facta quinto die interiit. Nunc autem monendum est de Aphorif. Hippocratis in Coacis, Peripneumonia ex pleuritide transmutata securiores sunt iis quae ab initio fiunt. Quod minus verum videtur, quum translatio a pleuritide in peripneumoniam letalis sit. Nos quosdam brevi interiisse vidimus, quibus peripneumonia pleuritidi successisset, praesertim in quibus constaret pulmones imbe-



*imbecilles fuisse. At absolute peripneumonia pleuritim secuta, non videtur secuta, immo funesta, tum quod in partem principem raptus sit, tum quod successio ista morborum pessima videatur. Hippocrates enim lib. 22. περι παθῶν scripsit, in morbis quum alter alteri succedit, plerumque interficat. Quum enim corpore a morbo priore debilitato alius morbus successerit, debilitate perit prius quam alius morbus desinat. Quod notandum. Deinde locus est Galeni comment. in part. ultimam lib. 6. Epid. αὐτῶν αἱ νόσοι, qua scribit pleuritim curationem afferre peripneumonia. Ait enim περιπνευμονίων ἢ πλευρίτις ἰάται. Contra vero eodem loco ait male succedere si pleuritis in peripneumoniam convertatur, immo funestum esse videtur. Sed hac omnia per comparisonem intelligi debent.*

## CONSILIUM XXVIII.

*De doloribus ad sternum & spinalem medullam.*

**C**AUPONÆ Gabrieli dolores atroces ad sternum, spinalem medullam decurrentes ad scoptula operta, ad mammas, ut nec in hanc, nec in illam partem corpus flecteretur. Quum in latus dextrum decumbebat, omnia exasperabantur. Aliquoties eos dolores perceperat, non tamen æque crudeles ac eos quos circa mensis Novembris finem ferebat. Nulla tussis erat, aut perexigua. Interdiu allevatus videbatur. Aliquando nec rectus, nec decumbens præ dolore absque querela erat. Noctu exacerbabantur omnia. Infomnes noctes ducebat: e lecto surgebat impatiens caloris: nulla febris: cibum capiebat. Negotium nobis exhibuit. Nec sectione venæ, nec fotu, nec litibus dolores quiescebant. Pus congestum suspicabamur, admoniti oraculo Hippocratis, *Qui dolores pectoris, nec purgatione, nec sectione venæ sedantur, eos necesse est in suppuratum verti.* Tamen hæc ratio in contrarium adducebat, quod nulla tussis vexaretur quæ alioqui molesta esset si quid puris in capacitate aut membranis contineretur. Necesse enim esset refudare aliquid tenue, & horrores adesse si aliquid tale contigisset. Si vitium in pulmone esset, aut tuberculum aliquod contineretur, aut pus, aut aliquid aliud simile. Nulla inflammatio est, quum nulla febris. Tuberculum si esset, inspirandi & expirandi difficultate teneretur: nulla est. Ut summa fiat, nullus adest tumor qui se aliquo signo proferat: nec si adesset, ii propterea dolores oborirentur, quum pulmones sint ἀνάλκοντες. Ergo in membranis & circum membranas vitium existit: aut in periostio. Quod consequi oportuit nos & ratione & experientia. Itaque quum quid hic sequeremur, non esset in numerato, sciscitati sumus numquidnam litus admisisset aliquando iis fieri solitos qui in magnis ponunt, & nobilitatis insigne existimant semel lue gallica aut hispanica potius laborare: si modo laborem id existimare oportet quod summæ voluptati comes esse solet. Respondit subverecunde abortis aliquando phymatis ἀνάλκοντος oblitum fuisse hydrargyro. Et ad rem, quoniam rediivi sæpe dolores solent renasci, aut saltem aliis affectionibus occasionem dare: Præscriptimus abstinentiam vini. Litus ex anodynis & discutientibus, decoctum

sarsapa-



sarsaparillæ, tum ut in lecto sudaret, tum loco vini in pastu uteretur, sed dilutiore. Exactis decem aut duodecim diebus cum accurata satis victus ratione, dolores ejusmodi maximam partem sunt leniti: sed circum sternum vestigium semper aliquod remansit. Quod autem superius hæc exposita volumus, eo præsertim consilio factum est, ut quum querelas ægrotantium audimus de morbis intercutaneis nobis exprobrantium, quod nihil aut parum levati videntur quantumvis arte & consilio comparatis remediis, recurramus ad *θεορ τι*, idest ad occultum aliquod: non quod a cælo repetamus, ut plerique solent, sed ad internas occultasque causas revocamus. Nam quotiescumque de fugacibus morbis aut doloribus potius conqueruntur ægri, aut de fixis circum *πρεσβιοι*, suspicari oportet aut latens venenum, aut reliquias alicujus luis venereæ: sive id ab hydrargyri, sive a morbi ipsius maligna vi ortum dicatur. Ne temere similitudinibus decepti male exerceamus ægros, sumtibus minime necessariis oneremus. Id non in hoc solum ægro contigit videre, sed & in aliis quos sævi admodum dolores sursum deorsum, in omnemque partem errantes exercebant.

## CONSILIUM XXIX.

*De Febre quartana cum acerbissimo capitis dolore & lienis affectu.*

**Q**UARTANARIUS habitu satis laudabili quum ad regionem lienis murmur quoddam sentiret, & tempore accessionis acerbissimo capitis dolore cruciaretur: leniendo suo atroci dolori a Medicis consultum voluit. Signis syllogisticis conclusum est a flatu eum dolorem principia maxime causasque ducere. Quo fit ut fugax esset, crudelissimus tum ob membranarum divulsionem. Atque ut una eademque opera, & causæ, & symptomati, sed huic maxime occurreretur, his quæ sequuntur remediis tentatum est, ut aliqua ex parte dolor pelleretur. Horum ista est forma.

℞ bdellij in aqua vite soluti ℥ j. pulver. ceterach. & coral. an. ℥ j. aloes ℥ iij. cum syrupo de pomis. Formentur pilulæ: capiat ℥ ij. ante pastum die intermissionis.

℞ rad. bryonia ℥ iij. macerentur in aceto, passentur: passaturæ adde pulver. ceterach & ruta an. ℥ vj. oxymel. simpl. ℥ s. cum ol. de capparib. Fiat Emplastr. pro liene.

℞ diamargar. frigid. ℥ j. pulver. ceterach scrup. ij. coral. ℥ j. cum sacchar. in aq. buglos. soluto. fiant tabellæ.

℞ far. orobi, hordei & fabar. an. ℥ iij. cum oxymelite: fiet puls pro capite. Sape oxyrhodinum fronti & temporibus illitum est.

In acerbissimo capitis dolore, qui de nocte præsertim repeteret cum febricula, & frigidis quibusdam sudoribus, decoctum est hoc præscriptum.

℞ medulle guajaci ℥ iij. aquæ lib. viij. semin. pæonia, cardui, an. ℥ s. beton.



beton. scariola, an. m. j. fiat decoct. ad ℥ ij. In colat. dissol. mellis ros. ℥ ij. bulliant ad despumationem pro tribus dosibus ad lib. j. s. capiat hora somni triduo singulas doses.

Et revera usu talis remedii lenius habuit. Rursus ad hoc idem institutum.

Rx ros. rubr. salvia, yva arthrit, primula veris, pulegij an. p. ij. flor. chamem. summit. anethi, melilot. rorismar. an. p. j. cyperi, ireos florent. an. ℥ ij. sem. lini ℥ x. cumini, dauci an. ℥ j. fiant sacculi pro frictione capitis.

### CONSILIUM XXX.

*Ad vermes, & alvi fluorem cœliacum & dysentericum.*

**J**UDITH de Mesmes puella annos 4 nata, toto autumnali tempore & hiemali ex intervallis sentiebat tormina, & dolorem ad anum qua parte definit rectum intestinum. Dejectiones aliquando liquidæ erant, aliquando chylosæ, aliquando compactæ, sed quæ nonnihil crudi in se haberent. Qui dolores oboriebantur, fugaces erant, nec magnam molestiam afferebant. Ter aut quater terruit de repente nata leipothymia. Initum consilium est, cujus hæc summa est; Dejectiones referunt ideam partium a quibus manant, & per quas feruntur, ac generali modo omnia excrementa. Quum alvus e natura habet, figuratæ sunt, constantes, eadem hora excernuntur qua prius excerni debent: item nec in quantitate, nec in qualitate, nec in excretionis modo peccatur. Si quid in aliquo horum peccatur, hoc arguit omnia secundum naturam non habere. Unde mutatio excrementorum olim inter symptomata haberi solita est. Ac necesse est vel morbum esse, vel affectionem quæ proxime in morbum sit degeneratura. Affectio illa œconomiam naturalem non bene affectam significat; quod vel in partium ipsarum nutritioni ac coctioni dicatarum vitio positum est, vel in extrinsecus adveniente aliquo quod ejusmodi officium immutet & interturbet. Puella hæc cœliaca excrevit, cruda, liquida, fœtida admodum; dysenterica quoque ipsa, cum tenesmo, torminibus fugacibus: raptus est aliquando chylus, aut simile quippiam cum excrementis. Omnis morbus aut corporis conditionem, aut temporis constitutionem, aut utrumque potius sequitur: sic enim constituunt τὸ πολιτικὸν καὶ τὸ ἐπιδεδεικνόν. Quod quum alias tum in hac puella observari potest. Sensit illud verum quod scriptum ab Hippocrate 2. Epid. *Autumno ascarides*: Et illud, *Autumno ferinum*. 2. Nam ineunte Autumno ascaridibus divexata est. Non superiora vermes affectarunt quod observari potuit: non χλωράσµα λαµβρόν Hippoc. 6. ἐπιδημικῶν decussum est, non oculorum flos: non pruritus narium: non leipothymia: quæ symptomata contingere tunc solent: sed in imis maxime partibus exercuerunt symptomata. Præterea vivi & mortui excreti sunt. Corpus humidius, mollitie diffuens, uliginosum, tum a natura, tum a vitæ instituto. Nam pueri etsi natura humidi,



di, & ab ea humiditate aliquot incommoda & commoda nanciscuntur, tamen ab excrementitia humiditate humidiores redduntur, tum quia ingluviei se dedunt, tum quia non bene exercentur; habent enim animales facultates infirmas, naturales validas Galeno: unde calor non habet suam ἐκλαμψιν 6 Epidem. hinc proventus excrementorum, hinc in cavis hepatis obstructio, ab hac putredo, ab hac vermes, & alia. Et notandum non semper vermes generari. Nam si sepultus sit admodum calor, nec emicet, & ingens humorum copia sit, non generantur vermes. 2. Siquidem validus calor requiritur, & maxime putris, ut multiplici sobole materia illa in vermes animetur. Quæritur an a ventriculi vitio, an a capite? Coquit bene, nec affecti ventriculi per se magna eduntur signa. Et si uligo sola esset, quæ ex sententia Oribasij replens lævigansque spiras & rugas ventriculi ut inde non adhærens alimentum præterfluat, non ita fieret de nocte, nec frequenter, nec tam putria graveolentiaque subducerentur: Ergo credibile a cerebro fluxum quemdam fieri qui misso ichore quodam officium ventriculi interturbet, & alvum citet. Non bene mungit, caput habet latum, & latius quam pro ratione corporis. De nocte maxime alvus fluit, quod a cerebro esse arguit. Pueri maximam partem caput oppletum habent: unde veteres eam ob causam illis vinum interdicebant, hie me incenatos cubitum mittebant, & eos per futuras, per palatum, per cutim, per nares passim expurgari videmus: immo per aures; quamquam neget in Aphorif. Galenus eas comparatas ad expurgationem cerebri, exceptis (ait) pueris. 3. Præter fluxum illum cerebralem copia quoque humorum lentorum & tempore corruptorum hoc efficit: nam humidus calor illis tamquam lignorum strue obruitur & strangulatur. Nisi dicas quo humidius corpus, eo melius. Galen. 3. de symptom. causis, & pueros facultates naturales habere robustissimas. Quo humidius naturali humore, eo melius: & facultates naturales ad agendum habent robustas, sed non ad patiendum & resistendum. Sic minima occasioneprehenduntur fluxu cœliaco, diarrhœico, non ita dysenterico, quia mucore madent intestina. Quicquid sit, ea evitari possunt diætâ siccante. Quamquam i. sanit. tuendæ Galenus vetet ne exsiccentur pueri, quia incremento prohibentur; (intelligens maxime de humore primigenio.) Videndum ne dum prodesse volumus, non obsumus. Si sola uligo esset, & cruditas, corrigeretur coctione & alimenti detractio; sed præterea est corruptela, ergo corrigenda & humor tollendus. Eadem opera detergendum, vacuandum, oppugnandi vermes.

De ver-  
mibus  
lib. 4. de  
morbis,  
locus præ-  
clarus,  
qui pri-  
ma fronte  
falsus vi-  
detur, sed  
notan-  
dus est.

℞ semin. contra ʒ j. passul. glycyrr. conser. viol. an. ʒ ij. absynthij roman. p. s. fiat decoct. in qua infund. rhei ʒ j. coral. gr. v. In express. dissol. ejusdem rheub. ʒ ss. fiat potus.

Item ℞ Karabes ʒ j. rasur. ebor. cornu cervi, margar. elect. an. ʒ ss. cinnam. gr. 4. cum saccharo in aq. portul. dissoluto, & ʒ ss. pulv. contra. fiant tabell.

Item ℞ ligni aloes ʒ ij. nigell. rom. ʒ ss. pro suffiendis operimentis capitis.



Vehementiora paullo sunt hæc quæ sequuntur remedia.

℞ semin. contra ver. ℥ ij. pulv. ras. ebor. cornu cervi an. ℥ j. semin. portulac. scr. iiij. fiat pulvis, misce cum eo quod sequitur.

℞ theriac. ℥ ij. conserv. rosar. ℥ j. omnibus mixtis fiat in modum opiatæ: utatur quolibet mane.

℞ lupinorum ℥ ij. medulla colocynthidos ℥ j. absynth. vulg. ℥ j. s. aloes ℥ j. theriaces ℥ ij. cum pauca terebinth. fiat in modum ceroti, & imo ventri applicetur.

℞ syrup. de absynth. ol. amygdal. dulc. an. ℥ j. absynth. menth. puleg. succorum. an. ℥ j. s. radic. dictamni, tormentill. zedoar. an. ℥ j. cum pauca cera. fiat linimentum pro ventre.

℞ pulv. barbotinæ ℥ j. detur cum lacte.

℞ decoct. clyster. lib. s. in qua bulliant chamem. & sem. fœnic. an. ℥ iiij. In colatura dissol. benedict. laxat. ℥ ij. confect. de baccis ℥ j. s. ol. aneth. & ruta an. ℥ j. In torminibus a vermibus.

℞ ossis de cord. cervi, margar. elect. an. scrup. j. rasur. ebor. karab. an. ℥ j. rheub. ℥ ij. cinnam. gr. ij. cum sacchar. in aq. absynth. dissol. fiant tabellæ pond. ℥ j. s. capiat duabus horis ante pastum.

Item ℞ absynth. m. j. bull. in aqua & vino pro fotu sedis. Abstineat cœna ne tantopere cerebrum oppleatur vaporibus. Pane filigineo & autopyro utatur, non albo (ut vocant) quoniam obstruit nimium. Utatur sape rhabarb. condito. Providendum capiti, quoniam in illa augeri potest plethoricis symptomatis. Et in ejus sororis defunctæ annos iiij. natæ, quum convulsionibus prehensa fuisset, in cerebri ventriculis magna aquæ citrinæ copia inventa est. Sed his non sunt terrendi parentes 1572. Cal. Januar.

## A N N O T A T I O.

1. Notat Mesuæus vermes aliquando generari ab obstructione cysteos cholidochi, quia enim non interfluit humor biliosus purgandis intestinis accommodatus, ideo succrescit pituita multa quæ in vermes animatur. vide cap. de cura vermium.

2. Quod tamen dubium esse possit: nam calor consumit materiam, ergo eorum vermium occasionem tollit. Item effundit humorem biliosum in intestina, hinc vermium internecio. Immo scribit Mesuæus sape contigisse in febribus tum ratione caloris, tum ratione bilis effusæ vermes pabulum querendo, ita locum in quo nati erant & conservabantur, perfodisse, ut partem ipsam perforarint.

3. Lib. de affectionibus fluorum diuturnorum alvi, causam a cerebro repetit.



## CONSILIUM XXXI.

*Ad Iliacam passionem.*

**J**ACOBUS Berthier post longas corporis agitationes, & conatus, & usum rerum flatulentarum, in colicum dolorem, ut putabant, incidit. Sed iliaca passio erat. Aut saltem a torminibus cruciatibusque conturbata, convolutaque sursum deorsum intestina, tandem ad mali intulerunt. Circa inguen apparuit tumor: intestini prolapsus erat. Semel eum tantum prolapsum passus fuerat. Tamen principio non putabant intestinum esse provolutum, sed tumorem testiculi. Quod ne cui mirum videatur, sciendum in eo conformando naturam sui oblitam fuisse. Nam testiculus neuter in scroto erat: sed uterque intus conclusus erat: unus quidem apparebat tactui soli, & circa pectinem locatus erat, alter delitescibat plane. Sic tumorem tantum testiculi circum pectinem suspicabantur. At aliter res erat: & frequentes vomitiones, & suppressa omnino alvus prolapsionem intestini indicabant. Dolor erat magnus circum umbilicum, qua situs est ileon. Pars fomentis & semicupiis non est remollita: sed eorum usu an contigerit nescio: intra triduum totus pecten inflammatus est, & aliquid acuminatum apparuit, ex quo pus saniosum & foetidissimum excretum est. Dubitabant an id ab intestino rupto nasceretur. Et magna rupti intestini erat suspicio. Quicquid sit, devolutum erat intestinum e sua sede, quod tumor ad pectinem indicabat. Clysteribus tentata alvus, nil reddidit: longioribus balanis sollicitata, reddidit. Quæ materia rupto exiguo tumore excreta est, ea graveolebat admodum: hinc faculentæ materiæ magna fuit suspicio. Tamen speculo res explorata est, nec incisum intestinum compertum est. Febris perseveravit: dolores frequentes, spuitiones, vomitus, sed non ita frequentes ut in aliis observavimus, sudores: defectiones animi. Sexto die totus pecten inflammatus magis, erysipelatodis, mors denique nono die. Aperto cadavere, imus venter quasi sideratus apparuit: prolapsum ileon. Insanabilis erat morbus. Iliaca passione laborantes, alii celerius, alii tardius moriuntur. Quibus ab inflammatione malum ortum, intra quatuor dies moriuntur; ut Domina illustri de Mandosse contigit, quæ intra quatuor dies periit. Quidam sunt in ea opinione ut existiment nullum volvulum in quo frequentes sunt vomitiones, sanabilem esse: sed errant. Nam primo quoque tempore vitatur motus intestinorum peristalticus; quo vitato vomitus & subversiones stomachi contingunt. Item volunt in inflammatione statim gangrænam consequi, quod falsum est. Nam hinc persuadentur quod leipothymiam frequentem adesse videant: at non est necesse inde inferre, gangræna id consequi: siquidem facile communicatur id vitii ventriculo ob viciniam. Et teter vapor eorum quæ excernuntur facile leipothymiam adducere potest. Ceterum inflammatio, scirrhus, sive durus tumor, abscessus, volvuli causæ solæ videntur Gale-  
no *Commen. in Aphor. 44. lib. 6.* At obstructionem a sicco stercore vult  
ileon



ileon inferre posse: at illi non videtur probabile ut crassi & lenti humores tantam obstructionem faciant, ut præpediatur exitus stercorebus; quod tamen omnes verum esse volunt. Nos prolapsum intestini id mali attulisse sæpe observavimus. Mesuæus *cap. de intestinorum morbis*, vult colicam ac iliacam passionem sæpe eodem modo fieri; dum scilicet materia collecta est in monoculo: ac dum agitur nec excernitur, augentur dolores, hinc colica aut iliaca passio. Immo, ait, clyster quia non pervenit secundum substantiam ad superiora intestina, sed secundum vim tantum, agit tantum materiam in superioribus intestinis contentam, sed non excernit, unde grandi conatu naturæ quia per inferiora materia secedere non potest, & stercus & clyster per os rejicitur. Sed numquid a crassis & frigidis humoribus iliaca passio nasci potest? Non videtur Galeno, ut dictum est, ideo non vult admittere illum Aphorismum Hippocratis germanum esse, *Quibus ex stillicidio urina ileos supervenerit, septem diebus pereunt, nisi febre superveniente multa urina profluxerit*. 2. Nam si quæ materia committit stranguriam, eadem ileon committat, cogetur fateri Iliacam passionem a pituita falsa aut cruda nasci posse quæ eadem & ad renes translata committat stranguriam, & revocata in intestinum iliacam passionem. Fatetur ignorare se quid hic velit Aphorismus, ac narrat falsas veterum in illius Aphorismi interpretatione opiniones. Tamen quasi revocans calculum, dubitans tamen censet frigidam materiam ileon committere posse quæ discutiatur successu febris. Fuchsius illum Aphorismum interpretandum audentius quam Pergamenus aggreditur. Primum præpositionem ἐν accipit pro μετὰ, quasi dicat Hippocrates ut ileus superveniat stranguriæ a crassis frigidisque humoribus natæ. Quod autem intra septem dies moriantur, id ait fieri propter dolorem utriusque partis & renis & intestini, qui dolor vires admodum dejiciat. Et absurde admodum divellit verba Hippocratis, dum ait illud, *Febris si supervenerit*, ita debere intelligi, ut loco ilei qui prius supervenit stranguriæ, febris succedat, ac ileus abeat: quasi nolit Hippocrates una cum ileo febrem adesse. Nam Hippocrates vult ileon quidem stranguriæ successisse, sed vult simul esse & febrem & ileon. Quidam fortasse putarent fieri posse ac verisimile esse ut ei stranguria & ileos adsit, & febrem impedire quo minus intra septem dies illi affectus perimant. Nam febris alterutrum solvit malum: & sic solutus æger uno alacrior est aliquanto. Et illa febris non debet esse symptomatrica ilei ab inflammatione nati, ut volebant veteres, sed succedere debet humorum aut spirituum potius inflammationi. Sed posterior hæc ratio de præsentia duorum malorum simul stranguriæ & ilei non videtur plausibilis. Sed sententia Hippocratis ut non est temere pronuntiata, ita veritati maxime consona videtur. Fieri enim maxime potest ut stillicidium urinæ contingat a raptu pituitæ falsæ, acidæve ad renes. Quæ si forte, ut fere fit, ut morborum successionibus in intestina regeratur, aut in iisdem resistat, paullo vegetiore calore in flatus conversa dolores vix tolerabiles excitabit. Hinc in gyrum intestinum convolvitur, dissolvitur, intumescit. Et ab acerbitate doloris ileos rejectio omnium humorum



morum per os vitiato motu peristaltico. At quoniam febris, si modo sit analogos, materiam mitificat, paralyfes, tetanosque solvit, potest quoque materiam in intestinis contentam coquere, mitificare; hinc ilei levatio. Ac ea interpretatio non videtur a veritate abhorrere. At ex iis colligere licet in iliaceis passionibus aliquando frigida maxime ex usu esse & balnea: aliquando obesse plurimum, prodesse vero calida. Nam quum inflammatio est, non est dubium quin illa convenient: si humores frigidi, lenti, pituitosi, calida conveniunt: 3. & si febris immineat, non est prohibenda.

Porro in nephriticis doloribus aliquid fixum est ac immobile ad alterutrius renis situm. In colica dolor est vagus, subvertens ventriculum: in ileo fixus est circum umbilicum qua situm est intestinum ileon, gravans est extensus, pungens. Sed pungens maxime est a vermibus. Annotat enim Mesuæus iliacam passionem a vermibus excitari, dum illi scilicet loco fixi sunt, ac pungunt, cuniculos agunt, immo perforant intestinum. Ac duo notare oportet scitu ac observatione dignissima. Prius est: Qui fieri possit ut in iliaca passione stercus meracum excernatur: quod Galenus tantum morituris contingere ait. Nam si volvulus passio est intestinorum superiorum, non situ, sed generatione & ortu, & in illis tantum chylus ac cremor sit, secretio autem 4. in cæco de num fiat; præpedita via in intestinis superioribus quomodo ab inferioribus crassioribus intestinis stercus ascendat, ac præsertim morituris, quum jam vires fatiscunt. Quæstio hæc ardua est. Alterum est quod nos observavimus, & a Mesuæo diligenter observatum legimus, nempe iis qui a volvulo relevantur succedere incredibiles affectiones: Contingit, inquit, paralyfis, materia ad nervos translata. Nam in ista affectione intra septem dies ratione adstrictæ alvi, & motus excrementi sursum inficiuntur spiritus, & humores qualitate inexplicabili: aliis vitiato simili modo hepate hydrops, Melancholia, tremor, fœtor, anhelitus, sudores frigidi syncope, sitis inexhausta. 5. Vidimus mulierem quæ quum volvulo laborasset, eo liberata in hydropem incidit: hinc tabida interiit. Aliam vidimus quæ quum sudores frigidos, extremitatum frigus per decem aut duodecim dies, etiam cessante ileo habuisset, fœtoremque oris ingentem, & pudendorum ex quibus sanies graveolens resudabat. Inde fluxit alvus, repurgata ter aut quater sine ullo graviore symptomate, aut morbo potius nunc bibens ludensque vivit.

## A N N O T A T I O.

I Eorum opinio roborari potest sententia Galeni. Hic enim Comment. in Aphorism. 10. lib. 7. scribit vomitum non semper adesse in ileis, sed quando exitiales sunt. Ac si dicat vomitum supervenientem mortem significare. Ego tamen vidi quibus adesset vomitus, & liberati sunt: immo facillime omnium succedit vomitus; ut quum prolapsum est intestinum in scrotum, statim vomitus adest. Nisi quis dicat vomitus in prolapsu intestini faciente iliacam passionem non ita letales esse, ut sunt in aliis speciebus iliace passionis. Quod credibile est: Aut per vomitus, eos præsertim intelligit qui cum faculenta materia, aut cum chylosa fiunt. Nam simplices vomitus non

Ballonii Oper. Tom. II. E ita



ita mali sunt, nisi frequentes admodum sint.

2. D. Maignam Medicus & Professor Regius in Mathematicis volvulo interiit, impetu magno pituita multa in intestina prolapsa ibique collecta & putrefacta: unde abscessus factus, hinc morbus.

3. Febris non est tollenda aliquando in volvulo: contra faciunt Medici.

4. Nam colon tenuibus intestinis est superius. Sic mirum cur volvulus sit tantum affectus tenuium intestinorum, ut placet Galeno comment. in Aphorismo lib. 6. quum observatum sit rectum intestinum volvuli aliquando causam esse, aut saltem malum in eo esse. Unde hist. 9. sect. 2. lib. 3. Epid. meminit crassorum intestinorum etiam volvulum esse affectum.

5. Libro de affectionib. Hippocratis locus est valde notandus de cura volvuli. Nam quum non admittuntur clysteres, vult fistulam ad utriculi extremitatem applicari, & ita intestina inflari, post dari clysteres. Quod forte non negligendum in tam periculoso morbo. Porro nota apud eundem Hippocratem, eodem libro, ni fallor, triplicem esse volvulum, unum hiemalem, alterum ictericum, sive aestivum, tertium hamatitem, sive autumnalem. Observat dominus Magnus in volvulosis affectionibus nil melius esse quam dare Confectionem Hieræ; hæc enim subversiones ventriculi sedat. Item induratas feces aliquando emollit & e recto intestino extrahit. Item interjectionem per longissimam fistulam conferre ex oleo de semine lini.

## CONSILIUM XXXII.

### Pro Calculosis.

**N**ULLUS hodie æque genus humanum vexat morbus, ac calculus. Morbum appello, etsi nonnullis id nominis non placeat, quod actio, nempe mictio impediatur a re præter naturam in capacitate contenta, quam tamen alii rei natura destinavit quam calculo continendo. Quod qua ratione fiat, commentatione dignissimum est. Alii usum lacticiniorum & casei, & rerum viscidarum accusant: alii limosas aquas & paludosas. Sit ita hercle. Qui lacticiniis viscidis, crassisque alimentis utuntur, aut qui limosis aquis, ii maximam partem calculosi sunt; non tamen generales has solas causas statuere oportet.

1. Duæ mihi videntur rationes probabiliore, propter quas tam longe lateque pateat hic morbus, ut aut nulli, aut oppido pauci ab arenulis, aut calculo, aut concretionem aliqua immunes existant. Prima videtur ingluvies, & ea præsertim cum alimentorum varietate qua homines mirum in modum delectantur: secunda, jus hereditarium; nam ex calculosis fere calculosi generantur: Tertiam adjicio facilem generationem calculi, aut topi, aut arenularum, & præsertim in corporibus mollioribus & delicatis, & imbecillis; cujusmodi sunt nostra corpora si ea cum præscis conferas. Quod enim tam facilis generatio sit, ex eo patet, quod nulla non in parte corporis calculus aut topus generari possit: unde plerisque in folliculo felle, aliis in pulmonibus, aliis in capite, aliis in utero, aliis in corde, aliis



in intestinis generatur, ut in nostris hypomnimeumatis abunde recensuimus. Accedit quod ex variis humoribus generari possint, ut postea abunde ex veterum sententia apparebit. Unde jubeatur valere eorum opinio & dogma, qui ex sola pituita calculos concrefcere voluerunt: unde pingues & obœsos calculo obnoxios præ ceteris voluerunt. Quod falsissimum est. Ac ingluviem præsertim quæ varietate ciborum adjuvatur, calculorum parentem esse nemo non potest fateri, qui noverit ingluviem & gulam causam esse multiplicis cruditatis; unde natum illud, *Intemperantia Medicorum mater*. Varietas autem propter diversas variasque facultates naturæ quæ omnia ad unum æquale & uniusmodi redigere conatur, plurimum in coquendo, alterando, segregandoque similia a dissimilibus negotii faceffit. Quod primus annotavit Hippocrates, quin in lib. 1. de Diæta morborum acutorum inter præcipuas dotes quas ptisanæ attribuit, recenset eam, quod ptisana nullum tumultum stomacho afferat. Verba græca sunt, ὅν τε ἄρα δὸν κακὸν ποιεῖ. Galenus non abs re Hippocratem addidisse ait κακὸν, nec simpliciter ἄρα δὸν dixit, quod nihil sit quod æque coctioni officiat ac varietas, quæ uni cibo inest, aut quæ in variis cibis. 2. Nonne ἄρα δὸν duobus tantum locis apud Hippocr. legitur? uno lib. 4. de Diæta acutorum, quum de glande mentionem injicit: Glans (inquit) tumultum affert. In Commentario Galenus tumultum excitari ait, quum alimenta ingesta variis facultatibus prædita sunt, & dum unum facilius coquitur, alterum ægrius: immo dum in eodem alimento & substantia media, & externa, non sunt analogæ: ut de glande & brassica Galenus docet comment. in particul. 18. lib. 1. de Diæta acutor. Locus alter est is de quo superius dictum lib. 1. de Diæta, quum de ptisana loquitur. Atque ut res in angustum revocetur, legenda major pars commentarii in eum locum. Nam adducto exemplo athletarum, & eorum qui probe educantur & nutriuntur, docet quantopere noceat varietas ciborum, varietas facultatum, vel etiam in uno & eodem edulio. Nam quum una mordet, alia solvit, alia inflat, non dubium est quin chyloscos officina perturbetur, & naturæ plurimum negotii afferatur; quæ quum uniusmodi sit in officiali parte, ventriculo nempe existens, non facile subiget tam varia quæ ingeruntur. Hinc eo loci Galenus ait solitos athletas in arenam descendere volentes, 3 solo pane uti mane, solis carnibus vesperi. Ac eum tumultum a ciborum varietate afferri solere observavit Horatius in Satyris:

*Accipe nunc, victus tenuis quæ, quantaque secum  
Afferat: in primis valeas bene. Nam variæ res  
Ut noceant homini credas: memor illius escæ,  
Quæ simplex olim tibi sederit. Ac simul assis  
Miscueris elixa, simul conchyliæ turdis,  
Dulcia se in bilem vertent, stomachoque tumultum  
Lenta feret pituita.*

Lib. 2.  
Sat. 2.

4. Itaque iis & escarum habendus delectus, & fugienda varietas quibus sanitas studio est. Ac hereditario jure calculum ut & alios morbos ad posteros pervenire posse vulgo constat. Nam femini impressa sæpe vis est, quæ ut valet ad speciem, genus, & ideam retinendam, & ad prolem devehendam; ita



latente impetu morbosam *διὰ δεσιν* transfundit, traducitque. Hinc ex macrocephālis macrocephalus Hip. ob deciduum ab omnibus partibus semen gigni asseverat.

Sed his positis, in rei propositæ arcem libentius invadamus. Dicendum quæ lapidis materia, quæ efficiens causa, qui ei obnoxii, quæ præcautio. Tandem nonnulla ex eis quæ vulgo usurpantur remedia afferentur. In assignanda materia multi varia, multaque censuerunt. Ac primum, nomine calculi peculiariter intelligimus eum, qui aut in vesica, aut in alterutro rene generatur. Qui enim in aliis partibus corporis humani tamquam fodinis conglomerantur, cogunturque, ad præsens institutum nil pertinent. Quidam lapidis nomine eum qui in vesica continetur intelligi volunt, quod sæpe grandiusculus sit: calculi autem, eum qui in renibus cogitur. Sed quoniam *λιθων*, & calculosos vertit Celsus, & lapidosos, curiosa hæc de nominibus quæstio valere jubeatur.

Calculorum materiam quidam volunt esse aliquod purulentum, & pituitam quamdam putrem. Hollerius annotat observasse se in quodam Præside Rhotomagæo pituitam putrem, & pus crassum falso calculum retulisse. Antequam aliorum opiniones recensamus, expendere licet an pus, aut materia purulenta in lapidem cogi possit. Nam quod pus in vesicam illapsum, aut in eadem concretum non referat calculum, nemo dubitat: quicquid enim aliqua ratione angustos canales, per quos urina præterfluit, obstruere, obturareque potest, id calculum mentiri potest. Sed quæstio est, num pus in vesica calculus efficiatur. Nonnullis non videtur: Galeno id fieri posse videtur. Illorum rationem huc referemus, ne indicta causa illos arguamus, quamquam a Galeni partibus stare consilium est. Primum ita ratiocinantur: Sanguis, saniesve dum putredinem concipit ut in pus vertatur, putredine fibras amittit: at fibrarum ope concretio fit: nam damarum sanguis non concrevit, quod fibrarum expers sit: Ergo pus in calculum cogi non poterit. Deinde illud observari solet in abscessibus renum: Purulenta materia quæ a renibus abscessu tentatis excernitur, toti permiscetur tota urinæ: & si in imo urinæ residis subsideat, parva agitatione rursus toti urinæ remiscetur. Quod arguit pus corpulentum solidumque nil esse, sed aliquid divulsum: Ergo in calculum non cogitur. Contra vero apparet in semine & pituita. Nam utrumque ut fibrarum particeps cohæret, partesque unitas habet. Unde aut tamquam separatim aliquid urinæ supereminet, aut in fundo residet: nec ratione sui lenoris & partium cohærentium ita miscetur urinæ toti, licet moveatur: sed suam cohærentiam conservant. Atque ita conficere se putant ex præsentibus rationibus, pus in calculum concrevire non posse. Adducuntur tamen victi ratione & auctoritate Galeni, ut credant calculi rudimentum pure induci, incrustarique posse. Sed id subterfugere est, non rationibus & auctoritati subscribere. Nam quantumvis obducatur calculi rudimentum pure, si quia fibrarum expers est non agitur, adaugeturque, nihilo major calculus inde futurus est, quam si aqua allueretur. Pus enim iis auctoribus non concrevit. Sed antequam eorum rationes convellamus, Galenus audiatur: Verba ejus sunt: *In animalis corpore ex purulento humore, aut ex purulento pituitosoque composito topus nonnumquam creari potest: quemadmodum*

Com. in  
part. 6.  
sect. 1.  
lib. 6.  
Epid.



& in articularum morbis accidere consuevit. Eodem enim prorsus modo in his & renum affectibus lapides conerescunt. Ad primam autem rationem qua contendunt illi neoterici ideo pus in calculum cogi non posse, quod humores per putredinem fibras amittant: at fibrarum ratione concretio fit, ita respondere consilium est. Aliud est aliquid corrumpi, aliud in pus abire. Nam in corruptione partium fit alienatio, & materia tota præter naturam est, & causa efficiens tota quoque præter naturam. Partium quoque fit diremtus, & per eam partium diremtionem fibrarum dissolutio fit: hinc nulla cohesio, hinc dissolutio continuitatis. At quum ex materia laudabili, intraque naturæ limites contenta, pus fit, etsi pus illud naturæ non cedit in alimoniam: satis tamen est si aliquam ejus gratiam recipiat. Hoc autem fieri dicitur si aliquid sit uniusmodi, si albor adsit, si lævor, si nil grumosum, nil inæquale. Idem enim opifex versatur circa pus, & circa alimentum: hoc differunt, quod alimentum cedat in naturam, pus autem excretionem sui præmoneat, quod antecedenti, primariaque origine ejus materia laudabilis fuerit, sed ex eventu illaudabilis exstiterit, quod forte extra locum sibi destinatum ab aliqua externa causa evocata fuerit. Quod in contusionibus apparet.

Satis autem est si in pure character naturæ imprimatur, ut eas dotes & facultates retineat, quas Hippocrates & Galenus puri laudabili tribuerunt. Cur enim toties Galenus in ulceribus commendat pus album, læve, æquale, ut æqualitas vim significet caloris naturalis sese in omnes materiæ partes æqualiter inducentis? lævor materiæ *ἐὺν δέῳ*, ingenium interpretor? candor vim partium solidarum, quæ quam fieri potuit maxime, sibi assimilare annitantur pus? Et quum perfecte id assequi non possent, saltem quem a natura sortitæ sunt partes solidæ candorem, eum in pus contulerunt. Si per putredinem fibrarum fit deperditio, quomodo sanguis qui putrescit in vasis, aut extra vasa, vertitur in sedimentum (de febribus putridis intelligo) album, læve, æquale? Aut in laudabile pus iisdem dotibus illustre in abscessibus? Immo ex generibus puris aliud videtur contra naturam esse, ut quod in morituris apparet, lividum est, subviride, foetens, divulsum, inæquale, non læve: In iis qui e natura habent contrariis omnibus dotibus præditum est. Quinetiam licet materia divulsa fuerit, virtute partium solidarum unitur, laboratur, id quod *ἐτερογενές* & alienum secernitur. Et quum ex Hippocrate quædam urinæ sint grumosæ in morbis, quæ postea tenues fiunt, quid aliud per tenues intelligit, quam pro grumosis confusisque urinis redditas a natura chymosi, consistentia, & contentis laudabiles: ut pauca sit hypostasis, sed ea alba, lævis, & æqualis? Ergo alienum est ab experientia, & ratione puri adimere cohesionem, & eam tribuere solis pituitæ & semini. Nam & sedimentum & pus laudabile cohærent: Immo licet antecedens utriusque materia serosum tantum fuerit aliquid, & dissolutum, multiplici elaboratione & coctione (quæ omnis incrassandis partibus fit) acquirit fibras, lentioresque, cujus ope concreascit. Et falsum est illud, quod pituitæ tam curiose tribuitur: nam sæpe videas phlegma & misceri toti urinæ, & postquam resederit remisceri, præsertim quum coctum non fuerit, & nondum gratiam naturæ receperit.



Pus autem si a renibus refundatur, non est mirum si misceatur, quia longo viarum anfractu liquore urinæ dissolvitur ac dirimitur; unde sæpe puris formam non referat. Falso itaque puri ea ratione unionem & coherentiam adimunt ut conficiant in calculum non cogi. Verum enim pus cogitur, quod sensui notissimum. Nam & empyicos sæpe grandinosa sputa extundere a conrescente in grandinem & tophulum pure observaverunt: In abscessibus tardius ruptis aut natura, aut arte, pus ita sæpe cogitur, ut jam lapidescere videatur. Noverint itaque aliud esse corrumpi, aliud putrescere. Per corruptionem unio, vinculum ac cohesio tollitur, diremtis videlicet partibus: per putredinem aut retinetur cohesio: aut subactis elaboratisque partibus novarum fibrarum fit acquisitio, unde nexus & copula consequatur. Ergo ex pure lapides cogi posse intelligentius scripsit Galenus. Quod primus annotavit Hippocrates lib. 2. de natura humana. 6. *Quibus, inquit, in lotiis subsident arenosa, vel tophi, iis per initia circa venam crassam tubercula exstiter, versaque in pus fuere: ac deinde ipsis tuberculis haud celeriter ruptis pus in tophos conversum est, qui foras per venam cum lotio exprimuntur.* Tamen quoniam & hujus orationis idioma Hippocratem non sapit, & libellus ille falso adscriptus illi est, fit ut nullam vim id loci afferre possit. Sed ea in re audiendus Galenus, enarrans illam particulam, scribit: *Excretiones ejusmodi urinarum arenosarum possunt fieri a causa quam statuit Hippocrates: item & rene obstructo citra venam magnam. Maxima autem parte sine tuberculis fiunt, quum succus crassus vel glutinosus exitum retardans concreverit a calore loci arefactus.* Ergo agnovit Galenus arenosas urinas nasci posse a pure concreto, quamquam non ita frequenter.

Ac materia lapidis & eo loci quem supra ex lib. de natur. humana secundo adduximus, Galenus crassum glutinosumque humorem vias obstruentem præpedientemque constituit. Et comment. in particul. 13. lib. ejusdem, apertius multo designat & causam efficientem, & materiam, de puerorum calore locutus: *Pæri multi, quia admodum sunt voraces, cumulant succum qui proprie crudus appellatur, a quo facile calculi generantur. Is autem humor ut materia rationem habet, ita & calor efficientis causa.* Ac mirum quomodo Hippocrates, aut quicumque eum librum scripserit, dicat: Puerulis nascitur lapis ob vesicæ caliditatem & totius corporis. Viris ob corporis frigiditatem haudquaquam generatur.

Multa in eum locum inquiri possunt, quorum explicatio ad seriem continuationemque disputationis apprimè pertinebit. Constitutum enim erat de lapidis causa, tum quæ efficiendi, tum quæ materiæ rationem habeat, disputare: de loco, de ætatibus, & iis qui magis minusve obnoxii forent. Primum itaque dubitari potest, an caliditas & vesicæ, & corporis totius ad generationem calculi faciat. Et quoniam Hippocrates meminit caloris multo humore perfusi, cujusmodi est humidum primum, & calidum primum; an calor puerorum halituosus, ἀτρωδὴς, spirituosus, humidus, blandus, minimum mordax minime ad generationem lapidis pertinebit? Nec enim probabile videtur, ut paullo post abunde demonstrabimus. Secundo quaeri potest, an caliditas vesicæ tamquam unius partis eodem pertineat, calculumque



creet . Nam Galenus alio loco frigiditatem vesicæ constituere videtur causam generationis lapidis . Tertio , an viri , quod frigidi sint , calculum non generent ? Quarum quæstionum examen & evolutio non minimum habebit & voluptatis & utilitatis . Voluptatis quidem , quod animus noster iis explicatis aliqua ex ratione satiabitur ac explebitur : Utilitatis vero , & ad præcavendum , & ad curandum , & ad opem miseris mortalibus afferendum . Nam si ut quidam volunt , immo major Medicorum pars , calor qui ad generationem lapidis tamquam causa efficax & efficiens concurrat tenuitate partium , & acrimonia præditus esse debet , immo veluti febrilis , quod Hippocr. 6. Epidem. *θερμὸν* absolute aliquando vocat ; ut dum ait , *Qui ventre calido , carnes habent frigidas* : aliquando *πῦρ* , ob igneam vim , seu potius ( ut cum Arculano loquar ) igneitate ; cur toties in calculosis affectibus ad oxypora , ad *ἐκβραστικά* , & calidissima remedia concurrimus ? nam causæ efficienti nervos & robur addimus . Atque ita , ut plerumque fit , aberramus . Si calor lapidis auctor & parens temperatus est , halituosus , blandus , naturalis , qualem Hippocrates aut scriptor libelli illius , & cum eo Galenus constituit , cur *εὐρηπτικά* præscribuntur temperata , dulcia , mucosa , blanda ? nam & ea fovent calorem naturalem lapidis auctorem , & materiam reddunt viscidiorē , mucaginosa , lentiorē . In quo plurimum aberraretur . Ac credibilius ab aliquo acri calore , aut saltem non a nostro blando & naturali concretionem fieri . Nam calorem potentem debere esse , eumque resolyentem satis ex mente Galeni apparet . Illius hæc verba sunt : *Lapis propria passio est puerorum , qui ob edacitatem non paucos crudos humores generant , ex quibus pars crassior cum urinis ad vesicam perveniens fit lapidum materia . Accedit altera causa , vehementia caliditatis . Nam & senes acervant crudum non paucum , non ob voracitatem , sed facultatis coctricis imbecillitatem . Non validum tamen calorem habent , qui crassam materiam resolvens lapidem generet* . Utitur participio *ξηρατμίζον* , idest , exsiccans , arefaciens , exhalare faciens , & tenuem substantiam eliciens e materia crassa , ut fax tandem remaneat . Ergo & calor validus requiritur , & calor qui resolvendi vim habeat . An vero tali vi præditum est calidum primum & radicale , quod si fluens est , erit *ἀτμός* tantum , & *ἀπόρροια τῆς ὑποκειμένης ὀσίας* : si fixum , partium solidarum *ἐντελέχεια* . Hic calor quamdiu aliquid habet præsto in quo versetur coquendo , secernendo , alterando , non sese ad aliud accingere solet ; unde non est credibile , calorem blandum & mitem in pueris exercere vires suas in crudis humoribus digerendis , & in lapidem convertendis . Nam digestio illa , arefactio , resolutio quæ requiritur ut materia crassa lapidescat , soli calori febrili tribuenda est . Et quoties *ἰσχυρὸν θερμὸν* legitur , videtur de calore acri & febrili intelligi , cui passim Galenus ob igneitate in apoplexiis , tetano , morbisque frigidis resolvendi vim , digerendi tribuit , immo & coquendi , quamquam in illo loco ubi legitur de calore febrili quod concoquat , legitur , frigiditatem concoquendi vim habet , non absolute , coquendi vim , sed frigiditatem coquendi , idest , corrigendi , mitificandique summam , quæ in crudis succis inest , frigiditatem . Sed hæc per transennam . Nam si calor naturalis vim habet resolvendi , & in lapidem vertendi in pueris , quum alio-



qui sit blandus, humidus, & multo humore obrutus: unde sæpe impeditur Hippocratica illa ἐκλαμψις; an tanta in senibus frigiditas, ut, quum ob facultatis coquentis imbecillitatem multa congeratur materia cruda, illa non possit obstruere, vias impedire, siccescere, a calore acriore quam sit in pueris, quantuluscumque is sit, lapidescere? Credibilius est. Unde mirari subit cur auctor libri de natura humana scripserit, *viris calculos non generari ob frigiditatem*. Item Galenus loco superiore: In senibus quidem suppetere materiam generando creandoque lapidi idoneam, sed præ infirmitate caloris non cogi. Nam Galenum contradictionis possumus convincere; *Asthmata in senibus ex destillationibus ortum habent, quum & respirandi instrumenta sæpe habeant, proprium sui algoris principium, quando & in ipsis multa & crassa superfluitates generantur: Et præterea præsentem virium imbecillitate renes obstruuntur, & lapides generantur; quum tenax & crassa superfluitas in similem callo substantiam transiverit*. Antequam doceam contradictionem Galeni, de serie contextus dicam, istam periodon, καὶ ὁρῶσιν τῆς δυνάμεως ἀδενούσης, non soleo cum Leonicensio cum sequentibus connectere in eo sensu, Et præsentem imbecillitate virium renes obstruuntur, & lapides generantur: sed totam periodon refero ad disputationem de asthmate, quam peculiariter Galenus explicat; siquidem Hippocrates in suo contextu non meminit ullius obstructionis renum in senibus. Quasi dicat Galenus, imbecillitatem virium unam ex causis esse quæ asthmaticos senes reddunt. Nam sequens periodus tota sibi cohæret in textu græco sine uno puncto, nec colo, nec inciso, ut male fit in textu latino: ἐμφράττονται πολλάκις ὀνέφροι καὶ τοὺς λίθους γεννῶσι ὅταν, &c. Obstruuntur autem renes sæpe, & lapides generant. Non autem legendum cum Leonicensio, imbecillitate virium præsentem renes obstruuntur: lapides autem generantur quando, &c. Nam hoc scriptoris est nec Galenum intelligentis, nec verba græca an bene maleve cohæreant scientis. Quamquam hoc verisimile esse videtur ab imbecillitate renum tamquam ab adjuvante causa lapidem nasci posse. Nam concretio quæ fit in parte quapiam, infirmitatem partis agnoscit nequeuntis a se se amandare id quod molestum est. De verbis hæcenus. Nunc ad rem redeamus.

Quod in mentem venit Galeno ut tam paucis litteris contradictoria complectatur? Nam in uno Lithiasin propriam affectionem puerorum scribit quod & cruditas, voracitas, & calor ingens in illis concurrant. Accedit quod partes puerorum famelicæ a ventriculo nondum satis mitificatum alimentum rapiant. Raptus autem illè eo fit, quod idem alimentum & ad auctiorem, & ad nutritionem faciat. Et quæ partes augeri debent, id quo augeantur appetunt: quæ nutriri, id quo nutriantur. Diversum est partium studium, diversum desiderium, quod uno & eodem alimento debet leniri ac temperari. Nutritio quidem fit non quatenus alimentum quantitate est præditum, sed quatenus substantia est quæ in alendæ rei naturam multiplici alteratione præeunte mutari debet. Auctio vero contra. 7. Eandem lithiasin ibidem a senibus removet, quod licet materia idonea sit, tamen causa efficiens desit. Sed alio loco obstructionem renum senibus contingere posse ait, unde viscida superfluitas σύστασι πωρώδη, callosam concre-



tionem aut coagmentationem interpretor, contrahere possit. At concretio fit resoluta parte tenuiori, virtute caloris diffantis. In senibus, auctore Galeno, frigiditas dominatur. Quænam ergo causa efficiens? Nec est quod quis conetur defendere Galenum, quod magna sit senum latitudo: ut quidam sint virides, quidam decrepiti. Quum uno in loco ait: In senibus ob frigiditatem calculum generari non posse, de decrepitis intelligit. Quum autem alio loco scribit viscidum & crassum humorem callosam substantiam & naturam induere unde lapis, non de decrepitis capularibusque senibus intelligit, sed de viridibus, in quibus non ita languidus, paucusque calor sit naturalis. Contra tamen colligere licet ex ejusdem commentario. Nam dum de lithiasi, & asthma, & stranguria affectionibus senum disputat contra sententiam aliorum Hippocratis interpretum, asserit senes eo loci ab Hip. intelligi τοὺς πρὸ ἡλικίας ἀγοντας ἡλικίαν, καὶ ἐν αὐτοῖς καταπαύει τὸν λόγον ὡς ἀπ᾽ αὐτῆς ἡδὴ διεληλυθῶς. Eos, inquam, senes intelligit, qui extremam ætatis partem exigunt. Atque in ejusmodi senibus orationem suam finit tamquam jam ordinatim singulas ætatum partes emensus. Si itaque in extrema ætatis periodo σύστασις illa παρώδης fieri potest, cur non magis in iis quæ antecedunt? Itaque non videtur consentaneum a senibus & viris jam grandioribus rejicere calculorum generationem, præsertim quum materia in promptu est, quum non sit tantum frigus quin calor naturalis paullo acrior in angustis viarum quodammodo præfocatus (nam in angustis locis maximam partem lapides generantur) sufficiat ad cogendum compingendumque temporis progressu. Ut id quod simul & semel, aut breviori tempore in calidioribus fit, idem in non ita calidis, sed tempore longiore fiat. Quod alienum a ratione non videtur: immo rem ita esse credendum est. Eamque ob causam Hippocrates 6. Epidem. scribebat, *Post mictum concretio magis, an quod calidiores?* Cur dubitat? Quum aliis locis calorem puerorum causam concretionis posuerit. Revera libro illo multa ad memoriæ subsidium conscripsit. Nec abs re forte dubitando scripsit, an quod calidiores? Dubium enim esse ostendimus, & paullo post plenius aperiemus, an calor naturalis mitis & blandus, concretionis causa.

Nunc quod mihi videtur probabile dicam de senibus & pueris: necdum enim explicabimus an ante mictum, an post mictum concretio fiat. Lapidem generantur in vesica, generantur & in renibus, & aliis locis angustis. Qui in loco ampliore generantur, & caloris ubertatem & materiæ declarant; nam quum materia alia loca in quibus cogi potuisset pertransierit, in vesica calida tum per se, tum locorum vicinia, ut ex Hippocrate docebimus, nanciscitur copiam novæ materiæ; unde concretio fit. Qui in loco angustiore fiunt, quodam obstructionis modo fiunt, dum videlicet sicca, aut viscida, sed terreno modo affecta superfluitas diu in renibus & viis angustis hæret; unde obstructio, & ab obstructione, loco, tempore fit concretio. Itaque in calidis naturis propria dicitur esse generatio lapidum tum in ratione lapidis, quia proprie lapis fit; tum in loco, quia in vesica; tum a causa efficiente propria, nempe calore; & in tempore, quia paucio tempore; & in effectiois modo, quia tenuioris partis resolutio fit;

unde



unde proprie concretio . Sed in non ita calidis , immo jam ad frigidum temperamentum vergentibus generatio lapidis cernitur , sed non propria . Quia non per modum coctionis per incrassationem & tenuium partium a calore consumptionem , sed per modum obstructionis , a qua res impeditur , & dum materia retinetur calor diffilatione prohibetur , hinc longo tempore concretio impropria tamen fit . Item generatio ista fit in renibus . At non tam elucet vis caloris in generando lapide in angusto loco , quam in capace : quia angustia loci quasi apprime ad concretionem confert . Non præterea digestio fit tenuis partis , quia non multus calor . Atque utrumque modum explicat Galenus abunde . Nam dum de senibus agit , *ἐμφράττονται οἱ νεφροὶ καὶ γεννῶσι λίθους καὶ σύσασιν πωρώδης ἐργάζεται* . Non dicit : In senibus materia subigitur a calore , digeritur , unde concretio : sed obstruuntur renes , inquit , & generant lapides . Ergo in generationis forma desideratur efficiens causa propria calor , sed obstructio per se videtur statim causa . Deinde *σύσάσεως πωρώδης* meminit , ac si dicat , non vere lapis est , sed per obstructionem humor *παχύς καὶ γλιχρός* coagmentatur , adipisciturque callosam naturam . Sed dum de propria lapidum generatione loquitur , ut ea quæ fit in pueris , aliter multo loquitur ; nam non meminit obstructionis , immo rejicit angustiam ut causam aliquam 6. Epid. sed voracitatis , copiae humorum & validi caloris , & resolutionis . Hic tria maxime considerantur , calor validus ( qui in senibus deest ) copia materiae ( quæ adest quidem , sed ob coctricis facultatis imbecillitatem , ergo penuria caloris ) & resolutio . Quæ efficit veram legitimamque lapidis generationem . Itaque mihi videtur sibi quadrare Galenus .

Sed nunc quasi e portu paullum remigrantes , quoniam longius solvimus , redeamus ad disputationem de calore ; quoniam , ut supra diximus , Hippocrates dubitaverit , an ideo quod calidiores pueri post mictum in iis *σύνεργον* fiat ? Et si calor , an sit mordax & acer , an naturalis , ut supra attigimus . Ac calorem quidem esse causam generationis lapidis certum est , siue calor sit in parte ipsa in qua reapse generatio fit , siue in partibus vicinis quæ parti adiaceant . Quod forte novum videtur , sed id primus Hippocrates animadvertit libro de aere , locis & aquis . *Quorum alvus satis fluida est ac sana , non ardens , nec stomachus vesicæ coarcescit , hi facile urinam ejiciunt , & nihil in vesicâ congregatur . Quorum alvus ardens ac fervida fuerit , in his necesse est vesicam idem pati . Quum enim magis quam pro natura fuerit calefacta , stomachus ipsius inflammatur . Quum hoc patitur , urinam non dimittit , sed in ipsa coquit atque adurit : quod tenuissimum , excernitur ; quod purissimum , transit ac emeitur . Quod crassissimum ac turbidissimum , coacervatur , ac primum conerescit parum , deinde magis dum voluitur ab urina , quicquid crassum compactum fuerit , ad seipsum aptat , augetur , & in tophum concrevit . Quum urinam emittit , ad vesicæ stomachum allabatur ab urina impulsam , urinae emissionem impedit , & dolorem affert . Quare pueri fricant ac trahunt pudenda . At videtur causa mictionis eo loco esse . Signum autem quod hæc ita se habeant , hoc est , urinam splendidissimam calculosi mejuunt ad similitudinem seri , quia*  
id.



*id quod crassissimum ac biliosum isthic manet, coacervaturque. Pueris autem lapis fit si lac non salubre fuerit, sed valde calidum ac biliosum. Ventrem enim percalfacit & vesicam.* Tria hic observatione dignissima sunt. Primum, quomodo æstus, calorque & vesicæ & partium vicinarum calculi proventum faciat: unde adustio fit, & orificii vesicæ inflammatio. Ergo de calore acri locus intelligitur. Secundum, quod contra neoterico-  
rum sententiam primaria in vesica coagmentatio fiat, nec sit ad renes recurrendum. Tertium, quod lac in pueris calculum generet. Quartum addo de urinis splendidissimis, nam hoc non videtur probabile. Neque enim veri similitudinem habet ita splendidas & tenues urinas, & albas reddi, quum æstus sit & in vesica, & in intestinis ratione adstrictionis & ardoris. Sed hoc mihi propterea videtur contingere, quod multa copia lenti viscidique humoris subsideat, a qua resudet tenue serum, quod tamquam paratum magis ad excretionem, emingitur: sed quod crassum est ac biliosum (hoc est quod in mole ista calidum est ac æstuans, tamquam summo opere conferens ad generationem lapidis) remanet: & quod excernitur tenue est, incoctum; quia licet calor sit multus, hic naturalis non est, sed æstuans, ut vult Hippocrates hoc loco (quamquam in aliis recurrit ad humidum calidumque primum, quod in pueris multum est) & propterea urina cocta non apparet, sed diluta multum, & albicans ob eam impressionem quam habet a materia in fundo vesicæ contenta: Tamen hoc controversum esse potest maxime. De tertio, nempe de lacte, dicemus postea. De secundo, nempe de concretionem lapidis & arenularum, an in vesica primo fiant, plenius posthac. De primo disputemus, quoniam instituta est quaestio de calore, an sit naturalis, & blandus, an vero contrarius. Id quod hoc loco ab Hippocrate dicitur, aliquod problematicum habet. Nec enim absolute verum est inflammari vesicam, & os ejus, nec intestina ardere ut inde generetur lapis. Tamen ut nihil effectum temere, nil ab Hippocrate imprudenter pronuntiatum, ita ejus verba problematica quidem, sed vera tamen cum reverentia sunt capienda. Stultum est tanto auctori falsum aliquid affingere, quod forte ejus verba quæ aliquid secretius in se continent, non intelligamus. In ea re enim inscitiam nostram potius explicaremus. Illo loco de aquis agit, earumque commoda & incommoda explicat, prout aliis atque aliis ventis afflantur. Ac inter cetera docet in nonnullis aquarum a Borea perflatarum usu arenulas in vesica generari, in aliis non item, prout nimirum cujusque alvus bene aut male affecta est. Nam in cujusque morbi generatione, non modo dispositio materiae & ejusdem copia requiritur, sed subjecti ipsius; alioqui nihil generaretur. Itaque illo loco Hippocrates vult eos calculis fore obnoxios quibus inferior alvus calidior est, & vesica ipsa. Quod quamquam problematicum, tamen verisimilitudinem habet. Nec Hippocratis verba ubique ad unguem sunt exquirenda. Nam nihil aliud videtur innuere quam eos calculis obnoxios esse, sive in renibus generentur, sive coagmentatio prima & rudimentum fiat in renibus, perfectio vero in vesica per materiae novæ appulsum, quibus alvus adstricta est, arida, sicca. Ac si dicat Hippocrates:

*Notandum locus Hippocratis de generatione arenularum in vesica,*

tes:



contra  
neoteri-  
corum  
senten-  
tiam.

Hippocr.  
lib. de  
humori.  
Apho. 58.  
lib. 5.

Apho. 27.  
lib. 7.

tes: Illud in arte Medica receptum est, & communi prudentia notum, calorem lapidis efficientem causam esse. Ergo quibus illa causa praesto est, in iis credibilis est lapidem potius generari quam in aliis in quibus deest, etiamsi par materiae congeries adsit. Quo fit ut vesicae ardor, alvi durities, siccitas, calor plurimum generationem lapidis promoveant ac adjuvent. Ut enim calor hepatis & partium vicinarum facit ad meliorem chylosin tum in coctione, tum in facili alteratione, immo & digestionem, ita intestinorum vesicae vicinioris calor facile communicatur & renibus & vesicae; unde in iis partibus augetur calor per aliarum partium viciniam, auctus calor ad rudimentum & perfectionem lapidis facit plurimum. Sic nimirum quae sunt vicina, & quae propinqua, ea primum ac maxime affici solent, ut Hippocrates scripsit. Sic inflammatio recti intestini urinae stillicidium afferre potest: & vesicae inflammatio tenasium adducit, ut in Aphorismis Hippocrates testatum reliquit. Et uterus recto intestino tenasium patiente laborat per consensum: immo & abortionem facit Hippocrati. Itaque fieri potest ut quibus ardens alvus est, ii praesente materia calculosi fiant; quod communi experientia percipitur. Nam & qui praecalido sunt hepate, iis maximam partem alvus adstricta est, & arenulas patiuntur: & qui nephriticis tentantur, & calculosi sunt, juvantur plurimum educatione stercoreis; tum quia induratum stercus opprimebat partes jam calculo pressas & fatigatas: tum quia brevissimo tempore alvus ita adstricta, & ob adstrictionem seipsa calidior effecta potest calorem suum communicare partibus propinquis, & eas adjuvare ad novarum arenularum generationem. Nam & dolores, & vigiliae, & adstrictio alvi facile corpus febriens reddunt: immo quibus natura praesertim biliosis durior, sicciorque alvus, iis maxima ex parte & capitis dolor, & renum φλόγῳσις (de ea enim conqueruntur saepe) immo & rudimenta febris apparent. Calor itaque sive partibus ipsis insit, sive ab aliis partibus emanet, calculorum parens est. Ut non iterum praetereundus videatur locus ille Hippocratis supra citatus, pueris arenulae cum lotiis excernuntur, tum propter vesicae, tum totius corporis caliditatem. Ut non solum partium calorem in quibus solent nasci lapides considerarit, sed & totius corporis. Quod animadversione dignissimum est. Ceterum subtilius & brevius de calore agendum. An calor sit acer & mordax, an calor blandus & mitis, an uterque. Nam in iis quae ante dicta sunt, & docuimus probabile esse non a calore blando cogi posse calculum, quod ad coagmentationem digestio tenuis substantiae requiratur, & a frigidityte non juvari coagmentationem. Utrumque amplius excurremus, & tandem quid sentiendum aperiemus. Audiatur Hippocrates.

*Post mictum concretio pueris magis, num quia calidiores?*

Aliquid intus reconditum obscuris verbis designat, sed non exprimit Hippocrates. Et ut antea monuimus, non audet absolute pronuntiare an quod pueri calidiores, ideo eis fiat magis concretio (συνάγωμα Gracis, ἀπὸ τοῦ ἔγγιστον χυμὸν συνάγειναι. eaque concretio post mictum. Nam tacite tecteque indicat duplex συνάγωμα, unum ante mictum, alterum post mictum: Ita enim Gracis est, μετ' ἐρησεως καὶ ἀπὸ ἐρησεως. Pro nomine ἐρησεως positum aliud est



est lib. 2. de nat. humana ῥρημα, sed male; nam ponendum erat ῥρα. Aliud est enim ῥρον, aliud ῥρημα, seu ῥρησις. Quæramus igitur cur Hippocrat. dubitet & hanc particulam ambiguum scribat ῥρα ὅτι δερμοτέρρα, idest, an quod calidiores? Duabus de causis videtur hoc adjectum esse: una est, quia adjecerat particulam illam μάλλον videtur magis consentaneum, ut in juvenibus, in quibus calor qualitate major cernitur potius, generetur lapis, quam in pueris. Nam si calor coagmentationis auctor est, ubi major calor, ibi coagmentationis & coalitus occasio major. Si itaque juvenes calidiores, cur non in illis σωάγμα μάλλον; Tamen in Aphorismis absolute pronuntiavit pueros calidissimos esse, & noverat illos & humidi primi & caloris primi ubertate fretos esse, a quo calido primo vere dicuntur calidi homines. Quamquam δερμὶς Græci Medici appellitaverint aliquando: immo sæpe quibus acer & mordax in alvis calor est. Nec mirum si dubitaverit, an quod calidiores essent, in iis concretio post mictum fieret.

Secunda ratio videtur cruditas humorum, & superfluitas, præsertim in vesica coagmentationis lapidis causa est materialis: Ubi calor multus, ibi non est credibile crudos & superfluos multos humores coacervari, ut res quoque se habet, præsertim ex parte caloris. Nam si magna sit ingluvies, ibi licet calor multus, tamen non est satis coquendo, & mitificando. Si pueri calidi sunt, calor superfluam humiditatem & humores mitificabit, & nihil erit quod vim potentiamque caloris effugiat. Ita nimirum in prognosticis Galenus scripsit, sedimentum multum esse in urinis, quod multi humores crudi, qui ratione copiarum effugerint vim caloris nativi, unde eos necesse sit postea cum urinis secedere, quod naturæ gratiam non receperint, idest, in alimentum non facefferint. Itaque dubitat Hippocrates, an quod calidiores? quasi dicat: An non alia causa est coagmentationis post mictum? Si enim calor validus esset in pueris, ut est, & humores coquuntur, & mitificantur, & ad facilem exclusionem comparantur; ideoque non est verisimile in vesica resistere, ac illic in calculum cogi; dilatantur enim multo calore vasa. Ergo alia causa est (dicere possit Hippocrates) nimirum propter ingluviem humorum cumulus qui hoc efficiat, ut nimirum fiat concretio post mictum. Accedit quod non dixit absolute, *Pueris magis concretio fit, an quod calidiores*. Nam si de concretionem & synagmate solo ageretur, non est dubium quin a solo calore repetenda esset causa, & non ambigeret, an quod calidiores. Nemo dubitat enim a calore σωάγμα hoc fieri: sed adjecit, μετ' οὐρησιν: post mictum: ut, si ita quæreretur: An quia pueri calidiores, ideo in iis fiat concretio lapidis magis post mictum quam ante mictum? Et particula hæc, *an quod calidiores*, dupliciter referri reduci que ad ea quæ præcesserunt potest: vel, An pueris concretio magis (supple) quam aliis in ætatibus, quod sint calidiores: quod videtur Galenus velle colligere. Vel, An in ipsis pueris fiat concretio potius post mictum, quam ante mictum, quod calidiores sunt. Etenim hoc probabile videtur, in pueris lapidem in vesica concrefcere præeunte aliquo rudimento ob copiam excrementi viscosi & crassi: quod renes quidem præterit valida existente puerorum natura, ac vasibus  
satis



fatis dilatatis, sed quia grave est, facile remanet & residet in puerorum vesica ut molli & flaccida, exeunte tenuiori parte: sed in viris in renibus. 8. Quum in vesica fit, dicitur post mictum fieri, idest, post secretionem feri a sanguine, & ejus in vesicam influxum; ita enim nomen *ούρσεως* intelligi potest. Quum in renibus fit, dicitur ante mictum fieri, idest, antequam secreta a sanguine feri pars sit, & illapsa in vesicam sit in renibus. Nam quidam volunt mictionem esse non quum actu a vesica excernitur urina: sed quum in vesicam illapsa est urina. Nisi forte dicat quis melius post mictum dici, idest, postquam excreta est a vesica urina, ut excreta tenuiori parte humoris remaneat spissior & densior in vesica. Sed si hoc verum esset, quis esset sensus? quæ ratio dictorum Hippocratis? Nam si ideo dicatur concrefcere lapis post mictum in pueris, quod id fiat post excretam a vesica urinam: an probabile est in aliis posse generari lapidem in renibus ante mictum, idest, dum contenta adhuc est in vesica urina? Non videtur verisimile. Nam contineatur vel non urina in vesica, non propterea tamen in renibus generabitur lapis. Ergo credibilius est, post mictum dici, idest postquam illapsa est in vesicam urina: Ante mictum, dum adhuc in renibus continetur. Nisi forte dicat quis, & defendat in hoc sensu dici concretionem fieri in vesica post mictum, quod fiat post mictionis actum, & nihil referat de renibus, siue ante, siue post id fiat, quum Hippocrates nullam mentionem ea de re injecerit. Nam si ita dixisset, Post mictum in pueris concretio magis, quam ante mictum, aliis potius ante mictum; videretur revera per comparisonem loqui voluisse de viris & pueris, ut in his aliter fiat quam in illis. Sed secus est. Tamen & Galenus in comment. & Arnaldus, & ex veteribus plerique solent assignare distinctionem inter generationem lapidis in pueris, & in viris: quod in iis in renibus fiat, in illis potius in vesica. Cujus rei demonstrationem petiisse videntur ex hoc Hippocratis Aphorismo.

Tamen conjectura a nobis prius proposita non videtur a ratione aliena, vel quod Hippocrates quæsierit, an quod calidiores, quod nimirum si hæc ratio valeret, quia calidi sint, idem de aliis aetatibus, præsertim juvenibus intelligi possit. Vel potius, quod quum nosset copiam excrementi parentem lapidis esse, & ejus præsertim qui in vesica fit, non abs re dubitaverit, an caliditas ejus lapidis causa sit, quum alia causa, eaque præcipua esse videatur. Quod autem de juvenibus intelligi hoc posset potius, Galenus in comment. indicat, dum ait, Calidum in juvenibus absolute calidius est calido naturali quo abundant pueri: quocirca probabilius erat ( siquidem caliditas concretionis auctor sit ) in adultis generari lapidem, quam in pueris. Sit ita sane. Caliditas auctor est causaque efficiens lapidis: sed an ea sit primigenia ( quod nos demonstraturos sumus polliciti ) aperiamus. Quicquid ejusmodi est ut materiæ aliquam æqualitatem afferat quæ ad coagmentationem, quam lævitas adjuvat, conducere possit, & de materia educere aliquid tenue, id ad generationem calculi facere potest: nam, ut supra docuimus, requiritur aliquod agens ad coalitum istum. At calor naturalis, & quivis calor medio-



eris id præstare potest: quod ratione, ac experientia doceri potest. Auctoritas Galeni est: *Urinarum crassitudo creandorum calculorum in pueris prima potissimaque causa est, caliditas etiam mediocris ad spissandam materiam satis esse potest. Nam & in sponte aquis calidis, etsi moderatis tepidiores sint, topi concrecentes apparent. Itaque Hippocrates adjecit particulam NONNE, quoniam & tanta caliditas, quam ingenitam pueri habent ad coagmentandum aliquid facit verum non ipsa precipue, sed materia ex qua fit lapis, qualitas, ipsius compactionis causa existit.* Quo ex loco apparet ea nostra conjectura verisimilis esse, qua paullo ante nobis videri dicebamus. Dubitandi particulam ab Hippocrate additam esse, an quod calidiores? Ac si dicat Hippocrates *συνάγματος* istius non tam causam esse calorem quam materiae spissæ, crassæque qualitatem. Quod & Galenus apertè demonstrat: licet in omnium rerum productione habeatur potius ratio causæ efficientis quam ipsius materiae. Et addebat, *post mictum*; siquidem post excretam urinam, vel post delapsam eandem a renibus tanta est in fundo superfluitas, ut minimo negotio cogi, aptarique possit.

Quæstio esse possit an tam facile generari possit? Nam plerique putant necessarium esse calorem ingentem qui retorreat materiam, retostam in lapidem cogat. Tribus modis fieri potest, uno per modum obstructionis, ut in senibus fieri ante ex Galeno docuimus. Quia enim multa restant excrementa, ea tempore vel perse, vel a calore ficcata non simul & semel, sed progressu temporis callosam acquirunt consistentiam, & vias angustas obstruunt. Et parum probabile ostendimus esse id quod a Galeno dictum est, in senibus non cogi calculos, non quin adsit materia, sed quod calor sufficiens desit. Altero modo per modum coctionis, in qua requiritur multus calor, & qui tempore cogat ut materiam non lentam, viscidam efficiat, exhausto sero, quem Galenus in Aphorismis constituit dum loquitur de lithiasi propria puerorum passione: & eundem modum agnovit Hippocrates libro de aere & locis, dum scribit eos calculosos fore quibus alvus exæstuat, ut paullo ante demonstratum est. Tertium modum ex hoc loco constituimus, in quo & Hippocrates & Galenus non tam recurrunt ad causam efficientem, quam ad materiam, ut in pueris solam, vel præcipuam saltem urinarum necessitudinem lithiaseos causam ponant. Immo (ut ad quæstionem revertamur an facile generetur lapis) Galenus exiguum tempus ad coagmentationem requirit, præsertim quum materia præsto est. Ita enim scribit, quod annotandum: *Crassities hujusmodi urinarum collecta, & in unum coiens (supple in vesica, contra Fernellium) quum semel aliquando non apto tempore excreta intus diutius remanserit, concrescendi initium capit: principio facto facile quicquid crassi in vesicam illabitur, priori agglutinatur, ut in sponte natis aquis cernitur, & in vasis in quibus aqua quotidie calsit.* Notanda illa particula, *quum semel aliquando non apto tempore &c.* Nam & facultas generationis & incrementi apparet, præsertim ubi materia idonea. Ut non sit requirendus tantus calor, non diathesis aliqua parentum, ad quam tamquam ad asylum confugiunt qui potius morborum causas rimantur, quam easdem amoliantur. Quis enim dubitat usu casei primo quoque tempore non posse cogi calculum?

Commen.  
n apho-  
ris n. 15.  
lib 6.  
Ep. sect. 3



Comm.  
in part.  
15. fest.  
3. lib. 6.  
Epid.

Redeamus ad nostrum calorem. Calor naturalis coquit, unit, ad æqualitatem adducit, crassificat; nam coctio increassando fit: crassities illa inæqualitate spectatur, quum separatio est omnium partium ἐτερογενῶν. Nam sæpe quod ultima in coctione apparet, tenue magis apparet quam quod in prima: crassius tamen est, quia separatis heterogeneis partibus æqualius est. Si calor naturalis illud præstat, tantum abest ut non concurrat ad lapidum generationem, ut plurimum faciat, qua præsertim ratione increassat. Quod Galenus conceptis verbis demonstrat: *Crassam materiam in pueris tenaciorem esse quoniam magis ab insito calido elaborata est, rationabile est. Nam quæcumque a calore coquendo mutantur, temporis progressu lentorem acquirunt, licet ab initio illum non habuerint.* Tamen contra id quod a Galeno modo dicitur objici potest ea ratio qua paullo ante eodem in commentario nixus est docere cur pueri in renibus calculum non generent. Pueri, inquit, in renibus calculos non generant, quia quum in iis omnes actiones naturales validæ sunt, humorum crassitudo funditur atque dissolvitur. Et paullo infra: In pueris quum multus calor sit insitus, & actiones firmæ, materia attenuata ad renes fertur, facile in vesicam percolatur. Ex quibus locis apparet calorem naturalem attenuare, fundere, dissolvere, nedum cogere, spissare, coagmentare. Immo paullo infra, coagmentationis causam in pueris, illius præsertim materiæ quæ a calore attenuata fuit, percolata per renes, & ad vesicam protrusa, vult vesicæ esse frigiditatem. Si frigiditas coagmentationem promovet materiæ alioqui a calore attenuatæ, si calor fundit, liquat, cur ergo & calor nativus crassitudinis auctor existit, & coagmentationis, quum contraria ei qualitas, nempe frigiditas, auctore Galeno, id efficiat? Hæc hercle subtiliora sunt. Nam Galenus adduxit primam rationem, nimirum in pueris facultates validas & calorem attenuare, ut evertat eorum sententiam qui dicebant in pueris lapides gigni ob meatum in renibus angustum. At Galenus: Si angustia hoc efficeret, potius in renibus cogerentur: At contra fit: immo dubitando ponit ne in aliis quidem ætatibus angustiam istam causam esse, sed cruditatem, & infirmitatem: quæ quum non sit in pueris tanta, non est mirum si in renibus non cogatur materia: immo eatenus eorum vis appareat quatenus valide depulsa est materia in vesicam, quæ ibi cogitur juvante quadam vesicæ frigiditate. Nam primum per comparisonem tantum vult tam validas facultates in pueris: nec vult calorem omnino fundere & attenuare: nam quum primum per modum digestionis cogit, tunc fundit, liquat, attenuat: sed quum per modum coctionis, crassificat. Sic in uno loco intelligi debet calor ille æqualitatem crassitiemque efficere quum coquit. In altero fundere, liquare, dum per comparisonem cum aliis ætatibus in quibus vires nec calor tantus est, hoc dicitur, & dum digerendi partes tenet. Quod autem vesicæ frigiditas coagmentationis causa dicitur esse, id tamen non excludit munia caloris naturalis in coquendo & increassando. Nam frigiditas tantum ex eventu cogit, præsertim si adsit inanis capacitas in qua materia diu resideat; quod vult Galenus. Calor per se crassificat & cogit, dum videlicet ἐτερογενῶν separat, & ὁμογενῶν congregat. Et licet materia attenuata sit, ut per renes percoletur, non propterea tamen efficitur quin diutius



diutius versando circa eam materiam præsertim excrementosam, non illam cogat. Nam si illam assimilare posset ut in alimentum cederet, non ubique in calculum cogeretur: sed quum sit excrementum, diutius resistens eam naturam acquirit. Ex his patet calorem blandum, mitem, mediocrem concretionis lapidis auctorem esse posse, quod auctoritate & ratione confirmatur.

Experientia est de aquis: in iis tepidiusculis aliquando lapides generantur: & in vasis nostratibus in quibus vulgo aqua incoquitur. Et Galenus earum aquarum duobus in locis meminit: priore quidem: *Itaque si ex sola pituita crassa & viscida subsidentia facta sit, color cinereus erit, aliorum tophorum colori similis, qui in aquis sponte calidis multis in regionibus lapidibus adnasci accrescereque cernuntur, & in vasis alioqui ubi aqua calefit.* Posteriori vero, *In calidis aquis sponte nascentibus calculi & topi generantur.* Ac dicet aliquis, non generantur nisi in aquis calidissimis. Falsum est, & auctoritate Galeni refutatum; ita enim eodem in loco scribit: *In sponte calidis aquis etsi moderatis tepidiores sint, topi concrecentes apparent:* Eo autem loco conceptis verbis Galenus docere vult non necessarium esse ut aquæ calidissimæ sint, nec calor admodum vehemens ut lapis generetur.

*Comm. in  
aphorif.  
6. sect. 1.  
lib. 6. Epid.*

*Com. in  
part. 15.  
sect. 3.  
lib. 6. Epid.*

Itaque ut oratio nostra terminetur: nec eorum placet opinio qui in generandis lapidibus calorem acrem requirunt: nec qui a solo calore naturali. Est enim ubi calor acer & mordax causa est efficiens, ut in picrocholis, & *δερμοκοίλοις ἀνα*. Est ubi calor blandus & mitis id efficiat longiore quidem tempore, & per modum concoctionis: alius calor acer per modum digestionis. Est ubi potius habenda sit ratio materiæ, quam ullius causæ efficientis; tametsi illa quoque concurrat. Sed quum materia est multa, ut humor crudus & lentus, non est mirum, nec dubitandum (quicquid dicat Galenus loquens de senibus: nam postea sui memor sententiam suam temperavit) quinetiam exiguo præsentente calore lapis concreseat. Est enim sedimentum multum, est & gluten aliquod, nempe pituita cruda, ut doctissime annotavit Hippocrates. Quod glutinum, quod adest, tantam habet vim, ut materiam alioqui divisam divulsamque coire cogique faciat, licet paucus calor sit. Et is quantuluscumque est calor longo tempore facit, id quod breviori angustiorèque vegetior & potentior calor moliretur.

*Lib. 4. de  
morbis.*

9. Itaque non ubique accusandus calor acer, & propterea temperatis utendum, non ideo renibus applicanda refrigerantia, quum potius obsint, quam prosint. Nam in pituitosis & præpinguibus in quibus concrescunt lapides sed non frequentius quam in biliosis (contra veterum sententiam id dico) non est verisimile calorem illum acrem, quem lapidis parentem constituunt, abundare. Sed uno verbo inquiramus, an calor acer & febrilis juvare possit ad generationem lapidis. In tetano, epilepsia, apoplexia calor febrilis coquit, digerit, evacuat, dissipat, frigus corrigit, & materiam frigidam ad æqualitatem reducit; item attenuat; & in halitum digerit. Et apud Hippocratem: *Quibus adsunt coryzæ, si cum febre fuerint quæ supervenerit, ea solvuntur, nec relapsus habent; quæ cum febre non sunt, relabuntur, quo-*

*6. Epid.  
part. 10.  
sect. 3.*



modo id fit? Quia calor febrilis promovet coctionem: verba Galeni hæc sunt: *συνετός ἐπιγενόμενος κορυζαίς & βράγχοις βεβαιότεραν αὐτῶν ποιᾷται πέψιν.* Est ergo minime consentaneum cogere, densare, & pituitosam materiam in calculum conflare. Videtur quidem hoc probabile, verumtamen non est. Nam actio illa caloris præter naturam non minus pro se suadet & facit ad generationem lapidis, quam ad ejusdem prohibitionem; Si quidem positum est digerere, attenuare, id quod tenue est elicere: at hæc requiruntur ad generationem lapidis. 10. probatum enim est ex sententia Galeni, *τὸ δερμὸν τῶν λιθιάσιν ποιέειν* debere *ἔλατμιζαν* idest, discutere, & exhalationem procurare. Quod si non sit multum contumax materia, procul dubio eam attenuabit, & in halitum digeret: alioqui conabitur quidem educere id quod tenuius, sed remanebit crassa pars; hinc calculorum proven- tus. Ergo ea ratione conferet ad calculos generandos. Præterea aliud est materiam in venoso genere aut nervis contentam esse, ut in morbis frigi- dis, & in convulsionibus; aliud in capacitate aliqua, & angustiiis. Nam in venoso genere, aut nervoso, quia non est coactus humor, per halitum tandem digeritur: sed dum in capacitate aliqua contentus est, diutius ma- jore copia residens cogitur. Declarat arthriticorum topi. Nam quamdiu humor in genere nervoso est, vagus est: quum in pyxidem abiit, tum con- crescit.

Ac disputationis continuata ex superioribus serie, agamus de reliquis par- tibus; de calculo an in renibus solum concreescere possit, & num omnis cal- culi rudimentum a renibus: item an ex hominibus aliqui obnoxii sint ma- gis calculo, & quinam illi sint. Accedit & id, cur in hominibus & viris in renibus magis, in pueris in vesica potius concreescant. In renibus non concreescere calculum solum testatur experientia: nam nulla est corporis ca- pacitas in qua calculus cogi non possit. Quod non est pluribus explican- dum, & exemplis illustrandum. Siquidem & ex corde, intestinis, pulmo- nibus cysti cholidochi, immo ex cerebro ipso excreti visi sunt lapides. Est enim illud verum quod a Galeno scriptum est (dum loquitur de concre- tione lapidis in vesica) *capacitatem, eamque inanem conferre ad genera- tionem lapidis*, sed an rudimentum fiat in renibus ignoramus. Si in parti- bus reliquis corporis agnovit Fernelius primus illius opinionis assertor, quæ defendit lapidis in vesica contenti rudimentum a renibus esse, lapidem con- crescere posse, immo & in venis ipsis; cur ergo tam absurde contra om- nium veterum opinionem asseveranter affirmat omnis calculi generationis prin- cipium a renibus esse? Si veteres credidissent futuros quosdam esse, qui præ- judicatæ suæ sententiæ pertinaces defensores assererent in renibus rudimentum fieri, probavissent credo, necessario cogi posse in vesica: & ut solent, firmis rationibus suam opinionem roborassent. Probaverunt quidem & ratione ca- loris, & materiæ, & capacitatis ipsius vesicæ coagmentari in vesica; sed non elaborarunt in eo ut probarent primum rudimentum a vesica ipsa esse. At quis umquam putasset fore quempiam ita a ratione alienum, qui ne- gare ausit labefactando omnia veterum decreta cogi per se & primo in ve- sica lapidem posse? Si in aliis partibus cogitur, non repetita prima origine

Commen.  
in par. 15  
sect. 3. lib.  
6. Epid.



a renibus, dicat cur non in vesica cogi possit & per se & primo, rudimento a renibus non mendicato? Non potior ratio videtur, immo probabilius est in vesica cogi posse facilius, quod excrementorum corporis sit receptaculum, & mucosa substantia per se frigida, & caloris vim effugiens, omnium facillime in vesica cogatur, coeat, ac coagmentetur: immo credo & facilius & promptius cogi, quam in renibus, & breviori multo tempore. Primum enim materia est, & sicubi alibi in vesica & redundat, & apparet: ac probavimus ante & ratione & experientia copiam materiae mucaginosae in loco etiam mediocriter calido cogi ac coalescere, & ex minima re tamquam fundamento aut semine per accessionem novae materiae aliquid ingens cogi posse. 11. Praeterea & locus calidus est, immo & ratione suae substantiae frigidus: ad lapidis autem coagmentationem, transpirationem, concursumque caloris & frigoris ut ad lateres cogendos, plurimum conferre, veterum auctoritas jampridem confirmavit. Praeterea fieri potest ut in vesica & digestio fiat, & dissipatio tenuis substantiae, tum ratione caloris, tum ratione excretionis quae saepe fit: nam id quod exclusioni paratum est magis, cum urina excluditur. Quamquam abunde supra docuimus ex sententia Hippocratis & Galeni, in vesica calculos non cogi tam per modum digestionis (ut in renibus fit) quam per modum coctionis, idest, elaborationis, & crassefactionis, praesertim dum diutius in vesica urina retinetur, ut annotat Galenus.

Nec est quod respondeat, illud crassamentum inaequale facile a liquore urinae dilui, & per os vesicae, quod Galenus ipse fatetur amplum in pueris, excludi; sic coagmentationis occasionem tolli. Nam & ex sententia Galeni superius demonstratum est, etiam in aquis *αυτοφύεσι* calculos & tophos crescere. Itaque aqua suo liquore non impedit generationem tophi. Qui illud est? Si lapis in vesica a rene deturbatus augetur, & illud quod apponitur vere lapis sit & crassitie, & colore, omni denique ratione: immo durior sit quam qui in renibus cogitur, ut nos experientia docet; cur non primo cogi poterit, ut rudimentum a renibus non repetatur? Eadem enim ratio videtur incrementi & principii, ut si materia & causa efficiens sufficiat ad augendam arenulam in tantam molem qualem in vesica videmus, eadem sufficiat ad generationem lapidis primo & per se. Praeterea in articulis pituita lapidescit, nullo repetito a renibus principio, in vesica non cogitur, loco ad id apto, & quia veluti corporis sentina, & quia calidus locus? Quae urinae grumosae sunt, crassae, multitudine paucae, mucaginosae, confusae, a vesica excernuntur, qualium meminit Hippocrates in suis distinctionibus, diutius in vesica retentae non generabunt tophulum, & ab hoc saepius aucto, calculum; illud credibile, scilicet. At dicet, si crassae ita sint, grumosae, paucae, renes non transibunt, & ita in illis restitabunt, & stranguriam facient, & lapidem generabunt? idque maxime in pueris, in quibus credibile non ita ampla esse vasa ut sunt & in viris. Ratio haec probabilis est, & auctoritate Galeni confirmata: *Non absque ratione* (inquit) *crassa urinae paucae sunt multitudine, ut quae nimirum vix renes pertranseant.* At bifariam respondere possumus: primum quidem, si ita crassae essent uri-

*Com. in  
Apho. 15.  
sect. 3. lib.  
6. Epid.*

*Aph. r.  
69. 70.  
lib. 4.*

*Com. in  
Apho. 69.  
lib. 4.*



na quales paullo ante descripsimus, praesertim ita crassae dum renes pertranseunt, verisimile esset puerorum renes non posse praeterfluere, & ita illic coagi: sed crassamentum illud in pueris apparet, maxime in vesica ipsa; quod dicebat Hippocrates, *post mictum concretio*. Ac si dicat; post elapsam a renibus urinam crassamentum apparere. Posterior ratio melior est, & auctoritati Galeni adscribenda: nam commentario toties citato scribit, puerorum actiones validissimas esse, calorem multum, qui fusos per venas humores attenuet, & ad excretionem per renes praeparet, & actionum vim magnam esse quae ad exitus celeritatem facit plurimum. Idem negat angustiam viarum causam posse esse in pueris cur in renibus lapis concreascit, immo ne in adultis quidem (quod forte minus probabile videtur, & notandum est propter sequentem de viris disputationem) quo fit ut quantumvis illae urinae sint crassae, percolentur tamen: quamquam neget in pueris crassitiem esse quae hoc efficiat in renibus; sed crassamentum ipsum attribuit corpori vesicae frigido.

Itaque ne Galenus rei veritate motus cogeretur fateri illuviem istam humorum remanere in renibus angustis, nimirum ratione aetatis, asserit & eos crassos humores attenuari; & nullam angustiam esse quae hoc efficiat quod alienum videtur.

12. Sed ne indicta causa Fernellium condemnemus, licebit illius rationes in medium adducere, ac illas ad unguem exigere. *Causam calculi* (addit ille) *omnes tradunt crassum ac frigidum succum, qui cum urina per venas in vesicae capacitatem influit, in qua tamquam fax subsidens loci calore exarsa statim lapidescit. At vero quid limum istud (nisi forte admodum angusta vesicae cervix) tamdiu possit remorari non video, quum & sanguinis grumus, & pus, & alia multa crassiora facile illinc profluant cum urina. His argumentis adductus, coepi aliam causam investigare, ac tandem comperi omnem calculum in vesica conclusum quoddam rudimentum e renibus traxisse, e quibus per nephriticos dolores excidens, si grandiusculus est in vesica plerumque persistit, ac illic allatarum sordium adbasu coagmentatur, quum perfectus fiat lapis. Et quicumque lapide vesicae laborarunt, ii prius nephriticos dolores experti sunt. Et quoscumque calculos obtrivi, in eorum medio nucleus repertus est, verum rudimentum e renibus exturbatum. Haec rationes paullo debiliores sunt quam ut a tanto Philosopho profectae videantur: immo nisi eas tamquam probabiles tantum posuerit, videtur omnis fides eis deroganda. Quod his ratiunculis conficimus. Tribus argumentis nititur probare generationem lapidis primam fieri in rene, non in vesica. Primum est: Non videtur quicquam remorari posse crassum frigidumque succum lapidis parentem, in vesica, unde concretio fiat: Est itaque probabile in rene coagmentationem fieri, quandoquidem materia facile vesicam pertransit: quod autem probabile sit non posse remorari illum succum in vesica; hoc docet, quod & pus & grumi sanguinis ab interna capacitare excernantur: Ergo multo magis succus crudus. Egregiam rationem quae propterea Fernellium adduxerit ut credat calculum in vesica contentum primum sui rudimentum a renibus traxisse. Pus, sanguis concretus, & similia ab inani ca-*



capacitate vesicæ excernuntur: ergo limus, & humor viscosus non potest cunctari in eadem capacitate, & adhærere spiris vesicæ? Hoc verum scilicet. Nam eadem ratione tuus nucleus, o Ferneli, qui a rene deturbatur, & est futuri lapidis per allatarum sordium adhæsum, rudimentum, a vesica excernetur: siquidem & cervix vesicæ, Galeno auctore, & præsertim in pueris satis patens est, & non minus natura sollicitatur ad excretionem arenularum a renibus exclusarum; quam puris, aut rei alterius alienæ. Et hoc argumentum contra Fernelium ipsum nititur: item & hoc: Ideo per te non remouetur glutinosus humor in vesica, quia eum ut pus, & alia crassiora probabile sit excerni: Ergo nec in renibus ipsis idem humor continebitur. Immo quia renum lapis magis fit per adhæsum arenularum, arenulæ autem non fiunt a tam glutinosa materia quam ille lapis qui in vesica fit, cur non quotidie exeunt arenulæ a renibus, quum ab his & pus crassum, sive ab abscessu renum excernatur (ut fere fit) sive a pulmonibus, ut Hippocrates 1. Epid. annotavit, & Galenus lib. de locis affectis, in ruptione vomicæ sequatur, item & sanguinis grumus exeat? Nec enim potior videtur ratio ut remouetur potius in renibus viscosus humor, quam in vesica: aut dicat cur a renibus carunculæ, pus, grumus sanguinis, urinæ abscessum aliarum partium soluentes, crassæ, grumosæ excernantur, arenulæ autem non excerni possint?

Ac de pure quod a renibus excernatur, ita scribit Hippocrates: *Si sanguinem, aut pus quis meiat, aut vesicæ, aut renum exulcerationem significat. De carunculis & capillis, postea: Quibus in urina crassa existente caruncula parua ac veluti capilli una exeunt, iis a renibus excretio fit: Et Galenus in comment. Quidam excrevit ejusmodi capillos longitudine dimidij cubiti: quia toto anno usus fuerat fabis, orobo, caseo tenero, ac sicco. Item hoc fit adusto humore in renibus, & vocatur hic morbus, capillitium. Et paullo infra, Parua caruncula excernuntur quum hypostases in urinis similes orobo excernuntur, & hoc contingit in febribus in quibus crassus sanguis in hepate, aut renibus exuritur.* Quid aduersum dicat Fernelius? Nam conceptis verbis declarat Galenus aduri in renibus crassum sanguinem, pus contineri, grumos, & excernuntur tamen; arenulæ autem non excernuntur? Itaque idem de renibus & vesica necesse est intelligi. Nisi forte respondeat: At ideo non exeunt arenæ, quia gluten est aliquod in rene, cuius opera coagmentatio fiat. Cur non & idem gluten in vesica erit, immo majus? Siquidem totum recrementum in vesicam profluit, & renēs corporis quidem superioris (ut ita loquar) excrementum excipiunt: sed vesica & corporis, & renum & suum denique continet. Accedit quod quum spermatica sit pars, & frigida, dum nititur convertere in sui nutrimentum humorem, & voluptuatur urina, necessum est multum lentum frigidum crassumque humorem cunctari. Et si ventriculus ipse quatenus spermatica pars multam pituitam coacervat ex laudabilibus alimentis, cur vesica ex excrementis tota natura alienis non multum coacervabit? 13. Nec est quod recurrat ad angustiam renum, nam si angustia renum id efficeret, non ea excernerentur tam crassa ac glutinosa, quæ supra ex Aphorismis Hippocratis excerni probavimus. Præterea si ratio Fernelii ali-

Aph. 75.

lib. 4.

Aph. 4.



I. de loc.  
aff. cap. I.  
ibid.

quid haberet ponderis, quod nimirum si pus, grumus excernatur a vesica, eadem aut potiore ratione fax excernatur, & sic tollatur occasio generandi in vesica lapidis primo ac per se: simili modo ageremus de pulmonibus, quod nimirum non concreverent capilli, ut grando (quod ab eodem Fernelio observatum est.) Nam a pulmonibus pus crassum glutinosumque excernitur, excernitur grumus crassus ac magnus; ergo potius debuit excerni quædam pars materiæ glutinosæ, quæ in grandinem verti in pulmone nata est? Atque ut respondeamus (veritatis studio, non contradicendi desiderio moti) Fernelio ita in rebus his cæcutienti, & pus, & grumus, & crassæ urinæ, & carnes, & furfuracea, & γυνώδεια (ut 6. Epidem. observavit Hippocrates) cum urina excerni possunt; non propterea limus & mucosus humor lapidis parens futurus non excernitur. Non quin excernatur aliquando pro conditione vesicæ, quæ alias atque aliter affecta est, sed etiam aliquando subsistit. Quemadmodum etiam istud pus (o Ferneli) & grumus, & tua crassiora corpuscula aliquando excernuntur, sed etiam aliquando subsistunt. Unde Galenus docet sæpe supprimi urinam a grumo sanguinis ejus, præsertim qui a renibus excernitur, qui postquam in vesicam illapsus est, ibidem concrevit eidem Galeno, a pure, a carunculis, & similibus, sive a vesica sint, sive a superioribus partibus: At eadem, ut experientia docet, possunt & facile expelli, nec ullam aut ἰχθυρίαν, aut σπαραγγήριαν, aut δυσσπρίαν efficiunt. Itaque non est necesse illum limum excerni, sive angustum sit osculum vesicæ, sive amplum. Accedit quod fieri possit ut pus, grumus, & similia facile excernantur, non fax ista limosa & muccaginosa propterea, nam etsi & limus, & pus, & grumus, & alia id genus præter naturam sunt, tamen nec omnia eodem modo præter naturam sunt, sed alia atque alia magis. Nec alienum a veritate hoc loco dicemus, si limum glutinosumque, ac pituitosum humorem probaverimus non tam molestum sæpe esse ut est aut pus, aut grumus, aut caruncula, aut capillus (quæ omnia a vesica excerni videmus) immo pus etiam mediocris consistentiæ sæpe potius & citius, & facilius excernitur quam phlegma admodum tenue; quoniam pus molestias majores vesicæ affert quam phlegma. Si quod pungit, acre est, hinc dysurias, stranguriasque a pure & alia re præter naturam in vesica contenta oriri videmus, a phlegmate, aut pituitoso humore non ita (nisi falsum sit): quod si ita est ut revera est, non est dubium quin & vesica magis laboret in puris & similis rei excretionem. Nam in partibus omnibus acervantur humores frigidi ac crassi, plus, minusve pro natura & conditione partis, qui alias diutius in illis resides sunt, alias excernuntur, præsertim si quam fortiantur qualitatem alienam quæ facultati expellenti calcar ac stimulum addat. Itaque ratio Galeni de generatione lapidis in vesica multo potentior ac validior quam recentiorum. Secunda ratio est de colicis, nephriticisque doloribus, qui calculum vesicæ præcedere solent. Nam si omnes qui e vesicæ calculo laborant, nephritici dolores necessario exercuerunt, nec sine his visus umquam cui in vesica lapis cogeretur, magnam vim id habet, & plurimum nervorum ad rationem istam sta-



stabiliendam ac roborandam. At quot pueris lapis excisus, qui nihil tale experti sint, sed residentis in vesica lapidis etiam incipientis signa edita sunt, nullo præeunte signo affecti renis? Et ut plerisque in renibus lapides reperti, quibus immunis a vitio & calculo erat vesica: ita & in vesicæ capacitatem repertus lapis quibus erant sani renes, & qui nihil lapidosum prætenderent. Ac si omnis lapidis rudimentum esset a renibus, fieri vix posset ut lapis ingens in vesica reperiretur, quin in renibus aut arenulæ, aut aliquid simile contineretur. Quod ergo dicit Fernelius, numquam in vesica repertum calculum, qui ante nephritica non sit passus: id multa observatione eget, diligenterque sigillatim interrogandi essent calculosi, an aliquid simile passi fuerint. Nam de viris quidem, & iis qui in constante sunt ætate, constat quod maxima ex parte calculos in renibus generent ob causas supradictas, & quas paullo post forte explicabimus; quos non mirum nephriticis doloribus cruciari. At pueri non ita in notitiam venire possunt, num nephritica sustinuerint: & nondum observatum a quoquam vidi conquestos esse pueros de renum doloribus, qui eos tamen non effugerant, si a renibus prima vesicæ calculi rudimenta deturbarentur. Sic dubito de illa generali propositione Fernelii quam forte ad fuscum rationibus suis fulciendum confinxit; Quicumque vesicæ calculo laborant, eos prius dolores nephritici exercuerunt. At viros forte multos interrogavit: at jam diximus aliam longe rationem esse virorum ac puerorum.

Tertia ratio Fernelii aliquid probabile habere videtur ut convincat omne calculi rudimentum a renibus esse: Quia, ait, quotquot calculos manibus obtrivi, in eorum medio nucleus repertus est: at nucleum istum a renibus manasse putat. Primo non est verum in omnibus nucleum istum apparere: Revera in quibus a rene principium lapidis est aliquid subrubrum & coactum, in medio calculi apparet; quod arguit renem primum hoc rudimentum suppeditasse. Nam si id quod medium est, diversi coloris & substantiæ est ab involucro, credibile illud a rene esse, ut hoc a vesica. At non ubique ista & coloris & substantiæ varietas apparet. Nam etiam vidimus lapides, quorum involucrum durissimum erat, grandinosum, lapidosum, non album (quod necessario esset si a vesica coagmentatio alba est Fernelio.) sed tendens ad fuscum: An non hæc omnia a vesica sunt, idest, & a calore vesicæ, & a materia vesicæ, non mendicata aliunde occasione? Nam quibus corpus biliosum est & æstuans, iis in vesica coagitur lapis ardore & vesicæ & totius corporis, ut auctor lib. 2. *Part. II. de natura hum. scripsit. Quam sententiam Galenus probavit. Respondeat huic rationi Fernelius, si vesica cimenti auctor est & ratione causæ efficientis, & materiæ, cur non principia, causasque primas dabit? Quid respondeat Galeno de urinis crassis puerorum loquenti, quum urina crassæ sunt, urina non apto semel tempore reddita, initium fit coactionis ac coagmentationis in vesica. Quasi vero hoc initium subacta, attenuataque materia non possit alia in parte fieri quam in renibus? Erroneum hoc plane, & anile. Quoties vero observamus in febribus longis & quartanis,*



& in iis qui vino gulæque indulgent excerni urinas confusas, crassas, quarum contenta fus deque lata rubent, ac si sanguinis fæx quædam ac limus esset? 16. Et in vesica tale rubens recrementum moram aliquam traxit antequam egeratur. Cur non in vesica calidiore cogi poterit, agglutinari, coagmentari, cohærere, ut inde aliqua moles exigua fiat? Quod si fit, quum materia illa fæculenta, limosa, rubensque appareat, non est dubium quin lapis, aut quicquid sit aliud, a tali materia ortum habens, referat colorem ac characterem illius materiæ. Ruboris itaque in calculo occasio non est repetenda ex renibus ipsis; quod placet Fernelio; sed sæpe a materie ipsius qualitate. Quamquam non negamus & arenularum, & ruboris generationem a renum substantia dependere.

Hinc quæri potest, si per se & primo in vesica lapis generatur, an arenularum excretio fieri debet; & si fiat, an a renibus, an a vesica ipsa oriuntur? Plerisque persuasum est non posse oriri lapidem sine arenulis; contra & sabulum & arenulas oriri posse nullo nec præeunte calculo, nec sequente. Unde melius esse putant excerni arenulas, quod *συνάγωγος* & coagulationis occasio tollatur. Arenularum generatio accepta ferenda est renibus, ut ex sententiis Galeni & Hippocratis conclusum est supra. Auctor libri de natura hum. secundi, arenularum generationem ad calorem magnæ venæ cavæ descendens videtur retulisse: quod obscure forte renes ipsos videtur indicasse. Nam quibus vena cava continet sanguinem ardentem, his renum intemperies comes est. Tamen si in vesica lapis cogi potest non solum tendens ad albedinem, sed ad subrubrum & suberuentum, ut ex materie distinctione paullo ante explicuimus, potest aut arenula, aut aliquid simile generari, & præcedere calculi *πρὸ γένεσιν*, & eandem sequi, forte non alienum erit a veritate tales urinas sabulosas dicere, ut & quæ venis calfactis excernuntur, at quæ renales sunt (idest declarant lapidosam calculosamque *τῶν νεφρῶν διάθεσιν*) arenulosæ proprie vocabuntur. Ita enim distinctionis gratia distinguuntur hoc loco sabulosæ ab arenulosis.

Cur ergo in viris calculus potius renes occupat, & maxima ex parte nephritidos savissima tormenta experiuntur; in pueris autem vesicam occupat potius? Quæstio hæc difficillima est, & hæctenus multos exercuit. Ac operæ pretium est audire rationes veterum practitorum, quæ prætextu pulcherrimo sese nobis ostentant, quum erroneæ, ac falsitatis sint plenissimæ. Nam recurrunt ad angustiam vasorum, quam in viris maiorem esse censent, quam in pueris: ac propterea materia calculorum in pueris ad vesicam usque penetrat, unde calculorum illic proventus: in viris autem resistit, ac hæret in renum viis, unde illic arenulæ, coguntur glutino quodam, & lapis generatur. Alii, in quorum numero est Galenus, recurrunt ad naturæ infirmitatem: & hoc forte nimis est verum. Quis enim dicat eos qui jam proveciores sunt, quos Galenus in comm. in particul. 6. Epidem. *Pueris post mictum* &c. *τελής* vocat, ita esse imbecillos, ut earatione in renibus hæreat materia, nequeunte natura in vesicam usque deturbare. In pueris autem quum & instrumentorum magna sit mollities, infirmitas, multus humor, superfluitas magna, aquæ illa tanta vis ut  
potius



potius pellat in vesicam, quam in ipsis viris? Si tanta ei vis est pellendi in vesicam, cur non & foras una cum urina, quum Galeno in pueris adeo ampla sit vesicæ cervix, ut cujusque materie crassities facile excerni possit. Quod si obijciatur Galeno sua ipsius opinio, scribit enim, *Alterantur puerorum dispositiones citissime propter corporis humiditatem, & naturalis potentie infirmitatem*: Non est itaque cur recurrat Galenus ad firmitatem actionum naturalium in pueris, quæ in viris deest. Tametsi enim concedamus in pueris facultatem coctricem vegetam esse ob caloris naturalis ubertatem, quæ illis plurimum inest, tamen facultas expultrix quæ siccitate juvatur ac roboratur, in illis deficit; at pellere, deducere usque ad vesicam id quod ob infirmitatem in renibus subsisteret, facultatis expellentis munus est. Nisi dicat quis cum Galeno, non ad robur facultatis expultricis referri id, sed ad virtutem caloris multi qui auctore Galeno in comm. prædicto fundit atque dissolvit, quod in declinantis ætatis hominibus non fit; quia enim calor non ita multus, ideo cogitur atque coagmentatur. Sed contra Galenum retorqueri potest quod eodem loco scribitur, caloris naturalis virtutem contrarium potius effectum producere. Tantum enim abest ut dissolvat atque dissipet, ut contra ad æqualitatem reducat, cogat, inspisset: crassam materiam, ait, tenaciorem in pueris fieri liquido constat; quoniam magis ac magis ab insito calido elaborata est. Sic calor naturalis multus cogit potius quam dissolvat. Tamen quidquid sit, ex sententia Galeni aperte constat in viris lapidem in rene generari, in pueris in vesica potius. Ita enim illemet interpretatur, *post mictum*, &, *ante mictum*: ut in viris ante mictum generetur lapis, supp. in rene; idest, antequam secreta omnino sit urina a sanguine: post mictum in pueris, idest, in vesica: postquam percolata est urina, & in vesicam lapsa est. Nam *ούρησις* hoc significat, non autem actum mejendi, ut falso quidam putaverunt. Itaque ex sententia Galeni videtur probabile esse, si lac non conferret ad lapidem, si adeo crassæ non essent urinæ, si tanta non esset edacitas, futurum esset ut ratione roboris facultatum naturalium in pueris, & caloris, patente vesicæ cervice, nullus esset proventus calculorum. Et illa virtus in eo elucescit, quod saltem impediat quo minus in renibus cogantur: sed victa a crassitudine materie, ab edacitatis occasione, juvante quoque vesicæ frigiditate ob substantiam nervosam, ut ante dictum est, in hac coagmentatio fit. Quamquam qui calor fusionis ac dissolutionis causa est per se, idem quasi aliud agens coagmentationis ac coalitus causa esse potest.

Itaque angustiam vasorum Galenus eo loci causam coagmentationis lapidis in renibus rejecit: non quin angustia non adjuvet, sed hoc vult dicere, non propterea in viris potius in rene generari lapidem quam vesica, quod meatuum adsit angustia: Nam & in pueris angusti quoque satis sunt meatus. Accedit quod inter eos qui calculis obnoxii sunt, eos numerare soleamus qui biliosi sunt, & quibus calor acer & mordax est, & aridus. At horum venæ amplæ satis sunt, ex Galeni libris de Temperamentis: & Aphorismus de iis ab Hippocrate conscriptus videtur in Epidemiis.

Qui

*Commenta  
in part.  
15. lib. 6.  
Epid.  
sect. 3.*

*Lib. 1. de  
aliment.  
admitit  
Gal. an-  
gustiam  
vasorum  
cap. de  
pane toto.  
Lib. 2.  
partic.*



4. lib. 6.  
Epid.

Qui ventriculo calidi, carnes habent frigidas, & graciles sunt. Isti venosi & iracundiores. Nisi forte quis dicat venosos non appellari illo loco, quod amplæ sint venæ, sed turgentes tantum & conspicuas præ prævi sanguinis copia. Quæ interpretatio consentit Galeno: sed priorē etiam modo accipi potest ex opinione Galeni in lib. de Temperamentis.

Itaque quum Galenus rejiciat vasorum angustiam, causam potius coagulationis lapidis in renibus virorum, recurrit ad infirmitatem, addens sub finem commentarii: *Porro & in adultis caseo frequentius utentibus lapides in renibus crebro generari conspeximus*. Sed hoc nihil ad rem. Ut autem libere dicam quod sentiam, mihi admodum mancus & minutus videtur Galenus in ratione exponenda cur potius in renibus generetur lapis in viris, in pueris in vesica. Hoc commentatione & dignissimum est, & cognitu difficillimum. Et quum hanc aggreditur disputationem Galenus aureos montes pollicetur; sed inde nascitur mus ridiculus. Nonnullam enim operam impendit in refellendis aliorum rationibus: sed sensa mentis non reclusit. Causari enim imbecillitatem unam & cruditatem, idque dubitando tantum, in viris ut potius renes calculo obsideantur, juvenile hoc est, & tanto indagatore & demonstratore indignissimum. Ego vero causarer potius acrimoniam caloris in viris, quam quicquam aliud. Nam quum arefactionis & digestionis modo cogatur lapis in materia crassa & cruda, causa efficiens est calor acer, mordax, digerens, arefaciens, qui quoniam in adultioribus viget magis, 16. (in pueris enim est halituosus & blandus) & præsertim in magnis venis, & in renibus; ideo ex facili & cruda materia coagmentatio fit. Quoniam vero ista acrimonia in pueris non adest, elabitur materia fusa a blando calore; sed quoniam crassitudo magna urinæ, sepositis partium excrementis in vesicam, quod fit ab acrimonia caloris in renibus virorum, non tanta existente materia, idem fit non tam ratione causæ efficientis in vesica puerorum, quam occasione materiæ. Sic in illis habenda potius ratio causæ, quam materiæ: in his, contra. Accedit quod viri vino utentes multa in renes devehunt: item varietate ciborum delectantur, caseis, leguminibus, & id genus aliis utuntur: hos autem calculis obnoxios videmus. Quamquam & *didiciss* a parentibus orta latenter & clam nobis multum juvat.

Horum examen diligentius a nobis factum est, quoniam & ad diagnosis, & prognosin, & therapiam apprime videntur pertinere. Nam quum & locus sit diversus in quo generetur lapis, & materia diverso modo affecta sit, & causa efficiens, alias calor moderatus, alias calor acer dicatur: item & in aliis atque aliis corporibus generentur, inquirendum de iis fuit antequam legitime medicina adhiberi possit. Accedit quod diversa sunt tempora lapidis, pro quorum distinctione alia atque alia remedia usurpantur. Nam nisi hæc omnia distinguantur, eo modo quo circumforanei & periclitatores vitam in discrimen adducemus. Nemo est qui audito lapidis nomine, non statim ad diuretica, & decoctum apii, petro canis rubi, bardanæ, argentariæ, seu argentiniæ recurrat, & in his magnum vitæ ac curationis præsidium collocet. At si corpus biliosum, si renes præcalidi, si corpus



pus excrementis scatet, si lapis factus jam est, quid proficient? Indurabitur lapis, corpus in febrem conjicietur, devehentur sordes ad locum patientem, & aliis incommodis corpus gravabitur. Quo loco subit mirari errorem Fernellii, qui omnis lapidis originem a renibus repetat per generationem arenularum, arefactionem, calfactionemque maximam; quasi vero in pueris eodem modo cogatur; quasi vero in senibus ita fiat & in pinguibus? Diversa ratio, diversi loci: ergo idea remedium diversa. Ac ne quis parvi momenti hoc esse putet, nihilque interesse sive primo in rene, sive in vesica generetur, errat si id credit. Et aliis topicis, aliisque remediis agendum, ne temere pars remediis fatigetur, quæ nihil vitii contraxit. Si enim omnis a rene lapis, huic primo occurrendum. At quis adeo juvenis & hebes, qui in obœsioribus, & pueris ad renes currat, & non potius de vesica sit sollicitus, deque toto corpore in quo multa excrementa congeruntur? Ergo explodi debent eæ rationes quæ tam turpiter nos in ignorantiam traducere possunt: ac potius in veterum vestigiis manendum, quam cum novis neotericorum inventis errandum. Non quin posterorum labor merita laude fraudandus sit: sed iis aut est cum veteribus sentiendum, aut firmioribus rationibus nova dogmata sunt stabilienda.

In calculo spectatur generatio, transitus, & mora; Græcis, γένεσις, διέξοδος & διαμωνή. Rursus aut curatio, aut præcautio. Sæpe quum formatus lapis, irrita sunt remedia, quod dum frustra aut deturbare, aut comminuere lapidem volumus, sæpe malum augemus, fusa, liquataque nova materia, eaque ad renes devecta. Quum præcautioni locus est, blandis ac lenientibus agendum, ne dum materia impetu movetur, dolores qui prius erant aut exigui, aut nulli, excitet ac irritet. Quum curationi, videtur Hippocrates vehementioribus uti, ut veratro. Quamquam dicat quispiam, non proinde sequi ut vehementius medicamentum usurpemus, quod Hippocrates hujus meminerit. Nam lib. 6. Epidem. etiam dum de puellis repurgandis agit, meminit elaterii. Sed verba Galeni satis indicant etiam intelligi posse satis validum medicamentum, alioqui rejecisset, & de leniente medicamento præscribendo cogitasset. *Juvenes, inquit, veratro purgandi, consilio Hippocratis, quum antiquus affectus est, & quasi vectibus extrudendus.* Quamquam idem hoc præceptum etiam ad omnes affectu renum laborantes extendit: immo duo momenta curationis omnium morborum renum præscribit; tametsi, ait, veratrum non detur ob crassorum humorum attenuationem, & corporum in renibus contentorum, vicinorumque solidorum mollitiem & laxitatem. Quod diligenter notandum.

Porro non per omnia tempora lapidis dolor est: sed dum generatur, & transit, dolor acutus, dum manet, gravis. Utrumque dolorem explicat uno verbo communi Hippocrates: *In renem dolor gravis.* Nam Galenus argute ὀξείαν ὀδύνην, & proprie βαρεῖαν, quum sensus cujusdam ponderis est, sub nomine τῆς βαρεῖας ὀδύνης complectitur. In eodem corpore renis & gravis est dolor, & acutus. Gravis, quum caro ejus afficitur aut obstructione, aut inflammatione: obstructione, ut quum infossus illi est calculus. Si, inquit Galenus, *carnosa renum inflammatur, dolor gravis est ac si*

Commen.  
in ap. ho-  
rism. 6.  
sect. 1. 6.  
Epid. 2.

Vide cap.  
4. lib. 2.  
de loc. aff.  
It. in cap.  
2. lib. 6.

sen-



*Commen. in aphor. 5. lib. 6. Aphor. Eod. Com ment.* *sensus ponderis adesset*. Quod mirum est. Nam sine tunica non videtur inflammari posse ren. Quod si tunica patitur, eodem teste Galeno, acutus est. Nam proprie acutus aut quum arteriæ, aut oscilla vasorum, aut venter renis, aut tunica patitur. Idem censet de affecto hepate, contra multorum sententiam, existimantium quomodocumque affectum sit hepar, sensum tantum gravitatis inesse: sed toto aberrant cælo.

*Cap. 11. lib. 6. de sanit. tuend.* His ita positis, videndum quam aberrant qui omnibus calculosis omni tempore diuretica præscribunt, sanguinem fundentia, & liquantia, omnibus corporibus, omnibus ætatibus, omni tempore, nulla facta observatione eorum quæ dicta sunt. Ac primum sententia Galeni docendum quam graviter peccent plerique, qui promiscue omnibus calculosis calida, acriæque præscribant: Primum eo in capite contra omnium opinionem censet nihil eorum quæ valde calfaciunt, calculosis ullo modo conferre. Et notat historiam cuiusdam hominis biliosi calculo laborantis, cui quum Medici calida præscripsissent, tandem in marasum coniecerunt. Et ita contigit, ut motus digitorum & manuum quodammodo præ siccitate impedirentur, ita ut ossa cavum sonarent. Quod quum contigisset, alii multo imperitiores Medici paralyticum esse putabant. Galenus in crassis & pinguibus attenuantem victus rationem quidem admittit: sed quibus contrario modo affectum corpus in iis contrariæ sunt indicationes: una a corpore squalido, siccoque, altera a poro seu calculo. Hic attenuans & incidens requirit, illud tum ratione totius corporis, tum ratione intemperiei renum, contrariam rationem demonstrat. At jam demonstratum maximam partem *δερμοκοίλας*, & biliosos esse calculosos in renibus, si quid deliquerint, & a calore igneo urenteque renum calculos cogi, ut duobus locis præter ceteros demonstrat Galenus libris de Alimentis. Quodnam ergo operæ pretium facturos putamus eos qui speciose sua diuretica venditant? Itaque optimum consilium Galeni, in lib. de sanit. tuend. una eademque ratione & affectui & corpori est providendum. Affectui, non præscribendo ea quæ viscosi sunt succi, ut etiam sunt carnes volatilium domi nutritorum. Quod notandum. Valent autem hordeata, volatilia, pisces saxatiles. Omni a lacte temperandum, præterquam ab asinino: omnisque victus ratio ambiget inter impinguantem & extenuantem. Quod optimum consilium cui si omnes adhæreremus, non ita turpiter in multorum caput ignorantia nostra redundaret. Satis est hæc notasse. Nec enim consilium est omnem tradere rationem præcavendi, curandique calculi.

*Gal. 13. 5. de simpl.* Tantum illud narrare oportet, cur Galenus statuens distinctionem inter arthritica & diuretica medicamenta, dixerit nil eorum quæ vehementer ex-  
calfaciunt, ullo modo calculosis esse præscribendum. Nam parum sibi omnino constare videtur. Nam diuretica esse vult quæ & acrimoniam & calorem habent plurimum, ut smyrnium, petro. daucus, feseli, phu, azaron, acorus; quibus omnibus magna inest acrimonia. Omne diureticum fundit, & secernit, quod absque immenso non fit calore, ait Galenus: & propterea illa thoraci inimica, quod crassiorē redderent materiam ac contumaciorem. Sic tribus de causis adversa sunt ea quæ vulgo diuretica; primum quia calidiora & sanguinem fundunt, secundo quia idem in renibus



nibus præstabunt quod in pulmonibus, nimirum secernendo ferum, contumaciorem reddent materiam; propterea interdixerat 6. sanit. tuend. calculosis valde calida & acria. Tertio si Galenus acute quidem dixerat ideo menses moventia calidiora, acrioraque esse debere, facta comparatione cum lac provocantibus; quod in mammas & mittatur sanguis, & attrahatur: 17. uterus autem non attrahat, quum renes ex ceteris partibus attrahendi facultate plurimum polleant, quid opus tanto calore & tenuitate? At hæc discutienda sunt, alioqui errore non vacaremus: Quæ si a plerisque intelligerentur, non ita passim peccaretur ab iis qui quod audierint ab anubus aliquid diureticum esse, ideo id putant conferre posse calculosis. 18. Aliud est absolute dicere diureticum esse aliquid, aliud conferre movendæ urinæ, & deturbando aut deterendo lapidi, aut materia lapidis incidendæ. Quod ut intelligatur, audiendus Galenus. Ille quodam loco ait: *Quum plurimam urinam ducere nitimur, acrioribus & ex-* Gal. 13.  
lib. 3. de  
simpl.  
*calfacientibus magis quam quæ sint ἐκρηκτικὰ utendum.* Nimirum fundentibus & liquantibus & secernentibus, an hoc propterea vult, ut dicat hæc calculosis conferre? Nequaquam. Sed ex hypothese loquitur, si urinam multam ciere volumus. Propterea eadem interdicat asthmaticis. Item quum alio loco loquens de acris tenuis substantiæ collatis cum iis quæ sunt crassioris substantiæ (quorum vis perniciosa) ait, *Acria tenuis sub-* Cap. 19.  
lib. 4. de  
simpl.  
Nota.  
*stantia vim habent movendi urinas, sudores provocandi, conferunt expuitionibus;* an ea utenda consulit? Nequaquam; sed vires eorum docet; nam alio loco illa non censet usurpanda in asthmaticis, nisi cum sorbitionibus. Et hæc ratio colligendi, venandique auctorum consilii. Nam aliud est Cap. 22.  
lib. 5.  
urinam provocare velle, aliud expurgare velle, aliud calculum incidere, aut materiam tenuare. Quod Galenus ita abunde docet, quæ renes expurgant, ea incidunt, verum larga humiditate non egent. Quæ callosas consistentias, *πρωΐδας ουσάσεις* vocant, incidere sunt idonea, & ipsa incidunt quidem, sed minimum caloris habere debent. Nam caliditas poron exsiccando contrahit, non incidit, nec dividit. Et apertius alio loco hoc explicat. Quæ non desiccant, & modice excalfaciunt, lac generant: Quæ Ibidem.  
plus calfaciunt, non tamen valenter siccant, menses cient. Utraque urinas provocant. Item & ea quæ calfaciunt & desiccant: Et proprie quæ calfaciunt & desiccant, Diuretica vocantur; non quia sola moveant urinas, sed solas, non etiam lac & menses, ut dictum est. Qui locus notandus est; nam paullo post ea diuretica quæ & calfaciunt, & exsiccant, ratione facultatis exsiccandi pulmonum morbis, & renum calculis non conferunt, ait Gal. quia nec calculi, nec asthmatici siccitatem postulant istam. Est ergo ubi diureticis locus est quum movendarum urinarum occasio postulat: est ubi aliis diureticis utendum quum de incidenda attenuandaque materia cogitatur: Est & ubi iis quæ *αὐρητικὰ* dicuntur proprie, non *διερρητικὰ*, locus est, quorum vis paret in leniendo, ut est quatuor seminum frigidorum majorum, malvæ, bismalvæ: quibus omnibus magna vis est in calculorum obsidione, vel potius renum. Nam quum calor est igneus, acerque, ad ea potius recurrendum, quam ad ea quæ & calfa-

ciendi



ciendi & siccandi vim habent, proprieque Diuretica dicuntur.

Hæc omnia eo consilio a me dicta sunt, ut ratio convenienter cuique medendi teneatur: ne temere periclitatorum more iis nos vitam dedisse existimemus, quibus nostris temerariis auxiliis non ademerimus. Illud enim dolendum ac miserendum ita sæpe contingere usu auxiliorum nostrorum, ut quum frustra pollicemur exturbationem calculi usu calidiorum medicamentorum, arenulas multas excernentes, hac inutili fortuitaque excretionē aegros recreantes, contumaciorem multo calculum reddamus. Cære enim emitur tantula hæc excretio, quam natura per se moliri posset. Multa porro remediorum exempla statuemus, quibus non est temere in quibusvis utendum: sed ad eas regulas & canones sunt revocanda, quos longa orationis serie sumus commentati.

Quum dolores urgent, valet id quod sequitur.

℞ succi amygdalar. dulcium sine igne extracti ℥ ij. emulsionis semin. 4. frigidorum major. cum aqua & vino albo extract. ℥ ij. s. fiat potus.

℞ syrup. de raph. de 5. radicib. & capill. ven. an. ℥ j. pulv. triasant. simpl. ℥ j. pulv. lumbric. preparator. ℥ s. cum triplo decoctionis radic. aper. fiat potus.

℞ semin. milii solis, bipin. bardana, an. ℥ s. lapid. judaici ℥ j. nucleorum mespil. herba Judaica, spine burg. an. ℥ ij. cinn. ℥ s. sacchar. ros. ℥ j. fiat pulvis.

℞ vini mal. ℥ iiij. olei nucum ℥ iiij. confect. de baccis ℥ j. cum decoct. remoll. fiat chyster.

℞ rad. bard. asparag. gram. cypp. an. ℥ s. beton. bismal. totius, an. m. s. sem. milii solis, aspar. melon. cucum. an. ℥ j. s. passul. ℥ j. ficus num. 6. fiat decoct. ad quart. tria. In colat. dissol. syrup. de raphan. oxymel. scyl. an. ℥ j. sacchar. ℥ iiij. fiat syrup. in modum apozem. aromatiz. ℥ j. s. cinn.

℞ rad. gramin. & petros. siccatarum & pulveriz. an. ℥ ij. nucleor. mespil. ℥ iiij. sem. melon. cucum. an. ℥ j. s. sem. mal. bard. & milii solis an. ℥ j. sacchari. candi ℥ iiij. liquir. ℥ ij. florum beton. ℥ ij. fiat pulvis. Capiat ij. post usum cassia.

℞ aq. destillationis terebint. ℥ ij. utatur cum aqu. bipin.

℞ rad. cypp. gram. an. ℥ s. summit. alth. urtic. herniar. beton. an. m. j. sem. melon. cucum. an. ℥ ij. sem. milii solis ℥ j. gran. alkek. ℥ j. fiat decoct. in qua dissol. syrup. de alth. & capil. ven. an. ℥ j. s. fiat apozema.

℞ ol. de sem. lini & lilior. & amygdal. dul. an. lib. ij. decoct. sem. lini, alth. melilot. florum viol. sisymb. aquat. qu. suff. pro semicupio.

℞ medull. cass. ℥ iiij. axungia cunicul. ol. amygd. dul. & de scorpion. cum medul. panis dissoluta in lacte. fiat catapl.

In summo dolore inferioris partis spinæ & lumborum in colica nephrica.

℞ paleæ hord. ros. rubr. p. ij. tapsi barb. p. j. fiat decoct. in lacte. In colatur. dissol. vitellos ovorum.

℞ malv. bismal. flor. chamem. meliloti sisymb. aquatil. foliorum raphan. petros. macedo. an. m. j. rad. lilior. alth. gram. petros. an. ℥ ij. sem. lini, fœnugr.



fœnugr. alth. raphan. an.  $\mathfrak{z}$  s. fiat decoct. passetur. In passatura adde axung. cunicul. anat. an.  $\mathfrak{z}$  j. s. olei scorp. qu. suff. fiat catap. pro pube & renibus.

$\mathfrak{z}$  aqu. destill. terebinth. & parietar. an.  $\mathfrak{z}$  j. s. sacch. candi  $\mathfrak{z}$  j. Cap.

$\mathfrak{z}$  mitho.  $\mathfrak{z}$  s. conser. buglos. & capill. ven. an.  $\mathfrak{z}$  j. Capiat bolum.

$\mathfrak{z}$  conser. capill. ven.  $\mathfrak{z}$  j. electuar. lithont. diatrag. an.  $\mathfrak{z}$  j. Capiat parum vini una.

$\mathfrak{z}$  rad. petro. aspar. fœnic. gran. rub. tinctor. an.  $\mathfrak{z}$  j. polypod.  $\mathfrak{z}$  ij. sem. melon. cucum. bard. basiliconis, saxifrag. milii solis, alkek. an.  $\mathfrak{z}$  ij. conser. capill. ven. cichorii, ceterach. buglos. an.  $\mathfrak{z}$  ij. pulver. diamarg. diatrag. ras. ebor. cornu cervi, an.  $\mathfrak{z}$  j. aquæ decoct. anarum perdicum, & caponum duorum, cum mica panis quant. suff. Fiat destillat.

Citria incisa duo aut tria misceri possunt.

$\mathfrak{z}$  succi corticum, raphani  $\mathfrak{z}$  j. s. succi limonum  $\mathfrak{z}$  s. syrup. de althea  $\mathfrak{z}$  j. vini albi  $\mathfrak{z}$  ij. terebinth. ustæ & pulveriz.  $\mathfrak{z}$  ij. fiat potus.

$\mathfrak{z}$  rad. rub. major. gramin. acetosæ, aspar. raph. petros. fœnic. macerat. in aceto, an.  $\mathfrak{z}$  s. beton. adianth. ceterach. saxifrag. argent. an. m. j. summitatum urtic. agrest. p. j. cicer. rub. milii solis, an.  $\mathfrak{z}$  s. alkeken. gr. 15. semin. raph. urt. mal. an.  $\mathfrak{z}$  ij. fragorum mororum rub. irei, an.  $\mathfrak{z}$  ij. succi cerasorum  $\mathfrak{z}$  iij. Fiat decoct. In colatura dissol. sacchari albi lib. j. s. fiat syrupus.

$\mathfrak{z}$  ol. sem. lini lib. j. terebinth.  $\mathfrak{z}$  j. s. mellis ros. sacchar. rubr. an.  $\mathfrak{z}$  j. Fiat clyster.

$\mathfrak{z}$  parietar. beton. fœnic. alth. gallital. alk. an. m. j. rad. cypp. petros. macedon. bard. flor. genist. an.  $\mathfrak{z}$  j. s. milii solis, rad. althea, glyc. an.  $\mathfrak{z}$  j. fiat decoct. ad lib. j. In colat. dissol. syrup. de bism. de raphan. & oxymel. simplic. & scyllit. an.  $\mathfrak{z}$  j. s. Fiat apozema. Item catapl. ex pariet. berul. petros. maced. caulibus malv. bism. semin. lini, fœnugr. rad. lilior. floribus mel. chamem. pistatis, addita axung gall. porci, cum ol. amygdal. dul.

$\mathfrak{z}$  coral. utriusque, cinnam. margar. elect. cornu cervi, an. gr. iij. syrup. de limon. oxys. simpl. an.  $\mathfrak{z}$  s. aqu. buglos. & card.  $\mathfrak{z}$  iij. fiat.

$\mathfrak{z}$  syrup. de raph. & alth. an.  $\mathfrak{z}$  j. aquæ acetos. & chamem. an.  $\mathfrak{z}$  i. s. fiat dosis.

$\mathfrak{z}$  enul. camp. mund.  $\mathfrak{z}$  iij. coque in duabus libr. vini albi, donec ad  $\mathfrak{z}$  xij. redeat. Capiat quotidie unc. duas pro dosi, cum  $\mathfrak{z}$  s. syrup. de raph.

$\mathfrak{z}$  conser. rosar. symphy. an.  $\mathfrak{z}$  s. margar. elect. cinnam. cornu cervi, coral. rub. an. gr. iij. trochisc. alkek.  $\mathfrak{z}$  s. cum sacch. ros. fiant tabellæ.

$\mathfrak{z}$  alth. tot. foliorum acetos. an. m. j. sem. melon. genist. gallit. asp. an.  $\mathfrak{z}$  ij. sem. milii  $\mathfrak{z}$  j. s. rad. lapat. acut. cichor. an.  $\mathfrak{z}$  s. pulp. tamarind.  $\mathfrak{z}$  s. hordeip. i. florum genist. p. ij. fiat decoct. ad  $\mathfrak{z}$  s. In colat. infunde cass. non mundatæ  $\mathfrak{z}$  ij. s. bulliant parum. In express. colat. per setaceum dissol. syrup. de alth. hys. & oxymel. scyll. an.  $\mathfrak{z}$  vj. sacchar. cand.  $\mathfrak{z}$  ij. fiat apoz. clarif. aromatiz.  $\mathfrak{z}$  ij. cinam. pro duabus dosib.

Litus ex mucaginibus & adipibus predictis in magna quantitate valet. Et quia imbecillior redditur ventriculus, sub horam somni valet syrup. de absynth. cum aqu. card. & scabiosa, iteratus sæpe.

$\mathfrak{z}$  suc-



℥ succi granat. succi limon. & vini albi an. ℥ s. ambr. gris. gr. vj. fiat potus: Item bolus cum theriaca & mithridat. & syrupo de papavere.

℥ terebinth. ℥ iij. zedoar. pulv. ℥ j. cum diatrag. frig. fiat bolus.

℥ mal. utriusque, pariet. florum genist. an. m. ij. nasturt. capill. ven. m. s. calamenth. an. p. j. cicer. rubr. ℥ s. fiat decoct. ad ℔ s. In col. dissol. syrup. de althea & de 5 radicib. an. ℥ j. s. milii solis pulver. ℥ i. s. fiat ju-  
lep. capiat in exitu baln.

Limatura ligni sancti non est aliena ab usu in lapide, præsertim ad ten-  
nuandam crassam materiam que eum committit. Ideo olim hic syrupus com-  
mode præscriptus est. ℥ limatura ligni sancti quart. j. corticis ejusdem ℥ j.  
macerentur per horas duodecim in aquæ fluvialis lib. iij: deinde adde polyp.  
℥ ij. rad. enul. camp. sicca & contusa ℥ s. fiat decoct. ad medietatis con-  
sumtionem. In colatura depurata infunde folior. senæ ℥ iij. fructus alke-  
kengi in vino albo per noctem temperatos num. 20. turbith. ℥ s. bulliant. ser-  
ventur ad usum.

℥ sem. saxifrag. glyc. an. unc. s. sem. carvi, genist. petros. macedon.  
daucibrus. aspar. levist. anisi, junip. ruta, sesel. filer. mont. acor. baccar.  
laur. an. ℥ ij. azar. carpobal. cass. lig. granorum hedere, sanguinis hirci  
prepar. xylaloes an. ℥ j. s. lapid. lycis ℥ ij. zinzib. turbith. an. ℥ ij. fo-  
lio. senæ ℥ j. Fiat pulvis, de quo fiet electuarium per tabellas pondere  
unc. s.

℥ rad. intyb. oxal. gram. aspar. brus. polypod. sem. carth. uvarum da-  
masc. an. ℥ j. bipinel. adiant. trichom. lupul. aspar. mal. pariet. an. m. j.  
agrimon. beton. holeriana, borag. buglos. an. m. j. fructus halicac. nu. 12. se-  
min. 4. frigid. major. apii, saxifrag. petro. milii solis, althea, an. ℥ ij. flo-  
rum spart. violarum, anthos. an. p. s. florum chamæm. p. j. Elixentur om-  
nia artis ordine. In colat. ad lib. j. dissol. syrup. de radicibus de alth. &  
raphan. an. unc. j. Fiat apozema in 4. doses: adde myxariorum zizyph.  
an. nu. 14.

℥ rad. altheæ, acetosæ, petro. an. ℥ j. s. corticis burg. spinæ ramuscu-  
lorum ejusdem, limatura ligni sancti an. ℥ j. cort. rad. capp. ℥ s. anisi,  
feniculi, lithosper. hypericonis, sem. cucum. cuscute, citrii, an. ℥ iij. folior.  
alth. m. 4. beton. violar. malv. utriusque, adianti albi, asplenii, cuscute,  
an. m. j. intyb. sativi, latifolii, seridis, eupatorii, an. m. s. passul. integr.  
zyzipho. num. x. fructus halicacabi num. xxx. florum beton. hyper. mal. alth.  
vel cichor. an. ℥ ij. fiat decoct. ad lib. duas, in colat. dissol. sacchari albi  
lib. j. s. syrup. de lim. acetos. simpl. an. ℥ ij. fiat syrupus.

℥ rad. maratri petroselini an. ℥ j. s. glycyrr. ℥ s. pass. mund. cicer. rub.  
an. ℥ j. s. sem. anisi macedon. ameos, milii solis, an. ℥ iij. fiat de-  
coct. in vini albi veterrimi, & aquæ an. partibus equis, ad tertie partis  
consumtionem: dulcoretur oxymelitis diuretica ℥ iij. Capiat singulis matu-  
tinis.



## A N N O T A T I O.

1 Non omitti debet illud quod Gal. scripsit in comm. lib. 4. Aphorism. de grumo sanguinis, & capillamentis, præsertim quibus fuit esus fabarum & orobi.

2 Non solum alimentorum varietas confert ad cruditatem, & proinde ad generationem calculi, sed etiam aquarum. Quod minus probabile videretur; siquidem aqua nil corpulentum habent, cujus occasione concretio fieri possit. Tamen eam aquarum varietatem conferre ad generationem calculorum, Hippocrates primus scripsit lib. de aere, locis & aquis, quum scribit eos calculo obnoxios fieri, qui aquas bibunt de magnis fluviis, in quos derivantur alii. Nam, inquit, aqua aqua similis esse non potest: ac necessarium præcellere præ alia. Unde concludit ex ea varietate magnum sequi incommodum. Et quod de aquis dicitur, idem de esculentis intelligi potest. Itaque magnus debet esse defectus aquarum & ad præcautionem, & ad curationem calculi.

3 Quum hoc scribat Galenus, miror quod in mentem venerit Gorrao Medicarum Definitionum auctori, ut interpretans τῶν ἐξ αἰσθητικῆν dixerit athletas ut robustiores evaderent, solitos assumere cibos quoslibet, nullo ordine, nulla lege. Hæc enim pugnant iis quæ dicuntur a Galeno.

4 Attendere oportet ad locum qui scriptus legitur lib. de flatibus, apud Hippocratem, quo explicat qua ratione fiat ut ciborum inæqualitas seditiōnem & tumultum in ventriculo faciat.

5 Pus quod a renibus & superioribus manat partibus, & a vesica, in hoc distinguitur, quod pus a renibus manans totum, toti urinae confusum est & refractum in partes ob viæ longitudinem. Quod a vesica, ut a loco propinquiore quodammodo est integrum & totum, & in se conglomeratum coactumque, quod Græcis dicitur ἀδρόον, sive ἀδρόος ἐκκερδέν. Ita Galenus in libris de locis affectis distinguebat dejectiones dysentericas a superioribus aut inferioribus intestinis, quæque ab his forent, pus contineant non admistum: Contra iis sese habentibus quas superiora intestina excreverunt. Hoc præterea abunde explicat Galenus comm. in Aphorism. 35. lib. 7. Quibus insidens pingue & simul totum, ἀδρόον Græcis, iis renum vitium acutum significatur. Comparatur enim urina colliquativa partium superiorum, cum urina colliquativa renum, & vesica, si ita lubet. Nam quando adeps cum urina a partibus rene superioribus excernitur, is paullatim nec simul totus excernitur; sed quum a renibus est, quia breviter fit excretio, simul totus est. Et hoc est signum διαγνωστικόν.

6 Galenus comm. in partic. 6. sect. 1. lib. 6. Epidem. textum hunc probat, & conceptis verbis exponit eo modo calculos in renibus gigni posse, qui ab Hippocrate est præscriptus. Quamquam probat magis ab arefacta pituita cogi ac concrecere.

7 Aphrodiseus vult & senes & pueros calculis magis obnoxios, problem. 41. sect. 2. sed hoc minus verum est præsertim de senibus. Inter cetera occurrit locus in Coacis adversariis quo scribit Hippocrates a quadagesimo anno ad 63. non fieri strumas in senibus, nec lapidem in vesica, nisi prius



exsistat. Ubi utitur verbo γινώσκει, quod fieri, generarique significat. Ergo contra Fernelium, lapis fit in vesica.

8 Si quis putet illud μετ' ούρου intelligi quum urina e vesica excreta est, nimirum reliquo excremento in vesica remanente tamquam lapidis materia, illud probabilitatem habet. Sed magnam habet difficultatem quomodo intelligatur illud ἀπὸ ἐπιόσεως. Si enim nomen ἐπιόσεως sumatur pro actu menjendi, in utroque loco, videtur hic sensus minus quadrare. Nam dicere ante mictum fieri concretionem in viris (ut Galenus vult) idest ante actum menjendi; hoc ut nil verisimile habet, ita nec dignum est ingenio Hippocratis: ideo melius interpretari oportet utrumque, ut hoc loco sumus interpretati.

9 Quis enim dubitat quin quidam in renibus calorem habeant ex eventu, quod carne sint densa, compactaque? Atque impedimentum difflationis, caloris est augmentum. An tunc refrigerantium usus tutus est?

10 Et Galenus 9. Method. cap. ult. citra calorem non potest digeri in halitum corpus ullum manente substantia compacta. Non tamen per calorem omne, sed quod aptum est in halitum digeri, ut humidum.

11 Nam Galenus ultimo cap. lib. 9. Method. lapidum substantia constans stabilisque propter siccitatem, & frigus est. Sic & materia ipsius frigiditas, & aliquantula vesicæ frigiditas non potest non conferre ad generationem lapidis. Sed de renibus potest dubitari. Nam in calidissimis coguntur lapides tantum, ut omnes volunt.

12 Non est æquum, ut aliquis videatur doctior, aggredi clariores & doctiores sine causa, vel ut detrahatur eorum laudi, vel ut ambitioni nostræ satisfiat. Itaque si quando excusare nos velimus quod in Fernelium scribamus, accipiendum erit exordium libelli Gal. adversus Julianum, inter libros extraordinarios.

13 Hac in pagina docemus in multis corporis humani partibus calculos posse generari: quod tamen impugnat Galenus. Et mirum, tantum virum hoc non observasse. Ille cap. 5. lib. 1. loc. affect. disputans de iis affectibus quibus aut illis solis partibus contingunt, ait suffusionem solis oculis contingere, & lapidem solis renibus & vesicæ: quamquam ex quorundam opinione dicit in colo nonnullis lapidem repertum esse.

14 Quidam apposite & contra sententiam Fernelii dicunt colorem arenularum & lapidis non indicare locum in quo generatur lapis, sed potius materiam ex qua. Fieri enim potest ut in vesica rubens materia cogatur.

15 Contra Gal. cap. 5. lib. 1. de locis affect. ut ramentum ulceris signum dat, ita & sabulosa urina lapidis sunt argumentum.

16 Dicimus in vesica fieri lapidem, in renibus calculum & arenulas. Lapis, quia quod est durius & grandius, locum tenet medium inter arenulas & calculum. Nam materia lapidis durior est quam arenularum & calculi.

17 Mirum cur hic dicat Galenus uterum non attrahere. Nam Hippocrates lib. de vet. med. ait vesicam, caput & uterum semper attrahere, & plena esse humiditatis.



18 Disputationem de diureticis, menses moventibus, & lac generantibus, Manardus prosequitur epist. 5. lib. 11. Epistolarum.

## CONSILIUM XXXIII.

## De Epilepsia.

**A**DMIRABILES naturæ conatus sunt in morbis profligandis. Nec enim solum depulsa longe materia natura solatium quærit, sed sæpe excussa in partem ipsam affectam materia. Quod ne cui mirum videatur, huc celebris historia Equitis Torquati pertinebit. Hic quum crudelissimis Epilepsiæ insultibus sæpe decuteretur, suppetias nulla ex parte nactus est. At quod sua prudentia & consilio ars medica non consequitur, id instinctu solo bruto natura aptissime contigit. Nam eum furibundum reddidit, furendi tandem & brevi tempore finis fuit. Ab eo tempore epilepsiæ molestias non sensit. Et illud est quod scriptis celebravit Hippocrates, *Epileptici fiunt melancholici, & contra*. Sed illud majore admiratione dignum videtur, quod ab Hippocrate scriptum est, *A furore difficultas intestinorum, vel aqua intercus, 2 vel mentis alienatio, bonum*. Quomodo fieri possit ut mentis alienatio furori succedens, bonum sit, & furendi finem faciat? Nam alienatio mentis furoris videtur, & reuera est incrementum, ut etiam asseverat Galenus. Item mentis alienatio, continuus definitur & vehemens furor; Ergo tantum abest ut bonum signum existat, ut contra, pessime agrum furem afficiat. Mentis alienatio ἐκστασις Græci vocant, fit confertim lato humore bilioso per omnes partes cerebri. Et quum aliqua ex parte affectum esset cerebrum, unde furor simplex adesset, conatu ipsius naturæ, orgasmo ipsius materiæ ἀντὶ τῆς μάχης succedit ἐκστασις, quod quodammodo criticum est. Nam si natura valida est, si cerebri temperies bona, & quæ ab impetu pessimi illius humoris tantum sit alterata, non autem alienata; futurum est ut brevi tempore sequatur solutio furoris. Ita nimirum in morbis acutis (ait Galenus) terribica symptomata ac vehementissima subito oborta crises salutares invehunt. Sæpe enim id quod imperitæ stoliditati terrori est, bona spe nos consolatur. Hoc notatum volumus, quod Commentarius Galeni ea de re scriptus admodum obscurus sit, & mancus.

## A N N O T A T I O.

1 Simile quid in Coacis. In furiosis convulsio accedens solutionem facit.

2 Mirum quomodo aqua intercus furori succedat. Nam materia furem faciens pauca est & biliosa, quomodo hydropem accersit? Notatu dignum hoc est. Quemadmodum & nos epilepticum piscatorem factum observavimus, qui esset hydropicus, a translatione materiæ ad caput. Nec interit tamen; quamquam dicat Galeni preceptor Hippocrates, *Ab hydropicis epileptici,*



leptici, perniciosum, in Coacis. Tamen in libro de locis in homine apud Hippocratem legimus a cerebro hydropis generationem aliquando pendere, quod sit materia quadam in cerebro contenta, in eo quædam excitans symptomata, in partes inferas feratur, potest in his aut hydropem, aut quid simile accersere. Non quod inde hydrops proprie dictus consequatur, sed species hydropis, aut tympanites, materia nimirum existente furibunda & flatuosa. Quidam ut istum aphorismum excusent, dicunt non legi ὀδρω, sed ἰδρω, idest sudor. Et Hippocratis locus est præclarus, sect. 5. lib. 2. Epid. ubi annotat quomodo epilepsiam mania solvit.

## CONSILIUM XXXIV.

### De Alvi fluore.

**I**N morbis multa contingunt, quorum obscura ac implicita est adeo cognitio, ut acutissimorum Medicorum aciem eludat. Quod non modo in acutis usuvenit, in quibus exiguis intervallis magnæ mutationes incidunt, sed & in longis, immo in longis tantæ sæpe occurrunt difficultates & latebræ, ut licet eorum, auctoritate Galeni, causa sit fixa stabilisque, sub obtutum tamen oculorum non cadant, nec mente comprehendantur. In ejusmodi autem, meo quidem judicio, plus natura quam ars potest; ut non sit mirum si olim Chirurgiam licet artem mechanicam, præclaræ arti Medicæ prætulerint, immo hanc præ illa nihili duxerint. Quinetiam Chirurgiæ evidentem profectum esse volunt, quod ea quæ manu administrantur sese offerant ac promittant. In medendi arte, quæ ratione & agitatione assidua mentis nititur, fortunam dominari contenderunt, quod in longis morbis si quid voto respondeat, id naturæ, quæ temporis flexu cursuque morbi victrix est, attribuendum sit. Nam quod ars uno veluti impetu agit, id natura cunctando ac tardando felici successu consequitur. Tamen ut arti nimis multum attribuere, quum in multis manca sit, ac deficiat, vitio non caret: ita tantum ei detrahere ut nil possit ipsa per se, errore non vacat. Atque ut quæ paullo ante dicuntur generalius, in angustum cogantur, exemplis apposis magis elucebunt. Eorum autem explicatio ac enodatio magnum ad bene medendum adjumentum afferret. Ita enim & morbi longitudinem artificiosè prædicemus, & non frustra medicamentis ægros exercebimus, quum materiæ mitificatio expectanda sit. Miratus sum sæpe ægros conqueri de dolore ad orificium stomachi, cujus doloris circumscriptio brevis admodum est, nec explet latitudinem duorum digitorum. Purgationibus non juvantur multum: vomituriunt: pulsus habent languidum: corpus pigrum ac iners: noctes infomnes ducunt: Ventre plurimum sunt adstricto, immo præ dolore superior pars hiat: inferior adstringitur. Superioribus paginis annotatum est de quodam, cui dolor fixus erat ad regionem stomachi, quem nulla fere arte sedare ac compescere potis fuit. Plura illo loci sunt legenda. Non ita pridem Piscator post ærumnas aliquot & labores incidit in febrem fere ty-



pi expertem. Sæpe leipothymia prehendebatur. Quadraginta pene dies laboravit: summa virium ruina: partium extimarum refrigeratio. Hinc alvus subducta est excrementis modo liquidis, modo chylosis, & mucaginosis. Incredibile dictu. Tribus aut quatuor diebus tres & quinque pelves satis capaces implebat. Non allevabatur, Perpetuo alvus, sive ventriculus ei laborabat. Profluvium hoc alvinum nobis videbatur veluti lejen-tericum a mucaginosi humoribus, corrupto chylo, ac forte totum corpus exonerabatur modo roborato ventriculo, modo rhabarbari usu allevabatur. Et quum cogeretur ad prima munia redire ob egestatem, agebat quidem sine decumbendi necessitate: tamen & pallor, & sitis, & partium imbecillitas remanebat, immo & dejecta appetentia. Quæ omnia morbi relapsus ob reliquias designant. Percipiebatur dolor ad eam stomachi regionem quam prædiximus. Tandem provocato vomitu, & alias sponte naturæ excitato, excreta sunt biliosa, viridia, glutinosa admodum, & quæ in longum ducerentur facile. Sic allevatus est. Ubi locorum tanta materiæ copia continebatur: an in ventriculo? fieri non potuit: sed in partibus vicinis ventriculo, a quibus tandem a natura victus, quum alioqui coaceretur in angustiis, ad eam capacitatem raptus est humor; hinc doloris sedatio aliqua contigit.

Robertus Sangermanus Regi a secretis, dolore intolerabili cruciabatur: colicam falso putabant. Erat conclusa materia eo modo quo in superioribus æruginosa, acris, præsertim ærumnas & mæstitiam secuta: dolores repetebant ex intervallis: non eos ferendo. Medici rati colicos esse dolores, calidissimis illum frustra exercebant: & quoniam vomebat perpetuo, styp-tica foris admovebant. 2 Alii postea mitius egerunt, & materiam illam efferam sibi aliquam cystin machinatam fuisse crediderunt: ita blandis ac temperatis utentes medicamentis,educta vomitione est bilis vitellina, putris. Allevatus est, & sanitati restitutus. Eum morbum rarissime in homines invadere dicebant. Tamen Fernellius tale aliquid sub finem febrium & morborum typicorum contingere asseverat. Item vidua in clauistro Ecclesiæ Parisiensis commorans, mater D. Ellenii clarissimi collegæ, quum ægre conjugis sui vicem doleret, præ mærore in morbum incidit qui clarissimis Medicis admirationem excitavit. Expers erat febris: Ex intervallis sentiebat aliquam auram venenatam ab infimis partibus tibiæ: deinde stuporem: tum dolores ad ventrem superiorem a ventriculi regione fere ad umbilicum paullum ad lienem declinando: tunc sine voce & respiratione decumbebat: cum sudoribus, defectione pulsus, palpitatione. Duodecim horas paroxysmus perseverabat. 3 Morbus hic annum & plus eo afflixit. A paroxysmo erat satis alacris, sapor & gustus toto morbo aderat quasi æruginem & æs degustaret (quod notandum). Difficilis admodum fuit investigatio illius morbi. Quidam ex Medicis affectionem hysterica putabant: alii relictum esse aliquid ex purgamentis ab aliquo partu. Alii contorsionem uteri esse. Consultæ obstetrices. Tentata & explorata res est: nihil omnino alienum in illis partibus inventum est. Tamen quotidie per metrenchyten injecta sunt uterina. Per os, aqua vitæ aromatizata cinna-



momo. Nil profectum est. Ex Medicis oculatior fuit unus, qui primam mali originem ab utero non repetebat: sed aut dicebat suspicionem melancholiæ hypochondriacæ, aut conclusam putrem, malignam & venenatam materiam in hypochondriis & partibus vicinis ventriculo, quæ non ita cito, sed tempore vomitione excludenda foret. Nec aliter contigit. Nam quum diuturnitatis morbi omnes pertaderet, consultum tandem est, ut recreatis paulum viribus mane injiceretur clyster acris: tribus post horis, cassia daretur. Natura irritata, sursum deorsum excrevit. Sursum quidem æruginosam, pallidam, ac varii coloris bilem, & mixtos alios humores adeo insigniter corruptos & foetentes, ut nemo odorem ferret; immo locus totus inquinatus est. Ab eo tempore allevata. Tamen perseveravit alvi fluor continuis decem diebus. Ac plerosque alios pari modo affectos vidimus, præsertim de orificio ventriculi conquerentes. An ubi dolor, ibi morbus? Nequaquam. Idest, non est existimandum in illa tantum parte latere humorem: sed quum humoris pars in eam partem sese insinuet, alia hæreat in vicina, in illa maxime parte sensus tristis percipitur, in qua exquisitior sensus est. Nam fere fit ut eadem causa partem unam occupante, ejus partis non tota moles patiatur: sed in ea maxime particula dolor viget, in qua exactius sensus judicium. Ac (ut curationis earum rerum momenta attingamus) in ejusmodi morbis duo maxime videntur præstanda, ut leniter & blande cum ægris agamus, & per intervalla tantum. Quoniam quanto magis annitiniur eam materiam amoliri, tanto contumacior redditur materia: immo id consequimur quod docte admodum scribit Hippocrates 4. de Diæta acut. Qui inflammationem medicamentis nititur demoliri, tantum abest ut aliquid agat, ut & partem inflammata irritet magis, & partibus sanis vicinis colliquationem conciliet. Quid agas igitur? Sequendum est Hippocratis & Galen. consilium: Illius quidem, *Cocta, non cruda movere oportet*. Hujus vero: *Quum natura causis morbificis obruitur, estque humorum cruditas, non potis est quicquam salutariter excerni*. 4 Quod utrumque consilium hodie nihili penditur: quia ne nihil agere videamur, remediorum inutilium, id præsertim temporis, copia misere ægros torquemus. Sensim atque sensim progrediendum. Et tamen in illis morbis fixis magnam vim demolientem requirat, id docte dictum est, sed bifariam intelligi debet. Magna vis demoliens requiritur, tempore & loco, nimirum præparato & tentato prius corpore, & meatuum libertate comparata. Quod consulit ubique Galenus. Immo in calidis etiam morbis non videtur omittere decoctum hyssopi & origani. Vel alio modo, id per comparisonem intelligi debet. Nam illo loco loquitur de illis morbis qui eadem hora sæpe repetunt, quorum quum certa sit sedes, & fixa in illa materies, non est dubium quin validioribus medicamentis utendum sit, supple, quam in illis morbis in quibus orgasmo incitatur materies, & nondum loco se conformavit. Ita nimirum melancholicos ἀδρονέπως 5, idest, valida manu, expurgandos, incitandosque consulit Hippocrates. Et tamen in febribus quartanis, & aliis morbis, quos nemo negaverit esse melancholicos, consulit idem Galenus mitissime



agendum initio, ne si irritetur materia, efferetur magis, & morbus augeatur. Quod nos sæpe experientia observavimus. Alia ratio medendi est, ut vomitu excludatur, si fieri possit, materia. Nam quoniam ventriculus afficitur, & materia tenet obsessas modo indicibili partes vicinas ventriculo & lieni, non est dubium quin vomitus multum conferat. Et sensim atque sensim parandus est humor, ut excludatur vomitione: Ut non sit mirum, si veteres sæpe vomitiones præscripserunt ad primæ regionis evacuationem, quum illarum magna sit opportunitas, ne tam commode materia angustis viarum conclusa per intestina non referatur. Nec ad unguem capienda Hippocratis verba, *Qui dolores supra diaphragma, &c.* Nam & ventriculus infra diaphragma est, & gibbæ hepatis, & tamen sæpe magno profectu vomitione juvantur, exclusa materia quæ in illis partibus continebatur. Sed accuratius aliquo loco mihi visus est Galenus philosophari, qui totum corpus in duas partes partivit: ut una dicatur superior, cujus major est dignitas; alia inferior, cujus minor excellentia. Inter partes superas censet gibbas hepatis ob excellentiam: inter inferas, ejusdem hepatis sinus. Ut ab auctoritate & decretis Galeni non discedamus, si dixerimus per partes diaphragmate superiores (ut vocat Hippocrates) paullo latius intelligere nos posse eas partes quæ a Galeno dicuntur superiores, inter quas & ventriculus totus, & gibbæ hepatis censebuntur. Itaque illæ partes vomitione exonerabuntur. Etsi enim Hippocrates dicat diaphragmate superiores per superiora purgandas, quis dubitat tamen ophthalmiam fluore alvi non juvari: & nos ad imitationem naturæ alvum sollicitare posse? Item licet melancholici propter inclinationem humoris per inferiora purgandi sint, quis dubitat & fanaticos, & quartanarios, & elephanticos non & curari, & juvari plurimum vomitione? Quod & Paullus, & Galenus, & Aetius asseverarunt. Itaque non ita ad unguem exquirenda dicta Hippocratis, quamquam non ab eo temere dictum scriptumve sit: sed in plerisque communis sensus versatur, tamen & ratio, & experientia aliud fieri docent. Quamobrem non abs re summus Hippocrates dicebat similitudines & dissimilitudines morborum bonis & eruditis Medicis sæpe imponere. Nam symptomatum varietate ludimur, & excrementa morbum alium pro alio supponunt. Ut in prognosi instituenta præcipites nimium esse non oporteat, nec in eadem securos & tardos. E medio enim quempiam tolli non prædicto morbi exitu, quum præsertim historia morbi integra cognita est, Medico dedecori vitioque verti debet: ut & calumnia non vacat metu agros terrere, & omnia periculi plena asseverare. Quamquam propter ægrorum nostrorum intemperantiam vereri potius debemus, quam imprudenter esse securi. Exstare potest historia nobilis mulieris. Illa ad mensem Februarium in tertianam febrem infestissimam, & gravissimis symptomatis fetam. Concutiebatur admodum. Corpore erat bilioso, parum carnosum. Undecima accessio non fere apparuit, amuletorum usu intercepta. Ab eo tempore sitis ingens, vomitiones bilis meracæ. Lingua prærubra: dejectiones liquidæ. Alvus nonnisi & clystere & medicamento simul exhibito movebatur. Virium prostratio:



jectigationes : satis placidus somnus ex intervallis : a refluxu bilis in ventriculum animi defectiones . Exhibitum medicamentum validum : eodem die injectus clyster : nocte consequente interiit .

6 Fallebantur plurimum Medici : Et ejusmodi error in multis contingit idem . Nam sæpe subesse glutinosum , viscidum viridemque humorem in cavis hepatis falso comminiscuntur , unde febrem foveri existimant . Sed errant foedissime , & incommoda ægrorum pessime peccant . Dum enim hoc commento decipiuntur , misere exercent ægros validis medicamentis , & ita capitis periculum creant . Nam dum subest exiguus humor , qui tempore naturæ gratiam recuperet , non est quod ita ægros nostros conflictemus , & de iis ita pessime mereamur . Et multos ita observavimus iisdem fere diebus mortuos quibus medicamentum sumserunt : immo sit ita : lentus est humor , an propterea ita agitandus ? Nam non est dubium quin ex sententia Hippocratis ducatur medicamento id quod tenuius est , remanet quod crassum , & contumacius redditur multo .

Medici ita putabant illam mulierem reclusa continere pituitosa excrementa , quibus nisi eductis , non consequeretur sanitas . Lingua squalida erat & prærubra , luridi dentes , quod incendium summum denotabat , & sitim vix inextinguendam . Paucus erat humor , & erat talis , qualis est rubra bilis . Quidam dicebat lentæ hujus febris materiam in parenchymate & venis hepatis conclusam , & tunc dolor non sentitur nisi gravis : quod si externam potius faciem hepatis occupat , dolor tunc sentitur ; hinc œdematosum quodammodo fit hepar , & a solutione hujusmodi œdematis sequitur hydrops , aut simile aliquid . Quod in plerisque verisimile est fieri , qui de repente in hydropi similem affectum incidunt . Et hoc in morbis longis usuvenit . Nec desinunt multum mehere . Resolvente hepate humorem , qui , si per squalorem cutis non possit excuti sudore , per urinas secedit . Et hæc mulier multum mejebat . 7 Et nihil allevabatur . In tribus peccabant urinæ . Plures erant , crassiores quam pro natura morbi biliosi . Nam in hoc non est bonum ita crassas apparere urinas : item ardentissimæ & admodum confusæ , 8 quod colliquationem designabat . Dejectiones exhibito medicamento erant colliquativæ , non foetentes , quod pessimum fuit signum . Nec longe post secuta mors . Quum vidissent ejusmodi dejectiones Medici , a medicamento abstinere debuerunt : quanto plus curæ impenderetur in purgando , tanto majus colliquationis periculum afferebatur .

Ego vero tam subito mortem obrepisse conjicio ob medicamentorum vim & efficaciam . Nec enim probabile fuit multos subesse humores , quum corpus ita aridum esset , excalfactum , & parum caperet alimenti . Avocare a medicatione debuit marcor , squalor . Tota cura in alteratione impendi debuit . Et quoties tale aliquid contingit , præparcos in medicamentis nos esse oportet . Afferimus enim tantum colliquationem partibus , illudque contingit quod scribit Hippocrates : *Si quis inflammationem amovere nititur medicamento , non proficit quicquam , & σύντηξιν partibus affert* . Non est itaque negligenda animadversio illa corporis ægrotantis ,



ne falso aliud pro alio supponentes, misere agros in mortem conjiciamus.

## ANNOTATIONES.

1 Sape multa audenda sunt cum ratione, quia sedes & idea morborum sensum fugit: & nosse oportet illud verum esse quod scribit Hippocrates lib. de lege: Timiditas in medendo, impotentiam; audacia, ignorantiam artis significat.

2 Quum conclusa materia aliqua aruginosa, aut ejusmodi alia dolores colicos excitat, & inanes vomitiones, prudenter adstringentibus utendum est, quia eorum usu coercetur magis, & obstructionis occasio major est. Vide pag. 11. lib. 1. Epid. meorum.

3 Ab utero excitari putabant Medici, & in eo humorem melancholicum conclusum esse. Et Hippocrates lib. de morbis mulier. vocat atram bilem in utero. Datis uterinis remediis, melius habuit.

4 Mirum est quod hodie in duobus graviter peccetur, in quibus tamen veteres admodum accurati fuerunt. Nam & sine ordine, & assiduo purgamus cocta, incocta, aut qualitercumque affecta. Item diebus criticis & secamus venam, & purgamus; ut mirum non sit si agros saepe in vita discrimen afferamus. Quod diligenter annotavit Hippocrates 4 de morbis: & ille locus „ memoria mandari debet. Quod humor, inquit, diebus imparibus moveatur, certa sunt indicia quod iisdem diebus dolor maxime affligat, & ulcera inflammentur. Et quod quicumque a febre continua correpti, phar- „ maco purgatorio in diebus paribus usi sunt, hi nimium purgati sunt numquam. Qui vero diebus imparibus medicamento forti usi sunt, nimium sunt purgati, & multi perierunt. Proinde priores Medici in hoc aberrarunt; nam quia humor turbatur, & ad ventriculum affluit, & protruditur, afflicto datur afflictio.

5 Nuper agitabatur consilium de muliere laborante melancholia hypochondriaca, dictum est in illa observari debere aphorismum illum, Melancholicos per inferiora ἀδρῶτες purgare oportet. Ubi disputatum est de illa particula. Nam illud receptum est quo magis morbos melancholicos & corpora melancholica agitaveris, eo minus profeceris, incidunt saepe in leipothymias. Quod ostendit Domina ab Insula, quam non credibile est exerceri affligique quum repurgatur. Item docet illud illius mulieris quæ quartana laborabat. Nam quum desisset saepe febris assumpto medicamento ex folliculis, statim sepulta febris suscitabatur. Ego objeci Dureto febres quartanas: respondit febres quartanas non indigere purgatione. Sic intelligendus aphorismus Hippocratis; Melancholicos valide purgabis (si modo purgatione indigeant.) Quartanae autem sunt morbi melancholici, sed purgatione non egent. Itaque de iis non intelligitur aphorismus. Præterea intelligit adverbium illud ἀδρῶτες multum & saepe, ut frequentia compenset majorem vehementiam. Validum revera debet esse medicamentum, quod humori melancholico purgando destinatur. Nam quum sequax est humor, & pellenti naturæ cedit, non requiritur magna demoliendi vis (ut loquitur Galenus quodam loco)



loco) sed quum abstrusus est humor qualitate malus, quantitate paucus, non requiritur magna agitatio. Sed ubi est magna copia talis humoris, & non potius urget dispositio & mala qualitas (ut fit in atrabilaris morbis) validis medicamentis locus est.

6 Pulsus in illa muliere non videbatur esse febrilis, nisi quod paullo frequentior esset. Sibi equalis erat, & nullam mutationem representabat. Nam revera febris quodammodo hectica erat, & pulsus hecticus, ut vere loquamur. At diligenter videndum ne nos iste pulsus decipiat: Quia enim fere sibi equalis est, non videtur febrilis. At contra est, sed non apparens; siquidem nec in humoribus, nec in spiritibus malum est contractum, sed in partibus solidis.

7 Dejectiones illae colliquantes erant & sincere. Quae quoniam eductae sunt a medicamento, significabant nihil subesse amplius quod purgaretur. Atque in hac muliere verum illum aphorismum percepi: In morbo diuturno cibi fastidium, & dejectiones sincere, malum. Aphorif. 6. lib. 7. Cibi fastidium malum, quum contra, appetentia magna esse debeat in longitudine morbi. Sincerae autem dejectiones exustam esse omnem nativam humiditatem a calore febrili demonstrant. Præterea observavimus illud verum: Quibus cutis circumtenditur arida, & sine sudore, illi moriuntur. Nam nullo præeunte sudore inopinantibus omnibus nobis erepta est. Tamen quidam interpretes Hippocratis vertit τελευτᾶν, quod mori, vertitur, ἀντὶ τοῦ κρῖναι, sumi vult. Sed nil interest; nam & crisis una est ad mortem, altera ad salutem.

## CONSILIUM XXXV.

### De Scabie, & Pustulis.

JANUS Memmeus annos natus duodecim, toto corpore scatet scabie, pustulis, & iis quæ a Celso epinyctides vocantur. Urinæ aquosæ. Alvus fluit, reddit putria: dolores ad umbilicum ac si dysentericus fluor esset. Non proficit edendo. Metus aut hydropis, aut consumptionis. Pruritus erat insignis. Initum est consilium, ut qua arte consuleretur huic corpusculo diu noctuq; prurienti, & nihil proficienti, provideretur. Ac primum de illo fluore actum est. Prima quidem fronte videretur alvinus: tamen alvinus non est, licet albicans; quia quæ dejiuntur, cocta sunt, nil aut parum crudum est, quod indicat ventriculi integritatem: sed totum hoc consistit ἐν ἀναδόσεως ἀπολήψει, in distributionis interceptione. Ita enim rapitur cremor crassior, & devolvitur ad interiora. Sic augetur fluor, quia augetur obstructio mesaraicarum per quas deberet ferri cremor ad hepar. Dejectiones satis indicant non ferri cremorem ad hepar: Item quia corpus non nutritur: Tertio dolores qui ad umbilicum excitantur, ubi debet fieri secretio chyli & stercoris. Nam chylus in ea parte cunctatur, & quia non rapitur, acrimoniam & corruptionem acquirit: sic præter naturam delabens in crassiora intestina in loco separationis dolorem excitat. Et tenues urinæ satis indicant vias obstructas plurimum.



rimum, ut alliciatur tantum quod est magis aqueum. An nil attrahit hepar? Attrahit aliquid tenue: & quia præcalidum & ficcum dum non habet unde exsatiari possit, recoquit illud, retorret, calfacit supra modum; hinc corruptio, & ab ea corruptione tuberculorum proventus. Non est magna phlogosis, tametsi ariditas & calor corporis hoc indicet satis, quia non febris, non rubor, non amaror oris, non dejecta appetentia, contra appetit plurimum. Et his argumentis conjectum est, calorem, qui in hepate plurimus quidem est, hæc symptomata non attulisse: nisi quod attractum tenue aliquid per obstructas vias retorruerit: sed id tribuendum interceptioni distributionis. Nam quotiescumque in calore, siccitateque hepatis obstructio venarum est mesaraicarum, non est dubium quin hepar attrahat aliquid tenue & ferofum, quod quum alendo non satis sit idoneum, in pravum abit humorem.

Ergo quum quicquid hic sit, accusanda sit obstructio venarum mesaraicarum, unde pravorum humorum proventus, tollenda est illa omni ratione. Dubitatur autem an lenienti medicamento sit locus, an rhabarbaro. Labor intestinorum & laxitas impedit quominus leniens medicamentum usurpetur. De rheo major dubitatio. Nam siccitas & calor hepatis impediunt quominus tuto illud usurpemus. Sed hæc ratio nos inducit ad usum illius. Quum viarum libertas est, visque medicamenti pervenit ad hepar, tutum non est rheum: sed si obstructio sit mediocris, vel sesquipedalis (ut sic loquar) eo uti debemus, & tanto audaciores esse debemus quanto obstructio est major. Quod diligenter notandum quum de medicamentis calidis mentio injicitur. Ita enim dicimus aloem non calfacere hepar, licet impenſe calida sit, quod prius intestina pertranseat quam ad hepar rapiatur. Sorbitiones liquidæ valent, sed non succulentæ & glutinosæ, quod limosas dejectiones foveant & augent. Et hoc notandum est. Ter aut quater repurgatum corpus hoc medicamentulo.

*folior. cardui p. j. absynthii pontic. p. j. passular. integr. ℥ j. Fiat decoctio cum floribus, in colat. infunde rhabarb. ℥ j. j. cinnam. gr. 4. Fiat express. in qua dissolv. sacch. candi. ℥ iij. fiat potus.*

Cogitatum est præterea de sectione venæ. Quia enim in macilente illo corpore turgebant vasa, oppletaque erant pravo sanguine, necnon calor in hepate acer: præterea ecchymata & pustulæ quodammodo arderent cum pruritu magno in eam concursus est opinionem ut tuto secaretur vena. Præterea tabellæ hæc sunt institutæ.

*℥. rasuræ eboris, cornu cervi, margar. elect. ossis cord. cerv. an. ℥. j. pulver. Elect. diamargarit. frig. & triasantal. simpl. an. ℥. j. rasuræ unicornis gr. 10. cum aqu. card. infusionis ℥ j. sacchar. rosat. Fiat per tabellas Elevarium.*

## A N N O T A T I O.

1. *Admirationi fuit excretio urinarum tenuium & aquearum in bilioso hoc juvene. Nam quum Hippocrates in pueris tenues urinas omnino damnet, non est dubium quin in paullo grandioribus urinae tenues, aqueæ, non coloratæ, damnandæ sint quoque. Et dubitari posset an hoc obstructionem significet*



gnificet. Tamen occurrit locus insignis apud Hippocratem dum loquitur de urinis tenuibus, eas splenicis fatetur. In febribus longis (ait) tenuibus erroneis urinarum tenuium mictiones splenicae sunt. Aegrotabat, tamen febris perspicua non erat. Omnium Medicorum consensu is erat splenicus, & toto habitu melancholicus: Ita in eo si quo alio veritas Aphorismi deprehensa est, tamen in quibusdam splenicis urina saepe crassa & grumosa apparent, praesertim quum simul & semel feculentus humor per urinas excernitur.

## CONSILIUM XXXVI.

### De Febre Tertiana.

**P**UELLA annos duos cum dimidio nata, corpore bilioso, non ita pridem ablactata, incidit in febrem tertianam. Incredibile dictu qualia primum apparuerint symptomata. Nam toto corpore convulsa est ac concussa, ac eo res redire videbatur, ut de ejus vita desperaretur. Tamen exactis tribus aut quatuor diebus quum febris typum suum ac ordinem servare coepit, omnia mitiora placidioraque fuerunt. Vermes suspicabantur; frustra tamen, quum nihil tale toto febris cursu apparuerit. Ex simplice tertiana, facta duplex tertiana. Saepe febriles paroxysmi non apparuerunt, & praesertim diebus criticis. Multo sudore difflebat corpus; character faciei non concidebat: sanitati tandem restituta est.

Tria hoc loco jure quari possunt, quorum enodatio plurimum afferat adjuvamenti & voluptatis. Primum, ecquid fuit, cur tam subito symptomata haec funesta apparuerunt, quum tamen nihil postea tale contigerit. Unde hoc? Secundo, an quum febres periodicae finiunt diebus suis criticis, & non apparet paroxysmus quartus, septimus, undecimus, hoc sic tutum? Praeterea, an quarta accessio, aut septima, aut alia similis, cui aliqua decernendi vis tributa est, brevior, mitiorque esse debeat quam aliae intercalares? Tertio, an sudores ita conferti, & frequentes in febribus intermittentibus longitudinem designant; illud in omni morbo terrificum esse debet, quum morbi initioprehendunt cum pravis symptomatis; Declarant enim latens aliquod venenum. Nec enim credibile tam subitam esse causae morbum efficientis generationem ut est prompta & facilis ipsius morbi generatio & invasio; quod saepe experientia deprehenditur. Quoties enim comitate pravis symptomatis morbi invadunt, ferociuntque, de his vereri oportet. Et commemoratu dignus est locus qui legitur scriptus apud Galenum, comment. in historiam 4. section. 3. lib. 3. Epidemior. quo scribit Galenus interpretans cur quidam initio statim morbi phreniticus factus fuerit, & interierit tertio die, Scribit (inquam) delituisse in illius agri corpore humorem letali veneno similem, qui agens moram, & opportunitatem nactus statim funestum symptoma excitavit. Esse itaque debet venenati humoris suspicio, quoties citra causam ullam manifestam cum tanta symptomaton saevitia morbi quamprimum invadunt. Quod suspectum fuit in ista puella, cujus nunc historiam explicuimus. Convulsio ista & terrifica symptomata, aut summam nervorum imbecillitatem decla-



declarabant, aut malignæ materiæ ferociam & translationem ad genus nervosum, aut utrumque. Contulerat autem ad hujus morbi generationem puellæ ingluvies, & subita ad nova edulia conversio post ablactationem. Unde etiam muliercularum crebris sermonibus usurpatur, necesse esse cuique puello ablactato gravissime laborare. Omnis enim ad contrarium vitum conversio, immo & mutatio omnis, licet non ad deteriora, suspecta esse debet.

De periodis febrium dicam uno verbo: In nonnullis observavi accessiones criticas (voco autem criticas, facta comparatione cum acutis) ut quartam, septimam & ceteras ejus generis evanuisse plane, & tamen relapsi non sunt. Non quin restiterint aliqua quæ ægrum non immunem plane redderent. Sed an hoc tutum est? Revera tutum non videtur esse. Nam si ex sententia Galeni in lib. de diebus decretoriis, analogia est & proportio inter particulares accessiones morborum redeuntium typo, & acutorum morborum criticos dies: cur si septimus dies in acuto morbo criticus nihil ostendens, immo sine excretionem evanescens suspectus est, maleque fidam crisin facit, cur septima periodus non apparens suspecta non est? Et tamen videmus tertio paroxysmo finire tertianam, aliquando quinto paroxysmo. Bisariam respondere possumus: In acuto morbo quo magis tenditur ad septimum, aut undecimum, eo magis ad crisin tenditur, idest, subitam mutationem ad salutem, aut ad mortem. Hæc autem subita mutatio, quia litem controversiamque morbi dirimere debet, non potest fieri citra evacuationem aliquam; ideo si dies ille dispareret, infida crisis foret, quia crisis necessaria est: At in morbis intervallum quietemque habentibus non ita fit. Non enim κρίσις, sed λύσις hic spectatur. At lyseos ratio ea est, ut non desideretur aliqua subita mutatio. Satis est si tempora adsint, ut sit vigor, incrementum, & declinatio. In febre autem tertiana (quæ etiam cum acutis morbis aliquid commune habet) fieri potest ut quarta accessio sit valida, vigoris rationem obtinens: Sic septima periodus quæ in exquisitis tertianis vixdum expectanda est, erit mitis, blanda, nihil molestiarum agro afferens: immo videmus eos sæpe quos periodicis febribus defunctos vocamus, tum quum solita munia obeunt, iis diebus quos suspectos habere deberent, nonnihil prioris morbi persentiscere, quum tamen vere non febricitent. Altera ratio: Apud Hippocratem, tertius, quintus, & nonus dies nonnullam judicandi vim habent: immo qui sudores illis diebus apparent, boni judicantur ab Hippocrate: cur non febris tertiana cum sudoribus non desinet tertia accessione, quinta & nona, quod & sæpe observatur? Tertium accedit, quod nimirum si verum est, ut jam ante docuimus, & verum esse deprehendimus, tum quum a febre nos immunes esse credimus, nonnihil etiam sentire prioris morbi, aliquando leniter perhorrescere, aliquando siti vexari, declarat hoc non necessarium esse morbos periodicos eodem solvi modo, quo & solvuntur critici & acuti morbi: idest, non est necesse criticas periodos faviores gravioresque aliis, præsertim quum de ultima periodo quæ criseos videtur, nonnullam habere rationem, intelligitur. Tamen in puella nostra observavimus septimam & undecimam periodon non apparuisse, unde recurrit postea:



Ita. At in Domino Magno Sangermano tertiana febris tertia periodo finivit, quum tertiā vehementissima fuisset. Abunde repurgatus fuerat: sudores conferti, & quamplurimi: immo prima accessione, illa etiam ineunte, ita corpus diffuebāt, ut plane videretur exsolvi. Unde tertia quaestio oboritur de sudoribus. An non tuti salubresque illi sudores, qui tanta copia apparent ineunte morbo? An longitudinem portentant? an non aliquid aliud? Ea de re paullo plenius dicemus. Copia sudoris, ex sententia Hippocratis sect. 4. Aphorism. aut copiam alimenti, aut humorum supervacuorum expurgationem sui requirentium docet, aut morbi longitudinem. De tribus his aperiendum est. Quum quis a somno multum sudat, ut non sit aliqua ἐφίδρωσις ἀλλὰ ἰδρῶς πολλὸς καὶ καθόλου τῷ σώματι ἐπιχεόμενος siquidem ἐφίδρωσις fumitur pro particulari sudore, καὶ τὰς κληιδας, declaratur assumptio multi alimenti nequeunte natura subigere ac domare tantum alimenti. Sin autem ὑπὸ τῷ ὕπνῳ, ( quod non significat finem somni, sed dum quis jam somno comprehensus est ) aliquis sudat, ἰδρῶ τὶ πλεον, non praesumpto multo alimento, hoc purgationem significat. Sed Hippocrates aliam distinctionem affert; scribit enim: *Sudor multus febre superveniens, qui febrem non solvit, longitudinem morbi significat*; quasi dicat: Sudor plurimus per se longitudinem non declarat, ut plerique sine diorismo solent affirmare; sed si febrem, aut alium morbum in quem incidit non solvat. Atque ex hoc loco erui potest distinctio quaestionis quam hoc loco afferimus, *An sudor multus ineunte morbo tutus & salubris?* In plerisque morbis initio erumpunt sudores multi, qui longitudinem morbi non significant. Nam quum symptomaton allevatio sequitur, non est dubium quin sudorum copia ad morbi brevitatem appareat. Etenim & meatuum libertatem designat, & materiae praeparationem, & vim naturae maximam. Si autem non sequitur sedatio symptomaton, sed post sudores, si partium imbecillitas quaedam & veluti perfractio quaedam, sudores boni non sunt, sed imbecillitatem naturae, & contumaciam materiae significant. Exspirat enim quod tenue est, remanet strigmentum quoddam, quod morbi parens est & auctor. Itaque quod peculiariter dicebat Hippocrates, scribens, *Sudor multus febre superveniens, febrem non tollens, morbi longitudinem significat*, id in omnibus intelligi potest. In omnibus enim morbis excretionis omnis ea debet esse ratio, & aestimatur, ut inde sequatur allevatio aliqua, aut nulla. Si illo modo, bonum, hoc, malum est; immo vero plerique Medici secuti Hippocratem, qui ephidrosin ubique damnat, quum partem tantum sudare vident, hoc in bonis non ducant. Errant autem plurimum: nam si ubi morbus, ibi sudor; & ubi sudor, ibi morbus: cur in capite solo emanans sudor non erit dicendus in bonis? Et hoc experientia notum est, saepe particularis sudor plurimum confert. Quod autem Hippocrates in parte manantem sudorem damnet, illud debet intelligi, ubi generalis sudor esse debet, & in parte tantum apparet, non est dubium quin malus sit. Sed si pars aliqua peculiariter laboret, quid obstat quominus circum partem illam sudor manet optima ratione apparens? Ceterum videndum ne mador nos decipiat; nam in plerisque morbis mador apparet opinionem faciens veri sudoris, sed perperam.



ram . Itaque quum de sudoribus pronuntiandum , temere id non præstandum .

## A N N O T A T I O .

*Ante de sudoribus abunde diximus, ac nodum istum explicare enixi sumus, qui fiat ut quartanariis jam valde siccis, squalidis, ac strigosis redditis tantis sudoribus corpus diffluat. Id quod M. Guillelmo Archicoco contigit. Primum iis qui febre laborant quartana, ut jam febris hectica improprie dicta sit rudimentum aliquod, partes internæ jam aruerunt, & ignem conceperunt: & more proprie dictorum hecticorum, quum ab alimento humectantur incalescunt; quoniam caliditas arida ab humida substantia humectatur: sed rationem eamdem forte adducere oportet tam copiosi sudoris quam in hectica Empyicorum febre attulit Galenus ad part. 60. lib. 2. Prognost. Copiosi sudores eliciuntur ( ait ) in empyicis ob virium debilitatem, eo quod diductum ac distributum alimentum discutiatur. Leonicens scribit, eo quod alimentum dejiciatur. In Græco legitur διαφορευμένη τροφή. Legatur iste commentarius Prognosticon.*

## CONSILIUM XXXVII.

## De Febre purpurata.

**Q**UUM paullo ante nobilis puellæ historia ob oculos poneretur, injecta est mentio de horrifico symptomate quod illam ineunte morbo non sine veneni suspitione invasit . At in ea re Galeni sententia explicata est . Narratum est quomodo venenatæ qualitatis suspicio esse debeat, quum sine ulla manifestâ causa morbus adoritur symptomatis gravissimos comitatus . Nil enim tale contingit nisi aliquid subsit latens & deses quod virulentiam suam statim explicet . Quod non ita pridem in quodam apparuit manifesto . Quum paullo liberalius genio indulgeret in aulico comitatu, in morbum incidit . Valetudinarius degebat : lateris doloribus erat obnoxius . Paullum recreatus Lutetiam venit : liberaliter satis vixit, & consuetudinem cum uxore habuit . Circa mediâ noctem febricitavit . Hora dici octava matutina febriebat admodum, facies intumebat : dolitabat hypochondrion sinistrum : oculi feroces . Circa meridiem abdomen totum de repente intumuit : labascebant vires : tumor pedum disparuit . Secta vena malleoli exiit sanguis putris . Octava sero quum suffocationis periculum immineret, ne quid in capite nostro cuderetur, initum est consilium quo quo res evasura esset, de aperienda vena . Circa quartam nocturnam interiit . Exinctus statim intumuit . Corpus exaratum erat & defœdatum pustulis, aut maculis potius livescentem . Cardiacis pugnatum est . Memoratu dignissima hæc historia, tum ad prognosin, quæ hic maxime commendatur, tum ad declinandam calumniam . Occultum in corpore venenum delitebat .



## CONSILIUM XXXVIII.

*De Melancholia hypochondriaca.*

**D**E Melancholia hypochondriaca ante disputatum est, ac quasitum an in ejusmodi affectu vehementi cathartico locus foret. 1 Ubi per diorismum dictum est in nonnullis affectibus melancholicis vehementer purgandum, in aliis clementer. Ac multi melancholiam hypochondriacam meminerunt, & hujus morbi nomen crebro usurpatur, sed quod proprie significet, quis locus affectus, cur ita appelletur, quum non sit necesse melancholicum humorem in vitio esse, an intemperies sola sit, an morbus in conformatione, nondum satis definitum. Magna tamen dignum est commentatione, quod id plurimum ad curationem conferre videatur. Affectus ille Melancholia Hypochondriaca vocitatur, morbus flatuosus, & dispositio hypochondriaca. Quod videtur indicare focum sedemque mali in hypochondriis existere. Hypochondriorum autem nomine intelligitur hepar, lien, mesenterium, epiploon. Galenus 3. locor. affector. scribit: *Affectus Melancholia vocari solet, indicante nomine humorem qui morbum committit.* Si nomen indicat cujusmodi humor sit, dubium esse non videtur quin aut atrabilarius humor sit, aut melancholicus simpliciter; quasi dicas sanguinis faciem. Tamen in contrariam partem potest adduci id quod a Galeno scribitur eodem loco: *Circa ventriculum prima incipiunt accidentia, & ipsis auctis melancholica sequitur affectio, & alvi dejectione, & vomitu, proba coctione & ructibus is levatur qui laborat.* Si circa ventriculum prima rudimenta apparent, si cruditas multa quæ correctione & mitigatione indigeat, non videtur consentaneum ut aut atræ bilis, aut humoris melancholici copia adsit, quæ flatuosum morbum generet. At bifariam responderi potest: Cruditas illa tantum ex eventu fit; fit enim ob obstructionem: obstructio autem ob calorem: sic in angustis viarum hæret humor, qui tempore recoquitur & adurit. Secundo loco ita respondeo: Cruditas illa non constituit hyparxin melancholiam hypochondriacam, quæ & flatuosus affectus a veteribus nuncupatur: sed flatus qui generantur, tum a calore præter naturam in hypochondriis contento manant, tum a materia semicocta quod commisit obstructio. Et quod dicitur circa ventriculum prima apparere accidentia, non est hoc dicere vitio ipsius ventriculi melancholiam hypochondriacam incipere: sed quum obstructio sit primarum venarum quæ pyloro proximæ sunt, sese primum ostendit & exerit morbus in ea parte. Accedit quod pars ea sit exquisito sensu prædita, hinc fit ut in ea facile appareant dolores, & excitentur symptomata. Sed ne absque auctore quicquam in medium adducamus, confirmanda prima est ratio, qua dicebamus cruditatem tantum ex eventu fieri, quod nimirum ratione obstructionis contingeret: obstructio autem præ calore in partibus illis contento. Audiendus est Diocles 3. locor. affect. cujus sententiam probat Galenus, in eo tantum imminutum Dioclem ostendit, quod quum præclare sentiret de melancholia hypochondriaca, ejusque naturam & inge-



ingenium ostenderet, non dixit tamen quomodo fiat ut in melancholia hypochondriaca fugacia sint in cerebro spectra & phantasmata. 2 *Oritur a ventriculo morbus, qui flatuosus & melancholicus dicitur, quem sumto cibo maxime coctū difficili & caustico sputum multum idemque humidum comitatur, item ructus, flatus, æstus in hypochondriis: interdum ventriculi dolores vehementes, qui nonnullis ad dorsum usque procedunt, concoctis cibis mitescunt, mox aliis ingestis recrudescent; interdum jejunos, interdum a cœna molestant: evomunt crudos cibos, phlegmata acria, acida, ut eis dentes torpedine afficiantur. Ceterum flatuosos istos necesse est habere plus caloris in his venis, quæ alimentum a ventriculo excipiunt; & sanguinem crassiores factum esse &c.* Item & addit illud Diocles 3. Ajunt nonnulli os ventriculi quod intestinis continuatur in hoc morbo inflammari, ac ob inflammationem obstrui, ac prohibere ne alimenta statuto tempore ad intestinum descendant, & ita diutius in ventriculo quam decet manentia, timores & æstus, & reliqua similia efficiunt. Hæc sunt quæ a Diocle scripta sunt. Ubi notandum est velle Dioclem in hypochondriaca melancholia affici ventriculum, & primam mali labem ab eo esse, verba enim hæc sunt: *Oritur a ventriculo morbus*: Ac si diceret, & in ventriculo, & a ventriculo eum manere. Quod tamen verum non est; siquidem ventriculus integram suam habet temperiem, & quæ cruditas adest, non est ad ventriculum referenda ut innocentem, sed ad prohibitionem distributionis alimenti ab inflammatione & obstructione. Sed Galenus eodem loco rem paullo plenius explicat; nam conceptis verbis ita scribit: *Circa ventriculum prima incipiunt accidentia, ac iis auctis melancholica sequitur affectio*. Ac si dicat: Elucet in ventriculo & partibus vicinis melancholici flatuosique morbi prima rudimenta, quod illic primum mali seminarium, non a ventriculo ipso, sed a venis pyloro vicinis inflammatis & obstructis: non quin afficiatur aliqua ex parte ventriculus, sed non tam affectus est initio ad generationem mali, quam progressu morbo afficitur ad mali incrementum; idest: Quum in hypochondriis malum figitur, & confirmatum est, ac tum vere vocatur Melancholia hypochondriaca, malum serpit ad ventriculum, & tunc cruditates multæ fiunt ob contractum in consortium ventriculum: & sic malum malo aditur. Sed in principio hypochondriacæ melancholiæ, ventriculus quidem in sese non laborat, sed tantum ratione obstructionis viarum quæ a ventriculo excipiunt chylum & cremorem: Et dolores maxime excitantur dum natura molitur *αὐτὰρ οὐκ* illius cremoris. Itaque tamen & prima rudimenta circum ventriculum appareant, & actione, mitigationeque alimenti in ventriculo malum & dolores sedentur, item a Diocle dicatur a ventriculo natus morbus, non est accusandus ventriculus tamquam primus melancholiæ hypochondriacæ auctor.

Alia major oritur difficultas, quid velit Dioclis oratio hæc, Inflammat os ventriculi quod intestinis continuatur. Opinio quidem aliorum est, sed illam Diocles sequitur, & Galenus. Et quoniam majoris auctoritatis est sententia Galeni, utpote singula exactius æstimantis, in ejus verbis hæreamus. Duobus ex locis, aut tribus potius convincere possumus hypochondriacam affectionem a phlegmone (ita enim *φλεγμονῆς* nomen usurpavit Galenus) pylori, & partium vicinarum: ut in le obstructione fiat, & ab ob-



structione alimenti distributio impediatur. Primus locus est is: *Videtur quidem in pyloro ipso inflammatio esse, sanguis autem in parte inflammata contentus, & crassior, & magis melancholicus fit.* Locus alter est, dum rationem reddit cur affectiones & perturbationes melancholicæ eorum mentem percellant, qui hypochondriaca passione detinentur, scribit, *sublata evaporatione ab atra bile fuliginosa, melancholicaque in cerebro accidentia pullulare.* At atrabilarius humor non illic generatur nisi per assationem & adustionem. Adustio autem ab immodico fit calore. Tertius locus est: Melancholiam hypochondriacam, & melancholiam cerebralem (ita enim loquar clarioris Doctoris gratia) quum nimirum per se & primo melancholicum est, dum explicat Galenus, eamdem generationis rationem esse vult, sed diverso loco constitui; nam illic in hypochondriis fit, hic in cerebro. At dubium non est quin ea passio melancholica, quæ cerebrum primo ac per se occupat, generetur per immoderationem caloris in parte frigida, cerebro nimirum. Quod si ita sit, cur non idem continget in hypochondriaca? Audiatur Galenus de cerebri melancholica passione loquens: *Fit melancholica cerebri passio affecto prius calidis dispositionibus cerebro, aut astuatione, aut phlegmonosa passione, aut phrenitide, interdum a sollicitudine, maestitia, cum vigiliis.* Quæ quum ita sint, paullo accuratius videndum quomodo intelligatur ea periodus. De phlegmone pylori & partium propin quarum, ut eam necesse sit adesse duabus de causis, tum ad assandum, recoquendumque alioqui pituitosa affectio esset tantum (si sola obstructio foret) non autem atrabilaria, tum ad obstruendum, ut & Galenus & Diocles explicuerunt.

Sed si phlegmone sit aliqua, aut phlogosis, cur hic apostema non fit, cur non adest febris? immo necesse esset morbum acutum esse, quum fieri non possit quin inflammatio pylori non afferat febrem acutissimam. At Melancholia morbus longus est, & lento gradu procedens, maciem & mortem tandem afferens. Quæ causa est cur ex recentioribus Rondeletius, & Dioclis & Galeni opinionem rejiciat. Nam si inflammatur pylorus, & ob inflammationem sequitur obstructio, & ab obstructione prohibitio distributionis illius cremoris, qui a ventriculo decidit distribuendus in venas mesaraicas, necesse est illam satis insignem esse.

Atque ut quo animo, eo certe benevolo veteres aliquid scripserunt, quo tamquam nobili hereditate posteritatem carere noluerunt, eodem illud ipsum excipiamus. Honorarii arbitri vices obeuntes, veterum opinionem cum posterorum scriptis conciliabimus, ut plus veritatis ratio & nomen apud nos possit, quam præjudicata cujusquam opinio.

5 Qui sunt corpore squalido, macro, sicco, pulsu satis infirmo, aut qui prærubri sunt *ἡσυχώδεις* Græci vocant (de quibus etiam Galen. 3. locor. affector.) ii melancholici hypochondriaci sunt obnoxii. Item qui curis, ægritudinibus, perturbationibusque animi concutiuntur, qui generosis vinis dediderunt sese, eos in melancholiam hypochondriacam præcipites ruere testatum satis est. Quo fit ut mirum non sit, si desideretur inflammatio aliqua in partibus illis, quæ & retorreat in hypochondriis humores, & ita obstruat. Inde hypochondriorum æstus, inæqualitas in calore & frigore, vincente vi-



Etoque calore, & materia superante calorem, & ab eodem superata. Itaque nomen phlegmones non ita stricte accipiendum, ut illic tumor sit, sed pro phlogosi usurpandum. Non quin ille calor quico loci exuberat, & materiam contumaciorem reddat, exsucto tenui quodam humore in tetrum vaporem degenerante, tandem coacervet aliquid quod proxime in flatus faceffet, partimque tumorem aliquem in partibus illis excitet. Accedit quod dominatu illius caloris quodammodo febrilis vasa quadamtenus conniveant & concidant; hinc major coacervatio, hinc obstructio, hinc alimenti impedita distributio. Sic nimirum hypochondriaci dum vel minimum alimenti sumserunt, videntur impleti, satiatique, nequeunte distribui alimento ob viarum angustiam.

Itaque cum recentioribus statuendum est vitio splenis, mesenterii, & intestinorum melancholiam hypochondriacam contingere; Intemperies enim est mesenterii, vel venarum mesaraicarum, quæ ad intestina & ventriculum deducuntur. 6 Et intemperies illa potius juncta est cum caliditate & siccitate aliqua; item cum obstructione a crassiore sanguine, cujus pars tenuior halitus modo a calore adurente excitata summittitur in cerebrum, crassior autem deses, ignavaque resistit, & calorem obruens, & gravitatem in partibus illis afferens. Itaque ut de Curatione verbo dicatur; Temperatio illius caloris acris, obstructionis libertas omni ratione est procuranda. Optima autem victus ratio primas hic tenet: quandoquidem in omnibus illis morbis qui partes illas obsident quæ nutritioni dicatæ sunt, præcipuum curationis momentum in optima victus ratione consistit.

## A N N O T A T I O N E S.

1. *In melancholia hypochondriaca unum quoque observandum est, ne similitudinis errore decipiamur, nimirum quod in thorace dolores sentiuntur ac si pleuritidis argumenta aliqua forent. Et ignari Medici ad remedia male confugiunt pleuritidis, quum dolor iste per hypochondrii sympathiam oriatur. In mercatore de Montargis hoc est observatum. Vide pag. 15. hujus libri.*
2. *Nota sputationem multam in iis quibus est affectus hypochondriacus, quoniam quum istam sputationem vident Medici, sæpe ad caput catharrosum recurrunt.*
3. *Delirare melancholicos non est dubium, quum melancholica passio definitur per delirium febris expers. Quamquam si materia acrior sit, & adusta, ut sæpe fit, suppressaque in corpore, non potest non adesse febris, ut annotavit Aetius: sed illa febris erit conclusa, latensque, prout natura humoris morbum efficientis efflagitat. Idem humor videtur & melancholicam & epilepticam affectionem efficere: quod annotavit Hippocrates 6. Epidem. dicens, Melancholici fiunt epileptici, & contra: prout humor vel in hanc, vel in illam partem repit. Nam si in corpus, epilepsia fit; si in mentem, melancholica passio. Mentis nomine temperamentum intelligitur, & quum dicitur ladi, activarum qualitatum xpaiois leditur. In qua crasi & temperatione ratiocinatio consistit, & ratiocinandi partes probe exercentur. Sic laeso hoc temperamento ab humore pravo, delirium fit. Hic duo queruntur præclara. Prius, si idem humor, sed diversis partibus contentus, Epilepsiam & Melancholiam inducit. An humor melancholicus & atrabilarius utramque affectionem inducere potest; Galenus cap. 7. lib. 3. de locis affect. hoc vult ex Hippocratis sententia. Sibi itaque consentiat Galenus, qui narrans illud.*



In febribus ex somnis timores, & convulsiones malum. aphor. 67. lib. 4. scribit: Si vaporum, humorumque multitudo ad atræ bilis naturam vergit, pavores fiunt; si talis non fuerit, labores ac convulsiones. Ergo magna humorum distinctio melancholica pathemata & convulsiva efficientium. Nisi forte dicat quis convulsionem illam non eam vere dici, quæ Epilepsia dicitur: sed comuni nomine pro quavis contractione. Hæc autem contractio non ita fit ab humore atrabilario ut ab aliis, quod tamen falsum videtur. Nam atrabilariis humoribus abundantes vidimus sæpe convulsos. Melius esset si diceremus verba hæc Gal. per comparisonem esse intelligenda, καθ' ὅσον καὶ μᾶλλον. Nam quum humor atrabilarius est, potius melancholicas affectiones quam πασμάδας efficit.

Posterius quod querendum dicebamus, si ideo melancholici delirant, quia in his obsidetur anima, idest; pars in qua anima, ratio & iudicium versatur, qua parte læsa, alterataque ratio cessat, illæsa vero constat. In Epilepticis vero non afficitur temperamentum cerebri, sed læditur cerebrum ut pars organica, non ut similis. Quare Epilepsia definitur Convulsio non perpetua cum mentis & sensuum oblesione. Questio hæc pulcherrima. Item, Si carus lædit actiones potius quæ sunt in cerebro; Apoplexia quæ sunt a cerebro, quod de Apoplexia dicitur, aliqua ratione de Epilepsia dici potest.

4. Ratio hæc est Rondeletii, si sit phlogosis, febris adest, eaque acuta. Errat tamen. Nam Gal. commen. in partic. quamdam 2. Prorrh. ait: Neque ventre, aut hepate, aut septo inflammato febris maligna est: forsan acuta est, sed ne hoc quidem perpetuum est: Sic ratio Rondeletii nulla est.

5. Galeni verba sunt cap. 7. lib. 3. locorum affect. & petita sunt ex Epidem. ut monet Gal. commen. in Aphor. 14. lib. 2. Prorrh. ubi docet quomodo εὐχποία malum sæpe signum sit: & ut qui sunt prærubri, sint melancholici.

6. In mania, quæ affectui melancholico est affinis, hic syrupus est prescriptus.

℞. rasura lign. sancti quart. j. cortic. ejus. ℥. j. infunde in aqua fluvialis lib. iiij. per sex horas, addendo polypod. ℥. s. enule camp. ℥. j. fol. senna ℥. ij. turbit. gummosi in vino albo cum paucis zinzib. ℥. s. colocynt. ℥. j. Bull. omnia in vase fictili luteato ad consumptionem mediæ partis. fiat col. ad lib. 1. Capiat. ℥. iiij. pro dosi.

## CONSILIUM XXXIX.

### De Hydrope.

**D**E aqua intercute olim a primariis Medicis disputatum est: ac præsertim quomodo vel primo fieret, vel alteri morbo succederet. 1. At disputationis huius prima hæc pars est: An nullus hydrops contingat quin affectum sit hepar per se aut per sympathiam: idest, quacumque in parte conceptum sit vitium, quod hydropis parens esse possit, nisi illud ad hepar perveniat, hydrops necdum generari, diciq; potest. Nam quum illius ὑπαρξίς in ἀποτυχία τῇν αἵματώσειω, consistat, hepar autem prima officina est, necesse est affectum in se jecur ut hydrops causam principiumque sumat. Posterior pars est ut inquiretur de modo quo aqua in ventrem abdomenque repit, ut inde tumor fiat. Ut de priore dicatur aliquid: In commentario in Prognostica, ubi ex professo de hydrope agitur, 2. Galeni ea constans est assertio, ut numquam hydrops generetur quin affectum sit hepar ipsum. Tamen duo genera hydropis constituere videtur; unum quod ad splenem pertinet: alterum quod ad hepar. Et quoniam (ait Gal.) in prognosticis cœptum est agi de acutis morbis



morbis, non autem de splenicis morbis, ideo de hydrope per affectionem ventriculi agitur. Ut Galenus videatur inducere alium hydropem per vitium ipsius splenis non affecto hepate. Nam si omnis hydrops sit affecto hepate, omnis hydrops ad acutorum morborum classem pertinet, ut quoties de hydrope agatur, toties de hepate, si modo vera est Galeni opinio. At commemorabilior est locus lib. 3. de symptomat. causis: illic Galenus docet *tympanitem vitio proprio ipsius ventriculi generari*: immo & ibidem, hydropis generationem venarum ipsarum vitio tribuit. Quod si ita est, non accusandum est hepar perpetuo, nec temere nostris remediis exercendum, quum sæpe in vitio non sit. Frustra enim adhibentur remedia, nisi primam mali sedem illis oppugnemus. Quoniam tamen communis ea est omnium veterum consensio, ut citra affectum ipsius hepatis hydrops non fiat, quicquid contra afferri possit, in eo est consistendum.

De posteriore parte plenius paullo dicendum, quod & plus habeat utilitatis, & voluptatis. Quoque difficilior est illius explicatio & examen, eo uberior fructus qui inde manare potest. Galenus non dubitat quin intemperies frigida hepatis hydropem generet: sed de obstructione major dubitatio. 3 Si obstructio aliquid facit, erit villorum & tenuium staminum quibus intertextum est hepar, quorum beneficio transumptio fit a finis ad „ gibbas, alimenti & sanguinis. Nec enim dubitat quin communicent extremitates venarum & villorum illorum, sed qua ratione per ora sua „ conjungantur, non facile intelligi posse asseverat. Sit ita sane; obstructio omnis impedit transitum humoris, sive illa ab inflammatione sit, sive a scirrho. Quod quum animadverterent veteres, rationi consentaneum esse dicebant, ut pars quæ in sanguine magis tenuis & aquosa est, transmutatur, atque vehatur per universum corpus: sincerus autem sanguis propter suam crassitudinem in cava visceris parte permanet. Et in hanc opinionem facile secederetur, nisi absurdum aliquod contingeret. Non est dubium quin aquosa pars sanguinis devehatur in venam cavam, & ab ea „ in abdomen rapiatur: sed non est verisimile remanere limum sanguinis, „ aut potius puriorem sanguinem. Nam si interceptus sanguis remaneat „ in angustis viarum, morbus aliquis sequeretur a plenitudine sanguinis, „ quum tempore multus cumuletur sanguis. Præterea continget crassior „ rem illum sanguinem in visceris venis præ illarum angustia retentum ad „ intestinum jejunum, tenue, colon & cæcum deferri, fortasse & per alvum. In leucophlegmatiis, & anasarcis, & tympanite nil cruentum per „ alvum excernitur: sed spatium abdominis aqua impletur. Hoc itaque „ absurdum contingeret, quod nimirum in hydropicis cruentæ essent dejectiones.

Sed dicet quispiam: An ignoravit Galenus hydropem contingere & ab inflammatione & a scirrho hepatis? Si ignoraret, summæ inscitiae arguendus foret. Quid ergo sibi vult hoc loco, dum contendit docere per refrigerationem hepatis, & intemperies humidas, aut siccas, aut frigidas hydropem generari? Revera non ignoravit a scirrho, & obstructione hepatis nasci hydropem, alioqui contra eum ageremus ipsiusmet verbis tamquam



obsignatis tabellis . Sed qua de causa & consilio id dicatur , brevi aper-  
riendum .

Veterum de hydropè ea duplex fuit opinio . Quinto locorum affect. quidam putaverunt hydropem generari quum obstructio , aut inflamma-  
tio , aut tumor est in hepate præter naturam , & horum ratione præter-  
fluit tenuis & aquosus humor in abdominis spatium , remanet , hæretque  
mediis viis sanguis . Altera opinio fuit eorum qui a solo scirrho , tumo-  
reque hepatis hydropem fieri putarunt : in quorum albo fuit Erasistratus ,  
ut videre est lib. 2. de natur. facultatibus . Qui priorem sententiam seque-  
bantur , non ejusdem plane opinionis ( meo judicio ) fuerunt , cujus fuit &  
Erasistratus ; nec enim a solo tumore & scirrho hydropem oriri voluerunt ,  
aut saltem Galenus non id in iis reprehendit : sed aliqua ex parte admit-  
tit eorum opinionem , alia ex parte non admittit . Negat enim illam fieri  
transcolationem aquosæ substantiæ , remanente sanguine crassiore , quod du-  
plex absurdum sequeretur : prius quidem , quod ille sanguis remanens sup-  
pressus , morbum aliquem a plenitudine efficeret : posterius , quod cruentas  
in hydropicis dejectiones apparere esset necessum . At neutrum in artis ope-  
ribus apparet . 4 Quod autem illi non crederent a solo scirrho nasci hy-  
dropem , ut Erasistratus , ex eo credibile , verisimileque fit quod melius  
cum iis multo agat quam cum Erasistrato . Nam hunc inscium , ignarum ,  
imprudentemque vocat : illos autem excipit , & eorum sententiam concili-  
are , ac sublevare nititur . Nisi quod sub finem demonstrare voluerit a  
refrigeratione hepatis potius quam a scirrho aut tumore nasci hydropem .  
At debuit potius in eo laborare , an ille generationis modus hydropis ,  
quem veteres fingeant in inflammatione , obstructione , scirrhone hepatis  
esset verisimilis , non autem in eo , ut probaret non probabile esse a tumo-  
re hepatis cum nasci : adducto tamquam objectionis loco , & mulierum  
profluvio suppresso , & hæmorrhoidibus suppressis , quum utrumque ( ait )  
hydropem afferat , non præsumto conceptoque tumore ullo in hepatis pa-  
renchymate . Sed meo judicio voluit una eademque opera illorum veterum  
fundamentum positum in opinione quæ ab Erasistrato fluxerat , evertere ;  
nimirum de tumore hepatis , qui aut præcipua causa , aut sola ( ut Era-  
sistrato visum est ) hydropis crederetur . Hujusce rei conjecturam facit id  
quod scriptum est apud Galenum cap. 1. lib. 6. de locis affect. ubi ex pro-  
fesso eorum explodit refellitque opinionem , qui crederent a solo tumore  
lienis hydropem fieri , non attracto hepate : item & icterum solo hepatis  
vitio , citra lienem . Utrumque falsum est , ait ; nam & vitio utriusque  
visceris icterus fit . Et non solo vitio tumoreque lienis hydrops . Quod ut  
apertius ostendat , exemplum eorum affert qui acuto morbo laborant , qui  
ut explerent sitim magnam egelidæ copiam hauserunt : hi hydropici eva-  
dunt nullo in liene vitio concepto . Sed per modum objectionis respondet  
pro illis veteribus , quorum majorem partem Erasistrati opinio imbuerat .  
Ea autem erat ejusmodi : Nulla pars afficitur ( dicebat Erasistr. ) nisi vel  
tumor aliquis , vel ulcus in ea consistat . Sic nullum ab intemperie mor-  
bum nasci putabat . At debuit Galenus in aliena sententia redarguenda



non ita esse industrius. Si quid durius, aut indoctius ab Erasistrato dictum sit, conari debuit illud polire, illustrare, & male coherentem sententiam adaptare. At mirum in modum convellendæ, labefactandæque opinionis Erasistrateæ desiderio detinebatur Galenus. Nam si turpiter lapsus est Erasistratus, statuens nullam partem citra aut ulcus, aut tumorem laborare, reprehendatur & Hippocrates, qui omnem morbum, ulcus constituat. Quam tamen a veritate alienam sententiam temperavit Galenus lib. de inæquali intemperie. Multa quidem a multis veteribus dicta sunt, in quibus magis videndum quid sentiant, quam quid dicant. Quod maxime apud Hippocratem observari debet. Et cur non eodem jure cum Erasistrato agatur?

Itaque Galenus putat se abunde evertere dogma Erasistrati adscribentis omnem hydropem a tumore & scirrho hepatis causam, principiumque ducere. Quod ut faciat, proponit suppressas hæmorrhoides, proponit profluvium muliebre. Hæmorrhoides (inquit) suppressæ hydropem inducunt nullo præeunte in hepate tumore. Erronea itaque est Erasistrati opinio, existimantis sine scirrho hepatis hydropi locum esse non posse. At Galenus sua ipsius sententia se convincit; nam interpretans aphorismum 12. lib. 6. Aphorism. dum reddit rationem cur suppressio hæmorrhoidum prius fluere consueatarum metum hydropis afferat, juxta Hippocratem, scribit, sanguinem hæmorrhoidalem refluere, & hepati duritiem inducere, multitudineque calorem partis obruere, hinc hydrops. Ergo non est, o Galene, cur occurras de hæmorrhoidibus utpote hydropem afferentibus, quum ipse scribas: ideo suppressam hæmorrhoidam metum hydropis afferre; quod & hepati, & lieni (nil enim differt) duritiem inducat, & calorem obruat. Non sibi constat Galenus: nisi dicamus utrumque contingere posse, & suppressionem hæmorrhoidum sine tumore visceris hydropem evocare, & eandem suppressionem tumorem prius inducere, & a tumore hydropem.

Paullo obscurior videri possit ea periodus, qua scribit, ut evertat eorum sententiam qui tenuem humorem aqueum præterlabi substantiam hepatis assererent ad generandum hydropem, restitanti in ipsius visceris angustiis crassiore sanguine; scribit, inquam, consequi necessario ut dejectiones cruentæ sint: Nihil autem cruentum ulla in specie hydropis (inquit) observatum est a nobis. Non est dubium quin si illo modo fieret hydrops, aliquid cruentum secederet: sed videndum an non in speciebus hydropis aliquid secedat cruentum; sive hoc modo, sive alio generetur hydrops, hoc enim observatione dignum existit.

§ Hydrops maximam partem conjunctam habet hepatis imbecillitatem: hæc non modo in *αἰματωροῦντι* consistit, sed & in attractione, & retentione attracti alimenti. Nequit enim fieri ut diu temperies jecineris labefactetur, quin actiones lædantur. Quamquam contingit ut una actio lædi possit, illæsa integraque altera. Itaque quum constet ob refrigerationem & imbecillitatem hepatis excerni excrementa liquida, hepatica, & illius officinæ characterem aliquem præferentia, non dubium esse potest quin excerni non possint cruenta loturæ carniū simillima: proptereaque illud Galeni decretum experientia confirmatum minus constans est, quo scribit nihil cruentum excerni



ni solere in hydropicis affectibus. Quinetiam si cruentæ urinæ virtute naturæ aut symptomatice potius in hydropicis excernantur, ut experientia sæpe docet; cur non & dejectiones tales apparebunt nequeunte hepate ob imbecillitatem, aut tumorem aliquem probe hæmatosi incumbere?

Duo ista diligenter inquiri debuerunt, nempe an a solo scirrho nascatur hydrops: posterius, an nihil cruentum hydropici excernant. Nam magni interest an a tumore, an ab inflammatione, an a scirrho; item an tantum ratione lienis, ut quidam volebant, an tantum a vitio hepatis, quum variet curatio pro ratione horum omnium. Item an nihil cruentum excernatur, an contra, ne dysenterix falsa persuasione & opinione seducti, aliud remedium pro alio supponamus. Sed horum diligentius examen in aliud tempus rejicietur.

### A N N O T A T I O N E S.

1. *De aqua intercute hoc notari potest. Videmus hydropicis quibusdam alvum fluere, aliis adstrictam admodum. Utrumque malum: & pessimum, si alvus quum libera sit, abdomen non detumescat: quod in seruo quodam observavimus. Illud autem quod diximus malum esse scribit Hippocrates in Coacis: Quibus hypochondria elewantur alvo suppressa, malum, maxime in morbis tabidis, & quibus alvi humectantur, (supple) malum est, dum videlicet alvo fluente tumor remanet.*

2. *Cap. 7. lib. 5. de locis affect. conceptis verbis explicat Galenus. Ac inter cetera, annotat quarum partium vitio afficiantur partes gibba hepatis ad hydropis generationem: & quarum partium vitio sima ad eandem generationem. Hippocrates lib. de morbis primo, hypofarcidion ut & tabem inter morbos necessario interimentes numerat.*

3. *Quia enim hepar est continuum, si fit inflammatio in sima, aut gibba, non distincte & exacte cognoscitur ob carniū hepatis continuationem.*

4. *Argumentum hoc validum. Et miror cur Fernellius disputans de Ascite dicat necessario rupturam fieri aliquam vasorum: & propterea, aut supra, aut infra excerni sanguinem. Quod falsum, & Galeno repugnat. Et Fernellius ita in errorem Erasistrati incideret, qui nullam partem labefactari credidit, nisi aut a tumore, aut ab ulcere. Quasi ipsa intemperies frigida causa non sit.*

5. *Ut libere dicam quod sentiam de iis quæ hoc loco continentur, an in nulla hydropis specie aut dejectiones, aut vomitiones cruenta appareant, quod placuit Galeno, ita distinguere oportet: Si quo modo voluerunt veteres, hydrops fieret percolato sanguine, & remanente crassa sanguinis parte in mediis viis, oporteret cruentum rejici aut per os, aut per alvum, immo initio etiam. At hoc non fit. Et ita debet intelligi locus Galeni: Non quin in hydropicis dejectiones cruenta, aut vomitiones apparere possint, duabus de causis: Uno, progressu temporis adducto in summam imbecillitatem hepate, unde hepatica fiant dejectiones, non ratione transsumti tenuioris seri ad generationem hydropis, & resluentis sanguinis ab hepate ad os aut alvum. Altero modo per ruptionem, aut exesionem, aut ab aquis acerbis & fere purulentis*



lentis, aut ab usu medicamentorum acrium quæ usurpari solent in hydropicis. Quod nos observavimus in Renato de Sequeville hydropico, cui & vomitiones & dejectiones cruenta contigerunt. Si autem hydrops fieret eo modo quo voluerunt veteres, quod Galenus exagitat, de essentia fere esset hydropis ut sanguis excerneretur. At potest hoc accidens illi esse, sed non pathognomonicum. Vide quid de Ascite sentiat Fernelius, quum explicat quanam Ascita sint obnoxii.

## CONSILIUM XL.

*Pro muliere gravida, quæ peperit, & convulsiones passa est.*

**N**OBILIS mulier numquam dolores partus experta, quum legitimum pariendi tempus jam elapsum foret, decimique mensis pars prima adveniret, gravissime laborat. Exactis horis duodecim partus sese offert. At quia primus erat propter dolorum insolentiam, & ossium pubis angustiam, mirum in modum divexatur. Interim dum enititur, aut translato sursum humore affatim, aut latitante eodem in cerebro, sed magno impetu diffuso, incipit toto corpore concuti ac convelli. Idem patitur ac si morbo caduco laboraret. Facies tota in molem intumescit, horrendaque visu sese ostendunt symptomata. Vix sex hominum nisus impediunt quominus concuteretur ac convelleretur. 2 Repetit ante partum, præsertim dum fetus media via sinus pudoris hæreret, subsisteretque, epilepticus paroxysmus quinquies, aut sexies: edito partu bis aut ter cum gravissimo mortis metu. Dum res ita urgerent, cogitareturque potius de sepulcro quam de lavacro; dubitabant Medici num juvandus esset partus, an potius convulsioni occurrendum. Item, an occasione partus convulsiones prehenderent, an vero ejusmodi dispositio prius in cerebro deses latitaret, quæ occasione minima sese prodidit. Ac mors imminebat proxima nisi convulsiones illæ substitissent. Meo quidem judicio, si illa convulsioni obnoxia foret, 3 non tantopere periclitabatur, quam si numquam aliquid tale experta fuisset. Etenim qui epilepsia corripitur, licet sæpius eodem in paroxysmo convellantur, non propterea tamen decedunt: At illud observatum sæpe, eos sæpe fato fungi, qui aut propter ingentem plethoram convellantur, aut a maligno explicato, suscitatoque tetro humore qui deses restagnansque imo præcordiorum delitescibat. Et qui morbis ejusmodi corripitur, exigua admodum occasione tentantur, immo solo forinsecus vapore feriente. At qui nil dum tale senserunt, non ita facile paroxysmoprehenduntur; vehementem enim causam esse oportet, quæ insolens hoc symptoma afferre possit: nec enim facile cerebrum numquam epilepsia tentatum eam labem contrahit. Eadem itaque opera & partus juvabatur, & convulsioni epilepticæ manus porrigebatur, ne illius vi cito interiret.

Causæ hæ tamquam procatarcticæ facere poterant ad inducendum horrendum symptoma numquam antea visum: Plethora corporis summa, & usus vini hippocratici tempore graviditatis: suppressio alvi quinque aut sex dierum ante partum: Enixus quoque ipse, qui etiam in habitissimis mulieribus



ribus solet semper aliquid terrificum inducere. Accedit quod numquam peperisset. Subiecto acriusculo enemate ex hiera subliterunt convulsiones, & ab eo tempore nil sensit ejusmodi. Larga admodum copia sanguinis fluxit per sinum pudoris: quod suadet facile non tam occasione dispositionis & impressionis cujusdam quam copia materiæ, orgasmo, raptu, & nisu maximo inter pariendum hoc contigisse. 4 Itaque quum Medici animadverterent evacuato humore repressum esse symptoma, immo suppressum omnino, ducti sententia Galeni lib. de locis affectis, quum quid excernitur in morbis, & ab excretionem morbi cessant, credibile illud causam fuisse morbi, cogitaverunt de purgatione. Itaque tale medicamentum institutum.

*℞. expressionem ℥. ij. s. rhabarb. electi infusi in decocto passul. glycyrr. sem. frigid. major. endivia, scariola, in qua dissol. syrup. rosar. pallid. ℥. j. diaphœn. ʒ. iij. fiat potus.*

Quidam putabant utendum valde calfacientibus, etiam interpurgandum: cujusmodi sunt ea quæ vulgo epilepticis præscribuntur: alii contra refrigerantibus ad domandum, sedandumque ferociam humoris. Et posterius hoc consilium melius. Nam quoties paroxysmi epileptici aut similes morbi occurrunt, non statim ad vulgaria remedia veniendum, ac si unius morbi in specie eadem causæ essent specie: sed sæpe novum captandum consilium. Alii Medici hoc poculum præscripserant.

*℞. rad. dictamn. aristoloch. an. ℥. s. bistortæ ʒ. iij. sem. pœonie major. ʒ. ij. rad. pœon. ʒ. iij. flor. cardui p. j. conserv. anthos & salvia an. ℥. j. rasura eboris, cornu cervi, an. ʒ. ij. fiat decoct. ad lib. s. In colat. dissolu. theriaces optimæ ʒ. ij. rasura unicornis ʒ. j. syrup. de stœchad. ℥. j. s. fiat potus pro duabus dosibus, aromatizatis cinnamom. & nuce mosc.*

Postridie partus propinatum medicamentum, dejectiones multæ: primum effusiones quædam. Vocat autem Dominus Magnus effusiones ex sententia Hippocratis quum excernuntur talia qualia excernere solent vaccæ: item & uliginosæ fuerunt dejectiones. Quieverunt omnia: non propterea tamen iusserunt Medici secure dormire; nam ita res agitata est: morbus hic tametsi suppressus videatur, non propterea de eo securos nos esse oportet, tum ratione partis obsessæ, afflictæque prioribus paroxysmis: tum ratione morbi ipsius. Pars cerebrum est. Si ad illum morbum affectum proclive dispositumque fuit: major relapsus metus esse debet, minima enim lochiorum suppressione, aut reliqua materia prioris paroxysmi facile morbus recurret. Si non erat dispositum, melius quidem agitur, sed securitas tamen magna esse non debet. Nam morbus is (ut de eo tamquam de posteriore divisionis nostræ membro dicatur) relapsus fere particeps est. Et duabus de causis facile recurret. Prior est: In prima lunæ quadratura prehendit paroxysmus, lunaris morbus est, ergo tutos nos esse non oportet, nisi secunda quadratura relapsa fuerit, donec luna sit διχότομος. in ejusmodi enim quadraturis mutationes, inclinationesque fiunt. Sic omnia tuta timere oportet. Accedit altera causa. Quarto die lac ad mammas rapitur, fertur, & attrahitur: ratione duplicis motus; & quia calidum est, & supprimetur in hac muliere utpote non lactanti; metus est ne fumi summittantur qui paroxysmum



revehant. In confesso enim est quod scriptum ab Hippocrate, a sanguine in mammis collecto furorem contingere, præsertim quum sanguis ille in lac non vertitur, aut propter abundantiam nimiam, aut propter fervorem; quod diligenter annotandum est. Si furor itaque eam ob causam imminet, cur non & convulsiones, & aliquid simile contingere poterit, eo præsertim tempore quo lac ad mammas deferetur? Ratio hæc urget admodum.

Itaque providendum ut alvus libera semper sit, raptus sanguinis ad mammas cohibeatur, malignæ qualitati consulatur, vitentur omnia fumida, graveolentia & suaveolentia, ne caput impleant, feriantque. Videndumque ut purgationes a partu citentur semper. Atque in eam rem comparata hæc sunt.

*℞. rad. rubia tinctor. asparagi, gram. oxylapat. an. ℥ s. angel. m. j. passular. mundat. ℥ s. florum comm. p. j. semin. pæonia ℥. ij. buglos. borag. omnium capill. an. p. j. fiat decoct. ad lib. j. In colat. dissol. syrup. capillor. ven. ℥. iij. Fiant tres doses aromatiz. paucis cinnam.*

*Item ℞. conserv. anthos ℥ s. conserva rosar. ℥. iij. sem. pæonia ℥ j. s. fiat opiata cum syrupo conservat. citrii additus est ℥ s. pulveris scobis unicorn.*

*Item ℞. rasura eboris, margar. elect. an. ℥ j. rasura unicorn. ℥ s. pulver. Elect. triasantal. & diamargar. an. ℥ j. cum saccharo dissol. in aq. angel. aut decoction. ejusdem fiant tabella.*

*Item ℞. aquar. stillatitiar. angelica & morsus, aut decoct. angel. lib. s. aromatizet. parum cinnam. ad usum ex cochleari.*

*Interea fotu aquæ tepide procuratum est ut citarentur lochia. Omnia odorata vitata sunt.*

Puellis recens natis mel deglutiendum aut lambendum porrigitur optimo usu, ut provocetur alvus, & vitentur tormina.

Item ad vitandam convulsionem cui obnoxii sunt, cum pulve miscetur corallium & pulvis margaritarum.

Purgationes a partu cumulate & ut decuit, exierunt. Magna copia toto illo tempore sanguinis exiliit. Interjectis diebus injecti clysteres. Tamen ne quid alienum contingat, deinceps de purgatione cogitatum. Ac dubitatum an lavacro utendum sit, ut a partu nostrates mulieres solent. Repurgata est rheo & catholicon. Quamquam suspectum sit catholicon, quod in suspitione Epilepsiæ & cassia & catholicon suspectum sit, ut doctissime a Rondeletio & Hollerio annotatum. Idque annotatum puto aut communi quadam prudentia cui experientia suffragatur. Et ut quum e lecto surrexerit, repurgetur adhuc, visum est e re fore si apozema per decem dies utendum præscriberetur.

*℞. rad. fœniculi, petros. aspar. cichor. acetos. an. ℥ j. enule camp. ℥ iij. melissæ. omnium capill. an. m. j. buglos. borrag. glycyrrh. passul. an. m. j. ceterach, scolopen. an. p. j. semin. pæonia & radicis ejusd. an. ℥ j. s. sem. se-seleos ℥ j. florum, p. j. agripalma m. j. s. fiat decoct. ad lib. j. In colatur. dissol. syrup. capill. ven. ℥ iij. cinnam. ℥. j. Fiat apozema clarificatum & aromatizatum.*

Quod attinet ad usum balnei, ne quid forte contingat præter opinionem, præsertim si muliercularum balneum usurpetur ex face vini albi aut rubri, ex



alumne, & similibus, visum est interdici debere usu ejusmodi balnearum. Nisi forte balneo dulcis aquæ recreari velit: & pro omni deterforio fiat pultis ex amygdalis contusis & hordeo contuso, qua corpus leviter fricetur. Ita enim detergebitur corpus, & nihil incommodi afferetur. Nam quum balnearum usu caput vaporibus impleatur, & graviter in iis usurpandis peccetur; si quid peccatur; facillime autem omnium hic peccatur, contentos nos esse oportet simplici frictione. In quibus autem paroxysmi epileptici metus est, in iis cautos esse oportet in balnearum usu. Quod enim veteres epilepticos & melancholicos ad lavacra miserint, id factitatum esse asserimus, quum corpus, aut caput intemperie aliqua calida siccaque affectum est, quum in partibus omnibus squalor. Hic enim dubium esse non potest quin balneis locus sit ad correctionem calidæ siccæque intemperiei, quæ multorum, magnorumque malorum auctor est & parens.

## A N N O T A T I O N E S.

1. *Quod a translatione potius sit, declarat ejus accidentis repressio ac cessatio quum primum alvus descendit.*
2. *Non est dubium quin mulieres affectionibus capitis magis sint obnoxie, quum multis de causis, tum propter capillorum exactam nimium diligentiam & studium; quod annotat Cælius Aurelianus in Chronicis.*
3. *Nam qui a dispositione cerebri epileptici fiunt, & concidunt, minima occasione & prehenduntur, & relevantur: sed quum quis numquam aliquid tale sustinuit, magnam oportet adesse causam quæ hoc symptoma afferat: nam vel est summa plenitudo, vel summa corruptela, ut contingit de eo qui primo die phreneticus contigit, & tertio interiit a maligno, ut Galenus doctissime interpretatur. Itaque quum quis epilepsia prehendendi solitus est, minus morte periclitatur, sed aut numquam, aut agerrime eo morbo defungitur. Si numquam expertus est, periclitatur morte ob dolores acerrimos, & virium casum: & quia pars princeps occupatur. Si semel hoc sustineat, non ita facile relabitur. Quod autem periculum aliquando creet, quum non contigit; videtur Celsus indicasse lib. 3. cap. 23. Interdum (ait) quum hic morbus recens est (idest numquam adorsus) hominem consumit. Hippocrates lib. 2. Prorrheticon differentias magnas morbi sacri proponit, ut in iis, quam in illis periculosior, solutuque difficilior existat. Ac inter cetera ait solutu difficillimum morbum sacrum qui a puero ad virilem ætatem pervenerit. Quod absurdum videtur. Nam aphoris. 45. lib. 2. mutatione ætatis pueros adorta Epilepsia curatur, & mutatione vivendi rationis; presertim quum puellis menses erumpunt, & maribus quum venerem agnoscunt, ut Celsus ait cap. 23. lib. 3. At hoc accidit quum attingunt virilem ætatem. Ergo sibi dissimilis videtur Hippocrates. In illo loco utitur verbo σωμαδρωθῆναι Hippocrates, quod non significat ad virilem ætatem pervenire; tunc enim, si umquam alias, solvitur morbus: sed vocat τὴν ἰσπὴν νεότητος σωμαδρωθῆναι, quasi dicas convirescere, idest corroborari, confirmari cum ætate virili. Alias hæc falsa sunt.*
4. *Quo excreto illico dolor sistitur, hoc doloris causam censerī par est. Galenus cap. 2. lib. 1. loc. affect. Tamen hoc potest esse fallax. Sæpe enim*



in torminibus clyster educit recrementum ; quum tamen hoc doloris causa continens non sit . Nam postea educitur doloris causa .

5. Notandum quoque hoc loco unum est , & tempore graviditatis , & tempore partus , & post partum multa multis mulieribus insolentia contingere possunt . Nam audivimus multas mulieres epilepticas concidisse dum grvida essent , quæ liberata fetu nil umquam tale sensissent ; sive id fiat ob suppressos menses , sive ob collectam multorum pravorum humorum illuviem , quæ de repente horrendum hoc symptoma invehit . Quemadmodum quoque aliis in mulieribus contingit ut quum utero gestant , immunes sint a sævis doloribus , quos prius dum utero non gererent , ferebant . Ita enim novimus mulierem hemicrania conflictari solitam gravissime dum utero non gerit . Quum primum utero concepit , nil tale sentiebat . Quod mirum est . Et id primus Hippocrates 5. Epidemior. observavit de muliere cui caput circumdolebat , nec allevabatur nisi quum uterum gereret . De illis mulieribus epilepticis tempore graviditatis ( quum ab eo affectu plane immunes essent ) Fernelius cap. de Epilepsia in Pathologia .

## CONSILIUM XLI.

*Ad foetorem oris & anhelitus .*

**M**ULIER annos nata quinquaginta levi de causa in morbum incidit . Ab eo relevari recrearique vix potuit . Inæqualiter corpus afficiebatur , modo calidiusculum , modo temperatum . Noctu , ac præsertim vesperi febris recurrebat . Eo tamen ventum est , ut contabescere videretur . Sed paulo plenius res tractanda , & a capite arcessenda , ut id quod instituti est nostri clarius elucescat .

Illæ ferè a primis unguibus , teneraque ætatula foedo tetroque anhelitu laboraverat , ut vix quisquam in os loqui auderet foetore oris territus . Et quum illi incumberet propter eum quem in republica locum tenebat , cum primariis hominibus consuescere , eum tantæ molestiæ sæpe pertæsum est . Nil non in eam rem excogitavit adscito illustrium Medicorum concilio , præscriptis eo variis formulis quæ in parato forent ad fallendas , leniendasque eas molestias . Quidam eam usu carniū omnino interdixerunt , alii aliud consuluere , quorum quum lubenter consiliis paruiſſet , nihil præter fucatam oris tantum suaveolentiam retulit , quum frustra in oris gratia concilianda fuisset elaboratum .

Nos ab eo foetore contumaci auspicari volumus , quod quæ causa eum primis annis foverat , ac aluerat , ea non minore liberalitate sui extrema senectute copiam fecit . Immo morbum aut morbos potius secunda sobole parituriit , quibus in depellendis multum operæ infusum est : sed hæc omnia frustra . Itaque quum levi quodam morbo tentata esset , efficacibusque remediis contra pugnatum esset , nihil-dum sensit solatii : immo ægrescere medendo videbatur . Recruduit ille vetus oris foetor , palatum , gingivæ , faucesque



que ipsæ limoso cœnosoque humore tamquam uligine quadam erant oblita: & quum is humor aut mucor potius teter deterfus esset, citius dicto alius aderat qui deterfas illas partes retineret, ac occuparet. Urinæ velut purulentæ profluebant: ex intervallis ardor urinæ eam exercebat. Febris aderat e genere hecticarum putrium: inappetentia magna: virium amissio, mox earumdem recuperatio: marcor totius corporis: squallidus habitus. Edendo nihil proficiebat, tametsi euchymis uteretur. Dubitatum est de sede hujus mali, de affectibus, aut implicitis, aut disjunctis: de marcoris tanti causâ, de remediis: & quis tandem foret eventus illius morbi ita occulti ac inveterascentis. Morbus omnis quum actionem primo ac per se lædat, tolli, excindique debet: numquam tolletur nisi causâ continens, quæ eum fovet, adimatur. Nec tantum in causâ continente adimenda occupatos nos esse oportet, quod hæc morbum proxime foveat, sed per analysin quamdam continuatione quadam ad alias causas sensim progrediendum, quæ morbum primum fovere dicantur. Tametsi enim & causâ morbi continens sublata, & affectus ipse sublatus primam Medico laudem tribuant, & nil postea repullulet, non propterea aliarum præcedentium causarum tamquam continens causæ parentum investigatio negligenda. Quoties enim longior quædam continuatio seriesque causarum existit, ut alia ex alia nasci & existere videatur, & omnes inter se aptæ connexæque videbuntur, tamquam conspirantes in causæ continentis affectusque ab ea nascentis generationem, tamquam in commune quoddam opus, suo quæque ordine excutienda ac demenda, & ab ea curationis exordium duci debet, quæ ortu prima, sed inventionem postrema videatur. Nam in curatione, ratione, & ordine suscepta ita captari debet consilium, ut sæpe id negligatur quod postremo loco duxeramus faciendum. Alioqui frustra in tollenda continente causâ laborabitur, quum ea nimium occulta, contumaxque sit, & quum a primis aliis causis pendeat, harum demolitio illius everfioni anteponenda est.

Ita conjectura artificiosa, quam *σολομὸν* Galenus vocat, assequi oportet, primum mali fontem, & in eum digitum immittere. Quod ut exemplo pateat, esto aliquis, cui æstuans sit ventriculus, & præterea acribus, piperatisque, & semiputribus caseis sæpe utatur; unde putrium biliosorumque humorum colluvies: ab ea obstructio, ab obstructione putredo, a putredine quoque febres. Sit ita sane, usu medicamentorum putredinem emendes, obstructionem liberes, an propterea febris illius scaturiginem, primumque principium tolles? Itaque ad ventriculi intemperiem corrigendam erit veniendum, immo pravum illud alimentum causæ externæ eatenus rationem habens erit adimendum, frustra alioqui de tollenda febre sudabitur.

In hac nostra muliere affectus qui occurrunt, sunt summus oris fœtor, febris hectica putris: renum abscessus quidam: totius quoque corporis præter rationem consumptio. Hic analytica methodo utendum ad sedium affectarum notitiam. Hæ autem dignoscuntur aut signis syllogisticis, aut pathognomonicis, aut consequentibus, aut excretis. Excreta autem vel partium ipsarum partes sunt quæ ab iis defecantur, ut pulmonis frustra; vel quæ in ipsis continentur, nonnumquam aliquid quod morbosam dispositionem sequitur, vel  
solam.



solam, vel semper, vel ut plurimum. Ac in affectorum locorum investigatione tria maxime sunt advertenda, & tamquam canones proponendi ob oculos, quos semper intueamur: *Locus, Affectio & causa, Accidentia*.

Quæ tria quum animo comprehensa erunt legitimo ordine ad affectarum sedium cognitionem deveniemus. Ac locus ita sese nobis insinuat. Si affectio esset in cerebro (exempli gratia) vel per consensum fieret, vel per protopathian. Si per consensum, fugacia essent symptomata; si per protopathian, vel intemperie laboraret, vel solutione continui, & sic talia aut talia occurrerent. Idem de hepate sentiendum, & suis se signis ostentaret morbus, tum sedem, tum affectionis ideam indicantibus. Affectus & causa ita veniunt a nobis excutienda. Si inflammatio esset, quæ sese offerrent ejus essent generis; inflammationis enim consequentia hæc sunt: si scirrhus foret, talia sequerentur; si inflammatus esset pulmo, ejusmodi essent symptomata & signa, quibus notitiam ipsam consequeremur. Ab accidentibus autem ita eruitur cognitio rei: Dolor est ejusmodi, hoc itaque denotat: Aphonia est, necesse igitur id subesse, morsus est orificii ventriculi, illinc aut inde contingit.

Quod in nostra muliere exerceri debet: foetor est oris, ergo aut a cerebro est, aut a pulmonibus, aut a ventriculo, aut a præcordiis. Si a cerebro est, a destillatione & rheumatismo est; ac credibile esset tussiculam adesse. Nam quæcumque materia est quæ foetorem habet, ea putris est; si putris, exulceraret, ac proinde molesta foret aut œsophago, aut tracheiæ arteriæ. Si huic, tussis esset; si illi, prava chylosis fieret, a prava chylosi fluores alvi, depravatio omnis alimenti, extenuatio. Si a pulmonibus est, aut ulcus, aut siderationem thoracis significat. Si ulcus, argumenta jampridem innovissent: at nulla hæctenus. Si sideratio esset, non tam diu eum affectum pertulisset. Si a ventriculo est, per depravationem alimenti, assumpto cibo cessaret foetor, vacuo ventriculo appareret. Nam inanito ventriculo fumi sursum efferuntur, qui graveolentiam afferunt. Quod multis contingere Aristoteles in Problematis scribit. Credibilius est eum foetorem & a thorace esse, & a ventriculo. A thorace esse potest, non concepto ulcere ullo in pulmonibus. Etenim verum id est quod scribitur a Galeno, in partibus ipsis citra inflammationem, tumorem, aut obstructionem vitium concipi, quod a tota substantia dicitur. Quod & in pulmonibus verum esse potest, quum fieri possit ut proprio quodam pulmonis vitio, & ob coacervationem humidioris materiæ spiret aura foetens. Tamen si vitium esset totius substantiæ in pulmonibus, credibile non esset eam tamdiu vixisse. Ac Gordonius annotavit oris foetorem a pectore numquam curabilem esse. Quod bifariam potest intelligi, aut quod foetor a thorace ulcus, aut quid simile significet & jam inveteratum, unde necessario interitus consequatur. Nam sputum foetens, mortem in propinquo significat: Aut quod quum foetor est a pectore, ob remedium difficile ad pulmones penetrationem, causa illius foetoris immedicabilis manet. Idem auctor communem quamdam foetoris oris causam memorat humorem phlegmaticum. Nam nec humor biliosus ita aptus est, nec melancholicus, quum ille sua acrimonia & calore putredinem facile arceat, hic suo acore contra foetorem istum sese quodammodo obfirmat. Unde qui-



bus foetor oris est, iis & palatum, & dentes quodam mucore sunt obliti & infecti. Quod huic mulieri contigit. Incredibile enim dictu est quanta copia coenosi humoris quotidie in os recurreret: quod tetrum humidumque halitum a pulmone aut ventriculo potius elatum indicaret. Nam qui a pulmone est, exhalationem refert potius: qui a ventriculo & praecordiis, vaporem & halitum. Credibile in hac muliere a vapore potius, quam exhalatione, declarat satis copia excrementi. Ac quinque de causis phlegmaticus humor omnium facillime foetorem inducere ita colligitur: Prima, quia frigidus, & ideo facile suo genuino calore destituitur. Secunda, quia humidus, quod facilem ad putredinem concipiendum inclinationem affert: Tertia, quod omnium facillime (ratione copiae, est enim multus, & superfluous in corpore) rheumatismum faciat: Quarta, Quod omnium facillime ratione pravae diatae, quam quotidie instituere videmur, accumuletur ac succrescat. Quinta, quod post sanguinem abundet maxime.

Et annotat idem Gordonius, foetorem a ventriculo non esse continuum, quod assumpto cibo paulum quiescat: Quum a pectore continuus est, & ulcus pulmonis significat, & letale est. Quod non probabile esse satis abunde paullo ante indicavimus; nam fieri potest ut in pulmonibus putrescat materia exitum non habens, quae oris foetorem afferet.

Mirum tamen esse possit, cur in febribus halitus non foeteat, quum pituitosus humor sit, qui putris sit, hinc efflatio putris esse debet, & anhelitus: si quae prius dicta sunt, vera existant. Respondet Gordonius, bifariam fieri putrefactionem; uno modo per ebullitionem & incendium quoddam a calore praeter naturam: & ea putredo non inducit foetorem, cujus generis esse solet in febribus: Et alia est per substantiae corruptionem. Sic in febribus quum foetor anhelitus est, mors significatur; quod non solum humidae substantiae ebullitio significetur, sed propriae substantiae corruptio. Sed pace tanti auctoris dicam, haec minus congrue, vereque dicta sunt. Nam quis dubitet in febribus continuis, putridis, aut intermittentibus non simplicem esse ebullitionem? Nonne excretos humores sursum deorsumve in putridis febribus foetidos, corruptosque videmus? Et tamen in iis facta est simplex ebullitio, per Gordonium. Quasi vero quum foetor aut a pulmonibus, aut a ventriculo est, major sit (manente praesertim vita) propriae substantiae corruptio, quam in febribus putridis in quibus excretionem saepe cadaverosam & putres admodum apparent? Non est credibile; nam si halitus foetens a ventriculo manans, tantam corruptionem significat, quomodo tamdiu maneret vita? Respondeat Gordonius de sudoribus, in febribus praesertim pituitosis manantibus, tam graveolentibus, ut vix quisquam eos ferat, & tamen non foetet anhelitus. Itaque alia quaerenda est distinctio. Nam non est dubium quia humores, si praesertim pituitosi sint, a calore praeter naturam multum corrumpantur, & non tantam acquirant malam qualitatem, quanta requiritur ad foetorem oris. Cur ergo, inquires, non foetet os? an quia simplex ebullitio, ut vult Gordonius? Nequaquam, sed quia humor qui febres committit, conclusus est in visceribus, non autem in partibus thoracicis, aut capite, aut ventriculo, aut ore: E quibus parti-  
bus



bus necesse est spirare aliquid ad foetorem oris. Quod si qui humor febres committit, in iis partibus contineretur, dubium non esset quin foetorem oris accerferet. Nam si conclusus humor in praecordiis leipothymias ob tetrum vaporem, cardiognos, mortem denique inferat, cur non in superioribus partibus contentus foetorem afferre possit? Si per sudores erumpens tenuis ejus pars, aut per urinas, quae saepe foetentes sunt admodum, tetrum vapore feriat sensus nostros, cur idem humor sursum repens, & thoracicas partes occupans, non tetrum odorem oris inferat? Hydropici graveolentissimos in abdomine humores continent, nec tamen tetrum spirant: Ergo quia humor in partibus ventris conclusus est, & non partes superiores capeffit. Unde videmus mulieres quibus suppressi sunt menses, aliquando tetrum spirare, & colligimus eas graviter aegrotaturas, quod tanta sit humoris putrentis copia, ut non solum partes iuferas, sed & superas occupet: in superis tetrum halitum, in inferis febres accersit. Ergo idem humor, & ejus putredo non distinguitur. Quod autem in febribus maximam partem nec sudores graveoleant, nec halitus propterea fit, quia maxima febrium pars a bile est; quod Hippocrates non minus breviter quam vere scripsit; quamquam hoc ab eo dictum plerique male feriat homines non intelligunt. Bilis autem aut flava, aut acida: neutra tetrum spirat ex se, aut illud paucum admodum. Contra in quotidianis & pituitosis, & vetularum febribus, & malus gustus est (ut vocant) ob tetrum halitum & putrentem in ventriculo humorem, & foetentes sunt sudores. Quod arguit non modo magnam humiditatem requiri ad tetrum halitum, sed & occursum materiae ad partes oris, sive cerebrum sit, sive pulmo, sive ventriculus. Quod autem humores biliosi, aut melancholici non ita tetrum ex se emittant, ut & pituitosi, satis apparet sensui, ex alliis, caepis, pipere, sinapi. Nam & allia & caepae, & piper fere eodem gradu calida esse veteres autumarunt: cur tamen ex iis alia tetrum spirent, alia non? Id fieri propterea asseverant veteres, quod allia, & caepae multa humiditate praedita sint, quae facillime digeratur ac corrumpatur, nequeunte calore illam coercere ac mitigare: ideoque graveolent: a pipere autem & zinzibere nihil foetidum exhalet, quod non tanta infirmitas, & quantula est cumque facile superetur a calore. Quod idem humoribus contingit. Nam biliosi humores analogiam quamdam habent ad piper & zinziber, pituitosi ad allia & caepas: & quae humidiores sunt temperamento, & calore mediocri, maximam partem hircum redolent. Et mulieres vetulae, quibus superfluit multa humiditas, spirant malum odorem, & anhelitu asthmaticos pueros faciunt: Et quibus gingivae & os humidius est, iis teter odor est. Quo fit ut concludamus multam humiditatem requiri ad foetorem oris, & praesentiam illius humoris in partibus ori vicinis, alioqui conclusus manebit humor, & nil tetrum in os mittet; ut male concluderit Gordonius in febribus putridis non tetrum esse halitum, ob simplicem humoris ebullitionem: & quia qui illum halitum commissurus est, aliam malam qualitatem ab ea quam febrilis materia nacta est, concipere oportet. Idem est putredinis modus, ut diximus. Quamquam non negamus fieri pos-



se ut in fœtore oris, præsertim a male affectis pulmonibus non adesse solum putredinem simplicem, sed alienationem plane a temperamento, & perfectam διαφθοράν. Quod nos observavimus in auriga ad ripam Sequanæ, cujus ex ore fœtor ( incredibile dictu ) totam domum inficiebat, & cada-verosum olebat. Unde non ita longe post fato concessit, fiderato toto pectore. Et hæc sunt quæ contra Gordonium agitari potuerunt: cui tamquam homini doctissimo habenda gratia, quod disputandi fenestram aperuerit.

Atque ut ad rem redeatur, de remediis illius fœtoris pauca dicenda. Gordonius causam maximè constituit humorem pituitosum. Mesuæus cholericum quoque constituit; unde pro materiæ biliosæ conditione instituit ea quæ humectandi vim habent, & contemperandi; ut est syrupus de pomis, & rob, de acetositate citrii, diacytonites: At in corporibus biliosis, siccis, in quibus abundat calor febrilis, videtur potius in contemperatorem versandum. In materia phlegmatica, ea quæ calfaciunt, instituuntur; ut confectio trypheræ quæ ex aromaticis constat; caryophylli, cyppe-rus, lignum aloes, calamus aromaticus, & quæ sint ejus generis.

Ergo quum febris illam mulierem exerceret, fœtor oris, in appetentia, urinæ ardor quidam, atque urinæ veluti purulentæ funderentur, quamam methodo utendum? cum quo agendum prius? An affectus est compositus, an complicatus? De iis brevissimè dicendum.

In morbis omnibus aliquid est quod sub sensum cadit, aliquid vero quod sensum fugit. Id quod sub sensum cadit, symptoma est; quamquam sæpe est involutum ac implicitum, ut an hujus, an illius morbi sit certo definiri non possit. Si symptoma sub sensum cadit, nullo est opus signo quo sese nobis detegat. Sensus enim fidem facit. Id quod sensum fugit, causa morbi est, & morbus ipse: Morbus quidem generali quodam modo sese nobis ostentat, nimirum actionis læsione: sed quia occultus sæpe est, & causa recondita, intusque latens, ideo concurrere debet signum quod utrumque detegat, atque demonstret. Signum enim est id quod sensibus nostris obvium factum, aliud quippiam latens & occultum comitatur; id enim illius signum censetur. Symptoma autem, quia conspicuum est, interioris, occultique morbi ex quo fluxit, expressum est signum. Quia autem similitudines bonis & eruditis Medicis imponunt sæpe, ob morborum, causarumque complicationem, ac confusionem; ideo in signorum ac symptomatum dignotione accuratos esse oportet: item in morborum aut connexionem, aut complicationem. Maximum autem momentum habent signa insalubria in morbis, quod & speciem morbi, & sedem, & causam alia atque alia designent.

Porro morbus aut unus est, aut multi: unus simplex, aut compositus: Simplex aut solitarius, quum nulla efficiens causa adest; nullumque grave symptoma quod curantis consilium ad se revocet; ut intemperies simplex, Comitatus, quem continens causa intus fovet; ut obstructio, aut quem horrendum symptoma comitatur, ut quum morbo dolor ingens assistit. Compositus morbus est, qui ex multis eidem parti connexis constat. At

multi



multi morbi sæpius una nos exercent. Eos autem aut implicitos, aut connexos, aut conjunctos, aut disjunctos vocamus. 2. Connexi, conjuncti, & consequentes idem significant. Disjuncti conjunctis sunt contrarii. Impliciti & Conjuncti distinguuntur. Impliciti dicuntur quum variæ quidem partes afficiuntur, sed quæ in communem actionem omnes conspirent; implicantur enim, & communia elucet symptomata, quæque vix distinguas an id potius quam illud laboret. Ut quum difficilis est respiratio & tussis, quia hæc & in pleuritide, & in peripneumonia promiscue incidunt, ea per se non satis indicant an costa, an pulmo afficiatur. 3. Sunt enim *ὁμογενῆ*, sive *ὁμοειδῆ*, ut loquitur Galenus: item & sputa, quæ tamquam aliquid indicatura excernuntur, sæpe difficultatem judicandi afferunt, an hæc potius quam illa pars afficiatur, quod promiscue indicent & costarum, & pulmonis, & asperæ arteriæ affectus, ut Galenus loco supra adducto probe recenset. Affectus autem complicatos indicat hoc exemplum, si quæpiam sit ceratoidis erosio, rhagoidis exitus, pupillæ distortio, & apparens suffusio, tametsi omnes hi affectus uno eodemque tempore consistant, non tamen morbum oculi compositum efficere dicuntur: sed sunt morbi impliciti, idest variis partibus insident, quarum tamen in unum opus est conspiratio. Sed quum morbus compositus dicitur, in eadem parte sunt multi morbi simplices: ut quum hepar intemperies sicca & calida cum tumore aliquo occupat, quia uni eidemque parti illi multi morbi inhaerent, morbum compositum constituunt, non simplicem. Proptereaque impliciti & compositi morbi eo tantum discrimine distinguuntur, quod quum simul simplices & multi sint morbi, si variæ partes in unam communem actionem conspirantes occupantur, tunc morbi impliciti vocabuntur: Si autem una tantum pars afficitur (nomine partis tamen non ita in angustum structumque adducta) tunc compositus morbus dicetur. Ut pleuritis & asthma simul existentia morbos implicitos efficiunt, quod uni eidemque functioni incommodent. Et ex recentioribus quidam morbos compositos ab implicitis accurate distinxerunt, quod a paucis observatum viderent hoc discrimen: quod tamen magni interesse existimarent. Nam quod ad curandi consilium & indicationes pertinet, in composito morbo scopum unum curationis proponi volunt, in complicato & involuto morbo diversum: Exempli gratia, in tumore præter naturam & intemperies est, & vitium conformationis, & solutio continui. Hujus timoris quum cura suscipitur, tametsi varia sese nobis offerant; unus tamen scopus est curationis, nisi forte quosdam particulares effingere velis. At quum luxatum est brachium, & juncta est inflammatio, & partis convulsio, non hunc morbum compositum dices, sed implicitum; proptereaque diversi curationis scopi proponuntur. Hoc discrimen non agnovit Galenus disputans de morborum differentiis, confunditque morbos compositos & complicatos. Recte quidem distinguit morbum partis similis a morbo partis organicæ, sive simplex, sive sit compositus. Ut tunicæ adnatæ inflammatio, non oculi morbus per se tamquam

*Com. in  
part. 2. li.  
1. Proorrh.*

*Quid proprie implicitus morbus.*

*Cap. 13.  
de morborum differ.*



2. de dif-  
ferent. fe.  
br.

totius instrumenti dicitur, sed primum & per se tunicae adnatæ dicitur, secundo totius corporis ipsius oculi tamquam instrumenti. Nam partium similarium morbi per se, ex eventu tantum toti instrumento accidere dicuntur; sive morbi ipsi singularum partium sint simplices, sive compositi, ut quum in pupilla est contortio & inflammatio: Et morbus compositus totius instrumenti bifariam dicitur: vel quum una tantum pars morbo composito afficitur; tunc enim totius oculi affectus dicitur, sed tantum secundo: vel quum partes omnes oculum constituentes simplici morbo laborant; tunc enim ii omnes affectus morbum unum compositum oculi totius dicuntur constituisse. Sed recentiores non compositum morbum, sed contra Galeni mentem morbos implicitos vocant. Galenus de ea re nil primum statuit, sed aliorum affert opinionem. Nam quum unguis & lippitudo est, quum erosio corneæ, quum uvea prolabitur, hoc totum vocant quidam morbum oculi compositum, alii diversarum partium diversas affectiones. Et utrorumque probabilem sententiam asserit, mirumque est quomodo dicat Galenus nihil interesse sive hoc totum morbus compositus dicatur, sive plures morbi diversis auxiliis egentes, quoad pertinet ad curationem. Falsum enim hoc est. Quum autem satis abunde demonstraverimus interesse plurimum ad curationem si morbus compositus dicatur, & si morbi complicati; in his quippe & illis diversi omnino scopi sunt. Sed Galenus non ita exacte intelligendus. Nam ex eo appellandi morbum oculi compositum occasionem sumi vult, quod quum oculus una sit pars ex particulis multis constituta, quæ omnes ita congruunt ut in unum opus conspirent; propterea hæc simplicium morborum congeries & syndrome non inepte compositus oculi morbus dicitur. Sed clarioris doctrinæ & intelligentiæ causa appellentur multi morbi particulares & impliciti: Ut nomen (impliciti) diversas morborum ideas per se exhibeat: quomodo Galenus aliud esse docet febres compositas, & implexas: sive implicitas. Galenus autem in illo libro de differentiis morborum, postquam aliorum sententiam proposuit, ut eos inter se conciliet, videtur quid sentiat aperire. Quod ut facilius præstet, a morbis simplicibus incipit, quorum quidam totius oculi primo esse dicuntur, alii secundo tantum, & κατὰ συνβιβνός. Exempli gratia: Suffusio totius instrumenti morbus est per se: at ceratoidis exulceratio, instrumenti morbus esse dicitur ex eventu tantum; per se enim ad corneam tamquam similem partem refertur. Sed longe aliud statuit discrimen de morbis compositis. Nam ex compositis morbis quidam sunt proprii totius instrumenti, nempe oculi, primo & per se: alii ex accidenti; ut adnatæ inflammatio propria est tunicae affectio, ideo ad totum oculum non refertur, nisi secundo: Ergo, ut vult Galenus, ponamus plures oculi partes simul unaque affici, vel unam tantum partem, ut patet in inflammatione tunicae adnatæ: quum una tantum pars, ea affectio dicitur morbus compositus unius partis per se, & totius instrumenti secundo tantum: quum multæ simul oculi partes, morbus dicitur totius instrumenti primo & per se, ait Galenus: quod falsum videtur. Nam ceratoidis erosio, rhagoidis exitus, pupillæ distorsio, morbi sunt singulares, multas oculi simul partes



partes ( si fors ferat ) occupantes , primo per se , an quia in cumulo sunt , propterea dicentur primario referri ad totum instrumentum ; quod vult Galenus : Si ceratoidis erosio per se ad partem unam refertur , & pupillæ distorsio per se ad alteram partem , secundario autem uterque affectus ad instrumentum totum referatur ; cur potius quum singulæ per se æstiman- tur ad partes suas primo & per se attribuuntur , conjunctæ autem ad ocu- lum totum revocantur ? Sed dicet quispiam : Quum Galenus vult morbum compositum totius instrumenti vocari , quum multæ simul partes afficiun- tur ipsius oculi ; non hoc est intelligendum quum partes multæ afficiun- tur affectu sibi proprio , peculiarique : sed affectu qui per se & primo & simpliciter ad totum oculum referatur . Nam suffusio per se ad oculum refertur , sed si ad suffusionem alius morbus generalis oculi , ut unguis , & rhœas accesserit , hi omnes morbum compositum efficient totius oculi primo & per se , quia singuli per se morbi prius in sese considerati ad totum oculum referebantur . Sed Galenus non vult tantum morbum totius instrumenti vocari , quum omnes , aut multæ simul partes afficiuntur mor- bis , quorum singuli primo erant totius instrumenti ; ut suffusio , unguis , rhœas : sed quum morbis quoque detinentur , qui singuli in se spectati pe- culiarem ad partes singulas rationem habent , & secundario tantum quum soli spectarentur , ad totum instrumentum referuntur . Verba autem Gale- ni hæc sunt loco supraposito : *Quum plures eodem tempore partes oculi morbo aliquo afficiuntur , morbi ipsi primo totius instrumenti esse dicuntur , atque eo magis si unusquisque morbus ante erat primo & per se totius instrumenti* . Hæc verba , atque eo magis , indicant affectiones aliarum par- tium peculiare , ut distorsionem , exitum , erosionem commixtas inter se posse totius oculi primo & per se morbum compositum efficere . Unde antea dixerat nihil interesse an quis dicat eas affectiones ( quarum una- quæque proprie & primo ad oculi partes , non autem oculum totum re- ferretur ) morbum compositum oculi efficere , aut multos morbos aliarum partium . Sed tandem ut hanc nos disputationem terminemus , quoniam forte noluit Galenus rem tam exacte disquirere , dicemus quid nobis vi- deatur de morbis compositis & complicatis . Quod tametsi non expressit Galenus , licet tamen idipsum ex illius scriptis elicere & venari : ut non sit cur ea in parte recentiores sibi palmam decidi oportere existiment , ac si eorum hoc esset inventum , & hujus tantæ rei auctores essent ac prin- cipes . Quum multi morbi occupant varias oculi partes , sive per se sint simplices , sive compositi , ut tunicæ inflammatio , aut illi morbi quum sim- plices considerabantur ad partem hanc aut illam peculiariter referebantur , aut generaliter ad oculum ipsum totum . Puta unguis simplex morbus , & rhœas ad totum oculum attribuitur , nomenque dat : Ergo si multita- les morbi complicantur , morbum compositum totius oculi primo per se efficient . Sed pupillæ contorsio , rhagoidis hic aut ille affectus , quum secundo tantum ad instrumentum totum referatur , si multi tales morbi peculiare in hac aut illa parte , peculiaremque denominationem inducen- tes , complicantur , morbum efficient compositum totius oculi : sed vel di-



ces istum morbum compositum non proprie & primo totius oculi dici sed secundo tantum, quod seorsim spectatæ affectiones has aut illas partes attingerent: vel potius vocabimus multos morbos multarum partium, vel implicitos morbos uni oculi functioni generaliter officientes. Sed hæc sufficiunt. Ergo morbi multi aut impliciti dicuntur, aut connexi, seu consequentes, aut disjuncti. Impliciti, ut dictum est, sunt; quorum ea est ratio, ut per se conspirant, ut uni eidemque actioni incommodent: ut de morbis unam vnius oculi actionem lædentibus dictum est. Item pleuritis & asthma, quia duo sunt affectus partium respirationi dicatarum impliciti dicuntur ( quum simul invadunt ) quia communia quædam habent symptomata, ut tussim, & difficilem respirationem. Connexi, & consequentes idem significant recentiorum opinione; quamquam nomen *Consequens* paullo latius manat quam *Connexum*. Exempli gratia: Morbi consequentes seu connexi dicuntur, quorum unus posterioris est causa & auctor, & uterque morbus simul manet: Ut quum affectus est ventriculus, & ei affecto caput condolet, & morbi consequentes, & connexi dicuntur. Quod fit aut propter morbi naturam, ut quum pleuritis necessario febrem continuam advocatam habet, & dicuntur morbi consequentes & connexi: Aut ex partium conditione, quia quæ sunt propinqua, quæque communia, ea primum & maxime affici solent, idque aut generis similitudine, aut vasorum communione, aut operis societate, ut passim annotavit Galenus. Quum itaque ea est morbi ratio, ut unus alterius causa sit & auctor, atque ita ut nisi adempto uno, alter non tollatur, proprie connexi morbi illi dicuntur: sed in ratione consequutionis, quia evenire potest ut commutatione quadam morbus alteri succedat: ut quum peripneumonia pleuritin sequitur, hic non connexi, sed consequentes dicuntur. Observatur siquidem consecutionis ratio, ac connexionis nulla est. Sic nomen *Consequentis* longius patet quam *Connexi*.

De connexis, consequentibus hæc dicta sint. Sed ut scrupulosis e coteribus tandem oratio nostra enatet, de disjunctis separatique morbis nihil dicemus, quod satis disjuncti intelligantur, qui in separatis partibus versantur, quarum non est ea communio quam supra diximus. Qui morbi in ea muliere, cujus gratia hoc susceptum est, satis innotescunt. Nam & in ore foetor erat a prolapsu putris pituitæ a capite, adjuvante quoque tetra exhalatione a partibus inferis: & renum male affectorum ac purulentorum magna quoque fuit suspicio. Atque omnia ita erant occulta, ut morbus potius in diaphthora consisteret, quam in manifesta aliqua intemperie diceretur. Febris erat lenta, cujus seminarium aut renes male affecti erant, aut mesenterium semiputre. Illud observatum in ea quod 6. Epid. scripsit Hippocrates; *Omnis extenuatio laxat cutim, deinde distendit: Refectio vero distendit, deinde laxat.* 4. Extenuationis causæ, alimenti penuria, exercitationes plures, vigiliæ, agitationes, dolores, morbi colliquantes, evacuationes, pravitas humorum in vasis, ut narrat Galenus in historia de muliere extenuatissima 6. Epid. In hac muliere corruptionem esse aliquam testantur omnes excretiones omni ex parte. Accedit quod in  
omnis



Omnis morbi diuturnitate per Galenum, comment. in aphor. *Acuti morbi in quatuordecim diebus*, &c. est obsidio partis alicujus, cujus occasione fovetur tam longus morbus. Et quum caloris, & frigoris magna sit vicissitudo, declaratur vaporis fuscitatio & materia corrupta. Sic Galenus docet in Epidemiis. Sic morbus latens est ex insidiis invadens, & corpus frangens. Immo annotaverunt quidam ex veteribus, in vetulis sæpe ita humores corrumpi, ut exspiret ab iis teter vapor, qui pueros teneros asthmaticos reddere possit. Quæstio est, an esset febris hectica. Aliquando refrigeratio contingebat, sed recalfactio illa solemnis, quæ in nutritis hecticis apparet, non aderat. Si recalfactio non aderat, an non hectica? Erat hectica putris, a qua non excluditur levis perfrigeratio, quæ *πείψυς* & *ἀναδέψυσις* dicitur. Aut dicemus manifestam calfactionem in iis apparere in quibus viscera sunt robusta, non autem si vieta & effeminata sint. Hæc omnia indicabant cogitandum potius esse de prognosi, quam de vita protrahenda. Salutis enim exigua admodum spes supererat. Nam quum morborum securitas aut ex parte ipsius affectus petatur, aut corporis subjecti, aut utriusque: quodlibet horum spectaretur, de salute nil sperabatur. Morbus autem sui indicationem exhibet, aut *τῇ ἰσχυρίᾳ*, aut *κακότητι*. Subjectum, quum vis aliqua est restibilis: nam quum specie & ingenio morbus malus est, & subjectum male constitutum, male præfagiendi occasio sese offert. Et quum omnia in ancipiti forent, deque funere potius quam de vitæ fenore cogitaretur, in eam itum est discessumque sententiam, ut oppugnanda in putredine laboraretur, & viribus adaugendis. Itaque ratione putredinis breves & faciles ex rheo purgationes sunt institutæ. Ut autem corpus & vires recuperaret, serapium instaurans ex testudinum carne est præscriptum.

His ita institutis, domita paullum putredine, ne contagione putrium humorum lactis asinini bonitas superaretur, consultum est ut exactis aliquot diebus ad ipsius lactis usum veniretur. Hoc ita factum est. Recreatâ natura surrexit, morbumque occultum tandem vicit, & præter omnium Medicorum opinionem superfuit; Ut mirum non sit si præjudicata Medicorum judicia sæpe non ita magni fiant, quum ab iis provocare & liceat & conveniat.

## A N N O T A T I O N E S.

1. *Comitatus morbus, ut quum febrem favet atque alit obstructio contumax, comitatus est morbus.*

2. *Quamquam multi morbi consequentes dicuntur, qui necessario connexi non dicuntur, ut pleuritis sequitur peripneumonia. At propterea connexi non dicuntur morbi.*

3. *Quum signa sunt communia, & hæc & illa significantia, oportet Medicos diligenter suam intelligentiam excutere, ne decipiantur.*

4. *Si corpus capit multum alimenti, & tamen non bene nutritur, vel corrumpitur alimentum, vel non distribuitur, vel consumitur ob ingentem calorem naturalem.*

*Consultabant Riolanus, Magnus, anno 1573.*



## CONSILIUM XLII.

*De pulmonum affectibus, in quo queritur, an ad pulmonum morbos quadret tenuis diæta.*

**H**IPPOCRATES optimus instituendæ diætæ architectus, in libris de Diætâ acutorum, disputans de pleuritide, exactam diætâ præscribit: Immo primis diebus ita accuratam illam esse vult, ut quamdiu morbus siccus manet, tenuissime vivendum censeat. Siccum autem morbum vocat, quum nil dum excernitur materiæ morbificæ, quum sputum in os nondum occurrit. Quin etiam tantum periculi creari vult usu solius cremoris ptisanæ, sicco manente morbo, ut inde homines suspiriosos fieri asseveret. Et quod de pleuritide dictum est, idem sanciri debet de omnibus morbis acutis. Pleuriticis enim pro omni morbo acuto in exemplum subjicitur. Item cremor hordei pro alimentorum ceterorum examine proponitur. Et quoniam inflammatio pulmonis ex acutissimorum morborum numero censeri debet, quæstione digna res proponenda, an ea lex quam Hippocrates in pleuritidis cura sancivit, tenenda, confirmandaque in inflammatione pulmonis? Duabus enim de causis idem juris esse videtur. Prior est, quoniam Peripneumonia acutissimus morbus est, cito litis controversiam dirimens: Posterior, quoniam, ex sententia omnium veterum & recentiorum, eadem diætæ ratio & therapias servatur in curanda peripneumonia & pleuritide: immo eorum plerique leviter tantum attigerunt de peripneumonia, & peculiare caput non descripserunt, volentes peripneumoniam curandæ rationem ex capite de Pleuritide depromi. Atque hoc non ita relinquendum est intactum, cujus explicatio & enodatio plurimum profectura est ad curationem morborum, quam omnes diligenter, & prout nostri muneris est, profequi debent.

Galenus locus observatione dignus est: *In pulmone, (ait) spiritus tenuis est, & levis, & quem coerceri oportet, sanguis vero crassus, & quem in singulas pulmonis particulas dimitti opus sit.* Nam pulmo copiosiori alimento eget quam partes ceteræ, tribus aut quatuor de causis: Prima est motus perpetuus: secunda, caliditatis copia. Caliditas autem & propter cordis viciniam, & propter motus assiduitatem & constantiam. Addo & nativam, vernaculamque caliditatem, quum & spirituosâ sit pars, & rara. Et paullo post, tria adinventâ (*ἐπιπλεῖας* Græci vocant) ad affluentiam alimenti ad pulmonem ipsum, idque necessario. 1. Primum copia vernaculæ caliditatis, quæ efficit ut alimentum omne in partes minimas comminuetur, diffundatur, ac citius evaporetur. Alterum pulmonis dilatatio est in inspirationibus, quæ efficiat ut ex densissimis instrumentis (cujusmodi est vena arteriosa) violenter quippiam arripiatur. Tertium ac omnium maximum ab eo sanguine qui soli pulmoni a corde mittitur prius in illo plane confecto atque extenuato. Tertia hæc periodus implicita est atque obscura, nec intelligi potest. Nam propositio illa, *Ab*, in textu Græco non reperitur, & interpres male convertit genitivum Græcorum absolutum. Ita enim  
legi-



legitur in Græco, *τρίτη ἡ μέγιστη πασῶν ἀπὸ τῆς καρδίας ἀντρεμπομένη μόνω τῷ αἵματι ἀκριβῶς ἐν ἐκείνῃ κατηργασμένη ἢ λελεπτυσμένη*. Ita interpretor: Tertium autem, idque maximum (supp. ad affluentiam alimenti ad pulmonem pertinens) est quod sanguis a corde mittatur ad solum pulmonem exquisitè in illo prius elaboratus ac attenuatus. Et quum dicit tria esse præsidia ad affluentiam alimenti ad pulmonem, hoc bifariam potest intelligi, vel quod tres illæ causæ recensitæ hoc efficiant ut multum alimentum affluat: vel potius cum præcedentibus hæc connectantur, hoc efficiunt, ut multum affluere debeat. In utroque sensu periodus hæc intelligi potest. Redeamus ad rem. *In pulmone (ait) spiritus tenuis est, sanguis crassus & gravis, quem ad omnes pulmonis partes ferri oportet; siquidem pulmo ob causas tres multo alimento præ ceteris partibus indiget*. Quorsum hoc scribit? Ut occurrat objectioni eorum qui tueri velint frustra a natura constitutam esse venam arteriosam, & arteriam venosam. Nam si spirituosus halitusque sanguis in pulmone contineatur, necesse est eum arteria dura robustaque contineri, alioqui effluet ut in aliis partibus continetur. Item si crassus sit sanguis, & gravis, utpote nondum elaboratus, quid attinet venam arteriosam architectatam fuisse, quum simplex tunica, ut in partibus aliis fuisset satis? Tacite autem fatetur Galenus eas rationes probabiles esse, ut convincatur frustra machinatam fuisse naturam ista vasa ab aliis ejusdem generis diversa. Nam in partibus aliis arteria dura est, ne cito effluant spiritus per corpus arteriæ: mollis vena, ne diutius infistat sanguis (siquidem per tunicam venæ nutritio fit, ex sententia Galeni) & ita nutritio retardetur: tamen natura necessitate adducta arteriam venosam, & venam arteriosam est machinata. At ampliorem disputationem de vena arteriosa in locum alium non longe rejiciemus, explicantes an legitime, optimaque ratione vena arteriosa a natura sit instituta. Nunc autem quod instituti nostri est explicemus, nimirum copiosiore alimento uti debere pulmonem quam partes ceteras, & ratione caloris tum sui nativi, tum alieni a corpore cordis mendicati, tum constantis perpetuæque agitationis. Si enim hoc verum est, exquisita diætæ in pulmonis inflammatione non est tuta, licet morbus sit acutus, quod & ratione alienum non videtur. At dicat aliquis: Quid tum vero pulmo copiosiore alimento egeat quam ceteræ partes, an propterea tamen exquisitæ diætæ locus non est in pulmonis inflammatione, ut & in pleuritide ab Hippocrate sancitum est? Nam quum Galenus usum venæ arteriosæ docet, necessariamque pulmoni alimenti copiam non ut affectus est pulmo, sed ut sanus, sermo habetur. Nos autem non negamus quidem injici mentionem de sano pulmone: sed tamen ex ea sententia desumimus postulatum ac hypothesin ad id quod instituimus maxime pertinentem. Etenim diætæ instituendæ ratio revocari quoque debet ad naturalem symmetriam partium. Nam si in usurpandis medicamentis dum pars laborat, diligenter sanæ partis naturam ac symmetriam inquirimus, ut quoad fieri potest maxime parti consulatur: idem in diætâ factitari debet. Illud enim est quod Hippocrates monebat, dandum consuetudini, quod non solum de consuetudine intelligitur, sed de pristina natura partis. Ut si cerebrum laboret intemperie humida, & siccam victus



rationem instituimus, quæ a nobis ficcandi vi prædita diætæ præscribitur, non talis est, qualis in aliis partibus servaretur, quæ minus humidæ forent. Nam etsi intemperiem humidam in parte humidissima corrigere consilium est, tamen intra limites consistimus. Sic in calida intemperie partium calidarum natura, impensè refrigerare non debemus. Idem quoque in diætæ instituenda observari debet. Nam positis in hypothesin duabus partibus, quarum una copiosiore alimento eget, altera non item: In paribus effectibus non par diætæ præscribi debet. Nam in affectibus ejus partis cui copiosius alimentum natura concessum est, liberaliores paullo nos esse oportet. In affectibus autem ejus partis cui minus alimenti suppetit, paucos nos contentos esse oportet. Nam ut multum alimentum in aliis requiritur, ita paucum abunde est. Quod & in universi corporis nostri nutritione dum morbo detinemur, observari debet. Nam qui paucos contenti cibo dum integra fruuntur valetudine, vivunt, in iis nos accuratiores, parciores, restrictioresque esse oportet: si minus multo copiosoque cibo vitam propagarent, in iis dum infirmi jacent, liberaliores finis, ratio postulat. Immo Hippocrates iis congruentibus dum de qualitate cibi scribebat, monuit in diætæ præscriptione deteriore paullo cibum consuetum, suaviorem esse ægris magis bono non consueto: adeo nos sollicitos esse oportet, ut & consuetudini, & temperamento, & vitæ instituto aliquid tribuatur.

Itaque si sanus pulmo copiosiore cibo dum sanus est, eget, quam partes ceteræ, ut hepar, & ventriculus, dum inflammatione tentatus est; minus exquisita diætæ definiiri, describique debet inflammato pulmoni, quam aut hepatis, aut ventriculo. Cujus rei confirmatio & fides desumi potest ex Galeni auctoritate, si huic ea in parte fides abroganda non est: *Non sicut in jecinore & ventriculo, ita in pulmonibus tenuissimo victu utendum est. In ventriculo enim & jecore alimentum coquitur, metusque est ne ipsis plegmone laborantibus nutrimentum rite non concoquatur, & phlegmone augeatur: in pectus vero tantum alimenti jam cocti pervenit, quantum uni ipsi particula nutriendæ conveniat.* Hic locus admirationi esse possit: Etenim Hippocraticæ disciplinæ e directo contradicere videtur. Si enim ideo exquisitissimo victu utendum non est in pulmonis inflammatione, qui locus morbum acutum producit, quod tantum alimenti ad pulmonem affluit, quantum ipsi convenit tantum, cur non idem continget in tunicæ costas succingentis inflammatione? At in pleuritide accuratam multum victus rationem præscribit, & dolore præsentem, & dum siccus manet morbus, non multum dare ptisanæ jubet, ne natura a coctione avocetur, ne dolores augeantur, ne

*Part. 32. anhelosus æger reddatur. Ita enim scribit: Quibus cibus, ( idest stercus )  
Comm. 1. statim inclusus, si quis non vacuato eo sorbitionem dederit, dolorem, si adest,  
in lib. de augebit; si non adest, protinus inducet, frequentiorque reddetur spiritus;  
Diætæ a. quod malum est: nempe pulmonem exsiccat ( quia augetur respiratio ab usu  
cytor. cibi ) & fatigat hypochondrium, tum ventrem imum, tum septum transversum. Et ob similes causas qui tota utuntur ptisana septimo die, vel celerius moriuntur: alii mente lasi, alii ob difficultatem spirandi stertoremque præfocati. Sed hic locus an alteri superiori contradicit, quo negat Gale-*



ius locum esse tenuissimo victui in pulmonis inflammatione (quod idem de pleuritide intelligi debet, quum Galenus & in peripneumonia & in pleuritide siccitatem ex eo iudicet, quod sputum humidum non procedat) quum hoc loco ne ptisanæ quidem locum esse neget? Nequaquam hæc pugnant. Sed ex collatione locorum intellecta conceptaque esse oportet. Utrumque conciliabimus, si prius unum explicuerimus.

Causa hæc est cur pulmo inflammatus respuat exquisitum victum, non autem jecur & ventriculus, quod in ventriculo & jecore cibus coquatur: si plenius nutrimentum ingeritur, nec bene coquetur ratione morbi, & augebitur inflammatio. Hæc ratio Galeni est. Alteratio petita ex eodem Galeno, ut antea abunde monuimus, pulmo ob motum perennem, calorem, copiosiore eget alimento quam partes ceteræ: si dum sanus est copiosius cibandus pulmo est quam partes reliquæ, ob eas causas, dum laborabit ea consuetudo, & temperies pulmonis erit inspicienda. Nam Galenus consilio nifus Hippocratis, non vult quicquam peccari nec in commoda universalis nec particularis naturæ. Et quæ ratio unius partis, eadem & totius corporis; & quæ totius corporis, eadem & unius partis. Ita enim scribebat Hippocrates: *Qui bis die cibari consueverunt, bis ptisanam dare &c.* Confer statum ægrum cum statu sano (ut ita loquar) Et paullo post: *Inter initia neque multam, neque crassam ptisanam dare oportet, sed quantum & ob consuetudinem, & ne multa fiat vasorum inanitio, ingerere convenit.* Ac si dicat Hippocrates: Et si principium morbi, aut adjectionem magnam suadeat, nimirum si vigor longe abesse videatur, ut æger in vigore morbi sufficiat, ne in illo cogamur præter rationem accedere ad nutritionem, aut detractionem alimenti, si vigor nempe in procinctu sit, & non est metus læsionis magnæ virium: tamen ita se gerere oportet vel in substrahenda ptisana, vel in eadem aut simpliciter danda, aut augenda, ut consuetudinis ratio habeatur: Hujus enim magna vis est, ne aut temere inaniamus, aut repleamus. Ita enim veteres quidam magnis mutationibus magnas opponere volentes, aliquando perfectam inediam præscribebant, aliquando tantillum dabant alimenti, ut cogerentur tandem cibum in medio vigore morbi adjicere non citra damnum ingens.

Ergo pulmo sanus multo eget alimento. Quum itaque erit inflammatus, habita ratione consuetudinis, non ita exquisita diata erit præscribenda. Scitum enim illud Hippocratis 6. Epid. *Attractio pulmo incendium, evacuat siccatur somnus multus.* In ejus textus enarratione cæcutire mihi videtur Galenus; vult enim conjungi eas duas voces, pulmo incendium, quasi dicat Hippocrates: *Attractio fit quum in pulmone est incendium.* Hoc quidem verum, sed non est sensus Hippocratis. Itaque sic legendum, *Attractio, pulmo, incendium*: idest, incendium per se attractionis causa est: pulmo autem una est ex partibus quæ attrahit maxime undelibet, a capite, a partibus inferioribus, ob calorem, & motus perpetuitatem; quæ duo pulmonem reddunt attractionis capacissimum. Pulmo itaque inflammatus seipso propter phlogosin calidior effectus expetet copiosius alimentum, alioquin arefcet motus perpetuitate, & majori celeritate propter idem incendium icho-

Part. 20.  
comm. 1.  
in lib. de  
acutis.



res attrahet a partibus inferis. Quo pacto libris de sanitate tuenda scribis in hominibus biliosis ob inedia capitis dolores oboriri, attractis sursum missisque vicissim vaporibus. Præterea facile colligi licet vim potentiamque pulmonis excalfacti ex eo loco Hippocratis in libris de differentiis morborum, aut potius de morbis, præsertim quum agit de erysipellate & inflammatione pulmonis. Docet enim tenuissimum sanguinem a magna vena attrahi quum ardet pulmo, unde inflammatio fovetur: at blanda anathymias, idest halitu, vaporeque succulento cibi humectatur paulum pulmo, ac proinde refrigeratur. Atque huc facit maxime quod dictum a Galeno, tantum attrahi alimenti ad pulmonem, quantum uni parti sufficit. Ut propterea ei non sit metuendum a paullo pleniore diætâ.

Nunc autem locus postulat ut locorum Galeni & Hippocratis sensum venemur ac colligamus, ne temere aut adjiciamus, aut detrahamus: quod utrumque cavit Hippocrates, ut mirum non sit modo adjectioni, modo detractiioni attendendum esse censeat. Locus Galeni est, *In inflammationibus pulmonis tenuissimo victui locus non est, quod in pectus tantum attrahitur alimenti cœli, quantum uni parti tantum satis est.* Alter præterea locus dum de usu venæ arteriosæ disputat, quo scribit præ partibus ceteris corporis pulmonem largiore alimento frui debere: Hippocrates autem in pleuritide & inflammationibus thoracis, idest, & membranarum & pulmonum

Part. 33.  
comm. 1.  
in lib. de  
Diætâ  
acut.

exactam admodum ac statam diætâ imperat. *Si, ait, lateris dolor assiduus est, calidis fomentis non remittitur, sputum non procedit, sed citra coctionem glutinosum est, nisi dolorem vel alvi subductione, vel sectâ venæ solveris; si hic ptisanam das, agrum jugulas:* Immo si tota utuntur ptisana, vel septimo, vel citius intereunt. Et paullo ante dixerat: *Si quis sorbitionem dederit non vacuata alvo, dolorem, si non adest, inferet; si adest, augebit: major difficultas spirandi orietur, & pulmonem exsiccat, &c.* Ubi videre licet accuratum admodum esse Hippocratem in præscribenda diætâ pleuritide laborantium, immo ne cremorem quidem ptisanæ concedit: & ut a præscribenda ptisana avertat, proponit terrificâ symptomata quæ talis ptisanæ usus est statim allaturus. Si per Galenum tantum affluit ad pectus alimenti quantum uni parti satis esse potest, quorsum & in peripneumonia & pleuritide plenior cremoris hordei usus pertimescitur? Quorsum reformidatur vaporum, flatuosique spiritus sursum reciprocatio, & prava ad partes thoracicas distributio, quod annotavit Galenus in quodam commentario? Immo si plenior victum in acutis morbis tenuiori, exquisitoque anteponit Hippocrates, curiosa illa sollicitaque ptisanæ præscriptio locum in medendo est habitura.

Com. in  
part. 12.  
comm. 2.  
in lib. de  
Diætâ  
acut.

Ut res tota decidatur, ac lis controversiæque dirimatur, dicimus non abs re exquisitissimam diætâ in inflammationibus thoracicis ab Hippocrate præscriptam ac sancitam, & non abs re a Galeno in inflammationibus istis plenior cibum requiri. Sed quo nexu hæc inter se coherere copularique possint, paucis explicamus.

Hippocrates alias plenior diætâ præscribit, alias tenuiorem, pro robore, natura, temperamento, morbi temporibus, in eodem morbo circumstantiis



stantiis & occasionibus, morbi natura, consuetudine ægrotantium : Etiam eodem tempore morbi aliquando accuratus victus consulitur, aliquando paullo plenior : immo in uno loco adjectionem in morbis commendat, in alio eandem rejicit, habetque rationem universalis & particularis naturæ. Quæ omnia si minus attente audiuntur, avidaque aure non minus accipiuntur, quam prudenti sagacique mente exiguntur, in infinitorum errorum scyllam non præcipites delabemur ? Atque id tantæ difficultatis in unius diætæ præscriptione oboriri mihi videtur duabus de causis. Una est, quod difficilis admodum conjectura quam quisque prudens Medicus habere debet de morbi ingenio, vigore vel statim futuro, vel longe post, item difficilis cognitio naturæ universalis & particularis cujusque, consuetudinis, anteaactæque vitæ, ne temere ab otio ad negotium, aut contra, conversio fiat. Quæ in primis omnia magnum injiciunt scrupulum prudenti Medico omnia ex arte facturo. Ut exempli gratia, si intra triduum futurus vigor sit morbi, non est dubium quin tridui, aut bidui inediam ferre possit, & ita in exquisitissima diætâ perseverandum : sin longius absit, quis dubitat ineunte morbo plenius alendum esse ægrum, ut morbum ferendo esse satis possit, ne quod cavet Hippocrates sub vigoris tempus plenioribus cibum offerre magno incommodo cogamur. Item, si quis ter cibum capere consueverit, quum morbo præditus fuerit, eodem jure velit agere ac cum eo qui semel aut bis ceperit ? Ille quum ægrius alimenti subductionem ferat, hic ejusdem adjectionem non bene fert.

Altera ratio tantæ difficultatis est, propter veterum in ea re ancipites, ambiguasque controversias : Nam nullo fere adhibito judicio, nulloque diorismo, modo absolutam tridui quatruidive inediam præscribebant, & sic fame ægros misere necabant : & sub vigoris tempus cibum offerre cogebantur ; aut quum intelligerent ineuntibus morbis adjectioni potius attendi debere ægros saturabant, pleniusque cibabant ; unde incommoda sequerentur, quæ nulla fere ars corrigeret ac emendaret. At Hippocrates singulari judicio præditus, neutris calculum additurus, exquirat diligentissime & maxime artificiose diætâ in acutis ex ratione temporum morbi, consuetudine ægri, morbi indole, privata, universaque cujusque natura, cujus maximum est in medendo momentum. Itaque sententiam suam ita protulit : *Non intempestive oportet fortes vasorum inanitiones moliri, nec quum morbi urgent feruentque cibum offerre, nec repente in hanc illamve partem mutare licet.* Quæ ratio primum convellit ac labefactat veterum ea de re latas sententias.

Part. 32.  
comm. 2.  
in lib. de  
Diætâ  
acutor.

His itaque positis, an sine distinctione & temere Hippocrates in inflammationibus thoracicis, ut ex illius verbis constat, exquisitissima diætâ retinenda ? Nequaquam. Sed primum hoc censeretur debet, ineunte morbo, aut in principiis morborum (nomen autem principii late funditur) dum sicci manent potius in curam eorum incumbere debemus, quam paullo plenioris victu naturæ consulere. An propterea inedia præscribenda, ut quidam volunt ? Nequaquam. Nam quum dicimus, potius, aut magis, non excluditur omnis cibi adjectio. Primum enim in Aphorismo 50. *In tenui*



*tenui victu agri delinquant*, ait, & *error qui committitur magnus, major fit in tenui victu, quam in pleniore*; duabus de causis, ait Galenus; Quia natura a tali victu debilitatur plurimum, & quia ad insuetam diætam tenuem conversio fit. Nam quum ita tenuis diætā non præscribitur perspecta morbi natura, & viribus ægri, contingit nos vires eas tridui inedia frangere, & cibi accessionem adjungere affecto jam morbo, quum minime sit opus ac deceat. Quum enim graviores sint mutationes quæ fiunt ab otio ad negotium, quam contrariæ, sic gravius in se peccat qui defraudato genio repente ciborum pleniore manu indulget, quam qui a saturitate ad cibi abstinētiā sese convertit.

Præterea idem Hippocrates 1. de Diætā acutor. satis aperte docet non ita amplecti se ineuntibus morbis exquisitam diætā; *Qui in morbis ptisanā utetur, ne uno die vasa inaniri permittat, nec ab usu desistat, nisi propter medicamentum, aut clysterem, aut sectam venam*. Tunc loquitur de morbis nondum validis. Nam si dolor urget, ut locus sit medicamento, aut sectioni venæ, non ita plena manu cibandus æger. Sed dandum vult consuetudini; ut si bis cibum capere consueverit, bis detur ptisanā, ut duabus vicibus, propter consuetudinem tantum expleatur, quod semel si morbus non adesset, expleri deberet. Paullo post subjicit, initio non multam & crassam ptisanā dari oportere; sed videndum qualis consuetudo, tum ne magna vasorum inanitiō fiat. An illud est tam accuratum esse in diætā præscribenda? Nam dum de morbi siccitate paullo post loquitur, quæ videatur alioqui abstinētiā suadere, quoniam cruditatem significat, scribit, si morbus siccior sit, non multum dare oportet. Aliud est dicere, in morborum cruditate, de qua hoc loco mentio injicitur, non multum dari alimenti oportere, aliud est dicere omnimodam abstinētiā a cibo præscribi, ut Prodicus & Diatritarii Medici faciebant. Hippocrates enim illa superiore ratione, & quia utitur in hoc morbo (de ceteris idem judicetur) alimento medicamento nec tenuius nec plenius alit: sed mediam quamdam formam, & æquabilem retinet, tametsi Thessalus eum hoc loco ægros implere asseveret, & Erasistratus eodem fame & inedia necare. Est enim in morbis thoracicis cibo consulendum, viribus & ad educationem, & ad actionem: est & naturæ consulendum, subducta alimenti portione ad mitigationem, materiæque præparationem.

Cautiones autem istæ, cibare oportet in morbis, nisi vel clysteri, vel medicamento, vel venæ sectioni locus sit, indicant aperte detrahendum quippiam de cibo, si dolor absit, ut ejus occasione aliquod illorum præsidiorum usurpandum sit. Nam ita occurrimus objectionibus quas prius movimus, quasque educat quis ex duobus illis Hippocratis locis quos paullo ante enarravimus: si incluso cibo, id est, stercore diu retento, ut ait Galenus, prohibitionem quis det, statim dolorem augebit, si adest; si non adsit, inferet: Nec enim hoc impedit quominus adjiciamus aliquid alimenti, sed quum alvus adstricta est, quoniam assumptæ ptisanæ exhibitæ distributio prohiberetur, vult præmitti clysterem, aut secari venam, priusquam de nutritione cogitur. Si enim in sanis alvo minime libera ingestio esculentorum sæpe termina-



ac contorsiones afferat, multo magis dum aut morbus adest, aut imminet. Alter autem locus videtur urgere paullo amplius: Si lateris dolor assiduus est, calidis fomentis non cedens, si sputum non procedit, nisi quis vel subductione alvi, vel medicamento dolorem laxaverit, ptisanam autem dederit, in perniciem precipitat ægrum. Itaque, dicet aliquis, in peripneumonia, in pleuritide quum dolores adsunt, cibum dare nocentissimum; sed omnino inedia præscribenda est. Non hic est animus Hippocratis. Atque eum locum bifariam intelligimus, objectionemque diluimus: Prior quidem ratio, illic de vigore morbi agit Hippocrates in superioribus textibus, ut demonstratum est, plus minusve ptisanæ exhibuit ineunte morbo, docens non multum dari oportere si siccus manet morbus, nunc autem omnium dolorum & symptomatum vehementiam proponit, & vigorem morbi designat, quis adeo hebes sit, qui quum dolores urgeant ad nutriendum se convertat, quum præmonuerit alendum ægrum plus minusve pro re nata.

Altera ratio, scribit, Nisi quis dolorem vel medicamento, vel phlebotomia solverit, hoc satis indicat urgentibus doloribus vigentibusque succurrendum esse præfidiis artis quum illis symptomatis vires deterreantur, priusque ptisanam exhibeamus, præsertim julepum, idest, priusquam plenius cibemus. Præmisso autem clystere, & secta vena, tum de cibando consulatur. Ex quibus manifesto patet eam numquam fuisse Hippocratis mentem, ut velit etiam in pleuriticis exactam admodum diætam observari, præsertim initio morbi. Quum dubium esse non debeat, in omnium morborum vigore ac statu, quum dolorum summa sunt omnia, tutius esse morbi depellendi provinciam naturæ committere, quam adjectis cibis eandem ab instituto avocare.

Hæc satis sunt, ac priusquam disputationis finis fiat, conciliare locos duos Hippocratis in animo est, qui plane dissentire videntur. Prior est Aphorismorum lib. 1. ubi in morbis adjectioni ciborum attendendum esse vult, ac in tenui victu delinquere ægros potius scribit quam in paullo pleniore: Alter ei plane contrarius est. In libris acutorum ciborum adjectioni intendendum multo minus. *Nam subtrahere omnino sæpe expedit, quum ager sufficere possit, donec morbi vigor mature scat.* Huic & similis est apud Galenum: *In quibus morbis vigor primo quaternario adesse debet, modo natura fortior sit, integram inediam servare debemus: In quibus non ultra primam septimanam forti natura existente solo utendum melicrato. Si natura robori non fidimus, ptisanæ utemur succo.* Quasi vero succus ptisanæ multum ad robur naturæ addendum sit collaturus. Ex adverso pugnant duo illi loci. Sed si mens Hippocratis intelligatur, satis abunde omnibus factum putabimus. Docuimus ante non abs re Hippocratem alias paullo plenioribus ciborum adjectionem concedere, alias eandem plane dissuadere, ob gravia quæ inde sequerentur incommoda. Atque id duabus de causis: priore quidem, quod ex veteribus mendendi magistris quidam absolute plenam diætam instituerent, alii vero omnino cibum subtraherent: quos utrosque ut errare ostenderet, est ubi paullo plenius in morbis cibet, est ubi tenuissime. Sic modo unum consulit, modo alterum, non immemor, ac dissimilis fui; sed ut ostendat quam erroneum sit aliquid ea in re statum raturumque statuere. Posteriore autem, quod quum cognosceret præsidiorum singu-

*Aphor. 3.  
lib. 1.*

*Part. 37.  
com. 2. in  
lib. de  
Diætâ  
acut.*

*Commen-  
tario præ-*

lorum



dict. ver-  
ba hac  
scribun-  
tur.

lorum quantitatem artificiosa egere conjectura, hanc autem assequi conjiciendi vim difficillimum esse, & ad eum pertinere, qui omnium quæ in arte sunt vires norit, maluit in ea re ancipitem, dubiamque sententiam suam proponere, quam aut hoc, aut illud certo definiendo, multis errandi occasionem porrexisset.

Itaque dum primo Aphorismorum paullo pleniorē vi&um laudat, universalem plane non proponit regulam, ut hæc est quam in libro Acutorum scripsit, quum ciborum adjectioni in morbis multo minus attendi oportere dixit. Nemo enim dubitat corpus ægrum non tam indicare refectiōem sui, quam ablationem morbi quo occupatur. Ut enim cibus sano corpori præsidio est & robori, ita ægrum morbosumque corpus offendit, ac lædit. Sed offensio est major minorve, prout plus minusve cibi offertur. Itaque 1. Aphorismorum vult evertere dogma eorum qui magnis mutationibus magnas mutationes opponere in animo habentes, initiis morborum sine ullo delectu inediam absolutam præscribebant, & quod citra damnum fieri non poterat, tempore vigoris cibum adjicere cogeabantur. Satiùs autem esse vult Hippocrates, initio morborum alimento vires recreare, ut quum ad vigorem ventum sit, absoluta inedia minus æger offendatur: ita tamen ut si brevi vigor futurus sit, tantum demamus de cibi adjectione quanto propinquior is videatur. At libro acutorum præceptum generale ponit in morbis dum multo minus adjectioni attendi debere opinatur, quod adhuc per comparisonem dicitur, ut nil temere & absque ratione dicere consuevit. Quoniam, ut dictum est ante ex comm. Galeni in hanc particulam, artificiosa conjectura quam consequi debet quisquis quantitate remediorum rationem ad unguem tenere velit, difficillime omnium attingitur. Accedit quod scribit Galenus ibidem: *Quod plus est (ait) & exsuperat, noxas inemendabiles facit, quod vero minus est, facile emendatur: nempe si virtus labascere videatur, cibi exiguum ministrare debemus. Quod in ventrem injectum est, tollere est difficillimum.* In illis locis conciliandis & ad legitimam medendi formam revocandis diligenter laboravit Manardus epist. 2. lib. 5.

Id quod in quæstione erat positum nunc absolvamus; nimirum an in inflammationibus pulmonis, quod vult Galenus, tenuissimo victu utendum non sit. Jam docuimus in pleuritide, quam pro exemplari & typo morborum acutorum proponit Hippocrates, quatenus adjectioni, aut detractiōi ciborum studere oporteat. Quum Galenus non vult tenuissimo victu utendum in pulmonis inflammatione, notari primum debet quod tantum per comparisonem loquatur. Ait enim, non est tenuissimo victu utendum in pulmonis inflammatione, ut & in jecoris & ventriculi phlegmone. Nemo enim negaverit duos hos morbos accuratissimum victum exigere, quod ratione inflammationis injectum alimentum corrumpere: & quia officiales sunt partes, & in quas alimentum integris viribus injicitur, magis offenderentur. Pulmo autem pars naturalis non est officialis saltem, & ad eum, auctore Galeno, tantum alimentum advehitur quantum uni parti alendæ sufficit. Quocirca non ita incommodum sequeretur ex pleniore cibo. Dicemus autem ad hanc controversiam dirimendam, aliud esse considerare pulmo-



hem inflammatione laborantem tamquam morbo acuto, aliud esse eundem laborantem conferre cum ventriculo & jecinore. Priore enim modo quum acuto morbo affligatur, non est dubium quin quamdiu morbus siccus erit, diæta revocari debeat ad eam quam de pleuritide Hippocrates explicavit: Posteriore autem, revera accuratior victus esse debet in ventriculo inflammato ac jecore, quam in pulmonis inflammatione.

Duplex tamen dubium hoc loco esse possit: Prius, an hoc verum sit in ventriculi & jecoris inflammatione tenuissimo victu uti nos debere, quod pars officialis & naturalis. Immo, dicet aliquis, quia penu est & promptuarium omnis alimenti, & quo nisi agente, & alimentum partibus ceteris ministrante, animal brevi concidat, plenius ea ratione alendum est: alioqui aliæ partes quæ mutuas ad opus curationis tradunt operas, fatiscerent, ac laberentur. Pulmo autem & cerebrum, & partes aliæ; quia naturales non sunt, nec ciborum promptuaria, parcius cibandum, quod ventriculus integer sit, & alimoniam ad tempus sustinere possit. Aut si ita sane alatur plenius corpus, aut tenuius, quid intererit? Dicimus ideo tenuissime hic alendum in inflammatione hepatis & ventriculi, quod morbi omnium sint acutissimi, proptereaque extremos habent labores. Vigor enim in propinquo est. Et hic plus occupatos nos esse oportet in oppugnatione morbi qui plurimi est momenti, quam naturæ corroboracione, tametsi magna virium jactura sequatur. Præterea ex eventu tenuissimæ diæta occasio sese profert. Quum enim partes illæ extreme laborent, dubium non est quin in eis alimentum corrumpatur: corruptio autem illa agris damnum est magis auctura, quam si in totum alimento abstinenceatur.

Posterius dubium, an omnino verum hoc sit, nulla facta comparacione cum inflammato ventriculo, in pulmonis inflammatione morbo alioqui acutissimo, & suam historiam statim absolvente locus sit tenuissimo victui? Videtur ita, quia in iis morbis qui extremos statim labores habent, extreme tenuis diæta conferat: Item quia exhibita etiam ptisana homines *πνευματικά* fiant anhelosi. Præterea quum a corde nutriatur pulmo, si multum ingeritur cibi, plurimum ad cor sanguis deferetur: & ita ad pulmones attrahentes ad invicem, sic inflammatio augebitur: in omni autem inflammatione iis abstinendum quæ multum sanguinis generant. Videtur quod non, dum sanus pulmo multo copiosoque alimento eget comparacione cum partibus aliis, ex mente Galeni. Ergo, ut ante docuimus, consentaneum erit ut non ita parce ac duriter peripneumonicos nutriamus. Præterea calfactus pulmo multum consumit, multum attrahit etiam ratione caloris & motus aucti, si desit ob inedia alimentum pulmoni undelibet rapiat, immo potius ichorosos humores ex quavis parte; sic augebitur peripneumonia, præsertim biliosa: venæ enim arefactæ biliosos & ichorosos humores ad se ex aliis partibus attrahunt, sic & pulmo: præterea arefiet corruptis & sanguine, & spiritu ob incendium pulmonis, unde peripneumonicos animo deficere videmus. Etsi auctore Mesuæo peripneumonia sit aut a pituitoso, aut a bilioso humore: si a pituitoso, tamquam ab excremento; si a bilioso, tamquam a nutrimento: in biliosa peripneumonia plenius cibare



oportebit: & quod nutrimentum adesse parti oporteat, non tantum quantum quidem si sana esset, sed ut in sanis robur alimento augeamus, saltem in aëris servare quoad possumus, debemus. Item quod biliosi ichores ferociunt magis, proterviuntque detracto alimento: nutrimentum enim temperat eos, humefacit, & expectorationem promovet humectando. Sed horum omnium explicationem venari possis ex ea longa oratione quam nos de industria habuimus.

Quod paullo ante sumus polliciti nos præstatueros, illud nunc exsolvendum. Quum enim de usu venæ arteriosæ, ac arteriæ naturam & conformationem venæ referentis, mentio injiceretur, ne disputationis ordo everteretur, pleniorē ea de re disputationem in tempus ac locum aliquanto commodiorem rejecimus. Ad quam nos accingemus, quoniam plurimum habet utilitatis & voluptatis. Utilitatis quidem ad cognitionem eorum quæ dicta sunt de observatione diætæ in inflammationibus pulmonum, quod pulmones multo ubereque alimento ad recreationem sui indigerent. Voluptatis autem in inquirendis contemplandisque naturæ operibus, quæ quum cæca, bruta ac temeraria videatur, tamquam mirus & ingeniosus artifex in iis condendis apparet: sive quod ei mentem tribuere nos cogat divina operum præstantia, quæ citra rationem, intelligentiam, ac consilium temerario fortuitoque nisu talia evadere nequiverunt, seu potius quod Deum & numen in iis suam vim ac potentiam explicuisse necessario fateri cogamur. Quod si renuerimus, id nobis invitis extorquebit admirabilis & naturam superans effectio, quæ quotidie in oculos nostros incurrit.

Res autem quæ proponitur ejusmodi est, cur non ut in partibus reliquis eam venam quæ a dextro cordis ventriculo derivatur, non autem oritur non ut ceteras effluerit, sed arteriæ conformationem ob tunicæ crassitiem quæ quintuplo aut sextuplo crassior est, sortita fuerit: contra vero arteriam quæ sinistro cordis sinui implantatur, raram, subtilemque, & proxime venam referentem esse voluerit. Si rationem conformationis venarum & arteriarum perstrinxerimus, earum quæ partibus ceteris inserviunt, facile causam sumus reddituri, cur in pulmonibus utrumque vas contrariam suæ naturæ conformationem nanciscatur. In partibus quidem ceteris venæ simplex est tunica, arteriæ vero major crassior quam quæ venarum est. Hujus ratio hæc est, quoniam si qui in arteriis continetur spiritus tenuis, calidissimus, ac incitatus maxime, crassis, compactisque vasis non coereretur, evaporaret statim, ac evolare. Sanguis autem quoniam piger, crassus, & gravis est, nisi vase maxime perspirabili contineretur, non bene nutritio fieret. Nutritio porro fit non modo per venarum oscilla, sed per tunicas, transsumta scilicet materia quæ partes irroret, adhæreat illis, & propter adhæsum tandem in earum naturam cedat atque faceffat: Ac contrariam multum in effingendis pulmonum vasis rationem habuit. Nam & aliam nutriendi rationem notam perspectamque habuit, & alimenti copiam superesse pulmoni oportuit, & spiritus communicationem non ita difficilem ut est in partibus ceteris. Itaque crassæ venæ conformandæ & arteriæ raræ ac simplicis consilium hoc fuit.



Unumquodque simili nutritur appposito cibo : pulmonis autem carnem raram, mollem, spirituosamque esse nemo nescit : Eoque factum consilio, ut vena crassior esset, ut diutius sanguis restitaret in ea, & sic elaboraretur. Si enim mollis fuisset tunica qualis a corde manaret sanguis, talis perspiratione & transfusione celerrima in nutritionem pulmonis concederet. Accedit quod in aliis partibus non est ea motionis agitationisque perpetuitas, & continuatio, quæ efficit ut calfactus impense pulmo vi quadam vel ex densissimis vasibus sanguinem arripiat. Tamen ea crassities validam pulmonis attractionem quodammodo retardat atque eludit, ut nihil nisi quod tenuissimum est, e vena arteriosa elabatur.

Arteria autem rara effecta est duabus maxime de causis : Tertiam ac quartam in orationis tractu explicabimus; ut nimirum suppetias venæ arteriosæ ferat; nam quoniam non ita multum promptumque alimentum vena arteriosa præ sua crassitie & opacitate tribuit, id arteriæ tenues, raræ resarciunt ac compensant. Secunda ratio, quoniam ceteris partibus non ita confertim affatimque concedi sanguinem arteriosum convenit, ideo crassæ effectæ sunt arteriæ, pulmo quum ex superioribus rarus ac spirituosus esse dicatur, oportuit arterias non ita crassas, ut quæ perpetuo finire debeant effluere sanguinem eum ad pulmonem reficiendum, qui multum consumit. Tertio ob motum perpetuum, & attractionem aeris externi, ejusdemque exclusionem obedientes esse arterias fuit necesse. Præcipuum autem hoc munus in pulmonum arteriis spectatur; nam nobis inspirantibus exspirantibusve continenter ac facile vehi, revehique sputum oportuit: quo maxime contulisse videtur vasorum arteriosorum mollities & obsequium. Venas autem non necesse fuit contrahi & dilatari ut & arterias, quod notandum.

Præterea crassities venæ hoc affert adjumenti, quod non ita facile effluit sanguis e vena arteriosa præ crassitie, & quia diutius remanet, duo affert commoda; unum ante dictum est, quod nihil nisi elaboratum finit elabi: alterum quod dum diutius manet, diutius fruitur pulmo, minus quidem habet alimenti ea ratione, sed habet diuturnius: si enim rara esset tunica, absumeret statim ac exsorberet: plurimo enim egere alimento demonstratum ante est.

Sed dicet aliquis: Ergo commode non est effecta ista crassities, quoniam minus effluat alimenti, proptereaque suo defraudatur pulmo genio. Huic inopiæ (idest quod non multum alimentum simul, sed paucum paullatim, sensim, & quod Græci dicunt ἐκ προσαγωγῆς) duabus rationibus occursum est. Una quidem, quoniam arteriæ suppleant id in quo deficit vena arteriosa propter suam crassitiem; hæc enim impedit quo minus transportet alimenti a vena arteriosa ad pulmones nutriendos; arteria autem venosa raritatis suæ ratione redimit hoc, resarcitque tenuem vaporosumque spiritum tribuendo. Altera ratione, natura occurrit dum construxit venas in pulmone maximas: ita enim effectum est, ut quantum justæ nutritioni propter tunicarum crassitudinem detrahitur, id venarum magnitudine expleatur. Ostensum enim est crassitiem venarum, quatenus talis



consideratur, efficere ut minus quidem alimenti simul & semel affluat sed diuturnius est & elaboratius.

Dicat aliquis: Si arteria venosa supplet id in quo ob suam crassitiem deficit vena arteriosa, satius fuisset venas naturales esse, ut quæ luculentum dedissent alimentum ratione tenuitatis, & arterias quoque crassas & compactas ut in aliis partibus, ut quæ tenuem & vaporosum alimentum dedissent, non ita affatim ut faciunt quum tenues sunt & venosæ; siquidem venæ ipsæ supplevisent. Nam & pulmo calidissimus & mobilis facile ex arteriis crassis attraxisset etiam sequacem sanguinem spirituosum, quod ex rationibus Galeni patet, qui dilatationem pulmonis sufficientem causam esse ait ad attractionem, etiam ex densissimis venis. Eæ quidem rationes satis per se virium & ponderis habere videntur ad efficiendum naturam frustra architectatam esse aliam conformationem venarum & arteriarum in pulmonibus, aliam in aliis partibus. At illa flexilitas & obedientia quæ desiderabatur in arteriis ob continuam inspirationem & expirationem, unde deductio spiritus & exhalationis foris, intro, intusque foras impedit fortasse quominus idem artificium in vasis pulmonis appareret, ac aliarum partium. Quod paullo post plenius demonstraturum recipio.

Quicquid sit: Natura conformando & arteriam venosam, & venam arteriosam, id semper pensi propositique habuit, ut pulmo & ubere alimento abundaret, & convenienti. Conveniens appello spirituosum, vaporosumque. Diu enim sanguis in vena arteriosa resistit ut attenuetur, & ita familiare reddatur alimentum: arteria autem venosa fit ut & luculente & in promptu pulmo fruatur spiritu & vapore. Quod non ita liberum fuisset, si arteria sextuplo major, idest crassior fuisset.

Atque quoniam huc disputatio nostra adducta est, ut de qualitate sanguinis qui continetur in vena arteriosa diceretur, quærendum nunc antalis sit ut sit subtilis, vaporosus, tenuis; an vero crassus, in crasso corpore contentus, & minime alendo, reficiendoque pulmoni idoneus, qui subtili attenuato sanguine refocillatur & delectatur: Quæstionis hujus prima disputatio tamquam levioris armaturæ excursio facta est, nunc eam plenius excutere ac eliminare lubet.

Pulmo nutritur sanguine halituoso tamquam familiari proprioque alimento. Omne autem alimentum quum tribus quatuorve modis ab Hippocrate dicatur, illud demum alimentum dicitur quod nutrit proxime, quodque jam nutriendæ parti assimilatur. Ita nimirum id quod ingeritur nunc potulentum ac esculentum reapse simile non est rei nutriendæ, sed quum initio absimile sit, multiplici alteratione tandem assimilatur, idemque fit. Eadem ratione qui in vena arteriosa sanguis continetur affluens a dextro cordis ventriculo non necessario est spirituosus initio, sed quum crassus sit, & in crasso opacoque vase contentus, nempe in vena arteriosa, quia non cito effluit & transbibitur ob vasis crassitiem, datur spatium attenuandi, comminuendique in partes minimas. Dubitatur autem an quum a corde rapitur sanguis, non jam attenuatus sit & crassus. Occurrunt enim loci



contrarii apud Galenum in lib. 6. de usu part. Prior locus est: *Omnino, opinor, in pulmone spiritus tenuis est & lenis, & quem coerceri oportebat, sanguis crassus & gravis, & quem in omnes pulmonis partes ferri oportet, ut qui copiosiore utitur alimento quam partes ceteræ.* Hic abunde patet Galenum docere velle sanguinem rudem ac crassum esse, dum probat verisimile esse venam debuisse esse simplicem in pulmone, ut in partibus ceteris. Atque ut vere dicam, vas crassum redditum est non ratione sanguinis tenuis ne foras exsiliat, sed ut diutius retineatur in vase, nec effluat quin elaboratus sit: eo accedit quod pulmo ratione & motus & caloris attraheret sanguinem incoctum, nisi vasis crassities impediret. Locus alter est plane contrarius eodem capite. Nam dum reddit rationem Galenus cur pulmoni copiosum ac uberrimum alimentum conveniat, tria affert locupletissima argumenta. Primum copiam caliditatis vernaculæ, unde alimentum facile comminuitur, ac diffunditur: alterum, pulmonis dilatationem in aspirando: unde attractio fit alimenti etiam ex densissimis corporibus: tertium ac omnium maximum, quod mittatur sanguis a corde ipso prius attenuatus ac elaboratus. Itaque priore loco vult sanguinem rudem ac crassum, & indigentem crasso vase ut attenuetur: Posteriore hoc vult a corde attenuatum ac elaboratum mitti. Ergo inutilis constructio venæ arteriosæ in eum præsertim finem ut nihil ab ea effluat & resiliat quod non ad unguem extenuatum sit. Ita conciliare oportet eos locos. Quum dicit indigere multo alimento, quoniam a corde mittitur elaboratus & attenuatus, unde facilis ejus fit & alteratio, & dissipatio a parte præsertim calida, illud per comparisonem debet intelligi cum sanguine aliarum partium. Nam si ab hepate immediate mitteretur sanguis, non est dubium quin diutius nutriret: minus alimenti daret ob crassitiem (ut abunde docuimus ante) sed diuturnius. Oportet autem diuturnius alimentum esse, alioqui pulmo contabesceret. Nunc autem quo magis sanguis procedit, eo magis elaboratur, præsertim si non attingat ad venas (ut de lacte constat) qui in dextro sinu continetur, elaboratus est comparatione cum seipso dum ab hepate fluit, nondum est elaboratus, si comparetur secum postquam moram traxit in vena arteriosa: Etsi libere dicam quod sentio, ego existimo venam arteriosam ita crassam effectam esse, non tam ut subtilior accuratiorque reddatur sanguis ad nutritionem pulmonis; quam ut non ita repente a pulmone arente, calente, & dilatante se rapiatur, atque consumatur. Quod mihi videtur probabilius. Ita enim vena arteriosa non finis ob conformationem cito exfugi, abripique sanguinem, est veluti penu & promptuarium sanguinis ad nutritionem pulmonum. Quamquam & ad hanc rem magnitudinem & copiam vasorum effectam esse vult Galen. ut quod justæ nutritioni ob tunicarum crassitudinem detrahatur, ipsarum venarum magnitudine compensetur.

Quod autem sanguinem qui continetur in vena arteriosa sit necesse paullo crassiore esse, & paullo crassiore vase coerceri, satis abunde apparet ex his incommodis quæ consequi solent, quæque apparent in iis qui sanguinolentum sputum e pectore extundunt. Omitto casus, ulcuscula, diau-



roseis, quæ sæpe *ἀραιότες πτύσιν* promovent, persequor tantum commentationis ergo eos quibus aut arteriosa vena tenuior, delicatiorque est, aut sanguis qui e corde ad venam arteriosam confluit spirituosus halituosusque magis. Positum enim ante est, quod diligenter debet annotari, nutritionem per tunicas vasorum fieri, si per tunicas fit, si vas rarius, pulmo continenter attrahens potest facillimo negotio id educere quod tingat sputum: præsertim quum aut exercitatio violenta præcesserit, si generosiori vino indultum fuerit. An ejusmodi cruenta excretio formidanda? Non hercle; Siquidem tenuitas sanguinis, & vasis raritas facile hoc inducunt. Unde frustra fatigantur venæ sectionibus, frustra incutitur metus tabis ab ulcere: quod cruentam expectorationem sequatur necessario ulcus: ut quum mejitur cruentum, falso comminiscuntur ulcerationem secuturam. Tantum enim abest ut illi juventur sectione venæ, ut contra illis eo pulmones debiliores reddantur, & sanguine tamquam freno in ejus generis hominibus detracto bilis protervit, ferocitque magis, ut placuit Arabibus, quicquid contra dicant veteres aliquot, & recentiorum nonnulli. Tametsi enim objiciant in ardentissimis febribus Galenum misisse sanguinem, quum in illis uberrimæ bilis impetus atque impressio appareat. Respondemus in illis febribus ardentissimum sanguinem detraxisse Galen. non simpliciter, idest, non parca manu, ad evacuationem tantum nonnullæ materiæ, & refrigerationem nonnullam, sed ad animi usque deliquium, ut refrigerationis ratio omnino habeatur. Quod diligenter notandum. Nam qui in biliosa febre parce detrahit sanguinem, is furentem magis bilem reddit: at si liberaliter, non est dubium, quin sequatur magna refrigeratio, & bilis temperatio. Atque quum in biliosis hominibus cruentum expectorantibus ob sanguinis tenuitatem sanguis mittitur, parca manu mittitur; unde ex superioribus patet eos offendi non leviter. At dices, juvantur tamen. Quid tum si id temporis juventur? Sæpe enim sectio venæ, & calfactio, & dolorum per narcotica sedatio uno tempore tentatur, & fit quum clam, occulte & furtim lædatur plurimum æger: & læsionis argumenta nonnisi longo tempore apparent. Unde videmus eos quibus pro aliqua re nata sanguis mittitur ad obeunda munia ineptos, pulmones habere imbecillos. Juvabantur quidem olim his remediis, sed pleniorē fidem faciunt quæ sequuntur. Præterea in pravam consuetudinem corpus adducitur, ut Galen. lib. de consuetud. doctissime annotavit. Itaque quibus ea hæmoptysis contingit, consuli deberet humorum potius temperatio, quum eis potius sit metuendum ab ariditate pulmonum quam ab ulcere, ut falso plerique comminiscuntur ex rejectione sanguinis, quam ut antevertant, statim sanguinem mittunt.

4. Ariditas autem sequetur, & ex sanguinis tenuitate, & vasorum non legitima conformatione, ut si vena arteriosa sit rarior: præterea ex frequenti sectione venæ quæ celebratur falso & erronee. Illud enim confirmari potest experientia, omnem venæ sectionem partium propinquissimarum parti a qua detrahitur sanguis, imbecillitatem afferre. Ita enim quum vena puppis aut temporum aperitur, multorum judicio & imminutio memoriæ, & imbecillitas partis aliqua consequi solet. Et quibus in malleolo mitti-



tur sanguis, non ita liberi gressus sunt potentes ut antea. Quare? quoniam detractio sanguinis imbecillam reddit partem in qua feritur vena, & eas quæ sunt propinquissimæ. At quum hepar remotum sit a vena gibberi, non ita infirmatur. Pulmo autem quoniam proximus est venæ mediæ & basilicæ, siquidem immediate fere mittitur sanguis (ut testatur subita sedatio, quiesque doloris secta in pleuritide vena) nemo inficias eat crebra frequentique detractio sanguinis & spirituum, & laterum robur, & nervos, & pulmonum vim relaxari ac debilitari. Unde quibus in pleuritide liberalius detractus sanguis, ii sæpe dolores lateris experiuntur, & illis paullum favientibus e vita abripiuntur.

Itaque ut redeat nostra oratio, de his melius natura meruit quibus sanguis paullo crassior est, quam quibus ita tenuis. Quum enim tenuis est, promptius sufficitur in locum deperditi, & alimentum ad manum dat, sed brevius nutrit: quum crassior, diuturnius, sed minus; Hoc autem optabilius est.

Et ut de vase arterioso dicatur adhuc aliquid, dicimus venam arteriosam non affatim quidem præbere alimentum, sed continenter: & crassities venæ facit ut tenuissimus detur sanguis: raritas arteriæ venosæ ut copiosus spiritus, & affatim: quod huic parti necessarium in primis fuit.

Est & aliud notandum, nimirum quod subjungit Galenus, commodum non visum fuisse naturæ ut a vena cava statim & immediate sanguis ad pulmones ferretur: vel quia in cava vena crassior sanguis est quam qui alendo pulmoni sit idoneus. At in cordis dextro sinu elaboratur aliquantum: aut quia necesse aliquandiu retineri antequam ad pulmonem affluat, ne statim absorbeatur, & propterea a sicco pulmo laboret. Item si ita immediate ad cor ferretur per continuationem quamdam vasorum, nulla vena arteriosa fuisset, & nullæ epiphyse membranarum, sed vena quæ vulgo arteriosa dicitur, verarum venarum naturam expressisset.

Possent quis objicere, frustra naturam machinatam fuisse venam arteriosam. Prima ratio: Sanguis qui a corde ad pulmonem affluit, tenuis & elaboratus est; non necesse itaque fuit crassam fuisse venam, & arteriæ similem, ne inelaboratus sanguis ad pulmonem allabatur. Sed huic rationi validissimæ ante responsum est. Altera ratio: Sit ita sane, sanguis qui in venis continetur pulmonis, esto crassus, & gravis, non propterea tamen necessaria fuit vasorum densitas ad elaborationem: pulmo enim quia calidissimus est & per se, & ratione vicinæ cordis, & quia movetur perpetuo, comminuit facile sanguinem quantumlibet crassum & gravem: quin si crassus, transumatur ante tempus, quia diutius in partibus hærebit, minus siccabitur pulmo, sed præsens habebit alimentum circa quod sese exerceat. Huic rationi ita respondebitur: Non fuisset necesse pulmonem in eo occupari ut crassum illum sanguinem in vena simplici contentum, & ab ea assumptum comminueret; gravior enim ea ratione fuisset, suoque muneri defuisset, quod in eo versatur ut refrigerium cordi afferat, & inspirationi, expirationique inserviat.



Ad duas rationes accedit hæc de evertenda arteria venosa. Si arteria talis fuisset qualis naturaliter in aliis partibus existit, idest crassa, melius pulmoni consultum fuisset; nam & non ita spiritus exinaniti fuissent, & satis abunde suppetiisset spiritus, quia pulmo calidus ex denso corpore arteriæ attraxisset, & per se spiritus satis sequax est. Perperam enim id fit quod scribit Galenus, arteriam venosam sua tenuitate supplere id in quo arteriosa vena propter suam densitatem deficit. Nam si vena naturalis fuisset, supplevisset id in quo arteria propter suam crassitiem defecisset. Vera quidem hæc sunt, & quæ pro evertendo naturæ instituto sufficiant: sed aliud est præterea considerandum. Nam quod arteriam venosam instituit natura, non eo consilio id fecit, ut suppleat aliquid pro vena arteriosa; id enim tantum ex eventu fit. Sed quum pulmo sit pars spirituosæ, & quæ spirituosæ instrumenti rationem habeat, oportet illam abunde spiritum suppeditare: non potest autem commodius id fieri, quam si receptaculum spiritus rarum fecisset. Altera ratio potior est, quæ eo naturam induxit, nimirum quod necessarium fuerit arteriosum vas obsequens & flexibile esse ob inspirationes & expirationes. Nec enim dubium est quin nisi ea ratio impediret, arteriam venosam optimum fuisset crassam esse ut diuturnius esset alimentum, & diutius spiritus suppeteret. Quæ omnia a nobis exagitata pertractataque sunt ut in veterum libris, si quid sit scrupulosum, eruatur, ac innotescat. Abunde autem id fit expansis orationis velis.

### A N N O T A T I O N E S.

1 *Ergo perperam faciunt qui in morbis thoracicis multum sanguinis detrahunt, quia fraudant alimento.*

2 *Nam quemadmodum in generali diætæ præscriptione non ad unguem observatur dictum Hippocratis, ut quum extremi labores fuerint, extreme tenui diætæ utamur; sed sæpe, & temporis, & idæ morbi, immo & peculiaris naturæ ægri ratio habetur: Ita in speciali diætæ præscripto peculiaris ratio harum aut illarum partium initur.*

3 *Vena arteriosa, ait Fernellius, nil intercedit cum vena cava: quoniam duplex simplici non continuatur, nec cohaerescit. Sic totam hanc venam arteriosam ex corde nasci oportebat.*

*Arteria venosa sic condita, quoniam qui aer attractus in cor irrepit, nondum spiritus modo attenuatus est.*

4 *Item in iis quibus spirituosus sanguis, fatiscit pulmo, arefcit, & adhæret costis, ut experientia docet. An quia aliquando cruentum spumant, sanguis mittendus? error est fœdissimus.*



## CONSILIUM XLIII.

*De ventriculi gangraena & fideratione.*

**A**BUNDE alio loco docuimus verum esse quod scribit Hippocrates, similitudines bonis & eruditis Medicis fraudem facere : quod artem Medicam conjecturalem admodum facit. Etsi enim in plerisque ratiocinationi locus est, demonstrationisque leges sunt certissimæ : in aliis multis ita ambigit ac fluctuat ratio ipsa ob signorum complicationem & verisimilitudinem, ut quod tenendum vix explicatum exploratumque sit. Id quum alias a nobis expositum est in variis morbis, tum in hoc uno quem explicandum suscipimus a nobis præstandum est.

Jacobus Gallus annos 50. natus, melancholico temperamento præditus, quum olim biliosus fuisset, conqueritur de dolore ad umbilicum. Solemnis illi erat excretio cujusdam materiæ purulentæ per anum, quod in recti intestini extremo pene ulcusculum ibi conceptum putaretur. Duodecim pæne annos post vim recto intestino illatam eo fluore recreatus est aliquantum. Restitit ille, aut non eodem modo perseverabat. Doloris illius ad umbilicum desidentis causam referre poteramus ad illam suppressionem. Clysteribus, medicamentisque est allevatus. Non ita paullo post dejecta appetentia, vomitiones, languor, partium extimarum quædam levis perfrigeratio, tamen incedebat. Et liquida & esculenta vomitu rejiciebat. Veneno infectum putabant. Ac revera præterquam quod manifesta leipothymia non prehensus est, assumti veneni argumenta aderant pleraque. Tamen eum ea suspicione liberavimus, quod nullam de foris occasionem præcessisse videremus. Per dies quadraginta pæne perseveravit vomitio illa. Quod mirum fuit, nec ulla ratione allevari potuit. Digito indicabat sedem affectam, nempe superius orificium ventriculi & pylori regionem. Sensum quemdam ponderis habebat. In horas marcescebat, facies concidebat, & totus venter collapsus est, præsertim qua parte subiacet ventriculus. Quidam, ut aliquid afferre viderentur, jecur & lienem putruisse dicebant : alii ad mesenterium obstructionibus plenum confugiebant. Et illud commune Medicorum asylum est, sine quo vix rem, lucrumve facere possint. Sed id non sine magna ægrotantium clade, & Medicorum opprobrio : quasi vero in illis duabus partibus solum omnium morborum sedes exsistat. Ad syrupum de cichorio solemnem confugitum est : sed omnia frustra. Tamen qui paullo accuratius rem inspicerent, quum viderent tamdiu perseverare vomitionem, dolorem ad ventriculum non admodum urgentem, nil profici fotu, litu, delectu ciborum, balneo quoque ipso, necessario pylori vias obstructas collegere. Satis apte quidem. Sed unde obstructio ? an a scirrho, an ab inflammatione ? Et si ab inflammatione, cur febris non erat acuta, & cur non perimebat intra paucos dies ?

1. Interiit tandem plane emaciatus ac si sphacelatum corpus esset. Aperto cadavere, illud utrumque viscus, lien & hepar, quod fomitem malo-



malorum falso judicabant, satis erat integrum; quamquam forte intemperie quadam, malaque diathesi utrumque affectum erat, non ita tamen ut mortis inde occasio nasceretur. Ventriculi facies extima erat vermiculata, pylorus talis & pane restrictus, facies interna corrupta & putris, & statim laceratus est ventriculus, adeo (quod mirum fuit) in tota sua natura erat putris & cadaverosus. Humor qui in eo erat, nigricabat. Gangræna & sideratio erat ventriculi, quod numquam fere contigit. Et mirum, quum tam male affecta esset illa pars, & ejus vis deperdita, quomodo tamen facultas ejus expultrix in citando vomitu vigeret. Vomitus illa plane erat contra naturam, non a facultate excretrice vegeta, sed a retentrice deperdita, agente superiore orificio ventriculi, obturata pylori via, hinc residua vi quantulumcumque in ea parte, statim remeabat id quod in ventriculum injectum erat.

Quæstio esse potest, unde illa sideratio ventriculi, an ab inflammatione, an a veneno, an ab alia qualitate; Si ab inflammatione, febrem adesse oportuit, quod præsertim ea pars inflammaretur, quæ locum maximum in corpore obtineret. Ille quum genio indulgisset, & generosissimis vinis usus esset, credibile ventriculum tandem vitium aliquod concepisse, sive per se, sive per refluxum materiæ ab hepate, aut occasione suppressæ illius materiæ, quæ solemnī evacuatione excernebatur. Ita enim ventriculus ut & alia pars potest in tota sua substantia affici & corrumpi, ut & partes aliæ. Accedit quod phlogosis quædam potuit oriri in pyloro, & ejus contagione affici ventriculus, citra tamen febrem continuam ardentem. Docuimus enim ante id contingere in melancholia hypochondriaca laborantibus, in quibus pylorus phlogosi detinetur citra manifestam febrem. Quod est notandum. Quod autem verisimile sit in ventriculo & partibus ei vicinis illam phlogosin conceptam fuisse, satis indicavit refrigeratio partium extimarum quæ viginti quinque dies perseveravit, & quinque diebus antequam e vivis excederet febris apparuit in omnibus partibus.

## A N N O T A T I O.

1. Eodem pane modo interiit Dominus Vigneron, in vico Templi qui per sex hebdomadas laboravit, & de stomacho tantum querebatur. Sentiebat pondus quoddam, nec in latus alterutrum decumbere poterat. Vomebat sæpe. Aperto cadavere hepar superiore parte adharebat diaphragmati, & idipsum hepar putre erat, & pulmones fere.

## CONSILIUM XLVI.

*De venæ sectione in febribus tertianis.*

**A**RABUM hoc fuit decretum, In tertianis febribus non mitti debere sanguinem nisi exacto jam tertio paroxysmo, & postquam sanguis putruerit. Quod forte non abs re dictum est: nec credibile ita veteres

Ara-



Arabes, aut alios aliquid sine ratione, aut experientia pronuntiavisse. Ejusmodi autem decretorum limanda eruendaque ratio, ut ea boni æquique consulantur. Videmus plerisque ante tertium paroxysmum missum sanguinem magno quodam profectu: aliis non item. Sed cur expectandum donec putruerit sanguis? Numquid satius est statim demere sanguinem, ut natura recreetur, & non expectare quoad sanguis contaminatus fuerit? Si plethora est, eaque naturæ molesta, solvatur is habitus, & pertundatur vena: si cacochymia, relicto alio solemni remedio, de purgando corpore cogitetur. Quamquam non desunt ex recentioribus qui nitantur & auctoritate veterum, & ratione docere, non posse cacochymiam adesse, quin adsit simul & pleonexia si non ad vasa, ad vires saltem, quod ii pravi humores non solum sua qualitate infesti sint (a qua cacochymiae nomen desumitur) sed etiam sua quantitate. Sed iis salebris relictis, quæramus num in febribus tertianis (quod & ad alias a putri humore natas febres extendi potest) tuto vena secetur ante tertium paroxysmum. Materia quæ committit tertianas, extra vasa est: humor est primum laudabilis sua natura, sed qui per putredinem quæ tempore aggreditur, & per gradus quosdam naturæ infestus sit: febris essentia & ὑπερξία in ignea natura consistit (unde absoluto nomine πυρ vocatur) materia quæ accensa calorem illum fovet, conscripta conclusaque loco est, an ea educitur sectione venæ? Hic multa occurrunt quæ limatius excuti possent, & longiore tempore, sed non est hujus loci atque instituti. Primum, an quia in majoribus venis materia non continetur, quæ intermissionis participes febres committit, ideo locus sit sectioni venæ? Quod quoniam a Neotericis disputatur, & contra a majore eorum qui cum nominis celebritate, & ægrotantium auxilio Medicinam faciunt, agi solet, hac disputatione sumus superfessuri. Constituatur enim tamquam postulatum in intermittentibus febribus, venam tuto ac ex arte secari. Quæstio tantum est de tempore, & an expectanda sit humorum putredo, antequam aperiatur vena, ut Arabum familiæ placuit. Quod diligenter intelligendum est, ne quid hic temere fiat & peccetur. Humor qui hodie paroxysmum committit, an putris, an imputris? si putris erat, quare superioribus diebus non committebat febrem? si imputris, & intra naturæ limites contentus, quomodo febrem putrem committit? Quia putrescit (inquies;) ergo quamdiu aderit putris humor, tamdiu perseverabit accessio? Verum illud est; nam difflatur humor qui in hac accessione putruerat, unde perfecta ἀπυρεξία. Quæ non contingeret nisi discuteretur humor putris; hinc confusæ urinæ, hinc sudores. Ergo reliqui humores imputres sunt? Quorsum itaque expectandum donec putruerint humores? Nam tantum humoris putris, quantum uni accessioni satis est. Et sic humores non educuntur venæ sectione nisi laudabiles in causa antecedente (ut ajunt) & illaudabiles in causa conjuncta. Sic multa parvo quasi suscitabulo quæstionis genera excitantur, quæ non erit facile delere nisi major occasio & otium nobis suppetat, quum eorum alioqui evolutio & explicatio magnum sit allatura commodum juxta ac voluptatem. Sed non possunt omnia uno loco. Ut

autem



autem paucis terminetur quæstio, quæ paucis fomitibus excitata in im-  
 mensum excrescere possit, id quod ratione & experientia percepimus, aper-  
 te declarabimus. Non est in eo diutius hærendum, in quo dubitatur, si  
 in unaquaque accessione discutitur totum quod putret, unde in quartanis  
 & tertianis perfectam esse apyrexiam, Galenus ostendit (nisi quod in quar-  
 tanis die intermissionis raritas & tarditas in pulsu manet.) Si totum quod  
 putret discutitur, quid est quod exspectemus hunc aut illum diem, hunc  
 aut illum paroxysmum, donec sanguis putreat? Nam finita accessione hu-  
 mores reliqui expertes putredinis manent, ut videtur, contra tamen fit.  
 Aliud enim est humorem paroxysmi auctorem putrere, aliud est massam  
 sanguinis vitium concipere. Etsi enim humor qui accessionem committit  
 nondum putruerat, & post paroxysmum totus discutitur, tamen aliud est  
 vitium in sanguinis massa tamquam causa antecedente morbum diutius  
 alitura, futuraque, cujus occasione demendi sanguinis captatur occasio.  
 Quotiescumque enim in corpore febris concepta est, febrilis caloris vi, hu-  
 morum moles facile corrumpitur. Unde sæpe secundo aut tertio morbi die  
 missum sanguinem laudabilem deprehendimus, progressu tantisper morbo  
 aperta vena putrem ac virentem fluxisse: quod argumento esse debet mi-  
 nimis momentis magnas in corpore oriri mutationes in hanc aut illam  
 partem. Sic ratione illius putrentis sanguinis celebratur venæ sectio.  
 Quorsum itaque ante putredinem in massa conceptam celebratur? ratione  
 plethoræ. Sed juvatne exspectare quousque vitium in massa conceptum fue-  
 rit? illa quæstio est de qua disputatur. Id duabus rationibus aut tribus fie-  
 ri debet. Prima est, si incendii concepti in humoribus major habetur ratio,  
 quam copię humoris morbifici in præcordiis. Nam quum in paroxysmis ur-  
 get æstus, aperta vena ille præcipitatur, prævertiturque; unde minus em-  
 pyreuma, minus postea incendium & febris: sed si major occasio materiæ in  
 præcordiis, ad purgationem veniundum. Secunda, quoniam quum vitium  
 massæ sanguinis communicatum aut ratione caloris febrilis, aut ratione vapo-  
 ris, paullo tum morbus dicitur maturior, & natura irritatur magis: atque  
 ita irritata natura per missionem sanguinis illius putris paullo post reficitur  
 ac recreatur. Nam post ejusmodi evacuationes sequitur aut alvi fluor, aut  
 sudor, qui facile morbi reliquias discutit. Tertia ratio est ejusmodi, quum  
 plethora adest, aut ad vasa, aut ad vires, sine ulla mora ferire venam  
 oportet: nam præsentem incendio febrili, & sanguinis copia facile strangula-  
 tur calor naturalis, hinc suffocationis periculum: hinc raptus humorum sur-  
 sum, deorsum, & symptomatum augmentum.

Ratio quæ efficiat sæpe ut primæ venæ sectionis nulla fere sit utilitas,  
 est quod parca manu nimium ea celebretur. Si enim liberalius sanguis mit-  
 teretur, dubio procul manifestior foret utilitas. Cetera alio loco fusius pote-  
 runt explicari.

#### ANNOTATIONES.

1. *Ne quis forte litteræ Arabum vim afferat, imponatque, ut quidam*  
*so-*



solent facere, contradicendi studio, nos ipsius Principis verba referemus. Nec enim absolute tertiam accessionem prætermittendam vult antequam venam secemus. Verba autem ejus sunt dum curam instituit febris tertiana vera, si possibile est ut non phlebotometur ager nisi post tres paroxysmos. Non est itaque cur absolute quidam dicant Principem in febribus tertianis non secuisse venam nisi post tres paroxysmos: Galenus 1. ad Glaucon. in cura tertiana vera non meminit venæ sectionis, totus fere est in alterando. Paraphrastes ait illo loco non multum Galeno placere curationem, quæ fit aut per venæ sectionem, aut per vehemens medicamentum. At dum ex professo tractat de febre tertiana notha, meminit venæ sectionis. Sed notanda verba sunt, quoniam circumstantiis plena sunt. Sunt autem hæc: Si sanguinis missione opus est, nec est ea omittenda, sed initio statim detrahes, distinctis iis quæ probe nosti: idest, videndo an ex collatione virium cum morbo, & hujus cum illis ager sufficere queat profligando morbo: item observata ætate, tempore, & ceteris. Rondeletius carpit Galenum, quod is voluerit in febre tertiana (de exquisita loquitur) expectandum esse tertium paroxysmum antequam vena aperiatur. Quod falso a Rondeletio dictum est. Nisi forte ex cap. 15. lib. 11. Methodi hoc desumserit. Sed hoc verum non est, nec de ea re audiendus est.

2. Mirum quod scribit Galenus comment. in aphor. 43. lib. 2. de diata quibus sanguis copiosus & nondum insigniter immutatus in naturam alterius humoris, iis detrahendus etiam audacter: quibus vero jam mutatus est, non detrahendus. Tamen contra facitamus, liberius vacuamus & audacius quum videmus alteratum, quam quum parum. Immo Galenus in melancholia audacter sanguinem mittit quum videt sanguinem in habitu esse melancholicum. Et nisi ille locus de pleuritide & inflammatione partis intelligatur, non potest tolerari, de quo est videndus comm. in aphor. 10. lib. 2. de diata acut.

## CONSILIUM XLV.

## De Lethargo.

**V**IDUA Domini Garnier Procuratoris annos 45. nata in morbum incidit. Habitu erat satis succulenta, alba, genis rubentibus. 1. Ægritudine aliqua animi detinebatur qua sese eximere facile non poterat. Circa æquinoctium autumnale, quum præcessisset temporis constitutio inæqualis (qualem pauci admodum animadverterant) putredinis parens, in morbum incidit. Primum totum corpus maculis rubris, ac si morbillis laboraret, aut si ingens æstus foret, erat defœdatum, nonnullus corporis torpor, appetentia dejecta, ignavia, rerum omnium contemptus, quum alioqui prudenter rerum omnium satageret, & ad omnia obeunda munera esset alacris: Quod magnam morum dissimilitudinem significabat, & ad judicandum de dubio ancipitique exitu occasionem porrigebat. Febris continua fuit, de nocte maxime exacerbabatur, nec exacerbationis nullum  
signum



signum erat quod anteiret. Sed confusa erant omnia. Magna non ita febris apparebat, ut ea nos moveret. Febres eo tempore grassabantur mali ingenii. Urinae fallaces erant: nam nec incendii indices erant magni: & sedimentum laudabile satis, & enæorema continebant. Comatosa erat, nec nisi interrogata respondebat: alieni tamen iudicii nullum erat signum. Capiebat satis belle cibum oblatum: Diebus iudicibus nil natura movit, nihilque excrevit nisi arte sollicitata. Dejectiones variae, putres admodum: sanguis bis missus plane putris: vires plurimum dejectae apparebant, praesertim animales, quarum etsi non magna necessitas est, in morbis, auctore Galeno in Methodo medendi: tamen ad iudicandum nobis magnam praebent occasionem. Primis decem diebus exactis, omnia satis moderata, pacataque fuerunt: sed ab undecimo aut duodecimo die magnum apparuit incendium, ex intervallis graveolentissimae dejectiones, levia deliria, oculorum lacrymae involuntariae: genarum, ac praesertim sinistrarum rubor satur admodum. 2 Tandem quum urinam redderet involuntariam, aut retineret aliquando ac si suppressa esset, involuntaria quoque alvus descenderet decimo quarto morbi die ab illa exacerbatione manifesta: vicesimo autem totius morbi historiae die, cum sudore magno (nullus autem toto tempore febris) apparuerat deliria, risus, taciturnitas summa, tremores, & quasi subsultationes manuum aderant. Potus omnes sine discrimine admittebat, non sitiebat graviter febriens, potus veluti in profundum descendere videbantur: quum colluere os aqua juberetur, non poterat ore rejicere: bene ratiocinabatur. Interiit.

Hac historia intelligi volumus saepe morbum satis securum apparere, quum tamen per se funestus sit, nec satis pravæ diatheseos argumenta apparent. In plerisque initio morbi observavimus totam corporis cutim maculis rubris suffusam, quibus tamen nil praeterea alienum contigit. Saepe enim aut sanguinis aestus, aut cum fervore quodam juncta malitia aliquid tale promittit: sed illum nihil periculi junctum habet, sola aut sectione venæ, aut blando cathartico quicquid est praevinitur. Tamen tribus quatuorve argumentis malignitas & cacoethia morbi deprehendi poterat. Primum in eruptione illorum exanthematon positum erat; nam nisi ingentis incendii tamquam manifestae occasionis excusatio subsit, quoties apparent aliquid maligni subesse demonstrant: Secundum, in dejectione virium subita. Quoties enim vires non constant, nulla praesertim praecunte evacuatione manifesta, aut simili aliqua re quæ jacturam virium faciat, aut quum febris vehemens non adest, malum illud est ut signum. Arguit enim aliquid aliud subesse latens ac reconditum, quod minimo momento magnam in viribus ac œconomia naturali mutationem afferat. Et, quod notandum est, quodque Medicis fraudi fuit, facies non concidebat ullo modo. Hippocrates in Aphorismis scriptum reliquit: *Febricitantium non omnino leviter corpus idem permanere, & nihil minui, vel etiam plusquam postulet ratio contabescere, malum: nam illud morbum fore longum significat, hoc autem imbecillitatem.* Ubi Galenus vult non abs re adjectum esse *μη παντάπασιν επιπολαιώς*. quoniam hieme, & quum plenitudo magna



magna est, non collabitur habitus corporis, & tamen malum signum non est. Sed quum mediocris febris est, & tamen non mutatur corpus, nec in colore, nec mole, nec charactere: aut quum in his omnibus immutatur plus justo, dubium non est quin hoc malum non sit. Nam non concidere ac collabi, & meatuum densitatem significat, & contumaciam materiæ. Concidere autem (quod Græce dixit Hippocrates, minus proprie usurpatur verbo σωτήκεσθαι) plus quam ratio postulet, imbecillitatem magnam significat; ita tamen ut collapsus illius non sit causa aliqua externa, quam φανεράν πρόφασιν aliis locis vocavit Hippocrates: & cujus in διαγνώσει καὶ τῇ νοσημάτων προγνώσει maximam idem vult rationem haberi. Nam & ætas consideranda venit, & morbi aut brevitās, aut diuturnitas, & tempus, & regio, & notanda effatuque digna evacuatio, vigiliæ, exercitationes, muneris gestiones, aliaque id genus. Quibus non perspectis, si quis ausit absolute pronuntiare de imbecillitate aut viribus naturæ pro extenuationis ratione, aberraret plurimum. Extenuatio illa (sic enim Leoniscus male vertit σωτήκεσθαι, contabescere, quum sumatur ἀντὶ τῆς λεπτοῦνεσθαι. Et Galenus comment. in aphorismum 10. lib. 3. Aphorif. φθίνοντας verbum ab Hippocrate positum pro ὁπωσὲν σωτηκομέναι sumi ait, utens verbo σωτηκομέναι, pro simpliciter extenuatis) quæ præter rationem evenit naturæ infirmitatem significat. Sed hoc ἀδιορίστως non est intelligendum. Aliquando enim extenuatio est, ut causa ad imbecillitatem relata, aliquando ut signum. Nam quum cutis raritas, & humorum tenuitas extenuationis causa est ejusdemque celerrimæ, tunc illa extenuatio infirmat corpus: atque ita imbecillitatis causa est extenuatio. Sed quum nec raritatis cutis, & humorum tenuitatis suspicio non est, corpus autem præter rationem collabitur, ac concidit, illa extenuatio solam agnoscit virium infirmitatem, ut ex Galeno patet.

Atque ut ad scopum redeamus: In muliere proposita febris erat ἐν παντ' ἀπασιν ἐπιτολαίως, & tamen non concidebat nec moles, nec color mutabatur, nec character: an hoc ad securitatem, & diuturnitatem apparebat, quum vicesimo quarto die interierit? Nequaquam. Et hic duo annotatione dignissima sunt: prius quidem, quod ille dies 24. erat decimus quartus dies ab exacerbatione. Nam, ut ante diximus, per undecim dies satis alacriter habebat, & in actionibus naturalibus & animalibus, ac omnia pæne securitatem pollicebantur. Sed quod intus venenum latebat quum natura nil movisset, cœpit suæ malignitatis signa edere; hinc febris continua, acerrimi caloris perfusio, mox ejusdem contemperati significatio. Atque ita morbus acutus fuit, si ratio habeatur exasperationis morbi, non totius historiæ. Posterius, dicendum est verisimile fuisse morbi quidem ratione citius illam interire, sed ætatis ratione quæ adhuc constabat factum, ut qui morbus ante perimere deberet, prorogaretur. Ita nimirum accurate disputavit Galenus in Epidemiis, narrans historiam Hippocratis de Sileno. Hic enim quum a causis procatarctis in morbum incidisset, non tam letali morbo est implicitus ob causas procatarcticas,

Commen-  
tar. in  
Apho. 28.  
lib. 2.  
Aphor.

Comm. in  
histor. 2.  
sect. 3. lib.  
1. Epi-  
dem.



Cap. 7.  
lib. 1. de  
different.  
febr.

cas, quam quia occasiones aliæ essent quæ corpus morbo opportunum reddebant: alioqui ratione externarum causarum in levem febriculam lapsus fuisset. Sed letalia symptomata quæ primum atque statim apparuerunt, indicio fuerunt restagnare materiam malam, quæ a causis illis externis excitata letali morbo ægrum implicuit. Ita intelligendus Galeni locus in lib. de febr. quum ait causas procatarcticas putridarum febrium non esse auctores: idest, procatarcticæ causæ *προκαταρκτικές* dictæ, per se non solent putridas febres concitare, sed si corpus morbo sit opportunum, ex eventu producant & excitant febres putres. Ergo ille Silenus quum funestissimo morbo detineretur, ejus tamen vim sustinuit propter ætatem ad undecimum diem.

Hoc addam, antequam extremum persequamur, de faciei charactere & mole quam in illa muliere non concidisse dicebamus: sæpe & optimus color, & character in ægris apparet, quum tamen morbus ad interitum tendat, tribus de causis. Prima ratione, aliquando ipsius febris quæ sursum multum tenuem vaporem effert, qui viriditatem aliquam faciei, fallacem tamen afferre solet: Secunda, si febris ea non sit ingens, aut *συντεκτική*. Observavimus enim aliquando febres *συντεκτικές* & pestilenciales (quas in quodam loco Galenus vocat pestilenciales hecticas) primo quoque tempore in speciem quamdam marasmi ægros coniecisse: Tertia, si qui ægrotat, pulmonum vitio non sit obnoxius. Qui enim ita affecti sunt, rubore sæpe suffunduntur, qui Medicis minime advertentibus imponit maxime. Quod quum alias, tum maxime in hac muliere apparuit; nam quum paullo increverat febris, rubore multo erant saturatæ genæ, præsertim vero sinistra. Aperto autem cadavere, ut postea dicemus, reperti sunt pulmones veluti putres, costis adhaerentes. Accedit ad rationes superiores, quod qui præpingues sunt ac optime habiti non ita facile collabuntur: aut si extenuentur, illius extenuationis & *ξυμπτώσεως* (collapsus interpretor) magna non sese produnt argumenta.

Atque ut revocemur eo unde digressio facta est: Tribus de causis patuit, sed non manifesto malignitas morbi & *κακοήθεια*. Primum ob eruptionem papularum, quas *ἐξανθήματα* Hippocrates vocavit in Epid. Illa enim eruptio (nisi forte ob causas altera pagina dictas aliud significet) malignum, & *κακοήθες* subesse declarabat. Et videor eorum quæ scripta sunt ab Hippocratis interprete Galeno narrare historiam 4. sectionis tertiæ 3. Epidemior. Ait enim, initio sæpe morborum letalia symptomata apparere, non quidem ratione ipsius morbi qui clemens & mitis apparet: sed propter latentes pravy humores, qui virulentiae suæ semine excitato, in letalibus symptomatis elucescunt. Secundum argumentum est positum in tam brevi virium casu. Nam quum alacris, expedita, robustaque foret, brevi attonita, stupida, comatosa, omnium obliviosa reddita est, & delira. Tertium, quoniam in diebus criticis nil natura movit, nullus sudor, sola *ἐφιδρώσις* quæ in morbis istis suspecta esse solet. Quartum coma quodammodo vigilans, non tam ab oppressione fuit, ut falso Medici putabant, tametsi multa in cerebro humiditas contineretur, quam in infirmitate facultatis animalis in cerebro sedem habentis. Testis involuntaria excretio stercoreis. Testis quoque esse potest quod



quod medicamentis, & sectionibus venæ ex arte recte præscriptis nil allevatum sit cerebrum : quod contingere non solet quum ab oppressione tantum laborat. Nulla enim tam valida cerebri est oppressio, quam medicamenta & sectio venæ commode præscripta non minuant. Quintum illud addam de meo. Observavi enim sæpe eos aut extreme laborare, aut interire, quibus acris calor, & ejusdem temperati ex intervallis vicissitudo est. Nec enim vicissitudo solum caloris & frigoris mala est, ut in Coacis & Prorrheticis voluit Hippocrates: sed vicissitudo acris caloris, & remissi mala quoque. Et illam vicissitudinem explicat Hippocrates, quum utitur vocibus τὰ πολλά. Nec enim vertere oportet, non omnino, sed τὰ πολλά, ex intervallis, ut modo hoc fiat, modo illud. Vel melius, τὰ πολλά, magna ex parte. Ut non sentire, non ratiocinari, non sitire τὰ πολλά, idest, magna ex parte: idest, ratiocinandi, & desipiendi vicissitudo est sentiendi, & non sentiendi, sitiendi, & non sitiendi. Quod autem multo melius & accomodate magis, τὰ πολλά, vertamus, per verbum, Vicissitudo, vel magna ex parte, illud abunde declarabit aphorismus Hippocr. in Coacis: ἄκρεια ταχὺ ἐπ' ἀμφοτέρω μεταπίπτοντα: καὶ δὲ ἴσα τοιαύτη, πονηρόν. Vocat enim ἄκρεια μεταπίπτοντα, *Extrema partes modo refrigerantur; modo recalescunt*. Vel, extremæ partes magna ex parte calidæ sunt, & magna ex parte frigidæ. Et eodem loco δὲ ἴσαν μεταπίπτουσιν vocat, sitis, & non sitis, seu potius sitiendi, & non sitiendi vicissitudinem: ita nomen μεταπτώσεως hoc loco sumitur pro mutatione vicissitudinaria in contrarias partes; ut quum quis delirat, postea non delirat: quum nunc sitit, modo non sitit: modo calfit, modo tepidus est aut refrigeratur. Itaque quum Hippocrates in Aphorism. scripsit, ὁκόσοι πορεύοντες τι τὸ σώματος, τὰ πολλά τῶν πόνων μὴ αἰσθάνονται, &c. Idem est ac si dicat, ut τῶν πόνων sit μετάπτωσις τις. vel ut melius dicam, sit τῆς αἰσθήσεως μετάπτωσις τις. idest, sentiendi, & non sentiendi vicissitudo aliqua. Ut totius aphorismi ea sit conversio: Qui parte corporis aliqua laborant, & magna ex parte dolorem non percipiunt, mentem his ægrotare constat. Hæc pluribus explicari voluimus, quoniam horum enodatio latius manatura est.

Sed quæritur, an verum quod ante diximus, non solum caloris & frigoris vicissitudinem in acutis malam esse, sed si calor modo acris appareat, modo temperatus & tepens, quod ἀναθερμαίνεσθαι vocat Hippocrates? De vicissitudine caloris & frigoris quod mala sit; non dubium est, præsertim in acutis; nam significat hoc extinctionem caloris naturalis, qui uniusmodi quum sit, partibus omnibus blande aspirat, & dominium febrilis caloris, qui quum expanditur ad partes, eas calfacit; quum ad centrum revocatur per modum inflammationis, easdem partes deserens, ex eventu refrigeret. Ita enim quidam Philosophi frigus per caloris privationem & absentiam definiebant. In acutis itaque malum hoc. Nec mirum si in acutis tantum meminero; ac si quis velit in omni morbo eam refrigerandi & calfaciendi vicissitudinem perniciosam esse: quod non ita est. Et ad eam rationem impulit me aphorism. 40. lib. 4. Aphor. *Ubi in toto corpore mutationes* ( utitur enim nomine τῆς μεταβολῆς ) *etsi corpus refrigeretur, & modo calfiat, aut coloris mutatio fiat, longitudinem morbi significat*. Aliud enim est ista vicissitudine lon-



gitudinem morbi significari, aliud periculum. Nam in acutis periculo non vacat, in mitioribus morbis, longum fore morbum significat; nam & focum multiplicem significat, & materiam *ἐτερογενῇ*. Positum itaque & demonstratum vicissitudinem istam contrarii malam esse: sed dubitatur, an malum quoque sit modo calorem acerrimum sentiri, modo temperatum.

6 Hac de quaestione nil umquam scriptum reperi, eaque propter ego libere quid sentiam enucleabo. Solemne est in multis febribus, praesertim in phlegmaticis calorem acrem apparere, & eundem temperatum praesente febre: hoc tamen malum non est; nam aut varietatem tantum materiae declarat; aut caloris in materia viridi oppressionem nequeuntis emicare, quod apposite *ἐκλάμπειν* vocat Hippocrates: Nec malum quoque significat in febribus cum catharrho conjunctis, in quibus saepe observamus modo emicationem caloris, modo ejus teporem. Item fieri potest ut calor naturalis modo superet febrilem, & contra fiat: hinc acrimoniae perceptio, hinc teporis: & tamen hoc vacat periculo. Sed his brevi satisfiet.

Quum de vicissitudine agitur, videndum quod corpus, quis morbus, & qualis sit vicissitudo, an frequens, an non. Nam in biliosis corporibus, in quibus calor totus acer est, non est expectanda vicissitudo caloris acris & moderati: sed si morbus perniciosus est, pro moderati caloris perceptione, frigoris sensio sufficitur. Brevi enim calor blandus si quis est, exstinguitur. Sed in corpore *εὐσάρκες*, quadrato, subfrigido, muliebri (quod nunc explicandum suscipitur) frigidis aut temperatis humoribus scatenti, non est quod expectemus extimas partes refrigerari, ut in aliis corporibus biliosis sit, nisi forte diutius aegrotent: tunc enim refrigerium apparet. Itaque quod apparet vicissitudo frigoris in biliosis & extenuatis, idem esse potest moderati tepidique caloris sensio. A materia enim vapor effertur, qui quum putris sit, sensum acrimoniae affert; quum calidus, caloris sensum. Quod autem absolute & per se frigus non appareat, id facit continuas febris. At continua est, dices, in biliosis? verum: sed duo considerata sunt: Unum quod in biliosis incendium & calor intus conceptus facile revocat calorem diffusum ad suum centrum: Item non sunt humores moderati in quibus fovetur perpetuo febris. Sic videmus quadratos semper calere hieme, nec multum calere aestate: ficos, macilentosque hieme algere in extimis, aestate ardere. Algent autem in his extrema, quoniam caro multa non est, quae sit pro velamine & praesidio adversus frigus ambientis. Sic Galenus in comm. in 1. Aphorism. eos qui carnem habent multam, & succulentam, ventresque calidos hieme, & tamen non algent, ut macilenti, comparat cum iis qui nive perfunduntur: qui quum brevi frigeant, revocato per *ἀνάκλιψιν* & *ἐπανάκλησιν* calore, calidiores solito redduntur. Atque idem contingit iis qui pituitosi sunt, & funesto morbo corripuntur. Non enim in iis sensio apparet frigoris, sed tepor quidam, ut modo incalescant, brevi tepeant, quod satis malum est signum, in iis praesertim si vicissitudo ista sit frequens. Nam si vicissitudo ista frequens



non est, malum non ita est signum. 7. Sed quum frequens, inanem conatum naturæ declarat, putris materiæ copiam, a qua modo effertur vapor, modo non effertur. Idemque contingit quod in fimo putrente. Nam dum teter malignusque vapor effertur, sensio fit acrimoniæ: quum non effertur, febrilis calor tantum restat qui partes calidas reddit. Ergo dictum est de corporum varietate & de vicissitudine. Nunc de morbo dicendum brevi. Quum acutissima & manifesta est febris in corpore calido sicco, brevi perfrigerationem extimarum partium affert: quum autem maligna est febris, in partium imbecillitate summa posita, & humorum pravitate; nec acuta ita est acutiei vim habens in calore, sed toto genere maligna, minitans aut parotides, aut abscessum alium morbo imparem, aut pustulas (quod contigit octavo die Sileno, 1. Equidem, & tamen undecimo interiit) non ita partes extimæ algent, præsertim si corpus carnosum sit (quod impressio caloris a sanguine & spiritu facile in carne remaneat) sed febris perseverans teporis, & acrimoniæ sensum exhibens: tandem cum calido sudore corpus tollit. Ita enim videmus quosdam interire cum perfrigeratione partium & sudore frigido (ut contingit siccis & extenuatis) alios quum toto febris tempore non sudaverint, aut leviter tantum, sine ulla perfrigeratione, cum universali sudore, multo, calido occidere: quod & huic mulieri contigit, & cuidam Flandro mercatori febre pestilenti conflictato: item & dominæ illustri febre quoque pestilenti laboranti: de qua abunde narravimus pag. 29. hujus libri. Atque ita minime opinantibus nobis multi moriuntur, quoniam non vident ullam partium perfrigerationem, quam in aliis quondam observaverunt. Nos autem observavimus istam partium perfrictionem in morituris, quum corpus siccum calidumque est, calore igneo & acri, quod Hippocrates τὸ θερμὸν absolute vocat, & eo præditos calore τὰς δερμίδας, καὶ δερμοκοίλας. Item in iis observatum est, quibus in partibus internis conceptum est incendium. Nam & cum sudore frigidissimo moriuntur, & cum summa partium refriktione: ut vidimus in vico S. Antonii, in quodam nobili viro, cui aliquid erat erysipelatodes circum ventriculum. Quod autem corporum distinctio afferat varietatem criseon, sive ad mortem, sive ad salutem, sive per sudores, sive absque sudoribus; sive cum calidis sudoribus, sive cum frigidis, sive cum extimarum partium perfrigerio, sive sine eodem, multis & auctoritatibus, & rationibus potest roborari. Unus autem aphorismus Hippocratis hic abunde erit, præsertim quia nos brevitas studium recreat: Οὐόσοισι δέρματα περιτίνεῖ καρχαλέα καὶ ξηρὰ ἀνενιδρώτος τελευτῶσι, &c. *Quorum cutis arens, & præsicca circumtensa est, ii sine sudore moriuntur.* Contra autem, ut idem aphorismus notat, quum cutis laxa & rara est, cum sudore moriuntur. Quod satis indicat pro ratione cutis & subjectarum partium, quibus aut multum humoris inest, aut cum sudoribus, aut sine sudoribus homines judicari. Et antequam hinc pedem efferimus, notare volumus parum acute Plantium Galeni interpretem ex Philothei sententia verbum τὸ τελευτᾶν, vertere noluisse, mori, sed, judicari. Ut τελευτῶσι ponatur loco verbi κρίνονται. O acutum hominem!

5. Aphor.  
Aph. 72.



τελευτᾶν significat desinere, mori, terminari, judicari: Nil interest an mori, an judicari, veritas; siquidem mors non fit sine crisi: & crisis æque ambigit, tenditque & ad salutem, & ad mortem. Si τελευτᾶν ἀντὶ τῆ ἀποθνήσκειν fumus, angustior, restrictiorque erit aphorismus, si ἀντὶ τῆ κρίνειν δαλ-  
latior & multo generalior.

Præter hæc quæ superius posita sunt, tria possunt quoque hoc loco pertractari, quorum in explicatione operæ aliquid lubentes ponimus, quod inde plurimum adjumenti consequi posse arbitremur. Primum est de comatosa affectione cum vigiliis: & quum dormiret, quamvis comatosa, facile tamen excitabatur, & interrogatis respondebat. Secundum est, qui fieri possit ut male affecti cerebri tot essent argumenta, nempe, coma quodammodo ἄγροπνυν, tremores nonnulli, risus, deliria, excretiones involuntariæ: oblivio & despectio omnium rerum, dissimilitudo morum omnium, & impotentia (quam in Coacis Hippocrates ἀδυναμίαν vocat, quamque κενεαργείης μὴ ἔσσις, malam esse ait, idest, si præeuntis evacuationis alicujus nulla excusatio possit afferri.) Si, inquam, tot tantaque fuerint male affecti cerebri argumenta, qui fieri potest ut tamen ratiocinatio integra fuerit? Cur deliria ista, comaque non everterunt ratiocinationem? Quæstio hæc viro erudito dignissima. Tertium est de murmure ventris inferioris, & tensione, quum tamen alvus ferretur: immo quo diligentius de alvo subducenda cogitabatur, eo magis venter intumere videbatur. An hoc bonum fuit? Nam ventrem inferiorem non collabi ac deprimi in omnibus morbis bonum esse scripsit Hippocrates. Sed hæc longiore explicatione egent.

Apho. 35.  
lib. 2.  
Aphor.

De primo paucis aperiam. Coma aliud simplex est, aliud vigilans. Vigilans ab uno humore non fit, omnium judicio, sed a mixtione humoris tenuis calidi, & crassi frigidi. Tamen, quod diligenter notandum est, reperio apud Galenum comm. in partic. 1. primi Prorrheth. Comatis vigilantis duplicem causam: una est sanguinis copia: hic sanguis ratione copię comatosam affectionem invehit: ratione autem tenuioris substantiæ, quæ in illo est, vigiliæ quoque accidunt: Altera quum bilis mixta est pituitæ. Utrum deterius? quibus signis discernitur causa utraque. Quod a remissione pituitæ cum bile deterius est. His autem signis deprehendes a sanguine esse, præter ea quæ dominatum humoris, aut in parte aliqua, aut in toto corpore denotant: Nimirum si primis diebus celebrata ex arte sectione venæ, aut usurpato alio remedio, & copiam sanguinis evacuare solito, & acrimoniam tenuioris ejus partis temperare consueto, non cesset coma vigilans, talis symptomatis causam statuere oportet bilem pituitæ commistam. Quod eo loci pluribus Galenus explicavit. Hoc autem subindicated obscure Hippocrates illa prima sententia Prorrhethici: *Comatosis vigilantibus cum hypochondriorum dolore & colli stillatio e naribus perniciosa, tum alias, tum si quarto ceperit die*. Ac si dicat Hippocrates, comatosos illos vigilantes verisimile est in ejusmodi affectionem incidisse a solo dominatu sanguinis. Si ergo pejus habeant quarto die (quod stillicidium fan-



sanguinis denotat) quo præsertim tempore cessare, aut mitescere debere morbus solemnibus usurpatis remediis, significat hoc non sola sanguinis copia, sed bile & pituita cerebrum occupari. Cujusmodi affectio fuit mulieris nostræ.

Secundæ quæstionis explicatio uberiores continet fructum, majoremque voluptatem est allatura. Qui fieri possit ut integra esset ratiocinatio, quum tamen in imaginatione erraret, comatosa esset, corpus non pæne moveretur? Immo si quod occurrebat delirium, excitata statim ad se redibat. Nec respondendum quod scribit Galenus comm. in particulam illam: *Mente aberrantes, acute superfebrientes, &c.* In priore Prorrhethici, quod quum humores biliosi aut alii feruntur in cerebrum; animum perturbant, quum revocantur, in aliamque fluunt partem, eundem restituunt. Nam affectum esse cerebrum per se, idest *πρωτοπαθῆσαι* Græcis continuas affectionis indicabat: nisi quod ratiocinatio integra foret. Quod ut intelligamus, altius hanc quæstionem repetere convenit. Nimirum qui fieri possit ut quum unius partis unum sit temperamentum a quo actio manat, quodque tamquam fons est; tamen in una actione læsum sit aliquid, seu pars læsa, in alia actione illæsa ac intemerata. Si unum temperamentum, cur sunt actiones contrariæ ab eo prodeuntes? Et quum ab eo tamquam principio actiones manent, quum una salva est, læsa aut abolita altera? Quæstionem hanc diremisit Galen. videtur in cap. 3. lib. 3. de symptomatum causis, & in aphorismis. Scribit enim, ex actionibus quæ ab eodem principio manare cernuntur, quasdam magis una qualitate gaudere, quam altera. Ut coctio, quia sine motu aliquo fit, in calido & humido consistit potius: attractio, expulsioque, quoniam cum motu aliquo impetuque fiunt, in sicco potius consistunt. Ita nimirum ventriculus multum calidum & humidum coquit optime, sed non trahit nec expellit facile. Contra si siccus pellit ac attrahit potentius, minime autem coquit. Renes in diabete quamvis summe laborent, non desinunt tamen serosam humiditatem attrahere: immo in iis major attractio cernitur fieri, quanto siccitas calorque ceteris qualitatibus antecellit. Ita enim ex actionibus quædam sunt *παθητικαί*, aliæ *πρακτικαί*, & ut sunt ejusmodi, aut illiusmodi, ita qualitatibus activis passivisque magis minusve gaudent. Contra tamen afferri potest locus Galeni, quo videtur negare facultates quatuor primis illis qualitatibus esse adductas, sed quicquid in corpore agitur, præsertim quod ad nutritionem pertinet illud ipsum toti substantiæ adscribendum esse censet. Quod si ita est, rationes nostræ superiores parum acutæ videbuntur. Verba autem Galeni hæc sunt: *Quatuor corporis propriæ sunt facultates, attractrix, retentrix, alteratrix, segregatrix: ac eadem facultates totius in quovis corpore substantiæ sunt, quam substantiam ex calido, humido, frigido, siccoque inter se mixtis fieri existimandum.* Ille locus plane convincit attractionem, coctionem; & sic de ceteris, non referendas esse ad qualitates has aut illas, sed ad totam substantiam. Nam ut postea subjungit Galenus eodem loco, loquens de nutritione quam a tota substantia fieri contendit, medicamentum autem non nutrire, quod a tota substantia non immutetur, sed ab una tantum

Com. in  
aphor. 20.  
lib. 2. A  
phor.

Com. in  
aphor. 20.  
lib. 2.

Cap. 3. li.  
6. de loc.  
affect.

1. Ca. lib.  
3. de tem-  
peram.



qualitate, Si corpus ( inquit ) una earum qualitarum quas in se habet, corpus sibi admotum mutaret, idipsum tota substantia egere non est, nec quod ab eo mutatur, ei assimilabitur. Sed locos ita conciliare alienum non est: Bifariam autem respondere licebit: illo loco tantum pro hypothese ponit quatuor illas facultates totius esse substantiae, ut doceat medicamentum quodammodo alterari a corpore, sed non ita alterari ut in alimentum cedat; quia id tantum per qualitates praestatur: sed quum nutritio fit, cujus administræ sunt attractrix, retentrix, expultrix, ea a tota substantia fit, ut id quod mutatur, principio quidem dissimile, tandem reipsa pars fiat, ex carne & pane os, recipiatque ipsius partis *ὑπελέχεια*. Sed sit ita: tantum loco *ὑποθέσεως* positum hoc sit, quam non probavit, verisimilior hæc ratio esse videtur: Quatuor facultates totius sunt substantiae, quia resultant in composito ex mixtione quatuor elementorum, & conspirant in nutritionis officium: non proinde tamen sequitur quin commoditates sequantur ex una potius qualitate quam ex altera, ut licet & siccitas & humiditas ad actionem conferant, tamen siccitatis potentia & energia eluceat potius in attractionis & expulsionis munere, quam in procuranda concoctione. Vel ita scrupulus hic tollendus: Vel consideramus facultates quatuor in genere, vel in specie: In genere, quum una conspirant in publicum munus coctionis, nutritionisve: vel quatenus in se singulae spectatae magis aptae sunt ad hanc actionem adjuvandam quam ad illam. Priore modo consideravit Galenus illo loco libri tertii de Temperamentis: posteriore vero in aliis locis.

7. Cap. li.  
3. loc.  
affect.

Ut autem hanc longam satis disputationem nostro instituto accommodemus: quemadmodum in una qualibet parte variae eduntur actiones tamquam ab uno communi principio manantes, sed quæ tamen facultates diversas ei parti tributas & confusas: ita fieri potest ut actio una pereat, altera incolumi necnon integra parte. Ita nimirum in cerebro phantasia valet, communis sensus valet, & tamen iudicium & ratiocinatio agra est: quod pluribus explicandum non est. Impræsentiarum autem sufficiet illud exemplum de melancholicis, quorum meminit Galenus. Horum enim quidam se testam esse putabat, ac vicatim inclamabat, ut omnes fugerent, ne aliorum tactu pressu collideretur. Quatenus enim se testam putabat, eatenus ratiocinatio laborabat minime, sed phantasia. Numquid enim præclare ratiocinabatur læsum iri se aliorum pressu, si terreus, aut vitreus foret? Mirum itaque non sit si de qua disputamus mulier ratiocinandi facultatem integram haberet, quum tamen in ceteris cerebri functionibus male satis haberet. Hujus autem rei mihi probabilis hæc ratio esse videtur.

Aliud est lædi offendive cerebrum in iis functionibus quæ animales esse dicuntur, clarioris doctrinae gratia, & ad cerebri ipsius *κράσιον*, temperamentumque pertinent: aliud vero lædi in iis quæ ad eam partem pertinent quæ mentis & consilii est. Priore modo dicitur læsum in animalitate: posteriore in ratiocinio. Hoc autem indicabit historia cujusdam Pōlēmarchæ generosissimi, D. de Brissac. In hoc omnes actiones cerebri offensam receperant; non movebatur, delirabat, in summo aestu non sitiebat:



magnum & rarum spirabat, immemor sui erat. Hæc omnia læsum cerebrum indicabant, & tamen commode ratiocinabatur, ac præclare de rebus divinis sensa mentis exprimebat. Spiratio tarda imbecillum cerebrum declarabat, rara imbecillam ratiocinandi facultatem; nec enim intelligebat se magna inspiratione aeris ob æstum indigere. Sed quod attinet ad consilium, & animi vigorem, apparuit semper vis ejus partis quæ ratiocinationis præclaro munere quoque proxime deos attingit, sese ostentat, quum satis supina, languidaque esset vis illa qua corpori & appetendo, & respirando provideri consuli que debet: idest, vis animi quæ bonis cogitationum epulis & consiliis alitur, ac reficitur, vigeat: quæ autem a cerebri naturali temperie pendet, quæque corporea esse magis videtur, languescebat. Quod solum argumentum immortalitatem animæ contra Epicureorum gregem convincit. Nam in animo duplex vis apparet, una divina plane, non aliunde mendicata quam ab ipso calo: altera paullo pinguior ac terrena magis, quæ elucet quamdiu in corpore anima detinetur. Posteaquam absoluta est corpore, prioris vis elucet ac eminet. Ac sic intelligere oportet Hippocratis & Galeni varios locos. Nam modo animum ægrotare ait, modo eundem in somnis ferri ac otiari, modo in iisdem somnis erigi ac vigere: quæ quoniam admodum controversa sunt, non erit abs re si eos locos conciliaverimus. In Aphorismis mentem ægrotare dicit, utitur nomine τῆς γνώμης; quam idem esse cum nomine διάνοιας scribit Galenus. Quid hoc est animam ægrotare? an ægrotat? Videtur idem Hippocrates negavisse in libris de Diæta, *Impossibile est*, inquit, naturam obscuram transformare, idest, immutare. Prius enim locutus erat de altera natura manifestata quam in temperamento & quatuor primarum qualitatum symmetria consistere demonstrarat. Quid ergo est, mentem ægrotare in Aphorismis? Est πρῶτον τὸ αἰδητικόν, phantasia, forma, ἐντελέχεια ipsius cerebri, & vocatur γνώμη ab Hippocrate, a Galeno in comment. διάνοια, propterea quod (ut ego autumo) in debita temperie & symmetria ipsius cerebri consistit τῆς γνώμης τὰ ἐν τῇ διάνοιας, vis & robur. Atque in eodem sensu Hippocrates in Epidemiis scripsit, *Melancholici fiunt Epileptici, & contra*. Utrumque autem sit prout in hanc aut illam partem affectio repserit. Si enim in corpus, epileptici; si in mentem, melancholici fiunt. Notatu autem dignissima sunt verba Græca, ὡς μὲν τὸ ἀρρώστημα πέφηκε εἰς τὸ σῶμα ἐπίληπτοι γίνονται, ὡς δὲ εἰς τὴν διάνοιαν μελαγχολικοί. Mentem διάνοιαν vocat, idest cerebrum ipsum quatenus consideratur tamquam pars similis. Quum ergo scribit, *Qui parte aliqua laborant*, &c. *iis mens ægrotat*; non intelligit de ea mente quæ immortalis, & ortus nescia, ab eodem Hippocrate φύσις ἀσαφής, natura obscura vocatur. Nomine enim laboris sensum intelligit solum, & πονέτας vocat eos qui ita in parte aliqua offensi sunt, ut nisi delirio mens detineretur, dolerent, ut Galenus idem interpretatur. Nam dolor duplex, vel enim in affectu partis aut corporis impressionem recipientis consistit: vel in ejus apprehensione, quæ sentientis animæ esse dicitur, per mediam imaginem hominis de eo judicantis. Si enim dolor ratione causæ gravis vehementisque esse debeat, levis tamen apprehensio est, morbus levis dicitur; unde Stoici malum opinione metiebantur.

Com. in  
aph. 6.  
lib. 2.

Lib. 1. de  
Diæta.

sect. 7.  
lib. 6.

Cap. 6.  
lib. 2. de  
placitis.



*Cic. lib. 2. Tusc. quest.* Et qui humili sunt animo, effeminato, ac enervato, illi statim dolore languent ac franguntur, ac sæpe mala opinione metiuntur. Ita Zeno Eleates perpeffus est omnia animo forti antequam confcios delendæ tyrannidis indicaret. Calanus Indus Barbarus, in radicibus Caucasii natus sua voluntate vivus combustus est. Nos, si pes dolet, si dens, ferre non possumus. Opinio enim quædam est effeminata ac levis, nec in dolore magis, quam eadem in voluptate, qua quum liquescimus, fluimusque mollitia, apud aculeum sine clamore ferre non possumus.

Loci autem de mente in somnis plane a se invicem dissidentes hi sunt. Libro de flatibus scribit, *φρόνησις* & mens nobis dormientibus immutatur, multæ & peregrinæ nobis undique obversantur imagines, varii errores & discursus fiunt. Contra libro de insomniis: *Inter vigilandum mens in varias partes dividitur, nec sui juris est: dum somnus obrepfit, sua præsidia ac vires jam jam recolligit, ac altius contemplatur.*

*Apho. 35. lib. 2.* Tertiam jam quæstionem paucis explicemus, qui fieret ut venter non detumesceret, quamvis abunde alvus ferretur. An ista ventris elevatio conferebat? In quovis morbo, scribit Hippocrates, *partes quæ ad imum ventrem & umbilicum attinent, habere crassitudinem, bonum esse ait, extenuari vero ac collabi, malum.* Collapsus enim ille malus, & ut signum, & ut causa: ut signum, quoniam indicat ea extenuatio naturæ imbecillitatem: Ut causa, quoniam quum partes subjæctæ a succulento, quadratoque aqualiculo quum juventur, casu illo ac extenuatione deterius habeant, ac propterea nec bona in ventriculo *χύλωσις*, nec in hepate *αἱμάτωσις* fiat. Itaque ab æquali hypocondrio juvatur & coctio, & excrementorum expulsio. At in ista muliere an laudabile? Nequaquam. Nam quum e natura habet molle æquale esse debet: nec depressum, nec elatum, nec calidum, nec frigidum; non durum, non meteorum, nec cum borborygmis, qui aut alvo humectata, aut urinæ profluvio, aut flatu cessant in febribus essentialibus (nam tum motu naturæ fit) non autem in symptomaticis, quum aut pulmo, aut jecur, aut lien laborat (nam tum symptomaticis rationem habet, & inani conatu id fit) Hippocratis sententia 4. Aphor. At contigit in ista muliere ut alvus flueret, tamen falsam speciem æqualitatis hypocondrium referebat: & murmura obaudiebantur, quæ ut prædixi, non cessabant ulla excretionis ratione. Sic suspecta erat illa hypocondrii elatio. Aperto cadavere, inventa intestina plena fugaci tetroque flatu, cum serosis humoribus in spatiis & inanibus foraminibus abdominis, qui meteorismum inferebant. Sic elatio, subductioque alvi non quicquam de meteorismo detrahebat. Ac primus Hippocrates in Coacis observavit meteorismum in morbis, & alvo suppressa, & alvo subducta. Utrumque malum. Verba ejus sunt: *Quibus præcordia elewantur alvo suppressa, malum, maxime autem in morbis tabidis longis: & quibus alvi humectantur: idest; Quibus alvi humectantur, & præcordia etiamnum elewantur, malum.* Elewanturenim tam a maligno, sive sit flatus, sive humor tenuis, serosus, putris. Et propterea in illa parotides expectabamus: ad tale



exspectandum invitabat alia Hippocratis sententia in Coacis: *Hypochondriorum distensio cum sopore anxioso in caput dolente parotidem excitat.* 10 Sed quoniam graveolentissima excernebantur elato manente hypochondrio, comate perseverante, si parotis contigisset, malum ut signum appariturum credebamus. Verum enim quod scribit Hippocrates: *Ex hypochondrio diu afflicto, & alvo graveolenti; abscessus circa aurem occidit.*

Plura unius hujus historiae fides proponeret, & ad mentem Hippocratis accommodaret, ut nil temere inconsultoque ab Hippocrate scriptum appareat: sed non unus locus omnia capere potest. Alia sese praesto offeret occasio, in qua orationis ac sensus vela pandere licebit, ac explicare: ne si nimis multa in recula describunda effunderemus, confingere ac comminisci existimemus: & quasi nobis ipsis ostentandae industriae nostrae frustra ac juveniliter occasionem porrexisset.

## ANNOTATIONES.

1 *Quomodo tandem invenerimus hanc a pulmone lethargicam fuisse, vide in libro Ephemeriden nost.* 2.

1 *In hac muliere fallaces fuere urinae. Nam satis laudabile sedimentum semper habebant; mirum cur interierit. Nam Galenus cap. 3. lib. 3. de crisibus ait observasse se quemquam interiisse qui judicaretur cum urinis coctis. Et hinc colligunt quidam neminem interire posse apparentibus signis actionis in urina. Aliter tamen res habet. Nam Galenus vult non solum requiri coctionem, sed & excretionem. Tametsi enim sit & cocta, & secreta materia, tamen nisi excernendo natura sit satis, interibit etiamnum ager.*

3 *Quum Hippocrates dicit μή παντάπασιν ἐπιπολαῖος, intelligit de febribus quae sunt mediae inter acutas & leves.*

4 *Verum illud comperi: Qui a levi sudore somni sunt expertes, & rursum ardore febrili conflagrant, malum. Nam qui bene judicantur, suaviter dormiunt: Et quod levis sudor inanem conatum naturae significat, quam melius esset pepasmo incumbere, quam frustra excretionem moliri; quod in hac agra maxime apparuit.*

5 *Nullus est locus in quo melius & clarius declaret Galenus qua ratione mutationes celeriter factae mala sint, quam comm. in aphorif. 8. sect. 2. Prorrhetic.*

6 *Hujusmodi caloris revocatio, & absentia; febris exacerbatio, & sine causa manifesta remissio solet esse frequens in febre, quam Hippocrates πριταίονον vocat, qua mulier mihi visa est laborasse. Et inter ceteros locos est is memorabilis, cujus veritatem percepimus in hac agra, scriptus com. in part. 25. sect. 2. lib. 1. Epid. Quod nimirum in febribus tertianam referentibus continuis tamen hoc observetur, quod in diebus decretoriis illae febres deteriores fiant. Item proprium hoc malignis. Alterum quod initio saepe magnus calor & respiratio proportionata, statim calor remittitur. Et putant hoc e re agrorum esse quum mortis signum existat. Et Galenus com. in Prorrhetic. meminit jactationes febrium malignarum esse proprias, easque*  
aut



aut insignem calorem febrilem significare, aut orificii superioris ventriculi affectionem.

7 Ego rationes istas meo veluti marte comparaveram, sed forte contigit easdem pane legere, sed diserte magis a Galeno explicatas comm. in aphorism. 8. lib. 2. Prorrheth. ubi ait eam reciprocam sensationem caloris & frigoris esse, quia in extremis illis partibus in quibus celeriter hoc fit, calor fere naturalis extinctus sit, & tamquam a flamma excitata anathymiasis caloris febrilis dominantis pars illa recalescit, sed statim evaporat ille calor. Plura leges comment. in partic. 16. lib. 4. acutor.

8 Galenus duas causas statuit imbecillitatis repentina citra manifestam evacuationem, aut quantitatem materia, aut principiorum corporis intemperiem.

9 Corpus sparsum erat maculis, sed erant livida. Et ante notavimus initio varias similes papulas apparuisse, quod suspectum erat necessario. Ideo videtur Hippocrates hujus morbi eventum praevidisse, quum scribit in Coacis: Qui circum articulos rubicundas in superficie pustulas habent, insuperque rigent, hi circa ventrem rubescunt & inguina veluti ex plagis dolorosis, & moriuntur.

10 Qua excernebantur erant graveolentissima, propterea non poterant non sollicitare facultatem expultricem intestinorum: & tamen non meminerat querere matulam. Quod arguebat impotentiam judicii & rationis eversionem. Involuntaria enim erat excretio. Hujus duas causas Galenus reddit comment. in particulam quamdam comment. 2. lib. Prorrhethici. Aut quum mens agrotat, aut quum partes per quas excretio fit, non sentiunt: addo tertium, quum humor per se mordax non est, ita ut sponte feratur: quamquam vix fieri potest quin sentiatur si intestina valent. Textus Hippocratis est: Si ex ventre tenuia ægro non sentienti exeant, si extra se non sit, malum ut hepatico; idest, Excretio illa tenuis materia, non sentiente ægro facta, declarat vel non generari biliosum humorem ob imbecillitatem hepatis: vel si generetur, non excernitur (quamquam hepatica excrementa maxima ex parte acris sunt) sic declarat propriam affectionem hepatis. Non abs re autem adjectum est, si æger apud se sit, ne quis putet istam involuntariam excretionem laesa ratione fieri; ita enim signum imbecilli hepatis non ita esset manifestum, sed præterea denotaret affectum cerebrum. Item non declaratur ulla offensa generis nervosi, propterea quod integra sunt intestina. Si ergo involuntaria sit illa excretio stante ratione, non lasis intestinis, signum est imbecilli omnino hepatis.



## CONSILIUM XLVI.

## De renum calculo.

**Q**UIDAM orthopnoëa laborare videbatur, unde gravissime haberet. Nonnulla erat suspicio affecti pulmonis, non tamen certa erant argumenta quibus appareret vitium in pulmonibus conceptum. Tamen quum orthopnoëicus ac anhelosus maneret, quæsitum quæ illius difficultatis causa esset: multis ad unguem pertractatis, in eam ventum est tandem opinionem, ut nil tale in pulmonibus consistere crederetur quod eam difficultatem invehret. Sed ut plerique sunt aliis oculatiores, dictum est suspicionem magnam esse calculi in renibus. Quod quum contingit, aliqua tum difficultatis spirandi species apparere potest. Consultum renibus est: Deturbatus remediis convenientibus calculus, libertas respirationis est restituta. Causam autem ejus rei esse volunt, quod nervulus est a sexta conjugatione pervadens diaphragma, & ad renes usque perreptans, qui oppressus ut in opposito femore stuporis sensum infert: ita in partibus superis difficultatem nonnullam respirationis afferre potest; nam renes ambigunt inter partes superas atque inferas. Et nos vidimus mulieres aliquot & viros, quibus familiaris renum dolor est gravis & pungens, qui sæpe conqueruntur de dolore lateris ac si pleuritis aliqua nothas costas occuparet, quum tamen nil sit tale: sed ob obsidionem renis a calculo; aut ejusdem oppressionem ab aliqua re obstruente ratione nervi implantati in renis corpus, idem fit quod & in lienis aut hepatis tumore, aut obstructione: Nam circum clavículas dolorem sentiunt tensivum. Quærat quis, cur non id omnibus calculosis contingit, aut quibus præpediti sunt renes? Non est necesse. Nam sæpe insigniores sunt nervi in aliis atque aliis, ac errore quodam naturæ in eam sedem partis alicujus inseruntur, in qua sensus viget magis, ac consensus major est cum partibus vicinis. Nec enim quibuscumque contentus in capacitatem renis lapillus est, iis objectum oppositumque femur stupet, tametsi stuporem tamquam *σημειον συνεδρευον* lapidis in rene contenti constituat Hippocrates. 2 Ejusdem quippe morbi varia atque varia in aliis atque aliis corporibus signa apparent: quod efficit ut ars nostra plane sit *σοχασικη*, non autem *ἀποδεικτικη*. Oportet enim multa *συντεκμαινέσθαι*, idest, probabilibus quibusdam rationibus atque apparentibus signis colligere; non autem *ἀποδεικτικῶς* & *συμλογιστικῶς* concludere, ac si aliter contingere non possit in Socrate atque Sophronisco: variæ enim sunt humorum idæ, variæ spirituum, variæ corporum, variæ morborum. Quæ omnia in primis artem nostram difficillimam reddunt, & immensam plane.

## ANNOTATIONES.

r Arculanus cap. de renum apostemate, docet alia esse symptomata, si ren dexter laborat, alia si sinister. Si dexter, hepar compatitur, & partes potius superiores; si sinister, ad partes potius inferiores malum pertinet. Addit



*Addit quod si abscessus occupat panniculos renum & suspensorium, magnificatur dolor, & fit fortis, & prohibet erectionem, tussim, & sternutamentum, & difficile est invenire locum. Hæc omnia notanda, ut non temere accusentur partes superiores innocentes alioqui, quum malum sese in inferioribus firmaverit.*

2 *Hippocrates part. 5. lib. 6. sect. 1. Epid. ὑάπν τε μὴ κατ' ἴξιν, hujus stuporis duplex est causa: Prima, compressio musculi ῥόας dicti, cui renes ambo incubunt; altera, compressio nervi qui in cruris musculos inseritur. Hanc autem a calculi duritie & pondere fieri hinc patet, quod incipiens calculus stuporem non inducat.*

## CONSILIUM XLVII.

*De sanguinis per os rejectione ex costarum vulnere.*

**S** EPTUAGENARIUS vilibus muniis occupari solitus ingentem farcinam concinnare volebat, ac circumquaque illigare. Funes mediæ ingenti conatu immisso in transversum baculo rumpuntur. Baculus costas illidit, atque ita prostermitur. Dolor quibusdam lenitur; nonnihil tamen doloris circum læsas partes percipiebatur: nil post eum quassum ictumque excernitur per menses quatuor aut quinque. Tandem per aliquot dies appetentia imminuitur: nausea adest: membra lassantur: dum nil tale cogitaret, per os excernitur magna copia sanguinis nigri, sæculenti, grumosi, cum animi defectionibus: pulsu imbecillo, & intercalari intermissione. A rejectione quievit. Denuo animo deficitur, syncope prehenditur, sudor frigidus, vomitio magna sanguinis multo deterioris quam sit superior: dolor ad notharum costarum regionem. Omnes interitum credabant; convaluit tamen.

1 Unde sanguis ille? Quum causa procatactica præcessisset, cur non aut primo quoque tempore excernebatur, aut non in pus concreverat? Si concrevisset in pus, cur non malignitatis suæ signa prius edidit? Credibilene in capacitatem fluxisse, & tanto tempore mansisse impune? Cur non factus abscessus? Credibile non affatim coacervatum esse, nec per modum ruptionis vasis exsiliisse e vasis. Sed quum pars iecta fuit læsa ac concussa, hic accumulatus sanguis, tandem communicatione & transudatione in partibus vicinis conceptum vitium: alioqui & leipothymia præcessissent. Immo si menstruus sanguis in muliere statò tempore non exeat, non multum post furit, impetumque movet, adeo facilis est sanguinis redundantis, ac ejus præsertim qui in partem aliquam fusus est præter naturam, orgasmus, impetus, ac ira, idque propter corruptionem quam de facili contrahit. Accedit quod senex erat, squalidus ac siccus: proptereaque non tantus est humoris impetus quantus in junioribus: & ratione ætatis non tanta est humiditas & calor, quæ ad facile contrahendam putredinem esse possint. Sed inquiremus cur non interierit, quum Aphorismi Hippocrat. & in Coacis, & in libro Distinctionum contra eum facere videantur?

In quarto Aphorismor. scribit, *Morbis quibuslibet incipientibus si atra bilis*



*lis supra vel infra exierit , letale .* An hic aphorismus contra eum fecit ? Nequaquam ; idque tribus de causis . Primum , quia morbus non erat ullus : idest , nec inflammatio , nec febris , nec vitium in hypochondriis , cujus morbi causa esset ille humor qui excernitur . Qui quoniam non excernitur legitimo tempore , idest nec natura coquente , nec secernente , nec proprie evacuante ; totum illud est symptomaticum . Natura enim nil excernit in principio , aut si excernit , symptomaticum est id . Ergo id quod excretum est , materia morbi non erat . Quis enim nescit sæpe naturam citare alvum sine morbo , vomitiones provocare , quum id nec symptomaticum , nec criticum proprie dici debeat ? Sed quum morbus est , si materia quæ excernitur morbi est , male id fit initio .

Secunda ratio , id quod excretum est , non erat atra bilis , sed sanguis niger : at ut inter atram bilem & sanguinem nigrum multum interest ; ita magni refert initio atram bilem , aut sanguinem quemdam fæculentum excerni .

Tertio , primo quoque tempore excretio facta est , quum haberet *ὁρδωσάδην* . nec id tempus principium dici debet morbi , quum morbus non sit : aut sit ita , sequatur morbus postea , quum vituperatur excretio initio morbi : voluit Galenus principium morbi non ita anguste accipi , sed quum paullum progressio facta est . Quamquam non negamus aliquando primo quoque tempore letales excretiones esse , & letalia symptomata , quod auctore Galeno in corpore humores sæpe deliteant veneno adæquandi . Sic in Aphorismis damnat dejectiones sponte venientes , qualis sanguis niger , sive cum febre , sive sine febre . Quamquam hæc conditio , sine febre , magni sit momenti , quod multa excernantur modo minime laudando , ad quem si accessio quoque febris fieret , multo res deterius haberet : quod paullo post aperiemus . Dejectiones autem venientes sponte pravæ sunt , aut quod summum frigus designent , aut incendium ingens , aut corruptelam . Quod in pestilenti constitutione accidisse asseverat Galenus .

Cap. 6.  
lib. 1.  
de crisib.

Com. in  
Aphor. 2.  
lib. 4.

Est alius aphorismus qui contra agrum nostrum stetisse videtur : *Quibus ex morbis acutis aut diuturnis , vel vulneribus , vel quodammodo extenuatis , nigra bilis , seu uti sanguis niger desubter exierit , postridie moriuntur* . Læsus erat , contusus , vulneratus quodammodo ( quamquam in Græco ponitur nomen *τρώματος* , quod insigne vulnus significat ) excernitur uti sanguis niger ( nec enim atram bilem proprie excrevit , ut paullo ante diximus ) quare non postridie interiit ? Mirum est quod Galenus hunc narrans aphorismum , istam particulam , *ἢ ἄλλως λελεπτυσμένοις* , generaliter retulerit ad omnes alias particulas per disjunctionem scriptas : ac si dicat Hippocrat. Quibus ex morbis acutis extenuatis , quibus ex longis extenuatis , quibus ex vulneribus extenuatis : non autem per distinctionem hanc ; Quibus ex morbis acutis , aut longis , aut extenuatis , aut vulneratis , &c. ut sit ea mens Hippocratis : *Quibus extenuatis , aut a longo aut acuto morbo aut vulnere , atrabilis exierit , &c.* Ut extenuationis nomen explicet proprie mentem Hippocratis , & extenuationis verbum vere doceat



cap. 5. &  
9. lib. 11.  
de cris:

doceat cur mors sequatur necessario . Ita enim vult Galenus eos interire quod talis excretio iis contingat, qui sunt ἐχάτως λελεπτυσμένοι, non simpliciter vulneratis, non simpliciter laborantibus morbo aut acuto, aut longo: sed ita in extenuatis contingit, quod adeo natura imbecilla, ut nec coquere, nec excernere, nec secernere possit . Et quum ob morbi magnitudinem nequeant contineri, effunduntur necessario. Ob imbecillitatem autem mors antevertit vel initio, vel augmento, non autem morbi declinatione, aut statu expectato; ut in aliis morbis evenire ait Galenus . Sic quum æger noster extenuatus non esset, de eo intelligi non potuit aphorismus.

An alius aphorismus intelligitur? Sanguis supra qualiscumque fuerit malus, infra autem bonus . At supra excretio facta: ergo mala; nam aut ruptionem, aut apertionem, aut exesionem vasis significat . Nam mala est quod per os, & mala quod affatim, nam quum per comparisonem excretio sanguinis per inferiora laudanda censetur, Galenus non vult etiamnum sanguinem large profluere, sed pedetentim, adeo ut tarditate gressus nigrorem acquirat sanguis, non quod reipsa talis sit . Textus Leoniceni depravatus est; legere enim oportet pro eo Leoniceni textu, *Melius est, ut infra exeat, & neque huc per modum disrupti sanguinis, sed paullatim fluentis exeat* . Ita ego interpretor: Satius est per inferiora secedere; non ita tamen ut illac feratur eo modo quo in hæmorrhagiis affatim, sed sensim fluat . Atque quum qui præcesserunt aphorismi de ægro nostro non intelligantur, hic vere intelligi potest . Nam omnis per os excretio sanguinis mala, si mulieres exceperis, in 5. Aphorism. & in hoc revera mala: Sed securitas ex eo est quod febris non adesset, si verus aphorismus Hippocratis est: *Quicumque evomunt sanguinem, si sine febre quidem, salutare; si cum febre, malum* . Proprie autem nomen σωτηρίας hoc loco non sumitur, sed pro eo quod dicitur, δυνάμενον θεραπευθῆναι, comparatione cum ea excretionem quæ e pulmone fit, quam plane vituperat Galenus in comm. in hunc locum.

## ANNOTATIONES.

I Sanguis tam venarum quam arteriarum extra vasa effusus, aut foras in aliquam corporis capacitatem, ut asperas arterias, thoracem, ventriculum, intestina, uterum, vesicam, subito propter fibras concrevit in grumos, aut putrescit: quorum alterutrum quum accidit, gravissima oriuntur symptomata . Optimi enim corruptio pessima esse solet . Sic seminis quam sanguinis aut putrescentis, aut suppressi in hystericis mulieribus graviora sunt symptomata, quia purius semen & magis spirituosum . Sic humanum cadaver, omnium pessime olet; quia corpus humanum ut functionum perfectione cetera animantia superat, sic temperamenti præstantia ob formam omnium nobilissimam, rationalem scilicet animam . Ita alimenta quanto sunt meliora si corrumpantur, eorum corruptio deterior esse solet quam eduliorum quæ deteriora, sunt & ὀλιγότροφα



2 Vixit annum & dimidium post : nullumque diem prateriit in quo molestiam aliquam in parte laesa non senserit . Tandem rupto veluti abscessu alvus faculentis excrementis descendit, iisque foetidissimis . Visus est allevari . Iterum alvus lata est, & dum recumbere vult, statim aphonos redditur, media hora post interit . Mortuo excretio fit per os, & deorsum magna copia, ac praesertim grumosis sanguis excernitur .

3 Hic locus plenior libro Definitionum Medicarum Galeni, vel cuiuscumque sit auctoris . Hemorrhoids est delatio sanguinis paulatim facta per diffultationem . Hemorrhagia abundans e naribus effusio . Notanda haec voces, quod ad hunc locum intelligendum faciant plurimum .

Nota excretionem per inferiora ( quam de hemorrhoidali profluvio *κρυεῖσθαι* vult intelligi Galenus ) laudari, si dua adsint conditiones . Prior, si sensim fluat, quod mirum, quum opus sit naturale: posterior si excernatur niger, non quod talis sit ex se, sed quod tarde fluendo talem nigrorem acquirat . Quod vel ex Galeno falsum convincere possumus; nam lienosi qui hoc fluore juvantur, nigrum cumulant, ergo excernunt . Verbum, vomere, proprie sumitur, sed *καταχρηστικῶς*, quidam etiam ad excretionem e pulmonibus esse referendum volebant . Galenus autem omnem excretionem e pulmone sanguinis non salutarem esse ait, idest, non curatu facilem, ut interpretari licet, sive sit febris, sive non sit . Si sit febris, omnino malum: si non sit, non paullo post sequitur . Sed quum vomitio est sanguinis sine febre, non mala ita est ( ut in hoc agro de quo loquimur hic apparet ) nam collectionem tantum sanguinis, non autem perennem generationem, & proventum ad excretionem significat: sed quum febris est, bifariam mala, & ut signum, & ut causa: ut signum, quia declarat subesse inflammationem in partibus internis, quae talis excretionis causa sit: ut causa, quia dum humores a febre acuuntur, major excretio sequitur . Nam quaecumque excretionem cum inflammationibus sunt ac febribus, non solum vix curari possunt, sed nec in eadem magnitudine perdurare; Maiores enim fiunt ac maligniores: Sic locus reponendus qui a Leonicensio male conversus . Dictum est quidem ante verbum *ἐκίχθη* in aphorism. 37. lib. 7. non sumi pro *πύεσθαι*, ut quidam voluerunt: quia, ut ait Galenus in comment. in hunc locum, omnis excretio e pulmonibus sanguinis est *ἐκίχθη* . tamen miror quomodo Galenus non legerit aphorismum in Coacis, qui simillimus aphorismo est 37. allegato, ubi Hippocrates utitur verbo *πύεσθαι* . Hujus verba sunt: Sanguinem spuenter, confert si sine febre, & tussiant, ac doleant leviter, & ut sputum fiat ad dies bis septem tenue: Febrile vero & tussire, ac dolere pertinaciter, & recentem sanguinem semper spueri, malum est.



## CONSILIUM XLVIII.

*In quo queritur, cur multi valde valetudinarii vivant, alii integre sani, alii in statu neutro.*

**C**ORPUS nostrum ægrum est, aut sanum, aut neutrum. Ægro corpori ars quæsitæ est quæ morbos præsentēs arceat ac profliget; Sano, quæ conservet; Neutri, quæ in alterutrius officio ambigue versetur. Par enim ratio aliquando videtur & curationis, & conservationis, aliquando dispar ac dissimilis. Inter eos qui vivunt, quidam integra perfectaque valetudine utuntur: alii lubrica admodum, & quibus minimis momentis de sanitatis præsidio decedendum est. Tertiis adversa valetudine conflictantur. Ac primis quidem viscera, partesque solidæ, robustæ, integræque sunt, quarum in virtute ac legitima symmetria sanitatis ipsius thesaurus reconditur, ac consistit. Secundis partium nativa est infirmitas, ut quæ foris occurrentibus causis morbificis, aut internis in nobis nostrisque visceribus genitis minime resistent, contraque facillime cedant. Tercios autem morbus fere occupat, quod inter partes quarum potentia corpus sustinetur ac administratur, una sit aut altera quæ in vitio sit, ut quum aut proprio pulmonis vitio phthistici decumbunt, aut quum catharrhosi ob innatum cerebro vitium, aut alia atque alia ratione afficiuntur. Inter morbosos quidam ita sunt affecti, ut peculiari vitio partis principis, aut cerebri, aut hepatis, aut ventriculi, aut lienis, aut mesenterii (latius enim patet nomen Principis partis, quam a quoquam veterum dictum sit) facile in morbum etiam gravem incidant; alii in febres facile, quod notandum. Vitio partis quidem, ut quum obstructionibus obnoxius lien est, aut quum primæ venæ facile impediuntur, ut de melancholicis hypochondriacis patet, statim & veluti in procinctu morbus adest tracto in sympathiam ventriculo. Et cur non præcipuæ cujusdam partis mesenterium ipsum, per se quidem abjectum & vile, si præsertim conferatur cum aliis partibus, quarum nobiliora præstantioraque sunt munia, cum impedito obstructoque mesaræo, tam cito occurrant morbi? Ita enim quibus primæ venæ cremori ventriculi excipiendo destinatæ obturantur, obstruunturque, vomituriunt sæpe, male coquunt, leipothymiisprehenduntur; an non magni est momenti? In singularum partium vitiis exquirendis immorandum non censeo: satis fuit indicasse morbosos valetudinariosque quosdam existere peculiari vitio partis. Alios valetudinarios vocamus, ut qui promptissime a febribus communibus humanæ naturæ hostibus prehendantur. Nam sive ludant, sive irascantur, sive paullo liberalius genio indulserint, ecce in insidiis stat febris quæ in eos quam primum grassetur atque involet. Contra vero alios minime omnium valetudinarios vocamus, qui feбри non ita pateant. Eorum autem qui febribus tamquam communissimo omnium morbo utpote in omnem ætatem omneque tempus incidente corripuntur, alii facile eo morbo defunguntur, alii non.



non. Sed quum sæpe in febrem incidant, læduntur tandem plurimum; nam & calor febrilis varias in corpus mutationes invehit; & morbus tam sæpe recurrens cum actionum læsione non potest non partes offendere, penuria alimenti, & officii intermissione.

Quæ causa autem sit cur aliqui in febrem non incidant, aut raro, aut in eam perbreve, quum tamen inter morbos febris omnium facillime occurrat, breviter strictimque aperiundum. Ex generibus febrium, quædam putredinem agnoscunt parentem, unde putres febres; quædam simplicem intemperiem. Illis continentur Quotidianæ, Tertianæ, Quartanæ. His synochi imputres, hæcticæ, diariæ. His aut illis obnoxia sunt corpora, aut non. Natis quidem ab intemperie squalida, hirsutaque, & biliosa corpora obvia sunt. Putribus autem ea quæ obstructionibus plena sunt, calida humida, præsertim si perspiratione careant, aut aere frigido degant. Obstructionibus autem pervia corpora sunt, aut conformationis vitio, ut quum coacta angustaque sunt vasa, & viæ mesaræ (mesenterium enim maxime fons, seminarium, & scaturigo putridarum febrium & morborum a putredine a nobis constitui solet) aut diætæ vitio. Qui itaque in neutro peccant, idest nec in moderato victu cultuque vitam degunt, nec a natura ipsa obstructionis facilitatem ac proclivitatem hauserunt, non ita facile a putridis febribus impetuntur ac occupantur. Contra autem quæ contrario modo affecta cernuntur. Itaque mirum non est si ex mortalibus quidam quadragies febribus putridis corripiantur, alii ne semel quidem, tametsi ex iis quidam satis pituitoso corpore sint, quidam vero non ita pituitoso: immo sunt qui nisi quotannis ter quaterve repurgentur, putridis febribus corripiantur: alii nec purgantur, nec corripuntur tamen: immo quadraginta annos pene sani exigunt. Reperti sunt quibus contra normam & naturam febrium putridarum decimoquinto die contingeret. Quod annotavit Rhases Antipater Sidonius Poeta apud Plinium, singulis annis uno die tantum natali nimirum febre corripiebatur. Dominus de Masseparault supplicum libellorum in Regia Magister mihi affirmavit magna cum celebrium Medicorum admiratione, certo quodam die singulis annis graviter se laborare ac si hæctica febre prehenderetur. Et ego ipse dum hæc scribo, commentorque, illius quod nobis quotannis accidit facile ac lubenter meminero. Quater in anno in magnis quatuor temporum anni mutationibus febricula tamquam diaria prehendor, cum totius corporis gravitate; inappetentia maxima. Videmus qui numquam se febre manifesta prehensos asseverent: Alii nisi quater in anno repurgentur, minima occasione in febrem præcipites ruunt: sive quod propter consuetudinem purgationis id contingat, seu potius ob intemperantem victus rationem. Scribit enim Galenus melius esse multo si de cibis detrahant, si sese exerceant: non enim ratione consuetudinis contingit ut illis evacuatio proficit: sed quoniam ex depravato victu multos humores crudos ac pravos collegere.

Quæ hæctenus dicta sunt in eum maxime finem spectant ut paretur muniatque via ad historiam cujusdam Nobilis Juvenis qui in gravissimum

*Lib. de  
consue-  
tud.*



morbum incidit, quum numquam laboravisset. Ecce dum in suis muniis, solitoque versatur officio, febreprehenditur: primo quoque tempore vires labuntur, urina supprimitur, fandi impotens fere redditur tamquam stipes inanis in nullam partem versatilis jacet: denique hic potius de sepulcro quam de remedio cogitatur. Idem filio Præsidis Boherii contigit: nam undevicesimo ætatis anno in febrem incidit, primum languidam ac sepultam. Nihil excrementi redditur. Nonnisi post 24. horas urinam faciebat: animo facile deficiebat: ne minimum quidem sudorem ferre poterat, tamen vehementes purgationes satis alacriter tulit. Febris sine typo, postea tertianam referebat. Primis diebus sine perfrigeratione, sequentibus aliquando: rigor prehendit, facies non concidebat. Alvus nonnisi sollicitata reddebat. Quærat aliquis, qui fieri possit ut qui olim tamdiu integra sanitate fructus est, nunc in morbum lapsus tam graviter laboret? Cur primæ vires hætenus morbo non afflictæ non apparent? Qui diuturnis morbis sunt afflicti ac impliciti, si forte recidant sæpe etiamnum novos morbos experiuntur ac sustinent, cur non alacrius ferant ii qui nihil de viribus amiserunt, qui semel morbo tentati sunt? Alia longe ratio est: nam qui in morbum relabuntur ac recidunt, non longe quidem a priore morbo absunt; & ii fractis jam viribus impetuntur; quo fit ut ferendo non sint, sed aut graviter ægrotent, aut fere moriantur. Sed qui sæpe morbis implicantur, ii fere robustiores existunt tamquam in ea re exercitati, & levi de causa in morbum incidentes. 2 Contra qui toto ætatis suæ cursu aut numquam, aut semel, bisve ægrotaverunt, idque leviter, gravissime maximam partem laborent, tum propter inexperientiam & insolentiam morbi, ut sic dicam. Nam qui labores ferre consueverunt, etsi imbecilli, aut senes, iis qui non consueverint, vel etiam si juvenes fuerint, multo sunt robustiores. Item quia quum diutissime integra sanitate freti sint sive ob partium integritatem, sive ob laudabilem temperatamque vitæ rationem, sive ob utrumque, de suæ sanitatis gradu nonnisi magna de causa deciderint. Oportuit enim causam validam esse quæ corpus hoc tam sanum de primo statu dejecerit ac depulerit: Sive quia idem contigerit quod habitui athletico evenire solet. Corpus enim quantumvis incolume ac sanum, tandem ad summum bonitatis provehitur, ut necesse sit illud in deterius decidere. Unde narrant quidam scriptum esse ab Hippocrate (sed locum non legi; umquam) quosdam ætatis annum summa cum sanitate exigere & attingere; sed propter quasdam quæ in ætatibus contingere solent mutationes, eos fere mori. Quod si scriptum est ab Hippocrate, notandum maxime, & illud quidem experientia observatur.

Sed ad institutum redeundum est. Qui diu sani fuerunt quatenus tamdiu integra freti sunt sanitate, satis indicant firmitatem ac robur partium, accedente proba diæta, quæ etiam corruptam naturam conservare & instaurare potest. Quamquam accidit nonnullos intemperanter, omnique cum luxu vivere; tamen sanos ætatem suam degere. 4 Ac si tanto firmiores stabiliorefque partes redderentur, quanto depravatio deteriorque vitæ ratio existat. Ut contra, plerique quum moderato victu cultaque suos



suos annos exigant in summa imbecillitate versantur, immo si eorum sanitati conservandæ quidam Asclepiades præficiatur. Quod cur contingat, hujus quidem loci est ac instituti, sed non hujus temporis quum plenior in ea re temporis usura uti debeamus. Nunc autem uno verbo explicemus, cur qui diu sani sunt, semel in morbum lapsi tam graviter laborent, immo vita periclitentur, id præter rationes paullo superius adductas non alia ex occasione nasci videtur, quam quia temporis diuturnitate per congestionem quamdam in corpore accumulatur humores qui non statim putrescunt, nec proterviunt, sed levi de causa irritati & moti ferociunt ac turgent. Atque quum copia multi sint, natura aggravatur, & quum ejusmodi motum ac putredinem numquam senserit, illius rei insolens, pugnam detrectat, ac succumbit. Hinc morbi sævities, præsertim ob magnam virium jacturam.

Illud abunde aperuit historia illius juvenis, cujus nomine suscepta est hæc disputatio: qui quum numquam, aut leviter admodum laboravisset, oborto morbo non ita vehementi concidit quasi fractus & consternatus. In totum naturales evacuationes substituerunt. Et quum inter ceteras urina tres jam dies fuisset suppressa, frustra curatus est tamquam ischuria. Tamen ut sæpe multa ab imperitis temere & contra artis præcepta fiunt, quorum non est omnino sinister eventus: ita in hoc ægro temerarium factum prospero eventu sese auspicato prodidit. Datus est illi potus ex terebinthina destillata, syrupo de althea, succo limonum: eodem die urina large profluxit: Paullo post aliquantum relevata natura, sed postea concidit. Itaque remedia quæ natura fatiscente præscripta fuerint, & quæ eadem paullum erecta hic adscribemus.

℞. Mithridat. opt. ℥ j. conserv. buglos. viol. an. ℥ β. fiat emplastrum pro corde.

℞. rasura ebor. ℥ j. unicor. gr. 4. cornu cervi ℥ j. syrup. granat. ℥ s. aquæ cardue ℥ ij. s. fiat potus.

℞. olei rosati ℥ ij. aceti ℥ ij. pro ventre. Erat æstus ingens.

℞. destill. restaur. lib. j. syrup. viol. & de limon. an. ℥ ij. s. passetur cum ℥ j. cinnam. utatur sæpe.

℞. rasur. cornu cervi ℥ s. sacchar. rosa. tabul. quod sufficit. fiat pulvis utendus sæpe.

℞. syrup. granat. oxysaccha. an. ℥ s. aquæ card. & scab. an. ℥ ij. s. mithridat. confect. alķermes an. ℥ j. rasur. cornu cervi ℥ j. fiat potus pro duabus dosibus.

*Injectus clyster blandus.*

℞. rasur. ebor. cornu cervi, margar. elect. unicorn. an. gr. vj. syrup. de nymph. ℥ vj. destillat. restaur. ℥ ij. β. fiat potus.

Item ℞. aqu. card. lib. j. ad usum.

℞. syrup. de cichor. compos. sine rhabarb. oxys. simpl. an. ℥ j. s. cum decoct. gramin. passul. glycyrr. fiat julep.

Item fiat julep. ex syrupo de granatis & de limonibus.

℞. mithridat. ℥ ij. theriaces ℥ j. conserv. rosar. buglos. viol. borag. an. ℥ iij.



*℞. iij. decoct. unius capi alterati cum buglos. borag. lib. iij. carnem unius capi, aqu. card. ℞. iij. fiat destillat. in balneo Maria. Utatur addendo syrupi violati sextam partem.*

Item repurgatus rhabarbaro infuso in destillato restaurativo. Bis, terve repurgatus, recreata natura.

Primis diebus pro desperato relictus est. Et in hanc historiam attentos nos esse oportet, ut discamus non temere negligendos relinquendosque morbos qui primo quidem obtutu tamquam immedicabiles sese nobis offerunt: Nec præterea de morbis præcipitanter esse pronuntiandum. Suspendi enim oportet iudicium in prognosi præstituenda, nisi certo constet: præsertim quum hoc tempore propter ingluviem morbi pullulent, veteribus numquam cogniti, & contra quam factitatum sit a veteribus, nulla dierum criticorum habita ratione subinde ac identidem, variis remediis agros oneremus, ut omne naturæ studium ac ordo pervertatur ac pereat: & magna cum nominis sui calumnia multi etiam ex primariis Medicis, aut eos morituros, falso præsenferunt ac prædixerunt, qui non tamen non ita longe post a male lata sententia tamquam provocarent, superfuerunt, & contra multos victuros pronuntiarunt, quos non ita longe post mors secuta est.

#### ANNOTATIONES.

1 Caput hoc scriptum est ut queratur ratio cur multi valde valetudinarii vivant, alii integre sani, alii in statu neutro. Et quibusdam præsto semper sunt Medici & remedia, & tamen non valent. Aliis contra, & integre vivant. Item cur multis quinquagies secta est vena, profluvia alvi, & alia excretiones contigerunt, aliis nil tale, quum etiam non integra sanitate fruuntur. Tandem ii qui obstinato animo licet agri noluerunt sibi venam aperiri, æque diu vivant. Quomodo detractio multa sanguinis in multis aut non detrimentum attulit, aut quibus nulla facta est periculum non contigit?

2 Hujus rei demonstrationem petes accuratam ex cap. 4. lib. 2. de præseg. ex puls. ubi Galenus de comparatione intermissionis pulsus in juvenibus, aut in senibus & pueris agit.

3 Locum illum tandem legi lib. 1. de Diata, dum loquitur de iis qui in optimo habitu sani diu vivant. Qui autem morbi a quadragesimo anno a morbo aliquo correpti fuerint, numquam fere evadunt. Sed quoniam ille locus obscure ab Hippocrate scriptus est, ideo longiore & tempore & otio majore indiget, horum explicationem in alium locum rejicientes, nodum qualiscumque sit dissolvemus.

4 Celsus forte hujus rei causam explicavit. Dum enim cavet ne nimium assuescamus uti medicamentis, ita scribit: Purgationes ut interdum sunt necessariae, ita frequentes periculum afferunt. Assuescit enim non ali corpus, & ob hoc infirmum erit, quum omnibus morbis obnoxia sit maxime infirmitas. cap. 3. lib. 1.



§ Notandum hoc symptoma : nam alias ut symptoma curari debet , alias ut morbus : summum vero adhibeat iudicium Medicus , an in febre urina supprimatur per se , an per accidens ; quoniam falso recurrunt quidam ad calculum , aut ad alias causas falsas : & oportet diligenter incumbere in coctionem humoris , & exclusionem & naturæ vim excitare , & non frustra catheterem immittere metu majoris mali ; id enim accidit quum totum corpus crudioribus humoribus refertum est . Confluit autem ex ipso acervata multitudo in vesicam , quæ amplius distenta & dolitans , ad actiones suas inefficax fit , & periculum suppressæ urinæ inducit .

## CONSILIUM XLIX.

*De capitis vulnere.*

**N**UPER In ludo litterario puelli colludebant , alius pera , alius calmario , & ut quisque hac aut illa re erat instructus , ita tamquam idoneo instrumento utebatur . Forte in peræ fundo gladius acutissimus latebat , cujus mucro pertuderat fundum . Is sensum ob acutiem fugiebat . Peram capiti appressit joco , hinc vulnus incisâ cute inflictum . Sinuosum erat , adacta cuspide acutissima funditus & punctim os læsum . Neglectum id quicquid fuit ob vulneris exiguitatem . Male tum , quoniam nil negligendum in fauciato vulneratoque capite : & quo magis sensum fugit , eo majori curæ esse debet . Dilatata plaga apparuit os læsum esse , sed an utraque tabula perforata esset , an media diploe ictus restitisset , controvertebatur . Si illud esset , necessario modiolum adhiberi debere conficiebamus . Si hoc , idest , alteri tantum tabulæ adactus esset mucro , a terebra temperandum erat . Hoc perplexum obscurumque fuit admodum : Nam temere ad terebram accedere periculi plenum erat , ita rebus non bene subductis , eam prætermittere , & vituperationis , & periculi metum afferebat . Unum tamquam univocum signum parebat , nempe systole ac diastole , & nutatio seu inundatio quædam qua ictus inflictus erat , ut propterea tactam esse pertusamque utramque tabulam conjiceretur , ac sic modiolum usu-venire . Sed hæc inundatione deceptos sese esse , delusosque Chirurghi asseriebant , quod hanc nutationem sæpe præferant arteriæ exiguæ quæ diploen perreptant . Itaque quum dubitaretur quo pertineret ille motus & agitatio , an ad cerebrum vi ictus detectum , an ad arteriolas in diploe intertextas , anceps magis ac dubium consilium ac ratio exsistebat . Ut in utramque partem paria æqualiaque rationum momenta starent . Si noxa utrique tabulæ illata foret , ajunt , sese id signis quibusdam detexisset . At nil plane ante 14. diem apparuit . Et illud quantulum fuit , procatacticæ cuidam causæ assignabatur . Si læsum os utrumque , stillasset sanguis . A stillicidio aliquid incommodi cerebro accidisset . Præterea vomitiones nullæ contigerant , stupor nullus , nilque ex iis quæ læsa utraque tabula evenire solent , & ad terebram ideo consilium convertunt ac dirigunt . Nos contra conjectas has petitiones eludebamus . Vomitiones , & id genus alia quæ utriusque tabulæ læsionem , ac piæ



memingis offensam significant, non in punctim factis vulneribus ita apparent, ut in aliis tromaton differentiis; ut quum concussio facta est, aut magna plaga illata, aut lapsus fuit, aut quum effractio est cranii. Accedit quod rimulae angustia in casum facto vulnere, praesertim tam acuto gladiolo, impediat quominus in memingem stillet sanguis; aut si quid tale contigerit, pigro gressu id fit, & adeo exigua quantitate, ut nil, aut parum inde argumenti capi desumique possit.

Rebus ita agitatis, ac dubiis ob obscuritatem, & multa rationum involucra relictis, tandem fortuna ac casu saepe ad bene medendum, & feliciter scopum contingendum, nonnihil faciente, ad modiolum concursus est. Laesum os detractum. Incredibile hoc fuit, & cujus gratia hunc commentariolum de illo ictu conscripsimus de industria, nulla apparens erat diploe: os cranii unum erat, una tantum tabula, quod terebranti multum attulit metus ac suspitionis, ne quicquam peccaret. Ita enim trepanum *ἀβάπτισον* adhibent, supra cujus mucronem circulus quidam parum latus exstans circumcurrit. Prohibet enim ne dum terebra agitur, altius descendat, & subjectas partes violet. Ita enim ipsius terebrae circumactus, & appressio facilius fertur. Et quum jam totum os perforatum erat, opinione diploes ductus, rursus apprimebat terebram, quum cerebri substantia occurrit.

Atque propterea frustra ad arteriolas percurrentes diploen motus pulsatorius ille de quo mentio facta est, relatus fuit. Itaque nisi rationibus satis quidem firmis, fortuna, & cepti fiducia praecurrisset, magnum saucio puello periculum creatum fuisset. Rationes quidem quibus contra nitebantur ne temere modiolus adhiberetur, verae ac probabiles erant, sed earum falsitatem solus eventus detexit. Quis enim credidisset naturam in plurimis sapientem ita in illo puello sui oblitam adeo, ut os, quod diploe in omnibus fere divisum distinctumque miro artificio, ac profectu incredibili unum constitueret?

Haec dicta volumus, ut intelligant qui artem Medicam, Chirurgiam ei administram subaudio, exercent, multa saepe fortuito experiunda esse contra quam ratio ipsa nobis dictare soleat. Etsi enim magna consilii judicii-que vis est, apprime ad feliciter medendum conferens, & ad gloriam consequendam plurimum compendii afferens: tamen experientia quaedam, fortunaque quaedam caeca ac bruta aliquando pluris faciunda. Saepem enim axiomaton nostrorum praetextus speciosus; ac mordicus facta observatio, in praecipitia quaedam pericula agros magno damno coniecit. Cujus rei fidem facit praesens illati vulneris historia. Si enim praevaluissent rationes nostrae magno artificio confictae cuidam ausui temerario, laudando tamen, siderationis periculum, ac deinde interitus creavissemus. 1572.



## CONSILIUM L.

## De lactis asinini præstantia &amp; dotibus.

**C**IBUS in agris loco & tempore non præscriptus variis incommodis corpus afficit. Quemadmodum enim dum valemus robur addit, viresque conservat: ita dum de sanitatis præsidio atque statione dejecti sumus, idem cibus vires labefacit atque frangit. Ita enim memoriæ prodidit divus Hippocrates. Quo fit ut natura quædam excogitaverit quæ in medicamentorum & alimentorum genere ambigerent. Hæc alimenta medicamentosa appellari solent. In horum genere est lac asininum, quod tabidis conferre dicitur. Sed hanc cautionem adhibere necessum est. Nam si magna subsit putredo, aut febris adsit, impune dari non potest. Aut enim acorem, aut nidorem contracturum est; hinc detrimentum corpori afferetur. Labet tamen nonnulla hic attexere, ut temere lacte non interdicator, egrique iis commodis quæ inde apportari possunt, priventur.

Aliud est loqui de lacte simpliciter, aliud de lacte asinino. Nam quum in Aphorif. cavet Hippocrates ne quid in utendo lacte peccetur, hoc vult ne febrientibus lac offeratur, nec tabidis valde multum febrientibus (quamquam Galenus in comm. dictionem (valde) supposititiam esse scribit) nec capite dolentibus, de lacte in genere loquitur. Sed quum in generibus lactis magna sit latitudo, indistincte non est accipienda Hippocratis sententia. Audiatur primum Galenus libro de alimentis 3. de lacte in genere loquutus: Lac omne, ait, utile est thoraci, capiti autem nisi quis illud habeat firmum, nocet: ut neque hypochondriis quæ levi de causa inflammantur. Nam plurimis in ventriculo in flatum vertitur. Si autem cum alio coquatur quod crassi succi est, deponit flatum, sed jecur obstruit. Lac autem optimum censeridebet & boni succi, & multi alimenti, quod contrariis & substantiis & facultatibus constat subducendi & sistendi, obstruendi ac tenuandi.

Nec illud omitti debet, omne lac facile alterari, immo, quod notandum, in sanis etiam dum coquitur, probos humores generaturum, & caput ferit, & hypochondria attollit (ait Galenus.) Quod si in sanis fit, multo magis in agris alteratio continget. Alteratio autem in utrumque apparet, & in nidorem, & acorem. Tamen duo loci plane contrarii occurrunt apud Galenum 4. de simpl. medicam. fac. Priore ait: *Lac tametsi gustu dulce est, ex se tamen numquam amarum efficitur; nam in eo evincitur a frigiditate caliditas, ac proinde repositum acescit.* Paullo post tamen amarorem lacti contingere asseverat. Ne quis putet nomen τὸ πικρὸν Galenum velle usurpare tamquam cum τὸ ὀξύ confundatur, intelligit amarorem illum cum nidore conjungere, qui nidor a calido est. Verba Galeni hæc sunt: *Lac ubi cruditatem in ventre patitur, in frigidiori acescit, in calidiori amarum nidorosumque efficitur.* Itaque amarorem lacti contingere posse asserit. Nisi forte dicamus istam periodon ita explicari posse: Lac ex se numquam amarum efficitur, ait Galenus; hoc debet intelligi per comparisonem cum melle; illa enim mens est Galeni. Nam mel per se amarum efficitur, idest a suo calore per



*lib. 2. A* diuturnitatem temporis. Quia enim in eo summa est dulcitus, huic quum  
*cut. mul-* nil addi possit, necesse est ut calore in aliam qualitatem desciscat. Lac autem  
*ta scripta* ex se non ita amarum efficitur, quia non ita dulce ut mel est: immo ait Galenus eo loci: Si lac gustaretur ubi in ventre est, & per venas coctum, ipso melle dulcius inveniretur. Nam quod foris & ex se mel obtinet, id dum coquitur lac accipit. Immo, ait, quum admodum ingens calor est, tantam lac acquirit dulcedinem, quantam mel amittit. Quod si verum est, nec lac dulce est, alioqui calore mutaretur. Nec verum erit quod ait Galen. comm. in aphor. 64. lib. 5. Aphor. Lac omne facile alterari, aut in acorem verti quum pauco calori applicatur, aut in fenum nidoremque si plus calori addatur. Et hæc magni momenti sunt. Quia ex illo loco ex comm. in Aphorif. adduci possumus a præscriptione lactis, ubi intemperies aliqua est, ut apparet in iis quibus vulgo lac præscribimus. Ex alio vero loco facile adduci possumus ad lactis usum; quia, quum, ait Galenus, calor etiam ingens est, tantam acquirit lac dulcedinem, quantam mel amittit.

Itaque nec tam religiosos esse oportet in lacte præscribendo, nec in eodem interdicens difficiles. Nam est ubi revera facile alteretur, ut si insigne incendium: est ubi non item, ut si febris magna non fuerit. Si tamen Hippocrati assentiendum, magna cautio est adhibenda. Nam & sitientibus negat exhibendum, & quibus biliosæ sunt dejectiones: quod utrumque impedimento esse non debere verisimile est: in textu latino legitur: *Malum autem & lac, & quibus in febribus acutis biliosæ sunt dejectiones*. Hæc lectio aliena est a mente Hippocratis. Legendus locus per distinctionem, ut legendum censet Galenus, in eo sensu: Malum lac in acutis febribus, & quibus biliosæ sunt dejectiones, ut omni illi corpori interdici debere lactis usu doceat, in quo calor præter modum insit. Quod si accuratius capiatur, non est dubium quin multis lac asinæ propinetur, quibus nec jure, nec loco, nec tempori concedatur. Quocirca quum Hippocrates quibus interdici lacte debeat, explicavit (multos autem adducit quibus a lacte temperandum consulit) adjungit, *si nihil quæ dicta sunt affuerit*, quod Galenus ab aphoristica disciplina alienum esse comminiscitur, & veluti per pleonasmum additum. Acute tamen postea hujusmodi superflue repetitionis rationem reddit Hippocrates (ait Galenus) bis terve eadem repetere non veretur, si magnum aliquod periculum imminet, quum quod dicitur, veretur ne negligentius audiatur. Ac si dicat Hippocrates, Magnæ sunt lactis opportunitates, nil est in rerum natura æque præstans ac lac ipsum, ita nil æque facile corrumpitur, si quibus propinari non debet, exhibeatur. Inter enim euchyma habetur, idest, inter ea quæ optimum sanguinem generant: sed si in sanis, ut ait Galenus, tam facile malam qualitatem acquirit, quid de ægris judicandum?

Tamen ut non exacte omnia estimari debent, ne forte simus nimis religiosi, ut Hippocrates in sua ptisana explicanda accuratus admodum est: ita in lacte. Quod utrumque quum inter esculenta primas teneat, ita non nisi apposite dari debent. Et subjiciuntur tamquam exempla rerum ceterarum. Si lac & cremor ptisanæ, quæ præstantissima sunt edulia jure & loco non exhibita, tantis afficiunt incommodis, quid debet expectari ab iis quæ  
 & com-



& commoditate & præstantia sunt inferiora? Non est itaque quod timidi simus in usu lactis Hippocratis territi doctrina. Sæpe enim præceptionum ac theorematon artis nostræ nimis religiosa observatio magnis nos afficit incommodis, quod multa audere & tentare sit religio, quæ alicui essent profutura. In quo sæpe circumforaneis, & humanæ vitæ periclitatoribus victoriæ palma decidatur, nobis vero eripiatur.

Lac quodvis usurpare non confert, sed ad id deveniendum quod commendat Galenus, quod nimirum contrariis substantiis & facultatibus constat, subducendi scilicet ac sistendi, obstruendi ac tenuandi. Optimum autem lac asininum eas facultates habere dicendum. Et observavi, quod affirmare auserim, in fluoribus pessimis alvi asininum lac præscribi, repressa humorum malignitate, lactis bonitate, alvus magno commodo substitit. Aliis quibus alvus adstricta, leve profluvium usu lactis contigit, & profuit. Nec terreri initio debet si obsit, non profit: nam perseverandum experientia docet. Fit enim (ut quidam ex veteribus annotavit) ut assiduitate tandem lac sua bonitate temperet, ac refrenet cacoethiam & pravitatem humorum in corpore turgentium. Itaque Galenus 3. de alimentis ait: *Lac asinae raro in ventriculo cogitur: quod si sal & mel addatur, non fieri potest ut ipsum in ventriculo coaguletur.* 2 Si Galenus comm. in aphor. illum *Lac dare*, multis serum lactis sale & melle conditum exhibuit, quibus distenta essent hypochondria (eos autem a lacte arcet Hippocrates) cur lac asininum proxime ad serum accedens, & præterea facultate alendi præditum non præscribetur? Nam & sistendi parte caseosa, & butyrofa, serosaque laxandi vim habet. Sic nec lactis usus rejiciendus, nec iis temere assentiendum, qui quibusque in affectibus, & quovis tempore lac exhibendum putant.

#### ANNOTATIONES.

1. Hoc ex loco scire oportet etiam in dysentericis fluxionibus pravis non esse alienum, contra Hippocratis præceptum, lac dare. Etsi enim concre-scat, tamen diuturnitate vincetur, & domabitur corruptio humorum. Et id ex præscripto Hippocrat. fieri potest. Quamquam eos in quibus dejectiones sunt biliosæ, vetat lac dari. Et experientia compertum est quosdam quibus dysentericæ & mesentericæ erant dejectiones diu fatigantes non aliena arte cessavisse, quam diuturno lactis usu. Et Hippocrates lib. 2. de morbis mulierum, in fluore muliebri bilioso lac commendat; quia (ait) fluxus a lacte obtunditur. Quod idem de dejectionibus dici potest. Filio Erotolai 7. Epid. circa initium libri, lac per os dat in vehementi dysenteria.

2. Celsus cap. 22. lib. 3. in phthisi sicut in omnibus longis, difficilibusque febribus, lac dare commodum est.



## CONSILIUM LI.

*In quo explicatio continetur Aphorismi illius libri 6. Aphorism.*

*Qui gibbi ex asthma te fiunt, ante pubertatem moriuntur.*

**P**LERAEQUE apud Hippocratem præclare & exquisite scripta sunt, quæ tamen in pravis ducuntur, aut quod depravata in multis codicibus non intelligantur, aut potius quod non sint eorum stomachi, qui perviis vulgaris que nescio quibus theorematis contenti magnum se pretium operæ fecisse credunt, si aliquid in promptu habeant quod promere aut potius effutire possint. Ut autem ingenue fatear, quum in omnibus fere Hippocrat. libris magna sit verborum obscuritas, ad eam tamquam auctarii vice accedit multorum depravatio, quæ multorum studia & legendi, aucupandique desiderium restinguat. Quæ autem obscuritate sola implicita sese nobis offerunt, ut in animos multorum sensim veluti influunt, & sui desiderium injiciunt: ita quæ corrupta nausæam etiam appetentissimis hominibus pariunt. Nisi forte aliqui sint quos quum laboris non pigeat, multa aspera ausint pervadere, multas rerum difficultates devorare. Horum in primis laudandum studium, laudandi & conatus. Simile aliquid in plerisque quum aggressi simus, in quibus operam non detrectavimus, tum in uno aphorismo Hippocratis eandem operam majorem, vehementiusque multo studium ponere institutum est. Ille tametsi primo quasi obtutu parum adjumenti intellectus, aut voluptatis acute evolutus afferre videatur, tamen si cui rem penitus paullo inspicere collubitum sit, nec legere pigeat, nec in hoc laborasse pœniteat. In evolvendis enim illis obscuris non minus sæpe cujusdam genii quam ingenii vis apparere solet. Sed ne extra cancellos excurrat oratio, ad rem institutam accedendum est, cujus explicationem lectoribus voluptatis simul ac utilitatis plurimum allaturam confidimus.

Aphorismus Hippocratis hic est: *Qui gibbi ex asthma te fiunt, aut tussi, ante pubertatem moriuntur.* Textus hic Leoniceni. Textus Græcus Basil. habet: *ὁκόσοι ὕβοι ἐξ ἀσματος ἢ βηχὸς γίνονται ἀπὸ τῆς ἡβης, ἀπόκλυνται.* Verba græca latinis non quadrant, quum aliud sit dicere, moriuntur, simpliciter; aliud, moriuntur ante pubertatem. Hic enim in textu Leoniceni ordo immutatus, immutataque periodi videntur. Scrupulus autem qui hic nobis injicitur, quique commentandi occasionem porrexit, est is; quum dicat Hippocrates: *Qui gibbi ex asthma te aut tussi fiunt*, an asthma contorsionis spinæ causa esse possit, item & tussis, & quomodo fiat. Quis enim umquam scripsit a tussi & asthma te gibberum contingere? eumque funestum, quum gibber illorum causa esse vulgo perspiciatur? Nec enim valere potest quod objiciat quis ob asthma & tussendi assiduitatem vitiari posse spinam, ut quibusdam rectis, tamen male gradientibus pedum figuram labefactari contingit, unde claudi vatique fiunt: item decubitus forma spinam inflectere potest, ait Hippocrates lib. 3. de articulis, his verbis: quibusdam figuræ, *τὰ χίματα* vocantur, in quas qui cubare consuevit, ad hoc conducunt,



cunt, idest ad hoc vel illo modo inflectendam spinam. Qui locus adversum nos faceret, nisi Hippocrates in textu adjecisset, figuræ cum morbo, idest cum phymatis, & tuberculis. Sic nec figura, nec tussendi conatus, nec *δύσπνοια* quicquam ex sese ad conversionem spinæ confert.

Sed sit ita, videamus si contextus Leoniceni Hippocrati quadret, an facti gibbi ex asthmate ante pubertatem moriantur. Dum gibbos ex asthmate dicimus, procatareticas gibbositatis causas cum Galeno excludimus. Secundo, num credibilius ex gibbositate & anhelosos & tussiculosos reddi, quam tussim & asthma gibbero occasione porrexisse. Rationi enim favet magis ut gibbositas tussim asthmaque invehat, quam contra. Tertio, An tubercula & pani qui gibberum efficiunt, asthma & tussim prius inferant, quam gibbum. Quam sententiam secutum fuisse Galenum ostendemus: & in hoc difficultatis cardo vertitur. Sic enim postquam tubercula tussim & asthma generarint primum, tempore gibberum inferunt, & ita auctiore respirandi difficultate perimunt. Nec enim dixit Hippocrates, Qui gibbi ex tuberculis fiunt, quod dici debuit: sed qui gibbi ex asthmate, idest, quibus gibbositas auctarii vice contigit ob panos, quum asthma ab iisdem panis in spina obortis præcessisset. Quamquam idem sensus, ac si dixisset: Qui gibbi ex tuberculis, &c. nam & spirandi difficultas tuberculorum comes: & si asthma est, suspicio esse debet tubercula adesse. 2 In libro de Articulis, non dixit, *ὁπόσοισι πόνδυλοι ὑπὸ νοσημάτων ἔλκονται*, idest, ὑπὸ ἁδματος: sed ὑπὸ τῆς νοσημάτων, Idest, τῆς πυμάτων, ut idem Hippocrates pluribus ostendit. Quarto quæri potest, an non cyphosis a casu lapsuque mortem intentet, ut & quæ a tuberculis committitur. Hippocrates autem lib. de articulis 3. duo distincta capita de cyphosi a phymatis, & causis externis nata conscripsit. Verborum autem series eo semper pertinere videtur, ut aphorismus hic de ea tantum cyphosi intelligatur quam internæ causæ induxerunt. Ideoque Hippocrates non absolute scripsit, Qui gibbi ante pubertatem fiunt, moriuntur: quamquam in libro de Articulis ita sine adjectione scripsit: *Quibus, dum adhuc pueri sunt, priusquam corpus adoleverit spina in gibberum incurvatur, ea parte spina non nutritur & augetur*. Sed Galenus alio loco scripsit, illam sententiam, sicut & alias quæ illi annexæ sunt, de contorsione a causa interna intelligi.

*Comm. in  
aphor. 46.*

*Sent. 6.  
lib. 3. de  
artic.*

*Comm. in  
par. 19.  
lib. 4. de  
artic.*

Atque ut res apertius explicentur; textus Basiliensis duobus in locis depravatus est: uno, quia particula illa *πρὸ τῆς ἡβης* non est referenda ad postremam partem contextus, ad verbum, nimirum *ἀπόλλυται*, sed ad priorem; ut legatur, *ὁπόσοι ὕβρις γίνονται πρὸς τῆς ἡβης*. Altero, quod omissa vox illa *ταχέως*, quæ ad verbum *ἀπόλλυται* adjungi debet. Ita Fuchsius in scholiis in illum locum annotavit, non suo ipsius iudicio, sed Galeni ductus auctoritate in commentario in aphorismum prædictum. Hujus rei fidem facit contextus Galeni, *ὡς τὰς πρὸ τῆς ὕβρις κυβωδέντας ἐπὶ ἁδματι καὶ βηχὶ διαφθάραι φησι ταχέως*. Nam quum hic aphorismus ad prognosin pertineat, nil Hippocratis ingenio dignum, nisi dicat gibbos ex asthmate ante pubertatem factos, aut cito, aut tarde mori, & vi asthmatis, & inflexionis. Qui enim casu incurvantur, ob læsionem non integre crescente spina, iis mors cele-



celerior est, quam aliter affectis, sed ob incertitudinem de iis nil quicquam prædixit Hippocrates, quum fieri possit ut arte restituatur quoad ejus fieri potest: nec enim legitime reponi potest luxata vertebra a casu, lapsu-  
*Parti. 19.* que, ait Hippocrates, quod vertebrae inter se aptae sint γιγλυμοειδῶς, idest,  
*lib. 3. de* cardinatim, ut ait Galenus in commentar. Itaque omissa male est in tex-  
*artic.* tu Hippocratis vox ταχέως, qua circumscribitur tempus quodammodo quo gibba facta spina a tuberculis cum dyspnoea junctis; extremus fati dies non ita post sequitur. Necessario enim adjungi debuit, alioqui indefinita absolutaque Hippocratis enuntiatio nil habet miri, nil habet digni.

Nisi quis forte dicat Hippocratis laconismum non ferre ut oratio aphoristica suis compleatur circumstantiis; ut sic dicere liceat. Et tamen Galenus in enarrando paullo copiosior adjecerit, id illi ex more est, ut imminuta deficientiaque perficiat, multaque saepe clarioris doctrinae causa subjungat.

Præterea ille textus Galeni, νυν δὲ τὰς ἀπὸ τῆς ἡβῆς κυβωθέντας, declarat aperte vocem hanc, ante puberes annos, referri debere ad verbum κυβωθῆναι, aut nomen κυβοί, non autem ad verbum ἀπόλλυνται: quod annotatione dignum est, & ad hujus rei de qua primo loco quaesitum est, explicationem primum necessarium. Dicendum itaque: *Qui gibbi ex asthmate, aut tussi ante puberes annos fiunt.* Quam lectionem præterquam quod confirmat & ratio, & contextus Galen. in comm. depravate latinus factus  
*Part. c. 6.* a Leonicensio, ut qui in primis sordibus latere velit, plurimum roboris ac  
*lib. 3.* nervorum afferet alius Hippocrat. contextus libro de art. οἷσι κυφῶνται ῥάχιδες πασι ἐσσι, πρὶν ἢ τὸ σῶμα τελειωθῆναι ἐς αὐξήσιν. *Quibus, ait, adhuc pueris, aut priusquam corpus adoleverit, spina in gibbum contrahitur, iis corpus ad spinam augeri non solet, &c.*

Item in textu commentarii Galeni paullo ante adducti, alia periodus est apprime faciens ad interpretationem particularum, ex asthmate, aut tussi; illud enim quaesitum prius, secundo & tertio locis, an legendum esset, *gibbi ex asthmate*: nam si ita fieret lectio, Asthma causa gibberi efficiens videretur, quod rationi non consonat. At probabilius est a tuberculis primum nasci dyspnoeam & tussim, illaeso per se pulmone, deinde gibbam fieri spinam vi panorum seu phymaton. Et illud est quod Hippocrates vocat, ἔξ ἀδματος κυβωθῆναι. Textus illa est periodus, νυν ἀπὸ τῆς ἡβῆς κυβωθέντας: ἐπὶ ἀδματι ἔβηχι διαφθείρεται φησι ταχέως. Jam vides formam loquendi immutari: nec enim dixit κυβωθέντας ἔξ ἀδματος, sed ἐπὶ ἀδματι. At dicere idem esse, ἔξ ἀδματος, & ἐπὶ ἀδματι, græcam linguam ignorare est: κυβωθῆναι enim ἐπὶ ἀδματι ἔβηχι, est incurvari in asthmate & tussi, idest, Quum jam adest tussis, aut anhelosum quid ob phyma spinæ adnatum succedit gibbositas, non vi tussis (quamquam potest paullum juvare) sed vi phymaton tussim & difficultatem respirationis præmittentium. Quam sententiam secutum esse Galenum postea demonstrabimus.

Quamquam illud ἐπὶ ἀδματι, si referatur ad verbum διαφθείρεται non autem ad κυβωθῆναι, alium habebit plane diversum sensum, sed Hippo-  
 craçi



erati non contrarium : ἐπὶ ἀσθματι ἰσχυρίζεσθαι , idest , gibbi ante pubertatem facti , intereunt in asthma & tussi , vel ab asthma & tussi . Melius autem , in asthma & tussi , idest , facti gibbi a tuberculis tussiculosi aut anhelosi moriuntur . Sic utraque interpretatio fieri potest . At propterea quidam ex veterum codicum collatione ita textum Hippocratis restitui debere scribit , ὁκόσοι ὕβοι παρὰ τῆς ἡβῆς γίνονται , ἐξ ἀσματος ἢ βηχὸς ταχέως ἀπόλλυνται . Quod clarius in sequentibus fiet .

Quoniam autem inter demonstrandum diximus verisimile esse a tuberculis gibbositatem fieri , præeunte tamen aliqua difficultate spirandi , aut tussi : proptereaque non tam vi aut tussis , aut asthmatis , quam gibbositatis mortem accelerari , horum quæ dicta sunt ac postulata , demonstratio est requirenda : nimirum quomodo a tuberculis gibbositas fiat : & an illæso pulmone difficultas spirandi adsit . Et cur per distinctionem dictum sit , asthma , aut tussis . At multa alia quærentur , quorum explicationem plurimum conferre posse confidimus .

Spina quatuor modis afficitur , aut una pars tantum spinæ , aut plures continuæ afficiuntur ; hinc κύφωσις . Si plures non continuæ afficiuntur , λόρδωσις : si in latus , σκολιῶσις : quum vertebrarum omnium tota compages concussa , σῆσις nuncupatur . Omnes autem differentiæ hæ aut a causis internis , aut externis concussu , ictu , lapsuque pendent . In internis causis numeratur tuberculum varias apud Hippocratem & Galenum appellationes sortitum . Galeno vocatur ὄγκος , tumor . Hippocrat. φῦμα ἀπεπτον & σκληρόν . Ei lem Galeno absolute φῦμα . Et in enarratione in lib. περὶ ἀρθρῶν φύματα μεγάλη , χρόνια , ἀπεπτα , σκληρά . Interpres autem Felicianus male τὸ φῦμα , panum vertere videtur : quum apud Latinum Interpretem Celsum panus id sit quod Græcis φύγεθλον vocatur . Est autem tumor quidam latus , sed non altus , in quo quiddam pustulæ simile est : dolor & distensio vehemens , & major quam esse debeat pro magnitudine tumoris . Et ita phlegmone quædam est ἐρυσιπελατώδης . Fernelius vocat phlegmonem in adenum locis emergentem , maxime in cervice & inguinibus ; fit autem post febres , aut alicujus partis dolores . Hippocrates generali nomine ἀποσάσεως vocat , & ἀποσκήματα . Si itaque dolorificum sit tuberculum , & sanguineum , φύγεθλον , Panus , sive panis dici possit ; sin doloris expers , ὄγκος ἢ φῦμα , Quamquam si panus tumor non altus , sed superficiarius , & parum eminens dicitur , non videtur posse difficultatem illam spirandi asferre , quæ a generatione tuberculorum in spina nasci solet . Tamen si diligentius res inspicatur , quoniam a tuberculo statim cyphosin nasci non oportet , illud φῦμα τῆς κυφώσεως occasio & parens , panus dici vertique potest : præsertim vero panus dici , quia cito generatur , & tarde in suppuratum abit ; quæ conditiones pano quadrant , & ex consequenti ei tuberculo quod temporis progressu gibbum asferre solet . Nec enim cito a generato tubere invertitur rhachis . Porro ut res paullo apertius pateat , φῦμα ἀπὸ τοῦ φύγεθλου differt , quod φῦμα cito suppuret & prognascatur paullo tardius , minusque doloris asferat ; phygethlon autem ægrius suppuratur , facilius nascitur , & dolorificum est : propterea ad obliquandam invertendamve compagem verticillorum accommodatum magis est .

Ita-

Comm. in  
aphor. 46.  
lib. 6. &  
comm. in  
part. 2.  
lib. 3. de  
Artic.

4. loc. aff.  
lib. 3. de  
art.  
2. Com. in  
Aphor. 46  
lib. 6.

Apho. 30.  
& 31. li. 4



Itaque ut dictum est, vertebræ luxantur casu, lapsu, phymate nervosa corpora vertebrae & spinali medullæ insita extendente. Et mirum, quum *de loc. affect.* Galenus has differentias explicans, tamquam *πάρεργον* adjecerit, horum duo sunt genera; aliud est partium quæ secundum naturam se habent, aliud tumorum quorundam præter naturam. Qui locus est subobscurus, ac parum intelligibilis, nisi hujus ea sit explicatio. Omnino duobus modis spina vitatur, aut quum ipsa secundum naturam est, & a causa externa inflectitur. Sic nil apparet vitii in spina: aut quum non ita affecta est, sed diligentius inspicienti tuberculi generatio in spina apparebit: alioqui illius loci sensum non calleo.

Porro tuberculum aut superiores verticillos, aut medios, aut inferiores *affect. Epid.* occupat. Si illos, anginosos facit, Galeno interprete. Scribit enim in constitutione pestilenti, quam Hippocrates descripsit eos *κυναγκιῆς* vocasse, quibus ad cervicis spondylos tuberculum aliquod adnatum fuerat, quod tuberculum quum ad suppuratum tenderet, tussiculosos reddebat, quum sua mole ac circumscriptione crudus maneret, spirandi difficultate eos exercebat. Non difficultas autem illa spirandi quicquam pulmonem laborare significabat. Cur autem, dicat quis, non gibbos efficit? mors longe antevertit, & gibbositas non illa parte contingit nisi una cum morte repentina. Quo enim tuberculum primis verticulis est propinquius, eo funestius. Accedit quod posito pari vitio in superioribus vertebrae & inferioribus, in superioribus (excipio præsentiam periculi) magis elucescit prohibitione incrementi, quam infero loco locatis; valet enim illud theorema Galeni, *Comm. in par. 12. l. de artic.* *Quanto spina superius juxta originem suam læditur, tanto minus augefcit, eo quod a superiori parte & exortum & incrementum accipit.* Ex textu autem de anginosis elicere oportet quod ad Aphorismi nostri explicationem attinet: nimirum tuberculum superioribus cervicis vertebrae adnatum modo tussiculosos, modo anhelosos magis reddere, prout hoc aut illo modo affectum est phyma.

Si tuberculum medias costas occupat, aliquam ex tribus differentiis contorsionis spinæ producit, quæ omnes ad nervosum genus, non autem ad spinæ ossa proprie pertinent. Nam quum nervus vertebrae muniens afficitur a morbo, postea trahitur vertebra, ac contorquetur. Sic Galenus reprehendit veteres qui diligentius verba Hippocratis observantes, putarent *Comm. in part. 1. 3. de artic.* a tuberculis contorqueri costas, quod adeo phymata indurescerent, ut ad nutum suum traherent ossa ac contorquerent. At nequit fieri ut tantum duritiei phymata acquirant, ut costas gravent. Sic ossa per se non subvertuntur, tametsi proprietates verborum Hippocratis illud indicare videatur quum *σπενδύλας ἐς τὸ κύρον ἐλκεῖται ὑπὸ νεσημάτων* dicat. Sed affectio hæc est corporum spondylos colligantium.

Patet itaque tubercula non obsidere pulmonem ut inde asthma fiat: sed phymata ipsa primo, per se, situ, circumscriptione, mole, lædunt genus nervosum spinæ, propterea gibbum fit: non autem ab asthma, aut tussi fit; ut verba Hippocratis in aphorismo notasse videntur. Et idem contingit a tuberculo, quod a casu, lapsuque: ut dicat quis aphorismum & de



causis internis & externis intelligi posse. Nam quibus a casu laesa spina, quoniam numquam eo modo se habet, quo prius; ut notat Hippocrates, videtur ob vitium non posse bene nutriri, ac augeri. Sed longe alia ratio est. Nam quibus a casu vitiata spina, ea sui vitii signum edit, & manu, artificioque, si non omnino, at ratione aliqua vitio occurri potest: At non idem iudicium de vitiata spina a tuberculo, nam quum intorta spina est, jam in summo vigore malum est, & latenter, sensimque obli-  
 quatur. Præterea quum a casu invertitur, non est tussis, & tanta diffi-  
 cultas ducendi emittendique spiritus nisi qua parte maxime dimovetur pul-  
 mo. ) At quum tuberculum est præsertim eminens, ut ὄγκος potius dica-  
 tur, quam φούεθλον ( ut ante diximus tussis est, quum humidius est phy-  
 ma, & difficultas spirandi quum durius; ut ante demonstratum ex histo-  
 ria 2 Epidemior. quum Hippocrates meminit eorum qui angina labora-  
 rent. Et quum tussis est, & dyspnoea: deinde vi tumoris cyphosis suc-  
 cedit, non est dubium quin vitæ nostræ filum statim præcidatur: quod  
 non contingit in iis speciebus contorsionis spinæ, quas causa externa inve-  
 hit. Aut si in aliis contingit a casu, lapsuque, nec tam subito, nec ita  
 manifeste ut quum a tuberculis. Demonstrationem autem affert Galenus  
 loquens de iis qui dicuntur αὐτομάτως κυβώδεντες. Thorax non vult, ait,  
 ob vitium cum aliis, idest cum corde & pulmone augeri, propterea an-  
 gustia sequitur partium respirationi dicatarum.

Apho. 19.  
lib. 3. de

Comm. in  
aphor. 16.  
lib. 6.

Itaque mota adductaque in dubium fuit dubitatio, an tubercula illa primum reddant gibbosos, & quum ante pubertatem hoc contingit, moriuntur ab asthma & tussi, vel potius in Asthma & tussi, quod superius docuimus ex Galeno ἐπὶ ἀσθματι interpretantes: an potius, tubercula in pueris difficultatem pariunt & tussim: mox cyphosis sequitur: inde mors, at propinquius rationi posterius est.

Porro illa tubercula, ut dictum est, occupant mediam costam, aut cervicis spondylos, aut lumborum. Item vel senioribus, idest adultis, quod Hippocrates vocat ὑψημένους, vel pueris contingunt. Item alia cruda sunt & dura, alia non item: sed ex se aliquid tenue exspirant. Præterea vel sunt ἐκπυοντικά, suppurantia, vel non. Atque ut hæc vel illa sunt, ita variis modis afficiunt, aliis signis sese exhibent, atque aliis diversas crises habent, diversam prognosin constituunt, ut sigillatim omnia dici pertractarique necessum est.

Partic.  
14. lib. 3 r.  
de artic.

Si dura ac magna, difficilem quamprimum afferunt respirationem nullo in pulmone vitio existente; nam tubercula hæc Hippocrat. vocat φυματῖα καὶ τὸ πνεύμονα, non autem ἐν τῷ πνεύμονι, quomodo proprie asthmatici fiunt: sed quod eos tuberculo in spina præditos, asthmaticos nuncupet, τὸ ἀσθμαίνειν generaliter usurpat, Galeno. Si illa tubercula non ita dura, sed cito suppurabilia, tussiculosos reddunt per resudationem, ut ante de anginosi explicatum est: sic & tussis & asthma, & cyphosis tuberculorum sunt soboles; & τὸ ἐπιγενόμενον. Si dyspnoeam afferunt, & dura manent, longius vitam protrahunt: si suppurent, moriuntur, ait Galenus in comment. Quod tamen dubio non caret. Nam majus periculum  
 creare

Partic. 9.  
lib de art.

Comm. in  
Apho. 46.  
lib. 6.



creare videtur difficultas spirandi a duro tuberculo, cui succedit gibbosum; quam quum promovetur suppuratum; nam suppurato tollitur saltem difficultas respirationis, duritie autem tuberculi accedente ad cyphosin, augetur: eaque propter quæ suppurant, & tussim faciunt, & quæ intulerunt gibbum, minus in periculum præcipitare putanda sunt. Nam & tussis occasio tollitur, & cyphoseos forte, & angustiae thoracis. Nisi quis dicat pus illud & proxime tabem inferre, & pulmones plane labefactare: unde non evadunt: nam diuturnitate putredo acquiritur, quæ non potest non esse molesta pulmonibus. Quo fit ut accurate & acute scripserit Hippocrates: *Quibus contingit gibbum adultis jam corpore, his manifeste & liquido gibbositas morbi præsentis crism, idest solutionem affert.* Ac si dicat: Si cyphosis a tuberculo nascatur, & ii quibus contingit jam grandiores sint, non perniciofa est cyphosis, sed præsentis morbi solutionem affert, idest, indicat suppuratum factum: & ab eo superstitem esse ægrum; quo fit ut non amplius periclitetur, quamquam brevioram vitam sit habiturus. Hunc locum apertiore reddemus paullo post.

Si ergo tubercula dura, protrahunt vitam; si suppurent, abbreviant: propterea particula *ταχέως* forte non adjici debet; siquidem mortis celeritas non de omnibus intelligi debet, sed per comparisonem de iis quibus suppuratum contingit.

Galenus itaque in Comment. videtur ipsa tubercula etiam per se, nondum contorta spina, pessima asserere: Nam, inquit, si nondum gibbositate superveniente ob solos tumores difficilis respiratio est, quid eveniet quum tumores tempore erunt auctiores? Et quid quum thorax angustior? Ac si dicat: Tubercula per se ac primo dyspnoeam afferunt, licet nulla contorsio: si dura ac magna, graviores: si humida, suppuratum & tussim, & ideo male de ægris merentur. Secundo gibbositatem afferunt, quæ quum contingit, pejus cum ægris agitur: & id proprie est ex asthma & tussi gibbum fieri.

Maxime autem (ut de alia ratione cyphoseos dicam) id perniciosum quum pueris accidit hoc, & iis qui crescunt. Nam non ita multo post fato defunguntur ratione gibbositatis, quæ non tam per se, quam ratione tuberculorum a quibus nata perniciem affert. Nam hæc & tussim, & expectoratum & dyspnoeam accersunt primo quoque tempore: quæ si tanta mala afferunt, & vim promovendæ cyphoseos habent, quum illam accersiverunt, quæ spes salutis? nam strangulatur animal prohibito thorace incrementis, auctis pulmonibus & corde. Sic Galenus, quæ tubercula cum difficili anhelitu fiunt, *Comm. in aphor. 46.* iis qui adhuc augentur sunt letalia. Notandum illud iis qui adhuc augentur.

Unum restat, quandoquidem diximus aphorismum intelligi de gibberositate contingente pueris, aut ante puberes annos contingente, ut explicemus, si gibber etiam a tuberculis potest pubertatem contingat, an non idem contingat quod prioribus: quum tuberculum natum necessario aut tussis, aut difficultas respirandi in procinctu est; an non idem & pueris & grandioribus contingit? immo grandioribus magis quod pectoris ossa ob duritiem



non tam facile obsequantur ? Sed quum gibbositas ob difficultatem spirandi brevi interficiat ante pubertatem , cur non idem grandioribus periculum imminebit ? Non est necesse ; siquidem quum jam legitimum incrementum partes cepere , si accedat gibbum , proptereaue spina non augeſcat , nil interest ; celerioris enim interitus occasionem inde collegimus , quod in pueris cor & pulmo augeſcant , affecta autem spina cumento prohibeatur . Quod idem quum non usuveniat adultis , non est mirum si in iis longius vita protrahatur . Quo pertinent duo aphorismi Hippocratis cognitu digni , ac intellectu difficillimi : *Quibus jam corpore proſectioribus gibber contigerit , aperte gibber ipse morbi qui adest , crisin affert : per tempus tamen ali-* Part. 14.  
lib. 3. de  
art. *quod eadem qua & in aliis magis vel minus significat : minus tamen maligne ut plurimum talia se habent* . Galenus imminutus est admodum in Commentario : nec enim explicat quid sit quod Hippocrates dicat κύφωσις τῆς νόσου παρεούσης κρίσιν ποιεῖν : *gibber morbi præsens crisin facit* . Morbi nomine quid intelligat , non dicit , κρίσεως nomine λύσιν intelligit quidem , sed qua ratione id fiat , non explicat .

Tamen quid de ea re sentio , ipse explicabo . Morbi præsens nomine tuberculum subaudit , quod quidem quum invadit eos quibus ætas proſectior , & corpus robustius , ratione ætatis , nulla cumento est necessitas , ac proinde non ita opprimitur pulmo : quia corpus robustius , & ossa , tametsi incurvantur a tubere , tamen quia mors non prævenit , & pro omni accidente , nisi forte aliqua difficultas spirandi accesserit , cyphosis contingit , gibbositas morbi præsens crisin , idest , solutionem facit , idest , indicat victum a natura tuberculum , & forte remanere in aliqua mole & circumscriptione , unde gibbositas conservatur . Nam si solutio esset morbi , aut per suppuratum , aut alia ratione , cur non tollitur gibbositas ? ut prius diximus varices tollere gibberum excreta per venas varicosas materia ? At per suppuratum non potest solvi sine interitu , ut abunde supra ostendimus . Itaque nomen κρίσεως sive λύσεως alio in sensu accipi debet . Nisi forte dicat quis ( & hoc subtilius est ) cyphosis morbi , idest tuberculi , solutionem affert , hoc est , tuberculum nullum aliud accidens induxit præter cyphosin , sic ut cyphosis tuberculo critice successisse dicatur , & ejus sit velut crisis . Quomodo dicemus si cui post febrem dolor in brachio succedat , & febris aut remittatur , aut cesset , dolor ille dicetur afferre crisin febris : sed hoc totum κατάχρηστικόν est . Remanet tuberculum , sed major ejus pars cessit in occasionem contorsionis spinæ , diffusa materia , aut aliter . Unde subjicit Hippocrates : Eadem quæ in aliis vel magis vel minus : idest , difficultates sunt spirandi , & angustiae aliqua magis vel minus , prout quis in vitæ ratione aut accuratus fuerit , aut deliquerit ; unde plerique quum gibberum in summam senectutem tulerunt , præsertim quibus corpus quadratum magis , quod minus dolitent a gibbero , & quum frigidiores sint , præsertim pingues , minus egent respiratione .

Item aliae sunt quum occupantur partes crises aut hæ aut illæ spinæ . Diximus autem supra in spondylis cervicis nato tuberculo κυναγκικούς homines reddi , nomine τῆς κυναγκῆς generalius sumto , ut vult Galenus , in medio



4. de loc. affect. dorso cyphosin, quæ si ad partes inferas pertineat, aliis signis sese exhibet, quam illa quæ in media spina sedet. Nam sic Hippocrates: Quæ vitia circa spinam sunt, idest tubercula, cum alias solvi minime possint, tum illa ma-

Part. 3. xime quæ supra septi connexionem, Galenus in Commentario vocat τὰ  
 & par. 4. κατὰ τὴν δώδεκα φύματα. Nam quum suppurant, mortem afferunt, ut an-  
 lib. 3. de te diximus, quum dubitaremus num melius esset phymata suppurari quam  
 art.

Textus dura manere. Ideo autem afferunt mortem, quod nulla vena sit in thorace, quæ pravos humores a tuberculis ruptis excipere possit. Et quum vena utrim-  
 Hippocr. que in thoracem dispergantur, si ex phymatis humor aliquis in eas transfer-  
 latus male ver- tur, exinaniri non potest, & ut excipiatur ab illis difficile est. Accedit  
 sus est. quod illa phymata gignunt humores crassi, frigidique sunt. Hæc Ga-  
 Comm. in lenus.  
 par. 4. lib.

3. de art. Sed quum tubercula in partibus inferioribus nascuntur, ea sæpe successu varicum in cruribus solvuntur; nam per lumbares venas humor a facultate in crurales rejicitur: hinc phymaton solutio. Aliquando tenasmus & dysenteria hujusmodi phymata solvit, translato ad intestina pure. Atque eorum symptomaton quæ gibberum costas inferiores occupantem consequuntur, alia gibberi ipsius solutionem afferunt, alia non afferunt, sed juvant tantum. 3 Ex eorum numero quæ solutionem afferunt, sunt varices & dysenteria, de qua paullo ante dictum. Ex horum autem censu quæ non solvere dicuntur, sunt quidam dolores renum & vesicæ: item abscessus circum ilia, qui suppurant quidem, & sunt sanatu difficiles & longi: hi enim morbi per sympathiam tantum sunt; quia quæ sunt vicina, & quæ propinqua, ea primum & maxime affici solent, ait Galenus in Commentar. ex sententia Hippocratis. Et quia per sympathiam tantum sunt, ideo

Comm. in morbum non solvunt: ubi notanda propositio Galeni in eodem Commen-  
 par. 10. tar. ὅσα κατὰ συμπάθειαν γίνεται νοσήματα, τούτων οὐδὲν λυτικόν ἐστὶ τῶν ἐξ  
 lib. 3. de ἀρχῆς παθῶν. Quicumque per consensum communicationemque fiunt mor-  
 artic.

Lib. de bi, eorum nullus eos morbos solvit qui præcesserunt. Præterea quibus gib-  
 humorib. ber superior, iis gracilescunt brachia, quibus inferior coxæ graciliores fiunt,  
 Part. 6. pubes barbaque tardior ac imperfectior. Item & infecundiores iis quibus gib-  
 lib. 3. de ber superior; nam his sua sunt signa propria, suspiria, angustia thora-  
 art. cis, difficilior respiratio. Quæ duo principio quidem esse possunt ante-

quam gibbositas fit. Nam tuberculum prius afferre potest angustiam, tussim, anhelosum quid, quam gibberum efficiat. Ideo scribebat Hippo-  
 Part. 9. crates loquens de supero gibbero: Panis & phymatis crudis obnoxii ut  
 lib. 3. de plurimum circa pulmonem gibbi parte superiore sunt; nam gibber occasio  
 artic. & contentio plerisque ex talibus contorsionibus fit, quarum vicini tumores participes sunt. Pars prior contextus bifariam intelligi potest: Gibbi parte supera obnoxii sunt phymatis crudis, idest, quibus gibbositas est, ii obnoxii sunt phymatis, idest, ob gibbositatem tandem tubercula in pulmone nequeunte bene nutriri ob affectionem spinæ, crescunt. Hanc suspicionem auget, quod dicat, obnoxii phymatis circa pulmonem: & sic gibbositas per eum contextum causam esse phymaton, & difficultatis spirandi. Sed non ea est mens Hippocratis: nam dictio (obnoxii) quæ



vim magnam habet, supponitur ab Interprete: & nisi supponeretur, prior ista interpretatio cohæreret. Verba Hippocratis sunt obscura, nam loquens de iis quibus super septum affecta spina, & qui propterea ἐξέχέ-  
βρογχοι, idest, quibus guttur protuberat, facti sunt, ita scripsit, συμμάτια  
ὡς ἐπὶ τὸ πολὺ, καὶ τὴν πινδύμονα εἶσι: idest, ita gibbis super septum  
affecta spina factis, maximam partem tubercula sunt circum pulmonem:  
idest, in spina: nam καὶ πινδύμονα non idem est ac si dicat, ἐν τῇ πινδύ-  
μονι, ut licet colligere. Hunc autem syllogismum ita Galenus conscribit:  
Quibus gibber contigit ut plurimum a phymatis est, ut excludantur cau-  
sæ procatarcticae, casus, lapsus. Quod autem diximus gibberum illum  
declarare generationem sui a tuberculis, non autem inducere tubercu-  
lum in pulmonem, ut aliquis male colligat, satis sequens periodus  
demonstrat: nam gibberi occasio a talibus contorsionibus existit, idest,  
contorsiones spinæ ob affectos tonos a phymatis gibberum indu-  
xere.

Part. 8.  
lib. 3. de  
artic.

Atque ut tandem dicendi commentandique finis fiat quod instituti no-  
stri est tandem extremum persequamur. Quæcumque autem dicturi su-  
mus, ea ex superioribus desumentur sparsa disseminataque, ut per ἀνακε-  
ραλαίωσιν quamdam res plane intelligatur. Tolerari ergo potest lectio il-  
la: Qui gibbi ex asthmate, aut tussi sunt ante pubertatem, illi mo-  
riuntur. Docuimus enim particulam illam ταχέως non necesse esse adji-  
ci: quoniam non cito moriuntur, nisi quibus a tuberculo suppuratum  
contigit. Et quod Galenus in Commentario adscripserit particulam,  
cito, dum verba Hippocratis recenset, illud potest dici clarioris doctri-  
næ causa adjectum esse. In plerisque enim est obscurus & mutilus Hip-  
pocrates: sed ejus scripta aut collatis locis sunt venanda, aut exacto  
gravique judicio æstimanda. Item si dicatur absolute, illi moriuntur,  
nec adjiciatur, quando, an tarde, an cito, nihil Hippocrate dignum  
videtur. Itaque Leonicens, cujus interpretationem censuimus, si hic  
adesset, forte sese probabili ratione defenderet, cur dixerit, *Ante puber-  
tatem moriuntur*: & significantius adjectum esse, *ante pubertatem mo-  
riuntur*, quam si dixisset, *Qui gibbi ante pubertatem sunt*. Nam quum  
contorsionis spinæ incommoda & pericula facilius in primas ætatis partes  
quam in secundas terriassve incidant, immo periculose iis qui crescunt  
spina vitietur, prognosin instituere veluti de morte ante annos puberta-  
tis. Si enim moriuntur ante pubertatem, satis hoc indicat, necessario  
& tussim, & asthma, & gibberum in pueritiæ annos incidere debuisse.  
Quum ergo dicitur, *ante pubertatem moriuntur*, prædicatur mors neces-  
sario, & supponitur necessario vitiatam fuisse in pueritia spinam. Si enim  
excedantur pubertatis anni & ab asthmate, cyphon succedat, id periculi  
non imminet: Tamen innumeris locis Galeni & rationibus docuimus illud  
ἐπὶ τῆς ἡβῆς priorī aphorismī parti attexi debere.

De altera autem parte qua quærebatur si ferretur lectio aphorismi,  
*Qui gibbi ex asthmate*, an gibbositatis causā esset asthma? hoc bifa-  
riam, trifariamque potest explicari: quum dicimus gibbos ex asthmate,



aut tussi mori, sumitur effectus pro causa; nam tuberculum inducit tussim si humidius, asthma si durius, & postea cyphosin: sic ex asthma aut tussi, periphrasticos est, ex tuberculo. Sed quoniam occasio prioris affectionis & manifestioris, nempe asthmatis & tussis, est tuberculum, ideo affectionum loco causæ mentio injecta est. Ac si dicat Hippocrates: Qui gibbi ex asthma, idest, a tuberculo causa asthmatis. Alio modo illud ἐξ significat ἐπὶ, & ἐπὶ ἄμα significat: illis enim modis explicat Galenus. Gibbi ἐξ ἄσματος, idest, post asthma; nam tuber asthma efficit, quod facilius & promptius pulmo persentit tuber quam spina. Primo enim quoque tempore difficultas spirandi affertur, deinde successu illius κύφωσις. Et illud ἐξ pro τὸ ἐπὶ sumsisse Galenum in Commentariis docet, dicens, τὰς πρὸ τῆς ἥβης κηβωθέντας ἐπὶ ἄσματι, &c. Et alio loco ait, φύματα γίνονται ἄμα τῇ βηχί, & μὴ δυσπνοίας: ac si dicat, primum tuberis effectum esse tussim & asthma, secundum cyphosin. Particulam autem ἐξ significare, post, apud Hippocratem quidam ingeniose admodum colligunt in illo aphorismo, πασμός ἐξ ἐλεβόρου θανάσιμος, nam melius Hippocrates dicit ἐξ, quam ὑπὸ ἐλεβόρου, nam qui dicit ὑπὸ, declarat convulsionem esse dum agit elleborus adhuc, ac hæc convulsio non est calamitosa: plerique enim etiam ab aliis catharticis convelluntur medio actionis medicamenti tempore. Sed qui dicit convulsionem ἐξ ἐλεβόρου κακόν, illud, ex, declarat absentem jam elleborum, & muneris functionem. Itaque idem est ac si dicat, Post elleborum. Sed hoc subtilius. Atque ita fit ut protuberantia \* spinæ a tuberculo post difficultatem spirandi, aut tussim succedens, malo veluti malo cumulado tantam thoracis angustiam efficiat, ut brevi mors obrepit.

contorsio

## A N N O T A T I O N E S.

1. Nam tametsi ob asthma aut diuturnam tussim aliqua ratione inflecti possit spina, ut inflexio illa longo tempore fit, ita non nisi post longissimum temporis flexum periculum mortis potest afferre.

2. Quod partic. 8. lib. 3. de articulis docet Hippocrates loquens de superiore spina parte inflexa, occasio (ait) gibbositatis a causa contorsionis, idest, ait Galenus, a tuberculis.

3. Huc pertinet locus præclarus de pleuritide ex dorso, in qua fit excretio urine saniosa & cruenta. Quod facile pertinere potest ad hunc locum.



## CONSILIUM LII.

*De renum calculo.*

**P**RIMARIUM quemdam virum vidimus nephritico dolore miro modo cruciatum. Dolor erat acutus natura pote calculum e renis capacitate deturbare conanti. Ren tantum sinister obturatus erat, ut aperte secto corpore innotuit. Quod plerisque nil tale expertis admirationem movit: nam suppressa omnino urina. Unde colligebant Medici aut utrumque renem a calculo obstructum præpeditumque, aut in vesica ipsa vitium latere, aut utramque partem laborare. Sed eos eventus fefellit. Hujus rei causam ita in numerato habere ut communi ratione sanciri, roborarique possit, non licet. Non aliunde repetunt quam ex eo quod præ dolore in renem sinistrum materia flueret, rapereturque potius, deinde motu contrario delata vomitione excernebatur: hinc vomendi assiduitas, hinc urinæ suppressio. Aut si quid e rene dextro non obfesso ferebatur, paucum erat, & naturæ recreandæ non satis erat. Vel potius tam male affecto rene sinistro, communicationis & sympathiæ vi dexter alioqui liber & incolumis laborare incepit: deinde facultas ejus diuturnitate doloris fatiscere. Quod mirum tamen, quum natura corpus omni ex parte geminum fecerit, ut unius partis actione læsa, aut cessante, altera etiamnum suum præstet officium: in eo Medicorum versata industria, ut symptomatis occurreretur, vomitioni, vigiliis, dolori nephritico, & id genus aliis.

*℞. Terebinth. Veneta lota in aqua pariet. ℥. s. rhabarb. electi ℥ j. lapid. Jud. ℥ s. cum diatrag. frig. fiant boli. capiat cum syrupo de raphan.*

In ista urinæ difficultate hæc quoque præscripta sunt:

*℞. succi raph. ℥. j. succi lymon. ℥. j. syrup. de alth. ℥. vj. cineris cancer. fluvial. & carab. an. ℥. s. cum aqu. parietar. fiat potus.*

*℞. ℥. iiij. decoctionis aperitivæ: adde syrup. de raphan. ℥. j. lapid. Jud. ℥. j. canthar. pulveriz. gr. iiij. mithridat. ℥ s. fiat potus.*

*℞. Theriaces ℥. s. aqu. destill. terebinth. ℥. ij. syrup. de alth. ℥. j. fiat potus.*

*℞. aqu. scabiosæ, bipin. agrimon. card. saxifrag. an. ℥. j. s. destillat. restaur. ℥. iiij. succi lim. ℥. ij. sacchar. quod suffic. passetur permanic. Hippocratis.*

*℞. rad. lilior. q. j. malv. bismal. violar. parietar. nasturt. berul. adian. an. m. j. cicer. rubr. ℥. s. seminis milii solis, anisi, fenic. an. ℥. ij. florum chamam. melilot. an. p. j. coquantur in omazorum decoct. In colat. ad quartar. tria, dissol. terebinth. diacarth. & benedict. an. ℥. iiij. sacchar. rub. & mell. an. ℥. j. ol. de scorpio. & lilior. an. ℥. j. s. fiat clyster.*

*℞. summitat. altheæ, urticæ, an. p. j. folior. beton. bipin. saxifrag. p. s. passul. mund. folior. senæ an. ℥. iiij. fiat decoct. dissol. in colat.*



diaphæn. ℥. iij. bened. ℥. j. diacarth. ℥. ij. fiat potus.

℥. milij solis pulver. burg. spinæ lapid. judaic. macis an. ℥. j. pulver. electuar. ducis ℥. j. s. Capiat cum aqua terebinth. destill.

℥. succi amygdalar. dulcium sine igne ℥. j. s. vini albi potentiss. ℥. ij. cum aqu. destillat. terebinth. fiat potus.

℥. nucleor. mespil. ℥. ij. s. semin. bard. petrosel. fœnic. an. ℥. s. 4. sem. frigid. major. an. ℥. j. pulver. electuarij diatrag. frig. an. ℥. j. s. cinnam. ℥. j. fiant tabellæ cum sacch. in aqu. pariet. soluto.

℥. decoct. omazorum quod suff. in quo coque mal. bismal. viol. an. m. j. cicer. rubr. ℥. s. sem. lini, dauci, alth. milij solis an. ℥. iij. florum chamæm. an. p. j. In colat. dissol. cass. & bened. laxat. an. ℥. s. ol. de scorp. lilior. & viol. an. ℥. j. santal. rubr. mellis viol. an. ℥. vj. philo. roman. ℥. ij. fiat clyster. Potus solemnes, & unguentum ex mucaginibus administrabuntur.

℥. 5. radio. aperit. an. ℥. s. altheæ, totius gramin. an. ℥. j. radic. bard. lapat. acuti. an. ℥. iij. cichor. totius, herniar. scariol. beton. capill. ceter. bipinell. saxifrag. omnis buglos. an. m. s. 4. semin. frigid. majorum, carvi, milij solis, citrij, an. ℥. ij. glycyrrh. ras. ℥. s. florum cordial. & genist. an. p. j. fiat decoct. ad lib. j. In colatura diss. syrup. oxymel. syrup. de capill. ven. an. ℥. j. s. aromatizetur electuario ducis.

℥. aloes ℥. ij. s. medulla semin. bipinell. bardana, apij, contusa & creta per setaceum, an. ℥. j. nucleorum mespilorum loto. vino albo & pulveriz. ℥. j. j. cum syrup. de alth. fiat massa utenda ante pastus.

℥. nucleor. mespil. pulverizator. ℥. s. rad. gramin. lota in vino albo, & in furno siccatur. ℥. iij. liquiritiæ, semin. bardana, ocymi, petrosel. maced. an. ℥. j. cum triplo sacchar. pulver.

℥. semin. milii solis, alth. lini. fœnugr. an. ℥. s. fiat decoct. In colat. dissol. Cathol. ℥. vj. benedict. laxat. ℥. iij. terebinth. ℥. s. sacchari rub. mellis viol. an. ℥. j. ol. de scorpion. & liliorum an. ℥. ij. philon. Rom. ℥. j. s. fiat clyster.

℥. aqu. betonica, argentina, corticum fabarum, an. ℥. j. s. passentur cum saccharo & pauco cinnam. adde sanguinis hirci preparati ℥. j. pulveris lithon. ℥. j. fiat potus, capiat in semicupio.

℥. rad. raphan. petrosel. fœnic. aspar. an. ℥. ij. semin. milij solis, saxifragi, lappæ major. an. ℥. s. beton. parietar. bismal. totius an. m. j. fiat decoct. in hydromelite bene cocto ad lib. duas.

℥. prædictæ decoctionis quartar. tria, in quibus dissol. terebinth. venet. benedictæ laxat. an. ℥. s. adipis anser. ℥. j. pulver. lapid. judaici ℥. j. pulu. lithont. ℥. ij. ol. de scorpion. & liliorum an. ℥. j. s. fiat clyster. Vel

℥. olei de sem. lini lib. j. terebinth. venetæ ℥. j. s. diaphænici vino albo soluti ℥. iij. fiat clyster.

℥. aqu. destill. saxifrag. beton. an. ℥. j. s. aquæ terebinth. destill. ℥. j. cum sacchar. & pauco cinnam. fiat julep. Capiat reddito clystere: & cum illo julepo misceatur sanguinis hircini preparati 3 s.

℥. rad. bryonia, lilior. an. ℥. j. s. malu. bismal. tot. parietar. creffionis, be-



berula, an. m. j. semin. fœnugr. alth. lini an. ℥. j. ficus pingues num. vj. florum chamam. p. ij. fiat decoct. & materialia prædicta decoctionis misceantur cum far. cicerum rub. ℥. iiij. far. fœnugr. ℥. ij. adip. anser. ℥. j. s. cum oleo de scorp. & liliorum : fiat cataplasma pro rene utroque.

Paratur balneum cum seminibus lini, fœnugr. alth. milij solis, florib. chamam. melilot.

℥. 4 semin. frigid. major, an. ℥. s. semin. aspar. lithosperm. an. ℥. ij. pul. lapid. cancro. & judaici, an. ℥. s. pul. burg. spina, & sem. bardana, an. ℥. s. anthos ℥. j. cum saccharo quod sufficit. Fiat pulvis utendus cum julepo sequente.

℥. syrup. de alth. & de limonibus an. ℥. j. aqu. decoct. fabarum ℥. iiij. fia tulp.

℥. aqu. hyssop. parietar. beton. saxifrag. an. ℥. ij. aqu. terebinth. destill. & raphan. an. ℥. j. in quibus dissolve ol. de scorpionibus ℥. ij. ol. lilior. ℥. j. pulver. elect. ducis, & lithont. an. ℥. ij. oxymel. simpl. & syrup. de raphan. an. ℥. ij. adipis anserini ℥. ij. fiat clyster pro duplici injectione, addita ℥. j. s. quinta essentia terebinth.

℥. rad. cichorij, asparagi, apij, petros. fœniculi, raphan. aresta bovis, an. ℥. j. rad. althea, lapp. major. spinaburg. cani rub. an. ℥. vj. betonica, parietaria, saxifrag. adianti, ceterach, endivia, pimpinell. cum toto herniar. cichorij, an. m. j. fructuum alkeken. num. xij. cicerum rub. xj. baccarum juniperi & lauri contusarum an. ℥. j. s. milij solis 4. semin. frigid. major. semin. althea & milij solis, sem. malu. violar. mart. an. ℥. ij. florum genist. p. j. fiat decoct. ad lib. j. In colat. dissolv. syrupi de raphan. & de limonibus an. ℥. j. s. Fiat julep. aromatizat. Electuar. Diaireos & Elect. Ducis.

℥. express. ℥. ij. rhubarb. infusi in decoct. gram. petrosel. brusci, acetos. agrimonie, bipin. saxifrag. urtica mortue, sem. alkeken. juniperi : dissolv. lapid. judaic. ℥. j. syrup. de raphan. & ros. pallid. an. ℥. s.

℥. aqu. betonica, argent. saxifrag. an. ℥. j. s. aqu. raphan. ℥. s. passentur cum cinnam. & pauco saccharo, addendo pulver. ducis ℥. j. lapid. judaici & milij solis, lapillor. cancror. an. ℥. j. Fiat potus, detur in semicupio.

℥. mucagin. sem. lini, althea, fœnugr. extractarum in aqua pariet. ℥. j. s. adip. gallina & anseris an. ℥. vj. cum oleo de scorpionib. terebinth. venet. & butyr. recen. an. ℥. s. Fiat litus pro partibus dolentib.

℥. oleor. mastich. & cytoniorum, an. ℥. s. pulver. absynth. rosarum, corall. rubr. galang. an. ℥. s. cypp. ℥. j. pulv. myrtillorum, gall. nuc. cypress. an. ℥. j. cum ceroto stomach. Fiat litus ad stomachum.

Multa alia instituta sunt, quæ necesse non est scribere, & quod ea satis per se cuique occurrant, & quod aliis ex locis facile repetantur.



## CONSILIUM LIII.

*De Diarrhœa, & Dysenteria.*

**I**NTER eas affectiones quæ miseros mortales exercent, sunt fluores alvi, præproperæ dejectiones, lejentericæ, dysentericæ, cœliacæ. Occurrerunt nobis plerique, quibus grave fuit ac permolestum sæpius desiderare, ac præsertim de nocte, vel quum in negotiis occuparentur, quæ necessario omittenda essent, ut excernendi necessitati serviretur. Cœliacæ, vel alvinæ excretiones ( γαστήρ enim hoc loco, *alvus*, latine a nobis cum Cicerone vertitur, vulgo Ventriculus dicitur ) non possunt diutius perseverare incolumi stanteque ægro. At dysentericæ excretiones ( nomine τῆς δυσεντερίας improprie sumto ) diu fatigant, vel quod minimo negotio sanguis excernatur, vel quod tam diuturni profluvii dysenterici occasio a capite repetatur, nullo etiamnum vitio in viscere aliquo contento, nisi quod longitudine fluoris tandem partes ἐν τῇ κοιλίᾳ contentæ labem contraxerint. Ac fluorem hoc loco intelligimus *ἑρρόνια* vulgo dictam, quum & in excretionis modo, & in qualitate, & in frequentia peccatur. Nam hoc loco intelligi volumus de excretionis modo, & qualitate, quia per annos fere septem, octove numquam excernitur quicquam ab alvo, nisi cum dolore circum umbilicum, aut paullo supra, infrave: & quæ secedunt corrupta sunt sanguinolentaque, diversi coloris, & tamen morbus remediis non cedit.

Hoc affectu misere quidam annos jam afflictus est decem, nec opem ullam, quamvis consultis primariis Medicis quæsiverit, invenit. Decem ante annis dysenteriam, ut tunc Medicis visum est, passus est: opera adhibita est: an male curatus morbus nihil ad nos, ab eo tamen tempore, nisi brevibus aliquot intervallis, dolores, & excretiones, ut sic dicam, ἐργάδες & πονόδαι non conquieverunt. Viso homine, nemo tam parum in arte versatus, qui non colligat temperamento bilioso esse, conferentibus eo frequentibus animi curis quibus impense complicatur. Emaciatum est, hepar illi ad calidiorem temperiem inclinans, totus venter ambustus ( ut vocant ) denique θερμόκοιλος est, ut verbo Hippocratico utamur. Sed sit ita, & fateamur ejusmodi temperiem & vitæ institutum Græcis ἐπιτήδευμα appellatum, ad alendum morbum conferre, propterea tamen non constat de sede, ac specie morbi: quis sit, unde, qui tamdiu manente ægro, perseveret, an vitium lienis, an hepatis, an cerebri, an mesenterii: & si mesenterii, an ulcus sit, an intemperies: Si ulcus, aut quid simile, quomodo tamdiu superfuerit, cur non illa pars siderata, vitiataque temporis progressu? Denique mirum est qui fiat ut illa liquida satis excretio, αἱματηρά, graveolens, tam multiplex; ( nam simul & cruenta, & stercoracea, & viridia, & flava excernuntur, quæ numquam in bene affectis excernuntur ) tamdiu possit perseverare. Notum enim illud est Galeni: *Quum excernuntur varia, si prava fuerint, deterius agris esse, quam si uniusmodi.* Et si



varia sint, ac prava, vel αὐτομάτως ἢ συμπτωματικῶς excernuntur, vel vi medicamenti purgantis. Quum αὐτομάτως excernuntur, & excernendis finis non fit, nec id affatim fit, sed lente ac pigro gressu, significatur varietas dispositionum malarum in diversis partibus. Ac quo plures partes afficiuntur, eo res ægrorum deteriores sunt: ut autem lentorem, tarditatemque gressus explicet Hippocrates, uluse est participio τὰ ἴοντα, quod non semel factam excretionem, & ἀδρόως declarat, sed sensim ac sensim fieri. Sed quum artificio Medici ad imitationem naturæ comparato excretio fit talis materiæ pravæ ac multiplicis, tametsi hoc per se malum, ex eventu tamen bonum est: nam non perennem generationem, sed congeriem tantum accumulationemque, συναθροισμὸν Græci vocant, designat: quod in omnibus morbis diligenter notandum.

Ac quum tamdiu prava ista materia excernatur, sive nova generetur, ut necesse est, sive e sedibus partium intimis illa, aut pars illius secedat, mirum quomodo id fiat. Ideoque claris Medicis hoc negotium datum est, ut nec opera, nec consilio juvarent, immo ne sedem mali quidem intelligerent: quamquam communi nomenclatione dysentericum quid appellant. Hepaticum non est profluvium, sive rubrum intelligatur, sive non, quod tanti momenti pars decem annos non possit ita laborare, non quod, ut ante dictum est, non afficiatur tandem hepar. Cephalicum esse aliquis suspicetur, non ita tamen ut tota natura profluvii in descensu pituitæ a cerebro consistat; nec enim dolores illi ad umbilicum consisterent, nec propterea cruentum excerneretur, nec tam varia ac putria; sed ea ratione cephalicum esse potest, quatenus quum jam partes inferiores affectæ essent, ad diuturnitatem fovendam accessit capitis opera mucosum humorem, aut phlegma falsum excernentis in alvum. Huc facit quod de nocte potius ad excernendum ager incitetur. Ac veteres practici distinxerunt profluvium stomachicum ab hepatico & cerebri, quod illud interdum fatiget, hoc, idest a cerebro hepateque natum profluvium de nocte potius sævire consuecat. Quod autem diuturnitatem fluorum alvi cujus illacumque modi sint, adjuvet cerebrum, primus litteris mandavit Hippocrates: *Dysenteria, Lejenteria, Diarrhœa morbi sunt consimiles: hi sunt sanandi, ut defluxum a capite impedias, & a ventre superiore. Morbi enim natura hinc est.* Hipp. lib. 1. περὶ πᾶ- θῶν.

Atque unum obiter annotare non alienum, an necesse sit spumantes esse dejectiones, si a capite occasio excretionis pendeat. Aphorismus est Hippocratis: *Quibus in alvi profluviis excrementa spumant, iis a capite pituita est.* Aph. 30. lib. 7. Falsus enim videtur in plerisque aphorismus: nam in doloribus colicis excernuntur spumantia, & bubulo excremento similia, natantiaque præ contento spiritu, in aqua, non propterea tamen colligere licet caput hæc suppeditare. Sed dicet aliquis, Hippocratem loqui de alvi profluviis, in quibus quum spumat aliquid, excretæ a capite pituitæ argumentum est. In Comment. Galenus non videtur hunc aphorismum omnino probare. Sic visum est recentioribus recte quidem in dysenteriis materia commota calore æstuante agitata spumantia dejici. Sic aliis signis colligendum caput Gal. com. 2. in aphor. 43. lib. 3.



Cap. 30. lib. 7. caput male habere si grave caput, salivatio, ac praesertim mane & vespere: maxime si eam molestiam sentiant in ventriculo. Quamquam caput per se constituitur pituitae sedes, quae in ventriculum illabens profluvia longiora reddit. In spumantibus itaque dejectionibus falli non oportet.

Cap. 4. l. 1. de loc. aff.

Etsi autem caput magnum habet momentum ad producenda profluvia, non est tamen temere incusandum, nec medicamentis agitandum. Galenus primus meo iudicio, quod a nullis hactenus annotatum est, fluorum alvi causam unam agnoscit quamdam *ῥευματικήν ὁξέθειν* intestinorum, ut vocat, quam in quodam animadvertit qui excernebat cum sensu mordacitatis in superioribus intestinis (quod colligebat ex eo quod post mordicationem paullo longiore tempore desideret) idque ob laesum a pravo medicamento intestinum. Ac coniecit laesum esse ab eo medicamento intestinum, ac jam in *ῥευματικήν ὁξέθειν* pervenisse, proptereaque facile jecoris excrementa recipere, eaque corrumpere. Hic locus plurimum conferet ad id intelligendum de quo laboramus, qui fiat ut tamdiu profluvium perseveret, est illa *ὁξέθεις ῥευματική*, in causa, idest, intestina vitiata sunt, imbecilliorave reddita, ut humorum aliunde influentium impetum facile recipiant, & humores a jecore manantes corrumpant. id quod notandum. Nam aliquis quaerat, si a jecore excrementa manant, corrumpantur necne, nil interest: quod intrepide negandum est. Nam quae a jecore fluunt, refluentque, ea quum excrementa tantum sint, sed nil mali praeterea habeant, intestinum vicinum vitiatum, & jam in *ῥευματικήν ὁξέθειν* deveniens corrumpit, & propterea citatior alvus redditur. Nam quae in intestinis continentur, nisi acrimoniam quamdam aliquo modo nata fuerint, ea diutius in iis restitant, & alvo stimulum calcarque ad solvendum non addunt. Non exigua itaque dubitatio fuit de illo egro, quamnam in illo potissimum pars incusanda esset. Omnes ad hepar recurrerant. At illud aut intemperie, aut solutione continui, aut tota substantia affectum est. Non abs re autem *τῇ ὅλῃ ὁσίῳ* dico, non autem *ποίῳ κρᾶσι*, quoniam pars illa sicut & reliquae partes afficiuntur nullo interim iudicio manifesto affectionis. Nam plerique ex iis quibus praecipua cura est de conjectandis tangendisque hypochondriis, quum nec inaequalitatem, nec tumorem, nec renitens quid tactu deprehendunt, propterea jubent securos esse aegros. Unde saepe in vulgi mentem venit, propinato veneno ita languere hominem, quum recitat Medicus nil deprehendisse vitii in hypochondriis. Tametsi enim Hippocr. in Coacis adversariis in omni morbo hypochondrii aequalitatem in qualitate & substantia, in eoque doloris vacuitatem laudavit: non propterea latere nos debet subesse substantiae totius vitium in viscere contento in hypochondriis. Hoc autem Galenus litteris tradidit aperte, quod ad medendum & investigandum confert plurimum, ne temere inveterato contrectandi hypochondria mori assentiamur. Declarat enim quomodo superficies corporis saepe colore aruginoso infecta, deturpataque sit, quum nulla existat obstructio, aut inflammatio, aut scirrhus in hepate. Sed, ait, secundum substantiam temperiei ipsius partis mutatur. Ut sit temperamenti quaedam alienatio, sed sit ita sane (jam enim accedo ad



eos, qui quod forte juvenum virginum nitore, & ut ita dicam, polito marmore alliciantur, jam sibi persuasere officio suo non se defuturos, si ut morbi sedem investigent, manum ad hypochondrium adjiciant, ut hic plus voluptatis ad illos redeat, quam ad ægros utilitatis. ) Sit ita, inquam, aliqua obstructione aut tumore laboret hepar, an propterea tactus fidem faciet? 2 Quod si neges, habebis Galenum tibi contradicentem, qui non ita stolide voluptuoseque agrarum mulierum inverecundo tactu delectabatur. Istius verba hæc sunt: *Constat*, inquit, *hepar intra musculos positum esse: quod quum tribus contegatur musculis, fieri non potest ut tactus aliquam illius notitiam præstet, nisi vel magna in eo oriatur inflammatio, vel incumbentes ei musculi valde extenuati sint*. At affectus hepatis cognitionem alia arte venandam esse tradit.

Gal. cap.  
7. lib. 5.  
de loc. aff.

Ut ad institutum revertamur, illius ægri hepar quod tamquam mali auctorem omnes accusabant, illudque præsidii innumeris fatigabant, aut solutione continui, aut intemperie laborabat, aut vernacula ejus temperies totaque substantia erat immutata. Nec inflammationem hepatis passus erat, nec tumor ullus, tametsi incumbentes musculi excarnes pene essent, percipiebatur. Si caliditas est magna, adureret potius, ficcaretque, & *αυρατώδεις διαχώρημα* efficeret, ut in hydropicis quibus hepar præcalidum est, annotavit Hippocrates. Caliditas ad retentionem & attractionem facit: humiditas & frigiditas eandem retentionem dissolvit. Et si siccitas in jecore eandem retentionem roborabit, ut patet ex Galeno, qui qualitatuum corpus constituentium, alias ad hanc aut ad illam potius actionem valere. 3 At dicet aliquis, immoderatus est calor, immoderata siccitas. Tametsi enim siccitas & calor ad retentionem & attractionem conferant, illud est intelligendum de utroque moderato. Verum quidem illud: nec enim nos latet scriptum esse a Galeno, ut moderata siccitas actionem re-  
tentricis juvat, ita immoderata dissolvit. Quod senum exemplo patet, quibus quum adsit summa siccitas, iis alvus est liquida *ἀναδόσεως* vitio impediante, nimirum siccitate immodica, & *ἀναδόσει*, & retentionem legitimam. At si fuisset in illo tanta intemperies calida siccaque hepatis, non fuisset credibile tamdiu eum vivere potuisse. Quamquam non negamus calorem qui in eo est magnus, & acer, plurimum illum fluorem juvisse, dispositis male jam intestinis, humores corrumpendo, & iis saltem acrimoniam attribuendo. Sic enim lib. 6. Epidemiorum scripsit Hippocrates, *Qui ventre calido sunt, carnes habent frigidas*. Et miror, si tanta fuit intemperies calida hepatis initio, cur non ætas quæ secuta est illam correxit? Ita enim vernaculæ intemperies & veteres infirmitates temporis progressu immutantur, ut quibus in juventute fluxerit alvus, iis senibus reficcetur. Et id est quod scripsit Hippocrates in Epid. *Morbi connutriti in senectâ relinquunt*; quod Galenus de intemperie calida intelligit in Commentario, ut ætas ingravescens illi intemperiei veluti auxilio sit. Quomodo autem hæc multos torquere possit. Ergo probabilius est accusare intestina in quibus inest *ρῥυματικὴ διαίτεια* illa quam diximus, juvante hepate, nimirum serosos humores acresque generante. Qui, si intestinum in-

Gal. cap.  
3. lib. 3. de  
Symptom.  
caus. &  
lib. de arte par.

Com. in  
aph. 20.  
lib. 2. Aphor.

Apho. 10.  
lib. 2. Aphor.

Part. 6.  
sect. lib. 6.  
Epidem.



*Cap. ult.  
lib. 3. de  
loc. aff.*

*Caloris  
lapsus.*

*de loc. aff.  
Cap. ult.*

tegrum esset, non ita citarent alvum. Sed hepar generando, mittendoque intestinum & corrumpendo ob malam dispositionem, mutuas tradunt operas ad illum fluorem perpetuandum. Et futurum tandem ut colliquescat hepar, & veluti consumatur. Si vitium in illo absolute fuisset, vix tamdiu homo superfuisset. Quamquam audivimus de Consule Parisiensi qui hepatico profluvio bilioso sex annos vexatus est, & nullis remediis allevatus est. Eo mortuo inventus tantum hepatis locus & membrana, illius parenchymate consumto & colliquefacto. Quod autem huic nostro ægro intestinum male affectum sit, colligere possumus ex antecedentibus; nam aliquando dysenteria vera laboravit, & quum Medicorum judicio ea male curata esset, ab eo tempore superfuit, restititque illud quodammodo dysentericum profluvium. Quamquam ad mesaræon potest sæpe longi floris occasio referri. Nos enim sex mensium spatio fluorem patientes vidimus, qui non hepatica cephalicaque excernebant, sed mesenterica, ut sic loquebamur. Et sæpe longorum latentiumque morborum sedes est mesaræon, frustra aut ad lienem, aut ad hepar mali prima labes & occasio refertur. Et ne cui mirum videatur si ad mesenterium recurrendum sit, quod non sit credibile ab uno hepate tam multam colluviem provenire, habemus nobis suffragantem Galenum. Ille agnoscit quasdam mesenterii affectiones, a quibus qui ægrotarent, Meseraici appellarentur. Quidam veterum quum perfecte confectum in ventriculo cremorem animadverterent, & talem fere dejici, nec a meseraicis suctum devectumque, ut fieri solet, falso mali causam mesenterio attribuentes, sic laborantes meseraicos appellabant, sed male: & ideo hos Galenus redarguit. Nam quum facultas attractrix hepatis languet, nil per venas meseraicas attrahitur ab hepate: proptereaque non accusari debet mesenterium, sed hepar ipsum. Idem enim contingit quod iis quibus læsa spinalis medulla, & aut brachia, aut manus in iis suum officium non præstant. Non accusandæ manus, sed ad spinam recurrendum. Item quum quis syncope prehensus non movet manum, an ei manus in vitio est? Hæ rationes Galeni sunt. Contra tamen afferri hoc potest: Quum chylus mitificatus excernitur, nec ad hepar devehitur, an ideo facultatis attractricis hepatis id vitio fit? Numquid sæpe fluorem alvi videmus obstructo mesaræo facultatibus hepatis etiamnum integris? Non sequitur ergo ideo convinci posse hepar laborare, quum chylosa dejiciuntur. Verum quidem illud, quum facultas attrahendi hepatis ægra est, attractionem per meseraicas tamquam per manus officiales non fieri, non obstructæ viæ ratione, sed partis principis mesaræi ministerio utentis vitio. Et veteres qui meseraicos appellabant illos, nos abs re fecerunt. Sic & Galenus, & illi veteres culpa non vacant; siquidem & chylosa dejici possunt solo vitio mesaræi non deducentis: aliquando ipsius hepatis vitio, quum mesaræon incolumis sit. Præterea adversus Galenum hoc stare potest. Mesaræon pars est naturalis: omni parti naturali suæ actionis vis est, & per protopathiam laborat, non per consensum ut partes animales, quæ aliquando quum per se incolumes sint, suæ affectionis causam in se non continent: Hinc fieri potest ut etiam laborante hepate mesaræon suum



officium faciat: & contra incolume potest esse hepar, laeso mesaræo. Et nil affert Galenus quum ait ridiculum esse affecta spina, manum, quia non moveatur, accusare: Idemque contingere in hepate & mesaræo, siquidem si mesaræon non trahat, affectionis hujus causam non acceptam ferendo mesaræo, sed ipsi hepati; quod a ratione alienum esse videtur, quum mesaræo insit vis suæ actionis, & *ἡ ἐνεργείας*. Nec est quod quis parum interesse dicat, sitne affectum mesaræon, an hepar, quum chylosa dejiuntur; nam magna est partium affinitas: & unius affectio facile in aliud redundat. Nos autem contra sentimus; siquidem si in mesenterio aut tumor & obstructio sit, cujus occasione chylus ad portas non devehatur, alia ratione curandum erit quam si hepatis sola attractricis infirmitas in causa sit. Et nos vidimus chylosas dejectiones non affecto hepate aliquo insigni vitio, sed sublati multis quæ mesaræon occupabant obstructionibus; tandem cessavit chylosa dejectio. Sic non sunt Galeni dicta pensiculatim & ad momi lucernam æstimanda: sed quum Galeno illo loco mens sit de hepaticis dicere, non est dubium quin hepatis facultate tractrice infirma mesaræon laboret, actioque ejus aut minuatur, aut deperdatur. Nam mesaræon tamquam auxiliaris manus hepati subservit. Sed contra non sequitur, chylosa dejectio est, necessario itaque vitium hepatis convincitur. Sic in uno sensu vera opinio Galeni, in altero sensu veterum opinio excipienda. Dicendum vero mesaræon, quod est veluti venarum textura, ita affectum esse ad hepar quatenus pars est officialis, ut vitium quod est in hepate facile communicetur ipsi mesaræo. Et Galenus eodem loco ait, si phlegmone, aut aliquid simile mesaræon obsideat, hæc affectio proprie ejus esse dicitur. Si vero hepar ob imbecillitatem non possit per venas suas alimentum trahere, non mesenterio, sed hepati providendum erit. Porro si velis discernere an inflammatio & erysipelas mesaræon occupet, sciendum tunc non solum excerni talia qualia in hepatis imbecillitate quum ad se cibum non trahit, excernuntur, 4 sed præter ea saniosum quid. Sic quum hepar non inflammatum est, & si cum chylosis excrementis saniosum quid excernitur, ad mesenterium hoc referendum.

Ceterum incredibile dictu est qualia excernantur dum mesenterium per intestina congestam in se colluviem deponit: nec alienum ab instituto si differentias aliquot fluorum hepaticorum apposuerimus, dysenteriarum species proposuerimus; quæ accidentia incipiente fluore dysenterico & hepatico contingant; quæ sedium distinctio, quæ notæ: deinde remediorum perbrevis silva præscribetur. Si enim omnes fluorum differentias persequi institutum esset, ne hic liber quidem sufficeret.

Quæcumque excretio per alvum sanguinis sit (si hæmorrhoidalem exceperis) Dysenterica vulgo appellatur: idque præsertim quum dolor, ventrisque torsio aliqua percipitur: Quæ tamen cum ulcere est, proprie Dysenteria appellatur: hyparxisque ejus in ulcere posita est. Ita enim eam proprie Dysenteriam nominari, & a veteribus & a suis Galenus auctor est. Aliæ autem sunt excretiones cruentæ, ut quum limus sanguinis excernitur, aut *Cap. 5. li. 1. de loc. aff.* velut sanguinis fæx, aut quum sincerus plane, eaque excretio affectum hepar declarat eidem Galeno. Nam ut tenue & saniosum, & recens mactata-



*Gal. ib. d.* rum carniū loturæ simile evacuatur, id hepaticum est, idest declarat im-  
*cap.* becillitatem jocineris sanguinem probum generare nequeuntis. Hanc excre-  
*u't. lib. 5.* tionem Hippocrates vocat περιπλυσιν ἐξέρυθρον, prærubram alvi proluviem  
*Hip. lib.* interpretor. Est enim vel rubentior, vel dilutior pro ratione permixtæ te-  
*a. Prorrh.* nuis substantiæ. Quum autem fæci similis excretio sanguinis fit quodam-  
modo exassantis jecoris argumentum est, & vocatur hoc τὸ δαχώρημα ὑπε-  
*Cap u't.* ροπτώμενον. Et notandum est illud quod scribit Galenus, & quod nos ex-  
*lib 5. loc.* perientia sæpeprehendimus, aliquando liquidam tenuemque sanguinis ef-  
*aff. et.* fere excretionem, quam melancholica postea, faculenta, nigra, & atra con-  
sequatur. An atra, nigraque, & adusta quodammodo intemperie frigida  
affecto hepate excernitur? Nequaquam. Sed quum alioqui præcessit frigi-  
da intemperies, temporis progressu putrescit in imbecillo hepate humor, a  
putredine febris lenta oritur; hinc adustio recoctioque humoris: quod an-  
notandum. Nam sæpe hæc febris negligitur; hinc dejecta appetentia, pro-  
ventus pravorum humorum. Et quum vident illi Medici dejectam appe-  
tentiam, non moventur: quod male fit. Illud enim notum esse debet, si  
perseveraret intemperies illa frigida quæ initio fuit, non ita deijci appe-  
tentiam, immo cibi augeri desiderium. Quia autem ita deperditur appe-  
tentia, calidioris intemperiei quæ successerit, debet esse argumentum. Nam  
*Gal. ult.* calidas intemperies numquam comitatur ciborum appetitus, sed ingens ci-  
*cap. lib. 5.* bi fastidium, febris, vitiosorum humorum vomitus. Itaque non falsa de-  
*de loc. aff.* bet esse opinio prioris intemperiei frigida: sed signis est venanda aucupan-  
daque cognitio succedentis aliæ intemperiei.

Quoniam autem de inappetentia quæ imbecillitatis hepatis comes est  
nonnulla dicta sunt, & de fluoribus dysentericis & hepaticis sermo est,  
*Aphor. 3.* non abs re erit pauca annectere ex Galeni mente, eaque ad Hippocratis  
*lib. 6.* sententiam accommodata. Hippocratis est illud, *In longis dysentericiis inedia  
ex fastidio, malum, & cum febre, pejus.* Nomen τῆς ἀποσιτίας non apte  
fatis Leoniceus vertit, inediam ex fastidio, quum vel inappetentia, vel  
aversio ciborum, verti debeat. Proprie autem nomen ἀποσιτία aversionem  
ciborum significat, ut in comment. in 1. Epipem. explicat Galenus. Sed  
hic ἀντὶ τῆς ἀποσιτίας usurpatur ἀσιτος autem καὶ ἀπόσιτος distinguuntur pro-  
prie loquendo: improprie autem sumitur hoc loco. Sic enim in Commen-  
tario Galenus vult ἀπόσιτον sumi pro ἀνόρεκτος. De nominibus hætenus.

Dysenteria aut supprimuntur intempestive, aut diuturniores sunt. Ta-  
met si enim dysenteria pessimus sit morbus, quia tamen sæpe fluor est qui-  
dam, ratione autem fluoris multa e corpore evacuantur, multaque qua-  
litate prava, nullum tamen negotium naturæ (quia quietem habent, imo-  
que delitent corpore) facessentia continuata serie ad motum incitantur, fit  
ut si illa repente, commota jam tamen, supprimantur, corpori periculum  
creent. Ita enim scripsit summus præceptor, *Dysenteria quæ cessavit, abs-  
cessum vel tuberculum aliquod faciet, nisi vel in febres, vel in sudores de-  
sierit.* Et in Coacis: *Dysenteria intempestive suppressa, abscessum in costis,  
aut visceribus, aut articulis facit.* Ut autem Δυσεντερία suppressa comites  
habet morbos, ita si longior, ei non desunt qui jus hereditatis sibi decer-  
nant.



nant. Quocirca Aphorismo illo lib. 6. Aphorism. inappetentiam tamquam malum longæ dysenteriae ἐπιγενόμενον scribebat, & in alio loco ita scripsit, *Qui lienosi a difficultate intestinorum capiuntur, iis superveniente longa dysenteria, hydrops, aut lejenteria supervenit, & moriuntur.* Ubi notanda verborum Hippocratis proprietas. Quid enim sibi hoc vult, Qui lienosi a dysenteria capiuntur, iis superveniente longa dysenteria? nam non potest supervenire si jam adsit: debuitque dicere potius: Quibus lienosis supervenit dysenteria, eaque productior fit. Ita excusari potest Hippocrates, ut verbum ἐπιγενέσθαι non est hic proprie usurpatum. Vel, quoniam laudatur dysenteria quæ supervenit lienoso si brevis sit, ut in Coacis animadvertit Hippocrates, quum producitur, debitumque tempus præterit, non jam amplius dysenteria splenica vocanda est, sed per propriam intestinorum affectionem fit, humoribus cuniculos agentibus, & ultro progredientibus. Proptereaque nova quodammodo dysenteria dici potest: sed hæc nihil ad rem. Itaque inappetentia, lejenteriaque longæ dysenteriae succedunt. An utrumque affecto ventriculo, & malo quodammodo ventriculi œconomiam (cujus est appetere, & coquere cibos, ideoque lejenteria propria est ventriculi passio) labefaciente contingit? Non videtur, si Galen. credimus. Et ideo sui oblitus Galenus, mihi in eo errasse videtur, quod mox explicabo. Nam quum de inappetentia dysenteriae longæ succedente mentionem iniecit, scribit; *ulceribus (in dysenteria) putrilaginosus ventriculus compatiens in coctionis munere offenditur: qua offensione magis ac magis ad superiora perveniente quum os ventriculi una afficitur, tum ἀπόστοι fiunt.* Itaque vult ad os superius ventriculi malum pervenire. Et quomodo? dicet aliquis. An ulceratio hyparxin dysenteriae constituens ad os superius alvi pervenit? Nequaquam. Quomodo id fit? Quum autem de lejenteria meminit, non ad ventriculi vitium recurrit, sed ad intestina sola. Verba hujus hæc sunt: *6 Læsis intestinis a transitu vitiosorum humorum vis eorum laborat, & temperies nativi caloris aboletur; hinc hydrops, & lejenteria. Lejenteria quidem ex sola intestinorum læsione: hydrops ob hepatis sympathiam, &c.* An sola κακώσις, idest, oblæsio sola intestinorum in longa dysenteria lejenteriam facit? Si in tali morbo inappetentia contingit quum malum ad os ventris attingit (ut ante dictum est) cur non lejenteria potius a vitio ventriculi, quam solo intestinorum vitio? An solum intestinorum vitium lejenteriam parit? Galenus taxat veteres quod lejenteriæ tale nomen indiderint ἀπὸ τῆς ἐντέρων ληότητος, quum tamen vitium non intestinorum sit, sed ventriculi, ut pote cujus vitio coctio lædatur, eademque incolumis sit integro ventriculo. Itaque illa erronea propositio est, qua statuit sola intestinorum læsione lejenteriam contingere posse. Nam & in primo aphorismo lib. 6. & aliis locis, ad ventriculum male affectum lejenteria refertur. Quid ergo sibi vult Galenus tam sui dissimilis? Bisariam responderi potest, & excusari Galenus: Quoniam institutum est Galeni de dysenteria longa disputare, cui & hydrops & lejenteria supervenit, quoniam dysenteria ad sola intestina refertur, a sola quoque læsione intestinorum lejenteria nascitur, ut unum & idem subjectum sit

Aphor.  
43. lib. 6.

Galen.  
lapsus.

Aphor. 3.  
lib. 6.

Com. in  
Aph. 44.  
lib. 6.

Lapsus  
Galen.

Com. in  
apho. 12.  
lib. 4.

Excusa-  
tio Gale-  
ni.



fit & dysenteriae & lejenteriae. Dysenteriae quidem per conscriptionem ulcerationis quamdam in intestinis: lejenteriae, vitio communicato toti intestinorum convolutioni, & diuturnitate dysenteriae affecta temperie intestinorum. Vel dicemus aliud esse a sola laesione intestinorum nasci lejenteriam, aliud a laesione solorum intestinorum. Nam si sola intestina diceret, excluderet ventriculum. At non est excludendus. Tertio dicemus *καταχρηστικῶς* nomen lejenteriae usurpatum: & quae hic lejenteria fit, non est vera, cujuscumque ea est quae per affectionem ventriculi contingit. Vel dicemus (& haec ultima ratio probabilior videtur) illud *μόνον*, & *μόνῳ κακῶσι* dictum esse per comparisonem morborum duorum, nempe hydropsis, & lejenteriae. Nam quum hydrops longae dysenteriae succedit, tametsi intestina male a priore morbo afficerentur, non tamen ob vitium solum intestinorum invehitur hydrops, sed per sympathiam hepatis, lienis, & totius generis nervosi, ut diserte scribit Galenus. Ac si diceret, quum contingit hydrops in longa dysenteria, non est illius generatio ad intestina referenda: nullus enim hydrops nasci potest nisi aut hepate, aut liene affecto, aut genere venoso, ut apertius in Prognost. declaravit. Sed quum lejenteria supervenit, a sola intestinorum laesione est, idest, non oportet aut hepatis, aut lienem, aut genus venosum compati, ut in generando hydropi, sed per proprium, peculiare, & vernaculum intestinorum suis rugis & fimbriis alimentum, donec elaboretur aliquo modo, retinentium, vitium lejenteria contingit: non quin ventriculi vitium adsit. In confesso enim omnibus esse debet lejenteriam non posse nasci nisi affecto ventriculo: Et quum meminit *κακώσεως* intestinorum, non excludit *τῷ δὲ κοιλίᾳ κακῶσιν*: sed omnia per comparisonem duorum morborum intelligenda sunt. At inappetentia ad solum superius orificium ventriculi spectat. Quod Galenus explicat, dum symptomata facultatis vitalis emorientis ab Hippocrate recensita demonstratione illustret. Hermocrates (ait) perpetuo a cibo abhorrebat, loqui non valebat, lingua inaruit, non sitiebat, &c. Haec omnia sunt *δὲ δυνάμει ζωτικῇς νεκρωμένης*: deinde subdit Galenus in Commentar. *Inappetentia*, Graece *ἀποσιτία*, melius ciborum aversio verteretur, idest ut ait, *ἀνορεξία*, aut a ventriculi ore proficiscitur affecto aliqua humorum qualitate, aut ab ipsius facultatis extinctione. 7 Atque obiter annotandum est an *ἀνορεξία*, aut *ἀποσιτία* ad vitalem facultatem referatur, an non potius ad naturalem. Propterea pro verbo *δυνάμει ζωτικῇς*, legendum potius *φυσικῇς*. Conjectura verisimilis esse videtur. Tamen, ut dicam quod sentio, nomen *ζωτικῇς* melius & generalius mihi videtur a Galeno usurpatum, ut & *τῷ δυνάμει φυσικῇν*, & *τὴν ζωτικὴν* complexu suo comprehendat.

Redeamus ad institutum. Ex his symptomatis quae dysenteriae longae succedunt, sunt, inappetentia, lejenteria, hydrops. Dictum est quomodo haec fierent. Nunc autem ut aphorismus tertius libri sexti intelligatur, ne temere judicent Medici de inappetentia quae in dysenteriam incidit, eamque aut bono, aut malo esse pronuntient; ita cum Diorismo res distinguatur. Inappetentia quae in dysenteriam incidit, aut initio, aut affecto

jam



jam morbo, si initio, non ita in malis poni debet. Nam fieri poreft in appetentia primis morbi diebus ob ichoras confluentes ab hepate (male nomen ἰχῶρας humores vertit Leonicens.) Ex quibus qui ad intestina derivantur, exulcerationem afferunt. Qui in ore ventriculi fluitant, ἀποσιτίαν afferre solent. At quum inappetentia affecto jam morbo contingit, νέκρωσιν, mortificationem interpretor, ventriculo advenisse lege sympathias declarat. Hæc Galenus. Itaque ut iudicium de inappetentia in dysenteriam incidentem feratur, hæc distinctiones tenendæ sunt.

Com. in  
Aphor.

3. lib. 6.

Missam fecimus variam acceptionem nominis Dysenteriae, ne quoties sanguis per inferiora educitur, dysenteriam adesse suspicemur. Nam & mutilis ob copiam sanguinis fit excretio per alvum, quæ dysenterica improprie vocatur: vocant autem αἱματηράν. Item quibus sanguis habet admistam bilem, aliquando aperit, roditque oscilla vasorum, unde fluit sanguis. Hæc autem improprie quoque Dysenteria vocatur, nullumque nomen reperit, nisi sub τῇ γενέσει αἱματηρᾶς comprehendas. Quamquam hoc nomen ad eam evacuationem, quæ ob quantitatem contingit, accommodetur. Galenus autem indicare videtur & hanc & illam αἱματηράν appellari posse, hoc discriminis statuto, quod una dicatur αἱματηρά ob sanguinis copiam, altera ob qualitatem. Quod autem ea quæ ob qualitatem fit, αἱματηρά, quoque dici possit, colligi potest ex Commentario in 5. Aphorismorum. Nam dum Hippocrates narrat ea symptomata quæ contingunt iis quibus circum ulcera tumores sunt, & de repente evanescunt, meminit Dysenteriae non proprie dictæ, sed quæ αἱματηρά vocatur. Nam ulcera aut partes posticas corporis, aut anticas occupant, tumoresque iis assident, aut evanescunt. Si in posticis, convulsiones fiunt tumore disparente, aut tetani: si in anticis, insania, dolor lateris acutus, suppuratum, difficultas intestinorum. Horum hæc demonstratio, quia posteriora nervosa, anteriora vero venosa ac arteriosa: ideoque alio loco dictum erat, *Mulieribus rigores ex lumbis magis & ad dorsum, &c.* Quod contingit & quia pars illa nervosa, & frigida, & facile compassionis modo ad principium nervorum affectio fertur, & quia substantiæ mollioris est, facile alterationem suscipit: At partes anteriores calidiorem habent temperaturam, ait Galenus. Si itaque tumores, præsertim si ἑξέρυθροι sint, evanescant in partibus anterioribus dolores lateris & dysenteria fiunt αἱματηρά, id fit per μετάσασιν, cuius maxime ratio habenda in morbis, an eam dysenteriam probabile est fieri a sanguinis tantum copia, an vero a sanguine multo, sed jam mala qualitate prædito? Si enim nondum contraxisset malam qualitatem, non tristia illa symptomata afferret, Ergo credibile est illam dysenteriam a qualitate & quantitate sanguinis contigisse. Sic ex eo loco patet dysenteriam a qualitate sanguinis factam nullo in intestinis concepto ulcere, αἱματηράν dici posse, non eam solam quæ a quantitate sanguinis fit. Utitur enim Galenus nomine τῇ δυσεντερίας αἱματηρᾶς.

3. de sym-  
pto. caus-

Com. in  
apho. 65.  
lib. 5.

Aph. 69.  
lib. 5.

Præterea hepatici sæpe excernunt sanguinem nullo intestinorum ulcerato, tamen non dysenteria propria, sed hepatica dicitur dysenteria: & illa est v. Prorrh. de qua ante dictum est, quam Hippocrates vocat περίπλυσιν ἑξέρυθρον, ut part. 2.



Galenus Comment. in part. 2. Prorrheticorum demonstravit.

Quid ergo restat de dysenteria dicendum, paucis aperiri debet quo excretionis modo significetur obsideri intestinum superius aut inferius: quod & dejectiones, & doloris situs & species declarabunt. Præterea quid de dysenteria scripserit Hippocrates, præsertim in libris Prorrhetic. Varietas intestinorum efficit ut & tenesmus, & dysenteria non facile sedem affectam privatim significant, ait Galenus. Item affinitas affectuum efficit quominus minus facile hepaticus fluxus a dysenterico distinguatur. Sunt quidem notæ nonnullæ, quibus distinguere possis. Etenim in dysenteria paullatim & cum torminibus excretio fit, & subinde desurgendi necessitas adest: quod in hepatico fluxu non contingit. Et mirum quod scribit Galenus eodem cap. Dysenteriam hepaticam a dysenteria proprie dicta, quæ in ulcere consistit, in eo distingui, quod dysenteria proprie dicta non repente & affatim fiat, sed sensim, quum ulcus sua habeat tempora, & quædam rudimenta habeat: quod in dysenteria hepatica non vult contingere; quasi vero hepatica dysenteria non habeat quoque sua tempora, & non imbecillitas illa a qua nascitur ille affectus, inducatur ex longo tempore. Quod si verum est, nulla plane est Galeni distinctio de utroque affectu constituta. Nec hunc locum plane intelligo, nisi de excretionis modo quam de generatione potius intelligatur. Aut hæc accipiuntur non ita stricte. Hujus rei iis judicium relinquo, quibus acuties ingenii major inest. Ergo excretionis modus, & dolorum perceptio in variis partibus, & varia contenta, varietque mixta morborum sedem satis indicant: ac primum in doloribus & situs, & species consideranda: situs quidem, si in partibus superioribus, aut inferioribus consistat dolor. Nam prout partes superas, aut inferas tenet, ita aut tenuia, aut crassa intestina dicitur occupare. Sed qui in Anatome versati sunt, ajunt hanc situs considerationem pili esse faciendam. Intestinum enim colon in crassorum intestinorum censu habetur, & tamen si quis in eo dolor sit, non dicetur deprehendi ex situ inferiore. In hominibus enim vicinum est colon ventriculo: unde in colicis doloribus stomachi subversiones, & vomitionis assiduitas. Quid ergo sibi vult ille situs superior, aut inferior? Præterea quod ad speciem doloris attinet, quæri potest, an dolor in superioribus, tenuibusque intestinis sit aut major, aut minor, quam qui in crassioribus consedit? Primum ex Anatome disci debet tenuium intestinorum tunicas rara ac tenui substantia constare, & intestina illa, quæ membranosa sunt, exquisitioris esse sensus quam sint crassa; quippe quæ carnosæ sint magis. Si exquisitior in illis quam in his sit sensus, dolor qui in tristi sensatione consistit, major erit, ac manifestior in tenuibus quam crassis intestinis. Ac propterea Galenus vehementissimos dolores in tenuibus intestinis persentiri dixit: Contra tamen & rationem Anatomæ, & communem sensum, & sententiam Galeni locus alius stabit ab eodem Galeno scriptus, cujus hæc verba: *Ex doloribus ii qui vehementissimi sunt, haud abs re in crassis erunt intestinis.* 11 Qui vero mitiores sunt, horum duorum alterum esse necesse est, aut quod a mansuetiore minoreque causa sunt, aut quod non in crassis, sed in tenuibus sunt intestinis.

Cap. 2.  
lib. 6. de  
loc. aff.

Cap. 2.  
lib. 6. de  
loc. aff.



testinis. Hoc ex loco sole clarius apparet dolores graviores deterioresque esse in crassis quam tenuibus intestinis, positis omnibus paribus : alioqui distinctionis omne fundamentum mutaret. Sed locus ille plane falsus & erroneus est, nisi intelligatur. Institutum Galeni est de colicis doloribus a materia crassa frigida, lentaque disputare : quum enim cumulandæ, crassæ crudæque materiæ locus sit opportunus, Colon intestinum, ideo & ratione loci, qui amplius est, distenditur valde, & materiæ quæ in eo congeri solet, quum vehementissimi sint dolores, conjicimus in colo esse ; si mansuetiores, aut in tenuibus sunt, utpote in quibus non soleat illa pituita cumulari ; aut in colo sunt, sed a minore causa. Sed dicet aliquis, si in tenui & crasso intestino eadem crassa materia ponatur, a qua dolor, an non crudelior dolor in tenui, quam in crasso ? Verum quidem esse videtur. Sed in tenuibus intestinis non illa congeritur materia : propterea accommodate admodum facit sententia Galeni in lib. de locis affect. *Omnes, ait, & Medici, & populares vehementissimos dolores ad colon referunt, & colicos vocant. Quod mihi verisimile videtur,* ait Galenus. *Nam non ut in ureteribus lapides impacto lapide dolores excitantur, ita in tenuibus intestinis frigidi spiritus & humores retenti gravissimos dolores excitant. Nam quum tenuium intestinorum tunica sit rara, diu hujusmodi causas, idest, crassos humores continere non possunt. Probabilius ergo eum crassum humorem in crasso intestino genitum, egredi nequeuntem dolores his movere. Vehementes quidem ob intemperantiam, & corporum crassorum tensionem : longos, quia difficulter vacuatur.*

Cap. 5.  
lib. 2. de  
loc. aff.

Cap. 2. lib.  
6.

12 Hoc ex loco patet superiorem sententiam de gravitate doloris in crassis intestinis intelligi de materia frigida quæ & generationem peculiariter hic habet, & mansionem. At tenuia intestina, quia a bile tamquam clystere naturali eluuntur, non generant ; & si habeant, non diu retinent ; ut placet Galeno. Non enim negare oportet quin si acres mordacesque humores in tenuibus intestinis retinerentur, aut crudeliores dolores, aut pares saltem excitarentur ac si eadem materia in crassis retineretur : sed peculiariter & crassæ materiæ crassa intestina sunt promptuarium. Ideo, ut annotat Galenus, in tenuibus intestinis acerbissimi dolores sunt ( ut in ileo ) aut quum inflammatio est quæ obstruit intestinum ut nil transeat, aut resiccatum omnino ster-  
cus. Quamquam contra id quod dicimus, in tenuibus intestinis non posse eam phlegmonem generari, quæ intestini capacitatem illatenus impediat, afferri potest locus in quo Galenus docens asperæ arteriæ phlegmonem posse quidem difficultatem spirandi afferre, sed strangulationem non posse inducere, scribit : *Impossibile est corporis multum tenuis inflammationem spatium effatu dignum replere.* Tenuia intestina, per eundem Galenum 6. de loc. affectis, tunicam habent raram admodum : Ergo quamvis in ea concipiatur phlegmone, non potest viam obstruere. Locus est notandus.

Comm. in  
Apho. 34.  
lib. 4.

His ita positis, ad reliqua pergendum est, ac de mixture modo dicendum. Galenus excretionis modum consideravit : item quæ excernuntur : præterea qualiter misceantur quæ excernuntur. Hæc autem vocat Galenus eo loco, ulceris notas admistas, aut non admistas, parum aut multum admistas. Si quæ excernuntur membranosa magis sint, a tenuioribus intestinis excretio fit ; si

1. cap. lib.  
de loc. af-  
fect. 4. cap.  
1. 6.



*Cap. 4. autem purulenta magis & carnosâ ab intestinis crassioribus . Et quod ad  
lib. 1. de tempus excretionis pertinet , si postquam dolor in partibus perceptus est ,  
loc. aff. brevi post tempore desideat æger , a partibus propinquis secretio fit : con-  
tra vero evenit si a longinquis partibus humores exiverint . Præterea notæ  
ulceris, vel sanguis , aut tota totis excrementis sunt mixta , aut per se ,  
& veluti sola in sese coacta comprehensaque excernuntur : si partium om-  
nium quasi minutim concisarum ac confractarum mixtio fiat , a superiori-  
bus intestinis vacuatio fit : sin aut sanguis , aut pus secretum videatur , &  
per se solum existens , in seseque coactum , a propinquis partibus materia  
deraditur , huiusmodi excretionem dicimus fieri aut ἀδρόως , aut non . Quod  
Aph. 35. ut intelligamus , afferri potest sententia ex Aphorismis Hippocratis : Quo-  
lib. 7. rum in urinis supereminet pingue aliquid , idque ἀδρόον , idest confertum ,  
totumque in sese , iis renes laborant : ἐπίστασις dicitur ἀδρόα , aut pus τὸ  
ἀθρόον , quum non est divulsum , divisumque , sed compressum , coactum ,  
collectumque in sese . Galenus in Commentar. docet , quum a partibus cor-  
poris decedit aliquid crassum una cum liquore , aut etiam sine eo , ob  
viæ prolixitatem non potest suam coherentiam ac continuitatem retinere ,  
sed refringitur , dividitur , divelliturque . Quum autem a propinquis parti-  
bus dimanat , coadunatur , coitque , ac in sese compingitur : hoc autem  
dicitur ἀδρόον & ἀδρόως excerni ; quamquam in nostris definitionibus Me-  
dicis ἀδρόον longe alias differentias & significationes exposuimus .*

Pleraque in nostris monumentis de differentiis alvi fluorum , sive sint uni-  
versales , sive particulares , sive cruenti , sive cœliaci , sive hepatici : quæ  
omnia hic meminisse non vacat . Tantum huc afferemus silvam aliquam  
remediorum non sine iudicio usurpandorum , sed cuique pro diverso tem-  
pore morbi , & varia corporis constitutione accommodandorum . Illa quo-  
niam nos in usum contulimus , & ab aliis usurpata vidimus , relictis om-  
nibus diorismis qui in dysentericis fluoribus curandis sunt considerandi ,  
nudam remediorum tabulam proponemus . Et forte primo loco ponemus  
quæ adstringant , non quod ita statim faciundum putemus in eorum erro-  
ribus nosipfos implicantes , quibus irretitos veteres Galenus scribit . Illi enim om-  
nem dysenteriam per sola adstringentia , idque initio morbi curabant . Quod  
Cap. 33. l. b. 1. de simpl. In Coac. pessimum est , quum dysenteria intempestive suppressa sit calamitosa Hippocr.

In fluxu hepatico :

℞. ol. de absynthio ℥ j. s. olei rosati ℥ j. santalor. omn. pulveriz. ℥ s. assa  
odorata ℥ j. cum cera. fiat linim. pro hepate .

℞. carnis cyton. mastich. cerot. confortat. an. ℥ vj. ladani in vino soluti  
℥ ij. cypp. aloes lotæ an. ℥ j. Malaxentur cum ol. de absynth. & rosat. fiat  
massa emplastri pro stomacho .

Item ℞. pulp. passul. damasc. ℥ j. s. carn. myrobal. emblicar. per seta-  
ceum transmissam , hepat. vulp. prepar. an. ℥ iij. rasur. ebor. ℥ j. sacch.  
ros. ℥ j. cum syrup. de cichor. compos. sine rheo. fiat opiata : usus sit ℥ s.

Ad dysentericos fluores valent clysteres , in quibus sepum hircinum prius  
solutum oleo rosato dissolvatur .

℞. syrupi rosar. siccar. ℥ j. syrup. de papav. ℥ s. cum decoct. pap. fiat potus .

Item



Item ℞. rhab. pulver. ℥ ij. dissol. in aq. rosar. fiat potus.

℞. lact. astul. cum calculis fluvialibus lib. j. mucag. sem. citrii, hordei & psylli extract. in aqua centinodia ℥ ii. coaguli de quo casei fiunt, boli armen. amygd. an. ℥ j. s. vitell. ovi unum fiat clyster.

Fotus ex plantag. althea, seminib. & calidis & frigidis valent.

Item hoc quod sequitur:

℞. coriandri ℥ s. anisi ℥ ij. rosarum rubr. cort. citrii, carnis cytonior. exsiccat. an. ℥ j. sacchar. ros. quan. suff.

℞. ras. unior. gr. s. cum destillato restaur. fiat potus.

℞. syrup. ros. siccar. ℥ j. diacod. cum addit. ℥ s. cum decoct. lactuca fiat potus.

Paretur hordeatum incoctis duobus capitibus papaveris, & positis in nodulo.

℞. conser. rosar. symphyt. cornelio. nenuph. an. ℥ s. pulver. triasant. diatrag. frigidi, diarrhod. Abbat. an. ℥ j. trochisc. de Karab. & spod. an. ℥ s. passul. cum toto ℥ ij. seminis papav. albi ℥ j. s. aqua decoct. duorum pul-  
lorum in aqua pluviali ferrata alteratorum cum lactuc. portul. buglos. bo-  
rag. foliis plantag. lib. viij. Pone in alambico cum mica duorum panum in-  
fusor. in lacte. fiat destillatio in baln. Mariae.

℞. prad. destillat. lib. s. sacchari ros. ℥ ij. vini granat. ℥ s. cinnamom. ℥ s. passet. per manic. Hippocr. utatur omni hora.

℞. conser. rosar. ℥ s. myrobalan. citrin. condit. ℥ ij. rasur. ebor. cor-  
servi, coral. rubr. an. ℥ s. sacchar. ros. quod suff. fiat conditum.

Item parata sunt hordeata cum lacte vaccino.

℞. myra cytonior. ℥ ij. capiat cochlearia duo ante pastus.

℞. sumach. ℥ j. granor. berberis ℥ j. facti sunt noduli impositi per se-  
dem.

℞. ol. commun. lib. i. cera alba quod suff. pistetur in mortario affunden-  
do a quam frigid. fiat unguent.

℞. decoct. fact. ex ros. rubr. plantag. verbas. sem. portulac. acetos. rosar.  
florib. chamam. dissolut. ex mucag. sem. cytonior. extract. in aqu. solatriq.  
s. album ovor. 3. ℥ ij. illius predicti ceroti refriger. fiat fot.

℞. olei nucis mosc. ℥ s. pro stomacho.

℞. rad. alth. lib. s. coquatur in lacte ad lib. ij.

℞. predict. decoct. lib. j. mucag. semin. cyton. extract. in aqua plan-  
tag. axungie anser. an. ℥ s. mellis ros. ℥ vj. sacchari comm. ℥ ij. croci ℥ s.  
fiat clyster.

℞. olei ros. cyton. & mastich. an. ℥ vj. coral. rubr. & gallie mosc. an.  
℥ j. cum cera. fiat linimentum.

℞. terra sigill. ℥ j. boli armen. ℥ j. syrupi rosar. siccar. ℥ j. aqu. rosar.  
℥ ij. fiat potus.

℞. pulver. pudendi cervini ℥ j. sacchari ros. ℥ j. fiat pulvis.

℞. far. fabar. ℥ ij. rosar. rubr. mastich. an. ℥ iij. carnis cyton. ceroti sto-  
mach. an. ℥ j. s. cum oleo cyton. fiat emplast. pro stomacho, & toto ventre.

℞. conser. rosar. ℥ j. philo. roma. ℥ s. terra sigil. ℥ j. corall. rub. ℥ s.  
cum saccharo. fiat bolus, capiat hora somni.



℥. corticum myrob. citrin. ℥ s. passul. ℥ iij. glycyrrh. ℥ j. s. plantag. m. s. In colat. dissolve syrupum de cichor. compos. cum rheo ℥ s. rheub. pulver. ℥ s. philonii rom. ℥ j. fiat potus.

℥. aqu. decoct. sumach. & unius myrobal. plantag. rosar. berberis, ℥ iij. in quibus dissolv. boli armen. loti in aqua rosar. ℥ s. syrupi rosar. siccar. & cytonior. an. ℥ s. trochisc. de spodio ℥ j. fiat potus, capiat sero.

℥. philonii rom. ℥ s. syrupi cyton. ℥ vj. trochisc. de Karab. ℥ j. cum decoct. sumach. rosar. plantag. fiat potus.

℥. corticum myrobal. citon. cebul. an. ℥ s. fiat decoct. in aqua centinodia. In colat. dissolve syrup. rosar. siccarum ℥ j. aqu. arnoglos. ℥ j. s. fiat potus.

℥. myrobolan. citrinarum contus. cum amygdalis ℥ iij. fiat decoct. in aqua plantag. In colatura dissolve earumd. myrob. pulveriz. ℥ j. mithridatii ℥ s. syrupi de cyton. & menth. an. ℥ s. cornu cervi usti ℥ j. fiat potus aromatizatus cinnam.

℥. cypp. calami aromat. schenuanth. caryoph. an. ℥ s. rosar. rubr. menth. absynth. folior. myrtill. an. m. j. sem. anisi, foenic. cumi, an. ℥ iij. balaust. ℥ j. includantur sacculo: fiat decoct. in aqu. fabror. & vino stypt. pro fetu ventris.

℥. ros. rubr. absynthii, an. m. j. cypp. ℥ iij. sumac. balaust. nucum cupress. myrtill. an. ℥ j. gallar. ℥ s. fiat saccul. qui bulliat in aqua & vino rubro, adde aceti rosati ℥ ij.

℥. succi plantag. depurati, centinodia, an. ℥ ij. boli armeni loti in aqua ros. ℥ s. trochisc. de karab. ℥ ij. syrupi myrth. & cyton. an. ℥ s. fiat potus.

℥. ole. mastich. de absynth. de menth. ceroti stomach. an. ℥ iij. olei nucis mosc. ℥ j. caryophyl. & pip. an. gr. vj. fiat unguent. pro stomacho.

℥. ceroti santal. unc. ij. mastich. carnis cyton. an. ℥ s. rosar. rubr. unguenti comitiss. an. ℥ ij. Fiat emplastr. cum pulvere lapid. calam. & bolo.

℥. carnem unius perdicis, dimidiam partem capi, vitellinae carnis frustum unum, folior. plantag. scabiosae, card. an. m. j. semin. berberis, cyton. 4. semin. frigid. major. an. ℥ s. conserva rosar. rubr. de ribes, conser. buglos. & ros. an. ℥ s. micae panis ℥ iij. Includantur omnia vase figulino, coletur in colat. ad lib. duas dissolv. succi granat. succi ribes, an. ℥ ij. s. frequenter utatur.

℥. olei mastich. cyton. & ros. an. ℥ s. pulv. rosar. rubr. corall. rubr. an. ℥ s. galangae ℥ j. cum cera nova in aqua plantaginis lota. Fiat linimentum pro ventriculo ad regionem umbilici.

℥. far. fab. ℥ ij. ros. rub. mastich. an. ℥ iij. carnis cyton. confortat. gal. an. ℥ i. s. cum oleo cytonior. fiat emplastrum pro ventre anteriore. Applicetur aliud parti posticae.

℥. emplastri de gallia cum significationibus caliditatis ℥ iij. terra lemnia, coral. pulver. an. ℥ j. boli armeni, carnis cyton. an. ℥ j. s. cum ol. mastich. Fiat unguentum pro ventre toto.

℥. plantag. sumach. balaust. ros. an. m. unum. fiat decoct. pro dosi. In colat. dissolv. trechis. de spodio & kar. boli arm. an. ℥ s. syrupi ros. sicc. ℥ j. philonii romani ℥ j. fiat potio.



℥. coral. rub. pulver. trochisc. de spodio & Karab. cum ꝑ ij. gummi tragacanth. usti, boli armen. loti aqu. ros. ℥ s. syrupi cichor. & cytonior. an. ℥ s. opij gr. ij. cum decoct. plantag. fiat potus.

Item ℥. pilul. de cynogloss. scr. s. Capiat ex syrup. de siccis.

℥. succi plantag. depurati ℥ iij. trochisc. de Karab. ꝑ ij. boli armen. loti in aqua rosar. ℥ s. trochisc. de spodio ꝑ j. syrup. myrtil. ℥ j. fiat potus.

Valet hic clyster in summis doloribus.

℥. capita tria papav. tapsi m. j. rosarum, m. j. radicis altheæ ℥ j. coquantur in aqua. dissol. lactis lib. s. pulverem duorum ovorum induratorum, pro tribus injectionib. in ventrem.

R. rosar. rubrar. sumach. balauft. & nucum cupress. galla. corticum granat. an. m. j. sem. berberis ℥ iij. alumin. ℥ iij. fiat sacculus qui bulliat in aqua fabror. adde aceti ℥ ij. Ceratum santalinum malaxatum in oxycrato aut oxyrhod. applicitum hepati confert.

Pleni sunt libri remediis quæ ad dysenteriam apprime conferunt, sive detergendum, sive leniendum, sive incrustandum, sive abluendum, sive incarnandum: denique pro variis scopis quos intueri possumus.

Solum hoc annotandum de dysenteria, quod alio animum convertentes, ad cetera adjicere non meminimus, conscriptum esse caput de ea ab Hippocrate lib. 2. Prorrheticor. in quem librum Galenus Commentarium non conscripsit. Quod eo a Galeno factum videtur, vel quia illum librum Hippocratis esse non putaret: quamquam hæc ratio jejuna videatur, quum ne alium librum priorem ipsius esse existimet, quem tamen scholiis illustravit: aut quia clarior videretur, ut & revera est, quam ut in conscribendis in eum commentariis opera insumatur: aut conscripsit & concinnavit, sed ii injuria temporis exciderunt, aut blattis & tineis esca sunt apud eos qui nimium publicæ utilitati invidentes, malunt nescio cui commentario oscitanter indormire, quam ejus partem suis communicare. Satis est locum Prorrhetici indicasse, ut ex ejus penu quodlibet, & semel subindicatum est, quum volemus, depromatur.

## ANNOTATIONES.

1 Galenus hunc nodum solvit cap. 17. lib. 2. de different. febr. Quum pars imbecilla est, & aliunde in hanc humor influit, hic humor si pars bene affecta esset, alimentum foret, sed quia laborat est illi potius onus quam nutrimentum, ait Galenus; unde non mirum si corrumpatur.

2 Tamen cap. 1. lib. 6. de loc. affect. vult facile aut saltem facilius per comparisonem deprehendi tumores & inflammationes lienis, quam hepatis. Et quod ad simarum hepatis inflammationem spectat, non adeo difficulter cognoscuntur, quia simarum inflammationes cum gibbis partibus communicant.

3 Galenus loquens de intemperie hepatis, cap. 7. lib. 5. de loc. affect. ait: Calida hepatis intemperies cibos in eo contentos, & eos qui per venas mesenterii deferuntur adurit: frigida contentum jam in jecore humorem



*crassum contumaciorem reddit : id quod affertur semicoctum reddit arida sicciore, crassioresque, humida tenuiores.*

4 *Notanda vox, ( non solum propter ea quae dicta sunt ) supp. Nam hinc patet ob affectionem peculiarem ipsius mesenterii attractionem non fieri.*

5 *Galenus comment. in part. 2. lib. 2. Prognost. docet fluorem alvi sequi ex inflammatione mesenterii, & hydropem, tribus de causis. Locus est notandus. Omnium autem amplissime de distinctione hepaticarum & mesaraicarum excretionum, cap. 7. lib. 5. de loc. affect. Galenus.*

6 *Tamen in doctrina Galeni, intestina unam tantum habent facultatem: quomodo ergo lejentaria horum vitio contingit?*

7 *Inappetentia ad facultatem vitalem a Galeno refertur.*

8 *Comment. in part. 38. sect. 2. lib. 6. Epid. notat ichorem dici bifariam: & pro aquea substantia quae circumfluit crassiorem partem cujuslibet humoris, & veluti κατ' ἴσχωρην, quum malignam qualitatem humor ille adeptus est, a quo ichore mali morbi.*

9 *Sub finem libri de vetere medicina, certissimo argumento colligere possit & minores esse dolores in intestinis quam sint in hepate, & regione ejus & frequentiores esse in hepate. Nam quia hepar tenerum est, ( ἀπαλὸν Graecis ) & sanguineum viscus; ideo magis sentit. Intestina nervosa sunt, membranosa, fortiaque; ideo magis resistunt.*

10 *Ab ea parte qua dolor sentitur, nullum judicium sumi potest quo intelligas colon intestinum potius quam tenue affici ac laborare. Ait Galenus cap. 5. lib. 2. de loc. affect. quod falsum videtur. Nisi quis dicat generaliter ex vehementia doloris dicere nos posse tenue quam crassum intestinum laborare: si enim vehementissimi dolores, credibilis esse in crassis intestinis; sed peculiariter a parte affecta non possumus indicationem sumere ut judicemus colon potius laborare quam aliquod ex tenuibus intestinis.*

11 *Quo pacto dolores in intestinis excitentur ob revolutiones eorundem, Hippocrates libro de vetere Medic. sub finem explicavit.*

12 *Ex cap. 5. lib. 2. de loc. affect. tenuitas corporis intestinorum efficit ut non diu humor crassus retineatur: quod contingit in crassis. Ideo Galenus loquens de dolore colico quem patiebatur, ait: Neque tamquam per tenue corpus brevis temporis spatium dolor transibat, sed quasi a profundo per crassius corpus ferebatur, quam sit tunica tenuium intestinorum. Tamen ibidem ait: Nullum a parte a qua dolor excitatur, aut qua sentitur judicium sumi, ut magis tenue quam crassum intestinum affici intelligamus. Quod falsum est, & iis quae hic dicuntur contrarium. Nec video quomodo coherere possit, nisi forte ob revolutionem coli intestini dicat fieri non posse ut si spectetur situs doloris, judicemus aut colon intestinum laborare, aut tenue aliquod. Et nisi ita locus audiatur, non eum possum explicare. Situs enim fallax omnino est; nam ileum intestinum infra umbilicum fere totum est: ergo ex situ nil colliges.*



## CONSILIUM LIV.

*De Angina.*

**C**ONSTITUTIO aquilonia impense frigida & sicca sævierat, quum in hominum genus magna morborum vis invasit, ac præsertim febres, cum magna perfrigeratione, calescendi, frigescendique erat vicissitudo, & crudor quidam, ut Aristoteles 1. Problematon 9, & 10. problemate annotavit. Ille autem crudor, Græcis σφάκελος, maxime ob frigidam, siccam, aquiloniamque constitutionem solet contingere. Pleuritides grassatæ sunt, peripneumoniæ, pulmonumque variæ affectiones, atque inter cetera tusses & raucedines, præsertim quum desæviente hieme quæ in summo squalore & rigore frigoris congelata, congelataque fuerat, fundi liquarique cœperunt. Inter cetera ophthalmiæ multis ῥωίδες, multis ξυπαί, ut quæ in siccitatibus εὐχμὸς Græci vocant, contingere solent: 1 item deglutiendi quædam difficultas cum febre, linguæ scabritie, totius oris squalore quodam, junctâ virium infirmitate. Atque de hoc tertio agere institutum est; nam & quum nil appareret in faucibus, & tamen deglutire apte non possent ægri, nec solemnis remediorum usus quicquam conducere, idipsum nobis medicinam facientibus plurimum negotii dedit. Tres nobis videre contigit in quibus nil apparebat rubrum in faucibus, nil extra: non erigendi capitis ulla necessitas, & tamen per quindecim dies sine ulla tussi, sine excreatione manserunt, cum linguæ & totius oris ad mediam fere asperam arteriam squalore, siccitate, non calore ullo effatu digno, sine tumore ullo, & tamen nil allevabantur. Hippocrates quidem part. 20. lib. 3. Prognosticon, meminit cujusdam synanches quæ ægrum in periculum non conjicit: non laborat guttur, sed in fauces, aut in cervicem, aut in utramque fluxio fit: maximaque ex parte cervix & pectus ruborem contrahunt. At talis fluxio *sacer ignis* ab Hippocrate vocatur, quod erysipelatodes sit. Nec dolent vehementer, nec difficulter spirant, quum guttur non perpetiatur. At in nostris ægris nullus rubor in cervice, aut pectore, sed tantum nescio quid superficie tenus in faucibus & circum vulvam apparebat: dumque saliva deglutiebatur, difficultas quædam erat. Item partic. 17. lib. 3. Prognost. meminit faucium exulceratarum in febribus, quod nos aliquando observavimus, quum & a capite ro-  
dens humor defertur exulcerans, & postea vi febris rursus summittitur humor; qui ob calorem febrilem acrimoniam acquires malum continet atque protrahat. Sed nil in ægris nostris tale apparuit. Quid ergo fuit quod illis tantam molestiam pareret? Illa difficultas, quæ aliquid συναγχινὸν in se habebat, & forte ad synanchen referri potest (generali enim nomine quicquid nonnullam difficultatem spirandi affert, aut circa guttur, aut fauces, illud synanche nominatur Galeno comm. in lib. de diætâ acutor. Sed unde illa difficultas, quum nec magnus dolor, nec phlogosis apparens, immo nec tumor, aut phlegmonodes aut pituitosus, nil erysipelatodes apparebat; & tamen maxima est siccitas, nil resudante, nil excreto, squalor est, & languent admodum ægri. An hic morbus angina sicca, aut biliosa, aut morbus sicus vocabitur?

3. Progn.  
part. 17.

Comm. in  
par. 3. lib.  
4 de diæt.  
acut.  
Apho. 16.  
lib. 3.

Re-



*Aph. 12.* Reperio apud Hippocratem nomen τὸ ξηρὸν multis rebus attribui, & ma-  
*lib. 3. & apho. 14.2* gniam vim habere, immo majorem forte quam quis existimet. Si liceret ora-  
tionis vela pandere, multa ea de re disputari a nobis possent. In aphorismis  
multis in locis invenio ὀφθαλμίας ξηράς, & ὀφθαλμίας φθινώδεις, quæ eadem  
& ξηραὶ dicuntur, ἐν αὐχμοῖσι. Item apud Hippocratem 4. de diætâ acutor.  
*Part. 31.* χολέραν ξηράν & ὑγρὰν & apud eundem Hippocratem, anginam reperio χολ-  
*lib. 4. de* αῖδεα, πικρόχολον (ita enim eas voces admittit Galenus clarioris doctrinæ  
*diætâ.* gratia, ut distinguatur ab ea angina, quam φλεγματικὴν appellari volunt.  
Et illa angina a nitroso humore fit, qui non fauces obsidet tantum, sed mu-  
sculos a tergo, ut paullo post explicabimus, orthopnoeamque parit, καὶ  
τὴν ξηρότητα πολλῶν, ita tamen ut nil appareat. Notanda hæc vox ξηρότητα  
πολλῶν nam & in 4. Aphorismorum, periculosissimam quamdam anginam  
video, ὅτι τὴν ὑπερβάλλουσαν ξηρότητα, unde strangulatio, accedente quoque  
febre quæ eam siccitatem adaugeat. Præterea in 1. de Diætâ acutor.  
τὸ νόσημα ξηρὸν & ὑγρὸν reperio. Quonam vero in sensu omnes hæc senten-  
*In Coac's* tiæ, in quibus τὸ ξηρὸν reperitur, accipientur? Item & hæc in qua Hip-  
pocrat. periculi jam advenientis signum dat, in jam perniciosis morbis,  
ait, parvi tremores, & vomitus æruginosus, qui in potibus substrepunt,  
& ὑποβορβορύζουσι ἐν ξηροῖσι, καὶ χαλεπῶς καταβρωκτίζουσι, idest, in siccis sub-  
murmurant, & deglutiunt difficulter. Duretus illud ὑποβορβορύζουσι ἐν ξηροῖσι  
refert ad murmur hypochondriorum, ut murmur illud sit ob inflamma-  
tionem diaphragmatis in sympathiam cerebri tracti: ego vero non ad  
murmur ob inflammationem diaphragmatis refero; quamquam scio bor-  
borygmum inde nasci posse, sed quum & strepitus in bibendo, & diffi-  
cilis deglutionis meminerit: ego illud murmur ἐν ξηρῶ, in sicco, refero  
ad id quod apparet sæpe in delirantibus, in quibus laryngis muscoli sic-  
cati sunt, ut non amplius motum facilem præstent nec obediant. Nam  
quum bibunt illi, & delirant, pars aquæ quæ descendit quodammodo in  
præceps cum sonitu, in vacuo & inani descendere videtur: obauditurque  
murmur & borborygmus circum præcordia, siccatis musculis, & liquore  
recta descendente, nil administrantibus illis musculis. Sic illa vox, ξηροῖσι,  
ad difficile illam deglutationem potest referri, quum tanta siccitas sit, ut  
muscoli inertes sint, & propterea auditur sonus & murmur, ac si in ca-  
vum aliquid aquæ conjiceretur.

Nunc singillatim explicemus vocis illius ξηρὸν significationes, ut tandem  
de angina, aut potius de dispositione anginosa oratio nostra terminetur.  
Ita enim Medicis debet constare, quibus incumbit ex officio morbi ideam  
causamque animadvertere, qua ex causa difficultas deglutionis pendeat.  
*Idea mor-* Nec enim audito anginæ aut difficultatis deglutiendi nomine statim ad se-  
*borum* candas venas anulares, ac gibberi accedendum: quum alias a materia  
*noscenda.* hac aut illa, alias a nescio qua intemperie illa difficultas deglutiendi oria-  
tur. Unde auctor lib. 4. de diætâ acut. duas anginæ species facit a ma-  
*Ophthal-* teriæ diversitate desumptas: ut cognitis ideis morborum in remediorum de-  
*mia sicca* lectu aliquanto exactiores simus, ne male, temereque unum pro altero  
*quid.* usuveniat.



Ὀφθαλμίαι ξηραὶ καὶ ὀφθαλμίαι φθινώδεις, quum ab Hippocrate dicuntur, aut quum ὕγραί, ita eas dici accipiendum est, ut in siccis lippitudinibus nil humoris manet; in humidis, non crassus humor, sed tenuis, quamquam quibusdam placet, eas ξηραὶ dici posse, in quibus aliquid acre, mordax, pungens, & lancinans, non quantitate, sed qualitate peccans, excernitur. Et hoc fortassis probabilitate non caret. Humidas ophthalmias Hippocrates describit in Epidem. *In constitutione calida, humida, austri-  
naque, multis fiebant ( ait ) ophthalmia humida, longa, diuturna, laborio-  
sa : palpebrarum foris & intus ἐπιφύσεις, idest progerminationes, quas fi-  
cos, Grecis σύκα vocabant.* Humiditatis copia & ophthalmiam attulit, & tubercula in palpebris : sed qua id ratione factum est, quum a duplici humore hoc duplex vitium natum videatur? Etenim humiditas ophthalmiae ab humore est tenui, Galenus dicit, ἀπὸ τοῦ ῥαῦματος ὑδατώδης : at σύκα, sive ἐπίφουσις, sive ὀχθώδης ἐπανάσασις ( omnibus enim his nominibus unum & idem significatur ) a crassiore, lentioreque humore esse videtur : hoc ipsum & Galenus fatetur : ait enim in Commentario, humoris redundantis superfluitatem duplicem speciem in tenuitatis & crassitiei differentia habere, tametsi idem esse humor videatur, & in eodem loco consistat. Quod hac ratione in corpore succrescere confirmat : *Quum* ait, corpus exercitationibus solitis concitetur, moveatur, diffletur, ac lustretur, copiam & crassorum & tenuium humorum simul coacervat : crassorum ob desidiam & socordiam : tenuium & aquosorum ob vacationis prohibitionem. Ac si in quolibet humore sita quippiam quod limi & facis rationem habeat, quippiam vero quod feri, liquidiorisve partis. Qui autem discernas varios effectus utriusque humoris? tenuiorem partem excerni testabantur dejectiones liquidæ, urinæ, aquæ : crassiorem partem, vel gravitas capitis, vel coma, vel quia moram trahit cunctaturque in corpore. Et clarioris doctrinæ causa affectus quosdam nasci dicemus ab humore crassiore per congestionis modum : alios a tenuioris humoris copia per suppressionem, idest, qui suppressus est in constitutione aquilonia : deinde via aperta in partes influxit. Id quod tenue & aquosum, ophthalmias humidas fecit : id quod crassum ac deses, ἐπιφύσεις quasdam in palpebris foris & intus. Quod enim crassum est, quia pigro gressu insistit, partibus inhærens alium morbum producit quam id quod tenue est, & ὑδατώδης. *Επίφουσις* progerminatio dicitur, σύκα ficus; ἐπανάσασις seu ἐπανάσσημα, quod nomen apud Medicos potest sumi pro eruptione. Apud Aristophanem, bullam, papulam & phlytænam significat : & quod dicitur ἐπίφουσις, illud ἐπὶ significat in palpebrarum extremo protuberantiam, eruptionemque apparere ; hoc enim verbum ἐπιφύεσθαι significat : Galenus in Commentario interpretatur nomen ἐπίφουσις, τὴν ἐπανάσασιν ὀχθώδην. Interpres, Tuberculum collium modo, vertit : & male; hoc enim grammaticoteron. Etsi enim ὀχθὴ, præruptum ripæ locum significet & eminentiorem paullo, & ὁ ὀχθός colliculum prominentem ; tamen debuit scire ὀχθὴς apud Medicos pro verrucis, sive verrucosis extuberantiis sumi. Ita enim Marcellin. lib. 2. Dioscoridis. Ergo τὴν ὀχθώδεα ἐπανάσασιν verti oportet, eruptionem,



nem, extuberationemque verrucosam ; quamquam Interpretis lectio plausibilis est, quia Grammaticum agit.

Ut ad institutum redeamus, humida ophthalmia dicitur in qua aliquid aqueum & tenue manat : *ξηρὰ* autem est quum aquilonia tempestas calidam humidamque excepit ; hæc enim frigida constitutio ut manus spongiam, sic cerebrum comprimit ; hinc humor in has illasve partes exprimitur, ut in oculos : quia autem extremo frigore cutis densatur, hinc ophthalmia sicca nascitur : idque maxime in siccis ac biliosis. Quod notandum est ex Hippocrate. Neque enim in omnibus sicca ophthalmia præfente constitutione aquilonia fit. 2 Et alio loco in lib. de aere, locis & aquis probabilem affert rationem cur in siccitatibus, & squaloribus ophthalmiæ siccae nascantur. *Bilis*, inquit, ( loquitur autem de hominibus biliosis ) *pars humidissima, atque aquosissima exsiccatur atque absumitur, crassissima vero & acerrima linquitur*, supp. & *siccas ophthalmias & febres acutas faciens*. Itaque ex eo Hippocratis & Galeni loco colligi po-

test, verisimilem eorum opinionem qui sictam ophthalmiam interpretantur, in qua aliquid nitrosum, paucum, siccum, acreque apparet mordicans oculos, non autem in qua supprimitur omnino humor, ut prius dictum est de aquilonia constitutione humores supprimente. Hinc effici potest *ξηρὰς ὀφθαλμίας* bifariam intelligi posse, & eam in qua multus quidem humor ob calidam humidamque constitutionem, est, sed supprimitur ob ambiens frigidum, eaque ophthalmia cruda dici potest, eo modo quo in libris de Diæta, morbus siccus dicitur, idest crudus, in quo excrementum nondum apparet : & eam in qua non tam quantitate quam qualitate humor in vitio est ; ut quum acer, mordax, in bilioso humore succrescit, tempore squalido, arente, aquilonio si vis : & species quædam erit ophthalmiæ, eaque *τῇ ὑγρῇ ὀφθαλμίῃ* opponetur. Et hæc posterior de

genere earum ophthalmiarum est, quæ a Galeno & Hippocrate vocantur *φθινώδεις ὀφθαλμίαι*. de quibus antequam dicamus, afferemus opinionem Aetii & Celsi *περὶ ξηροφθαλμίας*, nomine composito. Aridam lippitudinem definiunt, in qua subaridi oculi nec tument, nec fluunt, sed cum levi prurigine ingravescent : & palpebræ citra duritiem prægravi pituita inhærescent. Huic similem faciunt *ἄσπεροφθαλμίαν*, aspritudinem oculorum ac scabram lippitudinem interpretantur, rubor est oculi, pruritus a nitroso falsoque humore. Ac credo in his apparent quibus corpus biliosum est, aut putri salsaque pituita plenum. Ergo ophthalmiæ tabificæ quædam sunt, *φθινώδεις* vo-

cant ut sine distinctione sit legendum in aphorismo 16. lib. 3. Aphorismor. *ἐν αὐχμοῖσι φθινώδεις ὀφθαλμίαι*, non autem cum distinctione, lippitudines in squaloribus, & item tabes, ut contendit Galenus in Commentar. siquidem negat in siccitatibus, quatenus tales sunt tabem contingere : at nec articulorum dolores, nec dysenteriae ipsæ, nec stranguriæ in squaloribus contingunt. Quis dicat sine humore aut arthritim, aut dysenteriam, aut stranguriam nasci ? Ideoque perplexus est admodum Galenus in exquirendis hujus aphorismi demonstrationibus. At mihi parum consultus videtur Galenus, quasi vero non noverit in squaloribus ferinas destillationes & dysenterias



ab acri, squalidoque ( ut sic dicam ) humore , qui sensim atque sensim sese exerit. Nec enim adeo rudis Hippocrates , ut *αυχμὸν* intellexerit sine aliquo humore , & in medio omnis recessus : quasi vero squalor temporisque arida & squalens tempestas non vim aliquam humoribus imprimat , & non in tali constitutione squalida ichorum dominatus non sit satis malignorum. Itaque accuratior fuit hic Galenus , & frustra. Porro *φθινώδεις ὀφθαλμίας* videtur & Galenus referre. Quamquam ophthalmiarum tabificationum hoc sit proprium , ut ad tabem , consumptionemque oculorum pertrahant , & tamen in squaloribus grassantur : an vi squaloris , an ratione humoris sicci , nitrosi , mali. Si humor est , quare non & tabes ab humore ? Si vi squaloris , si oculus tabescit ac consumitur , cur non & reliquum corpus ? ut nomen *τῆς φθίσεως* non pro tabe , quæ proprie ulcus , aut aliud pulmonis vitium sequitur , sumatur , sed pro qualibet consumptione , ut posse sumi Galenus suspicatur in Aphorism.

Item *ξηρὸν νόσημα* reperitur apud Hippocratem partic. 22. comment. 1. in lib. de Diætâ acut. quum diætâ instituendâ rationes docet. Nam quamdiu morbus siccus manet , tamdiu a pleniori cibo abstinendum , nec naturæ negotium faceßamus : nec tantum ad morbos thoracis nomen *τῆ ξηρῆ* referri vult , sed ad omnes partes laborantes , in quarum affectionibus nihil excernitur eorum quæ redundant. In sicca ophthalmia , ait , quum nil refudat : in cerebri affectibus , quum nec per nares , nec per palatum rei cuiusque excretio fit : in affectibus partium in ventre inferiore contentarum , quum alvus resiccata admodum est. Et idem in ceteris. Quum autem excernitur aliquid , vocat morbum *ὕγραίνεσθαι* humefieri.

Sed quæstio hic magna oriri possit , an sit idem morbus siccus : & crudus : an idem , morbum humescere & coctum esse , ut omnia per synecdochen capiantur. 3 Videtur idem esse morbum crudum & siccum , item coctum maturumve , & humidum dicere. Nam , exempli gratia , in pleuritide oris mador , sputi expectoratiq̃ue facilitas tamquam *ὑπερμαρμόμενον* jam initium morbi præterisse , & brevi finitum iri demonstrat in Aphorismis. Si ergo siccus , idest crudus est quum nil excernitur a parte , sed materia coercita conclusaque in parte est : ergo in cuius ophthalmiæ initio fluor & lacrymæ multæ sunt , ut in humida ophthalmia , ex 3. Epidem. Hippocrat. ante monstravimus , ea dicetur humida , proindeque cocta : consequens autem falsum est. Item quum cerebrum plethoricis auctum est symptomaticis , & per oculos , nares & palatum multæ pituitæ liquidæ crudæque excretio sit , ista excretio significaret morbum humidum , idest coctum : hoc autem falsum est. 4 Itaque tametsi quum madet os in thoracis affectibus , brevitatis morbi indicium est , non tamen idem est siccum ac crudum : nec coctum , & humidum. Liquidior enim ptisana ad humectandum propinatur , non autem ad coquendum dari dicitur . Quocirca ut in omnibus admirabilis est Hippocrates , ita hujus quæstionis nondum quodammodo dissolvit ; scribit enim : *Si autem os madesiat , & qualia oportet a pulmone excernantur , sorbitionis quantitatem augebis* . Nam quæ citius madent , Græce *πλαδούντα* , celerioris criseos notam præferunt : si coctum

*Comm. in  
aphor. 10.  
lib. 3.*

*Part. 22.  
com. 1. in  
lib. de  
Diætâ  
acut.*

*Sicca tabes ab  
Hippocr.  
describitur  
lib. de  
ossium natura.*

*Aph. 12  
lib. 1. &  
lib. de crisi  
sib passim.*



*Part. 23. lib. 1. de dieta acut.* coctum & humidum, idem significarent, & ξηρόν καὶ ὀνυχόν, crudum seu απεπτον dixisset simpliciter; si os madescat; nec adjecisset, & qualia oportet educantur. Nam hæc particula, καὶ ὅπῃα δεῖ, εἴη, non jam amplius contrarium siccitatis declarat, sed jam ad coctionem nos insinuant: idest, coctionis tacitam mentionem injiciunt. Et illud est quod acute Galen. in comm. in partic. illam, annotaverit, verba illa; *si qualia oportet excernantur*, coctionis argumenta, signaque γνωρίσματα Græcis, exhibent. 6 Et si humidum esse ac coctum esse idem significarent, catharrofæ dispositiones qualescumque forent, de coctorum morborum numero essent. Nec dubium quin in quibus morbis excretio esse debet materiæ, si illa materia supprimitur, & siccus morbus dicitur & crudus: & quum excerni incipit cocta, tum morbus ὑγραίνεσθαι dicitur: & in quibus ante tempus excretio fit, nimirum materiæ crudæ, tametsi tunc νεσος ξηρὰ dici non possit, quia effluxio fit, tamen crudus vocabitur. Sed hæc subtiliora.

*Comm. in part. 103. lib. 4. de dia. acut.*

*9. Epid. p. 562.*

Præterea χολέραν ξηράν & ὑγράν apud Hippocratem reperio in 4. de Diætâ acutor. Humida cholera dicitur in qua magna contentione & virium jactura sursum deorsum excretio fit putrium, incoctorumque. Galenus in comment. vult oriri ab acribus humoribus generatis a corruptione assumptorum: Arida fit a spiritu flatulento acri. Videtur ex sententia Galeni his nasci sicca cholera qui cibos coctu difficiles sumserunt, transire nequeunt, quibus adjecti sunt cibi acriores ac calidiores: 7 & tunc flatulenta copia impedit quominus quicquam excernatur. Unde quomodo magna, an non illa cholera in qua calida assumpta sunt cum difficillibus coctu, potius humida dicenda sit quam sicca? Hippocrates ait quidem lazerpitii radicem choleram siccam efficere, sed postea jungit, si cum multo caseo & carne bubula sumatur. Sic in Epidem. quidam vorax esu carniū porcinarum, haustu vini generosissimi & placentarum, in Choleram incidit, supp. siccam, ut ex priorē Hippocratis demonstratione colligi est. Quid ergo erit humida? Quantum ex collatione locorum colligo, in humida cholera plus est materiæ corruptæ, facultatem expellentem irritantis ad excretionis omne genus, ut in hoc dicatur humida, quia excretio fiat; qua nominis significatione sumi τὸ ὑγρόν diximus ante. In sicca plus est crudæ, crassæ, impactæ, & flatus eam materiam subigente, agitanteque; unde membranarum divulsio disruptioque aliquando, & gravissimi dolores. In eoque sicca dicitur, quod nil fere excernatur, sed convolutio sit quædam intestinorum, & inflatio ventris. Qua in significatione τὸ ξηρόν sumi dictum est paullo ante. Atque adstrictionem esse flatuumque magnam iliadem collige ex Hippocrate eodem loci: *Ab arida cholera venter inflatur, strepitus sunt, dolor laterum & lumborum, nihilque alvus dejicit, sed adstringitur.* Ergo ξηρότης ipsius in cholera sicca vis in eo, quod cohibitio retentioque est materiei. Quamquam Galenus Comment. in partic. illam non vult probare istam suppressionem flatuum ad constituendam hyparxim, naturamque τῆς χολέρας ξηρᾶς, quod tamen a ratione alienum est. Verba ejus sunt: *Quum flatus interdum exire possint, interdum retineri, aridam choleram ob retentos flatus generari asserere nequeo; nam probabilius est eos vocare (suppl. cholera sicca laborantes) in quibus potius fla-*



*flatus erumpunt, quam retinentur.* At contra: etenim nonnullos summis cum cruciatibus cholera sicca laborantes mori videmus, in quibus nil fere ex-  
cernitur, nec materiæ, nec flatus. Membranarum enim offensæ, & divul-  
siones ex eo maxime sequuntur, quod spirituum magna sit vis materiam ve-  
luti subigens, diripiensque, & dum penitus subitur, solutione unionis par-  
tium præsertim nervosarum implacabiles dolores excitantur. Atque idem in *Comm. ad*  
ventriculo contingit & partibus vicinis, præsertim membranosis, quod in su- *part. 27.*  
rarum affectu, qui Græcis peculiari nomine σωολκή dicitur: Gallice *gouttes* *li. 3. Pro-*  
*crampes*; inclusus est enim spiritus divellens, & exitum sibi quærens. De *rhetic.*  
Cholera sicca dictum sit hæcenus. *meminit*

Accedamus nos ad id cujus gratia instituta est disputatio. Institutum erat *ολκή*  
dicere de Angina, & anginoso quodam affectu (ita enim loquar) idest, de *παμώ-*  
difficili deglutitione. Quæ difficultas in faucibus & gutture synanches aut *δης.*  
*σωαγχικὴ παθήματος ὑπαρξιν* constituit. Animadvertimus enim in quibusdam,  
ut initio dictum est, ariditatem summam linguæ (talem autem linguam  
Hippocrates 7 Epidemiorum vocat *γλωτταν περιπλεμονικὴν*, quod iis qui  
inflammatione pulmonis laborant familiaris esse soleat) dolorem occultum &  
latentem colli musculorumque omnium qui ad humeros usque protenduntur,  
faucium est squalor, siccitas, nil tamen apparet quod arguat id de quo tam-  
quam de difficilis deglutitionis causa quæri possit. Quærendum itaque quis  
sit affectus, quo nomine donandus, cujus speciei, quæ idea, qui mos &  
ingenium. Potest generaliter affectus *σωάγχος* dici, ut Galenus Comment. in  
partic. 30. lib. 4. de diata acut. sumi posse ostendit. Duplex autem omnis  
est *σωάγχος*, ut auctor lib. 4. de Diata acutorum vult, aut est a materia  
crassa, viscosaque quæ in majoribus vasis continetur, aut a tenui, acri, bi-  
liosâ, quæ sua tenuitate majores amplioresque venas pervadit, sed in tenuio-  
res sese insinuat; in synanche a crassa materia tumor est brevi strangulans:  
alter *σωάγχος*, qui a tenui fit, non ita sese tumore effert, sed intemperie  
potius quadam, & erysipelatodes dicitur: Galenus dicit vocari posse *πικρόχο-*  
*λον*, aut *χολώδεις*. Hanc autem ita describit: *Quum a capite tenuis flu-* *Part. li. 4.*  
*xio est, & nitrosa, quasi ab anni tempore talis sit, mordet, ulcerat, or-* *de Diata.*  
*thoracæam parit, & siccitatem multam: Quæ intuentibus nobis apparent*  
*ἰσχνὰ φαίνεσθαι, minime tumentia apparent.* Ita enim non pro gracili *ἰσχνόν* fu-  
mitur, sed pro humili, non tumente. 8 Quo loco mihi videtur anginam  
nostram, de qua laboramus, describere; nam & siccitas multa erat, quam  
Hippocrates *πολλῶ ξηρασίῳ* vocat verbo antiquissimo: & difficilis degluti-  
tio, nihil autem in faucibus aut gutture apparebat: nec alius color fere a  
proprio erat, nisi quod siccitas esset. Magnum enim est observare an dissi-  
milis sui sit color. Propterea veteres vocem *ἰσχνὰ* interpretabantur per *ἄχρα*,  
idest, decolorata, non habentia colorem qui adesse deberet si inflammatio es-  
set. Sed tamen hanc interpretationem ridet Galenus in Commentario. Gale-  
nus autem rationem reddit cur non tumeant partes laryngis & faucium: non  
quin biliosus humor multus collectus, non possit tamen efficere, ac præser-  
tim humor qui a capite descendit: omnis enim pituitosæ naturæ propinquus  
est, ut propterea pituitæ naturalis fontem cerebrum asseveraret auctor lib. 4.  
de



de morbis, & lib. de glandulis : sed, ut ait Galenus, fit ut fluxionis partem recipiant faucibus vicini muscoli : item qui a tergo siti sunt, ubi & stomachus qui sæpe simul afficitur. Sic rationem reddit & cur siccitas, cur tumor non adsit, diffusa, liquataque materia : item cur a tergo & circum collum dolores adsint : atque talem affectum, & symptomata qualia hic describuntur, mihi visus sum videre in istis ægris quorum superius paullo memini, nisi quod talis synanche per eundem Hippocratem vel æstate, vel autumnio fiat. At hæc affectiones synanchicæ, quarum meminimus, in hiemem inciderunt, eamque acerbissimam. At quid obstat quin dicamus id quod ante observatum est, per hiemem coacervari crassos humores, & eorumdem ichores sive serositates, quæ quum diu suppressæ fuerint, acrimoniam & *πικρῶδες τι* acquirant, deficienteque hieme, tenue illud subit tacite, & morbos sui generis committit. Atque eo modo fiet angina *ξηρὰ*. ita enim loquar doctrinæ causa, quo & ophthalmia *ξηρὰ* : non quin sit humor aliquis, sed potius qualitate quam quantitate peccat : & facit squalorem, nescio quam intemperiem aridam : quod explicavit Hippocrates, quum ait, istum humorem nitrosum efficere ut *ξηρασίνη πολλὴ παραγίνηται*. hinc fit ut subdiderit, *ὅτε tendines cervicis posteriores intenduntur, apparentque intenti ac si tetanus esset* : hinc vocis amissio : quod indicat scribens, *καὶ ἡ φωνὴ ἀπὲρ' ὧς ἰστέσι ἀπόλλυται*, ait Galenus, per laryngis passionem. Vocis autem generatio in ea maxime parte fit, quæ Larynx vocatur, Galeno teste. Huc maxime pertinet locus de Angina letalissima, quam describit Hippocrates in Aphorism. *Si a febre habito collum pervertitur, & vix potest devorare, sine ullo tumore, letale*. Paullo ante alium scripserat aphorismum de angina quoque. *Si a febre habito, tumore non existente in faucibus, strangulatio repente supervenerit, letale*. Aliud esse scribit Galenus, *vix potest devorare, & quum strangulatur*. Quum autem dixit, *tumore non existente in faucibus*, tacite indicat affectum esse solum guttur, quod *λάρυγξ* dicitur : quum repentina strangulatio necessario laryngis affectionem significat, undelibet hoc contingat, sive ab inflammatione, sive aliter, ut paullo post dicemus, quum inquiretur an sola intemperies sicca hoc efficiat. Mirum quomodo in aphorismo illo prædicto, in quo scriptum, *οἰδήματος μὴ ὄντος ἐν τῷ φάρυγγι*, quum nomen *φάρυγος* per fauces interpretentur. Nam illud animadverterunt auctores Græci, nomen *ὁ φάρυγξ* in masculeo genere, guttur significare, & cum nomine *λάρυγξ* confundi : in feminino, *φάρυγξ fauces* : & Hippocrates in masculino genere accepit. Sciendum non necessario semper laryngem significare quum masculei generis est : promiscue enim *ὁ φάρυγξ* & fauces & guttur designat : sed *ἡ φάρυγξ fauces* semper denotat. Proptereaque Galenus in commentario utriusque aphorismi a nobis citati, quum verba Hippocratis adducit, non amplius usurpat articulum masculeum *ὁ, τὸ, τῷ*, sed *ἡ, τῆς, τῇ* : quod diligenter notandum est, ut omnis amphibologia declinetur : Quod Galeni ingenium vix deprehendent linguæ græce ignari. Propterea parum legendo proficiet, qui versionibus tantum latinis impolitis & rudibus, nec ulla ex parte attingentibus Asiaticam sermonis venustatem, operam accommodabit.

Comm. in  
aphor. 32.  
lib. 4. de  
dia. acnt.  
Aph. 35.  
lib. 4.  
Aph. 34.  
lib. 4.



Ergo quum non apparet tumor in faucibus, & repente suffocatio incidit, præsertim dominante febre, mortis metus est maximus. Quærit Galenus duo: cur dum in illo aphorismo angina funestissima meminit, non mentionem facit de dolore, ut fecit in prorrhethico, dicens, *fauces dolentes*: item an angina absque dolore esse possit. De priorè ita statuit: Tametsi non meminit doloris, potest tamen intelligi. De posteriore ita, Si angina sit cum inflammatione, non potest non adesse dolor. Potest autem strangulatio fieri sine dolore tribus modis, vel oborto tumore frigido quod οἰδημα dicitur. 10 Vel resolutione musculorum laryngem aperientium, unde angustior redditur meatus: vel ab utroque simul: tertio summa siccitas & squalor musculorum interiorum laryngis hoc efficere potest: ita enim supra modum extenti, meatus angustiam afferent. Sed quæstio orietur difficillima: Si indolens angina & strangulatio repente contingere potest, ut hic docet Galenus, an a siccitate immodica id fieri potest? Videtur non posse fieri: nam intemperiem siccam anginae auctorem, si ita fors ferat, necesse est longo admodum tempore acquiri, ut ex locis infinitis Galeni colligi potest: quomodo ergo ab ista immodica siccitate repentina strangulatio contingere potest? Ista videntur asystata. Nisi quis dicat siccitatem quidem tempore acquiri, sed illam non sufficere ad necandum nisi febris concurreret maxima: quæ febris (nulla adhuc præsentè alia siccitate) brevi tempore omnium instrumentorum tensionem atque ariditatem afferre potest, præsertim si sit e genere febrium καυσωδίων. Ac propterea quum in alio aphorismo scribit: *Si cui a febre occupato collum invertitur, & vix potest devorare, sine ullo tumore, letale*. Galenus in Commentario miratur Hippocratem non meminisse loci, quum ait, *tumore non exsistente*, ut fecit alio in aphorismo: sed subaudiri intelligit, vel, in faucibus, vel, in collo ipso. Ait autem istam strangulationem, aut potius deglutiendi difficultatem ab inflammatione musculorum gulæ præjacentium, aut gulæ ipsius oriri posse: & ab ista inflammatione contorqueri potest vertebra. Vel enim a tuberculis invertitur, vel ab inflammatione ob tensionem partium inflammatarum, & ad sese retrahentium. Est enim affectus cervicis in quo vertebræ ad anteriora luxantur, vel solum musculis qui cum ipsis communicant affectis tumore, vel nato tuberculo, ut placet Galeno: vel extentis ob inflammationem partium nervis ac ligamentis, ut notat Galenus Commentario in Aphorism. 35. lib. 4. Aphorism. Atque ut explicet rationem illius anginae de qua sermo est, affert locum ex Hippocrate, quo in loco vult eandem anginam describi quæ & hoc in loco. Textus autem est: *Anginam patientium tales erant affectus: Colli vertebra intro vergebant, extraque apprebant collum habere cavitatem, & hoc tactum dolebat*. Notandum autem illo loco mentionem fieri de angina in pestilenti constitutione. Quærit rursus cur Hippocrates dum loquitur de angina a contorsione colli in febre ingente, non meminit doloris ut & in Epidemiis? si enim inflammatio est, necesse adesse dolorem: an non inflammatio est præsentè tanta febre, & facta contorsione colli? unde ista contorsio? Concludit istam anginam ab excedente fieri siccitate, a qua tensio, hinc tractus, a tractu ever-

An in  
angina  
dolor.

Cap. 3.  
lib. 4. de  
loc. aff.

Lib. 2. E.  
pidem.  
Vide cap.  
3. lib. 4.  
de loc. aff.



vertebrarum. Quum enim adest ista siccitas, a qua tensio, tractus, everfio, angustia meatus, difficilis deglutitio, malum hoc: pejus vero si febris adfit. Nam & febris auget usum respirationis, cui non potest satisfieri ob meatuum angustiam: item auget siccitatem; sic malum malo cumulatur.

Quaestio: Si est excedens siccitas quæ anginam quodammodo pestilentem facit: unde illa siccitas? an repente incidit, an non? an humor est? Dicam quod sentio, & accommodabo ad ægrum nostrum, cuius ergo instituta est hæc disputatio.

II In summis squaloribus, præsertim dum æstus adsunt, vel etiam in sicca & aquilonia constitutione in qua supprimuntur humores; sed tenue tantum serum exprimitur vi ambientis, ut exemplo spongiolæ fieri contingere scribit Galenus in Commentar. in 3. Aphorismorum, sæpe circum fauces, collum, oculos, siccitates oriuntur, quarum ratio nulla reddi potest. Et difficultas deglutiendi est, nullo apparente tumore vel in gula, vel in pharynge, vel in larynge. Et squalet aretque agrotis guttur; lingua scabra, exigua febris & latens, quasi ab ambiente calido evocato foras calore, aut ab ambiente frigido nimium (nam in squaloribus hæc fieri diximus, dictum autem velim quum vel excessus est caloris, vel frigoris) retruso in centrum calore; unde quemadmodum in oculis ξηροφθαλμία nascitur, ita ξηραγγίνα, si verbum confingere liceret, aut ξηρός σίναγχος orietur. Quod admodum notare oportet, & Medici decipiuntur admodum. Vidimus ita affectos per 20. aut 30. dies laborare cum squalore magno, infirmitate summa, ariditate, nulla siti, difficultate deglutiendi, oculorum quadam cavitate, fuliginoso spiritu arente atque æstuante, ac si in hæcticam laberentur. Et ex nostratibus Medicis nulli hoc observaverunt, præter unum dominum Magnum, omnium, quos ætas nostra fert, acutissimum & sollertissimum, qui vocat istum morbum Anginam συντηκτικῶς colliquativam anginam, & catarrhosam colliquationem; nam partes omnes ad guttur, collum, & fauces attinentes liquefieri quodammodo videntur: Et in exiguis venis ichor tenuis contineri videtur, qui superficialium dolorem excitat.

Omnium morborum quos mihi videre contigit, hic mihi difficillimus & ad cognoscendum, & ad curandum visus est. Atque obiter qua ratione ei sit occurrendum, si quando incidat, aperiam.

Quum ergo ea difficultas deglutiendi (sive quis *Anginam* vocet, seu *rheumatismum siccum*, seu *morbum siccum*, seu *anginam siccam*, seu *pestilentem fluxionem*, sive αὐχμὸν quemdam malignum, sive *colliquationem*, sive *catarrhosam colliquationem* hoc loco non interest, tametsi longe hæc vocabula inter sese differant, aliasque morborum ideas indicent) quum, inquam, ea difficultas deglutiendi cum siccitate, squaloreque sit conjuncta, nullo etiamnum nec foris, nec intus tumore apparente, dolore quodam occulto partium omnium ad guttur & collum pertinentium, non est dubium quin illa intemperies sicca corrigenda sit: Eamque ob causam plurimum conferet id quod sequitur.



℥ passular. mundatarum & ficuum an. ℥ j. glycyrrh. non rasa ℥ iij. pruna num. 20. rad. altheæ ℥ s. fiat decoct. in aquis partibus aquæ rosar. & plantag. Incolat. dissolve oxycrati ℥ ij. mellis violar. ℥ iij. fiat gargarismus. Vim habebit humectandi, & detergendi, & squalorem tollendi. Deinde circum partes thoracicas fiet litus sequens.

℥ butyri recentiss. lib. j. cum qua misce olei amygdal. dulcium sine igne extracti ℥ ij. ol. de kenri & violati non veteris an ℥ j. s. misce : fiat litus. Circum collum, guttur, nucam, deforis magna copia affundetur, & illinetur id quod sequitur.

℥ chamameli, melil. scabiosa, an. m. j. fiat decoct. ad sufficientem quantitatem, in qua extrahere mucaginis sem. psyllii & alth. an. ℥ iij. cum butyro recenti ℥ iij. & ol. violati loti in præd. decocto, fiat litus ad omnes partes dictas.

Item præclare fiet si bolum cassiæ assumat sine rhabarb. cum syrupo viol.

Item si ore verset bolum cassiæ, deinde rejiciat, quia vim magnam habet humectandi & squalorem tollendi.

## A N N O T A T I O N E S.

1. Istas affectiones Hippocrates 4. acutor. explicat eleganter, Quum fluxio calida ac nitrosa fit e capite, mordet, ac ulcerat, & spiritu implet, & erecta cervicis spiratio accedit, & siccitas multa : & quæ videntur gracilia apparent, tendines posteriores in collo apparent distenti, vox abrupta, &c.

2. Lib. de loco, aere & aquis, humiditas ophthalmias agnoscit in iis qui a ventis calidis perflantur, præsertim si inter brumalem solis ortum & occasum venti perflent : duras & vehementes in iis qui inhabitant regionem ventis frigidis objectam, & duras opponit humidis certa de causa. Et alio loco videtur explicare cur fiant ophthalmiæ sicca & febres acute, & diurnæ, quum æstas sicca fuit, & autumnus siccus est & borealis ; quia ( inquit ) quod in bile est humidissimum & liquidissimum absimitur, densissimum & acerrimum relinquitur. Quod notandum. Vide comment. in Aphorism. 14. lib. 3.

3. Apud Hippocratem lib. de locis in homine, locus est in quo de pleuritide sicca loquitur ; sed nomen siccum longe aliter quam hic sumitur. Etenim pleuritim siccam vocat, in quo successu temporis pulmo resiccatus adheret costis : unde dolores lateris.

4. Unde lib. de vetere medicina, erysipelas, peripneumonia, defluxiones falsa, acres, humida, incocta dicuntur : quæ quum crassiores redduntur, coqui dicuntur.

5. Libro 1. Aphorismorum, aphor. 12. & aphor. 50. lib. 2. προγνώσκων docet sputa in morbis thoracicis initio apparere debere, in peripneumonia, biliosa remissa tantillo sanguinis, an hoc vult initio morbum debere esse coctum. Magna hæc controversia, quam hoc in loco dirimimus : & in margine Commentarii in aphorism. 12. lib. 1. Aphor.



6. Quibus antequam facti essent pleuritici, pulmo erat male affectus, aut catarrhus aliquis statim initio pleuritidos multum mucorem excernunt, & tamen eorum pleuritis non dicitur esse humida, sed sicca, nisi de materia conjuncta excernatur, quod notandum.

7. Nota choleram siccam usu balnei juvari, ut patet ex lib. 7. Epid. de Pausania filia, quæ ex fungi crudi esu incidit in choleram siccam, hydro-meli valde ei contulit.

8. Vide Galenum comment. in aphor. 34. lib. 4. & in sententiam 54. lib. 2. Prorrhetic. ubi vocem τὸ ἰχνὺς interpretatur per id quod in Prognosticis ab Hippocrate dictum est: τὸ μὲν ἐκδηλον ἐν τῇ φάρυγγι ἐμποιῶν, quod nil manifestum in faucibus facit.

9. Apud Hippocratem sect. 7. lib. 6. Epidemior. quum de quadam constitutione loquitur, ait; Pharynges inflammabantur: deinde paullo post Anginæ fiebant. Sic aliud est Pharyngas, aliud Anginas.

10. Et partic. 28. sect. 1. lib. 1. Epid. notat Hippocrates a ferina destillatione pharyngem esse vitiatum & tabefactum, a qua tabefactione sequitur retractio quadam gutturis. Vide librum Definitionum nostrarum in voce κατελῶσαι.

11. Αὔχμος non tantum debet intelligi de calidissima tempestate. Nam quum nulli flatus plane excitantur, sive torreat omnia æstas, sive rigeat plane hiems, tunc αὔχμος Græcis dicitur. Et quum hiems anni 1572. rigentissima fuerit, non mirum si morbi alii fuerint quam qui in hiemem moderatam incidunt: Nulla, aut pauca fuerunt apoplexia, carentia somni fuit: dolores superficarii & anginosi cum pauca febre, & hoc a squalore fuit: Quem squalorem hiemalem Virgilius videtur describere, quum in Georgicis ait, penetrabile frigus adurit. Adustitio illa Virgiliana magnam habet ἐνέργειαν.

12. Apud Hippocratem sect. 7. lib. 6. Epid. manifeste apparet hoc nomen Angina ἔνθα; quia nihil aut parum cocti educebatur. Item τὰ παραπληγικὰ ἔνθα, quod mirum est.

## CONSILUM LV.

### De Cholera morbo.

**Q**UONIAM dum disputaremus de morbo sicco, de angina sicca, necessario incidimus in disputationem de Cholera humida & sicca: non alienum ab instituto erit, si nonnulla quæ animo concepta habemus de Cholera morbo, eloquamur ac exprimamus. Hæc enim intellecta descriptaque plus voluptatis afferent, quam animo retenta. Aphorismus est Hippocr. in Coacis animadversionibus, τὰ λεπυρῆα μὴ χολέρας ἐπιγνωμένους ἢ λύσαι: Leipyriæ, febres non solvuntur nisi superveniente Cholera morbo. Quæ Hippocratis sententia quoniam obscura est, & a communi sensu judicioque remota, ob latentem quem in se fructum continet, plenius a nobis est enucleanda.



Ac primum ut plenius res intelligatur, de febribus leipyriae essentia agendum, ut tandem constet an Cholera morbus leipyriae febris solutionem afferre possit. Nulla est consensus inter Græcos & Arabes de leipyria febre, immo ne inter Græcos ipsos. Καύσας & febris leipyriae magna est affinitas, iisdemque pæne symptomatis morbus uterque sese profert ac prodit. Sitis est ingens, jectigatio, mentis percussio, vigiliarum assiduitas, partium extimarum refrigeratio, sed præsertim in leipyria, æstus in internis. Galenus Comment. in Aphorismos ait: *Partium extimarum refrigeratio æstuantibus internis solis accidit febribus quæ Causoi dicuntur, perniciosas, vel potius malignis, ut leipyriis.* Quo loco leipyrias febres ad καύσας referre videtur: & notandum hoc est. Causa autem recessus ad interiora caloris, vel est ingens inflammatio, vel erysipelas. Sic leipyriae febris hyparxis in eo consistit. Id autem statuunt discriminis inter continuas ardentes & leipyrias, quod καύσας sequantur inflammationem internam partis alicujus, leipyriae congestionem humoris biliosi in alvo, qui aliquid ἐρυσιπελατώδες in ipso ventriculo efficit. Quod fortassis quosdam Græcos adduxit ut existiment Erysipelas solum ventriculi leipyriae febris auctorem esse. Nec enim plegmone est. Videndumque est an bilis in ventriculo æstuans erysipelatodes aliquid afferat: & an sit tumor. Nam credibile videtur bilem quamdam prærubram & viscidam membranis inhærere posse, partim in occultis viis subsistere, quæ dum inflammatur, nec facile a parte defecatur detergeturque, concipitur æstus ingens qui recessum afferat caloris foris intro. Quod si verum, an τὰ λεπυρῖα μὴ λύονται μὴ χολέρας ἐπιγινομένης; An leipyrice affectiones, vel febres leipyrice non solvuntur nisi successu cholerae morbi? Locus ille Hippocratis si verus est, & focum, & causam, & curationem leipyrarum explicat. Quidam verbum λύειν in malam partem accipi volunt, ut morbi solutionem ad interitum significet. Quo in sensu sumtum est in Aphorismis, τρόμος ἐπιγεγόμενος παραφροσύνην λείει. Tremor in febribus post ingens delirium succedens illud delirium solvit, id est, delirii quidem finem affert, sed simul & semel hominem de medio tollit. Et est politicus loquendi modus quum agrum quempiam non amplius laborare dicimus, & ab omnibus malis liberatum, per mortem, supple. Postquam enim mors percussit. Itaque dicunt, Leipyriae febres non solvuntur, nisi Cholera superveniente, id est, cholera solvit febre leipyrice; ac si dicat, finem quidem leipyriae affert, sed una ad interitum ducit. Quod mihi non placet. Quum fieri possit ut Cholera morbus leipyriae succedens, eam tollat; quod mirum esse possit. Leipyria morbus funestus est, Cholera quoque funestus morbus & acutissimus brevissimo tempore hominem e medio tollens. Qui fieri potest ut morbus per se funestus alterum morbum funestum solvat? potius enim malum malo cumulari videretur. Atque ita interpretandum est Hippocratis consilium.

Comm. in  
apho. 48.  
lib. 4.

λύειν  
quid si-  
gnificet.

CHOLERA morbus est quum sursum deorsum magno impetu bilis fertur, ut magna brevi tempore spirituum fiat evacuatio, & dolores acerbissimi sint; hinc mors. Leipyria febris, ut ante docuimus, sequitur δία-



δεσιν ἐρυσιπελατώδι ab humoris biliosi congestione. Ille autem humor non ejus generis cujus & bilis flava tenuis, quæ sua tenuitate orgasmum facit : sed est quædam bilis prærubra, squalida, sicca, viscosa, adhærens parietibus stomachi, quæque propterea nonnisi magna vi deturbari potest. Cholera morbus conferre potest ex eventu, dum videlicet in cholera morbo (cujus ὑπαρξις in excretionem consistit ἀδρόως facta) evacuatur biliosa materia. Bilis enim conclusa exitum habet per cholera morbum, natura qua data porta sese expediente humore tantæ febris tamque funestæ causa. Itaque dixit, τὰ λειπυρρικά μὴ γυνομένης χολέρας ὅς λύεται. Duæ istæ negativæ particulæ, μὴ, ὅς, adjectæ sunt ab Hippocrate per quamdam αὐξησιν & ἐνέργειαν : ac si dicat, Leipyriæ febres non possunt solvi, nisi cholera morbo superveniente : idest, necessaria est cholera morbus ut cesset leipyria. Per cholera vel proprie intelligendo morbum istum & idea & specie, signis, symptomatisque talem, vel evacuationem cholera morbo similem : idest, quæ sursum deorsumque fiat ; non quod proprie cholera morbus sit ; nam iste morbus peculiare quid habet, cujus ratione per se funestus omnis fere sit : nedum hoc boni afferre natus sit, ut manum veluti auxiliarem nobis præstet tam capitalis hostis ad alium morbum depellendum ac deturbandum. Eaque propter nomen τῆς χολέρας κατὰ χρηστικῶς tantum sumetur. Quo modo & in Coacis vocat πυρετὸς μετ' ἰλεῶν : febres cum ileis, non proprie sumto nomine ilei, sed pro simili symptomate quale in iliacis passionibus contingit, nempe pro vomitione assidua. Quod notandum. Sic & χολέρα non proprie sumetur, sed tantum pro ea excretionem quæ in cholera proprie dicta apparet, quum sursum deorsumque impetu excernitur humor. Item quum dicimus, τὰ λειπυρρικά, forte hoc nomen illic non significat febres lipyrias, quas a cholera solvi non sit verisimile, sed τὰ λειπυρρικά significat affectionem quamdam λειπυρρικὴν, nempe quum post esum calidorum ciborum, acriumque dolores ad ventriculum oriuntur, collecta ibi materia ; unde sitis, jactationes, ῥιπτασμοί, ἄσασ, syncopæ, recessus caloris intro, sine febre tamen, taliaque hic apparent qualia apparerent si eos febris lipyria occuparet. Quis enim dubitat in eo casu excretionem instar Cholera morbi factam, eam leipyricam passionem non solvere ? Et hæc probabiliora videntur, quam si τὸ λειπυρρικόν, & ἡ χολέρα in propriis significationibus accipiantur.

Aphorif.  
5. lib. 7.

Tamen aliam probabilem conjecturam afferemus, ut omnes intelligant morbum unum funestum per se, pessimumque posse alteri morbo auxilium præstare, præsertim si qua sit apparens excretio materiæ morbum priorem efficientis. Adduximus aliquando hoc in libro aphorismum, cujus veritas communi hominum judicio & rationi numquam placere aut apparere videatur. Textus autem hic est : A furore, μανία, Græce, dysenteria, vel hydrops, vel mentis alienatio, græce ἑκτασις, bonum. Ἐκτασις μανίας solvit, & tamen ἑκτασις per Galenum est incrementum mania, vel potius μανία adaucta. Quomodo ergo alienatio mentis maniam tollet ? Id fit quia humor qui maniam efficiebat quum loco aliquo conclusus esset, & in parte cerebri, dum de maniaco fanaticum



ticum facit, dispergitur diffunditurque natura exitum sibi quærente materiæ priorem morbum, idest *μανίαν* efficientis: & dum hoc conatur natura conatu motuque critico (quem *ἐφοδον* proprie vocabimus *καὶ ὄρμῳ*) *ἐκστατικὸν* reddit. Plura & commemoratu dignissima illo loco a nobis conscripta leges. Sic idem in cholera morbo, & lipyria febre continget.

Atque non ita pridem leipyria febre quis laborabat: leipyriam esse, non autem *καῦσον* declarabat lingua; nec enim ut in Caulo scabra erat, sed nigra a bile adusta in ventriculo erysipelatis modo æstuante, & resudante ab ipsa alvo accensa. Deplorata omnis erat salus. Ecce subito ac si cholera morbo detineretur, quum prius ficcus morbus esset, idest, nil dum excerneretur eorum quæ in vitio essent, fursum deorsum magna bilis copia fertur, & febre lipyria absolvitur. Quum enim in lipyriis febribus commendatur Cholera morbus, non de sicca cholera, sed de humida locus est intelligendus. Nam sicca cholera perniciofa est admodum, & potius leipyriam febrem accerferet quam eandem solveret.

Sed hæc omnia dicta sint de Cholera morbo & febribus leipyriis, quorum intelligentia compendio ad curationem utriusque morbi, sed præsertim febris leipyriæ est profutura: in hisque ut in omnibus admirabilis est Hippocrates.

## CONSILIUM LVI.

*De fluore muliebri.*

**P**OÏS *γυναικίος τῆς κατάρσεως* nomine potius quam *κυνώσεως* donandus multas mulieres affligit, ex earumque numero albas, & quibus lævis admodum, æqualis & jucunda visu superficies inest. Hujus rei rationem reddunt, quod iis cutis sit adstricta, proptereaque excrementis non pateat: tum quod delicatioris molliorisque sint habitudinis, eoque in morbos proclivioris. Tertio accedit quod sint effeminatiores aquosæque magis, quas libris de Diæta Hippocrates *ὕδαταινέσας* vocat, unde excrementorum molestam vim non facile depellunt: fluxionibus sunt obnoxia, & partes principes quum quodam modo aqueas, laxas, uliginosasque habeant, putredini minime obfistunt, immo facile corrumpuntur, & longis morbis aut implicantur, aut aliorum vim impetumque non sustinent. Dicam quod nobis videre contigit forte, cujus non negligenda observatio ut non minimum adjumenti allatura & ad medendum, & ad præsentendum. Quædam quum quatuor annos fluorem illum pertulisset, quum frequentibus leipothymiis prehenderetur, adeo foetidam proluviem per pudoris sinum excernebat, ut nullus quantumvis graveolentium rerum odorationi assuetus, esset ferendo. Alteri diutius foetens putrisque illa iluvies effluerat, quum annos sexaginta nata foret, usurpato levi quodam remedio inopinato suppressa est. Nec diu impune eam suppressionem,



tulit. Etenim diabetes illius loco multo funestior successit, manifestus, suis sese signis exprimens, tres aut quatuor menses exercuit, & ad mortem comitatus est. Tota fere die urina plane aquea fluebat, nec natura eam sistere poterat. Quum sat bene habita esset, emacruit continuo, & siti inexplibili cruciabatur: lingua arescebat, & eam pellucidam præ siccitate vidi. Fœtidum expirabat & cadaverosum. Quæsi num in renum regione sensum caloris aliquem ob putrem materiam suppressam percepisset: quum constitisset a squalida siccaque intemperie diabetem originem capere solere. Retulit caloris loco ita partem illam perfrigentem percipere se ac si glacies inibi cogeretur. Quod nobis persuasit fluorem illum muliebrem a falsa partim acidaque materia manavisse. Nam quæ in ejus marito superiore hieme materia acida tenasum fere immedicabilem peperebat, eadem partim fluorem illum & proinde hydropem ad matulam adduxerat. Hæc fuit morborum successio. Hinc patet eos de ægris male mereri Medicos qui indicatione a morbo sumta aliquatenus, de suppressendis effluviis cogitant: non rati periculosam esse suppressionem ejus fluoris qui multos annos ægrum occupavit. Itaque fontem catarrhi sensim exhauriri oportuit, diætam institui exsiccantem, decocto sarsaparillæ uti, purgantibus medicamentis repurgari ægram: venam secari, malignam qualitatem oppugnari, atque ita rerum meliorum expectatione ægra fuisset allevata ac recreata.

## CONSILIUM LVII.

**N**ONIS Aprilis anno 1573. mulier quadrata, boni habitus, & integre sana, ad sudatoria vulgaria, Galli *Estuves* vocant, proficiscitur. Tertio post die dolere ei incipit imus venter. Dolorem primum vagum, Practici deambulativum vocant, percipit: deinde ad partes paullo superiores revolvitur, stomachumque quodam velut pondere premi queritur. Quum gravissime doleret, Medicum consuluit, qui statim carminativo clystere, ut fere fit Parisiis, quum primum quis de dolore torminoso conqueritur; sed id male fit, ut paullo post dicemus. Alvus licet irritata nihil reddidit: totam noctem insomnem duxit: consternabatur. Mane subiectus alius clyster vehementissimus, nil reddidit. Et hic tertius dies erat, quamvis nec primo nec secundo decubuerat. Prehenderunt eam frequentes syncopæ, sudores ad claviculas. Mente constabat: datum cardiacum, revomuit: frequentes vomitiones erant, frigus extremarum partium. Character faciei plane deletus, quod mirum, tam brevi contigisse. Tertia pomeridiana interiit. Ego illam tertio tantum die vidi ad meridiem. Talia mihi videre contigit: Frigus erat partium extimarum, frequens virium lapsus, ἀσφυξία perfecta: deinde vermiculans pulsus, hypochondria satis æqualia, sed illa, & regio ventriculi contrectata etiam blande dolebant, & syncopen inducebant. Necessario erat illi propendendum in dextrum latus, inclinato etiam capite: si aut supinam figuram retinere



nere cogeretur, aut in sinistrum latus devergere animo deficiebatur, & pene suffocabatur. Vomitiones perpetuæ: nil alvus reddebat. Et quod notandum, ingenti siti & inexplibili afflictabatur. Narrabat se in ventriculi regione velut ardentem carbonem sentire. Jactabatur: irrequieta erat. Itaque non mirum si mors tam repente adventarit. Diligenter rogavi num longo ante tempore dolores ullos percepisset? Mensē unum præcessisse dictum est ex quo de stomachi dolore quereretur. Obstetricum judicio utero ferebat. Quadraginta diebus ante solum menses apparuerant. Nunc quarendum quod genus morbi, qua & arte ei succurrendum fuerat. Potuit esse cholera sicca? Apud Hippocratem 4. Acutorum, cholerae siccae historia proponitur, *Ab arida cholera, ait, venter inflatur, strepitus sunt, dolor pectoris & laterum, alvus nil dejicit.* Addo, & vomituriendi esse desiderium, dolores summos ad stomachum coercitis flatibus in partibus abdominis, sudores frigidos, unde præ dolore virium prostratio, recursus caloris intro, & multa alia. Illius morbi qui acutorum numero recensetur, tota historia describitur paullo ante. Vel potuit esse suppressio omnino excrementorum malignorum, quæ in partem superiorem, nempe regionem ventriculi, delata sunt undelibet ut in partem jamjam dolitantem (sicut ante meminimus). Ita enim observavimus in constitutione illa temporis maligna (unde infiniti pene ruri peribant) aliis ab hypogastrio delatam percipi materiam ad costas, unde pleuritides: aliis ad ventriculum, unde suffocationis metus; aliis herpetas natos vidimus: aliis ignes sacros vel inferne sursum, vel superne deorsum lata materia; unde effera reddita magis materia, traducta est in ventriculum, & primam regionem stricte sumtam, & illic apostematis speciem excitavit. Tale morbi genus observasse videtur Hippocrates in Prorrheticis: *1 Quæis lumborum tenus & diurni dolores ad hypochondrium revolvuntur, reducunturque, & ciborum aversio, dolor his valens intentus ad caput perveniens, cito interimit cum convulsione*, idest: Fieri potest ut excrementosa materia per se initio *id est* ideo minutulos dolores excitans, tamdiu in mesenterio resistat quoad aliquid maligni acquirat, unde effrenis reddita, tandem suis ruptis repagulis orgasmo quodam in partes fertur, si in caput cum convulsione interimit. Addo, Et si in ventriculum suffocationem adfert, si in aliam partem aliud atque aliud. Nam quod in uno observatum est, id in multis potest intelligi. Est & paullo ante eodem in libro similis aphorismus, *Ventris circumtensio liquida ad necessitatem dejiciens, cito intumescens convulsivum quid habet.* Illud in Equisone in vico *de la Mortellerie* observavimus, qui quum sero bene cœnasset, quarta matutina prehenditur febre acutissima, circa duodecimam meridianam totus imus venter inflatur, delirat, tertia pomeridiana pulsus parvus fit & frequens: nigra dejiciuntur: sero pectus dolet. Duodecima pulsus formicans, interiit tunc. Corpus totum intumescit, & nescio quibus suspectis maculis exaratur. Illud idem Hippocrates, sed non tam aperte ut nos explicat. Sic ei mulieri contingere potuit a reducta materia a parte inferiori in superiorem. Ut sæpe idem a materia delata superne deorsum potest evenire. Quod observavi-



mus in filio vitrearii . Prima die dolor exiguus ad latus dextrum : vomitiones assiduæ , secundo dolores inferius ad ventriculum & xiphoidem cartilaginem percipiebantur : tertio habebat ὀρδοσάδω : quarto summus ad ventriculum dolor , inflatio : extimorum frigus , leipothymia , sudor , mors .

*Histor. 4. sect. 3. lib. 3. Epid.* Et hoc contingere posse notavit Galenus in comment. in Epidem. ubi notat initio morborum funestissima symptomata evenire quod in visceribus malignus humor resideat atque restagnet , adeo ut venenatorum animalium venenum adæquet ; 2 unde inopinata mors advenit . Quod & huic mulieri contigisse videtur . Sed tanti incendii perceptio quantum ægra narrabat in suspicionem nos adducit eam febrem leipyriam esse , ab apostemate quodam in primis venis , unde nec in latus decumbere non poterat , & sine tumoris sensu ( alioqui ingentem esse oportuisset ) vix minimum appulsum digitorum ferre poterat : & ejusmodi apostema speciem aliquam iliaci morbi asferre potuit . Sæpe enim de repente in primis intestinis & phlogosis , & tumor non ita altus oboriri potest , qui brevi ad interitum ægros præcipitet . Præcesserat velut dolor quidam colicus acerbus , quem frustra ignaræ mulierculæ ad uterum referunt . 3 Et Arnaldus Villanovanus annotat colicam quamdam mortalem , ut quum remediis ( inquit ) non allevatur dolor , sed figitur in parte , & vomitus post vomitum insequitur : & sudor frigidus oboritur , parvumque extimarum perfrigeratio . Et quod tam propinqua ventriculo pars laboraret , illud forte erat ob colon intestinum cui ventriculi fundum incumbit , & in eo verisimile quoddam apostema natum fuisse . Annotat quoque colicam in iliacam aliquando degenerare , & hanc in illam . Ex omnibus his colligo omnium verisimillimum videri vel simplicem colicam fuisse , vel a colica natam iliacam ; quæ iliaca citius interimit quam colica ipsa , quod in tenuibus fiat quæ ventriculo sunt propinquiora . 4

Nisi forte quis dicat febrem omnino pestilentem fuisse . Nam quod livens corpus post obitum apparuerit , id ad excretionem caloris febrilis , & naturalis extinctionem referri volunt .

Ceterum polliciti sumus demonstraturos nos non e re morbo occupatorum esse in colicis doloribus statim vehementes acresque clysteres subjicere : & tandem hic error pessimus inolevit , ut operæ pretium nos facturos existimemus si carminativum enema subdamus . Quod legeriat in doloribus colicis sive fugacibus , sive fixis talium clysterum usu adjumentum asferri . Sed id intelligendum modo tempore & loco exhibeantur . Nam ( ut annotat Arnaldus loco superscripto ) multi errant Medici ineuntibus doloribus colicis statim subdentes enemata acria validaque : hæc enim facces jam induratas magis exsiccant & exsuccas reddunt , & tantam afferunt perturbationem , ut natura sæpe sese colligens omnia retineat , quæ tanto molimine avellere cogitamus . Quod ego sæpe observavi : & clyster blandus mitisque in doloribus ejusmodi plus aliquando profuit , quam ita validus & acer .

Ecquid præsidii asferri poterat ad declinandum tam funesti morbi , tantæque præcipitis exitum ? Non est dubium quin blandis enematis alvo irritata



tata lataque pars materiæ quæ diu restiterat alio divertisset: sequenti verò die satis valido eccoprotico exhibito, quod in mediis viis hærebat, foras deprimi; exigique potuisset. Tertio & fatus ad partes adhiberi potuisset, & cardiacis locus fuisset.

Talis fatus præscriptus, sed jam res erant deploratæ.

℞. *florum chamameli, meliloti, an. p. j. absynth. m. j. s. sem. anisi & fœniculi an. ℥ s. santali citrini ℥ ij. cyperi ℥ s. rosarum p. j. fiat decoct. in aqua, addendo vini albi parum, & sacchari ℥ ij. ob inflammationem. foveatur totus venter.*

Item ℞. *destillati restaurativi & aq. cardui passat. in manica, cum electuar. diatracag. frigidi an. ℥ ij. in quibus dissolv. diamargar. frigid. ℥ j. rasur. ebor. ℥ s. theriacis ℥ j. syrup. de limonibus ℥ j. fiat potus.*

### ANNOTATIONES.

1 Si quis legat historiam de morbo caliacò apud Celsum, videat pene historiam hujus morbi; nam singula symptomata congruunt inter se. Hollerius talem morbum ad febrem *ασώδεια* poterit referre; perpetua enim ja-ctatio, hypochondriorum contentio, materia est crassus humor, acer & biliosus, tunicis stomachi imbibitus.

2 In hac muliere, sicut & in nonnullis aliis, quorum hic historia continetur, initio magnus est æstus, & respiratio magna æstui analoga: sed subinde perfrigeratio sequitur: & quum æstuant interna non magnum spiritum ducunt, sed fiunt *βραχύπνοι*. Hujus rei rationem reddit Galenus comment. in historiam 3. sect. 3. lib. 3. Epidem. ubi notat contingere in febribus istis malis ut initio ingens admodum sit incendium, & magna sit respiratio, & partium calor: sed statim ita digeritur totus calor febrilis pene consumptis fervefactis humoribus putribus, ut remaneat paucus & languidus calor natus: & ille calor natus (ait) prius exstinguitur quam de-novo febris illa accendatur: hinc mors non longe sequitur. Locus commemoratione dignissimus est.

3 Hujusmodi colicam letalem, vel affectum similem in quo ob doloris vehementiam, animi & defectiones sequuntur, & revocatur calor intro refrigeratis partibus extimis, explicare videtur Hippocrates aphor. 26. lib. 7. In forti dolore ventris partium extremarum frigiditas, malum.

4 Eodem morbo paullo post periit auriga quidam. Primo die dolor levis ad latus sinistrum, qui statim & pedetentim ad regionem lienis descendit ac increvit: vomitiones frequentes, dolor stomachi secundo & tertio: perseveraban: vomitiones rerum viridum, eruginosarum: dolor lateris non affligebat: in ventre inferiore vagos dolores percipiebat. Quarto, de nocte omnia exacerbantur, partes extrema refrigescunt: cogimur præ suffocatione mittere sanguinem, quod ita requireret ager: vomitiones tamquam lutosi nigrique humoris. Syncope: mors. Omnem autem usum remedium mors ipsa antevertit.



## CONSILIUM LVII.

*De alvi fluore in muliere gravida.*

**C**IRCA initium hujus libri narrata est historia uxoris cujusdam thesaurarii quæ ab alvi fluore dysenterico tertio post partum die, qui totius morbi vicesimus erat, interiit. Conditiones fluoris istius, & quæ aderant prava signa; ut vomitus mox æruginosus, nunc biliosus, & mæracus, febris, hepatis tumor ἐπώδυνος non poterant non ad malum apparere. Quæstio esse possit an uterum gerenti alvi fluor sit calamitosus, Hippocrates quidem scripsit, *Si gravida alvus plurimum profluat, metus est abortionis.* Quod verum; quia & ob dolores, & defraudationem ipsius fetus magnæ corpori feto mutationes contingunt. Sed ex omnibus Hippocratis pronuntiatis unum est in Prorrheticis animadversione dignum, & ad prognosin, & ad curandi occasionem præbendam accommodatum. Narrat eo loci duas esse dysenterias, unam cum febre, variis excrementis, hepatis inflammatione, aut præcordiorum, aut ventris, cum ciborum aversione: Aliæ quidem sunt sine his signis cum ramentis quidem & sanguine, sed breviores sunt, & eas vocat λυσιτελείας fructuosas commodasque agris, quod aut a diuturnis, aut brevibus morbis ægros asserant. De his posterioribus loquens ait: *Quæ uterum gestant ab hujusmodi dysenteriis, & ad partum, & ex partu evadunt, fetus sanos habent, etiam per multos menses & sanguine, & ramentis excretis.* Ergo quum in illa muliere mala illa signa apparuerint, quorum injecta mentio est, non mirum si præceptis mortis periculum ingruerit. Et observatum est in illustrissima domina ab Insula per majorem graviditatis partem sævam satis dysenteriam affuisse, hinc tamen salva evasit & incolumis, vitalem fetum edidit. Est enim ubi dysenterix malæ sunt, quum præsentem partium naturalium prava dispositione perennis sit graveolentium excrementorum proventus: est ubi tantum congeries facta est excrementorum, quorum evacuatio & fetum & fetam in melioris valetudinis bonam spem adducit.

## CONSILIUM LVIII.

*De singultu febris superveniente.*

**C**IRCA principium libri hujus de singultu in febrem longam incidente dictum est, & qua ratione constituenda sit febris singultuosa, cujus Hippocrates meminit in quibusdam locis, ut illo loci annotatur. Omiseramus omnes singultus causas recensere: quod hoc loco data opera a nobis præstandum est. Ac duo proponuntur, prius ut singultus causæ explicentur: posterius, ut quærat cur in febres longas singultus incidat, præsertim cum marasmo & cutis squalore conjunctas, quindecim aut viginti ante obitum diebus; an id ratione exhausti: & si ratione exhausti, qua id ratione fiat. Quæ omnia non minus cognitu digna sunt, quam utili-



utilitate uberrima. Ac primum singultum definiunt, motum depravatum ventriculi & contra naturam, quum proprie convulsio non sit, sed *σασμός τις*, ut vocat Galenus. Convulsio enim proprie cadit in partes quæ moventur *σποδυετικές*. convulsioque symptoma dicitur causæ morbigicæ tantum, singultus autem, tussis, sternutamentum naturæ a causâ morbigica irritatæ. Auctor est Galenus & singultum, & convulsionem ab inanitione & repletionem fieri sententia Hippocratis: quamquam venenatam qualitatem acremque vaporem tamquam quid tertium singultus convulsi causam alio in loco idem Galenus constituit; quod plerisque negotium dedit in tutanda Hippocratis sententia, duas tantum causas generales adstruentis. *2. de sym. caus. Com. in Aph. 13. lib. 6. Aphor.*

Nonnullis videtur Galeni sententiam apte commodeque defendi posse, si dicant per accidens tantum venenatam auram convulsionem proprie dictam committere, nimirum feriendo aut cerebri ventriculos, aut nervos: per se autem singultum eundem auram committere. Ut convulsionis proprie dictæ causæ duæ statuantur per se, inanitio, & repletio, tertia autem ex eventu, qualitas venenata ut in febribus pestilentibus singultuosus apparet: singultus autem ipsius tres ponuntur causæ, inanitio, repletio, & vapor ferinus. Quasi vero dum e tibia ulcerata, aut cancrosa effertur vapor attingens ventriculos cerebri, non efficiat epilepsiam, aut convulsionem proprie dictam, ut ea ratione argumenta illa tantum diverticula constituantur.

Tamen quoniam rationalis Medicus Hippocrates generalibus suis theorematibus contentus iis fidem adhiberi vult, nec inferius demittens se ad particulares quasdam causas singultus contemplandas, earum vim & ingenium explicat, quod apprime ad medendum confert: ideo ne temere persuasi illa propositione generali, Omnis convulsio aut ab inanitione, aut a repletionem est: in singultu in febrem pestilentem incidente evacuandi consilium captemus, Galenus *τέκμαρτιν* ex rerum privata observatione instituens ad legitime curandum quasi neglectis duabus illis causis tertiam adstruit. Nam *Gorrens in dict. λύξ.*

exempli gratia, in pressu costæ, in maligna qualitate, in perfrigeratione summa, in descensu intestini, si, ut fere fit, singultus contingat, an is a repletionem, an ab inanitionem? Si a repletionem est, ecquæ illa est repletio? Repletio tamen est: quum nemo tam medicæ artis ignarus statuât inanitionem illius convulsionis causam esse. Quum itaque repletionem causam sui agnoscat, qua illi ope succurrendum est? Si enim a repletionem principium causamque ducit, huic inanitio utile est remedium. Nemo tamen auræ pestilenti, aut frigida intemperiei, aut singultui a prolapsu intestini nato evacuans remedium instituat; ut necesse fuerit Galeno ad peculiarem remediorum institutionem tertiam aliquam & singultus & convulsionis causam inducere: ad eorum opinionem debilitandam, qui ut errore vindicent Galenum, tertiam illam causam convulsionis in singultu, non autem in convulsione proprie dicta comprehendant.

His omissis, ut peculiare singultus causas perstringamus, dicam adhuc quod mihi hac in parte probabile videtur. Eodem jure cum Hippocrate duas & convulsionis & singultus causas tantum constituyente agere possumus,



mus, quo & idem Hippocrates cum veteribus qui quatuor primas qualitates sanitatis & morbi causas statuebant: Et tamen hos reprehendit, quasi non & Hippocrates & tota Medicorum familia primarum quatuor qualitatum *ποῖαν κρείσιν* sanitatis fundamentum, ut & illius *κρείσεως* eversionem ægrotationis causam jampridem posuerit; ut non inepte generali proloquio illi veteres ab Hippocrate tamen frustra, ut videtur, reprehensi, quatuor primas qualitates & morbi & sanitatis causas ponere voluerint. Quid ergo sibi vult Hippocrates quum eos erroris insinuat? Quia universalius hoc fecerint, rati satis esse ad Medicinam faciendam in generali rerum contemplatione versari: nec infra descendentes quid in quaque re proprium sit considerant. Quomodo magna ægrotantium clade plerique qui se phisicos profitentur, ex eo jam magnos medendi artifices & principes existere se falso sibi persuadent, quod in naturali rerum speculatione *τῇ ἀπαματῇ* magnos progressus fecisse se opinentur. Quod non satis est: immo ne sufficit quidem Medicorum theorematon vim omnem tenere, nisi ad inferiora te dimittas; quod Hippocrates *τέκμαρτον* vocat. Atque eodem modo Hippocrates Gnidios medendi magistros fugillat, qui speciosis remediorum nominibus & titulis quum in populo jam jactationem habere se perspicerent, inde se in magnos medicos evadere arbitrarentur. Quod ut vitaret Galenus in assignandis convulsionis & singultus causis, non satis putavit factum si inanitionem aut evacuationem & repletionem horum causas poneret: sunt enim generaliores, & sensui magis subditæ, sed tertiam causam agnoscit, ut speciales notiones prosequatur quibus ad medendum doceamur. Possumus & quartam & quintam causam agnoscere, quam ægre aut ad inanitionem, aut ad repletionem referemus. Aut si referantur, nihilo magis proficitur, sed tantum res involvitur, & nescitur sæpe quid opis afferendum: ut frustra recurratur ad illam distinctionem quam supra attulimus, nimirum quod singultus per se a tribus causis fiat; repletionem, inanitionem, & auram. Convulsio autem non fit ab aura per se, sed *καὶ τὸ συμβεβηκός* tantum. In ulcere maligno dum effertur vapor epilepsiam inferens, an non illa epileptica convulsio per se fit? Quidni? Sic *Aph. 45. lib. 3.* Galenus in tertio Aphorismorum confuse & apoplexiæ & epilepsiæ causam eandem, crassum frigidumque humorem statuit, & locum: ergo a repletionem est: tamen alio loco dum disputat de sternutamento (idem autem est iudicium de sternutamento & epilepsia) ait non quemvis humorem (de frigido præsertim intelligit) in capite redundantem sternutationem asferre, sed flatuosam esse oportet, & acrimoniam acquirere. Hic patet Galenum jam seniore, prudentioremque factum ad specialiores causas descendere, nec ita sese universalibus pronuntiatis addicere, ne specie recti decipiamur.

Sed jam pensum absolvamus. Singultum facit inanitio, facit & repletio. Verum quidem illud, & vulgo ipsi cognitum. Repletio vel a flatu est, vel ab humore acri, vel ab humore lento, frigidoque: & pro causarum varietate variant quoque remedia. Nam ut veteres practici loquuntur, vel per contemperationem curatur, vel discussionem, vel excussionem. Primo modo



do quum ab humore acri est : secundo, quum a flatu : tertio quum ab humore tenaci ac contumaci ventriculi parietes offarcente. Sic Hippocrates de singultu 3. disputans, ait, *A singultu habitum sternutatio liberat*. Et in Commentario Galenus exemplo puerorum, qui repleti subinde singul- <sup>Aph. 13.</sup> <sup>lib. 6.</sup> tiunt, docet repletionem maxime singultus causam esse. Nam qui fiunt ab exhausto, sunt rariores, ait. Unam autem ex causis externis repletionis causam statuit frigus & frigiditatem, seu perfrigerationem. In Græco est *τὸ κρύον καὶ ψύξις*, Leonicens vertit, *rigor, & frigiditas*; nos melius *cru- dor* ( Gallis, *morfondure* ) sive frigus, & perfrigeratio. Hujusmodi au- tem externum frigus, quia nervosa corpora reddit, minime perspirantia : unde fit ut in iis humor supprimatur. Et hæc Galenus illo loco. Qui autem humor agglutinatus tunicis ventriculi cum majore vi ad demolitio- nem sui indigeat, sternutatio confert. Galenus in Aphorismis vomitum & <sup>Aph. 39.</sup> <sup>lib. 6.</sup> singultum ejusdem fere generis esse statuit : hoc autem inter se distingui, quod vomitu ea exigantur quæ in ventriculo natant ; singultu autem na- turam procurare eorum excretionem quæ tenacius adhærent tunicis ventri- culi. Atque omnino a flatu singultum fieri videmus, ab humore acri, præsertim superius orificium ventriculi feriente : vel quod a corrupto ci- bo sit, vel quod ab hepatis cysti refluat, vel quod ibi collectus sit per phlogosin ventriculi, vel quod ab inflammato hepate resudet, ut paullo post dicemus. Item fit ab humoris adhæsu, ut dictum est ante, compres- sione costæ, quod annotavit Fernelius, ab intemperie frigida ventriculi, ut de eo notum esse potest, qui quum gracilis esset, & superius orificium ventriculi delicatius frigidiusque haberet, Medicis persuadere voluit ne in febre continua qua conflictabatur aquam propinarent : quod quum tamen fecissent, & eum singultire, & convelli fecerunt, unde interiit. Singultie- bat sæpe si quid frigidius cepisset. Hæc Galenus. Ad has singultus causas <sup>1 cap. lib.</sup> <sup>de con-</sup> referri potest prolapsio intestini quod in senibus contingit maxime, & sæ- <sup>suetudi-</sup> pe moriuntur. Febris singultuosa non est quoque omittenda, de qua Hip- <sup>ne.</sup> <sup>4. Acut.</sup> pocrates. Agnoverunt & veteres inflammationem ventriculi, hepatis, me- mingon cerebri, mesenterii singultum asferre posse, quod per resudationem fit, & per consensum. Ac de cerebri inflammatione quæ singultum effi- ciat, existat Hippocratis aphorismus, *A vomitu singultus & oculorum ru- bor, malum*. Cujus aphorismi ex comment. Galeni hæc est <sup>Apho. 3.</sup> <sup>lib. 7.</sup> *διότινα*. Sæ- pe contingit ut materia inhærente ventriculi parietibus, natura per vom- itum conetur deicere id quod molestum est : et si præeuntibus vomitionibus singultus remaneat, malum. Quod tamen alienum a ratione videbitur. Nam prius dictum & singultum, & vomitum ejusdem esse generis : in hoc differre, quod singultus major sit conatus naturæ ad amoliendum quod ventriculo inhæret : vomitus major vis non est, sed mediocris con- tus ad evacuandum id quod in ventriculo fluctuat. Ergo tametsi præce- dant vomitus, & post eos remaneat singultus, absolute malum non est : sed declaratur impactio materiæ quæ tolli non potest nisi majore vi. Quid ergo sibi vult Hippocrates ? Particula illa, *καὶ ἐκείναι, a vomitu*, trifariam potest intelligi, vel ut simpliciter ob contumaciam materiæ prægresso vo- mitu



mitu singultus remaneat, nequeunte materia vomitu tamquam quodam minore conatu excuti: & hic singultus malus non est. Vel ut singultus vomitum consequatur, tamquam τὸ ἐπιγεγόμενον, ob exhaustum. Fieri enim potest ut adeo creber sit vomitus & vehemens, ut inde ratione evacuationis singultus nascatur tamquam malum signum & causa. De hoc aphorismus non intelligit, ut nec de priore. Tertio modo vomitum singultus insequitur ut malum signum; nam quum vomitu evacuetur materia, libereturque eo quo premitur pondere, si frequens fuerit, singultus occasio tollitur, quod si ne singultus quidem tollatur, immo augeatur, significat ab alia causa nasci singultum quam a crassa materia, sed a phlogosi & inflammatione, aut ventriculi, aut cerebri, aut meningon. Potest enim, ut jam dictum est, post vomitum sequi absolute singultus ob contumaciam materiei vomitui non cedenti, sed singultum quo excludatur requiranti: sed hic dat Hippocrates miro quodam artificio signum διαγνωστικόν quo judicare possis an singultus qui remanet heres post vomitum, tantum sit ob materiei vitium, an ob causam aliam, nempe inflammationem. Illud porro signum est, *Rubor oculorum*, non is quidem qui fugax est ob conatum vomendi, sed qui inflammationis habet aliquid. Rubor autem iste comes ipsius singultus qui vomitui successit, quatenus singultum comitatur: declarat aut cerebrum aut ventriculum inflammatum, cujus occasione singultus resedit, remansitque post nonnullas vomitu factas κενώσεως. Itaque aphorismus absolute pronuntiatus non stetisset, *A vomitu singultus, malum*: sed adjectione τὰ σημεῖα διαγνωστικὰ, verus ita efficitur, *A vomitu singultus, & oculorum rubor, malum*. De singultu a repletionem, de febre singultuosa, sive per se talis sit, sive in prolapsione intestinorum accidat, deque eorum curatione abunde dictum est ab Hollerio in Methodo medendi. Nunc quod est secundi instituti præstemus, nimirum qualis sit singultus ab inanitione, & qua is ratione fiat.

Ab inanitione & convulsio, & singultus, & desipientia contingunt. De desipientia a plerisque est dubitatum, quod desipientiæ medentium opera in eo versari videatur, ut recurrant ad medicamenta purgantia, ad cucurbitulas, & ad sectionem venæ, quod hanc omnem a repletionem oriri credant. Unde Galenus comment. in aphorism. lib. 7. *A profluvio sanguinis desipientia ac convulsio, malum*, scribit illum aphorismum magnam vim habere ad persuadendum desipientiam ab inanitione etiamnum nasci posse: quod verisimile sit ætate Galeni Medicos exstitisse, quibus persuaderi non possit ab inanitione desipientiam proficisci non posse. Agnoscit autem Galenus & ob profluvium sanguinis, & ob vigilias immodicas oriri posse desipientiam: ita ut quæ ob profluvium istud fiat, ab exhausto sit, quæ ob vigilias ab inanitione: quamquam fieri possit ut immodicis vigiliis sanguis biliosus redditus, aut bilis sicciior ac æstuantior principium, causamque det illi desipientiæ.

*Comm. in* Hæc Galenus; & nos id experientia observavimus. Nam ad ripam Sequanæ  
*apho. 18.* quidam quum menses quatuor febre quartana erraticaue laborasset, ema-  
*lib. 7.* ciatus plane, squalidus cœpit tantisper desipere, delirare, crebro resurgere,  
 & inde cataphora seu catalepsi prehensus, qua interiit. An credibile, ista



omnia symptomata a repletionem esse, quum ita corpus totum contabuisset & emacruisset ? Hoc Rondeletius diligens rerum observator annotavit, scribens Caron, Cataphoran καὶ κατάληψιν in febres tertianas longas, in quartanas incidere. Item in suburbio Sancti Victorii juvenis febre maligna satis decubuit : sexto die sanguis coepit affatim fluere, vix ac ne vix sisti potuit : Ab eo singultus successit ( dubitabant an ab inanitione, an a grumo sanguinis in ventriculum delapsi ) coepit tremere, delirare, desipere. Num & tremor, & desipientia ab exhausto contigit ? Immo ( quod ab instituto non alienum, & Hippocrates ipse non veritus saepe loquendi vulgares formulas proferre, ut id quod dicitur sensus nostros feriret magis ) vulgo jampridem persuasum est, deliria ab inanito fieri posse. Quum enim in media quemdam mente aberrare vident, dicunt propterea delirare quod hinc cerebrum vacuum sit ; ita enim vocant. Et id verisimile est admodum. Propterea alucinantur, caeloque toto errant ; qui in talibus deliriis ad hieram diacolocyntidos, ad confectum de dactylis, & alia id genus valida medicamenta concurrunt. Ergo singultus ab inanitione est. Nec falli oportet in febribus longis in quibus oboritur quum hepar praecalidum est & siccatur : quod dum fit, tenue serum resudat ab hepate, feritque ventriculum, hinc singultus nata occasio. Ob hepatis autem inflammationem patientis viciniam singultum oriri, eumque ad repletionem referri posse, ex Hippocrate potest colligi. Hujus verba sunt : *In hepatis inflammatione singultus, malum*. Et alio loco : *Jecoris inflammationem patienti singultus supervenit*. Galenus singultum esse ἐπιγεγόμενον scribit, id est, auctioris mali occasione fit. Hujus rationem reddit, quia propter nervorum communicationem ventriculus patitur, non semper quidem, sed quum jecur ad maximam attollitur inflammationem, iisdem paene verbis alio in commentario utitur : Singultus fit non quomodocumque affecto hepate, nec semper, sed quum fervente inflammatione ad magnitudinem attollitur. Sic oportet & maximam & pessimam esse inflammationem, ait Galenus. Sed hic magna difficultas oboritur, & non negligenda ; An laesio ventriculi ex qua singultus oritur, sequatur ob tumorem, & ratione tumoris ob pressum ventriculi ab hepate elato crassefactoque & intumesciente ; quod Galenus paullo ante dicebat, quum ad elationem in magnitudinem recurrebat : An vero fiat non ratione pressus & tumoris, sed quia acer ichor & serum biliosum a parte inflammata resudet, feriatque os superius ventriculi ? Quid hic dicam nescio, nam paullo ante hujus rei causam assignat inflationem tumoremque jecinoris, idque ex sua sententia : paullo post tamen id ex veterum tantum opinione constituit. Verba sunt : *Nonnulli putant magnitudinem inflammationis ventriculum premere, ac singultum facere, nequeunte spiritu exire*. Hanc sententiam non valde videtur probare : nec verisimile est ob spiritus interclusionem hoc symptoma advenire. Sic eam quidem sententiam probare quidem potest, quatenus dicit praetumoris magnitudine ventriculum offendi, & inde ad singultum impelli, non autem quod spiritus via intercipiatur. Posteriores autem rationem qua nitebamur docere ab humore tenui & bilioso resu-

*Apho. 17.  
lib. 7.*

*Apho. 58.  
lib. 5.*

*Comm. in  
aphor. 58.  
lib. 5.*

*Comm. in  
aphor. 17.  
lib. 7.*



dante ab hepate inflammato singultum excitari, ipsemet Galenus adstruit commentario prædicto. *Et quidem bile* (ait Galenus) *satis calida & multa in hepatis inflammatione genita, confluyenteque ad intestinorum principium & superfluente, necnon ad ventriculum recurrente os ipsius morderi contingit, & ita singultum nasci.* Quod probabilius multo videtur. Atque ita in inflammatione hepatis tribus de causis potest singultus oboriri, ob pressum ventriculi a tumore ob inflammationem excitato: (at sine tumore in iis quibus fervet hepar nasci potest: nec in inflammatione credibile est ita in magnitudinem hepar attolli, ut pressum commemorabilem afferat.) Secunda ratione ob ichorem qui ab omni parte inflammata transumitur: ut in inflammatione membranae costis obtentæ tussicula oboritur, transumpto ichore a parte deflagrante.

Tertia ratione ob generationem bilis, quæ quum redundet, refluit ad ventriculum; ibique id symptomatis solet promovere. Quartam Philotheus rationem addit minus reliquis probabilem. Ideo enim ait singultum inflammationis hepaticæ sobolem esse, præsertim si concavas occupet, & ingens fuerit, quod ea magna inflammatio humores a ventriculo vicino trahat, & sic exhauriat illum, quo exhausto singultus ab inanitione insequitur. Progressu quidem temporis hoc fieri potest: Sed respondeat Philotheus qui fiat ut tam brevi singultus ab inanitione ob viciniam inflammati hepatis sequatur. Hepatitis enim morbus acutus est, & intra paucos dies necat: immo initio etiam *ἡπατιτιδος* potest nasci singultus, quum non sit probabile ab exhausto tam brevi ventriculum laborare. Quæ duæ rationes a nobis productæ, confictæque, tolerabiliter videntur infringere ac labefactare opinionem Philothei. Addi & potest hæc, cur in summa fame in qua suctionis sensus est, non adest singultus? Est enim probabile si hepar deflagrans exhauriat, & cito singultum afferat, ut in exacta inedia idem contingat. Nam potest respondere Philotheus id quod scriptum est apud Galenum cap. 3. lib. 6. de locis male affectis, quum distinguit diabetem a canina appetentia. In canina appetentia vitium statim apprehenditur, & vis, quia in animali parte id fit: in diabete autem non item, quia fit in parte naturali quæ sui mali sensum non habet ut & ventriculus: potest, inquam, respondere illam exquisiti sensus facultatem qua donatus est ventriculus ob nervorum propagines multiplices, in causa esse cur penuriam, suctum, emunctionemque, ut ita loquar, & minimam & statim percipiat. Unde fit ut in simis existente inflammatione, eaque magna & commemorabili, derepente pars calida trahat, calfaciat, exsorbeat: eaque subita mutatio, & veluti *ἀπρόως* facta, singultui occasionem dat. At vero fames, quia non subitam affert mutationem, non ita singultum affert: suctionis quidem sensum inducit, sed non aliud symptoma: nisi quod quidam convulsi sint aliquando, sed id referunt ad bilem quæ ferit in jejunitate & inedia superius orificium ventriculi.

Porro si inanitio singultum efficit, cur qui tabidi, aut hectici moriuntur singultiendi finem non faciunt quum ab exhausto laborent? Et quibus



quibus alvus immodice fluit, aut sanguis fluxit immodicus, contingit singultus & convulsio proprie dicta: Sed qui sæpe tabuerunt, non prius singultiunt quam dum jam jam sunt animam acturi; unde vulgus extremum singultum apte satis appellat, quasi natura non persentiente inanitionem præcedentem ut quæ sensim fieret: sed jam jam pereunte facultate naturali singultus excitatur? Quæstio hæc difficillima est, & commentatione dignissima, ut quæ intellecta perspectaque non minus auctoritatis pondere quam utilitatis ubertate, jactationem in populo sit habitura. Quum repletio est aliqua, aut venenata aura, aut acre quippiam in ore ventriculi, aut inhærens tunicis ventriculi, non dubium quin legitima ratione ventriculus ipse molestias depellere annitens, in se ipse convellatur, singultumque efficiat convulsioni proprie dictæ æmulum. Sed quo modo præeunte insigni aliqua evacuatione singultus ab inanitione fiat, majore quæstione dignum est. Nam, ut ante commentabamur, si inanitio convulsionem afferat in corpore universo, & singultum in ventriculo, cur in hæcticis in quibus extenuationis summa sunt omnia, & summa inanitio, propalam explicatur, frequentes singultus non adsunt? Primum hæc de convulsione & singultu disputatio satius potest explicari: deinde in angustius cogi ac redigi. Nam & contra Galenum olim a subtilissimis rerum indagatoribus disputatum est, ut conficeretur inanitionem ipsius convulsionis causam non esse. Ratio autem potior illorum erat illa quam exposuimus, nimirum quod emaciatis & a morbo tabefactos ac colliquefactos convulsionibus exerceri oporteret: quod non usu-venit, nisi quod complicatum sit conjunctumque cum ipso marcere quod partibus convulsionem afferat. Atque huic objectioni ita solutionem opponunt: Ut morbus fiat, oportet mutationem fieri subitam καὶ ἀδρόαν: quæ enim lente καὶ κατὰ μέρος fiunt, idest paullatim, pigroque gressu, ea non imprimunt quid corpori, nec mutationem alterationemve effatu dignam afferunt: ut propterea convellendi occasio non adsit, tametsi ea emaciatio tabesque reciproce cum inanitione coeat; idest, tabes & carnum collapsus & marcor ad inanitionem referatur. Sed quum forte fortuna, aut critice, aut alia ulla ratione profunditur alvus, aut sanguis, aut evacuatio aliqua υπερκαθαρτικὴ contingit, e regione adest singultus, aut convulsio aliqua, quæ hominem sic repente & affatim evacuatum adoritur. Et hac maxime ratione singultus sequitur ob inanitionem. Quamquam duorum alterum esse, aut utrumque necesse est, vel ut ventriculus minimam inanitionem sui sentiens tamquam quod sibi molestum singultiat, vel quod tametsi inanitio ventriculum ipsum non attingat, tamen ex eventu sensum habet inanitionis aliarum partium. Quod ad prius attinet, fieri potest ut quia animalis sensus est in ventriculo, minimam læsionem sentiat ventriculus, in ceteris partibus idem non contingit, quod is sensus animalis non ita insit. Quod fuit argumentum Galeni in libris de locis affectis, dum probaret cur caninæ appetentiæ singula momenta, vires, & tempora perciperentur: ipsius autem diabetæ non item. Nam quum animale munus obitur exacte in parte aliqua, minima oblata occasione rei tristici



sensio percipitur. Sed hic quarat cur in inedia non convellatur ventriculus ratione exhausti, si minimæ rei tristis sensio insit ventriculo? De posteriore ita nos statuemus. Ex eventu inanitionem aliarum partium ventriculus præsentit, subodoraturque, quod tamquam in chorea fiat partium harum & illarum attractio, deinde attractio suctum inducit, & suctus suctionis sensum: cuius quum tota ratio in ventriculo ipso vertatur, non est dubium si potest aliarum partium penuriam sentire. Accedit quod inanitio ipsa attingat quoque ventriculum ipsum, sed non ita ut & ceteras partes. Nam si marcor, macies, & exhaustum eodem modo & gradu ventriculum ipsum attingeret quo & partes ceteras, fieri non posset ut animans subsisteret. Propterea in corde natura aquosum quid in pericardio constituit, ut & si totum corpus deflagraret, haberet tamen cor tamquam ultimo moriens quo sese sustentaret, & a tam subita deflagratione vindicaret. Ita & in ventriculo semper est aliquid pingue, mucosum, offarciens rugas & parietes ventriculi, ut minime sentiat damnum: accedit quod si qua alia pars ingestorum gratiam recipit, ventriculus est maxime.

Sed hæc tam accurata exactaque vix conferunt ad curandum: Tamen magni interest scire in singultu quid agat, quid patiatur, quæ causa, ne temere singultum ab inanitione, pro singultu a repletionem accipiamus. Plurimum autem refert ad Therapiam an hic aut ille sit singultus.

#### A N N O T A T I O N E S.

*Idem forte dici potest de singultu & convulsione, quod & de dolore capitis. Nam dolor capitis fit aliquando per sympathiam absolutam, ut quum nervo laeso statim cerebrum compatitur sympathia absoluta: nec enim vapor, nec materia ulla intercedit ad talem affectum committendum. Ita quoque est quadam convulsio & singultus, qui nec repletionem, nec inanitionem, quæ sunt perspicua causa, agnoscit, sed absolute fit, per modum quemdam vix exprimibilem, ut sic loquar.*

2 Quum & desipientia, & singultus, & convulsio ab inanitione fiat, male quum aliquis talis affectus contingit, statim recurrunt Medici ad attenuantia & calefacientia. In quo aberratur: & talem errorem convincit Galenus lib. 11. Simplic. cap. de castoreo.

3 Lib. 1. Epidemior. meorum observavi ex sententia Hippocratis, medicamentum irritum & inutile posse huiusmodi symptomata excitare, quod notandum est. Item filius domini Povart Regii in Camera computorum Auditoris, quum bimestri tertiana laborasset, nec ad medicamentum adduci potuisset, quum calum incanduisset paulum, datur medicamentum, cui indormiendum imprudens Pharmacopæus censuit. Medicamentum inane fuit. Movit, nil exclusit. Ab eo tempore vix febris expers. De dolore capitis, de quo prius non conquerebatur, queritur. Dum paroxysmus repetit repente æquos fit, elatis in cerebrum vaporibus, immo & febre ipsa jam cerebrum occupante (unde caloris acerrimi sensus apparebat)



parebat) ac si febris esset capitalis, ( ut sic loquar. ) Per viginti quatuor horas ἀφωρος fere fuit, & κατόχος eum prehenderat. Virtus erat debilis. Nil natura prestatit, quamvis irritata. Convulsus interiit. In cerebro nil deprehensum. Pene intumuerant parum. Vi febris interiit obseffo cerebro quoque, ut interea non esset flabellatio cordis ob respirationem non liberam. Si enim sanis quum dolores capitis derepente oriuntur, ii muti fiunt, & apoplectici moriuntur, quid non eveniet simile agris? Aphorism. § 1. lib. 6. Ad illum locum Rondeletii allegatum addi potest quod scribit Hippocrates lib. 4. Epidemiorum, ubi notat quartanam febrem tum cessavisse quum homo factus esset τυφώδης, aut τυφλώδης. Immo commemorabilis est locus Comment. in historiam de Pythione histor. 1. lib. 3. Epid. ubi dicebant interpretes Hippocratis Pythionem delirasse quod a ventre abstinuisset multo genito ac congesto semine, quod obruendo cerebrum delirii causa foret, eo modo quo in apertione capitis pressus manuum cerebrum offendit. At Galenus refutat hanc opinionem, putatque oppressionem cerebri, sive sit cum humore, sive a manu, sive a terebra, aut alio modo, non causam esse delirii, sed potius affectionis cujusdam apoplecticae ac comatosa. Qui locus præclarus est, ut scias delirium & desipientiam aut ab exhausto esse potius, aut ab humore non tam quantitate quam qualitate peccante.

## CONSILIUM LVIII.

## De febre purpurata.

**J**OANNES Dodevars in regiis negotiis quæ ad rem bellicam pertinerent occupari solitus, dum circa mensem Octobrem infinitum prope iter velocissimorum equorum cursu demetitur, ac conficit, Lutetiæ in morbum gravem incidit. Et ut homo erat acutus, agilis, expeditus, multa animo ac cogitatione versans, biliosus, irasci facilis, ita suæ naturæ congenere in morbum præceps ruit. In hoc ægro forte nos longius provehi oporteret, quam ratio proposita postularet. Nam admirabilis rerum trahere nos potest ordo, si singulorum vim explicare institutum esset quæ in morbo contigerunt. Quum itaque diu & noctu laboribus pene confectus fuisset, quum quiescere cœpit, eum cum levi horrore febris prehendit, noctem insomnem duxit: deinde magna liquidorum excrementorum copia, nil autem crassum excretum est: nausææ frequentes: paullum quievit nonnullis supra infrave excretis. Febris cœpit increfcere, jactationes & vacuitas somni, dolores ad regionem ventriculi & lienis, urinæ ardentes quodammodo vineæ, aut vino gilvo dilutæ, aliquando mali aurei colorem non ita saturum referebant. Crudæ: sitis inexhausta, etsi cyathos duos aut tres aquæ hausisset, siccavissetque, ne minimum tamen refrigerii hoc asferre videbatur, ac si in ardentem fornacem injectum id esset. Animi defectiones, præsertim quum resurgere vellet, omnium artuum contractio & lassitudo mixta ex phlegmonosa & tensiva: & quod mirum fuit, intercalaris



pulsus erat, intermissio, inæqualitas, & ea intermissio in multis pulsationibus apparebat. Tertio die sinistrum crus pustulis rubeis humilibus maculatum erat, quod nobis terrori fuit. Sed hoc sibi familiare esse nuntiavit. Febris eundem typum non servabat: noctes aliæ aliis erant molestiores. Medicamenta quæ initio exhibita sunt, educebant aliquid subrubeum, subflavum, sed paucum, & non nisi magna vi. Omnia cruda erant, & nisi moræ impatiens fuisset, medicisque vim quodammodo afferret, ut morbum primo quoque tempore oppugnarent, incumbendum tantum fuisset coctioni, negotiumque naturæ totum committi credique debuisset. Sed & venam secare, & purgare coacti fuimus, idque frustra, quum nos videremus nihilo magis e re ægri esse. Sed satis ægri fuit faciendum importunitati. Morbus longus fuit admodum, nec ante tres menses sibi restitui visus est. Notandum interea rigentem hiemem quæ tunc si alias umquam sæviisset, ad morbum producendum attulisse plurimum, quod & meatus occluderentur, & materia contumacior redderetur. Accedit quod nisi ita initio materia cruda jactata fuisset, melius actum fuisset cum ægro. Eum in quartanam casurum sperabamus, & quod illo tempore magna quartanarum febrium copia in populo jactabat sese, tum quod de liene quereretur. Tertio, quod expulsis symptomatice iis quæ liquidiora forent, remaneret materia incinerata, ut vocant Practici, adustaque, quæ cunctando putredinem accerseret, & ægrum nostrum febre quartana cumularet. Nec longe à vero aberravimus; nam tres aut quatuor paroxysmi quartani illum oppresserunt.

Hic multa considerari possunt, quorum explicatio utilitatis ubertate sit nos delectatura. Primum ex historia morbi, & excretis innotescere potuit id quod principio erat implicitum ac involutum, nimirum quæ morbi species, & a qua causa. Secundo unde ista extimarum perfrigeratio fugax aliquando: leipothymia, æstus ingens & nulla ratione extinguendus: pulsus in homine juvene inæqualitas, & intercalaris quædam intermissio, quæ periculo non carebat. Lassitudo ista, jactationes; dolor ad lienem, urinæ quales descripsimus. Quæ omnia sigillatim explicabuntur. Id quod maxime nobis terrori fuit, pulsus inæqualitas, & intercalaris intermissio in una pulsatione erat, initio quidem ordinata quodammodo erat: recreatis vero viribus inordinata exstitit. At satius est multo in rhythmo isto vitiosam inæqualitatem ordinatam non esse. Ut enim in rebus e natura ordo quippiam habet laudis & præstantiæ: ita in rebus contra naturam, non potest non ad malum apparere. Causa autem quæ nos hic commoverit atque perturbarit, est quod nos legissemus aliquando apud Galenum & inæqualitatem in pulsibus malam esse, & hac deteriore intermissione. Fernelius scribit periculosissimam esse pulsus intermissionem in juvenibus; minus in pueris, minime in senibus. Tamen ait aut ex arteriarum obstructione ortam, aut asthma, aut diuturno affectu, non ita exitialem esse juvenibus. Ex unius pulsus intermissione multi senes ac pueri evaserunt; juvenum nullus, ait: quæ pugnancia videntur. Nam aut ex asthma, aut arteriarum obstructione, aut affectu aliquo longo (præsertim minime adversa valetudine) dixit intermissionem



missionem non esse letalem . Sed quum loquitur de bona valetudine præsente , quæstionem videtur dirimere . Si enim in ceteris satis robustus & magnus sit pulsus , non dubium quin intermissio aliqua non ita periculum creet : sed si pulsus parvus , languidus , inæqualis , & auctario accedat intermissio , quæ spes esse possit ? Galenus cap. 4. lib. 2. de præfag. ex pulsibus , de pulsum inæqualitate multa , eaque præclara : primumque statuit aut in una pulsatione observandam esse inæqualitatem , aut in multis quod ( ἀδρυσμα vocatur & συστηματικόν ) aitque in uno pulsu inæqualitatem deteriore esse ea quæ in acervo ac cumulo fit . Differunt autem inæqualitas & intermissio quum hæc ad illam referatur . Quod Galenus docet quum scribit : *Periculosum est omnino non moveri arteriam , quod διαλείπαιν dicitur : quod si qua alia species inæqualitatis adest , periculosum esse dicitur* . Interpres grammaticæ tantum & obscure locum illum vertit : ac primum ex alio loco inæqualitatis pulsus causas repetit oppilationem , compressionem instrumenti , humorum copiam collatione facta cum facultate , cordis intemperiem inæqualem . In genere igitur hæ inæqualitatis causæ statuuntur . 4 Intermissio autem pulsus agnoscit causam suæ facultatis a copia humorum oppressionem , ejusdem impedimentum quominus motum tempore suo auspicetur , idque aut ob crassitudinem , aut copiam humorum unde oscillorum cordi vicinarum arteriarum sequitur obstructio . Item sæpe oscillis illis offunditur materia quæ vinculi modo intercipit motum . Interdum inflammationes , scirrhi , tumoresque partium quibus arteriæ infixæ sunt , impediunt ne libere dilatentur , unde motus intermissio nonnulla . Unde in syncopis & palpitationibus cordis hæ intermissiones parent : si quid enim tunicis arteriarum , aut cordis ipsius corpori alte defixum fuerit , in propinquo mors , intemperies inæqualis cordis intermissionis causa una non ita perniciosa est . Hæc enim inæqualitatem potius parere nata est , quæ ineuntibus febribus putridis maxime conspicua est . Galenus lib. de febribus quod ad hunc locum maxime pertinet in febribus putridis agnoscit duo quæ propria sunt , non tamen inseparabilia , σφύγμῃ δλιψῇ , coarctationem pulsus appello , & ἀνωμαλίαν , inæqualitatem , accedit tertium ἐπιπαροξύνεσθαι idest , repetere , geminare , annotationem novam habere febrem , quum videlicet accessione jam vigorem aut suum crementum assecuta , rigoris sensus quidam excitatur ac si postliminio nova accessio succederet . Quod in febribus putridis multis conspicitur : & nos anno 1572. tota hieme , & 1573. toto tempore verno & æstate quæ naturam indolemque hiemis , aut potius autumnii referret id in innumeris , præsertimque in mulieribus observavimus . Quod non aliunde contigisse suspicio fuit , quam ob materiæ inæqualitatem quæ difficultatem pepasmi afferre solet . Græcis illud ἐπιπαροξύνεσθαι dicitur accommodato satis vocabulo . At δλιψῇ fit ob copiam materiæ quæ facultatem in aliquas angustias cogens pulsus coarctationem angustiamque facit . Ἀνωμαλία proprium quidem est febrium putridarum , sive illa in calore , sive in pulsu spectetur . In pulsu quidem ob fuliginosorum putriumque vaporum cor petentium copiam . Galenus autem illo loco ait , sæpe in ipso ore ventriculi collecto quodam

Lib. 2. de  
caus. puls.

Cap. 9.  
Lib. 1.



pravo humore mordaci aut frigido parvitatem inæqualitatemque pulsus invehit : & quum in principiis paroxysmorum viridum humorum eructatio in os ventriculi contingat, unde nausææ & vomitiones ; mirum non est si affecto ore ventriculi pulsus sit ἀνώμαλος. Parvitatem quidem cum quadam inæqualitate, quum frigidus est humor : si acer & mordax humor est, inæqualitas parvitatem pulsus exsuperabit. Quod notandum est, ne temere initio morborum siue adsit febris, siue non adsit, observata aut inæqualitate, aut intermissione quadam ad venenum aut δαόντι recurramus, magnum aliquid nos dicturos rati, si divinitatem quamdam in morbo hoc aut illo dixerimus esse. At sæpe una ventriculi oris superioris obsidio propter contumaciter adhærens aliquid pituitosum illi parti, hoc symptomaton genus juniores & inexpertos Medicos perterrefaciens invehit : maxime vero si pituitosa materia circum partes has accendatur, contumaci manente materia. Nam quamdam τυφου speciem inducit.

Nunc ad intermissionem revertamur. Aliquando intermittit pulsus tantum quantum temporis esse possit in alia promovenda pulsatione, aliquando intermittit diutius, & per duorum pulsuum tempus. Hoc posterius funestum est, nec ab eo quisquam convaluit. Per tempus vero totum unius pulsus, aut paullo diutius intermissionem factam sæpe in plerisque qui convaluerint observavit Galenus, præsertim si jam affecta ætate, aut præcipitati senes essent. Quod minus mirum in senibus, tametsi periculosum esse videatur jam ipsam ob ætatem ad viam facultatem accedere istam intermissionem a morbo. Sed, quod notandum, adductis senibus, & iis quos valetudinarios vocamus, docet a magnis causis valentes de sanitatis gradu dejici, quod quum contigerit, periculosius ægrotant. Ac imbecilli & senes minima etiam occasione aut morbo occupantur, aut intermissio pulsus eis accidit, quod minus in his mirum videri debet. Itaque ab intermissione pulsus pueri & senes non intereunt, juvenes intereunt : nisi forte juvenes illi imbecilli natura sint, & senes validi ; nam tunc facile decipi possumus. Illud enim notum ex Hippocrate, *Qui laboribus assuesacti fuerint, licet aut senes aut imbecilli sint, non consuetis licet validis ac junioribus, alacrius ferunt*. Itaque est ubi in juvene imbecillo minus sit formidabilis pulsus intermissio, quam in sene robustiore. De pueris ac senibus quod ipse observavi, dicam. Carpentarius quidam nomine Gilet annos pene 78. natus, imbecillis pulmonibus ac purulentis, ut fidem eventus fecit, crudeli satis pleuritide detentus jacebat. Inæqualis pulsus & intermittens quod nobis non mediocrem metum incussit. Ista anomalia perseverabat : sæpe medendi fiduciam quam habebamus per sectionem venæ repetitam, ut fere sit, minuit ista intermissio. Tamen ista quam adduximus opinione audacior crectiorque factus, venam ter quaterque secui, convaluit. 6 Intermisio hæc ab ætate erat, juvante quoque duritie pulsus, tum ratione inflammationis, tum duritie vasorum. Quod animum addidit ut etiamnum in ista anomalia securiores essemus, erat pulsus magnitudo. Si enim ad intermissionem pulsus crebritas cum parvitate accedat, angustior longe spes est. In pictore Petro Dangers observavimus per-



perspicuam pulsus intermissionem in magna affatimque facta destillatione : hoc illi familiare est ; & tandemprehendimus duabus de causis hoc illi usuvenire etiam quum primum incipit ægrotare . 7 Prior est illi connata superioris orificii ventriculi infirmitas , ut minima etiam occasione in leipothymiam deliquiumque animi præceps ruat : sed pane in vino infriato in os injecto statim recreatur . Posterior est ingens copia materiæ pituitosæ & frigidæ a cerebro imbecillo facta ob usum modiolii continenter illabente . Rejecta enim vomitione materia multa statim priores vires recuperat . Et nos illum novimus a gravibus funestisque morbis quibus sæpe subjacet , defunctum superstitemque evasisse . In D. Barthelemy jam grandi ætate eadem a nobis pulsus inæqualitas & intermissio , cum magnitudine tamen observata est sæpe , integris satis viribus , & corpus alacre ad surgendum . Et quod mirum est , sæpe de industria in molliusculis pueris istam inæqualitatem conspicuam vidimus , præsertim quum dormirent .

Ac de inæqualitate pulsus non modo in multis pulsationibus , sed in una pulsatione , quod longe deterius esse paullo ante dictum est . Exstat historia apud Galenum de Antipatro , cui inæqualis pulsus erat admodum , quum tamen anhelosus non esset . Et tandem argumentis conjecturisque est assecutus Galenus leves pulmonum arterias infarctas obstructasque esse . Quæ quum plerique Medici agnoverint invento quodam de pulsus inæqualitate conquerenti , non temere de morte repentina pronuntiabunt , sed diligenter causis rei ejus indagatis , aliis securitatem prædicent , perniciem aliis minabuntur . Et quoniam locus postulat ut mentione de pulsu facta ( cujus cognitionem soli Deo & Galeno Gordonius ille vir bonus & candidus tribuit ) de speciebus quippiam dicatur , non erit alienum ab instituto paullo apertius de re disputare .

*Cap. ult.  
lib. 4. de  
loc. aff.*

In pulsibus quinque observari volunt ; motum , quietem , dilatationem arteriæ , ictum , corpus . Ac ratione motus differentiarum hæ observantur ; celeritas , tarditas . Ratione quietis , frequens , rarus . Natura non potest duos motus contrarios moliri quin sit interjecta quies aliqua . Galenus autem quietem distinguit in internam & externam : Ratione dilatationis , parvitas & magnitudo in pulsibus observatur : Ratione ictus , qui & a nonnullis occurfus dicitur , imbecillitas seu remissio , & fortitudo sive vehementia spectatur . Ratione corporis ipsius arteriæ , plenitudo & durities ( quamquam durities sine plenitudine esse possit , ut in hæcticis annotavit Galenus lib. 1. de diff. febrium ) vacuitas & mollieties . Hinc constitutæ sunt differentiarum in pulsibus .

*Quinque  
in pulsu  
observan-  
da .*

Ratione motus,	{ celer, tardus,		Ratione dilata-	{ magnus, tionis, parvus.
Ratione quietis,	{ frequens, tardus,		Ratione ictus,	{ imbecillus, seu remissus. fortis, vehemens.
			Ratione corporis	{ plenus, durus. vacuus, mollis.

Porro in corpore arteriæ vel consideramus trinam dimensionem , vel corpus ipsum per se . Si priore modo , pulsus latum angustum statuemus , profundum



dum humilem, longum brevem. Si autem posteriore modo duritiem seu plenitudinem spectamus, unde pulsus plenus & durus, & vacuitatem seu mollitiem, unde pulsus vacuus & mollis. In dilatatione autem magnitudinem & parvitatem considerandam diximus, quo pertinet observatio trium dimensionum. Nam magnus dicitur pulsus qui longus, latus, profundus simul est. Sed hoc ad corpus arteriæ referri potest, quatenus in hoc trinam dimensionem spectari diximus. A rhythmo differentia duci possunt, ut quum pulsus non est secundum ætatem, sexum laborantis, tempus. Innumera alia hoc loco considerari possunt, quæ quoniam a Galeno pertractata sunt abunde, horum diffusiore explicatione superse- dendum videatur.

9 Secundum vero quod a nobis in hoc ægro est observatum, fuit partium extimarum perfrigeratio fugax: quæ revera in morbis diligenter observanda est; nam partium extimarum frigus quoddam est positivum, sed periodicum, ut initio paroxysmorum, & tale frigus minime est pertimescendum: contra vero timendum est in inflammationibus partium internarum quum calor intro revocatur, ut in Aphorism. explicat Galen. 10. Aliud frigus est veluti privativum per quamdam extinctionem caloris naturalis: & bifariam apparet; priore modo in morituris, quum partes vivent jam per necrosin partium frigus quoddam est privativum: Aliud autem frigus, non quin partes non calfiant (quod Hippocrates ἀναδραμαίνεσθαι vocat) sed calefactio ista a calore febrili est. Victo autem naturali temperatoque calore partes refrigerantur, & tamen caloris febrilis favorem nonnullum percipiunt. De quo frigore juxta ac colore reciproco dictum est ab Hippocrate: *Summa corporis partes sceleriter in utrumque mutantur, malum*. Nec abs re addit *celeriter*; ut vitetur objectio de hieme, & calore æstivo; nam in illa extimæ partes refrigerantur, sed non cito calfiunt. *Sed in morbis malignis*, ait Galen. in comment. *una etiam hora mutatio ad contraria percipitur: Contingit autem ea mutatio quum partes extrema propriam caliditatem non habuerint, sed a calore febrili calfiunt, qui a centro corporis incipiens, flammæque similis corpus depascens extrema concalfacit: & quum ille febris calor transpiraverit, refrigerantur extincta scilicet propria caliditate*. Et illic est frigus privativum: non tale quale in morte, sed proxime accedens. De eodem frigore dictum est a Galeno in historia de Pythione. Nam primo die ingens febris erat & æstus: secundo autem ei partes extimæ refrixerunt, præsertim manus & caput, & erat βραχυπνεύς, ad verbum *brevi-spirus*, cui consentit quod & octavo die contigit; nam dicit, *spiritus exilis & imminutus*. Si itaque febris erat acuta, cur frequens & magnus non erat spiritus? saltem si frequens sit & brevis, dolorem significat supra septum transversum: sed si frequens & brevis, malus; deterior si rarus & brevis, sive parvus; qui si cum respiratione quadam sive potius expiratione frigida sit, jam facultas vitalis emoritur: In acuta parvus rarus, qui βραχυπνεύς nomine includitur, pessimum signum est. Hoc explicat Galenus commentario illo in historiam de Pythione, his verbis: *Causa cur quum primo die acuta febris fuerit, secundo brevem spiritum ducat, est, quod primo die calor febrilis*

per.



per putrescentes humores accensus ipse digeratur ; calor autem naturalis adeo infirmus relinquatur, ut jam prius exstinguatur, quam febrilis de integro accendatur, velut jam fervefactis, qui computrescerent, succis. Sic secunda die dominantis frigoris signum est maximum. Quo ex loco patet refrigerationem partium extimarum per extinctionem caloris naturalis contingere. Atque hoc loco quaestio dignissima cognitu poni potest, Si mutatio in calidum & frigidum partium extimarum adeo perniciofa est, ut ante ex lib. 2. Prorrh. docuimus, cur non aequae in malis ducenda mutatio in utrumque in corpore toto ? At ex Aphorismis mutatio in corpore universo, ut corpus modo calfiat, modo refrigeretur, longitudinem tantum morbi significat, cur non & idem significat partium extremarum μεταβολή ; At ante docuimus aliquid multo gravius designare. Et vero probabilius est plus subesse periculi si ambigua ista mutatio totum corpus attingat, quam si partes tantum extimas. Etenim etiam in bene habentibus facile manus, pedes, nasus mutantur, non ita facile corpus reliquum, ob subjecta viscera calida. Quod si totum corpus modo calfiat, modo aliter afficiatur, non vacare videtur periculo. At ita respondere oportet : Quum Hippocrates celerem partium extimarum in utrumque mutationem damnat, id de febribus acutis intelligi debet, in quibus si omnino partes extimae refrigerantur, revocatio caloris ob phlegmonem visceris significatur : si vero in utrumque partes mutantur, dominatus caloris febrilis significatur, & domatio extinctioque caloris blandi & naturalis. Ideo quum Galenus in Commentar. in partic. illam 8. lib. 2. Prorrh. illam mutationem explicat, meminit febrium malignarum, utpote in quibus peculiariter id symptoma contingat. Sed quum lib. 4. Aphorismor. totius corporis mutationes in calidum & frigus damnat, revera non intelligit de febribus acutis. Nec enim facta mentione febris absolute enuntiat mutationem istam longitudinis morbi esse argumentum. At si in acuto morbo contingeret, non est credibile longi morbi signum esse, quum id pugnet cum natura morbi acuti. Quod si mutatio in utrumque toti corpori conveniat, quis dubitat ad malum id non apparere in morbo acuto ? Immo forte majorem perniciem afferet quam mutatio reciproca partium extimarum. Tamen κατ' ἔξοχην mutationis signa in partibus maxime extimis apparent, ideo illarum Hippocrates praecipue meminisse solet. In febribus autem non acutis, aut aliis morbis totius corporis mutatio longitudinem morbi designat, ob materiae ἐτερογενείας diversitatem. Quod videmus usuvenire in febribus cum catarrho junctis, in quibus sensum caloris modo habent agri, modo sensum frigoris, non modo in partibus corporis extimis, sed etiam in toto corpore ipso. Item in febribus epialis non solum est sensio caloris & frigoris simul, in quo Epiali natura consistit : sed etiam mox calor percipitur, mox frigus. 11 Præterea ex sententia Galeni, quicumque sunt cacochymi, dum repente incalescunt, horrore tenentur, necnon sensationem habent reciprocam caloris & frigoris : & tamen hæc non significant malum aliquod, sed tantum longitudinem morbi. Ceterum ut de mutatione ista caloris & frigoris aliquid statuatur, sciendum idem esse judicium de

Com. par.

16. sect. 3.

lib. 6.

Epid.

Aph. 40.

calo- lib. 4.



caloris & frigoris mutatione, quod de frigidis sudoribus, de quibus in Aphorismis. Nam ut frigidi sudores cum febre acuta perniciem significant, & in mitiori febre morbi diuturnitatem: ita & mutatio in utrumque si-  
 ve sit extimarum partium, si-ve totius corporis, in acutis morbis pernicio-  
 sum est quid: in aliis morbis aliud significat. Sed de vicissitudine ista ca-  
 loris & frigoris, unde, & quid significet, ante dictum est plenissime. De  
 ea plura qui volet, eo animum, seque ipse convertat. De lassitudine quæ  
 ægroto nostro aderat, ita dicere possumus: videbatur non esse spontanea;  
 siquidem labores quos summos pertulerat, eam lassitudinem satis poterant  
 invehere, 12 tamen erat & alia quædam species ex iis lassitudinibus quæ  
 spontaneæ dicuntur. Ac primum spontaneæ lassitudines dicuntur sponte  
 natae, non quod non sit causa aliqua, sed causa intus latet aliqua lassi-  
 tudinis specie sese proferens; non autem procatarticum quid habet: ta-  
 met si forte ab extra aliquid peti possit: sed tamen de essentia ipsius lassi-  
 tudinis non est. Ex libris sanit. tuen. & Aphorismis, triplex est lassitudo;  
 una tensiva, ulcerosa altera, tertia phlegmonodes ex utriusque orta. Ten-  
 siva a plenitudine est, ulcerosa a cacochymia. Phlegmonosa ab utraque  
 causa est, ex sententia Galeni. Febris autem laboriosa aliquid aliud pecu-  
 liare habet, ut ex eodem Galeno parere potest. In hoc ægro nostro erat las-  
 situdo quædam phlegmonosa; & quum is integra olim sanitate fruitus es-  
 set, nonnisi magna de causa de sanitatis statione detrudi potuit; unde mi-  
 rum non fuit si morbus admodum longus & periculosus fuerit: Et omnia  
 initio ita cruda fuerunt, ut nil aggredi tentareque auderemus. Tamen quo-  
 niam omnium minime patiens erat æger, temere secta vena, & multa ten-  
 tata, quorum nullum melius fuisset attigisse, sed negotii partem maximam  
 naturæ commisisse. Eductus sanguis plane laudabilis: nihilo sedatus æstus.  
 Quoniam prima regio humore bilioso, crasso & veluti sanguineo aut præru-  
 bro erat offerta, cujus exclusionem facilem impediēbat rigens hiems quæ tunc  
 sæviebat. Quod nos terruit, fuit veluti cruris sinistri maculæ subrubræ,  
 verebamus ne exanthemata erumperent, si-ve ecchymata ab humoribus su-  
 perfluis & tenuibus, ut notat Galenus lib. 3. Epid. Quæ exanthemata in  
 plerisque sunt κρίσιμα καὶ κρίνοντα, ut ex historia de Sileno parere potest. Cui  
 quum letaliter ægotanti papulæ rubentes, parvæ, varis similes, nec ab-  
 scessum facientes erupissent, natura morbo reluctante, tamen interiit. Et ta-  
 men ait Galenus in Commentario, ea eruptio causa fuit cur nono die  
 non interierit, quum ei necessario intereundum esset, sed in diem un-  
 decimum mors dilata fuerit. Dolor ad lienem metum afferebat, ne illic  
 abscessus fieret; tamen inflammationis manifestæ argumenta non erant.  
 Causam istius doloris ad longam equitationem referebamus, in qua ducun-  
 tur ilia, & anhelitus sæpe interrumpitur: tametsi iste dolor hypochondrii  
 sinistri nos in suspicionem traheret latentis cuiusdam mali; ut sæpe in  
 Epidem. annotavit Hippocr. ut in historia de Sileno adducta paullo ante &  
 alibi passim.

De intermissione, aut potius intercalari intermissione ita nos philosophaba-  
 mur. A plerisque qui citatis velocibusque equis multum iter ocysime fecis-  
 sent,



sent, accepimus se sæpe quum quieti se traderent, inæqualitatem istam in pulsu percepisse: Nam exercitatio immodica tandem accersens *κόπον* aliud facit quam mediocris: nam mediocris crebros, magnos & celeres pulsus facit; immodica autem, præsertim quum ventum est ad resolutionem aliquam, languidos, tardos & raros facit. Sic in isto ægro animo volvebamus qui fieret ut præeunte tanto labore pulsus esset satis magnus & celer, quum ratione immodicæ exercitationis tardus imbecillusque esse deberet. Hujus rei probabiles causæ fuerunt; Æstus ingens celeritatem requirebat, & ætas hominis adhuc virilis impediabat quominus tarditas & imbecillitas in pulsu esset, quum tamen satis esset causæ cur & parvus, & tardus, & rarus esset pulsus, præsertim in tanta totius corporis agitatione immodica & veluti confractione. Sic æstus ingens, ætas hominis pro parvo magnum, pro raro frequentem, pro tardo celerem satis pulsum induxerunt: sed tamen causæ morbificæ & lassitudo & exercitatio immodica corpus frangens saltem inæqualitatis auctor fuit: & natura retinuit celeritatem & magnitudinem, sed a tot causis tentata non potuit efficere quin inæqualitas foret. Accedebat autem maxime obsidio oris superioris ventriculi quod in isto homine omnium maxime bilioso exquisiti erat sensus: & a bile immodica tentabatur, unde *καρδιωγμός* frequens: & morbi eventus satis abunde docuit tanto æstu & copia humoris biliosi corpus occupatum fuisse, ut nil supra. Docuimus autem ante (ni fallor) obsidionem oris ventriculi vel ab humore frigido, vel ab acri humore, aut ichore inæqualitatem in pulsu committere. Unum præterea fuit quod terrorem attulerit, minxit sæpe oleosum, quod summo æstui interno acceptum ferebatur. Historia duodecima lib. 1. Epid. sect. 3. Hippocrates meminit excretas esse urinas oleosas, quas mortem significare ait Galenus in Commentario. Tamen in 3. de morbis vulgaribus locus est præclarus, quo docet excretionem urinarum oleosarum malam quidem esse, sed non perinde exitiosam, ut plerique autumant: multaue illic de urinis oleosis legere possis, quæ in communem usum afferri possunt, quoties illis de rebus erit cogitandum.

*Sub fin. 1.  
Epid.*

*Histor. 1.  
sect. 3. lib.  
3. Epid.  
Vide part.  
35. lib. 1  
Prognost.*

Porro in ægro proposito quum subesset æstus ingens præcordiorum, omni ratione provisum est ne vires illud incendium quæreret. Jusculis frequentibus vitulinis carnibus ei consultum est: Item clysteribus & iisdem decoctionibus. In enematon frequenti usu statum est, nec olea, nec mel, nec saccharum dissolvebatur. Quoniam quoties alvus inferior æstuat, fervet, & ambusta est, ut loquitur Hippocrates in libro de aere & locis, a pinguibus & oleosis est temperandum. Perseveratum est in usu catholiconis. Tandem sub finem consultum est ventriculo usu confectionis de hiera dupla aloë. Instabilis admodum morbus fuit, verebaturque ne ex empyreumate prioris morbi febris quartana, aut alia similis cresceret ac surgeret. Ad sitim summam cum partium imbecillitate quæ sequuntur præscripta fuerunt.

*℞. semin. psyll. ℥ s. mastich. ℥ ij. car. passul. ℥ j. sem. cyton. ℥ j. fiant noduli, mandantur macerati aqu. rosar.*

*℞. aqu. fontana lib. s. destill. restaur. ℥ iv. aceti alb. ℥ vi. mellis Narbonens. ℥ j. santal. alb. ℥ ij. s. fiat decoct. ad tertia partis consumptionem, & perfectam despumationem. Postquam refrixerit, coletur, & cilarficet*



ficet 3. albuminib. ovorum, & santal. citr. & cinnam. aromatizetur.

℥. endivia utriusque, cichorij, boraginis utriusque an. m. j. Depurentur succi, & colentur trina vice ad clarificationem.

℥. succi pomorum redolent. ℥ vj. sacchari lib. j. fiat syrupus semicoct.

℥. rhei infusi in aqu. endivia ℥ iiij. myrob. citrin. & Indorum an. ℥ ij. agarici trochisc. ℥ j. anisi ℥ j. cinnam. ℥ j. fiat potio saepe repetenda cum ℥ s. syrupi praedicti.

### ANNOTATIONES.

1. In hoc agro biliosa crassa, sincera, flava, maligna, ut vocat Galen. comment. in part. 14. lib. 3. Acut. progrediente morbo: quae quidem biliosa, sive retinentur mala sunt, sive excernuntur mala sunt, nam jaetationes, dysenterias, defectiones animi inducunt.

2. Apud Galenum sub finem libr. de praesagitione ad Posthumum, commemorabilis historia est de quodam juvene, cui in pulsu intermissio erat, & ea naturalis, a qua periculum impendere non putaret Galenus.

3. Nam minus est perniciosum inter multas pulsationes quamdam inaequalitatem esse, quam in una. Quia in una pulsatione magis ordinata, constansque natura debet esse, quod sine in hac quidem, multo est periculosius: tamen objici potest de pulsu in febribus intermittentibus a putredine ortis. Nam quum systole sit diastole contractior, etiam in una pulsatione inaequalis est.

4. Inter ceteros locos unus est maxime huc pertinens in Commentario Akakia in lib. 1. ad Glauconem.

5. Nam (ut vere dicam) unde Cardiognus & sine febre, & cum febre nasci solet, inde ista in pulsu insignis mutatio: & humor potius exclusionem eget, & aliqua ἐπίκρσις, quam alteratione per alexipharmaca, ut damnetur error eorum qui in morbis perpetuo illud ἀξιόλογον τὸ δεινὸν constituunt.

6. Quum enim inaequalitas est, non ita cito terreri oportet, nisi cetera consenserint. Si enim naturae validae in aliis ipsius pulsus numeris argumenta adsint, non ita metuendum est.

7. Galenus cap. 6. lib. 4. de praesagitione ex pulsibus, docet inaequales esse solere pulsus in affectione oris ventriculi, alios affecto fundo ejus. Locus praecclarus & huc maxime pertinens. Inaequalitas ista & etiam intermissio quaedam ab oppressione & copia potest accidere. Et quum Galenus ait inaequalitatem & intermissionem in arteriarum obstructione & asthma minus esse terrificam; quod de asthma dixit. Idem potest audiri de infarctu pulmonum & copia pituitae, licet homo ita repletus, quod forte latum habeat thoracem, non sit asthmaticus. Sic est ubi debet esse formidabile istud vitium in pulsu, est ubi non esse debet. Et ne quis terreatur, sciendum istas inaequalitates ab oppressione esse maxime. Nam Galenus lib. de pulsibus ad tyrones, inaequalitates in pulsibus propriae sunt facultates pressae & gravatae. Sic oportet sensim deonerare naturam, & pulsui sua reddetur inaequalitas.

8. Trina dimensionis observatio & in differentiis corporis ipsius arteriae &



dilatationis observari solet, sed diverso quodam modo. Nam quia dilatatio incidit in corpus tale quale est, cui competit trina dimensio: itaque ipsius trine dimensionis observatio consideranda est & quatenus ad corpus arterie spectat, & ad dilatationem.

9. *Sitis in eo erat implacabilis, jaſtationes, leipóthymia, prærubra bilis fuit excretio, non statim, sed longo tempore mitigata materia. Dolores fugaces. Verum fuit quod scribit Hippocrates lib. de veteri medicina, non a calore simplici, aut a frigore, sed ab amaro, acido, acri astimandos morbos esse, ut in vacuando potius, quam in alterando laboremus.*

10. *Comment. in aphorism. 48. lib. 4. Multo vero apertius histor. part. 8. sect. 2. lib. 3. Epidem. quum explicat cur partes extimæ lacerarentur et refrigerarentur. Quamquam Practici frigus initio paroxysmorum privativum dicunt per subtractionem caloris: et frigus positivum dicunt, ut illud quod in catarrhosis percipitur, aut iis in quibus multis collectus humor pituitosus, qui dum incalescit sensum frigoris infert, ut in Epialis videtur. Item materia frigidiuscula calfactio frigoris sensum infert.*

11. *Si cui agro umquam, huic Joanni dodenas accommodandum videtur quod scripsit Galenus ad historiam de Sileno 1. Epidem. sect. 2. Si quis laborando & operando se ad lassitudinem usque aſilgat, potest autem large, deinde intempestive sese exerceat, idest, aut a cibo, aut ubi tardius cocti fuerint cibi, antequam probe in sanguinem cibus versus sit, hic partim bilem ob labores acervat, partim crudos & incoctos humores ex potu & intempestivis exercitationibus. Sunt autem morbi multo gravissimi in quibus utriusque magna colligitur copia. Immo ego addo, febres semitertianæ fiunt. Hic ager citatis equis multum itineris confecerat. Et nota, in talibus febribus etiam initio sedimentum esse; sed conveniens non est & intempestivum. Ita Galen. id frequens est (supp. sedimentum ἀναστροφῆς) febribus in quibus multus calor et flammeus fervorem accendit quemdam crudorum et crassorum humorum ad particul. 26. sect. 2. lib. 1. Epidem.*

12. *Causa procatactica solam diariam aut levem affectum generat Galeno in histor. de Sileno.*

13. *Lassitudo quæ κόπος dicitur, quum quis dolet minimo attactu, spontanea proprie non dicitur.*

14. *Cap. 4. lib. de atra bile docet quomodo salutariter totum corpus pustulis nigris fuerit oblitum. Nam si paucae sint, nil est criticum.*

## CONSILUM LX.

## De Epilepsia.

**M**ULIER nata annos jam sex & viginti, bene habita, octies jam enixa, sagax, sollertique adeo ingenio & alacri ad obeunda omnia animi munia, blæsa aliquantulum, cœpit nonnulla pati symptomata, quorum perseverantia morbum lunaticum minata est.

Ac primum cœpit animo aliquantulum deficere, vertiginosum quid pati:



ac tunc non animadvertit quid dicat, omniumque obliviscitur. Multa temere effutit, parum considerans quorsum illud. Quum hæc præcessissent, jam jam prima illa affectione vires nocte opprimitur, contremiscit, vociferatur, ac graviter tunc laborat. Deinde quasi sopita manet dimidium horæ. Et frustra loqui conatur. Et quod omnium deterrimum, non ita pridem jam duodecies paroxysmos quosdam sustinuit bis die in quibus illa convellitur, spumantique est ore, inclamat, suspiratque. Et quo magis animo turbatur, eo citius redit accessio. Jam probatum est posteriorem paroxysmum multo leviores reddi, immo sæpe plane non repetere dato juscule ex decoctione visci quercini. Numquam medicamentum sumserat. Continenter aqua ab ore defluit: & in ultimis paroxysmis tota facies rubore suffunditur, manentque veluti exanthematon quædam vestigia quarto a paroxysmo die.

Hæc sunt Parisiensibus Medicis proposita ad disputandum, ut de affectionis causâ, specie, loco, & curatione decerneretur.

Ac primum omnium qui affuerunt Medicorum communis fuit opinio mulierem hanc epilepsiâ esse obnoxiam, quod omnia quæ præcesserunt videntur confirmare. Dubitatum est de causâ, an vapor tantum, an humor, & quinam, unde. Quum enim epilepsiâ in genere tres sint differentiæ, prima per propriam cerebri affectionem, secunda per consensum ventriculi, tertia ob partem peculiariter affectam a qua aliquid manat, convulsionem epilepticam creaturum, magni refert ad morbi curationem, quænam sit species, & quænam idea, & sedes primum affecta, ne parti alteri quam deceat consulatur.

Ac primum cuidam visum est, non a propria cerebri affectione natam epilepsiam, nec ab utero esse, sed a visceribus ipsis: & quæcumque illa sit affectio, & unde-vis sit ei videtur immedicabilis duabus de causis: & quia jam grandævamprehendit: *Quæcumque autem affectio comitialis post 25. annum prehendit, ea cum ægris consenescit.* Hippocrati in Aphorismis: Tum quia hereditaria & gentilitia quodammodo esse videtur; Medicis enim ea de re inquirentibus narratum est ejus mulieris avum aliquando epilepsia prehensum esse. Quod autem a visceribus sit, non ab utero, aut a capite, ita collegit tribus rationibus; Prima, quia sit sagax, expedito & sollerti animo, ingeniosa. At quum quis est epilepticus affecto primum & per se cerebro, maxima ex parte hebes est, obtusus, obliviosus, socors, ignavus, oculis concavis, somniculosus, gravi capite, vertiginosus, & nullis signis præeuntibus (ut in hac muliere contingit) statim concidit. At qui ob affectas partes capiti subjectas est epilepticus, non statim concidit, sed pleraque patitur tamquam futuram accessionem præsagientia.

1. Secunda ratio est, quod incubum passa sit sæpe, oppressionem stomachi, animi quædam defectionem, suspiriosa fuerit: quæ omnia male affectorum viscerum aut a sordibus & humorum inquinamentis implicatorum argumenta sunt: Non quin dispositio sit in cerebro a parentibus contracta: sed causâ continens a cerebro non est, sed a visceribus.

Quam-



Quamquam hic magna difficultas oriri posset . Galenus causam præcipuam periodorum lib. 2. de different. febr. sub finem statuit inustam quamdam cuique parti dispositionem, quæ nova occasione, ut novo affluxu humorum sese manifeste prodit ; dico affluxum humorum, vel qui in parte ipsa generantur, vel qui aliunde sunt . Exempli causa, si cui hemicrania innata sit ob pravam partis cerebri *ἐξέσειν*, non prius solet repetere quam forte ab ipso cerebro, aut partibus subjectis humor advenerit qui partem la cessat : an non tamen hemicrania per *πρωτοπαθειαν* dicatur . Sic, si dispositio in cerebro jam jam sit a parentibus contracta, quæ tamen non prius sese proferat quam malignus vapor crassus aut tenuis a partibus inferis venerit qui parti molestus sit : unde excussetur pars ad expulsionem unde convulsio sequatur : An non epilepsia ista per propriam affectionem dicatur ? Itaque ille sibi pugnat, qui dixit dispositivam ipsam ( ut sic dicam ) in cerebro esse, sed causam in præcordiis . Quamquam excusari potest ; nam revera non repeteret paroxysmus nisi impuritas viscerum concurreret . Et illud est quod Galenus dicit epilepsiam post 25. annum agnoscere causam sui pravam diætam .

Tertia ratio qua contendit ab utero non esse, est quod illa uterum gerens tam sæpe non prehendatur epilepsia, quam quum utero non gerit: quod contra contingeret. Nam si ab utero esset, quum fetus meliorem alimenti partem absumat, relinquaturque impurior, impuritas ipsa juncta cum pravo illo humore qui supponitur mali auctor ( si ab utero esset ) reveheret paroxysmos, & malum malo cumularet : At tempore gestationis immunis fere est . Accedit quod hysterica aliquando passa esset . At nihil umquam tale .

Nos autem qui hæc scribimus, ita disputationis & quæstionis filum direximus .

In morbis modus generationis illorum est animadvertendus ; symptomata, eorumque successio, quorum omnium animadversione ad rerum diagnosin pervenitur, & confusio devitatur . Vertigines, tenebricosæ obversationes & marmarygæ, syncopæ imago quædam, oppressio diaphragmatis, clamores, aphonia, symptomata sunt & epilepsiæ, & apoplexiæ, & syncopes cardiacæ, & aliorum morborum communia, & in plerisque observantur . Sed non satis est observare hæc, sed signa *ὁμοειδή*, sive *ὁμογενή*, ut vocat Galenus, tenenda sunt : & ne adhuc quidem abunde est, sed quæ cujusque rei propria, & partis, ut ideam morbi venari possimus . Exempli causa ; difficultas respirationis affectarum partium thoracicarum nota est, & peripneumoniæ, & pleuritidis, an sufficit hæc nosse ? Nequaquam . Sed ad specialia magis descendendum est, ut hoc vel illud, hujus aut illius rei sit umbra, nota, significationis argumentum & signum . Quod hic videre est, quum symptomaton concursus iste nihil adhuc certi afferat .

*Comm. in  
part. 2.  
lib. 1.  
Prærrhel.*

2 Porro morborum alii cito generantur, quum tamen non tam prompta sit causæ generatio, quam prompta est morbi ipsius apparitio . Causa enim latebat ignava, & subito per morbum sese expressit ; quod notat Galenus 3 Epidem. in historia de eo qui primo die phreniticus factus est . Alii non



statim se proferunt, sed veluti per ambages & circuitiones, habentque varia symptomata prius quæ sunt veluti paranympsi ac præcursores majoris morbi adventantis. Quod quum alias, tum huic mulieri contigit, in qua per varia symptomata veluti præeuntia præludia ad epilepsiam munitur via. Nam in historia proposita triplex tempus observatur, & in ultimo tantum certa epilepsiæ signa apparuerunt.

Primum aliquid tenebricosum passa est, vertigines, quæ sæpe apoplexiam, aut epilepsiam minantur: an vero per propriam cerebri affectionem, an per consensum dubitandum. Nam vertigo & tenebrosa obversatio signum univocum non est aut affecti certo cerebri, aut ventriculi. Quum enim ex Galeno illud sit commercium inter ventriculum & cerebrum, ut facile suas affectiones communicent, non facile quis distinguet quæ pars prior afficiatur, & quæ posterior. Sic vertigo, nausea, vomitus, cardiogmus. Equivoca signa sunt quum fere æque ad affectionem cerebri & ventriculi consequatur. In quo Medicorum iudicium fixum constansque esse debet, ne temere pars incusetur quæ in vitio non sit. Præterea mulier ista multa effutiebat, quod male affecti cerebri nota est aut per se aut per consensum. Unde novimus hystericas multas risum in paroxysmo cohibere non potuisse, alias multiloquas exstitisse.

Cap. 3.  
lib. 3. de  
loc. aff.

Secundo vero loco hypochondriorum & respirationis quædam fuit oppressio, & imaginatio quædam falsa rei opprimentis & incubantis, quod incubum designat: incubus autem epilepsiæ rudimentum quoddam est: immo & epilepsia nocturna dicitur a plerisque.

Tertio periodica quædam convulsio apparuit totius corporis, cum læsione quædam mentis & sensuum. In quo vere character Epilepsiæ exprimitur. Nam convulsionem totius corporis esse necessum est. Quamquam Silvius quodam loco annotat vidisse se quemdam Epilepticum cecidisse ob pravam lienis dispositionem, illumque una tantum in corporis parte convulsam fuisse. Ad superiora accedit occursum spumæ quæ nec a capite malum esse certo declarat, immo nec Epilepsiæ signum univocum est. 4 Si fiat translatio a partibus inferioribus per pulmones, refractio materiei cuiusdam pituitosæ a spiritu flatulento agitante spumam potest generare. Rondeletius contendit epilepsiæ certam non esse notam & signum inseparabile; quia spuma abesse potest in paroxysmo epileptico duabus de causis: tum si a vapore tantum est Epilepsia, tum si paroxysmus brevis est & non violentus.

5 Ergo verum illud Hippocratis, quum quis repente aphonos fit, venarum fiunt interceptiones & oppletiones, si sine occasione id fiat, aut forti aliqua causa, id est, si nulla excusatio afferri possit aut ictus, aut ægritudinis perturbationisque animi. Interceptio ista aut Epilepsiam, aut Apoplexiam, aut syncopem cardiacam inducere potest, item & hystericum πᾶσος. Nam quatuor hæc nomine τῆς ἀφωνίας includi possunt. Quum itaque hic sit aphonia quædam, quatuor prædictorum morborum unum adesse necesse est. At certis signis deprehenditur esse Epilepsia.

6 Ceterum hæc autprehendit pueros, aut puberes, aut juvenes, aut gran-



grandiores ætate. Partic. 5. sect. 1. lib. 6. Epidem. locus est notandus de Epilep. quum, ait Galen. Epilepsia juniores attingit, illud ut ab ætate est, ita quoque mutatione ætatis affectus minuitur & tollitur: unde Hippocr. *Quibus morbi comitiales, ante pubertatem mutationem accipiunt.* Quod bifariam intelligi potest. Nam, *ante pubertatem*, possumus intelligere vel inclusive, vel exclusive, ut ajunt. Exclusive ad annum usque 25. inclusive ad tempus adolescentiæ. Unde aphor. 28. lib. 3. non dixit *ante pubertatem*, sed, *in pubertate*; quod notandum. Juvenes prehendi epilepsia non placet Galeno in Aphorismis, licet ita Hippocrati videatur; quia, ut ait Galenus, temperamentum juvenum generationi epilepsiæ contrarium est. Postea addit, si prehendantur eo morbo, id diætæ vitio tribui oportere, & quia pravo utantur cibo, & multa intempestive faciant. At grandiores ætate absolute a diætæ vitio epilepticos reddi statuit, 6. Epidem. Nec amplius ætati fidendum ait ac si medicam manum per se adhibeat, sed ad artis Asclepiadæ asylum confugiendum esse censet; id enim a diætæ vitio est, immo tantum tribuit ipsi diætæ, ut epilepsiam ratione ætatis solvi posse neget, nisi legitima sit victus ratio, immo ne si in pubertate ipsa epilepsia accedat (quia Hippocrates ante pubertatem mutationem contingere debere vult) quamquam tunc tantum opis ab ætate expectari non potest quantum antea: quia & tempus agnoscendæ veneris in viris supponitur jam præterisse, & menstruæ purgationis in mulieribus, tamen solvi tunc posse putat Galenus si in diætâ non peccetur. Quod forte & generalius potest accipi, ne putemus omnem epilepsiam incurabilem esse quæ paullo grandiores prehenderit. Nam mirum est tantum posse diætâ ipsam ut miserandum hoc malum invehat immedicabile plane, quum tamen hoc excepto, nullum fere sit malum adeo grave diætæ vitio invehitum quod non possit emendari & tolli. Unde colligere est morbum hunc cerebro labem quæ elui non possit, inurere, quod omnem humanum captum plane superet.

Itaque quum hæc mulier jam grandis ætate miserandi hujus mali molestias senserit, id diætæ vitio tribui potest. Sed pace Galeni dicam, secretiorem & occultiorem causam esse oportet; nam nisi labem hanc a vetere sua prosapia contraxisset, mulierem tam bene habitam, tam solidam, & integre sanam morbi procellis conflictari non solitam non esset credibile a nonnullo diætæ vitio tam turpiter in hunc morbum lapsam fuisse. Sic oportet vehementem aliquam fuisse causam quæ hoc symptoma ante non visum & insolens induxerit.

Duo hic quæri possunt non omittenda, quum a parentibus propensitatem hanc in epilepsiam contraxerit; qui fiat ut nihil epilepticum senserit in pueritia, quum tamen hæc ætas huic morbo ultro sit opportuna. Posterius quod quæri potest, Quum mulieres etiam maxime valentes, præcedente imprægnatione præsertim circa tertium mensem multis malis exerceantur, boulimo, inappetentia, malacia, & ceteris id genus, vel capitis, lumborumque dolore; qui fiat ut hæc imprægnationis tempore paroxysmo epileptico non prehendatur, postea vero utero non gerens facile prehendatur.



Quod ad prius attinet, revera ex hoc prava cerebri dispositio patet, quod grandior jam ætate epileptica facta fuerit. Nam si imbecillitas nervosi generis epilepsiæ causa fuisset in hac, non dubium quin puella epileptica fuisset: at latebat mala dispositio, nec se prodidit nisi quo tempore jam malum incurabile est.

8 Et quod sæpe pepererit novies enixa potest partim impedivisse quominus tam cito non sese epileptica diathesis prodiderit, quod purgationes euntes & ab epilepsia, & a podagra, & aliis morbis possunt ad tempus vindicare, quibus implicantur quæ nihil tale habent. Partim conferre potest ad augendam dispositionem. Nam nemo dubitat juniores puellas nuptas, & frequenter enixas tanto imbecilliores reddi (quod ad cerebrum attinet) quanto frequentius enixæ fuerint: immo magna earum pars catarrhis, & doloribus capitis immedicabilibus detinetur. Quæ omnia verisimilia sunt. Præterea vulgo observatur dispositionem morborum a parentibus contractorum non tam cito apparere, sed tamdiu latere occultarique donec quid peccatum sit quod ejus accessum maturet. Unde plerisque gentilitia est elephantiasis, quæ tamen non sese prodit nisi quum jam grandior ætas fuerit, aut quod ita provideat natura mali explicationem quoad potest, impediens, aut quo anno parentes in eum morbum inciderint, eodem & liberi inciderunt: quæ ratio probabilior est. Et quum sese malum prodit, sive epilepsia, sive elephantiasis fuerit, non est opinandum illud jam demum nasci, sed mali seminarium diu latuisse, cujus argumenta tandem sese prodant. Tum autem maxime sese proferunt quum mala accedit diæta, quæ etiam per se tale malum afferre potest, sed non ita immedicabile. Plerique enim nostra ætate epileptici vere fuerunt ob pravam diætam, at non recurrunt paroxysmi ubi provisum cautumque ægro est. Sed quum nativa est inclinatio a prava diætâ facta, & veluti tandem explicata, ea multo immedicabilior est quam quæ simpliciter a prava diætâ fuerit. Et ita probabiles rationes a nobis videntur confictæ, ut tandem id intelligeretur quod in quæstione positum erat; Qui nimirum fiat ut mulier illa jam ad epilepsiam nata ante annum ætatis suæ vicesimum octavum prehensa non fuerit, ac præsertim puerili sua ætatula.

Posteriorem quæstionem paullo post explicabimus, si prius nonnulla remedia attulerimus quæ ad profligandam epilepsiam per cerebri primariam affectionem contractam instituta sunt, quorum hic series est proposita.

Cuidam autem epilepsia laboranti per propriam cerebri affectionem remedia hæc quæ sequuntur sunt instituta: Primum repurgatus est tabella una electuar. diacarthami: deinde itum est ad remedia sequentia.

*℞. rad. pœonia recent. evulsa ℥ j. visci quercini recent. ℥. vj. galan. ga, calami aromat. & cort. citri sicci an. ℥ s. beton. meliss. hyssopi, salv. majora. chumad. chamæpyt. an. m. j. buglos. borag. et utriusq. cichor. cum radicib. herbarum capill. an. m. j. s. ruta et absynth. pent. an. m. s. passul.*



*Passul. sebest. an. par. x. seminis ruta & sesel. an. ℥ j. anis. & foenic. an. ℥ j. s. sem. cailitrichi & pæon. an. ℥ ij. flor. stæchad. sambu. rorism. & genist. an. p. j. fiat decoctio, & fortis express. Cape de colat. lib. j. s. Jacch. quod suff. oxym. scyll. ℥ iij. pulv. diamb. & diamosc. dulc. an. ℥ ij. fiat syrupus pro 4 dosibus.*

*℥ mas. pil. cocciarum fætid. & assajereth. an ℥ j. agar. troch. & rhei an. ℥ s. rad. & sem. pæonia decrescente luna collecta an. ℥ j. castor. pinguis ℥ s. cum syrup. de stæchad. fiat maza ad usum.*

*℥ maza præscripta ℥ j. formentur octo pilule cum aqu. vitæ. capiat finito syrupo prædicto.*

*Deinceps bis in mense aut singulis viginti diebus cap. de maza præscripta ℥ s. de qua formabuntur pilule tres vel quatuor. deglutiet eas post primum somnum.*

*℥ succi beta & majorana an. ℥ j. mellis anthos ℥ ij. decoct. hordei integre cocti ℥ viij. fiat caputpurg. quo utatur secundum artem per tres dies continuos mane ore aqua pleno.*

*℥ theriac. Monspel. quinque annorum ℥ ij. rad. pæon. & sem. ejusd. an. ℥ j. visci quercini, & cineris cranii humani an. ℥ j. coralli rubri usti & loti aqua absynth. ungu. alc. an. ℥ s. cum syrup. conserv. citri. fiat opiata, de qua capiat ceteris diebus ad molem castaneæ tribus horis ante omnem cibum.*

*℥ ol. colti & nard. an. ℥ j. ol. nucis mosc. ℥ s. rad. sem. pæon. visci querc. sem. sesel. an. ℥ j. gummi ammon. aceto scyll. soluti ℥ j. s. cere quod suff. fiat unguen. ungatur occiput ad radicem colli hora somni, addendo unctionis tempore aqua vitæ parum.*

*℥ aloes ℥ ij. rhabarb. ℥ ij. pulv. rosar. & folior. salv. an. ℥ s. cum syrup. de stæchad. fiat maza utenda quotidie una hora ante cibum.*

*Applicetur ruptorium posticæ parti capitis, hietque ulcus per tres aut quatuor annos.*

*Hæc velut per transfennam dicta, scriptaque sunt, retexendum orationis filum est, quod horum remediorum scriptione interruptum est.*

*Ex duobus quæ discutienda proposita sunt, unum satis pro animi voto explicatum est, secundum autem nunc restat explicandum; nimirum qui fiat ut hæc mulier quum prægnans esset, non ita facile epileptica concideret, ac quum vtero non gereret. An hoc significat aut uterum in vitio esse, aliquidque conferre ad epilepsiam, aut contra. Nam si uterus faciat ad paroxysmum epilepticum, quum concepto semine humorum veluti fiat conculcatio, deinde quædam ob suppressionem putredo, vapor qui inde efferretur plurimum ad epilepsiam conferre videretur. Sed hæc plurimum habent difficultatis.*

*Mulier  
uterum  
gerens  
non con-  
vellitur,  
non gerere  
facile con-  
vellitur.*

*Ac primum aliquid non longe dissimile legere possumus apud Hippocratem. Nam scribit in Pheris mulierem existisse cui caput valde condoleret, idque multo tempore dolor is nulla ope medica levabatur. Quum irent menses, levius habebat; quum concepisset, dolores relinquebant. Novi quoque & mulierem vetere hemicrania laborantem cum frequenti*



cardiogmo : ne minimum quidem appulsum caloris, aut frigoris, aut fumi ferre potest quin doleat; dum feta est, alacris, jucunda, & immunis ab omni est dolore. 9 Item Avicennas cap. 11. lib. 3. fen. 21. tract. 1. citat ex Hippocratis lib. de superfet. mulieribus sæpe non gravidis crurum & lumborum dolores oboriri, qui concepto fetu in utero cessant; quia, *Hip. lib. de superfetat.* inquit Princeps, per conceptum partes illæ calfiunt, hinc dolore liberantur. Legi librum de superfætatione, & illo loco Hippocrates non tantum meminit doloris lumborum, sed & capitis, & aliarum partium. Verba ejus sunt; *Si dolores in coxendice mulieri contigerint, aut in capite, aut in manibus, aut aliqua alia corporis parte, & quum prægnans est desierint, post conceptum ab utero exsolutum, si repetunt, huic odorata ad uterum suffire convenit, & libere quoque expedit.* Quibus ex verbis colligere est istos dolores redeuntés post partum, in conceptu desinentes, ante conceptum affligentes, originem sui agnoscere in utero: alioqui enim Hippocrates non consulisset suffitum ad uterum, sed singulis partibus providisset quæ laborant. Hoc itaque argumentum esse potest, uterum in hac muliere epileptica conferre aliquid ad istam perniciosam affectionem. Etenim dictum est tardius paroxysmum experiri, aut omnino non experiri quum utero concepit: quum feta non est facile ab eodem corripì.

Et illo prædicto loco lib. 5. Epidemiorum, quo proponit historiam de muliere doloribus capitis quum utero non gereret, conflictari solita, eadem fere cum iis quæ lib. de superfætatione scribuntur, recenset: nam ait odoratis ad uterum apposis juvenari, & euntibus mensibus. Sed jam quæramus de istis doloribus quomodo imprægnationis tempore leniri, aut tolli possint. Si dolor iste capitis ( idem postea dicemus de epilepsia, cujus ergo hæc instituitur disputatio ) primarius est in capite, tantum abest ut sedari possit graviditatis tempore, ut contra adaugeatur. Nam per conceptum calefit uterus, ut ex Avicenna antea docuimus, revocatio fit caloris ad centrum, & præsertim ad uterum, partes reliquæ sunt quodam modo destitutæ favore caloris & spiritus influentis, declarant & frigiditas partium extimarum in fetis mulieribus, & earumdem decoloratio. Sic duo sequuntur incommoda in capite: prius quidem quod frigidius sit solito, & propterea infirmius, & ad propulsandas morborum molestias imbecillius: posterius vero quod calfactus uterus præ ceteris partibus, facta inibi humorum & spirituum quadam coitione & veluti conculcatione, innumeros pæne summittat vapores in caput graviditatis tempore, qui vapores maligni erunt, quia humores a quibus excitantur magna ex parte vitiosi sint, natura quippe magis sanam humorum partem in fetus alimentum consumente. Itaque si frigidius sit caput in conceptu, si opportunius vaporibus ab utero manantibus; siquidem epileptica dispositio est in cerebro, & materia ejusdem, credibilius erit tempore graviditatis facilius paroxysmo prehendi, quum eo tempore tot symptomata tentent gravidas, malacia, anorexia, & alia pæne innumera quæ alio tempore non pullulant. Unde & Fernelius notat multas mulieres epilepsia prehendi solitas quum utero gerunt, & fetu excluso numquam aliquid tale patiuntur. Sed dicat aliquis:



quis : Sit ita sane, ab utero aut capitis dolor, aut epilepsia ipsa oriatur, ut idem contingat mulieri quod & ei a cujus crure aura infecta veneno sensim ad caput efferretur, an non & graviditatis tempore facilius recurreret paroxysmus? 1o Nam eo confluunt multi humores, calefit uterus; hinc vaporum ilias, pravis sese implent cibis gravidæ, sic & a prava diætâ, & a conculcatione humorum in uterinis partibus videtur uterus facilius posse revehere paroxysmum quam quum fetu non impeditur. Revera tamen secundum opinionem Hippocratis credibilius est mulierem epilepticam esse ab utero aut præcordiis, quæ prehenditur paroxysmo facilius vacuo utero, quam pleno. Nam si affectio epileptica & materia in cerebro esset, tempore graviditatis facilius corriperetur, utpote cerebro imbecilliore reddito & frigidior: sed quia in utero aut ab utero est, tempore imprægnationis quasi conclusio fit, & implicatio humorum, immo & si qui vapores a præcordiis efferri solebant, facto veluti materiæ recursu ad uterum, non tam facile feriunt, seseque produnt. Quamquam videtur probabilis ratio prius per dubitationem adducta, quod nimirum si ab utero esset, per imprægnationem facilius recurreret. Unde observatum a Fernelio epilepsiam ab utero graviditatis tempore prehendere, ideoque visas a se plerasque mulieres quæ quoties utero gestant epilepticæ corruunt, expeditas vero nunquam id experiri.

Cap. 3.  
lib. 5. de  
partium  
morbis.

Sed hæc disputatione multo longius produci possent, quorum tamen non prætermittenda fuit observatio, quum plurimum intersit a qua parte prima mali labes; ne temere pars una pro altera remediis oneretur ac fatigetur. Quidam ex Medicis diætæ & humoribus providendum putaverunt, alii ad uterum & caput confugerunt, alii ad hepar cujus calidi temperamenti argumentum est efflorescentia quorundam exanthematon, & suffusio faciei post paroxysmum etiam stabilis.

Nos quatuor causas mali assignabamus, innatam in cerebro infirmitatem, & veluti gentilitiam, quod ejus avus epilepticus interiisset. Accedit & subtilitas, sagacitas, agilitasque cerebri quæ sæpe de facili epilepsiam accersit, ut Rondeletius annotat, quod substantia cerebri raræ sit contexturæ, & delicata admodum. Unde qui ita affecti sunt facile cæcutiunt ob igneam spiritus animalis naturam quæ facile afficitur, vertiginosi sunt, & præcipitia sine periculo intueri nequeunt. Sic epileptica dispositio in cerebro est, sed non propterea causa materialis, nempe frigida & lenta pituita. Secundo, prava victus ratio, & quod numquam medicamentum sumserit. Nam si sibi arte medica consulisset in diætâ & pharmacis, malum forte intervertisset. Tertio, partium subjectarum consensus: nam brevis paroxysmi a vapore solo malum esse natum significare potest. Et quod frequens sit salivatio, id a cerebro esse potest, & a ventriculo male coquente. Unde qui laborant melancholia hypochondriaca facilem habent salivam in os occursum.

Comm. in  
aphor. 16.  
lib. 3. &  
comm. in  
aphor. 47.  
lib. 2.

Quod ad curationem spectat, illud obiter monendum, non valde probari usum rerum impense calidarum & attenuantium. Nam sive a crassa viscidaque materia est epilepsia, ut placet Galeno, sive a flatulenta ma-



teria & acri non valde ex usu sunt ista. In priore quidem, quia in flatum convertent. Unde quidam dicunt radicem apii ideo in epilepsia interdici, quod materiam acuat, & proinde malum sua tenuitate adaugeat. Quod si verum est, quod dicemus de euphorbio, castoreo, sagapeno, scammono, & aliis id genus in epilepsia præscribi solitis. Alii dicunt non ea ratione cavendum esse ab radice apii, sed quod tota substantia in hoc morbo nociva sit. Si a flatulenta aut acri materia est, præsertim si ab acri, multo etiam minus convenient ista calida. At omnem fere epilepsiam a materia quadam acri principium nervorum impetente oriri vel hoc argumento confici potest. Magna est affinitas & ἀναλογία inter sternutationem & morbum caducum: immo hoc discrimen statui volunt, quod quum eadem utrique sit materia, in morbo caduco natura inferior sit causa morbum faciente; in sternutamento vero exadversum; natura quippe humore superior est. Ut sternutatio minoris cujusdam epilepsiae naturam & ideam referat. Atqui ex Galeno, *Sternutamentum non fit si quis humor in capite superfluat, sed si flatulentus sit, aut mordax*. Unde si a quavis materia frigida sternutaret quis, comatosi & veternosi sternutarent, at id non fit. Idem ergo de epilepsia intelligi debet. Et idem est argumentum Fernelii ut convincat epilepsiam a pituitoso non esse humore. Sed hujus argumenti primus auctor est Galenus.

Comm. in  
ephor. 51.  
lib. 7.

Lib. de  
morbo  
sacro.

Ut mulieri epilepticae provideretur, iis quæ sequuntur remediis innixi sunt Medici ad præcautionem, & curationem, si ejus spes nonnulla sit, quæ tamen perexigua est. Nam quum avo nata sit epileptico, probabile est labem aliquam contraxisse, quæ tempore detecta fuerit: quod primus observavit Hippocrates, qui a primordiis generationis epilepsiae gentilitiae originem repetit. *In utero, ait, priusquam cerebrum conformetur, oportet quodammodo florescere, purgari, ac defecari. Si neque magis nec minus repurgetur quam oporteat, sanum animal existit: si magis repurgetur, ac se fiat colliquatio quædam tinnitus aurium contingunt; si non satis repurgetur, in epilepsiam propensio contingit.* Hæc Hippocrates. Et alio in loco inveteratae epilepsiae nullum remedium quærit; quia, inquit, cerebrum eroditur a pituita, & eliquescit. Id quod autem colliquatur aqua fit, quæ cerebrum circumalluit: & ita perpetua est generatio & fomes morbi, tum quod ad diathesin ipsam pertinet, tum quoad materiam & causam morbi conjunctam.

Lib. de  
morbo  
sacro.

II Ac in remediis ipsis maxime rerum non naturalium ratio habenda est aeris & cibi. Cibi quidem, quod improba victus ratio ad generationem & productionem morbi plurimum conferat: immo (ut ante docuimus) in grandioribus, quum eos non antea prehenderat morbus, comitialis affectionis causam agnoscit Galenus 6. Epidem. & in aphor. improbam diætam. De aere autem nemo dubitat quin hic magni sit momenti. Unde Hippocrates agnoscit ventos primum ad morbi generationem, & paroxysmorum recursum facere: Eodemque in libro scribit cerebrum esse interpretem eorum quæ in aere fiunt, quia cerebro ipsi sapientiam aer exhibet. Quod in eo sensu accipi potest: Inter partes corporis aeris aut molestias,

aut



aut ejusdem benignitatem sentit . Unde plerique præsentiant mutationem aeris , aut serenitatem ; aut tempestatem : sic cerebrum in iis internuntius est aeris . Multa eodem loco cerebri dignitati attribuuntur , quæ hic recensere est alienum . Nunc ad remediorum silvam properemus .

Vivat abstemia secura , vitet omnem tristitiæ occasionem , aere libero , *Lib. de*  
ferenoque vivat , perflabilem locum incolat , vitet palustria , lacustria , *fac. mor-*  
dium , & cetera id genus . Primo vere post purgationem aperiatur vena *bo .*  
basilica dextra . *Lib. de*

Sunt qui in epilepsia locum secundæ venæ esse negent , quod rarò fiat *San. miss. c. 19.*  
a sanguine , rarius a bile . Immo Hippocrates pituitosos solos videtur statuere huic morbo obnoxios : quod mirum tamen est . Galenus vult mitti sanguinem in epilepsia ex cruribus potius quam ex cubito , idque ad faciendam revulsionem e parte quæ certo afficietur , nempe e capite . 13 Loquitur autem illo loco de præcautione : & quod intelligitur de imminente morbo , aliud est imminere morbum qui certo hanc aut illam partem sit obsessurus , aliud imminere morbum , de quo non constat adhuc quamnam partem obsidere debeat . Ut puta , quum indifferenter modo alicui caput , modo pes , modo hæc aut illa pars , aut totum corpus doleat , quum sectio venæ suscipitur sine ulla distinctione , aut e malleolo , aut annulari digito , aut e gibbero mittetur sanguis aut scarificabitur . Sed si certum ratumque sit de parte occupanda , ut de capite in epilepsia , ad præcautionem ineunte vere e malleolo detrahetur sanguis . Sed magna controversia oritur , num epilepticos seces ex vena cubiti ; quod ita *Gal. cap. 16. lib. de sanguin. miss. Hippocr. lib. de osium natu. & sect. 6. lib. 6. Epid.*  
probat : Galenus & Hippocrates ajunt , in imminentibus morbis per distantiora revulsionem esse procurandam : in præsentibus per locum proximum . At eadem est fors , & conditio morbi jam præsentis & morbi imminantis , qui certo partem hanc aut illam est occupaturus . Ergo si in præsentem morbo ut epilepsia e cubito sanguis ducitur , quia dolorum proximum ventrem secare oportet , sequitur ut in eadem epilepsia imminente , quia de obsidione capitis certi sumus , eadem quoque vena cubiti prudenter feriat . Quod autem eadem sit conditio morbi præsentis , & ejus qui immineat , dummodo certum sit hanc partem obsessum iri , ita ex Galeni verbis eliciemus : *Quibus pars aliqua, nisi evacuati fuerint, infestatur certo, non æque ex quavis particula vacuabis ( ac si de parte laboratura non constaret ) sed perinde atque in iis qui jam laborare incipiunt .* Et miror quomodo dicat postea : *Ergo epilepticos & vertiginosos ex cruribus vacuabis :* quod non videtur agendum . Affectiones enim hæc quum sine ulla controversia capitis sint , e brachio potius tamquam e propinquiore parte , videtur detrahi debere sanguis . 14 Quum futurus Comitialis sit curandus , ac si jam actu laboraret . Revera si curandi scopus est , & vacuandi consilium , non est dubium quin in epilepsia e gibbero detrahendum sit : sed si præservare , præcavere , ac revellere tantum animus est , e longinqua parte retractio fieri debet . Sic enim non fit magna repente mutatio , & consuetudo tandem mutatur , ne amplius eo feratur sanguis .

Consultum est ut os quotidie mane lavaret aqua , in qua salvia , aut  
rosma-



rosmarinus maceratus esset, aut viscus quercinus. Teneat in ore passul. corticem citri conditi, caryophyll. vel formulas has.

℥ pulv. caryophyll. gr. vj. nucis moscat. galang. cypp. mastich. an. ℥ s. cubeb. ℥ j. piper. longi ℥ s. Excipe in gumm. tragac. infuso in aqua roris-mar. aut decoct. ejus, addendo parum sacchari. Fiant trochisci.

Utatur massa panis post pastus, pane biscocto, & pulvere.

℥ pulver. electuarii aromat. ros. diarrhodon abb. latitie gal. an. ℥ j. rasura eboris, cornu cervi usti an. ℥ s. cranii humani, visci quercini, sem. pœonia, & ocimi an. ℥ j. sacchari in aqua melissæ soluti: Fiat electuar.

℥ rasura cornu cervi ℥ s. cornu cervi usti ℥ j. rasur. ebor. ossis de corde cervi an. ℥ j. sem. pœonia maris, visci quercini an. ℥ s. sem. contra ℥ j. s. rheibarb. electi & agarici albi an. ℥ ij. sacchar. albi duplum. Capiat cochlear unum quolibet mane.

℥ coriandri conditi unius coopertura ℥ j. ambra gris. ℥ j. coralli rubri ℥ s. sem. anisi & fœniculi conditi an. ℥ ij. pulver. ros. ℥ s. rasura eboris, cornu cervi an. ℥ j. cinnam. ℥ s. cum saccharo. fiat pulvis utendus a pastu.

Fricentur quotidie crura, & iis aliquando applicentur cucurbitula. Utatur clystere qui sequitur saepe.

℥ origani, calam. satureia, buglos. borag. mercur. an. m. j. rad. alth. ℥ j. semin. cumi, seseleos, ruta & pœonia an. ℥ j. s. folior. senæ ℥ ij. fiat decoct. ad lib. j. In colat. dissol. mellis mercur. sacch. rubr. an. ℥ j. catholici, & confect. hamech an. ℥ s. butyr. recen. ℥ ij. fiat clyster.

℥ aloes ℥ ij. mastich. ℥ j. diamb. ℥ s. rad. pœonia, visci quercini, an. ℥ s. corall. rub. gr. vj. ambra gris. ℥ s. pulv. hieræ ℥ ij. pilul. cocciarum & fœtid. an. ℥ j. s. agar. & rhei an. ℥ iij. cum aqua decoction. radicis angelicæ & pauco zingib. fiat maza pilul. utenda. Decimo quoque quinto die: aliquando sero, aliquando hora quarta mane. Vel loco pilularum accipiet aliquando de syrupo sequente.

℥ omnium capill. m. j. chamadr. chamapit. an. m. j. lupul. prima veris an. m. j. s. absynthii pont. m. s. scolopen. ceterach, agrimon. hepat. buglos. borag. stęchad. utriusque an. m. j. semin. ruta, junip. sesel. pœon. an. ℥ j. s. radic. omnium aperitivar. (præter radicem apii) in vino albo aut aceto scyllitico maceratar. an. ℥ j. passul. ℥ j. visci quercini & polyp. an. ℥ vj. rad. pœon. ℥ j. pulv. cranii human. ℥ j. s. folior. senæ ℥ iij. sant. citrin. ℥ ij. fiat decoct. addendo sub finem agar. recent. trochisc. ℥ j. s. turbith. gummosi ℥ s. zinziber. ℥ s. express. ℥ vj. rhubarb. infusi cum cinnam. & nuce mosc. in parte decocti, cum oxymel. scyllit. & syrup. de byssop. & stęchad. an. ℥ j. sacchari suffic. quantitate. Fiat syrupus aromatizatus nuce moschata: utatur ad ℥ ij. aut ℥ ij. s. cum decocto passul. & visci quercini.

℥ rad. pœonia lap. acut. an. ℥ ij. chelidon. petrosel. aspar. gram. polyp. ireos flor. an. ℥ s. cichor. m. j. rad. enulæ campanæ, acor. cypp. semin. anisi, fœnic. cus. melon. an. ℥ j. stęchad. arab. ℥ vj. semin. pœonia ℥ s. beton. meliss. scolop. ung. caball. hyssop. an. m. j. summitat. absynth. & aneth.



an. p. s. Fiat decoct. ad lib. j. in qua infunde folior. sene ℥ iiij. agar. ℥ ij. dissol. sacchar. quod suff.

℥ pulv. diarrhod. ℥ ij. coriandri prepar. ℥ j. s. rasur. ebor. cran. humani an. ℥ j. visci quercini, rad. pœonia, torment. dictamni an. ℥ s. pulv. diamb. ℥ s. plires archont. ℥ s. sem. anisi & fenic. conditi an. ℥ j. s. cum saccharo in aqua decoctionis angelicæ & pauco cinnam. dissol. Fiat electuar. per tabellas.

℥ conserv. buglos. borag. florum aurenciorum an. ℥ s. conser. enula campanæ, anth. stœch. meliss. an. ℥ ij. conser. salvia ℥ ij. theriac. & mithridat. an. ℥ iiij. cortic. citrii cond. ℥ s. pulv. diamb. & arom. ros. an. gr. v. nucis mosc. ℥ β. pulv. cranii hum. ℥ j. visci quercini & rad. pœonia an. ℥ s. cum syrupo conservat. citrii, & syrup. reg. Sabo. Fiat conditum foliis auri copertum.

Habeat bracteolas auri domi, ut utatur suo condito.

℥ theriacis & mithrid. an. ℥ j. s. conservar. anthos, melliss. stœchad. an. ℥ s. diamargar. diarrhod. abb. an. ℥ j. aromat. ros. ℥ s. coral. ℥ j. visci querc. ℥ ij. cranii hum. ℥ j. cum lib. ij. aquæ decoctionis salv. agrest. sem. juniperi, sesel. ruta, pœonia & rad. ejus. Fiat distill. per alamb. de qua utatur mane cum pauco saccharo ad dulcorandum, & tempore paroxysmi.

Ungula alces est circumferenda in anulari digito.

Appendeat collo sacculus ex radice pœonia, floribus stœch. visco quercino, rad. pœonia, & semin. seseleos.

Item ℥ cubeb. ℥ ij. nigell. rom. ℥ iiij. mastich. ℥ j. s.

In paroxysmo ℥ rad. azari ℥ j. oxymel. scyllitici ℥ s. aquæ salvia ℥ ij. fiat potus.

℥ ros. rub. & thuris an. ℥ j. ligni aloes ℥ j. Fiat pulvis pro suffitu operim. capitis.

Item commendatur decoctum sarseparilla cum passulis, sem. pœonia, sem. citrii, & carduo benedicto.

## ANNOTATIONES.

1. Auctor libri de morbo sacro omnia hæc symptomata enumerat contingere in epilepsia, quia humor pituitosus sanguini admiscetur, & turbat corpus. Sed quæ illo loco dicuntur non plane vera videbuntur.

2. Hippocrates lib. 1. de Diata: Morbi, ait, paullatim fiunt, & crescunt, & paullatim collecti affatim & accervatim apparent.

3. Hippocrates lib. de morbo sacro primus id observavit, ut propterea dicere possis epilepsiam non esse totius corporis convulsionem,

4. Hippocrates lib. de morbo sacro spumam in epilepsia a pulmonibus esse ait.

5. Mirum quod scribit Hippocrates libr. de sacro morbo, Epilepsiam fieri per oppletionem interceptionemque venarum ob phlegma a capite descendens. Sic non est necesse solum consistere in cerebro ut id fiat, sed ve-



nas alias oppleri & intercipi necesse est. Et locus multo magis est notandus par. 27. lib. 4. Acutorum, ubi loquitur de Apoplexia & Epilepsia, & morbis qui ἀπώγῃ reddunt. Interceptiones & oppletiones venarum sunt quum humores in venis continentur, & in iis conculcantur (quod siccescere vocat Hippocrates, sed improprie, ut monet Galenus.) Quod si illi humores fluentes divertant in locos venas ipsas tenentes, fiunt apoplexia & epilepsia, ait Hippocrates, quod probat Galenus. Per locos intelligit cor, hepato, venam cavam. Ergo ex illo loco patet hepato is, aut jecoris, aut cordis occupationem ab eo humore qui prius in venis erat, epilepsiam & apoplexiam facere. Non meminit cerebri: quamquam de eo potest idem intelligi. Sic colliges apoplexiam & epilepsiam fieri quando loci, idest partes principes occupantur, & eorum capacitates: Convulsionem & paraplegiam quando vena ipsa occupantur.

6. Hippocrates lib. de morbo sacro quum docet cur pueri fiant epileptici, non recurrit ad infirmitatem generis nervosi, sed excellentiorem multo rationem confingit.

7. Ac revera quum Galenus in 4. Aphorism. disputat de rigoribus, aut diathesin esse causam symptomaton & paroxysmorum reducum (nulla facta materiei ipsius mentione) tacite innuit in morbis periodo redeuntibus plurimum posse diathesin. Ideo Hippocrates ait, Epilepsia natos annos viginti nonprehendit, nisi morbus sit σμῆνσις, non quod necesse fuerit corripui ante annum vicesimum, sed quod dispositio sit in cerebro: & hoc vocat σμῆνσις εἶναι νόσον.

8. Item subtilis hac ratio potest reddi: Morbi qui in pueros incidunt, maxime ad nutricatum sunt referendi, quum videlicet aut mater per se male disposita fuit, aut gestationis tempus in morbis & infirmitate consumserit. Sed quorum morborum latens origo ad semen presertim patris refertur, non ita in pueritia ii morbi pullulant & se produnt, quamdiu valet natura, & nisi quid peccatum sit: sed atate maxime progressa sese proferunt. Sic quoniam scitum est mulierem satam esse semine parentis avi epileptico, mirum non sit si prima atate nil tale senserit.

9. Ac revera in tempore impregnationis semper aliquid commemorabile contingit, sive in bonam, sive in malam partem. Unde quum suspicio est graviditatis, & dolor acerbus & longus dentiumprehendit, tunc mulieres colligunt certo impregnationem, quod abs re non dictum est. Et Hippocrates lib. 2. Epidem. 2. sectione, meminit mulieris cui pragnanti exanthemata apparebant. Quod solemne illi forte erat quum concepisset.

10. Ad hanc difficultatem, qua est, cur mulieribus male sanis ex conceptu commoditas proveniat: contra sanis maiora symptomata & deteriora eveniant: quum contra fieri debeat, pertinet locus notandus ad finem libri de Carnibus Hippocratis, ubi docet mulieres puras gravius affici initio conceptus quam impuras. Et si impurae afficiantur, non ita percipiunt. Observatione autem dignum est quod Aphrodiseus ait, conceptum esse actionem contra naturam.

11. Ex Hippocrate lib. de morbo sacro, alia ratio multo acceptior afferri potest.



potest. Brevior est paroxysmus ob sanguinis dominatum. Ita enim pituita mali auctor inferior est sanguine, ideo non ita accessio producitur. Et ratio hac est cur juvenes facti epileptici diu non divexentur. Hippocrates lib. de sacro morbo, non biliosos, sed pituitosos epilepsia attingit. Et in omnibus epilepticis vult congelationem quamdam esse sanguinis ob admistam sanguini pituitam.

12 Et Galen. comm. ad aphor. 22. lib. 3. quum reddit rationem cur epilepsia autumnis frequentiores, ait, id fieri ob repentinas ad contraria transformationes; Calor enim media die frigus prima & ultima diei parte viget. Nil autem adeo comitiales accessiones, sicut talis varietas, aptum est generare. Et hic locus observatione dignus est, ut epilepsia obnoxius inaequalitates istas devitet.

13 Si epilepsia a partibus inferis non est, idque ob copiam humorum intra vasa contentorum, quorsum vena sectio? Nisi forte spirituum quadam confusio, aut sanguinis causa esse videatur. Si in cerebro & diathesis & causa est materialis, eaque a massa sanguinis separata, minus quadrat venae sectio. Porro si ab humore frigido est, quare non potius de nocte paroxysmusprehendit, immo fere interdum? Aristoteles vult de nocte prehendere: sed Hieronymus Gabucinius hoc confutat.

14 Unde part. 24. lib. 4. de Diata acut. loquens de morbis per oppletionem venarum, cujusmodi est epilepsia, & apoplexia, ut Galen. interpretatur, vult e brachio mitti sanguinem. Illoque loco de plenitudine maxime mentio infertur.

## CONSILIUM LXI.

*Pro Sacrifico ad elephantiasim vergente.*

**S**ACRIFICUS quum omnium intemperantissime vixisset, & potius a pane & vino quam a scortis temperasset, indeque bis aut ter lue hispanica laborasset, tandem ita affectus est, ut elephantiasis ei minari videretur: nec tamen vere erat elephantiasis. Tamen ut contingit saepe eos quibus aut male curata lues est, aut qui post sudamina intemperantius quam ante vixerunt, elephanticos reddi, aut impetiginosos, aut strumosos & charadicos; ita nil horum ab isto intemperante homine abfuit. Quin & crus dextrum totum ita induruit, multis locis charadum argumento apparente aliquo, ut vix exigua spes salutis esset.

Itaque inito consilio ita provisum morbo est. Ac primum iussus est in totum abstinere vino, aut eo dilutissimo uteretur. Consultum est ut vesceretur carnibus elixis, & pullis nutritis pasta ex carne colubrorum facta. Theriaca bis aut ter septimana uteretur ad ℥ j. cum aqua melissae, aut foliorum bryoniae.

*Bis mense Catholico cum ℥ iij. confect. hamech purgaretur.*

*Aperiretur vena basilica sinistra.*

*Balneis aquae dulcis uteretur.*



*Decocto melissæ, buglos. borag. lupul. & cerefolii addito momento croci.*

*Foveretur per intumefacta decoct. herbarum remollientium, & digerentium, & præsertim gerennii, mercurialis, facta in aqua & vino albo.*

*Liniretur pars unguento factio ex spolio serpentis cum axungia porci, radic. cucumeris asinini & bryonia. Autumno autem uteretur decoct. sarsæparilla.*

*Eidem homini syrupus postea ordinatus sequens.*

*℥. rad. lapat. acut. ℥ vj. serpen. major. cort. rad. capp. ℥ iij. agrim. totius, adiant. cusc. fumiter. scolopend. an. m. ij. 4. semin. frigid. major. sem. endiv. fumiter. cusc. fœnic. an. ℥ s. passul. glycyrr. thamar. an. ℥ iij. fiat decoct. ad lib. 4. ℥ præd. decoct. lib. ij. dissol. oxy. simpl. lib. v. sacch. lib. j. fiat syrupus.*

*℥ residuum, in quo infund. rad. elleb. nig. ℥ j. fol. sene, ℥ iij. agar. troch. ℥ ij. epithy. ℥ j. s. cinnam. & sant. citr. an. ℥ ij. s. oxym. ℥ iij. sacch. lib. j. fiat syrup.*

## CONSILIUM LXII.

### *De fluore uterino.*

**M**ULIER optimo habitu prædita, quadrata, solita munia probe exercens, annos nata quadraginta, numquam enixa, doloribus capitis affici non solita, conqueritur de quadam proluvie humoris albuginosi, præsertim quum jam fluxerunt menses. Illius enim proluviei eadem est periodus quæ & mensium. Durat quinque fere dies. Non graveolet: non perseverat, nec visa est anticipare, aut tardare. Hic quæritur unde hoc? Dolet maxime lumbos & hypogastrium. Initum est consilium quo malo huic occurratur. Ego vero ita de morbo disputavi.

Ut fœda humorum proluvies longo tempore fluens ad tabem & maciem corpus adducit, ita intempestive suppressa plurimorum morborum proventum affert. Unde ante narratum est de vetula cui fluor muliebris multorum annorum repente repressus diabetem, & tandem mortem attulit. Id de quo queritur mulier hæc, symptoma quoddam uteri est, cujus causa aut in capite, aut in visceribus, aut in utero est. Hinc enim gonorrhœa muliebris contingit, ut & virilis, non fœda tamen, hinc & fluor muliebris originem ducit, quem Avicennas non inepte cursum matricis appellat: Gonorrhœam esse id persuadet, quod & ex intervallis repetat, non autem continuo vexet, ut & fluor verus mulierum facere solet, sed velut statuto circuitu post menstruam purgationem. Unde aut semen est, aut quædam materia seminalis crudior quæ in nutrimentum fetus consumeretur si uterum gestaret. Secundum argumentum: Non graveolet, nec fœdum est, ut esse solet in uterino fluxu, sed est quid albumineum, aliquando serosum: forte phlegma crudum est falso semen representans. Tertium argumentum: Quum boni admodum habitus sit, quum sit restibilis fecunditatis, tamen utero numquam gestasset, fieri potest.



test ut multum seminis crudi cumularit, si modo semen vocari debet. Hinc fit ut aut copia, aut imbecillitate vasorum, aut testiculorum mulieris excretio fiat illa periodica.

1 Contra vero afferri potest, si uterinus fluor est, aut est a capite, aut ab hepate, aut a toto corpore, aut ab utero ipso. Si in utero, aut illic est humiditas immodica, aut ulcus, aut malum aliud latens ejus floris scaturigo. Malum illic residere arguunt dolores ad lumbos, crura, & inguina: item ad imum ventrem. Ab aliis partibus non esse hoc arguit, quod cachexia nulla sit, quam tamen adesse esset necesse, praesertim si ab hepate esset. Tamen nulla sensio est ulceris in utero, & si ulcus esset, aliquando syncope adesset, & quod efflueret, dysodes esset. Item si male affectus esset uterus, aliquid ejus affectionis corpus referret. Nam ex Galeno in Aphor. ut uterus affectus est, & ita corpus; quod notandum est. Item & facile patitur congressum viri, quod non solent mulieres quibus ab utero fluor est praesertim. 5. Aphor.

2 Ut de muliere typographi in via D. Jacobi constat, quæ quum annos aliquot duritiem in imo ventre habuisset, tandem *ῥῶ γυναικείῳ* facta est obnoxia, & congressum non patitur, praesertim spermatis appulsus.

Quod autem non continenter effluat ut aliis mulieribus fluorem patientibus contingit, id habet aliquid peculiare. Revera variant morbi pro corporum distinctione.

3 Res quum ad examen adducta fuit, de ea ita nos tandem judicavimus. Malum hoc est floris uterini species, non vere fluor, quod non sit continuus, quod non olida foedaque materies excernatur, quod sit periodica, quod sit veluti albuminea. Est autem quædam materia pituitosa quæ non admiscetur toti sanguini, quæ si in intestinis contineretur, iliacas & colicas passiones inferret, & illa continetur quasi segregata circum partes uterinas, referatisque venis per menstruam purgationem, qua data via effluit ejus nonnulla pars: reliquum vero resistit, gravitatem in partibus illis inferens. Et nisi tandem eâ materia reliquis humoribus remisceatur, fieri non potest ut convalescat.

In hoc affectu curando nec impense calida & aperientia, nec adstringentia ex usu esse possunt: nam illa perturbant nimis: hæc inferrent graviora symptomata illum humorem supprimendo. Itaque visum est commodum si uteretur clysteribus ex decoct. arth. nep. centaur. min. agrimon. origani, absynth. mercur. cum malvis, seminibus calidis & temperatis, dissolvendo confectionem Hamech.

Pro purgante medicamento sumat rheum, agaricum, cum confectione Hamech. Deinde aperiatur venâ basilica. Tandem parato corpore usu rerum aperitivarum utatur decoct. folliculorum, agarico, & pulvere hieræ, quæ in hoc corpore suspecta esse non debet, tametsi sit visceribus præcalidis, quod aloe non transcendat hepar. Tandem per decem dies utatur decocto farseparil. cum semine pœoniæ & cardui benedicti. Repetantur clysteres frequenter. Paretur syrupus ex follicul. agarico & turbith.

In simili affectu ad exigendas humorum reliquias maza pilularum instituta.

*℥ aloes*



℥ aloes lota ℥ ij. aristoloch. rotund. ℥ s. myrrha ℥ ij. castor. ℥ j. s. cum syrupo de hysop. fiat maza.

℥ Lixivii clari, cineris sarmentorum lib. vi. bulliant folior. succorum salv. menth. absynth. orig. calament. thymi, aneth. chamem. an. m. j. mastich. ℥ j. fiat fotus pro imo ventre.

℥ vernicis, mastich. carab. an. ℥ ij. nucis mosch. caryophyll. an. ℥ j. fiat pulvis gross. pro suffitu uteri.

Hic præclara quæstio proponi discutique potest, qui fiat ut sæpe mulieres fluore muliebri prehendantur, an quod uterus attrahat, an quod humores eo ferantur. Magni enim momenti est scire utrum fiat, quum controversia sit de utero an attrahat, an non. Nam si uterus attrahit, minus valida esse debent medicamenta, quam si non attraheret, ut paulo post docebitur. Hac de re procerum artis medicæ audienda opinio. Galen. cap. 22. lib. 5. de simpl. med. facult. docet distinctionem eorum quæ menses, lac, & urinam provocant: quæ tametsi in nonnullis consentiant, tamen in natura specifica plurimum distinguuntur. Nam lacti provocando conferunt calfacientia, non desiccantia: mensibus magis calfacientia, non valenter desiccantia. Urinæ calfacientia & desiccantia. Rationem autem reddit Galenus eodem capite cur valentiora in mensium provocatione, quam lactis usurpentur, primum quod uterus nil conferat ad delationem sanguinis & attractionem: mammæ vero contra. Nam mittitur sanguis menstruus in uteri venas, non attrahitur: in mammas non tantum mittitur, sed attrahitur, ideo leviori præsidio opus est, adeo ut medicamenta lac in mammas conferentia menses movere non possint. Præterea uteri venæ magis aperiri debent quam mammarum venæ: propterea calidioribus multo usus esse debet. Tertio sanguis qui ad uterum fertur materiam menstruam suppeditaturus fluxilior esse debet quam is qui est ad mammas futura materia lactis. Itaque opinione Galeni uterus non attrahit. Tamen quum duplex sit attractio, una particularis, qua unaquæque pars sibi id quod proprium est attrahit & allectat; altera communior, qua partes quæ commune quoddam officium in corpore habent, attrahunt quoque, sive quod attrahitur sit familiare, sive tantum sit excrementum: utraque ratione videtur uterus attrahere; quo fit ut Galeni opinio minus probabilis esse videatur. Nam cur non attraheret ut & reliquæ partes? Et si in cerebrum humorum raptus sit, & vaporum, cur non potius in uterum? Propterea Hippocrates scribit, *Intra hominem partes alliciunt vesica, caput, uterus in mulieribus, hæ enim omnes manifeste trahunt, & semper plenæ sunt attractæ humiditatis*. Quæ Hippocratis auctoritas sententiam Galeni plane labefactat. Nec plus temporis in iis rebus terendum putamus, quum certum sit uterum attrahere. At tanta facultate tractus præditum esse, quanta & mammæ, non est credibile. Cordi enim propinquiora ubera attrahunt magis, uterus vero quum in fundo situs sit, potius fit humorum deturbatio, quam attractio. Et hæc mehercules probabilia videntur.



## ANNOTATIONES.

1 *Revera ex Hippocrate lib. 1. de morbis mulier. fieri potest ut quarumdam mulierum & uterus sit humidior, & ejus acetabula mucore sint plena; unde concipiendi, retinendique & seminis & fetus difficultas sic profluvium si quod evenit, non multorum dubium est, tamen proprie ipsius uteri esse dicetur.*

2 *Aut nisi ulcus est, quamquam defloratio propter acrimoniam humoris contingens potest difficultatem congressus afferre.*

3 *Frustra hic dubitamus quæ hujus morbi natura sit. Nam est profluvium muliebri, non illud quidem quod vulgo apparet. Et Hippocrates primus hoc animadvertit lib. 2. de morbis mulierum, quum quadruplex profluvium explicat. Sed inter ceteros locos unus est lib. 1. de morbis mulierum, ubi ideam hujus morbi explicat.*

## CONSILIUM LXIII.

## De Volvulo.

**I**OANNES Puthomme post curas aliquot, & intempestivas comestiones in quibus liberaliter satis genio indulgebat, nec mero parcebat, rerum domesticarum curam gerens, quod numquam solitus fuerat, per alvum inferiorem satis largam sanguinis copiam profudit. Huic solemniter erat evacuatio per venas hæmorrhoidales: tandem veritum est ne si immoderatus sanguis ille fluere, de viribus nimium detraheretur. Ei bolo cassiæ, & meo judicio venæ sectione consultum est. Malum cessavit. Non ita longe post queritur de doloribus acerrimis ad ventrem in modo colicorum dolorum ægrum vexantibus. At colica passio non erat ea quæ proprie dicta est, pulsus erat citatus: urinæ alias aqueæ, alias bile saturatæ: ad utrumque renem dolor erat fixus; ac si in partibus illis aut lapis insideret, aut aliquid simile: nullum ventum flatumque per ventrem emittebat. Clysteribus juvabatur, sed momento tantum. Egrescebat medendo. Indita enemata carminativa, nihil aut parum adjuvabatur. Aliquando magnam urinæ copiam profudit. Insomnes dies noctesque ducebat: perpetui ructus erant: necnon ac si immineret præfocatio, sentiebat dolores summos ad sternum, & thoracem. Regio renum appressu levi dolebat gravissime. Si quiesceret dolor per tempus breve, mox acerbior redibat. Nil vomuit. Si colica passio fuisset, aut dolor colicus, vomitus aliqui aut præcessissent, aut adessent, ut ex Galeno patet. Tamen nil tale apparuit. Borborygmi aliqui aderant sine tumore aliquo. Venter non detumuit. Medici inter se digladiabantur de essentia morbi & natura. Alii tamquam colica laborem variis remediis calidissimis eum fatigabant, agarico, foliculis, syrupo rosarum solutivo. Denique magnam frigidorum humorum copiam esse rati, eo suam convertebant operam, ut calida medicamenta & phleg-

*Com. in  
apho. I.  
sect. I. li.  
5. Epid.*



magoga præscriberent . Nil est profectum : sed ægrescebat medendo . Alvus vero perpetuo sicca remanebat , & nil reddebat , nisi , quod vocat Hippocrates , πρὸς ἀνάγκην . Flatus vero omnis exitus præcludebatur , immo quod a Pharmacopæo relatum est , quum clyisma indebatur , recti intestini pars extrema contorta paullum videbatur , & nonnisi vi injiciebatur , & glans immittebatur . Cataplasmatibus anodynis dolor levabatur . Dicebat se tumultuantes quosdam flatus sentire , non quomodo in colico dolore , sed efferi erant quidam flatus divellentes membranas , & dolores & profundos in mesenterio excitantes , & sublimes in peritonæo tunica , unde minimo digitorum appressu ejulabat præ dolore . At in colicis doloribus nil tale contingit . Nulla per os excretio fiebat . Alii autem Medici , & multo acutius , veriusque observata victus ratione , quod multis & generosis vinis assuescet , genio indulgisset , fusque deque habita diæta usus fuisset . Item observato pulsu inflammationis cujusdam in toto mesenterio latentis indice . Præterea observata illa per anum sanguinis excretionem , quæ repressa aliquantum fuisset , quod ne immodica foret Medici vererentur , quum fortassis melius fuisset cum nonnulla virium jactura affatim adhuc sanguinem effluxisse . Omnibus ( inquam ) iis observatis collegerunt in toto ventre inferiorevolvulosam esse quamdam affectionem ab inflammatione quadam , aut potius calore concepto in toto mesenterio & intestinis ex olida putrique materia flatus malignos excitante , unde torminosi dolores & ructus perpetui , & stomachi sine vomitione occultæ subversiones . Quæ materia reses , & ignava , & pigra erat , ea sensum doloris modo gravis , modo pungentis in profundo præsertim ad renum regionem excitabat : elevatus vero ex eadem malignus spiritus vagos erraticosque σπόδους provocabat . Neque vero materiam istam pigram necesse erat efferri , sed in parte in qua residebat dolor excitabatur , qui ab eadem parte tamquam radice sese sensim insinuando ac propagando in partibus vicinis dolorem excitabat . Hanc doloris ideam Galenus videtur vocasse πόνον διαίοντα , verunt turgentem : qui nimirum a parte primo affecta , veluti a radice incipiens , celeriter in partes adjacentes traducitur . Nam causa morbi uno loco conquiescit . Velenim dolorem ἐμπεπαρμένον vocare possumus , *infixum* ; sed tamen aliæ partes , præsertim si qua sit continuitas affici possunt . Causa illius doloris vel est copia humorum confertim ingruentium , vel spiritus flatuosus . Sed revera , vel ratione ægrotantium rem non intelligentium , vel rei ipsius quæ per se obscura est & implicita , difficilis admodum est cognitio speciei doloris . Dolores autem istos reciprocos , revolutos , reductosque Hippocrates in Prorrhet. vocat γριφομένους , atque illo aphorismo mihi videtur quodammodo adumbrasse morbum quo miserrimus iste ager cruciabatur : Quibus ( ait ) lumborum tenues & diuturni dolores & ad hypochondrium reducti , revolutique , & ciborum aversio cum febre , dolor his valens contentusque ad caput perveniens cito cum quadam convulsione interimit ; idest : Sæpe circum præcordia & mesenterium residet & restagnat materia olida putrisque ; quæ si contingeret aut cholera morbus , aut vehemens alvi fluor , nullam molestiam plane afferret : sed cunctando varia inducit symptomata ,

initio

Cap. 7. l.  
2. de loc.  
aff.

Init. cap.  
7. lib. 2.  
de loc. aff.  
Hip. par.  
8. lib. 3.



initio quidem exiguos & torminosos excitat dolores, sed sensim atque sensim ac magis collecta, & exitu prohibita, majores malignitatis nervos nacta tandem fastidium cibi accersit, & febrem: rursus febris materiam deteriore reddi. Tandem aliquando effera magis reddita quaquaversum erumpit, & suae malignitatis notas edit, prout in hanc aut illam repserit partem. Quod certe huic ægro contigisset, si febris major fuisset, quæ materiam deteriore reddidisset, & nisi materia coercita intus fuisset conatibus nostris.

Præterea frequentes clysteres injecti, medicamenta præscripta, tametsi minime idonea, tamen impediverunt quominus exaggeraretur humor, taliæque symptomata ederet tandem, qualia in Prorrheticis ab Hippocrate describi diximus. De doloribus *γριφομένοις* dictum in Definition.

Aut certe eum morbum speciem quamdam volvuli esse dicemus, sumto nomine volvuli non stricte, sed late, ut apud Hippocratem sumitur; Ait enim phlegma a capite descendens volvulos diuturnos excitare, idest, dolores iliacos, & volvulosos, & torminosos, in quibus imus venter & hypochondrium utrumque dolet. Nec enim credibile volvulum morbum esse diuturnum, nisi improprie sumatur. Quum itaque intestina tum ob flatus nonnullos, tum ob copiam humoris maligni in mesenterio & intestinis collecti dolent, & totus venter, eaque torqueri quodammodo, convolvique (Græce *ἐλκεῖν*) videntur, volvulosa dicitur passio, ut ex Hippocratis loco superius adducto patere potest. Simile quid apud Hippocratem legere est in lib. de affectionibus, ubi triplicem volvulum constituit; unum hiemalem, ut quum quis nimio victu calido & humido utitur, & non sese deambulationibus dedit, &c. Alium arcuatum, qui æstatis tempore in regionibus palustribusprehendit, & æstivus dicitur volvulus, in eoque æger auruginosus fit. Tertium hæmatiten & autumnalem, quem eodem loco describit. Nomine volvulorum intelligit quosdam dolores torminosos volvulososque ob pravam diætam aut temporis intempestivitatem nascentes, qui pro diversis effectibus & temporibus in quibus pullulant, varias conditiones & nomina sortiuntur. Æger noster hæmatite & autumnali volvulo prehendi visus est. Nam ut ante demonstravimus, sanguinis sæculenti residuum erat aliquod ab excretionem quæ præcesserat, a quo prima mali labes. Et tale quid Hippocrates visus est observasse in Coacis, *dolores ex lumbis diuturniores febris tertiana modo exacerbantes* (idest, quorum dolorum non semper est acerbitas, sed unius diei dant inducias, ac si motum quemdam haberent tertianum) *grumosum sanguinem egerere faciunt*; idest, dolores isti excitantur a conclusa in ventre materia nigricante, adusta; & veluti sanguine sæculento existente, quorum remissio non fit, nisi ejusmodi materiæ sæculentæ aut ob putredinem, aut moram diuturnam nigritiem adeptæ, e corpore fiat exclusio. Quæ omnia diligenter sunt notanda. Et Fernelius dolores ventris non absimiles doloribus colicis (quum tamen non sint) agnovit quodam circuitu periodoque repetentes, in quibus ægri misere conflantur. In hoc ægro dominabatur calor præter naturam, flatuum malorum quales in libro de flatibus describit Hippocrates, copia & vis excitabatur, meatus non erant liberi, unde exitu

Lib. de  
internis  
affectionibus.

Cap. de  
colico dolore.



prohibebantur, & revolvi cogeantur ad superiores partes: denique materia non dissipabatur, ideo flatum non emittebat, nec cum bombo, nec *Part. 24.* sine bombo, stridore: de quibus flatibus Hippocrates in Prognostic. *Flatib. 2.* *tum emittere sine bombo & stridore, saluberrimum:* quod significetur vis caloris facile materiam dissipantis; item libertas meatuum: & tamen optabilius una cum bombo flatum excludi quam illuc revolvi. Revolvi autem Grace dicitur ἀναλέεσθαι. Itaque ad etymon & proprietatem nominis ἐλάεθ alludit senex. Porro revolvitur flatus quum non exit, aut incendio partis, aut depravato motu intestinorum, proprio autem vitiat: & ista flatuum devolutio in tenuibus intestinis tormina parit, alvum pulsat, nauseam excitat, & si ad diaphragma appellens respirationem vitiat: quæ omnia in ægro paruerunt. Nam & tormina in tenuibus intestinis excitata sunt, & nausea aderat, & aliquando species quædam suffocationis; quæ omnia ob flatuum revolutionem ad superiora contigerunt; revolutionem autem peperit & incendium, & motus depravatus intestinorum. Horum quoque demonstratio peti potest ex lib. 4. Aphorismorum quum ait: *Queis ilia suspensa obmurmurant, lumborum dolore superveniente alvi humectantur, nisi flatus erumpant, aut urine profluvium consequatur.* Hæc vero in febribus: Murmur etenim fit ex flatu juncta humiditate; si non separetur flatus a materia, alvus necessario humectatur; si separetur, alvus non humectatur, sed aut flatus, aut urinæ excretio fit. Et quod addit, *in febribus;* considerat vel febres symptomatice, vel febres essentielles. Symptomatice sunt ut in pleuritide, peripneumonia, in quibus si murmura oriantur, aut suspendeant hypochondria, non perinde tamen aut flatus erumpunt, & murmur ita contingit, ut aut urina fluat, aut alvus feratur. Si enim murmur adsit, non est quid secundum naturam, sed tantum quid symptomaticum: propterea humiditas murmuris causa, natura duce non facit aut alvi, aut urinæ profluvium. Sed in febribus essentialibus, quia non pars aliqua peculiariter laborat, sed totum genus venosum, œconomia naturalis laborat, vitatur coctio, hinc a cruditate flatus surgunt cum murmure: 2 hinc naturæ motu aut ii flatus erumpunt, aut urina fluit, aut alvus. In ægro nostro urina aliquando large fluxit, unde diabetæ metus esset, factaque humidæ materiæ erat secretio ad renes, dolores tamen non cessaverunt, quia flatus non simul eruperunt: quod si erupissent, facta fuisset dolorum solutio.

Itaque intemperies erat calida flatus excitans, motus intestinorum depravatus, angustia venarum. Idemque contingeret quod & Galenus contingere ait in melancholia flatuosa; ut legere est lib. de locis affect. Sed quæri potest, quomodo flatuosa esset alvus inferior, quum calor esset multus, immo & essentia morbi in calore & intemperie & phlogosi constituatur? Nam ex *Cap. 7.* Hippocrate, icterici non valde sunt flatuosi, ob dominatum caloris acris, *lib. 3. de* & paucitatem crudi humoris qui flatuum est materia. 3 Nam tametsi in *loc. aff.* quarto Aphorismor. habitualis & hectica intestinorum & ventris inferioris dispositio hydropis sicci causa sit, & inflationis ventris ipsius, non tamen ista habitualis dispositio a calore est, sed a frigore; quamquam tantum



non est quantum in reliquis hydropis speciebus. Dicemus ictericos quidem non esse flatuosos per se, sed per accidens, nimirum si partium ad ventrem attinentium sit imbecillitas. Maxime autem imbecillitas contrahitur ob paupertatem caloris naturalis, & dominatum caloris contra naturam omnia pervertentis; immo & omne alimentum in corruptelam & malignum spiritum convertentis. Quod si corpus in quo intemperies est calida ab omni crudo humore immune esset, flatuum quidem ilias non glisceret: sed si qua crudorum succorum quantitas sit, facile adaugetur ob calorem contra naturam. De ictericis an flatuosi sint, an non, dictum a nobis in Comment. de Definitionibus Medicis.

Ceterum, indicavit abunde curatio qua ex causa morbus foret. Nam quum immedicabilis per multos dies permanisset, usurpatis praesertim validioribus medicamentis rerum quae sequuntur, usu plurimum est adiutus. Primum relictis gravioribus enematis, in blandioribus statum est. Vena secta ter ut inflammatio tolleretur. Sanguis inflammatus & corruptus. Juscula temperata & insulsa data sunt. A vino temperavit. Ter die in balneum descendit temperatum ex aqua dulci. Sequenti die data tabella diacarth. ex jusculo pulli ad dacrydii vim debilitandam. Deinde rursus in balneum descendit. 4 Paulo post morbus coepit humescere, phlogosis temperari, liberari obstructa, flatus erumpere: erumpentibus allevatio multa. Deinde syrupo violato saepe usus, & potione sequenti.

*℞ sem. melonum, cucum. an. ℥ j. s. sem. citrii & foenic. an. ℥ j. granorum alkeken. & Kermes an. ℥ j. malv. bismal. & scabios. an. m. j. cinnamomi ℥ j. fiat decoct. ad dosim. In colat. dissol. vini hippocratici ℥ s. succi amygdal. dulcium ℥ j. s. utatur longe a pastu.*

*Repetatur idem poculum saepe.*

Item fots post balneum adhibitus est sequens:

*℞ malv. bismal. an. m. j. florum chamem. melilot. summit. aneth. an. m. s. absynth. pont. mentha, an. m. s. semin. lini ℥ j. cypper. screnan. an. ℥ iij. ben albi, ben rub. an. ℥ j. Fiant sacculi qui bulliant in aqua & vino pro fotu ventris totius & ventriculi, cum spongia.*

A fotu liniatur oleis sequentibus:

*℞ butyr. recent. ℥ iij. mucag. sem. lini & althea an. ℥ j. pulver. mastich. & cypperi, an. ℥ j. ol. absynth. mastich. & chamem. an. ℥ j. ol. rosati ℥ s. aceti ℥ s. misce, fiat litus ad ventrem totum.*

*Item adhibitus pullus gallinaceus & catulus ventriculo.*

His remediis levatus. Cessantibus ventris doloribus gravissime illi doluerunt partes extimae, praesertim genua & pedes.

## A N N O T A T I O N E S.

1 Si vere morbum illum nominare velis, speciem quamdam cholerae sicca appellares, de cujus notis & signis dictum est ante.

2 Urina erat pene cruda & incocta, quod declarabat incendium renum prepropere serum attrahentium: & suppressionem humoris biliosi, quae suppressa malum deterius reddebat.



3 *Est ubi qui sunt icterici sunt flatuosi, est ubi non sunt flatuosi, secundum sententiam Hippocratis. Nam quum fit icterus per inflammationem partium, nec pituitosa crudaque materia subest quæ in flatum vertatur; tunc absunt flatus. Sed si aut præcesserat congestio materie pituitosæ aut chyli propter pravam simarum hepatis dispositionem, corruptio sequitur, etiam in ictero potest esse flatuum multitudo. Vel dicemus ex agitatione materie crudæ, & caloris contra naturam excitatos esse flatus malignos. Idemque factum esse quod in generatione flatuum, de qua in nostris Definitionibus. Galenus comment. in partic. 21. lib. 4. Acutor. ait a spiritus interceptione non inferri flagrantem hypochondrio affectionem. Quod verum est. Sed flagrans in hypochondrio dispositio potest flatus excitare.*

4 *Quod mirum est quiescentibus post balnea doloribus ventris & renum, coepit dolere tibias & malleolos, adeo ut per omnes noctes clamaret, nec ulla ratione sedarentur. Hunc morbum graphice explicat Hippocrates, lib. de intern. affect.*

## CONSILIUM LXIV.

### *De Febre quartana.*

**I**LLUSTRIS Domina de Palluaquea in quartanam incidit circa mensem Augustum, quum tempus æstivum totum inæquale fuisset. Verè enim ab Hippocrate litteris mandatum est, *Quum eadem die modo calor, modo frigus apparet, autumnales morbos parit.* Ista enim inæqualitas naturæ infesta est. Hinc febrium erraticarum quæ quartanarum sunt prodromi origo. Hoc autem ideo fit, quod temporis diuturnitate corporis habitum siccent, ac humores adurant. In Græco est διὰ τὸ φλέγματος, quidam vertunt, ob pituitam, nos autem, propter calefactionem, retorrefactionemque vertimus: ut ista calefactio sit causa incinerationis; hinc sensim corpus refrigerat, resiccaturque, unde propensio in quartanam. Vel potius nomine φλέγματος audiemus pituitam siccam, crassam, retorridam, non autem humidam ac serosam. Hæc nobilis mulier temperamento est satis sanguineo, tamen devergente ad siccum quam ad calidum. Et quum ἡ ἐξερύδρων duo sint genera, alii calidi & humidi sunt, hepaticique dicuntur, & multum sanguinis generant, pulsus habent plenos, elatos, magnos; multum sumunt alimenti, febribus continuis, synochis, putridisque sunt obnoxii; & quum perspiratione careant, fiunt melancholici, non atrabillarii, sed melancholici a face sanguinis & crassitie, & veras legitimasque quartanas habent, quum sanguis non bene repurgatus, aut quum plus æquo succrescit in corpore: & tales quartanæ sunt longæ quidem, sed securæ. De iis dixit Hippocrates; *Prærubri melancholici sunt.* Alii colorem habent rubrum, & hepar præcalidum habent: sed calor in humiditate positus non est, sed in nescio quo squalore, siccitate, humiditatis inopia. Et hi tametsi rubore alias fugaci, alias non fugaci perfundantur, suffundanturque, tamen hoc non est iudicium abundantis sanguinis, sed calidioris hepatis sanguinem acrem,



acrem, subtilem, ferosumque generantis. Sic sunt pauci sanguinis, pulsu fatis celeri, non elato, non pleno, valetudinarii vivunt, ferosis humoribus abundant, febribus longis, hecticis, hæmitriticis detinentur, fluoribus hepaticis; & si in quartanas incidunt, alias in inæquales quartanas, alias continuitatem habent, utpote sanguine non humectato, nec corde, & inæqualitate in pulsibus perseverante. Urinas mejunt aqueas, & alias in quartanam incidunt atrabilariam, horrificam, quia humor biliosus ferosus, dulci aqueo ac temperato humore non moderatus facile excandescit, & in atrabilariam naturam immutatur. Priores ἐξέπυθροι facile ferunt venæ sectiones, & ab iis non læduntur: posteriores nonnisi cum summa difficultate; vix enim sese recipiunt, recolligunt, ac recuperant, & hypochondriacis morbis laborant, & obstructionibus mesenterii, & tenaces sunt, & mæsti, & facile terrentur, & apprehendunt: immo in hydropem siccum facile delabuntur, & pravas habent actiones ut hi qui febre laborant; nam febrientem habent ventrem. Alii medii sunt. Domina de Palloyseau media fere est, nam nec nimis siccum hepar, nec multa humiditate temperatum habet. Domina Dorsæa accedit potius ad posteriores, quum pulsus habeat parvos, celeres, vix perceptibiles, colorem saturatum, fugacem, alias plenior, siccitatem summam; & ut ita loquar, igneitate; ut mirum non sit si tempore inæquali utraque in febrem quartanam inciderit. Et quibus ita affectum hepar, non tam sæpe laborant, præsertim si sibi in victu temperaverint: sed quum in morbum inciderunt, eo vix ac ne vix defunguntur. Et tamen videtur febris eis morbus esse congener. Utraque mulier numquam habitior fuerat, numquam plenioris vultus ac pinguioris, numquam ad functiones paratior & alacrior: sed utrique solemnis erat quædam fluxio alvi, quæ dum fieret, ut erat vindex morborum, ita dum resistit, cessatque, eorundem est promotrix, advocatrix & conservatrix. Uni quidem, quoniam quum hepar aliqua ex parte siccius sit & calidius, multa biliosa & ichorosa generat, quæ alvum facile turbant, ac emonent. Sed dices: Si hepar siccum, siccitas autem facultatem retentricem juvat, cur non retinet potius? Dicemus autem quod attinet ad illam ἐνέξιαν & ἄχρωνα, utramque malam fuisse. Omnis enim ἐνέξια & ἄχρονα quæ præter rationem advenit, quæque naturæ legibus consuetis non continetur, immo potius est ob veteris & solemnis evacuationis suppressionem, quam ob partium solidarum repletionem & instaurationem, mala est ut signum & ut causa. Ut signum, quia quum extenuationis sint argumenta in aliis partibus, repletionis autem in aliis: inæqualitas illa nutritionis declarat solum abdomen plenum esse, mesenterium plenum, unde vetus stercus retentum illam ἄχρονα secundum quid, non absolute bonam inducit. Quod si æqualis esset ea ἐνέξια, declararet, omnes partes solidas alimentum cepisse: ut causa autem mala est, quoniam morbos a cacochymia & a plenitudine indicat. A plenitudine quidem non sanguinis, sed humorum in abdomine contentorum, quæ plenitudo cum cacochymia confunditur. Hinc quibus mulieribus menses, aut viris hæmorrhoides subsistunt, ea impinguantur, an propterea bene habent? Non, immo est instar vexiæ athletarum.



Et Hippocrates docte lib. de morbis, dum de suffusione pituitæ a capite loquitur, aut carnes rarefactas & exsiccatas diffusam illam pituitam facile in se recipere, & postea ἐνέξια inferre. Sed illa ἐνέξια lubrica est, & periculi plena. Item libro Coacar. animadversionum, Coloris bonitas, & sudores sine febre, aut inordinatam diatam docent, aut vetus stercus subesse. Veteris stercoris nomine potest audire evacuationem aliquam solemnem subsistentem. An hæc bonitas coloris bona est? Nequaquam: immo prodromos & antesignanus morborum. Ut nec ea bonitas coloris quæ in peripneumonicis apparet. Ideo decipiebantur veteres, qui minime contenti bona valetudine, & bonitate actionum sanguinem & lacertos quærebant, ex eoque metiebantur sanitatem, quum quis succulentus & plenus, & bene habitus foret. Sed eos Galenus reprehendit. Sic non quoties quis saturato rubore est, dicere oportet eum esse valde sanum: nec item quoties quis ita affectus est, dicere oportet eum esse temperamento sanguineo. Nam esse tales certum est colores quale alimentum, non propterea tamen sanguinis dominatum declarat rubens gena. Nam bifariam rubent genæ, aut propter sanguinis abundantiam, & tunc eos sanguineos esse dices, & ii quadrati esse solent, rudibundi, parum de rebus solliciti (nisi inclinante æstate corpus minime perspiret) & liberaliores esse oportet in sanguine mittendo: aut ob caloris excessum cum humorum icherosorum copia & dominatu, præsertim si in iis potius sit ἀνωρρόπιη, quam κατωρρόπιη. Scire enim oportet in aliis hepar suas habere inclinationes infernas, in aliis supernas. Unde pedes sæpe quibusdam sunt frigidissimi, quibus manus calidissimæ: & contra. Si ob caloris tantum excessum, ii sunt sæpe macri, furiosi, biliosi, mæsti, injuriosi, iniqui, tenaces, mali, versuti, melancholici; urinas sæpe aqueas habent, utpote hepate exsurgente statim ob calorem & siccitatem id quod humidum est, & multum mejunt, quod falso catarrhis attribuunt, quum sit veluti diabetica affectio; eo enim pacto affectum est hepar, quo aliquando renes: immo in renibus non potest non esse talis diathesis qualis in hepate: facile enim consentiunt. Declaravit ille æger qui veluti diabeten habebat in vico de la Mortellerie, quum certissima essent argumenta sicci, squalidi, & arentis & calidi hepatis. Et hoc diligenter notandum est. Cave ergo ne valde decipiaris judicans de temperamento sanguinis ex eo quod quis foret subrubeus; fallax enim id est. Hippocrates videtur aliam causam colorationis statuere in suis libris; colorum mutationes fiunt corde venas laxante, aut eodem constringente; laxante quidem florentes, pellucidi, rubicundi, constringente virides & ὑπόχλωροι. Ac si dicat in quibusdam per effumationem tantum & vaporum emissionem colorem induci, qui vapores si retineantur, tum mala coloratio adesse solet. Sed id potius pendet ex dispositione ea quam diximus. Nisi dicas cor quoque plurimum posse ob spiritus & calorem quem pulmonibus inducit. Ut quibus pulsus parvus & languidus, constrictusque, si color rubeus adsit, non vi caloris adsit, sed nescio cujus vaporis qui effertur. Quibus autem cor bene dilatatur, & sanguinei sunt, iis bona coloratio ex se. De febre autem quæ mulierem istam

adorta

Lib. de  
ess. nat.



adorta fuerat, ita disputatum est. In omni morborum depulsiōe de morbo primum constare oportet. Atque de morbo quidem quis, quæ idea, ut quæ hujus aut illius corporis *ἰδιοσυγκρίσιαν* sequatur. Nam pro corporum varietate evariant quoque. Si morbi species non statim sese prodant, major pars negotii naturæ committitur. Illa enim legitima vitæ ratione adhibita patefaciet id de quo dubitatur, quum incerta medicatio nonnisi dispendio decernatur. Hoc autem maxime in inconstantibus temporibus fit. Quod in hac muliere spectatur. 2 Nam qui morbus primo & per se *Libr. de typis.* quod tamen raro usu venit, & ideo declarat diathesin jam in partibus factam ) quartanum typum periodum receperat, mox eundem rejiciens confusus in sese est. Quartanam esse periodus declarat, ætas consentiens, tempus inæquale & autumnale. Ut quemadmodum eadem die modo calor, modo frigus fit: ita inæqualibus temporibus inæquales motus febres morbi que habeant. Et quod argumentum maximum dignotionis morbi, quodque Galenus 1. ad Glauconem plurimi facit, immo pluris quam circuitiōnis formam, est quod hoc tempore multi tales grassentur morbi. Contra *Gal. 1. ad Glauconem.* tamen quartanam non esse aliquis doceat, quod nulla fere *ἀπυρεξία*, quum tamen Galenus asserat maxime in quartanis omne quod exustum est discuti ac evacuari. 3 Sed forte de ordinatis intelligit. Item quod accessio in sudores non desinat, quod tamen 1. ad Glauconem requirit Galenus. *2. de diff. febr. febr.* Quod acerrimus calor qualis in tertianis, quod nullus rigor, immo ne horror quidem. Quod fit tribus de causis, aut quod sensus præstantia non sit, quod materies retusa sit, & naturam non stimulet, aut quod nulla motionis vehementia. Quum enim rigor motus sit multus, idest numerosas habens motiones, cum impetu, breve habens quietis tempus: horror omnia quidem habet, sed remissiora, frigus sine motu in cute sentitur. In rigore corpus concutitur, virtute cum humore luctante: in horrore cutis & muscoli cum quadam lassitudine, pigritia, & movendi difficultate concutitur. In frigore nulla concussio, sed sola cutis inalgescit. Rigorem afferunt sensus præstantia, materia naturam irritans, & motionis vehementia. Si causæ hæ validiores, rigor inducetur: si remittantur, idest, sensus hebetior, materia minus calida, acris, ad motum pigrior, virtus robusta, horror: idest, cutis & musculorum concussio. Tertianam veram rigor antecedit, quia caliditas exactiorem sensum reddit, humor mordicat, virtus robusta est ob siccitatem mediocrem quam habent biliosi. In quotidiana humoris frigiditate sensus obtunditur, humore robur fatiscit, materia nec mordet, nec facile movetur, ideo adest solum frigus. Quartanas & spurias tertianas & quotidianas quibus bilis admista, & semitertianas anteit, horror medium locum occupans inter frigus & rigorem. Nam causæ non sunt ut in tertiana validæ, nec ut in quotidiana languidæ. Et Galenus ait perfrigerationem aliquando tertianas anteire, & levem rigorem, *Lib. de typis.* præsertim si virtus debilis, & sensus hebes sit. Immo ( quod notandum est ) permultæ continuæ, & quæ unica finiuntur accessione, a levi rigore & frigore incipiunt, immo & pleuritides ob materiæ vel inæqualitatem & malignitatem: maxime vero id observatur in corporibus delicatioribus: in ter-



tianis pulsus magni, vehementes, celeres, omnis inæqualitatis, præterquam febrilis expertes. Magnitudo & celeritas ad robur arteriæ, urgentem necessitatem & sequax instrumentum refertur: frequentia ad necessitatem, vehementia ad robur. Galenus lib. de typis, parvum & frequentem pulsus agnoscit. Sed locus erroneus est, & facile iis adscribo qui hunc librum Galeni esse negent.

Nec enim ea parvitas pulsus in tertiana esse potest, sed in quartanis pulsus medio loco constitutus est inter pulsus tertianarum & quartanarum. Pulsus rari & tardi sunt, nisi increseat aut urgeat febris. Nam postulante usu crebriores & celeriores sunt, ita tamen ut nativa quædam tarditas & raritas maneat. Rari pulsus sunt, quum interpositis longis interval-  
lis arteria pulsât: tardi quum longo tempore parvum spatium percurritur. In pulsu causa agens est virtus, quæ per spatium arteriam movet, ab ejus medio ad circumferentiam dum distenditur, & eandem reflectit a circumferentia ad medium, interposita quiete dum contrahitur. Sic quum urget necessitas, spatiumque liberum est, & corpus arteriæ quod moveretur virtuti paret quæ agit; tunc pulsus magnus celer & frequens fit. Contra si usus non urget, spatium non liberum, arteria virtuti non obsequatur, pulsus fit rarus, tardus. Nam nec usus celer refrigerium desiderat, nec spatium liberum est, sed humorum vaporumque copia præpeditum. Inæqualitas in pulsu quartanariorum facile deprehenditur etiam in uno pulsu. Quum enim inæqualitas fiat urgente necessitate, facultate obsequente, sed motum interrumpente, impediēteque materiæ copia, aut crassitudine, aut instrumenti affectu, ut obstructione, aut compressione, vel constrictione inæqualitas necessario insequitur. Hæc omnia doctissimus Scholiastes & Paraphrastes Galeni in priore ad Glauconem exemplis & hypothēsibus illustravit: quæ omnia memoria sunt dignissima. Sed hæc intelliguntur de iis præsertim quartanis, in quibus ater succus frigidus & ficcus, calidus tantum per modum putredinis febrem accendit. Nam prout humor, aut est *ἐτερογενής* aut *ὁμογενής*, ita facultate valida, aut infirma, usu postulante, aut non pro conditione humoris, & instrumento hoc vel illo modo affecto; ita pulsus de raritate aut tarditate remittit, acceditque ad tertianarum aut quotidianarum pulsus. Nam nemo dubitat plerisque succrescere humores biliosos futuræ tertianæ parentes, qui tamen retusi, debilitatique, aliterque affecti quam deceat, aut quod adsit autumnus jam, aut instet, aliam naturam accersant, febremque quartanam inferant. Quemadmodum enim humor natura sua frigidus, & talis a tempestate factus, quum alioqui ratione suæ frigiditatis inferiora petere debeat, tamen ad partes superiores conscendit in juvenibus, quod temperamentum calidum corporis suscipientis & patientis humorem alium cursum motumque capere cogat quam ipsa natura suadeat: Ita quoque humor natus ex tertianam invehere, ratione tempestatum potest tamquam de sua discedens natura aliam inducere febrem. Istam hypothēsīm ex Hippocrate & Galeno desumimus: reddit enim rationem cur juvenibus parotides molles & pituitosæ natæ fuerint, quum materia ipsa caliginosa frigidaque foret, natæque ad generandos in partibus inferis abscessus: quia, inquit, juvenes erant,



erant, ut calor juvenilis materiam aliorum converterit quam a natura haberet. Nunc redeamus : 4 Ergo in illa muliere hæc argumenta suadebant non veram esse quartanam, quod nulla apyrexia, quod accessio in sudores non desineret, quod horror non esset ; denique quoniam inæqualitas in uno pulsu quæ in quartanis maxime esse solet, ut ante dictum est, nec nativa tarditas varietasque adesset. Quod fit quod exquisitus non sit humor atrabilarius frigidus & siccus, ut cinis ; sed biliosus, qui tamen caliginosior factus, alius febris auctor factus est quam pro ratione sui, quod urgeat necessitas magis flabellationis, quam in veris quartanis, in quibus quoniam humor frigidior sicciorque est, non tantam molestiam affert calor, immo in plerisque plus ipsa horrida concussio conquassatioque molesta est quam calor febrilis. Accedit quod in hac biliosa muliere non ita instrumentum præpeditum est vaporum a materia frigida siccaque elaborum crassitie & copia, debuerat incidere in tertianam, sed humor qui erat biliosus aliam naturam acquisivit, immo & malignitatem, unde quamdam continuitatem afferebat. Nam illud est valde notandum quod scribit Galenus, *Nulla febris cum inflammatione, aut maligna humorum putredine intermissionem habet : quum vero intermittit febris, utrumque abest.* At dices : Si quo tempore cacoethia humorum est, autumno maxime : ergo acutissimi morbi pullulare debent. Sed dicimus & acutissimos & longissimos morbos in autumnum incidere : hos quidem quum potius congeries est facis quam humoris maligni : illos vero quum contra fit. Ac quod id accidat autumno, Hippocrates scribit, Primum, quod quartanæ autumno longissimæ, & idem de aliis quibusdam morbis. De malignis ita scribit : *Autumno morbi acutissimi & exitiales magna ex parte.* Galenus rationem reddit, quod eodem die calor & frigus adsit : Item quod æstatem autumnus sequatur, in qua assantur humores, & vires debilitantur : tum quia humores sub finem æstatis ad difflationem erant parati, appetente autumno intro trudentur. Et hæc omnibus communia sunt, majora vero ex multitudine pravorum humorum quum fructibus usi fuerunt multis. Idem quod in Aphorism. reperit, in Epidem. & in lib. 6. *Ferinum autumno & cordis dolores, & horridum, & melancholicum.* Quadruplex autem est feritas : una, lumbricorum ; secunda, mania ; destillationis altera ; quarta, canceri & elephantiascos. Horum malorum causas duas assignavit ; unam mali humoris qui tunc generatur abundantiam, alteram temporis illius inæqualitatem. Denique hoc tempore grassantur morbi mali ob cacoethiam humoris, venenatam qualitatem, inflammationem, impedimentum partium principum, difficultatem curandi, cruditatem humorum cacoehymia conjunctam, temporis inæqualitatem, ob adustionem ratione æstatis præteritæ : virium debilitatem præterito tempore allatam, inclinationem humoris foris, intro, & præsertim mane & vespere. Hippocrates enim vespere morbos autumnales maxime recrudesce : denique ob fructuum usum immodicum.

*Comm. in  
Apho. 43.  
lib. 4.*

*Apho. 25.  
lib. 2.*

*Aphor. 9.  
lib. 3.*

*Lib. 2. E-  
pid. sect. 1.*

In muliere ista humor biliosus est dilutus quidem, & φλεγματοποιούμενος, efferatus tamen tam malam febrem committit. Et forte ille humor aliqua



tenuitate præditus, subigendo, tenuando, agitando, causa est tam inæqualis ἐπισημασίας, ut idem faciat quod theriaca initio febrium quartanarum data; hæc enim duplices triplicesque quartanas facit; quia tempore & loco non præscripta incidit penetrando, & unum humorem dividit, duosque ex uno facit. Statim a sumto cibo micat calor, aut ratione ejus subtilitatis: vel quia intus calor est siccus & arens, qui quemadmodum in hæcticis, rei humidæ accessu facile facile exsuscitatur, & ἐκλάμπτει. Quod ad curationem; Audito Quartanæ nomine statim ad incidentia, tenuantia, calfacientia, vel etiam vehementiuscula confugimus: sed hæc omnia hic locum non habent. Nam idea distinguitur ab aliis quartanis. Maxime vero diætæ ratio habenda, quod futura morbi longitudo vires validas requirat. Abstinentum glutinantibus, succum crassum generantibus, humectandum: quamquam Galen. videtur interdicare humectantia. Sed codex græcus erroneus est; nam quum dicit temperandum ἀπὸ τοῦ ὑγραυνόντων, legendum ξηραυνόντων: nam refrigerantia & siccantia nocent. Quæstio, an in quartana sectioni venæ locus sit. Galenus in tertiana notha, & in quartana, quum de sectione venæ agit, ex hypothese de ea loquitur. De tertiana notha ita: *Si sanguinis missione opus est, ea non omittatur*, quasi in tertianis nothis non probet necessario venæ sectionem. At Galenus de tertiana notha loquitur, quæ maximam affinitatem cum quotidianis habet. De quartana ita sensit: *Quartanas per initia moderate tractabis. Nullum vehemens medicamentum aut vacuationem adhibebis, nisi sanguis admodum exsuperare videatur. Et si secta vena sanguis niger ac crassus, qualis maxime in lienosis perspicitur, profluat, audacter mittendus; sin flavus ac tenuis, statim sistendus*. Idem Galenus de melancholicis loquens, disserit. *Quum*, ait, *opinio erit in universi corporis venis melancholicum sanguinem contineri, quo certiores habear notitiam, vena media secetur. Quod si fluens sanguis non videatur melancholicus, sistatur: sin melancholicus appareat, vacua quantum pro laborantis natura videatur*. Itaque de quartana ex hypothese loquitur; *Si sanguis admodum exsuperet*: ubi notanda vis vocis *admodum*. Nec dubium esse debet quin si corpus frigidum sit & siccum (quod corpus vere quartanis implicatur) a sectione venæ temperandum sit. At mulier hæc de qua res agitur, calida est & sicca, æstuat, sitit, jactatio, levia deliria, empyreuma magnum, continuitas quædam, immo nondum status typus: metus orgasmi, urinæ sunt flammeæ, mulier est. Mulieres autem luculentiores phlebotomias ferunt. Itaque secanda vena est opportune. Purgationes non ita valent ne duplex quartana incidat, ut de Medico narrat Galenus, qui quartanario succum cyrenaicum præscribit, conjicitque ægrum in triplicem quartanam.

De signis prognosticis ita statuendum est. Omnis securitas aut ex parte morbi, aut subjecti, aut utriusque. Morbus diuturnus, securus fere, ut ait Galenus passim: immo ab aliis morbis vindicat, ait Hippocrates. Quamquam Galenus docet comm. in partic. 4. sect. 3. lib. 1. Epidem. eas febres quartanas, quæ ex liene sequuntur, idest vitium aliquod peculiare in liene hydropem similemque affectum provocare: non quin propterea quartana



na eo nomine non sit secunda, sed ex eventu id fit. Et necessario febris hæc quartana longa futura est, primum quod per se talis est, & maxime quæ hiemem attingit: deinde quia corpus inclinantis ætatis est, minimum perspirans. Tertio quia epidemius nunc morbus est, ut quemadmodum tempestas est generatrix, ita & conservatrix esse dicatur. Nisi quis objiciat morbum minus longum fore, quod ita sit inordinatus: & quæcumque febres eadem hora repetunt, sunt ægre solubiles. Hic enim intelligi non debet de autumnalibus quos certa de causa erraticos esse diximus. Accedit quod huic mulieri lien sit infirmus. Si autem infirmitas lienis æstivas quartanas facit, contra aphorismum, sicut quodam loco Hippocrates animadvertit, multo magis conferet ista lienis infirmitas ad conservationem quartanarum. Nec certe aliter cessit. Nam per duos annos perseveravit ea febris, alias ordinata, alias complicata, alias continua, alias aliter affecta. Et in vigore accessionis quoniam turgescibat humor biliosus, erant deliria perpetua. Sed quod mirum est, & Medicis multum negotii dedit, est quod exacto primo anno tanta fatuæ pituitæ copia in os recurſabat, ut hoc ori stomachi infestum esset, multum ægræ tædii afferret, necnon appetentiam omnem projiceret. Dubitabatur an id a pulmonibus foret, an a capite, an ab hypochondriis natante alvo humiditate, quæ liberum exitum non haberet. Illa mulier pulmones habebat infirmos, & fata erat stirpe plurimum morbis obnoxia. Caput quoque incalſactum erat a calore febrili. Quemadmodum autem sol incalſaciens cerebrum *ἡχέουσι* facit (ut ait Hippocrates) corpusque multa imbuunt humiditate: ita calor febrilis & consumere potest humiditatem partibus existentibus robustis, & liquefacere partibus existentibus infirmis, & loco legitimæ nutritionis multam humiditatem potest tamquam causa per accidens inducere. Per accidens, quoniam partes debilitat, sic ut proprium alimentum non probe conficiant; & quoniam appetentiam dejicit, corpusque sitibundum reddit, rerum liquidiorum crebrior usus est, & proinde multarum humiditatum proventus. Atque ego existimo tantæ humiditatis & pulmones & caput auctores fuisse. Et illud annotavit Galenus in febribus quartanis, loquens de iis quæ superveniunt talibus febribus: *Quartanum typum insequuntur inappetentiæ, salivationes, aliquando ex causis contrariis appetentiæ intensæ, tussiculaque ipsis adest, quando corporis habitus corrumpitur*. Et loquens paullo ante de quotidianis, quod ante est etiam annotatum: sed tamen ob loci excellentiam repetere non erit alienum, *aut productis quotidianis rheumatismos thoracis succedere*. Quod fit aliis partibus debilitatis, & a suppressione proprii excrementi quod a se amandare nequeunt laborantibus. Unde quum mulier hæc potius amuletis & palliativa cura a quartana liberata esset, & quamdam *ἀεζία* comparasset, inopinato incidit in inflammationem pulmonis, a qua brevi interiit. Præterea idem Galenus unum observavit de quartanis, quod perpetuæ memoriæ tradendum est, quum & ad prognosim pertineat, & ad præcavendum ne quid tale contingat, lib. de Typis. Typus quartanus dum febris vehementior evadit ipse sibi complicatur, ut duo & tres fiant quartani, vel etiam usque ad quamdam continuitatem perveniant: rursus dum modera-

Lib. de  
aere &  
locis.

Lib. 1. de  
morbis.

Lib. de  
Typis, c.

4.



tior est, ad unum typum reducitur, fit etiam periculosus ob implicita mala, quia phthisim & hydropicas suffusiones sæpe efficiat. Metuebamus huic mulieri hydropem, præsertim ficcum, sed nil tale contigit. Remedia quæ sequuntur præscripta fuerunt.

℞ conserv. buglos. cichorii, ceterach & apii an. ℥ j. s. folior. senæ pulverizat. ℥ ij. rheibarb. electi ℥ s. cum decocto polypodij. fiat opiata utenda sæpe. Decoctum polypodii erit factum perfecte cum saccharo.

℞ succor. menth. absynth. buglos. an. ℥ iij. in quibus infunde agarici albi ℥ ij. fiat syrupus coctus perfecte cum saccharo.

℞ succorum depurat. buglos. borag. pomor. de curtipend. meliss. scaril. an. ℥ j. sacchari qu. suff. fiat syrupus, de quo capiat sub finem access.

### A N N O T A T I O N E S.

1. Huc pertinet illud Hippocratis 2. Epidem. ὀξυζουρία excitata in quibusdam coloris bonitatem affert.

2. Plerique casuri in quartanas, sentiunt dolorem lienis. Hinc Galen. cap. 4. lib. de Typis, asserit quartanam sequi lienis phlegmonem & tumorem: Oportet dicere quod quum febris quartana primo prehendit jam est dispositio aliqua in corpore ad susceptionem, & materia in angustiis venarum quodammodo est infiltrata, ut loquuntur veteres, ita ut ea dispositio & infiltratio sequens aut contumaciam materia, aut ejusdem tenuitatem, morbi longi aut brevis sit causa. Nec credere oportet in corpore semper ipsius lienis aut jecoris fomitem esse morbi. Nam in humoribus est qui aut circum lienem continentur, aut circa hepar. Tales autem humores retinent de natura partium quibus vicini sunt.

3. Et lib. de Typis, ait tertianas, & quartanas accessionem habere brevem, ἀνέσιον longam: quotidiane autem longam habent accessionem, brevem autem ἀνέσιον. Nomine autem anesios intelligere quoque oportet intermissionem. In 2. de different. febr. intermissionis tempus parvum esse vult. Attamen lib. 1. ad Glaucon. contrarium asserit, immo raritatem & tarditatem in pulsu post accessionem agnoscit.

### C O N S I L I U M LXV.

In quo quæstiones tres explicantur. Prima de Hypnoticis: Secunda de usu medicamentorum, & præpropere venæ sectione in febribus quibusdam. Tertia de ratione purgandi macilenta corpora:

**D**UO sunt hoc consilio plurimum annotanda, quorum observatio ad artem præclare & caste exercendam conferet. Primum de usu hypnoticorum: secundum de usu medicamentorum, & præpropere venæ sectione in plerisque febribus, in quibus agri æstuant quidem, & tamen non sitiunt valde, tametsi lingua indicet multum subesse caloris. Tertium addam de



corporibus macilentis, quæ quum purgare volumus, eis etiam agrotantium ipsorum voto valida applicamus remedia. Ad primum inflectit sese oratio nostra. Somnus triplex est, naturalis, a causâ naturali, ut quum suavis vapor cerebri meatus leniter obstruit & humectat: in quo satis est capi sensus aut intercipi ut ferientur, cessentque ab opere: unde cantu, strepitu citharæ, illapsu inflexuque blando aquæ somnus blandus irrepit, non parta ulla in cerebro obstructione, nec ulla re cerebrum opplente. Quod tamen Aristoteli placuit, ut existimaret numquam illabi quempiam in somnum nisi res aliqua cerebrum oppleat, aut saltem colliquatio fiat aliqua. Quod absomnum videtur. Unde enim colliquatio ista quum cantus, blandaque & sonora vox somnum inducit? Galenus autem docet somnum etiam longum nondum contra naturam existentem etiam a sola cerebri refrigeratione oriri, nulla de humore facta mentione. Quod autem solius refrigerationis mentio facta fuerit, patet ex ea divisione quam proponit: *Si refrigeratio* (ait) *cerebro contingat, somnum profundum facit; si refrigeratio fortis juncta humiditati, lethargicas affectiones inducit; si autem siccitati, κατὰ φύσιν*. Sic a sola refrigeratione, mediocri tamen, somnus profundus conciliatur, qui nondum aut comatis, aut similis affectus rationem habet, nisi difficilis sit expergefactionis. Quum enim hoc contingit, tum contra naturam somnus existit. Et tamen licet non sit difficilis expergefactio, non desinit quidam somnus longus in malis duci. Proptereaque erraverunt quidam veteres existimantes nullum somnum longum mediocritatem superare, esseque contra naturam: vigilias vero contra naturam quasdam longas posse existere. Sed si vigilie modum superant, naturamque lædunt, cur non & somnus? Horum dogmata a Galeno pluribus labefactantur in commentariis in aphor. uti & eorum qui soporiferas affectiones & contra naturam existentes, somnum esse longum dixerunt, præsertim dum incipiunt. Sic quidam somnus est naturalis per blandam anathymiasin cerebrum capientem, actionesque cessare ferientem, sensibus quodammodo ligatis, qui per vigilias absolvuntur. Alius est contra naturam a causâ alieniore, ut Galenus pluribus locis explicat, ut in catalepsi, cataphora, apoplexia, veterno, & aliis generis ejusdem apparet. Tertius autem medius, ab utriusque causis nascens, & is a naturali longius recedit, contra tamen naturam nondum plane existit. Ejusmodi somnus in pueris & temulentis apparet, & interdum juvat ad coctionem & ebrietatem tollendam. Unde Carus ab Hippocr. non videtur omnino damnatus, tametsi contra naturam affectio sit, & affectio sit soporifera δυσδιέγερτος, (quæ vox somnum maxime contra naturam reddit, ut ex 2. Aphor. patet) Galenus in Commentar. & in pueris & temulentis, & ægris τὸν ὑπνον δυσδιέγερτον observavit, præsertim quum diu per morbum vigilassent, profuisse plurimum. Plura illo commentario 2 Prorrh. legere possis. Porro ille somnus qui κατὰ φύσιν τι habet, modum quidem naturæ excedit, & fit a causâ quantitate potius quam qualitate molesta. Sed est somnus alius veluti quartus usu rerum soporiferarum inductus, cujus gratia sermo hic est institutus, ut doceamus quibus modis inducto illo somno in ægrorum commoda peccetur, & quum ita peccetur, quæ ratio sit ineunda, & quatenus in ejus

Gal. in  
aphor. 3.  
lib. 2.

Cap. 5. l.  
3. de loc.  
affect. &  
comm. in  
aphor. 3.  
lib. 2.

In Pror-  
rhet. par.  
28. lib. 2.  
Comm. in  
aphor. 3.



inductione ne nimietate & insolentia erretur, sit insistendum. Ceterum somnus ille hypnoticis inductus, quum blandam benignamque anathymiasin causam sui agnoscat, a naturali desciscit, somnoque contra naturam similior redditur, quod refrigeratione & humectatione fiat, duabus nimirum rebus febrium causæ calidæ & siccæ oppositus. Et quatenus ita inducitur contra naturam aut præter naturam somnus dicitur, quatenus autem non nihil adjumenti affert, immo plus commodi naturam recreando diuturnis vigiliis lassatam, tritam, fractam, debilitatamque, quam detrimenti, quod inducatur a rebus contra naturam existentibus, quodque aliquando in malam *δυσέσιν* trahat cerebrum. Sic mediocritas tenenda maxime est. Ut autem somnus etiam maxime naturalis, alias juvat, alias nocet, ut initio paroxysmorum; sic somnus contra naturam etiam juvat ex eventu, quum sit melius naturam vigiliis afflictam quacumque ratione levare, quam eam finire atteri, ac afflictio rem reddi. Unumquodque autem ex eo metuendum, quod aut officiat, aut juret, ut de hæmorrhagia Galenus contendit, quæ etsi contra naturam suo genere existat, opus tamen naturæ utilitate ipsa conferenda, dicatur. Idem de somno. Sed in eo conciliando prodigos nos esse non oportet, satis est esse liberales. Etenim & incuntibus morbis, & in vigore, & omni tempore morbi, sive etiam calidi, sive frigidi morbi sint, dummodo aliqua sit somni vacuitas, ut videantur Medici semper aliquid moliri, hypnoticorum usu sese ægris consulere arbitrantur. At errant longe. Nam sæpe *καρνηβαρίας*, & alia id genus mala inducunt. Dum enim exitu prohibentur excrementa *ἀτμώδεις*, cerebrum offenditur. Galenus ex sententia Hippocratis sententiam commemoratione dignam profert de incommotis vigiliarum immodicarum, præsertim facta quadam ad insuetas mutatione vigilias, & somni longioris præter consuetudinem inducti, disputans. Exempli gratia, in morbo aut sanitate quis vigilat etiam supra mediocritatem, somnifera adhibes, tu in contrariam partem naturam adducis, & mutationem affers, nocet plurimum. Nam & vigilæ *ἰχυραὶ* cibos crudeos incoctosque reddunt, ait illo loco Hippocrates: & mutatio ad somnum multum sive per se, sive de industria inductum, quod in comment. elegantissime Galenus vocat *ὑπνον ἐπιτηδαιέντα* torporem, segnitiam, languorem, gravitatem capitis, & *ἐφθόγητα* affert, ut dicit Hippocrates. Nomine *τῆς ἐφθόγητος* accomodate & significanter Galenus vult intelligi *τῆς τόνου ἐκλυσιν*. idest virium ac roboris exsolutionem: Latine autem redditur *ἐφθόγητος* excoctio: & homines qui immodice dormiunt *ἐφθήμενοι* dicuntur, latine recocti excoctique, gallice *perboulus*; quod eorum caro sit humidior reddita, habitusque corporis albicantior & tumidior, idque fit ob suppressionem fuliginosi excrementi, halituosique, quod per vigilias digeri deberet ac exhalare. Plura illo commentario legi possunt. Et hæc præsertim in sanis intelliguntur, quibus arctior profundiorque somnus placet & longior. Sed in ægris est ubi hypnotica conferant, est ubi officiant plurimum.

*Comm. in 3 lib. 2.* In affectibus calidis cerebri, vigiliis, & febribus continuis soporifera maxime Medici usurpant. Vigiliæ fiunt propter calorem primæ partis sensifi-



ēa, ait Galenus, idque vel propter simplicem intemperiem, vel ob copiam  
 biliosi humoris in eadem parte ferocientis. Hoc videndum in calidis affe-  
 ctionibus cerebri, sive sit intemperies simplex, sive cum humore, ne im-  
 prudenter usurpemus hypnotica, sive in tempore, sive in usus crebritate;  
 nam sic ex calida intemperie fit frigida, quod pessimum est. Accedit quod  
 exitu prohibeantur humores tenues, sive quod per ventrem evacuari pos-  
 sent, sive per halitum. At dices, increassantur: qui tum? Bonum quidem  
 eorum acrimoniam retundere usu temperantium, non autem stupefacien-  
 tium usu. Et licet retundant, ista retusio a talibus facta plus afferet in-  
 commodi nam difflatu per cutim, & refluxu a capite tamquam parte  
 principe prohibentur humores, deinde repressi in capite usu stupefacientium  
 vim suam cerebro imprimunt. Unde videmus etiam fatuos, stolidosque  
 quosdam effici usu narcoticorum etiam moderatorum. In tempore quidem  
 peccatur, quum initio morborum damus, obstruimus enim tunc, mate-  
 riamque crudiores reddimus, & naturam hebetiorem reddimus, nedum  
 vegetiorem. Et omnium gravissime peccant etiam in vigore morborum stu-  
 pefacientia hypnoticaque præscribentes: nam tunc natura aggreditur co-  
 ctionem, materia est mitificata, facultas vitalis & naturalis fortes etiam-  
 num persistunt, animalis autem infirma est: ob quam infirmitatem Gale-  
 nus vetat ne quid tentemus. 3 At stupefacientia cerebrum ipsum hebetius  
 reddendo, infirmius faciunt; propterea error committitur maximus. Quia  
 etiam contra quod Galenus dicit in vigore aliquando facultates sunt atto-  
 nitæ & imbecillæ, ac tunc hypnoticon non confert; sopiuntur enim ipsæ  
 facultates, nec ἐπερισμὸν humoris percipiunt: & ita crisis non fit. Dicam  
 quod experientia compertum est, huc pertinens maxime & observandum  
 diligenter, ne quid tale in communem hominum perniciem perpetretur.  
 Gener cujusdam satellitis Regii nomine Candæi febre causode laborabat,  
 Insomnis erat. Circa nonum diem quum naturæ aggressio concursioque  
 exspectanda esset, capiti pullus exenteratus est applicitus, eodemque tem-  
 pore syrupus diacodyonis cum decocto lactucæ præscriptus. Illi & præsen-  
 tibus visa sunt mitiora. Tribus aut quatuor horis post quum sese in  
 somnum convertisset, inventus est exanimis & extinctus. Credibile est hoc  
 contigisse quod per stupefacientia somniferaque facultates languidiores red-  
 ditæ forent, die præsertim critico. Sic humores non stimularunt naturam,  
 aut eam languidam stimularunt, eodemque usu suppressa maligna materia  
 quæ per sudores aut alvum projici debuisset: sic mors de repente invasit.  
 Idem in Cymæterio Sancti Joannis mulieri contigit, quum in vigore  
 morbi stupefacientia præscripta essent; nam de repente refrixerunt partes,  
 ac interiit. Idem ad insigne S. Trinitatis vico S. Antonii. Itaque nec ini-  
 tio morborum, nec in vigore sunt admovenda stupefacientia, præsertim in  
 acutis, nec pulli exenterati: nam multum conturbant, & ad caput alli-  
 ciunt suo calore; unde sensuum fit oblæsiō. At opportune dari possunt  
 in morborum incremento.

Medico-  
rum er-  
ror.

Comm.in  
aphor.29.  
lib. 3.

Præter autem exemplorum fidem, idem clarius manifestiusque reddi  
 potest auctoritate Tralliani, qui narcoticorum anodynorumque usum viri-



De phre  
nitide c.  
6. bus præsertim infirmis suspectum esse ait; immo etiam mortem sæpe inde advenire confirmat. Nam influxum refluxumque humoris impediunt, obstruunt, naturam hebetant, ejusque aciem retundunt, & alia confamilia afferre solent. De iis plura legere possis apud Donatum ab Altomari.

De corporibus macilentis, attenuatis, squalentibus, aridis, adstrictaque alvo præditis hoc loco agendum est, an his validioribus medicamentis sit consulendum, quod nonnisi ægre alvus illis solvatur. Quum una ex causis adstrictionis alvi causa sit retentricis firmitas, præcordiorumque *ναῦσος*, videmus frustra ejusmodi naturas validioribus medicamentis vexare, aut quod eorum querelis obtemperemus, qui operam nostram ludant, pote quibus medicamento nostro alvus non sit soluta, aut quod male credamus: quod alvus ægrius, & magis *πρὸς ἀνάγκην* egerit, redditque, ut in Prorrheticis & Prognost. loquitur Hippocrates, eo de validioribus medicamentis esse agitandum. At longe fallimur. Ejusmodi ventres ficos, arentes, ex Hippocratis libris vocare possumus, *ambustos*, *exustos*ve duobus in locis: priore, quum loquitur de lapidis genere ratione ob æstum ventris: Quibus, ait, *alvus ardens ac fervida fuerit, his vesica coardescit*: Posteriore autem, dum loquitur de aquarum delectu: *Quorum ventres duri sunt, & ad hoc idonei ut amburantur, his dulcissima, levissima, ac splendidissima aquæ ex usu sunt*. Non duras aquas præscribit, non aluminosas, non nitrosas, quæ tamen viderentur alvum sollicitare, contra dulcia, mollia, liquidaque præscribit. & Eadem & medicamentorum ratio esse debet. Nam ut ad ventres ardentes, aquæ molles & dulces; ad ventres, inquam, ciendos conferunt, sic & medicamenta ecoprotica, lenientia, mitigantia, leniendo solventia. Contra vero obsunt plurimum ea quæ adstringendo purgant, aut quæ impense calfaciunt, ut omnia quæ scammonium recipiunt. Nam quum siccitas ex iis sit quæ facultatem retentricem roborant, firmantque, ex quo alvi pigrities consequatur, nemo dubitat plurimum incommodi allatum iri si impense siccantia & calfacientia medicamenta corpori facultatem retentricem præ siccitate robustam habenti exhibeantur. 6 Sic pueriliter errant Medici id genus medicamentorum consulentes. Itaque quum corpora gracilia, sicca, duritie alvi prædita ad medicamentorum usum adducimus, lenientia potius quam valde attrahentia usurpare debemus. Immo ea corpora præhumectare oportet eo modo quo & consulit Hippocrates in Aphorismis, loquens de usu Elleborismi. Ideo quidam ex nostratibus Medicis sic illa corpora purgabat, ut per tres dies continuos. & bolis cassiæ tamquam alimento sumtis, & jusculis vitulinis præhumectaret ac præpararet. Quæ omnia admonita volumus, ut ignaris, aut doctis quidem, sed trita via utentibus: & ita turpiter alucinatis recta medendi ratio præmonstretur. Aliquid simile scriptum est ab Aetio in sua medendi methodo. Item eadem res brevibus verbis a nobis explicatur hujus libri initio.

Cap. 4

Tetrabil.

3. ferm. 1.

& cap. 13

eiusd.

Tetrabil.

& ferm.

eiusd.

Tertium a nobis erat institutum de iis qui febricitant insigniter satis, sed non valde sitiunt, & levibus momentis exhorrescunt, in quibus non est



est æquum usum magnorum remediorum accelerare, præsertim cælo paulo frigidior. Innumeros vidimus hieme tepidior febricitantes eo modo quo descriptum a nobis est, quibus Medici præpropere vulgatam nimium medendi viam sequentes, & sectionem & purgationem adhibent, decepti & illa vulgata nimium via, & male in usum convertentes illos Hippocratis aphorismos. *In principiis morborum si quid videtur movendum, move*: Item, *In acutis passionibus raro, & id initio, &c.* Item, *In his tardare, malum*. Nam alius aphorismus, *Cocta medicari ac movere, non cruda, modo non turgent, nec in principiis, &c.* Hic (inquam) aphorismus est multo generalior eo quo nituntur, *In principiis morborum si quid movendum, move*. Etenim per comparisonem tantum lequitur, conferens principium & augmentum cum aliis temporibus, in quibus ab opere desistendum suadet. Sed quum vetat movere ea quæ cruda sunt; cavet ne remediis nostris agitemus frustra ægros quod ludatur opera. Et quum vult non morandum esse, sed statim aliquid moliendum, de acutis morbis agit. Dicimus autem in acutis revera non esse procrastinandum, sed statim moliendum aliquid: non idem est iudicium de iis qui parem acutiem non habent. Et revera in utrisque eccoprotica dare sufficit, non scammoniata eradicantia medicamenta, in quo graviter peccatur. Et revera quibus blando medicamento initio consultum est, ii melius habuerunt, progressoque morbo sine strophis plus uno medicamentulo exercuerunt, quam valido medicamento initio. Et ausim hoc affirmare plerosque usu ejusmodi medicamentorum dum frustra conamur initio materiam evellere, excrevisse tantum multam serositatem quæ morbum contumaciorem reddidit, & nil profuit. Et maxime in eo errant Medici quod aphorismum istum, *Si quid videtur movendum, &c.* & *Tardare malum*, æque æstate & hieme & autumno usurpant. Potius audire debent illud, *Plurima non turgent*, ut non ita ad medicationes festinent, & sectionem venæ. Et revera sectione venæ ita cito celebrata in morbis non acutis, laudabilis tantum sanguis educitur cum magna virium jactura. Sic melius esset leniens medicamentum bis exhibere, & sectionem differre. 7 Sed hæc satis per se manifesta sunt, & tamen plerosque latent veteri medendi methodo addictos. Etenim nemo dubitat hieme & autumno contumaciores esse humores, & minus fluxiles quam æstate, aut verno tempore, præsertim sub finem. Et ita frustra, temereque fortibus medicationibus divexantur ægri. Signa porro duo adjunximus febribus hibernis, in satis ingenti febre non magnam sitim, & frequentem frigoris sensationem, & rigores. 8 Quæ duo posteriora non tam sunt a motu humorum, quam quia conclusus calor est intus in venis insidens multo major quam se foris proferat: ideo revocatio fit spirituum & sanguinis. Itaque nimium externi frigoris appulsus facile percipiunt, & ita leviter exhorrescunt. Accedit & humoris qui tunc in vitio est contumacia. Nam retinens de natura hiemis est partim biliosus, partim pituitosus; ut mirum non sit si istam inæqualitatem inducat.



## A N N O T A T I O N E S.

1. Aliud est coctum & mitificatum, aliud crudum & incoctum. Nam τὰ ὠμα coctionem admittunt, in familiaremque naturam succum convertuntur: τὰ ἀπεντα non item, sed tantum mitificantur.

2. Εἰρηνοὶ dicentur effeti, turgiduli, & excocti. Et Hippocrat. quod notandum est, notat quamdam constitutionem temporis, in qua febres desinebant statim, sed revertebantur, & egri erant ἀσώδεις, ἀπόσιτοι, ἐφδοί, excocti.

3. Questio preclara est: An facultatis animalis ratio sit habenda in morbis: Et an verum quod Galenus ait: Nil tentandum in vigore morborum, quum facultas animalis sit infirma, an ea infirmitas sit aestimanda. Non certe quoad motum, nil attinet enim moveri; sed quoad sensum. Unde videmus obstupefactis sensibus motus naturales fieri symptomaticos; Magna enim facultatum inter se consensio est.

4. Somnus per se stupefacit, corpus torpidum reddit ac grave: meatus obstruit, ut preclare Hippocrates lib. de flatibus docet: multo magis id praestat si praeter naturam inducatur. Maxime autem usum somniferorum vererimur in iis quibus frigidius cerebrum, quamvis vigilant; quia facile vires exerit in cerebrum res somnifera.

5. Ego observavi in operibus artis, medicamentum etiam blandum horis pomeridianis tribus horis a prandio exhibitum magnum habere effectum. Hinc discere possumus in his quibus alvus admodum adstricta est ex usu esse si quatuor horis a prandio exhibeamus pharmacum.

6. Tamen Hippocrates lib. de Locis in homine, tutius macilentos purgat quam crassos.

7. Praesertim nisi sit explicatus pulsus, aut certo scias a sanguinis copia obrutum pulsum, non a copia humorum in mesaraeo contentorum.

8. Galenus com. in part. 26. sect. 3. lib. 6. Epid. scribit omnes cacechy-mos quum repente calsiunt inhorrescere.

## CONSILIUM LXVI.

De fluore uterino. Pro illustri Domina de Marchaumont.

**A**NTE disputatum est de profluvio ab utero, cujus variae causae, & species ab Hippocrate explicantur in libris de morbis mulier. ut ante dictum est. Hic remedia praescribentur quibus fluor quidam uterinus in illustri Domina oppugnatus fuit, sed non victus, qui illi ardorem summum & dolorem in lumbis excitabat: ut iis mulieribus contingit quae ita affectae sunt.

℞ rad. petrosel. faenicul. cort. cappar. an. ℥ ij. polyp. rad. plantag. an. ℥ j. chamedr. & capill. an. m. 1. buglos. beton. scariol. agrimon. an. m. j. s. sem. melon. cucum. bardanae, urticae, pipinel. milii solis an. ℥ s. sem. raphani



phani ℥ ij. summitat. malva, veronica, urtica, herniaria an. m. j. pass. glyc. ana ℥ s. mercurial. m. ij. fiat decoct. In colat. ad lib. dissol. sacchari albi lib. j. express. ℥ ij. rhab. & ℥ j. agar. infus. in parte decoct.

℥ succorum pomor. de curtis. buglos. meliss. borag. an. ℥ iij. decoct. passul. glyc. thamarind. florum violar. lib. s. inf. fol. senæ ℥ iij. agar. ℥ j. s. sacch. lib. j. fiat syrupus coctus. Dosis ℥ ij. ex decoct. semin. acetos. portulacæ, melon. florum nenuph.

Ob istum ardorem hoc fuit institutum.

℥ unguenti refriger. ℥ ij. pro litu renum, ℥ medull. crurum cervi ℥ j. s. Lavetur pluries in aqua ros. adde ol. ros. ℥ j. mastich. ℥ iij. fiat litus pro spina dorsi.

Ingressa est balneum, & mastiche cum oleo absynth. & cera stomacho applicata est.

℥ faucium lucii, coralli rub. an. ℥ ij. cornu cervi usti, margar. elect. carab. an. ℥ j. tartari vini albi prepar. ℥ j. sacchari ros. quod suff. fiat pulvis, cujus capiat duo cochlearia cum decoct. absynthii.

℥ electuarii diatrag. frig. ℥ j. glycyrrh. ℥ ij. terra sigil. lotæ aqu. ros. ℥ j. 4 semin. frigid. major. & seminis papaveris albi an. ℥ j. s. fiat pulvis, utatur cum syrupo violato.

℥ pulpe sem. melon. cucurb. citrul. amygdalarum dulcium an. ℥ iij. terantur, & fiat emulsio cum decoct. rad. gram. asparagi, glycyrr. addendo sacchari ℥ j.

Et cum illi lien obduruisset, hoc quod sequitur est institutum.

℥ gummi pini, cera nova, an. ℥ ij. picis navalis & resina an. ℥ i. sulphuris vivi ℥ ij. dissolv. in aceto forti: omnia extende super alutam pro regione lienis.

Fotus adstringens.

℥ aquæ fabrorum lib. s. malicor. balauft. nucis cupr. & berberis an. ℥ s. fiat decoct. in colat. dissol. sangu. dracon. thuris an. ℥ j.

Eidem quum menstrua non fluerent olim quæ sequuntur præscripta fuerunt.

℥ rub. majoris, fœnic. petrosel. asparagi, rad. capp. polypod. cort. tamar. an. ℥ s. rad. bistor. ℥ ij. agripal. calaminth. an. m. s. omnium capit. an. p. ij. meliss. hyssopi, agrimon. scariol. an. m. j. semin. anisi, endiviæ, cuscute an. ℥ ij. florum card. anthos, genist. an. p. j. fiat decoct. ad lib. In colat. dissol. syrup. de arth. ℥ iij. diarrhod. abbat. ℥ ij. fiat apozema.

℥ ceterach. pulveriz. rasura eboris, cornu cervi, cara, an. ℥ j. cinnam. gr. iij. pulver. electuar. j. diacub. ℥ s. ossis de corde cervi, margar. elect. pulver. diarrhod. aromat. ros. an. gr. viij. cum saccharo in aqu. buglosæ soluto. Fiat electuarium per tabellas. Deinde fiat fotus ex decoct. herbarum uterinarum, rad. apii, cypp. calami aromat. rad. fœnic. apii, rub. major. valeriana, arthemisia, nepet. pulegii, calament. bistortæ, dictamni.

℥ trochiscor. de myrrha ℥ j. injectorum in carbones fumus excipiat.

℥ succor. arthemis. hyss. agripal. herba cati. an. quart. j. sacchar. quod



sufficit. fiat syrupus : capiat ℥ j. s. cum ℥ iij. decoct. lupulorum, arthemisia & cinnamomi.

℥ ladani ℥ iij. benioin ℥ j. s. caryophyll. ℥ ij. cum oleo de ben. Fiat suffitus concinnatis trochiscis.

In acerbo dolore umbilici, & partium vicinarum.

℥ emplastri de mucag. unguent. dialth. gummi ammoniaci in aqua vite soluti an. ℥ j. sagap. opop. an. ℥ iij. rad. aristoloch. ireos, an. ℥ ij. s. cum terebinth. Fiat emplastrum. factus sacculus ex ℥ ij. s. radic. altheæ, origan. calament. arth. thymo, bismal. seminib. lini & fœnugr.

℥ prædicti decoct. lib. j. in qua dissol. confect. de baccis an. ℥ s. olei rut. & anet. an. ℥ j. s. mithridat. ℥ ij. s. fiat clyster.

℥ syrup. de arthem. ℥ j. s. decoct. rutæ, aristoloch. & dictamni ℥ iij.

℥ trochisc. de myrrh. ℥ ij. castorei ℥ j. pulv. aristolochie rotund. ℥ j. agar. trochisc. ℥ ij. salis gemmæ ℥ ij. croci ℥ j. cum syrupo de arthem. Fiat massa.

Et quum quereretur quod non conciperet, hoc præscriptum est.

℥ succorum calaminthæ, nepetæ, agripalm. arthemis. scolop. meliss. an. ℥ iij. decoctionis sequ. lib. j.

℥ rad. bistort. eryng. aristoloch. an. ℥ s. pulegii, thymi, epithy. an. p. j. sem. anisi, fœniculi an. ℥ ij. lingua avis p. iij. rub. major. ℥ s. matricem leporis, coagul. ejusdem ℥ ij. Fiat decoct. in lib. s. succorum pomorum, & lib. j. aquæ arthemis. & lib. s. aquæ marian. Coletur totum, & bulliat donec redeat ad lib. j.

℥ prædictam lib. prædictos succos, in quibus maceretur nodulus ℥ ij. radicis bistortæ, & ℥ iij. aristoloch. & myrrh. ℥ j. croci scr. j. sacchari albi, buglos. lib. j. fiat syrupus coctus : capiat mane ℥ j. s. cum decoct. arthemis.

℥ pulver. matricis leporis in furno siccata, rad. aristoloch. an. ℥ ij. setæ intinct. in Kermes margarit. elect. an. ℥ j. carab. ℥ j. sacch. buglos. ℥ ij. s. Capiat quotidie cochlear unum cum decoct. puleg. & pass.

℥ ros. rubr. ℥ ij. myrrh. mastich. an. ℥ j. myrtil. sang. drac. an. ℥ s. styr. calami ℥ s. ladani ℥ ij. ambre gris. moschi, ligni aloes an. ℥ s. fiant trochisci pond. ℥ j. excipiatur fumus manæ.

℥ olibani & myrrh. an. ℥ s. ladan. benioin an. ℥ j. sem. carvi, dauci, cumin. & pastinacæ, agrest. an. ℥ j. folior. orig. sicci ℥ j. fiat pulvis & cum terebinth. & floribus lavendulæ fiant trochisci : utatur in sella perforata.

## CONSILIUM LXVII.

### De febre hectica.

JACOB Carpent natura biliosus, & præcalidis visceribus præditus, post purulentas urinas in febrem hecticam incidit intestinis ulceratis. Tandem alvus liquidis excrementis fluxit facultate hepatis & œconomia jam jam labascente & labefactata. Verumque illud in eo compertum est quod ab



Ab Hippocrate dictum est : *Si ex alvo tenuia , ag o minime sentiente , quum tamen libere ratiocinetur , malum ut hepatico .* De cujus aphorismi veritate ante dictum est . Nam summam paupertatem caloris naturalis , casumque facultatis in hepate sitæ significat . Ventum est ad lac asinæ : & quum ne hilum proficeretur , infirmitatisque & virium lapsus majora edere-  
rentur argumenta , destillato instaurante ei consultum est .

℥ turtures num. 3. pedes vituli & agni juvenis vel capreolorum an. num. 4. hepata gallinarum & capri juvenis an. 6. num. pellicularum stomachi gallinarum ℥ j. berberis conditi , granorum granatorum an. ℥ ij. carnes quatuor myrobol. emblic. carnosar. pinearum pistacearum an. ℥ ij. jujub. sebest. an. num. 20. testud. nemo. tres , conser. rosar. symph. an. ℥ ij. micam panis albi macerati in decocto capi juvenis , decoctionis duorum pullorum & carn. vitulin. alterator. cum seminib. frigidis , & papav. & hordei lib. ij. fiat omnium destillatio in alambico .

℥ rosar. rubr. malabath. an. p. ij. scabios. & rad. dictam. an. p. s. rad. cypp. cal. aromat. scœnanth. an. ℥ j. s. ligni aloes & cedri an. ℥ ij. Fiat decoct. in vino albo & aqu. rosar. In colat. ad lib. j. dissolv. pulv. diamargar. frig. ℥ ij. theriac. & mithrid. an ℥ j. s. fiat epith. pro corde .

## CONSILIUM LXVIII.

*De Gonorrhœa virulenta.*

**N**OBILIS mulier a marito iniusta , qui cum prostibulo impuro concubuerat , inquinatur ; hinc gonorrhœa virulenta male fluorem muliebrem representans . Quæ excernuntur cum virore pallescunt . Jam fluxus ille per annos perseveraverat , illam a variis morbis vindicans . Tamen propter contagionem massæque sanguinis labem valetudinaria est ; quoniam , credo , non satis largiter virulentus ille humor decurrit . Menses plane subsistunt . Atque hinc illincque metus ingruit quidam . Nam si supprimatur illud *βραμίδες* & virulentum , perniciēs consequetur , sin fluat , tamen si suo exitu commoditatem affert , tamen in maciem ita laborantem conjiciet . Quod plerisque usuvenit ; siquidem non potest non afficere partes per quas traducitur , ineunte vere quo præsertim tempore omnia re-  
puerascunt , summam in renibus gravitatem sentit . Dejicitur appetentia : languet : munia non obit sua . Dolores in ventre excitantur toto . Quo medicamento ex rheo & syrupo laxativo sæpe adjuncta fuerat , eodem occurratur : malum recrudescit . Tandem diu noctuque ita vexatur ut ferendo non sit . Pulsus languidus & sepultus : facultatum omnium fere concussio , ac maxime vitalis . Sursum deorsum fertur materia . Quæritur quid sit opus . Sensim atque sensim crescunt dolores pungentes & ferientes , divellentisque membranas . Dolor turgens est , & qualem Galenus describit in lib. 3. de locis aff. idest , in partibus quibusdam sentitur dolor veluti a remota alia parte velut radice derivatus ; quod notandum est , falso credunt colicum esse dolorem : proptereaque , ut fere fit , liberales nos esse



debere in usu rerum calidarum : immo tali usu ægrescebat magis : In eam sententiam ventum est, ut crederemus in provocando illo fluore incumbendum esse, alioqui frustra operam daturus. Atque ita provisum est. Primum is clyster injectus.

*℞ malva, bismal. arthemisia an. m. j. sem. pæonia rubentis ℥ j. agri palmæ p. j. rad. petrosel. asparagi an. ℥ j. sem. lini, fœnugr. an. ℥ s. fiat decoct. In colat. dissol. terebinth. ℥ ij. sacchar. rub. ℥ j. olei lilior. & chamæmel. an. ℥ j. s. vitellos ovorum duorum, fiat clyster.*

Eodem die excitatus vomitus materie virulentæ, & ejus quæ olim per inferiora ferebatur. Non a ventriculo erat, sed ab jecinore & regione renum, ut conjecturis deprehendebatur. Quæstio, an esset sistendus, an juvandus. Non placuit juvare, ne materiam quæ per inferiora moveri deberet, aliorum revelleremus. Urgentibus doloribus coacti sumus adhibere balneum, uti succo amygdalar. dulc. cum vino hippocrat. Cessabant statim dolores : e balneo egressæ redibant. Secta vena in malleolo, adhibiti pessi ex hiera diacolocynt. pulvere hieræ & galyops. addita styrace liquida : & involuti sunt fantalo. Deinde pilulis de hiera cum agarico & rheo consultum est. Tandem repetiti clysteres primo similes. Et præscriptus bolus sequens post balnea :

*℞ terebinth. venetæ ℥ ij. rheib. ℥ j. cum syrup. capil. ven. capiat.*

Secta vena in brachio ob turgentem in lumbis dolorem. Applicatæ crucibus cucurbitulæ. Tandem ad decoctum farseparillæ ventum est ad proliciendos sudores. Provocati sunt atque ii admodum fœtentes. Utcumque convaluit.

## CONSILIUM LXIX.

### *De febre erratica.*

*Gal. sub  
fin. lib. 2.  
de differ.  
febr.*

**P**UER annos natus novem, præcalidis visceribus, & capite satis amplo, quum olim satis imbecillus & valetudinarius, jam paullo grandior factus, certis quibusdam intervallis accessionem habet febrilem cum atroce capitis dolore. De repente & incogitatoprehendit dolor capitis, deinde febris vehementissima cum oculorum rubore & genarum, ac si ynocho prehenderetur. Accessio est duodecim fere horarum, aliquando multo minor, & sudore finitur : Tum alacer existit. Quæritur quæ causa hujus febris quinquies sexiesve in anno repetentis : & quid tandem sit eventurum inde. Non est dubium quin ex Galeno, periodo reduces febres & dispositionem partis, & materiam habeant causam sui. Quænam dispositio, an in cerebro, an in hepate, an in mesenterio ? Forte in cerebro est, unde dicimus quasdam esse febres partium proprias, ut hepaticas febres, lienosas, cujusmodi febres virginum fœdis coloribus laborantium, alias cephalicas, quæ non modo symptomaticæ dicuntur, sed & essentielles. Sic collectæ in cerebro materiæ motu, sive putredine ( quæ non ita facile acquiritur



tur in cerebro ut in ventre inferiore ) febris excitari potest, quæ discussione materiei facile evanescit. Et quod magis mirum, hæmitriteæ febres tabificæ dicuntur, ac si peculiariter affectionem pulmonum sequerentur, quod Galeno in Epidemiis placuisse videtur. Et ego legi sive apud Galenum, sive apud alium nescio quem auctorem, septenas febres, idest quæ septimo quoque die, & quintanas quæ quinto quoque die repetunt, tabidorum proprias esse, ac si peculiarem collectionem humoris in pulmone contenti sequerentur: & tamen essentielles febres dicuntur. Si in isto puella materia in mesenterio coercita, sed mota, & non exclusa, tam tetrum capitis dolorem excitans, febrem facit; cur non plurium horarum aut dierum? cur non putret? Si putris, cur putredinis notas non edit? & tamen urinæ sunt admodum tenues & aqueæ, quas in pueris damnat Hippocrates. Si putris, cur non promittit producitque febrem? Nec enim diaria esse videtur, quum hujus non sit proprium tam sævum symptoma inducere, & tantam in urinis mutationem asserre. Mihi videbatur febris a liene esse, quod Hippocrates observaverit in febribus erraticis urinas tenues esse splenicæ: & etiam sæpe sine tumore perspicuo dolet illi regio lienis: quod declarat in eo esse imbecillitatem & circum partem illam melancholici humoris de natura biliosi retinentis collectionem, a qua efferuntur vapores non maligni quidem (unde enim tanta malignitas in puero?) sed veluti flatulenti qui dolorem acerbum efferunt: qui si in cor reperent, palmum cordis afferrent, si in ventriculos cerebri, aliquid epilepticum: sed per inanes meandros feruntur, unde dolor tantum capitis excitatur. Et revera tenuitas urinarum, error febris, taciturnitas pueri, dolor ad sinistrum hypochondrium surgens, splenicum quid significant. Accedit & prima educatio. Nam & mater, & nutrix magnis molestiis in gestationis & lactationis tempore captæ fuerunt. At ex Hippocrate qualia gestationis tempore patitur mater, talia infans: & idem de nutrice. Adustitio enim quædam facta est humorum. Id juvat plurimum hepatis calida intemperies, quæ succos exurit. Quod si aut major copia foret materiæ, aut a pituita non superaretur; aut si putredinem acquireret majorem, quum leve tantum rudimentum esse videatur, major quoque febris sequeretur: Et nisi provideatur, verendum ne aut quartanarius, aut epilepticus per consensum fiat, aut successu temporis per propriam cerebri affectionem. Et illum humorem verum putredinis characterem non habentem natura secernere nititur, sed non excludit tamen. Ac verendum ne illud tandem contingat quod in Prorrhethico ab Hippocrate dictum est: *Cui circum lumbos dolores sine appetitus amissione volvuntur ac revolvuntur, iis si dolor adaugetur atque intenditur cum febre & cibi fastidio, convulsivum aliquid fit*: supponit translationem materiei quæ diu in ventre inferiore cunctata malignitatem acquisivit; cujus ratione in cerebro epileptica symptomata est excitatura: Ac tandem tempus ipsum nobis aperiet quid futurum sit. Tamen dum id expectatur, non erit alienum & toti corpori, & partibus quibusdam consilere: ac toti quidem corpori sequenti decoct.

*℞ lupulor. & florum violar. an. p. j. radicum aperitivar. an. ℥ ij. infunde*

*Et Hip-  
pocrati*

*part. 9.*

*sect. 2. lib.*

*1. Epid.*

*Quinta-  
na febres*

*& ante  
tabem, &  
tabidis*

*sæctis ad-  
sunt.*

*Lib. 3.*

*Prognost.*

*In Coac.*

*Lib. de*

*nat. pue-  
ri.*



*funde folior. senæ ℥ iij. cinnamomi ꝰ j. In express. dissol. syrup. de cichor. simpl. ℥ s. fiat potus.*

*℥ conserv. rosar. buglos. & rorismar. an. ℥ ij. theriacæ ℥ s. cum syrupo conserv. citrii fiat optata utenda sero.*

*Item ℥ rad. enule camp. rad. bryonia an. ℥ ij. polypod. fumiter. scolopend. ceterach & malvar. an. ℥ j. florum sambuci, chamameli, stæchad. an. p. j. sem. fœnugr. lini an. ℥ s. coquant. in aqu. & vino albo. Contundantur addendo ceram. fiat in modum emplastri ex mucag. rerum prædictarum. Sed prius oportet fovere partem decocto illo.*

*Inter cetera vero conferet vere hoc novo venam basilicam dextram ad unum vasculum tundere.*

## CONSILIUM LXX.

### *De Hydrope.*

**P**ETRUS Guerardus mense octobri quum de stomachi inflatione quereretur, post curas aliquot medicamentum sumsit. Satis laudabilem effectum præstitit. Hic vir quoties in morbos incidit, a Medicis pro desperato sæpe relinquitur, adeo magnis, obscuris, incognitisque morbis impetitur. Nam hinc vires elanguent, & cum virium infirmitate magna est cacochymia, ut quod affectionis remedium est, cum virium pugnet custodia. Qualia illi contigerint, & quid consilii captum fuerit, aperiam. Inappetens ciborum erat: aut nulla, aut exigua febris. Sputa pessima. Paullo post in metaphreno tumores, & in tibiis, facies tumens: pulsus languidus, parvus, sæpe inæqualis: frequentes defectiones, quibus nisi vino occurreretur, metus esset repentini interitus. Octavo post decubitum die circa æquinoctium hibernum, & cum ecliptica lunæ affectione convulsus est plane, ac in propinquo mortem esse putabamus. De mutatione crebra pulsus ita philosophabamur: Hoc enim contingit vel affectione propria cordis, vel ratione orificii ventriculi oppressi, vel contumacis in primis venis obstructionis, quæ liberum spiritibus ingressum & regressum impedit; vel pulmonum infarctum: vel quia legitimum non suppetit alimentum cordi, pote elatis, aut paucis, aut pravis spiritibus a materia olida contenta in ventre. Nam quum a vena arteriosa suppetitur alimentum corruptum & semiustum, aut quia per arteriam venosam impeditam non libere transluit aer, mirum non est si magna mutatio in pulsu contingat. At major horum pars concurrere videtur. Quod autem inæqualitas perspicua sit in multis pulsibus, & nonnumquam intercalaris intermissio, id eo modo contingere videtur quo & in Antipatro ob obstructionem laxium arteriarum: potest & propter pulmonum ipsorum infarctum provenire, aut mollitudinem & laxitatem eorundem, utpote qui in costam incumbunt; quod annotavit Hippocrates. Maxime vero videtur fieri ex pravitate anathymiascos; declaravit, indicavitque curatio. Nam pro gradibus purgationis pulsus restituebatur. Et Hippocrates observat in affectibus pulmonum,

*Gal. lib. 4. de loc. aff. c. ult. Lib. de locis in homine. Lib. de morbis.*



num, praesertim si inflammatio sit, insignem mutationem pulsus, & animi defectionem. Quod nos animadvertimus saepe: immo & quoties multa pituita offarcti sunt pulmones, & si a capite catarrhus illabitur. Testis Petrus Dangers pictor, & vidua domini Bigand: & putant sibi animum deficere. Quod pauci animadvertentes, illud ad inanitionem revocant, & ad repletionem confugiunt. Idem in hoc agro videtur quod & in convalescentibus. Nam ut ex Galeno patet, ideo non proficiunt, aut *In lib. 2. Aphor.* quia infirmitas corporis est, aut cacochymia: utrumque in hunc agrum cadere videtur; nam & partium est infirmitas a prava diæta forte ac vitæ instituto contracta, & cacochymia subest, quod ex symptomatis potest apparere; ut mirum non sit si & ea appetat quæ ex usu non sunt, & edendo non proficiat. Nam & ipsarum partium nativa & gentilitia est imbecillitas, & multa in multis partibus cacochymia quæ impedit quominus calor naturalis quantulus est elucere queat.

Quod ad tumores istos cedematosos attinet, dicimus eos trifariam contingere, aut ut in morbis longis, unde agros insufflatos dicimus infirmitate caloris naturalis; & hoc tantum ex eventu fit: aut tamquam morbus est, aut ut symptoma. Symptoma, ut in hydrope; idque bifariam, aut affecto hepate primario, secundariove, unde verus nascitur hydrops: aut per colliquationem quamdam carniū, & velut putrefactionem. Hinc Hippocr. in lib. de affect. aut de morbis, ait, hydropem, improprie dictum, fieri quum in morbis longis diu ægri impurgati manent, hinc corruptio carnis, & tumores œdematosi. Morbus autem tumor est quum alius consequens non est, sed per se & primo actionem lādīt.

Cacopragia hepatis & tumoris auctor est, & extenuationis. Tumoris, si in defectu sanguificationis consistat res, extenuationis autem si vitium in humore sit. Quamquam Hippocrates observat in morbis funestissimis contingere quamdam leucophlegmatix speciem ob malignam qualitatem & *2. Prorhet.* flatulentam, quod in domino le Fuzelier phthifico a nobis visum est, cui totum corpus moribundo intumuit, ac facile disparuit. Sic & a pulmonibus, & ab hepate, & a liene extenuatio & tumor potest contingere. *Lib. de loc. in ho.* Quod de liene annotavit Hippocrates: *Quibus corpus extenuatur, lien efflorescit, & contra:* ut etiam ex Hippocrate Galenus demonstrat. Sed in huiusmodi tumoribus solum humorem agnoscere, non autem flatum quoque admistum repugnat sensui. Unde enim fluxus & refluxus tam subitus in hydrope, ut modo intumeant pedes, ventre deturgente, aut contra, nisi comes sit flatus earum mutationum auctor? Quod de hydrope ipso demonstrat Hippocrates lib. de flatibus. Sic aut inopia erit caloris naturalis flatum discutere nequeuntis, aut dominatus caloris præter naturam, materiam phlegmaticam in ventum facile convertentis. Unde alio loco docuimus auruginosos contra sententiam Hippocratis flatuosos esse posse. Et admirabilis locus est apud Hippocratem dum rationem reddit cur *Lib. de locis in homine.* in hydrope dolor non sit, quum tamen partes tumeant: in arthritide quum tantus tumor non sit, & proinde non tanta distensio (quæ ex sententia Galeni in Aphorismis doloris causa est in articulari affectu) ait autem *Com. in apho. 49. lib. 6.*



tem in hydropē humorem non consistere, sed vagari; proptereaquē dolorē non inferre: contra in arthritide & paucum esse, & consistere. Atque ut brevi absolvam: In morbis dignoscendis videndum an sint simplices, an complicati: & rursus an sit aliquid gentilitium, an peculiari diætæ & vitæ instituti ratione aliquid fiat. Complicati morbi sunt quum diversæ partes confliscantur, quarum ut natura diversa, symptomata quoque sunt varia, & tamen communi natura convenient, tamen specifica distinguuntur, in ægro complicati morbi videntur, catarrhus, tumor œdematosus, deliquia animi frequentia quæ eum valde exercuerunt: quæ omnia ab eodem fonte manare videntur. Oedematofum tumorem appressorum digitorum manentia vestigia designant. Multis de causis (ut ante dictum est) tumor iste evenire potuit, quarum non una in hoc ægro consideranda est, sed plures. Unum tantum monere oportet, an non etiam a cerebro repetenda sit illius tumoris origo, præsertim quatenus metaphrenum intumescit. Etenim Hippocrates scribit etiam hydropis originem a cerebro repeti debere: quomodo audiendus Hippocrates in Aphorism. quum ait, *hydropem esse mania solutorium*, quod sit translata a corpore cerebri vi motuque naturæ materia in partes subjectas.

Lib. de  
loc. in ho.

Quicquid sit in affectuum complicatione, difficile tenetur pars primaria affectus causa, quod sæpe a capite in partes superas, sæpe ab his in illas fiat defluxio, sæpe proprii humoris generatio per corruptionem propriam ob partis diathesim malam. Quæ omnia morborum difficilem cognitionem reddunt.

In hoc ægro eadem ratio habenda quæ & adium ruinofarum, ut pro gradibus purgationis in instaurando per epicrasin corpore operam demus.

Ad eductionem putris materiæ quæ pulmonibus tenaciter adhæret, ex usu erunt thoracici linctus ex decocto rad. ari. petrosel. glycyrr. eryng. ireos, hyssop. bipinel. sem. bombacis cum syrupo capill. ven. oxymelite, & syrupo de hyssopo.

Cordi applicatum est emplastrum ex confer. buglos. borag. confect. Alkermes, mithrid. theriaca, pulvere malabathri, & meliss.

Ventriculo fatus ex his quæ vim haberent roborandi, & coquendi: Ad hepar oxyrrhodinum ex oleo absynth. & rosarum, cum ceroto santalino. Deinde institutus syrupus hic:

℞ omnium herbar. capillarium an. m. j. seminis carth. ℥ j. ungula cabal. m. ij. radicum omn. aperitivar. in vino albo maceratar. an. ℥ j. ireos floren. & eryngiorum an. ℥ s. buglos. cichorii, pimpin. scolopen. polypodii, an. m. j. fiat decoct. ad lib. j. addendo cicerum rubr. & flor. violar. an. p. ij. in qua infunde rheib. ℥ ij. santal. citr. & cinnam. an. ℥ j. j. fiat syrupus coctus cum lib. j. sacch. & ℥ iij. syrup. rosar. pallid.

Item ℞ agar. trochisc. ℥ ij. rheib. ℥ j. s. pulv. hieræ ℥ ij. massa pilul. assaiereth & sine quibus an. ℥ j. cum succo absynth. fiat massa pilul. utenda ut dicetur.

Deinde opiata sunt instituta, & condita, quibus utebatur, superbibendo parum vini albi odoriferi, aut vini hippocrat.



## ANNOTATIONES.

1 Hippocrates observat quod qui purgati non sunt in morbis, per succrescentem cacochymiam in hydropem incidunt. An vero cacochymia hydropis causa? Ita hercle. Ita enim Galenus explicans illud Hippocratis, quod tempore pestifero quidam in hydropem inciderint, hydrops ex abundantia pravorum succorum quosdam invasit. Comm. in part. 15. sect. 3. lib. 3. Epid.

2 Et hac sunt argumenta Hippocr. lib. de flatibus. Humor enim nisi comitem flatum habeat, id non potest efficere.

3 Mirum non est si hydrops in hoc agro fere inexpugnabilis fuerit. Et enim verum illud est quod a Celso scribitur cap. 21. lib. 3. Hydrops saepe per se incipit, saepe alteri vetusto morbo, maximeque quartana supervenit, facilius in servis quam in liberis tollitur: quia quum desideret famem, sitim, mille alia tedia, longamque patientiam, promptius his succurritur qui facile coguntur, quam quibus inutilis libertas est.

## CONSILIUM LXXI.

## De febre maligna.

IOANNES Chevarry post labores aliquot, cursus, equitationes & commensationes, coepit lassitudine tentari tensiva: febris continua, lingua prærubra, sitis inexhausta, omnium fere partium ἀδυναμία sine causa manifesta, urinæ laudabiles nimium: ecthymata tandem paruerunt: roborato ore ventriculi & corde, evacuata multa bile olida restitutus est. Morbus a quadam erat colliquatione, quod declararunt dolores in faucibus tam internis quam externis (ut sic loquar.) Item dejectiones tenues & liquidæ, quas Hippocrat. ὑδατόχολα vocat in Epidemiis. Nam quod in bile tenuibus erat excernebatur, crassior pars remanebat. In partibus imis erat phlogosis, cujus occasione constitimus in blandis medicamentis, iisque lenibus & humectantibus, quum ratione summæ infirmitatis, quæ præter rationem aderat, vix ac ne vix sectionem venæ aggredi auderemus. Ac revera non est audacter tentanda, sed parce & cum meditatione. Nec nos movit quod in acutis movere oporteat, quum hoc præsertim de iis audiendum sit in quibus orgasmus est: in hoc autem agro omnia videbantur mitia & tranquilla, sed latentis putredinis aut malignitatis erat suspicio. Accedit quod hieme febris ista orta esset, in qua humores quodammodo πλεγματίζονται, febris erat laboriosa, non ea tantum ratione, quia labores, corporisque motiones præcessissent, sed ob lassitudinis sensum ob copiam humorum viscosorum febrem committentium, ut in Epidemiis explicat Galenus.

Et ut Hippocrates sub finem prioris Prorrhæ. sect. 1. duplicem facit Com. in phrenitim, unam manifestam, alteram occultam: occultam quidem, in part. 3. qua sect. 4.



*lib. 6. Epid.* In qua signa manifesta non apparent, sed tabes quædam mala impressa manet in cerebro; ita duplex est febris, una manifesta, quæ se pulsu & urinis manifeste prodit, occulta quæ neutro sese manifestat. Hæc deteriore est; quoniam & Medicos sæpe fugit. Hujus generis est febris quæ ægrum devexat: jactationes sunt, *άλυσμοὶ ναντιώδες καὶ ἀνέμετοι, κόποι*, urinæ tenues, sed flammeæ; pulsus frequens, sed remissus, & quasi compressus, sed analogus interno incendio. Ingens sitis, dolor gutturis & faucium, qualem ante in malis temporum constitutionibus oboriri observavimus, & per modum colliquationis; impotentia & infirmitas maxima sine causa manifesta: deinde eruptio ecchymaton.

In facultate naturali sitis, fastidium sine magno calore qui foris appareret, urinæ tenues. In animali impotentia maxima, & ad motum pigrities & tarditas. In vitali, pulsus remissio. Indifferentia, ecchymata, jactationes & *άλυσμοὶ*, lassitudines, dolores gutturis.

Impotentia ista terrori fuit, quia in febre mediocri corpus ita impotens esse præter rationem, malum; nam nulla est *κενεαργία*, quod declarat vel intemperiem partis principis, vel copiam materiæ gravantis, vel obsidionem cordis a maligno, ut ex Galeno videri potest.

*Com. in part. 5. lib. 2. Proorrh. Lib. de aere & loc. 4. Acut. In Epid.* Sic in egro isto febris laboriosa erat, & idem ei contingebat quod & in sicca ophthalmia, in qua quod est tenuissimum excernitur, crassius vero manet; aut ut in angina sicca eidem Hippocr. Urinæ erant tenues, sed erant boni coloris, quod si ad tenuitatem malus aliquis color accessisset, pessimæ essent, ut doctè in histor. de Clazomenio observat Hippocrat. & post eum Galenus.

Ecchymata apparuerunt ut in Sileno, sed potius fuerunt papulæ rubræ & tenues, aut maculæ ob ingentem phlogosim quæ ex materia coercita anathymiasim tetram educebat ac fuscitabat. In ista imbecillitate non volumus dare hypnotica, ne naturam pigram magis redderemus. Juvimus ægrum usu acidorum, & eorum quæ contra malignam vim pugnarent. Sanguinis detractio pepercimus, nec abs re. Quoties enim ingentis cujusdam ariditatis in partibus imis suspicio est, & argumenta, necnon obsidio facultatum, & *ἀδυναμία*, audax ne esto in secunda vena: aut si secare consilium est propter phlogosim, parcissima id manu faciendum est; alioqui in magnum discrimen vitæ ægrum conjicies. Quod & in ripa Cælestinorum in uxore cujusdam cinerum venditoris observavimus, quam febris maligna occupabat; sensim enim naturæ motu, qui tamen symptomaticus videbatur, evacuata fœda materia, mox aquea, mox paullo crassiore & biliosiore: item confirmatis corde & ventriculo, & usu epithematon temperatiore reddito calore per Dei immortalis gratiam primæ eam restitimus sanitati, quum tamen multa letifera signa apparuissent.

In tonsore Caroli successore, quum laboraret fere eadem febre, immo horrida esset, idest in continuitate quosdam ex intervallis horrores, observavimus aliquando frequenti venæ sectioni locum esse, aliquando eandem repetitam plurimum obesse. Prodest quidem quum jactationes & *άλυσμοὶ καὶ ἄσαι*, non tam sunt a maligno, quam a calore impense au-



cto, & a cacochymi sanguinis copia: cujus argumenta sunt rigores aut horrores, qui non tam fiunt per caloris affectionem, aut ejus absentiam, quam putrentis humoris membranis & partibus spermaticis sentientibus molesti proventus. Nam postquam horruerunt, statim incalescunt, deinde rigescunt. Galenus autem in Epidem. scribit illud usuvenire ut quoties humores corrupti incalescant, leves horrores inducant. Quod quum evenit, audacius sectio venæ tentari debet, non ut quid semel fiat (quia in humorum pravorum proventus raro vires sufficiunt) sed iterato. Atque huic tonsori multa sectione venæ occurrimus, ut insigniter favientem febrem confoderemus ac jugularemus. Sed quum horrores qui adsunt materiæ ἀνωμαλίαν & τὸ ἑτερογενὲς significant, aut quum vere periodici sunt, aut symptomatiki, cave ne hinc secandæ venæ occasionem quæras. Item quum jactationes & δυσφορίαι oris ventriculi κακῶσιν sequuntur, cunctantius timidiusque sectionem venæ aggredieris. Ideo aliquando est ubi potius febris ratio habenda, quam causæ febrem committentis in cacochymia consistentis. Est ubi etiam potior ratio habenda causæ ipsius quam febris. Quamquam purgatio febris causam potius respicit, quam febrem ipsam: sectio venæ & febrem & causam.

## CONSILIUM LXXII.

*De febre maligna.*

**S**TABULARIUS in vico de la Mortellerie a castris rediens, bene quidem habebat. Militiæ morbo detentus erat: & nos eum a pulmonis inflammatione vindicaveramus. Corpore erat Iqualido, visceribus admodum intemperatis. Vino meraco apprime delectabatur. Circa vespertum quum leviter febriret, indulgit tamen genio. Circa quartam nocturnam febre adeo insigni prehensus est, præcedente horrore, ut animam agere videretur. Pulsus insigniter elatus, magnus, validus, frequens: ingens in præcordiis æstus, hypochondriorum murmur obaudiebatur, mox contrahebantur: frequens magnaue respiratio, oppressio, jactationes, urinæ flammæ, alvus nigra reddebat, vomituriēbat: per quatuor horas viguit febris: sensim declinavit. De utroque latere queritur ac si pleuriticus foret. Percipiebatur raptus humorum sursum. Febris erat plena jactatione: lingua scabra. Intumescēbant sensim hypochondria. Tertia nocturna quum βραχύπνως effectus fuisset, & extima alisissent, moritur. Cadaver intumuit adeo ut semidoliolum referret. Rubentibus, nigricantibusque maculis obferitur. Malignus erat morbus: Et de eo Galenus videtur agere in Epidem. dum observat contingere in febribus malignissimis & acutissimis, ut initio incendii febrilis summa sint omnia: magna & frequens respiratio, in toto corpore fusio, perceptioque caloris contra naturam, ejusque acerrimi. Sed paullo post deservēnt partes, deservitque febris, adeo ut ea nulla restare videatur. Aeger βραχύπνως fit, quoniam quum summus esset adeo calor, ut nullus eo major exstare queat, digeritur prave fervefactis omnino



Omniino humoribus, & spiritibus exustis retostisque, ut remaneat tantum paucus ac exiguus calor nativus. Eique quantulus est, exigua, brevisque spiritus ductio sufficit. Atque calor iste nativus prius exstinguitur, quam nova denuo accessio febrilis surgere queat.

## A N N O T A T I O N E S.

<sup>1</sup> Quod huic agro contigit ut morituro alvus inflaretur, & corpus obsideretur maculis, idem Nicolai filio evenit lib. 7. Epid.

## C O N S I L I U M LXXIII.

*De Convulsione, & complicatis uteri affectibus.*

**U**XOR Joannis Tancre Equitis Regii filium suum primogenitum peperit. Hic exsuccus aridusque emissus est: sed tamen quæ aqua cum fetu effluere debuit, ea obstetricum & clinicarum mulierum testimonio sensim atque sensim effluxit. *Dysoxia* fuit adeo ut crederent utero vim aliquam illatam esse. Toto tempore decubitus alvo fuit admodum obstricta, & jam dolores aliquos in ventre sentiebat. Indita sunt enemata, & medicamenta satis valida præscripta sunt. Alvus inde non multum subducitur. Præterito tempore decubitus quum jam sibi ad munia prima redeundum putaret, & lac artificio suppressum esset, quod eam lactare conjunx nollet, circum umbilicum adeoque imum ventrem dolores oriuntur. Enemata induntur valida, & potiones. Indurescit inde alvus magis, minusque cedit remediis. Dolores invalescunt. Ad mulierum consilium res redit. Tunc & fovere, & uterinum affectum causari, immittere in balneum, medicorum consilium tamquam ejus rei ignarorum rejicere, condemnare. Terebinthinam cum stupis applicare, & sexcenta alia usurpare remedia, frequentes clysteres indere ex carminativis & anodynis. Incredibile dictu quanta fuerit usurpatorum remediorum silva. Et prout quæque mulier erudita videbatur, ita ejus remedia probata sunt. Aliæ quæ uteri reponendi artem profitentur, & manu, & igne, & cucurbitulis multa moliuntur. Nil proficitur, ægrescit medendo, humores usu istorum remediorum impense calidiorum funduntur, ichorosi & saniosi fiunt, ferociunt, acuunturque nil tale cogitantibus. In ista humorum conculcatione & agitatione, quum tamen propter adstrictiorem alvum exitu superne inferneque prohiberentur, ægram convulsiones epilepticæ veræ adoriuntur, intra horas duodecim octies aut novies convellitur, omniaque terrore & stupore plena sunt. Ad divinitatem istud referunt, proptereaque nil amplius reliquum esse præsidii autumant. Cessante convulsione epileptica *depos* tamen manebat. Lingua exerebatur semipedis longitudine. Intumuerat, fauciabatur, ac concerpebatur. Hæc nono morbi die paruerunt cum meo quidem judicio naturam tæderet tantæ diuturnitatis, eaque aliquid moliri vellet.

Ad



Ad Medicos febus pene conclamatis concursus est. Spectatores fabulae toto die fuerunt: clysmata ex hiera diacolocynthidos & aliis subdiderunt: aquarum theriacalium & consimilium usu consuluerunt. Pulvis hierae poculo datus est. Aliis videbatur opportuna sectio venae, quod secretio videretur illius materiae quae per alvi suppressionem in hypochondriis τοῦ κακῶνδεσ acquisiverat: & quae in genus nervosum translata, quum olim in venis conclusa foret, convellendi occasionem dedit. Inepta aliis visa est, quum natura videretur fatiscere, & quod in paroxysmis epilepticis usurpata crimine non careret. Sive hic ratio plus valuerit quam fortuna, aut contra (siquidem fortuna duce potius periculo aegrae tentatum hoc est) sanguis demitur ad tria ingentia vascula. Affatim rivuloseque fluit. Ab eo tempore non convellitur, sed redit ad se: tamen subsultus quidam & contractiunculae, quae potius ex sententia Galen. *σπασμοὶ*, quam *πρὸς τοὺς αἰσθητικοὺς* dicentur, apparent. Die sequenti initum est consilium. Illius affectionis causa creditur sanguinis cumulus, impetus & incitatio, necnon excrementorum in alvo proventus. Et quum alvus densa esset, facta quaedam est humorum & sanguinis conculcatio; hinc phlogosis, & a phlogosi vasorum coarctatio & angustia, ac si alvus ambusta & sicca diceretur. Sic metus erat volvuli. Et nisi convulsiones istae incidissent per quamdam serosae partis & malignioris (ut ita dicam) sequestrationem, volvulus incidisset. Hippocrates hunc morbum adumbravit, quum ait dolores in hypochondriis resides & revolutos, si augeantur, & febrem fastidiumque cibi accersant, convulsionem asserre per diadochen & metastasim humorum malignam qualitatem, temporis successu per suppressionem adeptorum. Ac credibilis juvenem istam mulierculam hepate visceribusque praecalidis praeditam, & tamen superficie corporis subalbida, molliusculaque carne, unde facile ea imbuitur sanguine, inflammationesque concitat (ut de mulieribus docet Hippocrates mammarum muliebrium exemplo 2) in eam affectionem incidisse tribus de causis: ob alvi suppressionem, quae ipsa per se incommoda affert multa, ob exuberantiam sanguinis, qui in mammas fluere prohibitus est. Tertio ob cacochymiam. Sic prudenter provisum est ut bis, terve sanguis detraheretur ad tollendam plenitudinem & phlogosin, quam usus rerum admotarum calidiorum adauxerat, colluvies humorum adimeretur, alvus leniretur. Lenienda enim alvus fuit, non irritanda vehementibus medicamentis & siccantibus calfacientibusque. Quod notandum est, & a nobis observatum in capite de ea re praescripto, ut levetur eorum error, qui quum vident alvum tardam, ad impense calida confugiunt. Contra plus proficitur usu rerum temperatarum. Injecti ergo sunt clysteres primis contrarii, ex decoctis capitum vervecinorum, & omazorum cum borag. buglos. utraque malva, & radicibus ejus, seminibus melonum, cucumeris, endiviae, ex diaprun. non laxativo, diacassia. Immo oleum fuit suspectum ob calorem, nisi quod liliaceum & violatum magna copia injectum est. Reiecta sunt ea quae calfacerent in usu τῶν ἀνωδύνων & χαλαστικῶν, & temperatorum consistitur. Stupae injectae sunt in aquam egelidam ut saturarentur, deinde in sesqui libra butyri



tyri recentis, & tantundem olei viol. imbutæ sunt toti abdomini applici-  
 tæ. Potiones ex oleo amygdal. dulc. recenter extracto, cum decocto mal-  
 varum, buglos. semin. frigid. lactuc. & sem. alkeKengi, ex cassia soluta, ca-  
 tholicone, diapruno simplici, cum syrupo viol. alias syrupo rosarum pallid.  
 Quod validis medicamentis obtineri non potuit, id rerum blandiorum usus  
 est assecutus. 3 Si quando alias in ea muliere maxime observari debuit  
 4. Acur. quod scribit Hippocr. *Cavendum est ne inflammatas partes medicamentis  
 vexemus*, &c. Repetitæ sunt istæ potiones, & juscula liquidissima. Tan-  
 dem ad colluviem contumaciorem & abstrusam magis in jusculis tabell. dia-  
 carthami sæpe dissolvimus magno profectu. Sæpe id factum; hinc bene ha-  
 buit. Urinæ præ calore nigrescebant, & flammæ erant: statim alvus sub-  
 sistebat, & spiratodea reddebat. Immo narrabat egra se circum lumbos &  
 in regione venarum uteri sentire pulsus, subsultumque arteriarum; & ca-  
 lorem immodicum. Nisi viribus metuissemus, largissime sanguinem demsis-  
 semus. Per octo aut duodecim dies bene habet. Sed tamen dolores se me-  
 diocres in regione pubis & lumborum persentiscere dicebat. Sed hi aliis  
 inferiores erant. Ecce dum eam primæ sanitati restitutam credimus, gra-  
 vius quam ante conflictatur, de nocte exacerbantur dolores, adeo ut ea  
 manus sibi inferre cogitet. Interdiu levantur, alvus adstringitur, in ingui-  
 nibus dolorem sentit, & in suris tibiæ maxime in plantis pedum into-  
 lerabilem. Insomnis nullo consistit loco. Vomitiones æruginosæ frequentes:  
 renum regio inflammari videtur. Ad prima remedia & venæ sectionem re-  
 curritur. Parum proficitur. Urinæ alias flammæ, alias aqueæ, alias sa-  
 bulosæ apparent: sic erant distantes. Et quod urinæ distantes turbationem  
 Aetius aliquam declarant Hippocrat. quum in eadem urina est distantia, idest  
 4. Aetius 4. inæqualitas contentorum. Idem potest dici de urinis quum uno die ac al-  
 tero alias aliter affectæ excernuntur. Nos uterinum aliquid esse dicebamus.  
 Et obstetrices & chirurgi narrabant collum uteri quodammodo distortum,  
 & ingentem intus calorem percipi. Ligamentorum cornuumque erat affe-  
 ctio aliqua, dolor tunc repetiit quum illa somniaret se a suo conjuge ini-  
 ri, & coire voluptuose. Sic factus erat eo sanguinis concursus, & furor,  
 appetentiaque uteri contigerat. Quodque mirandum, magis ab utero fla-  
 tus erumpebant; quod Aetius observat in cap. de inflatione uteri, & sa-  
 tyriasi. 4. Et ut ingenue dicam, complicati erant affectus: satyriasis erat  
 4. Aetius 4. quædam, & phlogosis circum uterum. Secta vena in brachio, secta in  
 malleolo magna quantitate. Cataplasmata lenientia admota. Oxyrhodini  
 embroche frequens. Nil aut parum proficitur. Tandem consulitur cly-  
 steribus anodynis, in quibus philonium romanum dissolvitur. Injicitur  
 oleum liliorum & violar. in uterum. Pessi ex terebinth. bdellio, opopan.  
 aristoloch. & tametsi phlogoseos & ἐπιφλογίσματος suspicio foret: tamen  
 quia os uteri non contingebant, ex usu pessariorum profluvium sangui-  
 nis ex utero expectabamus, eoque consilio venam malleoli tutuderamus.  
 Juvabatur pessis, forte ob titillationem. Clinica mulier candelas ex se-  
 bo indebat loco pessuli: manifestam sentiebat allevationem. Inditi sunt hi  
 pessi;



℞ opopan. bdellii, gummi elemi an. ℥ s. terebinth. ℥ ij. cera ℥ j. fiat pessus acutus pulvere diacolocynthidos.

*Inseffus ex ruta, chamamelo, meliloto.*

Sed quum hæc non juvarent, & dolores urgerent, & pectinis, inguinum, maximeque furarum, & plantarum pedis cum caloris sensu. Periclitatum est hoc remedium.

℞ rad. alth. & lilior. an. ℥ iij. mal. senecio. viol. bismal. melil. chamamel. cressionis an. m. iij. sem. lini, cytonior. psyll. fœnic. burgund. & alth. an. ℥ j. s. 5 hyosci. & papav. albi an. m. iij. fiat decoctio in aqua. fiat pastura: in qua adde opii thebaici & populeonis an. ℥ s. Fiat cataplasma admovendum pubi, poplitibus, & inguinibus.

Vesicæ suilla impleantur eo decocto, & admoveantur. Eadem materialia capiantur, & coquantur pro semicupio. Per metrenchyten de eo decocto in uterum injectio fiat.

Renibus applicatum emplastrum ex philonio rom. & unguento Comitif.

Hoc remedio convaluit, dormivit, sedati sunt omnes dolores.

## ANNOTATIONES.

1 Colicos dolores sæpe in epilepsiam desinere novum non est, immo & in artuum resolutionem. Quod Paullus Aegineta annotavit, & post eum Avicennas.

2 Convulsiones istæ feбри supervenerant, & febrem quodammodo solverunt. Ita enim aliquando convulsio commode feбри supervenit, ut ad finem lib. de crisi docet Hippocr.

3 Et si quando alias in hoc maxime verum fuit quod eodem loco quarto Acutor. in præcordiorum inflammatione sectionem venæ esse principale remedium. Vide historiam Nicolæ le Bé. Et quum dolor in nostra agra regionem uteri attingeret, mirum cur toties e brachio sanguinem sustulerimus, potius a malicolo trahendus erat. Unde questio præclara, an in uteri inflammatione & dolores immo in suppressione mensium demendus sanguis e brachio. Non vult Galenus cap. 11. lib. de sang. missione. Reclamat quoque & demonstrat Akakia in 2. ad Glaucon. Contra sentit Aetius. Ac credo quosdam Medicos medendo aberrare plurimum.

4 Si ea quæ ab Hippocrate dicuntur de flatu in utero legamus lib. 2. de morbis mulier. multa huic mulieri talia symptomata evenisse comperiemus. Hæc autem inflatio quum est inter angustias uteri, dolor est major. Non reformidat venæ sectionem, quum caloris magni magna sit suspicio. Potuit esse inflammatio aliqua. Nam quum uteri fundus aut cavitas inflammatur, in ipso ventre dolor est, & minimo digitorum pressu irritatur. Nec est quod objiciat quis vehementem non fuisse febrem; non enim in eo affectu ingentem esse necesse est: quum multis de causis moderata esse possit. Tamen accidentia horrida sunt sæpe, & quæ Aetius cap. 83. Te-trab. 4. serm. 4. describit. Chirurgis manu agram contingentibus quodammodo relaxatus uterus esse videbatur: quod non absimile videri poterat;



*siquidem fieri non posset quin præ dolore magna aliqua mutatio in utero contingeret. Accedit frequens usus chalaſticorum & oleorum, & rerum humidarum propter dolores applicatorum, quæ aliquam relaxationem afferre potuerunt, immo appetentia coitus & veneris abſtinentia paululum de loco ſuo dimeveri potuit.*

*5 Hippocrates non reformidat uſum narcoticorum in doloribus uteri.*

## CONSILIUM LXXVI.

### *De Pleuritide.*

**F**ILIOLA domini Floræi quum ſub dio, partim in ſole verſata eſſet, dolere caput cœpit, & tuſſire. Febris prehendit acuta, & quæ tamen ex intervallis major eſſe videretur. Omnes noctes plenæ moleſtiarum fuerunt. Maxime enim ad ſextam ſerotinam & febris & reliqua exacerbantur. Jactabatur, nullo conſiſtebat loco. Tuſſis & tuſſiendi cupiditas illam perpetuo infeſtabat. Nil e pulmone educere poterat, tametiſi eſſet ſtridula. In pulmone humoris concuſſatio, quæ obaudiretur. Sitis erat ingens & implacabilis. Frequens & brevis reſpiratio cum difficultate. Poſtquam tuſſiverat, ſtatim ejulabat. Aliquando in partibus extimis febris miteſcere videbatur. Immo leniter perfrigerabantur ac ſi nova foret acceſſio. Sed illud fallax fuit: Pugnabatur cum febre, & tuſſi quod eam partim a capite excitari crederemus, partim a reſudatione ichoris a calefacta pituita in pulmone. Octavo die ſymptomaticus alvi fluor. Nono interiit. Aperto cadavere latus ſiniſtrum purulentum erat, & pars pulmonis quæ illud contingeret. Immo & pus, in capacitatem fuſum erat. Pleuritis fuit.

Nos valde decepti fuimus exiſtimantes tuſſim a capite eſſe. Sed quod tam frequens eſſet, & ſicca, & cum difficultate ſpirandi juncta, illud aut inflammationem in pulmone, aut in latere, aut in utroque ſatis ſignificare poterat. Tamen unum deſiderabatur, ut ægra de dolore lateris quæretur: Hoc exſpectabamus, interea ignoratione rei præſidium in inflammationibus thoracis uſurpari ſolitum magno incommodo omiſimus. Et ſi illud uſurpaviſſemus certis ſignis nequeunt eſſe aſſequi utra pars eſſet affecta, elatere dextro ſanguinem nullo proſectu detraxiſſemus. Itaque puellæ pervicacia & moroſitas maximam periculi partem creavit. Rubor genarum non erat, tamen fere perpetuo adest in inflammatione partium thoracis. Item aliquando clauſo ore dormiebat: quod nos in eam adduxit opinionem, ut crederemus coſtas non eſſe obſeſſas. Sed omnis iſta ratio nos decepit valde. Tamen vix excuſari poſſumus quin ſanguinem demere debuerimus quum inflammationis in thorace magna eſſet ſuſpicio. Ad ſectionem venæ & inſignis febris, & inflammationis ſuſpicio, & ſitis inexſtinguibilis, & jactationes ob incendium natæ, & maxime difficultas illa ſpirandi hortari debuerant. Nam quum difficultatis differentiæ a motu ipſo ſumantur, ut velox, tardaſque reſpiratio dicatur, a materia calida & frigida, a thorace, magna, parva, a quiete denſa, rara, quemadmodum magna & frequens



uens incendium in corde arguit, magna & rara delirium: parva & frequens in febribus aut œdema, aut impedimentum in thorace, ut inflammationem, aut quid simile. Quum videremus ingenti præsentē æstu puellam habere frequentem admodum respirationem, & tamen parvam veluti oppresso & coangustato thorace, de inflammatione aliqua suspicari nos oportebat. Tamen hoc asserimus sæpe nos observasse in pueris valde febrientibus frequentem parvamque respirationem, licet affectus thorax non esset. Sed nonnumquam magna intercidit respiratio in omnem dimensionem dilatato thorace. At in hac puella nil tale observavimus: immo quum dilatare thoracem vellet, subsultabat quodammodo, & vociferabatur. Hæc a nobis eo consilio scribuntur, ut quum alias, tum maxime puerorum curam suscipientes, tanto diligentiores in eorum morbis nos præstemus, quanto minus certos de suarum affectionum idea reddere nos solent. Immo cum pueris tamquam mutis ægris nos rem habere existimemus; ut quoniam ex relatione, quæ tamen in dignoscendis morbis plurimi facienda est, nil certi, nilque pensi habemus, aliis conjecturis, signis & symptomatum observationibus nitamur, alioqui puerorum salus valde periclitatur. Nec enim ab ista ægra puella expectandum erat ut dolorem lateris pungentem quereretur quo secundæ venæ occasionem porrigeret, sed aliis modis res erat assequenda.

## CONSILIUM LXXVII.

*De febre semitertiana.*

**D**OMINA de Chalmontio & ea mulier quæ ad insigne ensis regii commorabatur, eadem fere febre detineri videbantur, sed forte fatoque inæquali. Una enim jam grandævis, & male pulmonibus affecta interiit, altera non item. Febris erat assidua, alias interdiu, alias noctu exacerbationes habens. Una dies levior, altera acerbior, in morem τεταροφών aut ήμιτριταίων. Non tertiana erat exquisita, quia horas duodecim superabat; non absolute tertiana, quia horas quindecim superat, ut sentit Galenus: forte longa videbitur tertiana, quod tempus intermissionis sit admodum breve. Tamen quoniam nulla febris vacuitas visa est; nomine tertianæ donanda non fuit. Et si forte remissio aliqua erat, minima occasione prehendebat horror cum perfriktione quadam, adeo ut ad hemitritæon accedere videretur. Nisi forte timeamus ne Galenus nos rideat, ut & quosdam ætatis suæ Medicos, qui longam tertianam cum hemitritæo confundebant. At longa tertiana remissionem habet & intermissionem aliquam, hemitritæus nil habet intermissionis, ut Galenus in Epidemiis scribit. Quamquam lib. de Typis longe aliter sentiens, hemitritæis aliquam intermissionem attribuit. Sed puto hunc librum Galeni non esse. Febris dicta τεταροφών, latine tertiumgena, constituitur ab Hippocrate continua altero die remittens; quod Hippocrates υποκρίττω vocat, tertio quoque die exacerbatur. Hæc febris in mulieres dictas incidere videbatur, hujus hæc est descriptio:



Sect. 2. li.

1. Epid.

Quum annus frigidus aquilonius cum humiditate fuisset, omnes per hiemem commode habebant. At sub ver decubuerunt. Febres tunc continua tertianarum more invadebant, violentissima, longissima (idque ob coctionis difficultatem, & oppressionem naturæ a vehementioribus symptomatis) laboriosissima: lenes a primo, de cetero incresebant: aliquantum remittebantur, rursus ex intermissione vehementius incescebant, &c. Itaque febris quæ mulierem illam adoriebatur, erat potius τετανοειδής, de qua videtur ab Hippocrate pronuntiatum: Quæcumque febres tertia die fortiores sunt omnes male, quoquo modo intermiserint, &c. Intermisionis vacuitatem causam habere putat Galenus aut inflammationem, aut humorum κακόνδεσιν. Ac de illis febribus quas τετανοειδής cum Hippocrate vocare possumus, quatuor notanda sunt. Primum est, quod e malignarum febrium genere sint, opinione Galeni. Secundum quod illis proprium est, ut & malignis febribus, ut diebus decretoriis deteriores fiant. Tertium iis convenit ut nox præcedens accessionem molestior sit, secundum Hippocratem. Nam a frigido & bilioso sunt humore, ut mirum non sit si de nocte molestias habeant. 2 Nam dum biliosus humor acutam febrem facit, putrescunt interea humores frigidi, unde reaccenditur febris: & tamen alio in loco hæc omnia hemitritæis tribui solent. Revera magna est affinitas inter hemitritæas febres & τετανοειδής, ut in nostro Definitionum Commentario explicatum est. Quartum est quod notari debet: si febres illæ tertio quoque exasperentur, quum tamen continuæ sint, an illis diebus tertiis licet aut venam secare, aut purgare? Non videtur, sed potius moliendum est aliquid die mitiore. Revera si manifesta tranquillitas comparatione facta cum alio die apparet, & apparet quoque manifesta exasperatio die altero, eligendus is est qui eam præferat tranquillitatem, ut aliquid moliamur. In utraque muliere erat anxietas summa, quæ a calore acri omnia confundente, & os superius ventriculi molestante contingebat. Implacabiles erant renum dolores, urinæ fere crudæ. Conjiciebamus circum ventriculum collectam esse humorum copiam, unde defectiones animi excitato vapore sequerentur.

Com. in

apho. 25.

sect. 2. lib.

1. Epid.

Part. 23.

sect. 2. lib.

6. Epid.

Sed mirum fuit magis quod in illustri domina a Chalmontio apparuit: nam quum habitum corporis haberet tumidiusculum, puitosum, minime difflabilem, corpus internum æstuabat, omnia quæ excernebantur erant biliosa: tota massa sanguinis erat corrupta. Et quod mirum, pulsus erat vibrans, qualis in ingentibus inflammationibus apparere solet. Quumque esset annosa, mirabantur Medici quomodo in febris assiduitate ista pulsus vibratio, elatio, magnitudoque tamdiu perstitisset. At animosa erat mulier, nullis aut corporis, aut animi laboribus defatigari solita, nulli pene celeritate cedens, irasci celeris, ad omnes actiones expedita: cor compactum habebat, & facultatem vitalem omnium validissimam habebat (nec enim tamdiu tam violentæ diræque febris molestias tulisset) de eaque illud dici potuit quod in aphor. scripsit Hippocr. Qui consueti sunt labores ferre, etsi imbecilli sint, aut senes, non consuetis fortibus atque juvenibus facilius ferunt. Itaque pulsus erat validus, quum vitalis facultas esset valida, auctus erat usus, instrumentum cedebat, ut mirum non fuerit

Apho. 49.

lib. 2.



fuerit si talis pulsus exstiterit : & revera talis ad finem usque perseveravit . Sed quod magis mirum fuit , est quod uno die quinquies aut sexies rigeret ac si nova accessio foret . Horroris illius aut rigoris causam aut conjiciebant novæ materiæ accensionem , aut suppuratum in pulmonibus , aut aliquid simile . Observatum est ab antiquis frequentis & per vi-  
ces repetentis causam horroris esse suppuratum : quod in pulmonibus hoc facit ; sed si in pulmonibus id fiat , multo magis , aut pariter quoque in aliis partibus fieri debet . Aperto cadavere sinistra pars pulmonis erat purulenta : sed id crebri horroris causa non erat . Nam statim ab isto horrore calor adurens surgebat manum tangentis feriens , adeoque vola manus & planta pedum incaluerat , ut nullus fere eum calorem ferret . Horroris autem illius causa esse potuit inæqualitas quædam materiæ , & τὸ ἑτερογενές , ut quæ materia in majoribus venis coercetur , & uniusmodi est continuam faciat calore continenter cordi communicato , necnon vapore elato : quod dum fit a calore isto alia corrumpitur materia in habitu corporis ( in quo ficus periodicarum febrium continetur & consistit ) ea-  
que materia reduplicationis est causa ; quæ reduplicatio habet aut levem perfrigerationem , aut horrorem antesignanum , ut idem fiat quod in hemitritæis febribus quas κατ' ἐξοχὴν φεραώδεις passim cum Hippocrate Galenus appellat . Quotidiana enim habet frigus tantum , & si continua est , non habet . Tertianæ autem rigorem habet : & tamen quum hemitritæus ex quotidiana continua ( quod tamen minus proprie dicitur , quum nomen quotidianæ continuitatis nomen excludere videatur ) & tertianæ intermittente componatur , dum ita confunduntur , symptomata quoque confusa habent . Et qui horror per se neutrius est si sola spectetur , utriusque confusæ esse potest . Et libri prioris ad Glauconem Paraphrastes dum quærit in quas febres rigor horrorque incidant , agnoscit intermittentes , quibus nimirum horror aut rigor periodicus est antesignanus : item semitertianas quibus proprius est horror ; immo κατ' ἐξοχὴν horrificæ dicuntur . Quamquam Galenus docet posse exsistere semitertianas sine horrore : sed *Com. in part. 5. sect. 3. lib. 1. Epid.* hoc in uno tantum casu ponit , quum scilicet tabescentes comitatur febris semitertiana : successu enim temporis horroris occasio tollitur , præsertim materia pituitosa consumitur horroris causa , nisi forte aliunde horrescendi veniat occasio . Aut enim a suppurato oriri potest , aut forte quia diuturnitate temporis corpus & ex carne & ex sanguine redditum minima occasione inhorrescit . Ergo de periodicis & semitertianis dicta sint . Nunc de continuis . Quædam sunt continuæ , homonymos tamen dictæ , quæ quum ex multis particularibus accessionibus procedant , fit ut prioris finem altera accessio cum horrore præveniat : & in his horror adest . Aliæ quoque permultæ sunt continuæ , & quæ una finiuntur accessione , a levi rigore vel frigore incipientes ob materiæ inæqualitatem , vel malignitatem . Sunt & aliæ quas Hippocrates horrificas vocat ( ego vero hoc non legi , nam solas semitertianas horrificas vocat , & hanc admittit appellationem Gale-  
nus ) quod per totam fere accessionem earum corpus inhorrescat , idque *Com. in part. 5. sect. 3. lib. 1. Epid.* vel reduplicato febris incremento , vel eo ipso citra reduplicationem inæ-  
qualiter



qualiter incremente. In quibus si longioribus intervallis horror remeat; reduplicatio dicitur & fit, maxime in semitertianis; sin brevioribus, hor-  
*Ibid.* rificus, inæqualisque motus dicitur. 4 Sed audiamus ipsum Galenum, quem citat Paraphrastes, locum enim haud legi: *Febrim continuam tertio die repetentem quadam cum horrore venientes, quum a primo impetu ad incrementum se conferunt, tametsi non mediocriter praegressa videantur, alterum horrorem cum constrictione inducunt; ab hoc alterum incrementum, deinde aliam constrictionem & horrorem: nam iterum hæc & ter repetunt. Postridie aliam priore minorem habent accessionem sine priorum repetitione, isque est perpetuus orbis, ut binæ binis diebus fiant accessiones. Et illud, binas, binis diebus, interpretor, tertio quoque die duæ accessiones fieri videntur. Aliæ sunt continuæ tertio quoque die repetitiones habentes citra illas horrificas invasiones, unamque habent accessionem tertio quoque die, accessione carent secundo die; unum enim habent continuum & æquabile ab invasionem ad vigorem incrementum. Priores febres ἡμιτεταῖς vocaveris, posteriores τετανοφύς quæ τετανοφύς medium locum habent inter ἡμιτεταῖς & intermittentes febres: nam illis sunt meliores, his vero deteriores. Et pro utrisque notanda hæc distinctio, quod in hemitritæis tertio quoque die duæ fiant accessiones, & secundo die sit una accessio. 6 Quod mirum cur secundo die dicat fieri unam accessionem, quum continua sit quotidiana. Sed ego puto manifestum quoddam esse argumentum cujusdam ἐπισημασίας, quod non adest in iis quas vocat τετανοφύς. Nam tertio quoque die sine horrore habent aliquam repetitionem, seu accessionem, secundo die non habent accessionem, quum sit uniusmodi febris. Item sciendum in hemitritæis manifestos esse horrores & inæqualitates, quod in his quæ dicuntur τετανοφύς non cernitur. Nisi forte dicas & objicias illud Hippocratis descriptionem febrium τετανοφύς facientis in Epid. *Rigores omnibus inordinati erant & errantes.* Si ergo horrores ita in illas continuas incidunt, in quo distinguetur hemitritæus ἀπὸ τοῦ τετανοφύς; Nos dicimus aliud esse inordinatos esse rigores minimosque in febribus continuis, aliud dicere ordinatos esse. Nam in hemitritæis non sunt inordinati, errantes & minimi, sed validi, statim, & vehementes. Et ideo proprie dicitur horrida. Sed si in alia febre continua erratici incidunt horrores, non perinde horridæ vocabuntur. Quod ut plenius intelligatur, causa & hemitritæi & tritaophyeos est explicanda. Verus hemitritæus a duobus humoribus est, a bilioso & pituitoso: & si æqualiter exsuperet humor uterque exquisitus, fiet semitertianus typus. Prout autem humor unus paucior est altero, ita quoque aut vera aut non vera semitertiana est. Vera febris τετανοφύς ab humore quidem bilioso, sed lentiore febre fit & coctu difficiliore. Quod si horrores habeat, non jam unum humorem agnoscit, sed duos, & ad hemitritæon accedit. Proinde Galenus eod. Commentario de tritaophyis horrores errabundos loquens, ait eas a duobus humoribus oriri, pituitosis & biliosis. Et fere dum τετανοφύς explicat, idem dicit quod & de hemitritæis. Atque ut ingenue dicam, magna est societas.*

Part. 25.  
sect. 2. lib.  
1. Epid.

Com. in  
part. 25.  
sect. 2. lib.  
3. Epid.  
Com. in  
part. 5.  
sect. 3. lib.  
1. Epid.



societas inter utrasque, præsertim quum horrores sunt conjuncti. Itaque cum doctiss. Ακακία de illis horrificis continuis scribit : *Si longioribus intervallis horror remeat, reduplicatio & dicitur & fit, maxime in semitertianis : sin brevioribus, horrificus inæqualisque motus dicitur.* Obscurius enim dicit quod nos ante diximus : Si statim ac vehementes, & ex majori intervallo horrores redeunt, tunc vera est semitertiana : sin erratici sint horrores, parvi, & ex brevioribus intervallis, continua potius τετανοφύς dicitur. In hac muliere febris erat τετανοφύς, ad semitertianæ naturam accedens, & humor pituitosus quidam secretus videbatur, qui novorum horrores erat occasio. Nec alienum erit monere Galeno placuisse cum veteribus febres istas τετανοφύς inflammationem sequi partium internarum. Quod & in hac muliere observatum est : totum enim corpus internum incendio conflagrabat ; & quum iræ esset præcipitis, in cysti cholidochæ novem lapilli ciceribus rubris duplo majores inventi sunt. Hepar incendio incanduerat : totus sanguis putris erat & lacteus. Obiit die 27. totius morbi.

*Comm. in  
part. 5.  
sect. 3. lib.  
1. Epid.*

Sed & unum animadvertere oportet, quod & therasian, & diagnosin in primis facit omnibus jecorariis, idest, quibus grandius hepar, amplius, tumens & calidius, quum febribus magnisprehenduntur, maxima ex parte tempore urgentis febris dolores in claviculis 7, & secundum omoplatas sentire satis vehementes. In pleuritide quidem quum uno loco inflammatio aut phlegmone consistat, tamen in parte longe remota ob communicationem & continuitatem membranarum dolor intolerabilis sæpe sentitur qui majores sæpe molestias exhibet quam ipsa pleuritis. Et signa diagnostica pleuritidis aut superiores, aut inferiores partes occupantis Hippocrates desumit ex dolore aut claviculas aut ileos regionem occupante, hepate accenso, aut inflammato, aut per insignem febrem æstuante plurimum, dolor potest ad jugulum pervenire. 8 Reperio enim bifariam dolorem tensivum ratione ipsius jecoris surgere. Aut enim hepar nothis costis alligatur, & tunc dolor ad claviculam percipitur ratione distentæ membranæ 9. Quibus non adligatur, a vasorum ipsorum potius quam membranarum distensione dolor surgit. Et ut ait Galenus, proprius venæ arteriæque dolor, veluti in longitudinem extensæ chordæ speciem refert. Quod est notandum, ne quum hos dolores in febribus aut inflammationibus hepatis ortos videris, frustra de catarrho comminiscaris. Probabile est enim dolores pro partium affectarum situ aut esse ἀναρρόπας aut κατωρρόπας. Actum die 15. Septemb. 1574.

*2. Acut.*

*Lib. 28.  
loc. aff.*

## A N N O T A T I O N E S.

1. Hæc febris fuit ea, quam τύφος vocat Hippocrates libro de internis affectionibus.

2. Febres τετανοφύς media sunt inter hemitritæas & tertianas longas, aut alias febres quæ habent intermissionem. *Comm. in Aphorism. 23. sect. 2. lib. 6. Epidem.*

3. Galenus docet quam acer calor excitetur ob fumosam substantiam a pituita putri & salsa excitatam. *Comment. in par. 16. lib. 4. Acut.*

Re-



*Revera inequalitas materia causa fuit illius horroris tam frequentis.*

4. *Ista desumuntur ex Epidemiorum Commentario, & proprie ad τριταίας febres possunt attribui.*

5. *Vel leges: In binis diebus tres fieri accessiones, ut uno leviori die fiat una accessio pituitosa, secundo dua accessiones.*

6. *Nomen παροξυσμῆς etiam in continuis potest usurpari: nam quum febris exasperatur, licet continua sit, potest dici παροξυσμῆς.*

7. *Nam quemadmodum ineuntibus paroxysmis intumescit & expanditur hepar contingens diaphragma, unde difficilis spiratio contingit: ita quoque dum aestuat jecur, intumescencia est quedam; hinc tractui similis contentio: quo fit ut per communicationem vasa superiora afficiantur.*

8. *Quia tamen corpus hepatis unum est & continuum, sepe signa inflammationum gibbarum & simarum exquisite dignosci non possunt.*

9. *Membranarum dolor est punctorius, sensimque expanditur, punctorio sensu tamquam in centro laborantis loci in parte est. Tensionis sensus circumcirca musculum est: Ult. cap. lib. de sanguinis missione, & cap. 1. lib. 2. locor. affect. Sic unum & idem potest punctorium sensum inferre & tensivum, sed diversa ratione.*

## CONSILIUM LXXVIII.

### *De sanguinis spato.*

**D**UÆ sunt partes in agro isto, quæ aut infirmitatem, aut vitium, aut utrumque videntur contraxisse, pulmo, & lien. Quæ quum alias, tum maxime in iis quibus hepatis intemperies est aliqua calida, propterea acrioris sanguinis parens & procreatrix, facile suæ infirmitatis signum edunt aliquod. Lien quidem, dum hepar non bene repurgat, quod plus succi nigri generetur, aut quod imbecillius fiat, pote legitimo alimento a jecore supeditato, non confirmatus. Pulmo autem, quia quum sit pars biliosa, facile attrahens ob motus perennitatem, ut in Epidemiis Hippocrates annotavit; *Attractio, pulmo, incendium*, idest, æstus ingens in partibus, & raritas, motusque perpetuitas pulmonis attractionis sanguinis & spiritus maximæ causæ existunt, fit ut si acrior fit sanguis qui a jecore fluit, rapiturque, augeatur aliqua ex parte intemperies, & hæmoptysi ager sit obnoxius; unde tabes: quod huic agro nostro jam a longo tempore contigit. Nam qui una cum tussi e pulmone sanguis educitur, extunditurque, exulcerationis sensum exhibens, satis declarat duorum alterum, aut acriorem esse sanguinem qui ab hepate in cor, & ab hoc in venam arteriosam resilit, unde aliqua fit διασπασίς, aut tenuiorem esse, unde anastomasis, aut diapedesis. Nam quum nutritio pulmonis, & aliarum partium, sententia Galeni non tam per oscilla venarum, quam per earum tunicas fiat, natura arteriosam venam machinata est artificiosè, ne vasis raritas & pulmonis validior attractio efficeret ut statim sanguis, qui est pulmonis nutrimentum, absumeretur, & sic causa esset marcoris ipsius pulmonis, affectumque illum induceret, quem Hippocrates



in libris de Morbis tabem siccam vocat, quemadmodum & pulmonem siccam. Sic vasis arteriosi crassities facit ut restagnet, resideatque sanguis, & tardius in nutritionem pulmonis faceat. Itaque si qua venæ arteriosæ tenuitas a natura est data, & ab ipsa conformatione, ut iis contingit quibus natura venæ sunt angustæ, & instar tenuium staminum, ii facile sanguinem e pulmone educunt: sed id periculo caret, quum tribuendum hoc sit tenuitati ipsius vasis. Sed si vas ipsum rite conformatum, si crassiusculum & pluribus villis intextum, & tamen eductio fit sputi cruenti sæpe; hoc cacoehymiae acrimoniaeque humorum adscribendum. Ita enim omnis humor acer erodit, sibi viam facit, cuniculosque agit. Propterea perperam Medici faciunt, qui ubi primum aliquem hæmoptoicum vident, illum frequenti venæ sectione fatigant: sic enim pulmone & lateribus infirmitas conciliatur. Itaque distinctione opus est: nam si eductio sanguinis aut propter tenuitatem sanguinis, aut venæ arteriosæ gracilitatem contingit, hic parciores in secanda vena esse oportet: sin omnibus rite comparatis ob sanguinis pravitatem id fiat, liberaliores esse fas est, alioqui graviter in commoda ægrorum peccatur. Nos autem in hoc ægro nostro potius animadvertimus conijcimusque sanguinis calorem, acrimoniamque cujusdam *ἄβρωστεως* causam esse, quæ in tabem ægrum conjectura est, nisi arte provideatur. Quemadmodum enim hominibus alatis quos 6. Epidem. *πτερυγώδεις* vocat, sententia Galeni flatus ruptionis venarum causa esse potest, qui flatus ob imbecillitatem caloris surgere solet in ejusmodi hominibus ita alatis factis per facultatis formatricis impotentiam; unde tabi obnoxii sunt maxime, ita quoque acer calor ejusdem affectus causa esse potest, dum humores & spiritus generat acres, subtiles, acutos & mordaces. 1. Juvare quoque potest destillatio a capite. Tamen in eam venimus opinionem, ut non existimemus caput per se non esse affectum, sed ex eventu tantum. Si enim destillatio ipsa hæmoptoicos auctor fuisset, jam tabidus interiisset. Quinto enim Methodi medendi cap. 14. & 15. satis docet Galenus quam brevi tabescant quibus ferina destillatio sputi cruenti auctor est. 2. Sed si aut conformationis vitio, aut acrimonia sanguinis id fiat, non tam præceptus est morbus. Sic errant qui in omni metu tabis, & omni tussi ad caput recurrunt tamquam auctorem primum. Sæpe enim id tantum contingit secundo. Hippocrates hoc primus animadvertit lib. 1. de Morbis, dum docet quomodo caput pulmone consentiat in attractione. Nam pulmo calfactus attrahit, & caput facile calefit; unde utraque pars conspirat in perniciem ægri. Tamen facile qui affectus erat secundarius, fit primarius in iis qui ad tabem devertunt ob tabificam qualitatem. 3. Hujus ægri affectum lib. 2. de Morbis depinxit, dum describit affectum quem Græce vocat *φθύν*, quæ non oritur aut vitio parentum, aut ulcere concepto in pulmone, sed tantum propter intemperiem quamdam partium. Ideoque ait eum affectum esse curabilem, & ante annos decem non necare.

De splene non putamus laborandum: quandoquidem non existimamus id tanti esse ut eo convertamus nostram industriam. Etsi enim signa quædam elucent quæ aliquid hypochondriacum resipiunt ac redolent, putamus levio-



ta ista fore si hepatis consultum fuerit. Accidit forte quod quum natura sit satis hilaris, diuturnæ infirmitatis tædio affectus, & sanitatis desiderio languens, animum suum demiserit, contraxeritque.

Ac censemus primo quoque tempore repurgato prius corpore illum ad usum lactis asinini relegandum esse, habeat domi paratam opiata ex decocto rerum aperientium & thoracicarum cum multo polypodio, in quo incoquantur ℥ iiij. folior. senæ, additis ℥ ij. cass. & ℥ j. conserv. buglos. & capill. ven. fiet opiata utenda aliquando, ut tibi videbitur.

Censemus semel aliquando repurgandum satis valido medicamento, ut diaphœnico, aut electuario diacarth. dissoluto in juscule ad elidendam vim scammonii. Et ne mirum sit cur probetur aliquando validior purgatio, quum in morbis thoracis ab omnibus recentioribus lenientia medicamenta probentur: dicimus id fieri propter humorum acrimoniam & cacochymiam, quam non superabit leniens & eccoproticum medicamentum. Quod facimus consilio Galeni, quem Fracastoreus secutus est cap. 15. lib. 5. Methodi, ubi disputat de curatione hæmoptoicorum per diaurosin & capitis vitium. Locus præclarus. Bis anno secabitur vena, ineunte autumnò proximo secanda erit. Vesperi cubiturus utatur conserva rosarum, nenuph. viol. additis gran. mastic. & olib. habeat syrupos domi ad juvandam expectorationem. Quantum fieri potest vino abstineat. Utatur elixis potius. Paretur pulvis ex saccharo cando, pulm. vulpis, penid. glycyrrh. cujus cochlear in ovum immittatur, & capiat mane. Vel trochisci ex hoc pulvere formabuntur cum gum. traga. cant. addito pulv. boli arm. aq. rosar. lot.

## A N N O T A T I O N E S.

1. *Omnis puris excretio post sputum sanguinis mala. Spuitionem sanguinis omnem non sequitur puris excretio: sed si πτύσις κακῆδης. Talis est autem omnino ex pulmone. Hippocr. Aphor. 15. lib. 7.*

2. *Sed hunc morbum melius Hippocrates explicat lib. de internis affect. & vocat tabem ex descensu putris pituitæ. Locus præclarus. Hippocrates valenter purgat.*

3. *Talis phthoe a capite est, διὰ τὴν διάχυσιν τινὰ, ut Hippocrates 2. de morbis loquitur initio. Sed inter ceteros locus unus præclarus est lib. 1. de morbis, quomodo pituita liquefacta descensus afferat incommoda in oculis, pulmone, ventriculo.*

4. *Circa hunc agrum, & alios consimiles duo quæri possunt: An validis opus habet medicamentis: quod Hippocrat. & Galen. videtur convenire. Item an in suspitione puris & affectorum pulmonum, juscule, & rerum liquidiorum usus conferat. Nam putres sunt, sæpe declarat puris sputum, nec modo vomica est aliqua, sed corpus ipsum vitiosum est. Si siccum sano propinquius, errant qui nimium humectant. De hac Galenus cap. ult. lib. 4. loc. affect. & lib. 2. Epidemiorum.*

6. *Hippocrates conformiter ad istam opinionem lib. de internis affect. in descensu putris a capite pituitæ valenter purgat.*



## CONSILIUM LXXIX.

## De Febre Typhode.

**U**XOR Domini Vieillart mense Julio incidit in febrem typhoden ab antiquis vocatam. Focus ejus in partibus alvo propinquis erat conceptus in materia phlegmatica mista bile, aut in materia biliosa pituite facta, ut ita loquar; & symptomata elucebant utriusque humoris mixtionem significantia. Quum febris exacerbabatur obmutescebat, pulsus deficere videbatur, syncopizabat, vigilabat, obdormiscebat alias; & id genus terrifica erant symptomata. Verebantur medici ne cerebrum secundo lœsum tandem alteraretur, unde aut cataphora, aut coma vigilans sequeretur. Tametsi autem langueret pulsus, tamen a validis medicamentis Medici non destiterunt, quod viderent exigendam, oppugnandamque multiplicem materiam mali auctorem.

Sæpe repurgata est medicamento ex rheo & folliculis. Clysteres frequentes injecti ad evacuationem & revulsionem. Vicesies sumsit cornu unicornis, & reliqua cardiaca. Sed id frustra fiebat, quum malum tyrannidem in cerebrum exerceret, unde metus cataphoræ & paraphrenitidis, his remediis occursum est.

℥ folior. pœonia, fœnic. salvia, majora. betonica, an. m. j. rad. pœonia, angel. acori an. ℥ ij. scariola, acetos. florum nenuph. an. m. j. mercur. beta an. m. ij. Fiat decoct. in sero lactis, addendo epithym. p. ij. In colat. dissol. confect. hamech ℥ j. diaphœn. ℥ ij. syrup. rosar. pallid. ℥ j. s. fiat clyster.

℥ olei castor. ℥ j. ol. chamem. ℥ j. s. pro litu colli.

℥ olei chamem. ℥ ij. cum pulv. angel. & castorei. fiat litus.

℥ aquar. pœonia & angel. an. ℥ ij. passent. per manicam hippoc.

℥ theriaces & mithrid. veteris an. ℥ s. conser. rosar. borag. meliss. an. ℥ iij. pro corde.

℥ destill. restaurat. & aquæ hord. an. lib. s. Utatur.

Quum ingens in toto ventre incendium perciperetur, hoc quod sequitur præscriptum est.

℥ mucag. sem. alth. psyllii & cyton. extract. in aqu. ros. an. ℥ iij. ceroti santal. ℥ j. aceti ℥ ii. ol. ros. & chamem. an. ℥ j. s. Fiat linimentum pro toto ventre.

℥ aqu. imperialis & aqu. salvia an. ℥ ij. Utatur. Item & mithridatio.

℥ decoct. hordei ℥ iv. syrup. nenuph. ℥ j. s.

Et tunc incumbabant Medici in somni conciliationem.

Parata hordeata ex cremore hordei non contusi, sed expressi. Dealbatum est hordeatum amygdalis, & dulcoratum saccharo ros.

℥ conf. alkermes ℥ j. conser. buglos. nenuphar. an. ℥ s. rasur. unicor. gr. ij. cum foliis auri. fiat bolus.

Repurgata confect. hamech & rheobarb.

℥ conser. nenuphar. & ros. an. ℥ vj. aceti ℥ j. s. lactuca m. s. Fiat frontale.

℥ ra-



℞ rasur. unicor. gr. iv. rasura eboris, margar. elect. an. gr. v. capiat cum aqua cardui.

℞ absynt. ros. rub. fol. salvia, major. an. m. j. santal. ℥ ij. Fiant sacculi pro stomacho.

Clysteres injecti dissolutis ℥ ij. cassia & ℥ j. catholic.

℞ aqu. lactuc. solan. acetos. ros. an. ℥ ij. aceti ros. ℥ j. s. pulv. rosarum, santal. an. ℥ ij. pulv. absynth. ℥ j. Fiat epithema pro jecore.

℞ flor. nenuph. viol. buglos. an. p. j. folior. lactu. m. s. papav. albi, cap. i. semin. melon. ℥ j. Fiat decoct. pro dosi. & cum ℥ j. diacody. potus.

℞ sem. raphan. ℥ j. sem. atripl. ℥ s. coquantur in oxymel. simpl. In colat. ad ℥ iiij. dissol. succi amygdalar. dulc. ℥ j. s. fiat vomitorium.

Ad renes sunt irrigationes ex aqua solatri, semperviv. lactuca, cum aceto.

## CONSILIUM LXXX.

### De Gonorrhœa virulenta :

**M**ERCATOR quidam una muliere non contentus, quantum licuit libidinose vixit : & cum prostibulis versatus, inquinatus est, unde & gonorrhœa & ulcuscula cacoethea in pudendo manaverunt : Tamen sibi præcavens, advocato Medicorum consilio, in luem non incidit. Sed quum rem leviusculam putaret, semine illius virulentæ gonorrhœæ intempestivius suppressæ redivivo sentit dolorem acerbum in spina, & lumborum regione : immo in pene ulcuscula repullulant, statimque evanescent. Difficultatem spirandi nonnullam habet, ἀνόρεκτος est, macrescit in dies, dolet totam spinam, & lumbos. Inito consilio dictum est id totum esse a reliquiis istius virulentiae, quæ sensim vires acquirit : immo & rudimentum esse illius affectionis quam Hippocrates in libris de Morbis tabem ex dorso vocavit. Itaque tametsi ad oppugnandam vim morbi valeret usus guaiaci, tamen de macie erat verendum. Itaque creditur satius esse corpus reficere, & interea non esse alienum ut interponeretur usus hydroticorum temperatorum, ut non proliciantur sudores, sed ut potius sensim humores desiccantur, & maligna qualitas emendetur. Consilii hæc sunt capita.

Bis hebdomade injiciatur clyster emolliens & detergens. Primo quoque tempore utatur bolo cassiæ cum rheobarbaro. Aperiatur basilica dextri brachii ad tria vascula.

Utatur semel pauca terebinth. cum syrupo de althæa. Pauca autem sit quantitas, ne hinc alvus solvatur, sed tantum ut vasa munda fiant.

Linatur frequenter spina oleo mastiches, cytonio-rosato cum aceto.

Deinde utatur lacte asinino per dies viginti continuos.

In pastibus decocto sarseparillæ diuturno satis, idque cum passulis.

Tandem quum renutritus fuerit, ad decoctum chine & sarseparillæ minime dilutum adducetur, si semen mali longius disseminetur.



Et quum perseveraret dolor, & calor summus in renibus, hoc quod sequitur fuit institutum.

*℞ sapa lib. s. mucaginis decoctionis malva, bismal. violarum, seminis psyllii, melonum: adde opii ℥ ij. & applicetur instar cataplasmati regioni renum.*

## CONSILIUM LXXXI.

*De febre Assode.*

**L**AURENTIUS Prætor post curas, sollicitudines, iras, & intemperantem victum, generosorumque vinorum usum, horruit, & insigniter febricitavit. De eo verum illud Hippocratis: *Morbi sensim generantur, sed assatim repenteque adoriuntur.* Quum solita exerceret munia in acutissimam febrem incidit, statimque magna virium jactura apparuit. Nox implacidissima, jactationes, æstus, sitis implacabilis, facies paullo post hippocratis. Natura visa est choleram morbum tentare. Excreta sunt ὑδατόχολα, multi generis, foetidissima: pulsus parvus, frequens, difficilis respiratio, sopor: oppressio stomachi: desurgebat sæpe, sed inaniter, & falsa quædam erat imaginatio & opinio aut flatus, aut doloris ventrem urgentis, quod animum laborare, delirioque occupari significat; quemadmodum Hippocrates scripsit, & apertius Galenus in Comment. *Ventrem tum mur-* Par. 16  
*murantem, tum rugientem cum inanibus surrectionibus, quidam phreniti-* sect. 3.  
*con esse contendunt.* Præterbet. *Sic duobus errant modis: nam nec ea quæ sub sensum*  
*cadunt sentiunt, quamquam cum dolore fiant: vel quæ sub sensum cadunt*  
*videntur sentire. Altero modo, quia sæpe e lecto desurgunt ac si sollicitati*  
*& demorsi essent: & tamen non mordentur. Sic falso se morderi putant.*  
Tamen ex usu videretur sectio venæ, nil tentatum est ob virium metum. Tamen urgente difficultate spirandi, & æstu summo, secta vena. Nihilo levius habuit. Quæcumque excernerentur sive supra sive infra, omnia cruda erant. Urinæ citrinæ, confusæ: πύχλος: & post missum sanguinem deterior virium conditio fuit. Quinto interiit. Morbus peracutus fuit. Aliquid fuit περιπνευμονικόν. tamen pulsus inflammationem non indicabat. Ex intervallis dolor erat lateris aliquis, sed fugax. Rondeletius autem observat cum peripneumoniis adesse dolores nonnullos laterum & sterni, febris, ut prædictum est, vehementissima adorsâ est, & statim secuta est virium magna jactura. Jactatio erat & anxietas ἀνέμετος infirmitatem naturæ & obsidionem ventriculi designans. Et febris erat αἰσώδης. Nec mirum si horrida statim fuit febris, qualis phrenitico obtigit in Epidemiis. Nil profectum, quod remedia morbo essent inferiora.



## CONSILIUM LXXXII.

*De hepatis inflammatione.*

**J**OANNIS Puthonne uxor post sollicitudines, curas, quum valde caco-  
chyma esset, in ardentissimam febrem incidit. Nullo loco stare pote-  
rat: vires febris eundo acquirebat. Jactabatur plurimum: utrumque hy-  
pochondrium intumuerat. Ne minimum quidem digitorum pulsum fere-  
bat. Densitas erat linguæ ob ingens incendium & defectum humiditatis.  
Septimo icterica interiit. At hic icterus licet suo die critico eruperit, ta-  
men funestus fuit, quia non tam erat a suffusione bilis quæ febrem com-  
mitteret, quam a phlogosi ipsius hepatis. Et revera leviter tantum corpo-  
ris superficies erat infecta, nec morbi par erat suffusio. Hepar erat in-  
flammatum, & fauces præcludi visæ sunt, quod ad claviculas dolor per-  
tineret. Sanguis tantum semel detractus, quod jam morbi dies exactus fo-  
ret antequam Medicus vocaretur.

## CONSILIUM LXXXIII.

*De febre continua cum eruptione parotidum.*

**T**ONSOR quidam juvenis pituitosus partim & sanguineus quum loco  
& tempore curaretur, septimo die morbi sudores habuit copiosos.  
Octavo die summa virium erat jactura facta: & quum febris expers fo-  
ret, necnon satis luculentam habuisset hæmorrhagiam, tamen nono die  
parotides apparuerunt. Illæ erant satis mansuetæ, potius quantitatem ma-  
teriæ quam qualitatem secutæ ac præferentes. Digerendis illis consultum  
est, mox suppurandis. Nil profectum est. Tamen quum recurreret mate-  
ria quæ aliorum rapi videbatur, tandem majoribus machinamentis sup-  
puratum tentandum fuit. Hinc discas sæpe non esse funestas parotides, ut  
in plerisque solent, præsertim si materia earum sit *ῥῆδης ἢ ῥεσθῆς*, quo-  
modo multas in Epidem. innocuas esse testatur. At in Prorrhethico bifa-  
riam parotidon eruptionem malam esse probat, tum quod per parotidas  
abscessus morbo non sit par: tum quod qui abscessus ad partes superio-  
res fiunt, perniciosi esse soleant.

1. Epid.  
sect. 1.  
3. Pror-  
rheth.

## CONSILIUM LXXXIV.

*De febre continua.*

**C**UJUSDAM Victoris uxor quum febre laboraret continua morbo jam  
progresso Medicos accersivit. Affecto jam morbo illud faciendum  
fuit, quod jam factum, si de re maturius consultum, oportuisset. Et  
quum sero melius fuerit præstari quam numquam, quod res operam ce-  
lerem postularet, nono die secta est vena ad duo vascula. Natura ista se-  
ctione



Etione irritata crisin antevertit. Itaque vesperi illa toto horruit corpore, ἐξιδρωσις longa, vox clangosa, πνέμα προσιπτον. Partium extimarum frigus qualiter in jam morituris apparet. De funere cogitabatur. Quum exigua salutis spes foret, qualicumque ista excretionem natura erecta fuit. Fluxus dysentericus: convaluit.

Hinc discere oportet nefas esse tumultuariam nonnullorum curandi rationem sequi, qui sus quedeque ferunt si diebus criticis, aut aliis quibusvis aut feriantur venæ, aut medicamenta præscribantur. At nos observavimus sæpe leves irritationes ab artificio Medici factas, motus & perturbationes, tumultusque excitare magnos. Et si instantibus crisibus (præsertim si morbus biliosus sit, & bene ordinatus) medicamenta dantur, Lib. de Medica- sæpe hypercatharseis inducunt. Quod centies verum deprehendi. Et id pri- mentis. mus edisseruit Hippocrates.

## CONSILIUM LXXXV.

*De febre continua cum gravibus symptomatibus.*

**R**OBERTUM febris continua magnas de nocte exacerbationes habens corripuit. Incolumis illac tenus vixerat. Membra delassata fractaque appulsum manus non ferentia. Dolor capitis acerbus: jactationes perpetuæ. Quarto die purgatus: quinto secta vena: sexto apozemate ex folliculis repurgatus. Biliosa multa: septimo nil apparuit. Urinæ non multum flammæ, tenues, sed boni coloris. Quod si ad tenuitatem coloris pravitas accessisset, pessimum id foret. Sed saltem ad morbi longitudinem apparuerunt, ut Clazomenio contigit. Octavo iterum repurgatus. Nono comatosus factus & delirus. Febris ingens: urinæ tenues, subflavæ. Alvus eo minime sentiente perenniter fluebat. Id symptomaticum erat, quia sensim fiebat. Omnis excretio biliosa. Decimo & undecimo eadem. Lingua obtremiscens. Quod Gal. ad facultatis animalis imbecillitatem refert, estque signum non constantis mentis. *Cerebrum enim, ait, afficitur, affectioque ipsa calida est; quod calor motionem perpetuam afferat, contra frigus immobilitatem.* Et in Aphorismis: *Si lingua repente incontinens fiat, aut aliqua pars stupore elanguit, hoc melancholicum est.* Galenus in comment. τὸ μελαγχολικὸν interpretatur non ut ad affectum melancholicum referatur, sed ad humoris dominatum. Quamquam ἡμελαγχολία καὶ τὰ μελαγχολικὰ non ad humorem, sed ad diathesin & affectionem, affectionisque speciem refertur. Sic incontinentia linguæ repente incidens est μελαγχολικὸν quid, idest, ait Galenus, est ab humore melancholico quatenus est quid viscidum, lentum, crassum, propter similitudinem ad pituitam accedens: ut tum humor melancholicus, tum pituitosus illius affectus causa dicatur. Quamquam stupor & ἀκράτεια linguæ non sunt affectus melancholici, idest qui redoleant, resipiantque naturam veri humoris melancholici. Sed homonymos affectus melancholici dicuntur. Priorem rationem de analogia inter humorem melancholicum & pituitam fusius explicat Galenus; ait Comm. in Aph. 56. lib. 6. Ballonii Oper. Tom. II. X enim



enim apoplexias, convulsiones, cæcitates promiscue & ab humore melancholico, & a pituita fieri, quoniam utique humori communis est crassitudo. Sed furor non fit a succo melancholico quatenus frigiditatem habet & crassitudinem: siquidem oportet aliquid esse quod irriter & incitet. Et quum dicit Galenus interpretans illud Hippocrat. quomodo quadragenariis & quinquagenariis apoplexiæ fiant, ait illa in ætate maxime abundare τὸν τῆς μελαίνης χυμὸν. Interpres vertit, succum atræ bilis, nos potius succum melancholicum dicemus. Nam atræ bilis proprie dicta non facit istas ἀκινήσεις, sed potius efferat, impellitque corpus; hinc in Aphorism. Si, ait, multitudo humorum est, μελαγχολικωτέρα, timores fiunt, & affectus qui proprie melancholici dicuntur: si talis non fuerit, idest, si ad aliam naturam vergat, si aut potius de humore pituitoso resipiat, aut de bilioso, aut alius generis humore, labores ac convulsiones. Et tamen ante dixit promiscue & succum melancholicum & pituitam cæcitates, apoplexias, convulsiones facere, non autem furores, quod ad furores qualitas aliqua requiratur. Quum itaque quinquagesimo anno fiunt apoplexiæ, non dicuntur fieri ab atrabilario humore, ut vertit Interpres, sed a succo melancholico qui hac ætate superfluit. Atque ut tandem finis fiat, ac loci inter se concilientur, sciendum humorem melancholicum, immo & pituitosum, aut potius ratione materiæ & molis affectus inducere, aut ratione qualitatis malæ quam uterque accersivit humor. Si ratione molis, convulsiones, apoplexiæ, & similes affectus inducuntur, ut cæcitates. Si ratione qualitatis, pavores, timores, pathemata melancholica, ut deliria sine febre. Quomodo doctissime Galenus docet, quomodo vere, hieme, & autumno dolores podagrici excitentur ab eodem humore, sed non eodem numero. Nam hieme & vere hos dolores citat, & quatenus copia peccat, & quatenus qualitate: at autumno quatenus qualitate peccat: quod omnino animadvertendum est. Sed revertamur ad id unde digressi sumus. Mirum cur dicat Galenus tremorem linguæ affecto cerebro ob humorem biliosum, non autem frigidum, quod quum tremor motus quidam sit, necessario humor sit movens, qui ἀκινήσιαν non afferat: At melancholicus & pituitosus & stuporem, & ἀκράτειαν linguæ, & ἀκινήσιαν affert. Unde & 6. Epidem. de humore pituitoso, ejusque sero loquens, ait utrique esse proprium ut stuporem frigusque inducat. Si frigidus, tenax, lentus & crassus humor ratione sui crassamenti tetanos, convulsiones, ac concussivos motus efficiat, quare non potius immobilitatem inducat? Nam hoc ex superioribus demonstratum est. 2. Soporosus erat: an ille sopor malus? Locus est insignis apud Hippocratem, quo quærit, τὸ καρῶδες ἀπὸ γὰρ κακόν; An affectio carotica, aut somnus profundus sive sopor ubique malus? Quum autem καρὸς & in bonam partem & in malam sumatur (quamquam omnis a quacumque causa ortum duxerit, si cum somno naturali a causis moderatis & naturalibus orto conferatur, in malis poni potest) dubitari potest an existere possit ut non terrefaciat Medicos, & ii non statim admoneantur ad quidvis moliendum contra soporem inexpugnabilem. Somnus naturalis fit a bona cerebri temperie,

&



& suavi blandoque vapore. Nos non pluribus explicabimus somni & soporis differentias, & a quibus causis oriantur, quibusve signis distinguantur, quum illa enucleata a nobis fuerint ante. Galenus comm. in particul. illam multis modis *καρῶδες τι* contingere posse docet, & somnum vix excitabilem solutuque difficilem ( quomodo *ὁ κάρος* definitur ) aliquando bonum esse posse ut signum & ut causam explicavit. Sed addit, *si carus intelligitur profundus, & vix excitabilis somnus, & carus morbosus nullam genere dissidentem diathesin habeat*, idest, si nulla sit mala dispositio aut humoris, aut partis, ut nil sit præter excessum quemdam humoris quantitate opprimentis & sensus ligantis: vel nomine *τῆς διαθέσεως* & naturam, & conditionem affectus audiemus. Ut *κάρος* distinguatur morbosus a somno profundo, quod somnus profundus ex copia humidi utilis generari possit; *κάρος νοσώδης* ex pituita unde cerebrum humectatur & refrigeratur, & jam ad lethargicam affectionem accedit. 3 Sic profundus somnus habet humorem multum, utilem, quantitate peccantem, cerebrum fere solum humectantem: *κάρος*, *κῶμα*, *καταφορά* frigidum, lentum, viscosumque & inexpugnabilem humorem *ἀκινήσις* & carentiam quamdam sensus invehentem. Et hoc modo omnis carus malus. Profundus somnus improprie *κάρος* dici potest. Itaque Galenus ait, *ὁμολογηθείσης τῆς διαθέσεως, ἐν ὀνόματι μόνον ἢ διαφωνία ἐστὶ*: dummodo fateamur diathesin somni profundum, & τὰ κάρη non distingui, de solo nomine controuertitur. Profunde dormire multos ponit Galenus temulentos: Pueros,

Ægros, qui per quatuor aut quinque dies vigilauerunt. Et profundus somnus his bonus ut signum & ut causa. Alii profunde dormiunt, & ipsa diathesis longe diversa est.

Qui sine motu & sensu soporantur, qui nec voce, nec puncturis, nec stimulis excitantur.

Quibus musculus temporalis percutitur.

In principiis accessionum febrilium, immo in febribus ardentibus.

Et hic profundus somnus malus, ut signum, & ut causa, & *κῶμα*, & *ληθαργος*, *κάρος*, *καταφορά*que nominari potest. Omnis talis sopor malus ut signum & ut causa. Nam & causa longe contra naturam est quantitate & qualitate peccans, & resolutio, oppressioque nonnumquam primi sensifici, idest cerebri, adest. In nostro agro sopor iste malus erat. De funere jam cogitabamus. Sed quum die duodecimo febris aucta videretur, & natura recreata, venam aperuimus: inde omnia feliciora fuerunt. Credo naturam ista sectione quasi flabellato sanguine erectam. Decimoquarto sudores. Urinæ boni quidem coloris, sed non indicabant illud incendium quod intus erat. Alvus perpetuo fluebat symptomatice. Videbatur in nescio qua materia secreta a venis calor conceptus. Sed quum febris continua esset, tamen sæpe *τῆς ἀπυρεξίης* sensus erat aliquis, quum tamen nulla foret: immutarique illa febris falsa erat & mentita. Simile quid in Epidemiis legitur, quum tamen febres essent continuæ. Nam Hipp. per tres dies apparuisse febris vacuitatem fatetur. Ex hac historia doceri possumus symptomaticas sæpe alvi fluxiones, ut quum sine sensu ægri, sensum atque

H' sto. 12.

Et 13.

part sect.

3. lib. 10.

Epid.



4. Aphor. sensim humores secedunt ( *Ἰσχωρήματα τὰ ἰόντα* vocat Hippocrates ) quod & copiam, & perpetuam generationem, & naturæ quamdam resolutionem significat, profuisse *κατὰ συμβεβηκός*. In morbis omnibus malignis qualiscumque fuerit excretio, quoniam virulentæ materiæ excretionem quomodocumque id fiat, juvatur plurimum, profutura est. 5 Et quod & humoris qualitate, & excretionis modo symptomaticum esse dicetur, id ex eventu, si quid virium restiterit, criticum erit. Secundo puto ideo laxis fibris alvum laxatam esse, quod ad diem fere criticum medicamentum datum sit. At jam ex Hippocrate docuimus medicamentis præscriptis diebus instantibus criticis, aut secta vena hypercatharseis esse faciles: quod nos in plerisque observavimus. Nam sequuntur sæpe sudores diaphoretici. Si natura valeat, aut arte erecta fuerit, liberantur quidem, sed diu imbecilli manent, & vix a morbis relevantur: sin imbecilla fuerit natura, eodem die quo vel medicamentum datum, vel secta vena, moriuntur. Quod calamitatis & infamiæ est plenissimum. Verum antequam huic consilio finem imponamus, non erit alienum annotare quæ paullo ante diximus ex Gal. comm. in Prorrh. In affectionibus febrilibus, præsertim ἐν ἐπισημασίαις, quum exacerbantur morbi ac repullulant, sæpe esse *κάρον ἢ κῶμα*. Mirum cur Galenus non dixit *κατὰ τὰς πυρετὰς*, sed dixit *κατὰ νόσους πυρετώδεις*. Quod forte abs re dictum non est, & magna animadversione dignum existimo. Ac primum scire oportet duplicem esse febrem, unam essentialem, symptomaticam aliam. A febribus autem absolute dictis & essentialibus dicuntur capi qui absque inflammatione, vel abscessu, vel dolore, vel erysipelate, vel absque aliquo membro præcipue affecto ægrotant. Item addit comment. in aphor. 66. lib. 4. *Contumacem obstructionem & fortem, cui febris superveniens symptomatica esse dicitur. Si autem vel inflammatio aliqua sit, vel aliquid simile, quod febrem excitet, is absolute febricitare non dicitur.* Hæc Galenus. Quum itaque in februm exacerbationibus *κατὰ νόσους πυρετώδεις* per febriles morbos, non autem absolute dixit *κατὰ τὰς πυρετὰς*, videtur id significare. Catoche, cataleptica affectio cadit in febres, præsertim eas quas committit nescio quæ in parte dispositio; ut quum materia est in cerebro, & doctrinæ gratia febris cephalica dicetur, per motum humoris in capite contenti, qui a massa sanguinis & concretionem separatus esse dicetur: aut quum est in ventriculo, aut in hepate fit febris Elodes, Typhodes, Erysipelatodes: atque tunc si catoche incidat, non dicetur proprie cadere in febrem, sed in affectum febrilem: nam febres essentielles, quarum materia per venas sparsa & fusa est, ex se non habent conjunctas catochas, catalepseis, comata. 6 Sed sub finem earum symptomaticæ potest aut coma, aut similis affectio advenire, & hoc malum ut signum & ut causa. Sed quum in Epistimasia morborum febrilium soporosi affectus surgunt, affectionem & pravam dispositionem non in genere venoso, sed aut in ventriculo, aut mesenterio, aut in cerebro ipso significat: & ad prævum exitum sæpe hæc febres tendunt. In tribus id genus febris observavimus. Uxor domini Vieillard, de qua abunde supra, eam habuit, & febris erat typhodis, exacer-



cerbataque febre mox delirabat, mox attonita sopitaque plane erat. Filius domini Magni Medici annos 10. natus, idem passus est. Idem quoque & Procurator Dumontier, de quo in principio fere hujus libri. Quæ omnia annotata volui, ut hoc tamquam insolens non dicant Medici, sed ut inquisita tanti mali causa, legitima medendi methodus inveniatur.

## ANNOTATIONES.

1. In eo sensu ἰχορόντες & παφλάζοντας, idest τραυλὲς ait melancholicos morbos experiri solere: quod mirum est, quum utrique sint frigidi, humidi, molles, effeminati, & veluti aquei. Hippocrates lib. 2. Epidem. sect. 5.

2. De somno initio februm, in febribus, & dum corpus aestuat intus. Hippocrates comment. in part. 17. sect. 4. lib. 6. Epid.

3. Tamen quidam Coma ab oppressione cerebri oriri dicunt; Caron ab ejusdem resolutione.

4. Reperio aliam soporosam affectionem Lethargum appellatam, idque ob speciem quamdam peripneumonia. Vide lib. 2. nostri Ephemer. Quomodo comata etiam in principio februm ardentium inciderint, annotat Galenus ex Hippocrate comm. in partic. 37. sect. 3. lib. 3. Epid.

5. Etsi per hypercatharsin istam educuntur putria, corruptaque; tamen melius fuerat ea non agitavisse. Multa enim sunt in corpore corrupta quæ suo gremio adhuc natura continet ac regit, etsi facultatem ejus retentricem forti medicamento & attrahente concutias: non mirum si laxatis fibris omnia effluant magno virium dispendio.

6. Questio vero esse possit an coma incidens in febrem sub finem fiat vitio particularis cerebri, vel vitio totius corporis. Particulari vitio, ut quoniam in morbis longis & acutis quibusdam singula partes sese exonerant, si in cerebro materia moveatur quæ coma inferat. Universi corporis vitio, ut fiat per depositionem veneni morbum causantis in cerebrum ipsum: & talia comata & symptomata incidunt in febres desinentes natura falsas crises moliente. Id enim est judicatorium, non judicans.

## CONSILIUM LXXXV.

## De febre maligna.

JOANNES de Longueville a castris rediens febre maligna prehensus est, quæ multos in castris stativis ad Rupellam jugulavit. Admirabile est qualia symptomata contigerint, ut postea narrabo. Initio febris mitis, qualis accendi solet potius in spiritibus & in materia phlegmatica quam in biliosa, quod motus subitos non haberet. Dolor capitis ab initio sævissimus: dolores vagi: calor multus intus: pulsus satis frequens, sed non multum elatus: lingua initio plane arida, & tamen calor similis non percipiebatur. Alvus satis belle reddebat. Circa septimum secta vena; &



sanguis plane putris educitur. Singulis noctibus omnia graviora: visa est lingua nigricans: urinæ initio confusæ & flammeæ, biliosæ. Nono urinæ citrina, mala, lufca. Delirabat: facies ἐξέπυδρος, oculi ardentes, alias comatosus: delirii aut lethargici affectus erat metus. Itaque consilio quorundam practitorum non reformidantium usum vehementioris cathartici, tametsi febrilis calor dehortari videatur, data est tabella electuarii diacarthami in jusclo, quæ elicuit multam materiam ôlidam, albicantem, ac si diceres pultem quamdam. Hoc autem factum ut majorem vi revelleretur vapor ab ista materia elevatus qui subest, aut coma, aut lethargum esset inducturus, unde parotidon metus fieret. Noctem undecimam molestiarum plenissimam habuit. Mane deficiebat pulsus, mox formicans apparuit. Idem pæne per tres horas mansit. Mortem in propinquo denuntiabamus. Credibile tunc naturam moliri voluisse crisin, sed & debilis, & materia nondum præparata id non potuit. Cordi applicatur catapl. ex mithridatio, theriaca, addito pulvere diamargar. frigid. Potu datur theriaca, confectio AlKermes cum aqua theriacali, aquis cardiacis, vino albo, syrup. granatorum & granis aliquot ambrae. Pulsus ad se redit post insignem illam mutationem, & jactationes multas. Urinæ ab eo tempore inæquales, sed maxima ex parte crudæ erant & aqueæ: & tamen non habebant alienum colorem aut contentum. Nil de incendio interno declarabant, omnia cruda erant. Cibum capiebat, lingua aridissima; quod mirum, quum urinæ aliter sese haberent. Alvus cœpit liquida dejicere. Decimoquarto nil commemorabile. Semisopitus. Nil de materia in præcordiis contenta excernebatur, quæ vere illius febris causa erat, & seges. Summa erat virium infirmitas. Decimosexto datum rheum: tenuja. ὑδατοχολα excrevit: nil crassum: nullus sudor. Urinæ tenues perseverabant: tales apparuerunt quales in Clazoménio: & longitudo morbi significata est. Et nisi ætatis firmitas obstitisset, vix eam vim morbi sustinisset. A die duodecimo nil secessit crassum nisi sub finem effectus medicamenti. Morbus qui acutus erat, incipit longus esse: sensim evacuatur educiturque materia in hypochondriis contenta: & quod educitur, crassitie pultem referebat. Sic convalescit. Consultum est ut ad tenuis ichoris excretionem qui sæpe spiritus contaminat febre etiamnum præsentē, sed concedente multum, exhiberentur ℥ viii. decoctionis chinae cum multa scabiosa parata, addita ℥ j. cinnamomi.

Hinc discere oportet eos qui optimo habitu præditi sunt, & integra sanitate, non lubrica, ut plerique biliosi, tenues, fruuntur, dum de sanitatis statione depelluntur, crudos admodum morbo experiri, & horum vires sustentari debere donec morbus mitificetur. Unde in plerisque qui omnium robustissimi essent, ista maligna temporis constitutione horrenda symptomata observavimus: & ii pæne sani morbis tentati sunt, ab iisdemque jugulati sunt. Itaque hic magna cautio adhibenda, ne si valida initio medicamenta data fuerint, agitemus materiam quam educere nequeamus; intereaque nil aliud agamus quam ut naturam infirmemus, minusque idoneam reddamus ad sustinendam tantam morbi contumaciam & longitudinem.



## CONSILIUM LXXXVII.

*De febre maligna.*

IOANNES du Teil simili fere morbo correptus est. Is juvenis erat, robustus, lacertosus, expeditus; & incredibile dictu quot & quanta affuerint symptomata, ut ancipites fuerimus de morbi exitu ad vicesimum quintum diem. Audio illum morore aliquo affectum quod res in Amore secundæ non essent: At tamen quorundam Medicorum opinione, procatarctica-  
 rum causarum observatio in morbis curandis inutilis videatur, tamen in  
 dignoscendis, præsertim quod ad ideam morbi spectat, plurimum posse  
 videtur. Hinc Hippocrates in historia de Sileno, causarum procatarctica-  
 rum meminit, & non abs re, ut Galenus in Comment. docet. Mirum  
 quod ait Galenus in lib. de different. febr. febres putridas a causa proca-  
 tarctica non oriri. Cur itaque Hippocrates causarum procatarcticarum  
 meminit, ut quum loquitur de quodam, qui quum rudimentum febris  
 haberet, incidit in febrem perniciosam: quod quum jam leviter febricita-  
 ret, largiter potavit? Illum errorem commissum tanti facit Galenus, ut  
 periculum creavisse existimarit. Item dum Euryanactidis filia historiam  
 commemorat, causam procatarcticam quamdam non omisit: hanc race-  
 mum gustasse dicebant. Etsi conditio vitæ, ut si quis ruri degat, aut in  
 urbe, ad constitutionem morborum tenendam apprime conducit, cur non  
 & causa procatarctica; Sed quum Galenus loco supradicto ait causas  
 procatarcticas putridam febrem non parere, non negat quin possit excita-  
 ri a causa procatarctica; sed putrens nisi fuerit humor, non generatur  
 febris putrida. Nam loquens de Sileno ait, illum in diariam debuisse in-  
 cidere ob causas istas externas: sed quia corpus morbo erat obnoxium,  
 facile impressio facta est in humoribus. Pluribus commentar. in illam hi-  
 storiam explicat qua ratione a causis illis procatarcticis tam perniciosæ fe-  
 bres excitentur. Itaque mæstitia concepta potuit aliquid asserre. Et hic non  
 verebor dicere observasse me omnes morbos qui mororibus affectibusque  
 animi succedere, aut eosdem perpetuos comites habent, esse *δυσκρίτους καὶ*  
*δυσλύτους*. Quum medicamentum blandum sumisset, voluit sibi venam  
 secari postridie: & quum noctem implacidissimam habuisset, mane toto  
 erupit sudor corpore: & quum indicta esset hora Chirurgo secandæ ve-  
 næ, aut erumpebat adhuc sudor, aut paullo ante præcesserat, quum im-  
 prudenter jam præ sudore corpore resoluta vena referatur; unde animus  
 defecit, nec mirum est. Adeo occasio præceps est, & alias captanda est,  
 alias omittenda: tamen hoc vel illud agendum merito videatur. Parum  
 sanguinis detractum est, ob deliquium succedens. Ab eo tempore adeo  
 languidus fuit, ut nulla parte corpus movere posset, immo ne minimam  
 manus contrectationem ferebat: an id ab illo errore commisso manarit,  
 ignoratur. Tamen hoc potuit juvare plurimum. Febris erat adeo *κακόνδης*,  
 ( morbum autem male moratum definit Galenus quum mitior non sit,  
 tamen omnia legitima fuerint administrata ) ut id ratione febris contin-  
 gere

Hist. 2.

sect. 3. lib.

1. Epid.

Cap. 7.

lib. 1.

Hist. 2.

sect. 3. lib.

1. Epid.

Hist. 6.

sect. 2. lib.

3. Epid.

Comm. in

par. 1. sec.

3. lib. 1.

Epid.

Quid

morbus

κακόν-

δης.



Comm. in  
part. I.  
sect. 3. lib.  
I. Epid.

gere potuerit. Febris continua : jactationes assiduæ, virium lapsus. Ad sextum diem pulsus plenus quasi explicata febre, hinc capitur secundæ venæ occasio. Nil allevatur. Urinæ flammeæ, alias sanorum similes, quum tamen febris perseveraret : quod in superiore ægro observatum est. Non sentiebat quicquam mali, sed mens ægrotabat. Morbus in eodem statu perseverabat : non meminerat multorum : semisopitus erat : comatosus : & revera nisi symptomatica per alvum evacuatio successisset ( quam evacuationem qualiscumque sit, in malis morbis juvare plurimum, ante demonstratum est ) aut comatosus interiisset, aut molestas parotides habuisset. Sed subductio alvi illa, illo minime sentiente, & perenniter suas syndones concitante, infelici eo exitu illum liberavit. Item urinam reddere non meminerat. Satis belle cibum capiebat, & capere meminerat : cetera obliviscebatur. Fluente alvo etiam nil manifesto febris remittebatur : sed tandem observatum illum fluorem febris finem attulisse. Tanquam pondus iners in lecto jacebat, provolvebatur non suo, sed aliorum nutu. In neutrum latus suo nutu decumbere poterat. Nulla mutatio in pulsu, in urinis erat. Et quod mirum, diebus criticis natura aliquid moliri volebat : sed quum nil præclare facere posset, manabant sudores frigidi : pulsus deficiebat, contrahebatur. Si natura potens fuisset, crisis in eos dies incidisset. Deinde prior pulsus redibat. Lingua aridissima, sitis tamen nulla; nec enim se sitire putabat. At *δίψα παραλόγως λυθεῖσα κακόν*. Sed delirabat. Ignorabatur quæ causâ tantæ virium ruinæ foret quum corpus juvenile foret; mos illius morbi inauditus. Non potuit non suspectus esse morbus, quod sine causâ manifesta adeo impotens factus fuisset. Ad decimum sextum & septimum diem circa os sacrum tumor niger ambusto & carbunculo similis apparuit. 2 Non sentiebat, licet esset dolorificus. Erat carbunculus. Alvus fluebat, & id commode. Circa vicesimum diem restitit alvus: spes salutis fuit : ad se rediit. Corpus erat arens, squalidum, velut exustum. Erat occultum incendium quod humores exusserat. Febris erat *ἀσώδης*, pestilens, quæ illum interemisset, nisi alvi profluvium etiam symptomaticum ( quamquam omnia quæ fiunt symptomatice sunt suspecta ) successisset. Juvit quoque ætas, quam magni facit Galenus comm. in Epidemior. libros, ad sustinendam malignam vim morborum & longitudo-

#### ANNOTATIONES.

1. Vide locum præclarum de malis excretionibus quæ aliquando bonæ sunt æstimandæ ex fine, non ex causâ, in sequentib. & ante Consilium III.

2. Hoc non fuit criticum, sed symptomaticum, etsi multa talia excreta fuissent : illi forte melius fuisset, ut ex lib. de atra bile constat, cap. 4. Tamen utrumque hoc naturam juvit.

Proprie erat phygethon, ut in explicatione aphor. de gibbis diximus.

3. De eo verus aphorismus in Coacis : Mentis emotiones taciturnæ, non quiescentes, oculis circumspicientes, spiritum extra efferentes, perniciosæ sunt: sed & ita affecti ad insaniam deveniunt. Qui vero in ventris turbatione ita



exacerbantur, his nigra circa indicationem prodeunt. *Quod huic agro contigit. Et si vires suffecissent, vix contineri potuisset.*

## CONSILIUM LXXXVIII.

*De destillatione in pulmones.*

**I**LLUSTRIS viri filia (cujus nomini parcendum ducimus) annos nata quinque, coepit valetudinaria esse, quum annis superioribus integra sanitate, prout tulit ætas, frueretur. Nata est avia gibbosa, proinde proclivi ad affectus pulmonis. Hinc congenita ad tabem dispositio. Hippocrates in Epidem. meminit cujusdam filia ad tabem propensa, cujus dispositio ad tabem mediocris morbi, & ad necandum non sufficientis adventum ita adjuvit, ut in ista morbi lenitudine obiverit. Et ideo Hippocrates sub finem historiae adjecit, *ἢν δὲ συγγενικὸν φθινώδες*. Quod ab Hippocrate Galenus in Commentario adjectum dixit, ut convellatur quorundam Sophistarum opinio existimantium nullum esse congenitum affectum: unde mirum qui fiat ut hæc puella quum olim excederet humiditatis puerilis mediocritatem, unde *ἀνὰρσπος* apparebat, ut nec articuli, nec venæ forent conspicuæ: nunc quasi mutato temperamento, præter rationem macra, *λεπτὴ*, extenuataque appareat; ut omnes & articuli & venæ facile sub aspectum cadant. Hoc ad vermes relatum est: sed tamen quum malum perseverare videretur, & summa esset catarrhi & destillationis in pulmones facilitas, immo & sororem habuisset quæ a congestione humoris frigidi cataleptica interierit, ferinam destillationem hujus mali occasionem arbitramur. 1. Accedit quod præter ætatem, præterque morem hæmorrhagiam patiatur, quod, sicut & genarum rubor pulmonicorum proprium existit. Sic de illa tria quæsitæ sunt: Cur præter rationem macruerit, cur a natura & statu abs re ita desciverit; an lacti asinino locus sit, & num id vermium generationi, cui obnoxia est, officiat. Sanitas quidem in firmitate aliqua consistit, & actionum bonitate: & eos dicimus sanos quibus corpus *ἄχρον* & solidum est: tamen utrumque fallax. Etenim pulmonicis suffunditur rubore facies ob affluxum sanguinis & caloris vaporem, & tamen iste rubor bonus est. Extenuationis causæ sunt penuria alimenti, exercitationes plures, vigiliæ, dolor, morbus, & præcipue si colliquans fuerit, pravitas humorum, imbecillitas denique ipsa. In hac vermes forte aliquid potuerunt 2, sed destillatio multum potest: unde videmus eos facile macrescere quibus destillationes sunt perennes, nisi insuflentur ac intumescant. Quærebatur num lac asinum ex usu foret; quoniam calor acer quodammodo est, æruginosa expectorat quæ moram in substantia pulmonis trahentia erodunt, & ideo sputum cruentum promovet, ideo lac ex usu foret. Nam ut feri exuberantia superat, ita pinguedine ceteris cedit: & mel aut saccharum admiscendum ut feri acrimonia retundatur, quod in ventriculum vacuum ingestum facile fundum efrigeraret.

*Hist. 6.  
sect. 2. lib.  
3. Epid.*



*Cap. 6. lib. 6. de placitis.* Sed objicies : minima alteratione opus haberi : immo Galen. videtur vel-  
 le lac alterationem in ventriculo non habere . Item quum laudemus lac  
 asinæ , quod facile transeat , mel aut saccharum istam transeundi facilita-  
 tem impediet ; utrumque enim admistum lac ipsum increasset . Tamen tum  
 ut lac ipsum sua serositate fundum ventriculi non lædat , nec facile irri-  
 tando diarrhœam aliquam afferat , saccharum admiscemus ; faciet enim ut  
 moram in ventriculo aliquam trahat , & ita coquatur , deinde coctum a-  
 3. de ali- natura distribuatur . Et ut aliis locis observavimus ex Galeno , si aut mel ,  
 mentis . aut sal lacti admisceatur , fieri non potest ut lac in ventriculo concreascit .  
 Immo dum serum præscribit iis quibus illa obmurmurant , & salem &  
 Com. in mel remiscet . Ceterum visum est e re fore si loco lactis asinini , hieme  
 aph. 4. præsertim , quo tempore butyrosus lac non suppetit ob herbarum penu-  
 lib. 5. riam , aut negligentiam eorum qui non ad auxilium , sed ad quæstum ,  
 asinas alunt , uteretur jusculo consumto fere pullo & carne vitulina , cum  
 passulis , hordeo rite lauto , cichorio , lactuc. feride , acetosa , & pugillus  
 hyssopi sub finem in eo jure madescat . Nil aliud in jentaculo dabitur .  
 Quod si magno usu ejusmodi jusculorum fibræ alvi laxentur , aut albi-  
 cans dejectio appareat , temperandum erit ; firmata deinde alvo redeundum  
 erit . Quum catarrhus infestabit , bolus cassiæ devorabitur : aut si alvus  
 lique scat , ejusmodi tabellæ concinnabuntur .

*℞ electuar. diaireos simplicis ℥ s. electuarii triasant. simplicis ℥ j. rasura  
 ebor. cornu cervi , pulver. glycyrr. an. gr. vj. cinnamomi gr. 3. ambra gri-  
 sea gr. ij. rhabarb. ℥ ij. s. cum saccharo in aqua rosar. soluto. Fiant tabellæ  
 ℥ ij. deaurate . Utatur sæpe .*

Utetur pineis & amygdalis decorticatis cum saccharo . Vel pineæ exci-  
 pientur saccharo rosato . Sæpe syrup. de bechio , conserva bechii , syrupo  
 de ficcis . Liberale prandium esto , parca cœna : fero assa , elixa mane  
 convenient . Caput vernice suffiendum . Thorax illinendus , & panno es-  
 carlatæ contegendus . Hydromel hieme conveniet . In aqua mica panis al-  
 bi macerabitur . Vitandus statim a cibo somnus . Coriandrum sæpe man-  
 det . Panis erit syncomistus : sin macrescere videbitur , utetur pane pisto  
 & subacto in lacte . Vitanda ciborum varietas . Juppiter frigidus fugien-  
 dus . Hieme aere calido moderatoque continebitur .

## A N N O T A T I O N E S.

1 Nam Aristoteles vult puellas ante statum menstruorum tempus nec  
 varicosas , nec hamorrhagicas , nec menstruas esse debere .

2 Initio destillationum quidem corpus plenum est , sed post emaciatur ac  
 extenuatur , ut ex lib. 1. de morbis apparet .



## CONSILIUM LXXXIX.

*In quo queritur, Cur exigua puris excretionē animus facile deficit?*

QUUM Medici vulgo in missione sanguinis liberales esse soleant, mirum sit cur in educendo pure tam restringantur. Tamen quæ materies in pus abit, sanguis actu erat, sive is intra naturæ limites contineretur, sive ab iisdem recederet. At experientia probavit exiguo pure aut vi excreto, aut sua sponte mananti, maiorem virium jacturam contingere, quam si sanguis aut plenius detrahatur, aut sponte fundatur. Ideo vetabat Hippocrates ne purulentis conferta fiat evacuatio: & tamen luculentæ venæ sectiones ab eodem commendantur; immo procedit sæpe donec sectione animus linquat, deficiatque. Quæ duo inter se pugnant. Cur si dum tumor aliquis partem occupat cum tensione & rubore, sectione ad leipothymiam celebrata, tumorem prohibemus incremento, immo non modo materiam antecedentem avertimus, sed de conjuncta adimimus (quod livor sanguinis docet), quæ proxima puris materia est? immo fere pus est, cur quum sanguis jam actu & reapse pus erit, idem non factitabitur? Sed contraeductio paullatim fit metu exsolutionis virium & spirituum. Testamur nos dolorem lateris quatrduanum & vehementem, quum frustra ternam sectionem celebravissemus, & sanguinem laudabilem detraxissemus, secta quarto vena radicitus sustulisse, quum tria insignia vascula sanguine purulento plena detracta essent. Itaque allevatio ægri tam subita, &eductæ materiæ qualitas, conjunctam ipsam materiam decisam detractamque confirmavit, & tamen conferta est evacuatio, cur non animus deficiebat? Cur itaque conferta sanguinis excretio non æque exsolvat ac puris ipsiuseductio? Nam in febribus putridis quum sanguis subviridis, aut purulentus adimitur, idque insigniter, minus id naturæ molestum est quam si in iisdem febribus laudabilis sanguis minore copia detraheretur. Declarat ægri alacritas quum saniosus sanguiseductus est: sed num iste saniosus sanguis puri analogos est? Ideo Princeps aliter quam quidam Medici, quorum opinionem explōit Galenus, qui post quartum diem nefas esse ducerent ferire venam, in periodicis febribus tertium paroxysmum expectari voluit, ut non prius celebretur sectio quam a se mutatus sanguis fuerit: ac si putaret naturam alacriorem fore putri excreta materia, quam sanguine laudabili. Dysenteriae & hæmorrhagiæ sæpe videntur, αὐτοματοι. In quibus αἱμορρῆς sanguis educitur: mulieres alias vomunt, alias insignes satis per uterum effluxiones patiuntur, exiguo virium dispendio, & tantula puris excretio, tantæ virium exsolutionis causa existit? Galenus explicat quidem cur a ruptione interni phymatis puris effusio leipothymiam accersat, dicitque id fieri ob spiritus vitalis dissipationem. 1. An non etiā missio sanguinis spiritus effluunt? Cur spiritus sanguinis ac puris non æque sunt comites? Immo pus contra naturam quid est, &

Aph. 27.

lib. 6.

Aph. 23.

lib. 1. &amp;

4. sanit.

tuend.

Com. in

histor. de

Anaxio-

ne.

Com. in

apbor. 8.

lib. 7.



sin exclusionem indicat, ut sanguis sui conservationem. Quod si & pure & sanguine effluente spiritus vitales inaniuntur, in phlebotomia quum sanguinis largior sit excretio, major quoque spirituum erit evacuatio. At credo, arteriotomia sine manifesta ista exsolutione fit, & tamen confertim spiritus vitales effluunt ac exsiliunt.

Sunt qui ad dolorem qui in aperienda vomica infligitur, recurrunt, ut idem fiat quod in sectione venæ malleoli; quæ quoniam dolorifica est, ideo deliquium affert potius quam sectio in aliavis parte. Sic quia aperta vomica cauterio aut ferro dolor fit, pus membranas pungit dum effluit, spiritus evacuantur, nervuli necessario feriuntur, tumor aderat dolorificus (at nil æque vires dejecit ac dolor) eoque magis quo partibus nervosis est propinquior, aut emunctoriis partium: immo in minimis furunculis tantus sæpe dolor adest, quum exigua moles sit materiæ, ut animus sæpe linquat (nisi forte ad *πῶς κακὸν δεινὸν* id referatur) mirumne sit si ratione doloris qui ob tumorem & inflammationem præcedit, & ejus qui aut cauterio, aut ferro infligitur, & ratione cætionis nervulorum arteriolarumque, & acrimoniæ rei effluentis, & vaporis qui a mota putri materia excitari solet, tantopere vires exsolvantur? Immo, quod mirum, si portunculula aliqua sanguinis cum pure effluat, ut pus cruentum sit, major est virium ruina! Unde hoc est si dolor hanc leipothymiam affert ob discissionem corpusculorum illorum, in sectione venæ secantur quoque vasa & cutis: item diu sanguis effluit donec tria compleantur vasa, non tam diu pus fluit. Cur cursus sanguinis diuturnior non afferat eam leipothymiam quam brevissimo tempore puris effusio? Dum abscinditur sphacelatum crus, arteriæ magnæ & nervi scinduntur nulla fere animi defectione, in tormentis festuca contunduntur rumpunturque artus, & tamen nullus animo deficitur? Minima arteriolarum sectio tantæ exsolutionis auctor erit? Nisi forte dicas in cruris ablatione, & artuum confractione violentam esse spirituum agitationem, ut natura omnes tum vires & opes explicet majori vi non cessura. At quum pus educitur, languet natura, nec sese ita erigit.

Alii existimant ideo puris educationem majorem virium jacturam intendere, quod natura in partem abscessu occupatam multum sanguinis & spiritus miserit tamquam suppetias suas. Quorum omnium evacuatio contingit quum pus effluit; hinc animi defectio. Natura quidem opem subsidiariam latura in affectam partem ea relegavit. At non est probabile ob evacuationem sanguinis & spiritus in subsidium missorum tantam perturbationem & defectionem evenire. Multo enim major utriusque sit evacuatio in phlebotomia, quam in effluxione puris: immo spiritus in parte ipsa contenti, & sanguis jam corrupti sunt, & a sua temperie desciverunt: dum per sectionem sanguis mittitur, spiritus limpidi & puri effluunt. At credibilis est naturam amantem esse rerum gratarum quam ingratarum, ut crises liberales testantur: quamquam concedimus in tetro etiam pure spiritus laudabiles contineri; sed quæ abscessit & deposita est materia naturæ molesta est, quum in pus versa nonnisi sui exclusionem insinuat: secreta.



creta jam est, & ideo exclusioni parata, particularem quamdam in membro affecto plethoram facit. Ideo exclusio videtur a natura fieri. At cedo, quanta solet esse naturæ alacritas quum id excluditur quo premebatur?

Galenus causam videtur aliqua ex parte explicasse, cur conferta aquæ aut puris exclusio non sit molienda; non quin tota excludi debeat, sed non ἀδρόως. Et quum illud ἀδρόως significet contrarium τῷ καὶ βραχύ, & τῷ καὶ μικρόν, idest, & ad quantitatem, & ad tempus referatur: ita hoc loco sumitur, ut fiat exclusio totius puris, non in uno tempore, sed in pluribus, ut pluribus vicibus una conferta copiosaque exclusio compensetur. Quod autem nunc aperta vomica excernitur, confertim quodammodo fieri debet, ne si pauca puris excretio longo tempore fiat, ista diuturnitate debilitet: sed uno tempore omnis evacuatio non est molienda. Galen. verba sunt: *Quum quis tumor suppurat, & is magnus, æque est periculosa in aliis partibus confertim facta evacuatio, ac aquæ in ventre, & in thorace puris, quum illico animus linquat, vires labascant, ut ei imbecillitati viriumque ruina remedium queratur. In iis itaque ob magnam corporum divisionem, dissidium ac distensionem oscilla corporum quorundam arteriosorum adaperiuntur, quæ prius tamquam ἐπίπωμα quoddam, idest, operculum pus ipsum continebant, quo confertim evacuato, multorum una spirituum effluxio contingit, & consecutio ( utitur enim verbis σωέπειρα καὶ ἐκκρίνειν ) hincque laborantibus creatur periculum. Hic meminit tumoris magni, qui necessario diremptionem, dissidium, distensionemque magnam affert; unde dolores, ut & distentio, & tumoris magnitudo ad inducendam istam, de qua sermo est, imbecillitatem, videantur concurrere. Tamen si diligenter locus legatur, eam virium jacturam uni spirituum evacuationi attribuit: Evacuationem ipsam infert arteriarum sectio, quæ pus ipsum continebant tamquam operculum quoddam. At jam docuimus non sufficere ad leipothymiam inducendam istam spirituum exclusionem, quum & in arteriotomia arteriarum corpus secetur ( dicitur enim ἀπὸ τῆς τοῦ ἀρτηριῶν σώματος τέμναι ) & in phlebotomia spirituum fiet evacuatio. Alio in loco autem puris exclusionem ἐκλύσιν induci ob exclusionem spiritus vitalis docet. Hic generalius τῆς πνεύματος exhaustum recenset, non addit τῆς ζωτικῆς πνέματος: & hoc nescit theorema: *Commune est omnibus ruptionibus ut exsolutio virium defectioque animi consequatur, idque ob spiritus vitalis effluxum.* At ante quæsitum est, cur eruptione puris sequatur potius vitalis spiritus inanitio, quam sanguinis detractio-  
ne? Nam non inepte quidam interpretantur eam leipothymiam ad quam usque ducit aliquando Hippocrates in magnis doloribus & inflammationibus, de exclusionem spiritus animalis, eaque non inclusiva, sed exclusiva, ut designat fluere quum ea adventat, non quum actu jam est: quoniam vacuatio spiritus vitalis plus periculi intentet, quam spiritus animalis. Propterea τῆς συγκοπῆς nomen usurpant pro præcipiti omnium virium ruina, evacuato aut dissipato spiritu vitali, qui spirituum animalium est fons & scaturigo; Nomen autem Leipothymia & λεπθυμίας ad defectionem animi referunt ob spiritus animales exhaustos; ut τῆς ἐκλύσεως nomen ad utrumque referatur: Quum tamen ait commune esse omnium ruptionum ut animi defectio contingat,*

*Comm. in  
aphor. 8.  
lib. 7.*



gat, non est usus verbo syncopes, sed leipothymia: vim autem ejus adauget nomine τῆς ἐκλύσεως, quam fere vocem ἀντὶ τῆς ἐκλύσεως, aut τῆς ἀδυναμίας usurpant. Et quum leipothymia ipsa potest virium ἀνταρκία esse, quum syncope non potest esse.

Nos autem quum parum probabiles tantæ exsolutionis causas ob paucitatem effluentis puris comperiamus, alias excogitare, & brevi exponere in animo est. Paullo ante cumulum rationum adduximus ob quas ea dissolutio eveniat: quoniam (pace Galeni dicam) non est satis dicere id fieri ob spirituum effluxum. Dolor qui a ferro aut cauterio infligitur, immo & doloris opinio qua inhorrescunt quum abscessus ruptionem subolfaciunt, punctio membranarum dum pus fluit, evacuatio spirituum, sectio nervulorum, arteriolarumque & cutis, dolor qui primus aderat ob puris ebullitionem & putredinem, necnon partium tum distentionem, tum diremtum, tetra anathymiasis ab erumpente elata pure, denique hæ omnes causæ in unum coeuntes hanc forte exsolutionem afferunt, non autem una atque altera causa, alioqui sanguinis detractio majorem virium prosterndarum occasionem afferret. At nos probabiles alias causas comminiscimur. Pus etsi exclusionem sui indicat, naturæ tamen opus est, immo quid elaboratius quam sanguis: & quum in causa antecedente sanguis sit laudabilis, ex eventu aliena sit natura, quoniam tamquam onus depositum est in partem, aut in ea ipsa parte ob imbecillitatem collectus, aut vi aliqua attractus, & quantum potest nititur natura cum partibus solidis assimilare. Porro natura est vis ipsa partium solidarum. Et si vis infertur partibus solidis, non sine querela id fit. Aequalitas, albor, lævitas declarat naturam eo processisse, ut si materies pateretur, id totum exactum excultumque tamquam cambium, ultima assimilatione in naturam partis converteretur. 3 Sic & ratione qualitatis, quatenus refert ideam spermaticarum partium, & ratione spiritus tum in materia coerciti, tum ad eam perenniter affluentis, non potest artificio Medici erumpere, nisi natura reclamante: tum quia spiritus exsiliunt, tum quod pepasimum receperat, ac idem ei pæne sit ac si propria foret πέψις. Eodem enim in pepsi & pepasmo naturæ consilium dirigitur. Hippocrates scribit πῶον φλεβός, καὶ ἀρτηρίας τροφή. Pus: vena & arteria est alimentum: vel arteria & vena proprie nutriuntur materia alba & sanguine dealbato, vel quum natura mora conficit sanguinem in pus tamquam in familiarem materiam agit: ac si ea in alimentum esset cessura. Hinc videmus si parum sanguinis cum pure effluit, exsolutionem majorem sequi, quod ex eo sanguine tamquam ultimo alimento in sinu jam partis deposito natura carere nequeat, & non, nisi cum querela, effluere sinat. Quid si puri cum spermate tantam analogiam esse dicamus, ut quemadmodum tantula feminis excretio ob materiei ipsius naturam, quod jam fere pars solida sit, & res naturæ benigna, & spirituum copiam, corpus brevi prosterнат, ita & puris eruptio? In utroque naturæ caractere elucet: ideo Hippocrates semen partem hominis potentissimam convincit, quod eo tantulo excreto homo imbecillimus relinquatur. 3 Pus & semen partes potentes dici possunt, quod in utrumque natura vires excreverit, tamquam in rem proxime in alimentum cessuram,

non



non partium carnosarum, sed spermaticarum. At sanguis etsi naturæ gratus, non adeo tamen gratus ac id quod jam characterem, ideam & naturam partis solidæ ( in qua vis omnis hæret ) suscepit. Accedit quod multus adeo in corpore sanguis sit, ut detractio incommodum ( nisi quis adeo imbecillus sit ut minimum non ferat in corpore tumultum ) non facile sentiatur. Addam ad superiores rationes unam, in pure quid malignum continetur, ut eo agitato per sectionem facile per arteriolas ad cor vis deferatur. Hinc in malignis tumoribus, præsertim si nervis insignibus propinqui sint, vulgo eruptione pauci puris tanta exsolutio sequatur, ut in propinquo mors esse videatur. Et quod sanguis tumorem faciens extra vasa sit, minus molesta esse deberet detractio quam si in vasis contineretur, & a natura regeretur. At quia e vasis effluxit, facilius corrumpitur, tetrumque vaporem spirat, unde nisi tempore excludatur, quum confectum pus est, brevi livescit & graveolet, & inficit partem. Quod *Apho. 20 lib. 6.* ab Hippocrate dictum, *Si sanguis in ventrem effunditur, suppurat.* Galenus ait melius esse si dicamus corrumpi. Hinc patet egressum sanguinis e conceptaculis corruptionis causam esse. Quæ corruptio inficiens spiritus dum movetur ( quia omnis materia putris quiescens minus mala esse solet quam si moveatur ) & excluditur, mirum-ne sit si λεπιδουρία, aut ἐκλυσis consequatur.

## A N N O T A T I O N E S.

1. Immo in praxi observamus quum sanguis impurus educitur luculente, id fieri & exiguo virium dispendio, dummodo corpus sit repurgatum; quum sanguis purus educitur, statim exsolutio sequitur: ac impuro sanguini cum pure analogia est.

2. Et sudor, & seminis excretio licet exigua, & parvis, vires convellit.

3. Videmus chylosam evacuationem per album plus asferre exsolutionis virium, quam multam aliam evacuationem.

4. Qui fit ut copiosa hamorrhagia, aut per album exclusio non tam dejiciat vires quam sudor? Quoniam cum sudore spiritus evacuantur multi, & rori ipsi, idest, ultimo partium alimento vis infertur. Quomodo & quum pus tamquam partis ultimum alimentum, demitur, vis quoque parti inferri videtur.

5. Tamen aliquis objiciat de lacte, quod quum sit ultimum alimentum, & album, tamen magna satis copia detrahatur innocue. Alii recurrunt ad opinionem Aristotelis, qui putat mutationem tam subitam incidere quum pus, aut simile quid effluit, quod in locum evacuati puris calidi succedat aer frigidus, minime mutatus, qui ferit membranas.



## CONSILIUM XC.

*De Parotidibus.*

**J**ANO Memmio dolores aurium tertio die excitantur. Quæritur an isti dolores & hæmorrhagiæ in tertium & quintum diem incidentes criticae? Cur non criticae essent? & tamen utrumque tertio & quinto die Medicis suspectum fuit. Si sudores tertio & quinto incipientes boni, cur non  
 4. *Aphor.* & parotides, & alia id genus? Galenus in commentar. ait non sudores tantum in eos dies incidentes, bonos, sed & dejectiones, & abscessus, si modo effatu digni. Scio quidem Hippocratem nolle eos dies esse decretorios; tamen τὰ κρίσιμα in eos dies possunt incidere: Ac si dicat, Judicatoria quæ non judicant suspecta sunt, sed hoc bonum si saltem judicatoria in dies indices & intercalares. Itaque eo modo tertius & quintus judicantes erunt, quatenus signa, & casus qui diebus illis apparent non sunt mala, si dies illi cum aliis malis diebus comparentur. Nec abs re ait, si sudores tertio incipiant, ut per verbum, *incipere*, significetur aggressio naturæ quæ ob tarditatem non potest adhuc indicare: cur non etiam quartus dies judicatoria tantum signa habere dicatur, quum nebula quarto apparens sit indicatoria, non judicans? Sed alia est ratio, nam index dicitur, & nebula indicium dat futuræ criseos. Sed quum tertio aut quarto die sudores incipiunt, ut concedam eos non judicare, quia tamen jam potentis naturæ aggressionem significant, ideo in bonis sunt. Et oportet illud quod fit naturam validam ostendere, ut si rivulose iis diebus fluat sanguis, licet non indicet, tamen bonum est id fieri facta collatione cum alio naturæ conatu languidiusculo. Nec abs re addit Galenus, *dejectiones* (quod idem de ceteris excretionibus debet intelligi) *tertio & quarto die apparentes, & incipientes* (quod posterius verbum debet notari) *bono esse si modo sint ἀξιόλογοι*. Sed omnino parotides non videntur criticae, sed potius judicatoriæ, quocumque modo & die apparuerint, quoniam sunt abscessus morbo impares, nec febrem solvunt; & quia dolorificæ sunt, & propter vicinitatem cerebri: tum maxime quia omnis translatio a partibus inferis ad superas suspecta esse debet. Quæ omnia plenius Galenus  
 Comm. in  
 part. 67.  
 sect. 3. lib.  
 Prorrhæ.

comm. in Prorrhæ.

## CONSILIUM XCI.

*Ad Quartanam leipothymia implexam.*

**S**UPERIORIBUS paginis duarum mulierum quartana laborantium historia commemorata est, ac præsertim ejus quæ Dorſæi Præsidis uxorem occupabat. Nunc vero æquum est adjicere ea quæ evenerint, & de quibus coacti Medici deliberarint. Quum difficultas esset summa in investiganda causa cujusdam leipothymia quæ illam terrefaciebat, consilium initum est ea de re satis celebre. Tum demum ea deliquia quæ comites  
 ha-



habent sudores frigidos, & partium extimarum, sed præsertim crurum & tibiæ rigores, quum accessiones febris quartanæ desinere visæ sunt, aut quum parum commemorabiles forent, complicatas diebus intercalaribus alias accessiones, ordinatis deteriores haberent: ut aut semitertianæ febris suspicio esset, aut lentæ, aut complicatarum accessionum, aut novæ materiæ in novo foco excitatæ. Et quod mirum est, tum demum semen morbi quod sepultum visum est, excitatur ac reviviscit quum menses erumpunt: immo observavit omnia in pejus ruere, tum quum fluxerunt menses, etsi copiose satis profluxerint. Nos hujus rei duas tresve causas affingere volumus: nam incertarum rerum non ita firma certaue ratio reddi potest: Prima est illa perturbatio quæ evenit erumpentibus mensibus, ut quemadmodum alias menstruas mulieres ante effluxum sanguinis varia attingunt symptomata (unde malæ septimanæ vulgo dicuntur) si hanc illa symptomata sequantur. 1. Ante eruptionem enim nihil pæne affligitur. Secunda est, quia quum ipsa satis superque ex observatione suæ peculiaris naturæ phlebotomiam non ferat quantulacumque sit, mirum non sit si per uterum excretionem floriduli sanguinis non ferat, tametsi excretio illa sola sit naturalis, & mirifice alias mulieres juvet; 2. quia paucò abundat sanguine, siccum habet aridumque & calens impense hepar, ut ejus minimam jacturam non patiatur. Tertia est *πᾶς γυναικῶς*, quo maxime tenetur post eruptionem mensium; quasi vasa uteri ita conniveant & concidant, ut illa fœda excretio non fiat nisi vi naturæ vasa ad fluxum mensium referantur: ut materia fluxus illius fœli quæ veluti prostat & proforibus est, qua data porta larga copia excernatur. Ac revera multo cumulatius & magis affatim excernitur fluxus menstruus, quam antequam fluxerint. Accedit quod omnis commotio materiei fœdæ & lutosæ inquinet & inficiat pravis halitibus spiracula corporis & partes maxime momentaneas afficiat, quasi commota camarina, ut ajunt. Sic quia omnes quasi partes commoventur, colluvies restagnans resesque excitatur, quæ in corpore præsertim languidiusculo magnos excitat tumultus. Si mineræ virtutum starent, non ita percelleretur. At minimis momentis corpora natura imbecilla, & infirmis partibus prædita, & maxime morbis afflictiora debiliora reddita, valde turbantur ac eliduntur. Nos autem satis observavimus partes internas imbecillas esse: siquando autem mutatio commotioque accadat, id fit maxime quum uteri vasa referantur, aut uterus ipse movetur. Nam si qua pars alia toti corpori consentit, & ex Hippocrate totum corpus *συνκινεῖται*, commovetur, ut unius motum altera pars facile excipiat; deliquia ista non ita nos terrebant quod syncoptica non viderentur; nam nec magna, nec frequentia, nec sine causa erant manifestæ: quamquam successu temporis evenire posset ut ad eam naturam accederent. Mulier ista fere hypochondriaca est, obstructionibus mirum in modum patet; quod declaraverunt fœdi colores quibus illa per annos duodecim laboravit. Si aut exquisitus sensus ventriculi, aut nativa infirmitas deliquii causa foret, cur non aliis temporibus æque deficeret anima? Narravit quidem percepisse se a sinistro hypochondrio surgentem anathy-

*Lib. de  
locis in  
hom.*



miasin quæ cor petivisset. Duo erant valde notanda, quid causæ esset cur in accessionibus ordinatis non deficeret animus, sed in extraordinariis? ut ita dicam. Posterius, si ita obstructas habet mesenterii venas (quod solemnia alvi profluvia declarant) quid causæ sit ut tantum mejat, & crassas admodum urinas habeat? Nam & exiguus mictus esse deberet, & urinæ tenues ac veluti percolatæ esse deberent. De urinis ita dicendum. Multæ urinæ fiunt aut copia potus, aut defluxu catarrhoso, aut per expressionem aliquam, aut per attractionem, ut in diabete fit. In hac perennis est defluxio a capite, nitrosi sunt humores, hepar squalens & calens, ut idem hepatis contingat, quod renibus in diabete: immo perpetuo sentit quoddam incendium in regione hepatis. Et nisi aut defluxio perennis esset, aut metu hydropis ipsa sibi a potu temperaret, sitim haberet inextinguibilem; immo non potest fallere sitim, nec aliorum more qui pitissatione contenti sunt, eam explet nisi plenissimo ~~ma~~u. Probabilem ~~p~~ istius muliebris causam asseribamus ex Hippocrate, quod ex cerebro esset. *Si mordet, a ventre est*, ait Hippocrates; *si non mordet, a capite*.

*Lib. de  
natura  
muliebri.*

Quamquam lib. de locis in homine, id quod ab interno capite manat, mordere asseverat. Summa est inappetentia, quia cum summa cura excogitatur cibus, & quum offertur statim abominabilis est, summæ inappetentiæ est argumentum, ait Galenus in historia de Euryanactidis filia.

*Hist. 6.  
part. sect.  
2. lib. 6.  
Epidem.*

Maxime vero omnium tantæ mutationis causam ad solstitium hiernum reduximus. Nam quemadmodum circa æquinoctium autumnale ea gravissime habuit, ita instante hierno solstitio non mirum sit si tanta mutatio eveniat.

Verum quod maxime in ea mirandum fuit, est *ἐκλυσις* illa in qua omnium quidem meminit, ratiocinatur probe, cibum capit, nec est *ἀπόσιτος*, & tamen ne minimum fere corpus movere potest, immo ne manum quidem ad os adducere, adeo impotens fit. Et id maxime evenit quum febris suscitatur: nam eodem pene momento facies tota erubescit, calor in suris tibiæ acerrimus percipitur, & manet tamquam *ἐκλειυμένον*. Credibile est per cæcos meatus tetrum vaporem sese insinuare, qui si aut recta in cor ferretur, aut in principium nervorum, terrifica magis symptomata excitaret. Vix autem talis morbus, & quod id ingenium habeat, umquam a Medicis est observatum. Nescitur quo id referendum sit. Et, quod mirandum magis, nulla fere in pulsu mutatio percipitur etiam manentibus istis deliquiis. Ad ea symptomata corrigenda hæc sunt ordinata.

Frictiones crurum & tibiæ: Applicatio cucurbitularum internis femoribus: Item majora frustula panis tosti iisdem femoribus applicata. Noduli ex rosis & caryophyllis qui macerantur in aceto ut naribus admoveantur. Item frustula panis tosti in aceto macerata, & quæ admoveantur naribus. Grana granatorum destillata frequentia. Et hæc tabellæ.

*℞ pulveris electuar. diamb. & latit. Gal. an. ℥ j. diarrhodon abb. 3 s. rasuræ ebo. cornu cervi, margar. elect. an. ℥ j. rasuræ uncor. gr. x. cum sacch. soluto in aq. ros. fiant tabellæ.*

Item *℞ confect. Alkermes 7 j. theriac. & mithridat. an. 3 ij. conser. buglos.*



gloſ. & meliſſ. an. ℥ j. pulv. diamarg. frig. ℥ ij. Fiat pulvis admovenda cordi ſuper membranulam.

℥ ambre griſ. gr. ij. raſure unicorn. gr. vj. rhabarb. gr. x. Fiant pilule cum vino albo.

℥ aquar. meliſſ. card. bugloſ. & morſus an. ℥ ij. colentur per manicam hippocr. cum elect. diatrag. frig. ſant. roſ. & pauco cinnam. Capiat cum parte deſtill. reſtaurativi ſequentis.

℥ conſer. bugloſ. nenuphar. viol. meliſ. flor. cichorii & unguis an. ℥. iij. jujub. ſebeſt. an. xx. num. pinearum piſtaciarum an. ℥ ij. paſſul. mundat. quar. j. glycyrr. contuſa ℥ ij. carnem candarum cancrorum fluviatil. parat. & macerat. in lacte lib. ſ. carnem duorum aut trium turturum, carnem unius capi juvenis & duarum perdicum, ſem. bombacis, citrii, melonum, an. ℥ ſ. decoct. duorum pullorum cum hordeo, ſcariol. acetos. bugloſ. & borag. alteratorum, lib. vj. Miſceantur omnia diligenter ſecundum artem, Diſtillantur per cineres in alambico vitreo.

℥ præd. deſtillati lib. ſ. paſſetur per manicam hippocratis cum ſacch. cand. capiat tempore deliquii cum tertia parte aquarum ſtillatitiarum.

## ANNOTATIONES.

1. Nam Hippocrates lib. 1. de morbis mulier. annotat: bilioſis mulieribus ob menſtruam purgationem, puſillanimitatem, & multa alia incommoda ſequi.

2. Si Galenus cap. 13. lib. de miſſione ſanguinis, dum loquitur de viris, ait tum liberalius vacuandum quum homines ſunt mediocriter graciles, & amplas venas habent, & minime candidi ſunt, nec tenera carne præditi. At hæc mulier tenera carne prædita eſt, gracilis, venas anguſtas habet, &c.

3. Illam valde exercuit immodicus ſanguinis fluor. Mirum non fuit ſi pro aſſumpti cibi ratione non roboretur, ac præſertim pedes exſanguies pene ſint. Hippocrates lib. 2. de morbis mulier. ſcribit unum valde notandum: Sanguis rubicundus multus fluit ex febris, & torpor corporis, & crurum perfrigeratio advenit, dolor claviculæ. Non abs re dixit ex febris; & hoc commentario dignum eſt. Nam contra, aliis mulieribus affectis febre in totum menſes deſinunt: cur ergo aliis febres excitant?

4. Et ei quum immoderatus fluere menſes, viſum eſt optimum ut pararetur ſyrupus adſtringens quo medio menſium curſu uteretur ad reprimendum illum, & ad ſuccum & vim recuperandam in tibiis litus ex oleo violato comparatus eſt prius lauto decocto chamæm. & roſar. Fetus ex decocto omazorum addito vino albo.

## CONSILIUM XCII.

### De hepatis phlogoſi.

**D**O. Lyſſæi ſervus febre acuta corripitur. Dolor ad hypochondrium dextrum. Satis colligebamus non eſſe pleuritim. Tamen ſumma erat difficultas



*Aph. 40. lib. 6.* ficultas ducendæ animæ , & quæ in horas increfceret . Spes erat eam fedatum iri uno medicamento . Contra aucta eft . Metus fuffocationis . Re- vera phlogofis erat pituitofa circum eas partes , & nifi terna fectione venæ provifum fuiffet , metus erat abfceffus . Hippocrates fcripfit : *Quibus dolor ad hypochondrium fine inflammatione , his febris fupervenienſ , folutio .* Si morfus eft , & dolor , hoc inflammationem , aut quid fimile fignificat . Si talis difpofitio non adfuerit , & morfus abfuerit , dolor tum fit aut propter obftructionem , aut flatum , aut inæqualem aliquam intemperiem : quæ omnia calor febrilis tollit . Quamquam de obftructione dubitari poteft . 2 Nam fi magna februm putridarum pars ab obftructione eft , obftructio ifta febrem afferret , nedum febris eam tolleret . Sed quum febris in ifto ægro faviret magis , nec de flatu , nec de fola obftructione verēbamur , fed de inflammatione potius , aut fimili aliqua affectione . Et vero ex Galeno ita ratiocinabamur : Carnofa parte hepatis inflammata gravis fit dolor : tunica circumducta , vel vafis inflammatis , acutus . Sed biliofus humor & acutus dolorem auget : item fpiritus flatuofus exitum non habens : remittit autem pituitofus . Si mediocris dolor eft , & non pungit , ut qui in membrana fuccingente eft , nec ad claviculam aut ilia per-tingit : contingit ipfum dolorem fieri , carnofis coftarum partibus affectis : ideo non eft periculofum , nec magno eget auxilio . Ceterum quum hepate inflammato dolor ad jugulum pervenit , potius fequitur venæ cavæ aut arteriæ diftentionem quam membranæ . Nam proprius dolor venæ & arteriæ eft tamquam extenſæ in longum chordæ . Nil prius fuit quam & ad antevertendam iftam inflammationem quam futuram fufpicabamur , & ad febrim jugulandam qua forte confumtus eſſet , ter venam ferire , & largiter ſanguinem detrahare .

*Com. in  
aphor. 5.  
lib. 6.*

## A N N O T A T I O N E S.

1. In plerisque mulieribus, præſertim quibus hepar præcalidum , & quæ in uſu vini eſſent liberaliores , talem affectum animadvertimus , ut in ea quæ ad roſam rubram habitat . Quum cauſa quæ affectum parit , præſertim calidum , extra diaphragma eſt , adeſt quidem ſpirandi difficultas , ſed tuſſis non adeſt : niſi proxime attingat diaphragma , ut in inflammatione gibbarum hepatis contingit ; in qua inanis eſt tuſſis , non proprie dicta tuſſis , quod id contingat ob tranſudationem quamdam .

2. In febribus circa viſcera dolores mali , *aphor. 66. lib. 4.* Galenus iſtos dolores non vult eſſe a forti obſtructione , ab inflammatione , ab eryſipelate , aut abſceſſu , alioqui quæ adeſſet febris ea tantum ſymptomatica foret . *Comment. in aphor. illum , & in aphor. 73. lib. 4.*



## CONSILIUM XCIII.

*De præcautione febris lentæ & destillationis in pulmones.*

**H**UGONI scribæ in metu febris lentæ & destillationis in pulmones, quum hepar in vitio videretur, majoraque postea minarentur, hæc instituuntur.

℥ radicum cichor. acetos. gram. polyp. glyc. asparagi an. ℥ j. endivia, buglos. borag. fumar. agrimon. scariola, scolopend. ceterach, cortic. interioris ramorum viridium tamaricis an. m. j. sem. melon. citrii. cardui benedicti & carth. an. ℥ iij. sem. anisi, papaver. alb. an. ℥ j. passul. integr. prunorum dulc. an. p. 4. corticum pomor. redolentium ℥ ij. Fiat decoct. ad lib. ij. ad consumptionem medietatis.

℥ præd. decoctionis lib. s. succi pomor. dulc. fragran. quart. j. sacch. & syrup. viol. an. ℥ j. s. fiat julep. clarum aromatiz. santal. citrino, & cortice citrii sicco. Capiat alternis matutinis tribus horis ante cibum.

℥ ejusdem decoct. lib. s. succi pomorum dulc. ℥ iij. vini albi debilis ℥ ij. folior. senæ ℥ s. agarici trochis. ℥ ij. rhabarb. ℥ iij. cinnam. santal. citrini & ligni aloes veri an. ℥ j. Infunde per noctem. fiat express. dissol. sacch. ℥ ij. syrup. viol. & de cichor. simpl. an. ℥ j. Fiat apozema, clarific. & aromatiz. utatur sigillatim post singulas apozematis doses.

℥ pulv. electuarii diatrag. frig. diatrium santal. diamarg. frig. an. ℥ s. diarrhod. abb. ℥ j. arom. ros. Gabr. ℥ s. Fiat electuar. per tabell. pond. ℥ ij. cum sacchar. soluto in aqu. ros. endivia, in quibus prius ℥ iij. glycyrrad. infusa fuerint. Sumat unam mane ante suum jusculum.

Bis mense supradicto syrupo purgetur, vel syrupo de cichor. compos. cum rhabarb.

Alius pulvis.

℥ pulv. elect. diatrag. frig. & diaireos an. ℥ j. lignal. ℥ s. boli arm. ℥ s. rhabarb. gr. xij. sacchari penid. ℥ s. margar. elect. gr. vj. unicorn. gr. iij. cum sacch. soluto aqu. buglos. macerat. ros. siccar. & infusion. gr. vj. cinnam. fiant tabella.

Juvabit aliquando tempore pluvioso aloë ad ℥ ij. cum pane sacerdotali; ita ut toto die utatur jusculo refrigerante, & elixis, & capiat ℥ vj. aquæ saccharata, & fiet in ingressu lecti post cœnam sobriam.

Capiat lac asininum ex saccharo prius soluto in aqua ex cochleari ut minus hæreat.

Utatur vino diluto. Vinum autem diluetur aqua in qua pomi a curtipendulo frusta aliquot maduerint.

℥ polypod. ℥ ij. rad. cichor. glycyrr. an. ℥ j. buglos. m. j. meliss. scariol. an. m. j. ceterach. m. ij. sem. citon. melon. concisor. an. ℥ iij. flor. violar. tapsi barb. an. p. ij. Coqu. in lib. j. s. succi pomorum dissol. sacchar. lib. j. utatur quotidie mane & sero, si volet.



## CONSILIUM XCIV.

## De Arthritide.

Com. in  
aphor. 16.  
lib. 3.

Lib. 2.  
Epid. &  
part. 13.  
sect. 4. 1.  
6. Epid.

Cap. 78.  
lib. 3.

**M**ORBORUM quidam cogniti sunt, incogniti alii. Ad incognitos multa remedia adhibentur analogismo quodam & epilogismo quæsitâ, periculi faciundi causa: & ita infra modum confidetur, ut si non aliquod commemorabile auxilium afferimus, saltem non obsumus. Et interea si secundum rationem omnia fiant, nec tamen pro agentium votores procedant, perseverandum in remediis quoad aut certum magis sit de morbo ac constituatur, aut nova occasio, nonnumquam consilium quærat. Cognitio morbi plurimum ad remedii inventionem valet, immo & cognitio morbi & curatio retro meant ac reciprocantur, ut quodam in loco asseverat Hippocrates. Non tamen si morbus cognitus, omnino curationem admittit. In eo genere sunt epilepsia, febris quartana, apoplexia, cephalalgia, calculus, quorum sæpe causa & idea sunt in propatulo, & tamen pro derelictis habentur. In horum censu habenda arthritidis (quæ tum dicitur quum aut omnes partes occupantur, quumque erraticè modo pars una, modo altera obsidetur) Ita enim doctè admodum Galenus distinguit arthritin ab articulorum dolore generaliter dicto. Nam illo in aphorismo Hippocrates ait arthritides in squaloribus oriri; Galenus functus legitimo interpretis officio negat arthritin vere dictam in siccis temporibus oriri posse: Ac si dicat necessario humorem adesse debere: at qui adesse potest in siccitatibus (quas αὖρμονος vocat;) Itaque dolores quidem articulorum excitari possunt tali in tempore, at non arthritidis. Et citat Hippocratem in Epidem. *In Aeno legumina comedentibus infirmitas crurum, & qui orobis vescebantur genuum dolores habebant*: non arthriticos vocat, sed genua dolentes. Sic aliud est arthritidis, aliud articulorum dolor: & tandem concludit arthritin vocari non quum unius articuli dolor est, sed quum multorum. Quamquam mancus etiam est eo loco Galenus. Et quum pars una sive articulus laborat, tum à parte nomen sortitur morbus, diciturque aut chiragra, si manus, aut podagra, si pedes occupentur. Ac de arthritidis causa, periodis, materia, scaturigine, morbi essentia, hyparxi, motu, cur si sequantur inflammationes convulsiones non oriuntur, an unus sit humor, an multiplex, immo & de remediis ita inter Medicos pugnatur, ut nil dum hæcenus statutum sit. Unde Paullus: *Huius affectus varia causa a me explicantur, interdum vero caca ipsius origo est*. Et mirum esse possit cur qui ischiade laborant fere de aliis articulis non conquerantur, quum tamen morbus coxarius ad arthritin pertineat: at si vel gonagra vel podagra quempiam molester, non prius hunc dolorem ad arthritin referimus, quam viderimus aliam partem occupari ac dolere; immo, ut ante exposuimus, arthritidis essentia in hoc consistit, ut vagus, incertus, & periodicus dolor sit articulorum cum tensione & magna acerbitate. Si in aliis speciebus arthritidis non una pars laborat, cur non & materia quæ ischiadicum morbum facit alio transfertur, & in aliis articulis dolorem excitat? Nam Paullus scribit co-

xendicem



xendicem ( idest coxendicis morbum ) ab articulari morbo nihil differre , *Cap. 77.*  
 nisi quod ipsius causa in sola coxarum compage articuloque concretus in- *lib. 3.*  
 fideat : & tacite diluit quæstionem istam ; ac si dicat , in coxario morbo  
 materiam contumacem esse magis & crassam , in aliis speciebus articularis  
 morbi magis mobilem ; ut mirum non sit si aliæ atque aliæ partes obsi-  
 deantur . Quamquam & vidimus in quibusdam ischiadicis erraticam esse  
 affectionem , & occupata summa narium parte articulos quoque pedum in-  
 fluxu ejusdem materie conflictari . Sed rarius . Gorræus arthritin definit  
 articuli tumorem dolorificum , quem fluxio in eum decumbens excitavit .  
 Quidam inflammationem definiunt , sed male , quod plus aliquando sit œ-  
 dematis , quam inflammationis . Marcellus , ut diligenter annotat Manar- *Lib. 2.*  
 dus , definiebat inflammationem esse permanentem , male affectis nervis do-  
 lores gravissimos excitantem . At fit sæpe sine inflammatione , nec perma-  
 nens est dolor iste semper , nec in nervis fit semper , nec semper validissi-  
 mos affert dolores . Ceterum ossa connectuntur tribus modis : vel enim  
 invicem coalescunt , modo sine materie alicujus interventu , ut in mollio-  
 ribus & fungosis , modo intercedente aliqua materia , ut in duris & siccis  
 per symphysin . Vel ita committuntur inter se , ut obscurum & difficilem  
 motum habeant per synarthrosin ; vel manifestum & evidentem per diar-  
 throsin . In prima articulorum connexione dolores non fiunt articulorum ,  
 in secunda raro , nisi quod topi & œdematosi tumores fiunt , ut in ar-  
 ticationibus carpi & metacarpi . Tertia vero arthritidis sedes est inter  
 membranas , tendines , & ligamenta quæ a periostio oriuntur , & proin-  
 de sensum habent , ex quibus omnibus firmatur articulus : hinc dolor ve-  
 hementissimus excitatur , si qua illic materia intercipiatur : sive acrimonia  
 humor agat , ut bilis ; sive frigiditate , ut pituita ; sive asperitate , ut gyp-  
 sea ; sive distensione membranarum & ligamentorum , aut inflammatione ,  
 quod ab omnibus humoribus fieri potest cum symptomatis tamen cujus-  
 que humoris propriis . Ac de arthritide dicam , ut quæ causa , quæ ma-  
 teriæ scaturigo , an sanguis eam possit committere , an a venis & arteriis ,  
 an a capite solo , an sit inflammatio , an in acetabulo materia contineatur , an  
 ligamenta humore imbuantur , & quæ multi varia disputant , ac inter cete-  
 ros Fernelius hac in parte *παράδοξισμός* . Quamquam tanto viro suppeditant  
 suæ rationes : nos quidem solvere , plenisque velis navigare deliberaveramus ,  
 sed quum ex recentioribus plerique multa de ea re scriptitarint , & contra  
 Fernelium edisseruerint , contractis orationis velis pauca afferre cogitamus ;  
 ne idem quod illi cum fastidio legentium scribamus , & ne si nudati fueri-  
 mus aliorum coloribus , ut Horatiana Cornicula implumes ridiculique manea-  
 mus . Ac primum , an sanguis sit materia ? Quidam asserunt sanguinem ar-  
 thritin non posse committere , quod necessum esset suppurari si in articulum  
 incideret . At non est necesse omnem sanguinis affluxum affusionemque phleg-  
 monem concitare , nisi in musculum , aut in carnem fiat , nec in pus abit  
 nisi calore loci suppuratio adjuvetur . Id quod in articulo exsanguis , mem-  
 branoso , frigidoque contingere non potest . Sic arthritidis phlegmone proprie  
 non dicitur , sed tumor phlegmonodes dici potest .



Dubitant an in pyxidem influant humor, an non? Fernellius negat in cavum articuli humorem descendere, aut in spatium quod inter ossium extrema interest, sed in vincula dumtaxat, atque eas membranas quæ extrinsecus ossium extrema nectunt atque ambiunt, ac etiam in tendines eo directos. At duo argumenta affert: prius quod in chiragra tophacea humor in calculum concretus aperta cute ex articulis digitorum eruatur vinculo quod situm in pyxide utrumque os colligat, intacto, ac illæso. Posterius, si in ischiade humor noxius in coxendicis pyxidem conderetur, non tam vehementem dolorem inferret, quod vinculum expers sensus sit, nec tam late diffusum. Et Galenus explicans quomodo abscessus fiant in febribus laboriosis in articulos, aut subjectam materiam laborum & sponte natorum & non sponte natorum esse totum genus musculolum: & caliditatem maxime efficere quid in laboribus ex motu; ut mirum non sit si una cum musculis articuli laborent, & ad hos articulos abscessus fiat, quod utrique & musculi & articuli concaluerint: unde tamen non patet an velit in ipsos articulos fluxionem fieri. Nec valet argumentum Fernellii de illæso vinculo interno (nam de externo nil dicimus;) nam si fateatur in acetabulo ipso lapidem aut tophum concrefcere, fateaturque quoque necesse est materiam in illud inane spatium irrumpere. Et quoniam illud vinculum forte est & validum & insensile, non ita ab humore afficitur. Et tametsi expers ipsius per se sit sensus, non sequitur tamen dolorem in ea parte non excitari per distensionem, & quia res aliena in loco ubi non debet, includatur. Melius Gorraus quum explicat quid sit articulum occupare, articuli nomine non modo ossis, quod inseritur caput, nec alterius ossis cotylen intelligo, sed & ligamenta, & membranas, & tendines, & quicquid ad articuli structuram firmitatemque natam comparavit. Nam per arthridites non modo eæ partes a morbo sunt immunes, quum etiam in longius distitas partes affectionis labes perveniat. Sed non explicat in cavitatemne ipsam humor illabatur. Porro quum duplicia sint ligamenta, alia sensu sunt prædita, alia non. Quæ a media ossis parte oriuntur, ut quæ tibiæ cum coxa conjungunt, ea sensu vacant. Quæ a perioestio sunt, ea sensum habent exquisitum. Atque hæc sicut & tendines in arthritide maxime laborant, doloremque inferunt. Nam inter tendinem & ligamentum quod tendinem integit, colligitur materia; hinc dolores.

Major difficultas de materia, & de parte a qua illa defluat materia. Inter ceteros mordicus pertinaciterque, non sine probabilitate tamen, defendit Fernellius, & a capite solo esse, & humorem pituitosum serosumque, non sanguinem, non bilem, aut succum melancholicum. Ac rationes quidem ejus in turba valent, sed singulas facile est discutere ac dissolvere.

Ac primum, si humor frigidus est uti vult, cur non potius stuporem affert? Nam ait Galenus: *Pituita & sero ejus inest ut torporem efficiat, non mordacitatem, nisi forte ita sit alienum a natura, ut aut salsum, aut acidum fiat.* Et quum, auctore Fernellio, pituitosus & frigidus humor auctor sit arthritidos, unde tanta doloris acerbitas surget? Et in Aphorismis dum reddit rationem cur hieme & autumnò dolores podagrici excitentur, ait hieme



me quidem id fieri, quod quantitate & qualitate humores infestent, ac peccent. 4. Autumno autem solum secundum qualitatem. Hinc patet qualitatem humoris solam ad podagram sufficere, ut ea copia non requiratur pituitæ, quam vult Fernelius.

Rondeletius dum agitare vult Fernelium, male illius verba citat. Nam non placet Fernelio per venas, & per spinalem medullam, & per nervos fluxionem fieri: sed per inanes mandros & aquæ ductus sub cute. Item non vult illum mucum qui per palatum deerrat arthritin committere: sed per partes capitis externas extra calvam positas vult sensim decurrere humorem.

Revera pro Fernelio facit locus præclarus quo Hippocrates explicat septem fluxiones e capite: & loquens de fluxione quæ retro fit, ait: *Fiunt articulorum ac coxendicum dolores a talibus morbis (idest hydropes & suffusionibus aquæ) sanatis, quum id quod morbum efficit sanatur, & quod in carne relictum fuerit, cui non sit exitus, nec intro, nec foras egressum fuerit, sed tuberculum efficiens, fugit in id quod cedit, ac tum dolores articulorum efficit.* Lib. I de  
loc. aff.

Sed contra Fernelium facit id quod ab eodem Hippocrate scribitur; nam loquens de ophthalmia, duplicem mucum statuit, unum ab interno capite, & hic falsus est, doloremque excitat, alium de foris per extremam cutim capitis, eumque compressum; & hic falsus quum non sit, dolorem non movet in oculis: ergo pari ratione dolorem non excitabit si in articulos inciderit: credibiliusque eum humorem qui in articulis dolorem excitat, ab interno capite emanare.

- At a pericranio, ait, humor descendit. Si a solo pericranio, cur non aliæ partes debiles humorem depositum a partibus robustis excipient? Quasi vero articuli nequeant tamquam imbecilli ab aliis partibus validis humorem supervacuum recipere. Et sit ita, magna fluxionum pars a capite fit, quod attinet novos hos sub cute aquæ ductus comminisci, & non potius apertos ductus & canales consignare? Et quum auctore Hippocrate abscessus fiant per nervos, arterias, venas, membranas, ossaque ipsa, credibilius est humorem per eas partes fluere ac reflueri, per quas alimentum decurrit & defluit ad partes alendas. At coactus est ad caput confugere, quod credibile non existimet tam sincerum humorem e venis complectentibus reliquos humores secerni qui articulare dolorem sit generaturus. At facile sincerus humor fit, si vel in parte fiat congestio, vel si a cerebro humor descendat. Non quod ea sit pituita quæ per infundibulum in ventriculum, aut pulmones deerrat, quia oporteret eam in venas resum, quod est absurdum. Sed quæ sub cute per inania quædam laxaque musculorum spatia (unde doloris in transitu vacuitas est) fluxionis hunc modum tenet, ut quasi inundatio alvei & eluvies quædam in cavitatem articulorum & partes vicinas incurrat ac illabatur. At si Fernelius negat ideo ab interno corpore in articulos humorem rapi posse, quod & via non sit facilis, & secretionem oporteat fieri humoris a massa sanguinis: Quid primum respondebit de abscessibus qui fiunt in crisi in articulos materia



teria morbifica & secreta a massa sanguinis, aut saltem in ventre contenta? Liber quartus Aphorismorum testatur abunde & resurgentibus a morbo, & laboriosis febribus detentis, & aliis similiter affectis in maxillas & alios articulos humorem rapi, quum absurdum sit a capitis partibus extremis eum descendere. Quum copiosa urina profluens Archigenis servum ab abscessu in articulos liberavit, an non materia illa in venis contenta erat? Alba, levis, & æqualis materies copiosa, & quæ per urinas fluere debet dum abscessum in articulum facit, an non a capite emanat? Hoc asserere puerile foret. Præterea dum fiunt apostemata modo sincera, modo mista, carbones, exanthemata, & alia id genus materia seposita & secreta, numquid a venis & arteriis fluxit, & eadem potest in partes circumsitæ articulis influere, & dolorem excitare? At caput in vitio non

*Com. in part. 3. sect. 3. li. 6. Epid.* est. Sed audiamus Galenum Comment. in 6, Epidemiorum dum explicat quomodo audiendum sit quod Hippocrates scribit quod excitato dolore colico quieverit arthriticus dolor, & contra: hanc rationem reddit:

*Ideo hoc fit, ait, quod humorum in artus currentium ad colon intestinum impetus conversus est.* Quod satis aperte ab interno corpore facile per ductus tum manifestos, tum cæcos humores modo in hanc partem, modo in illam rapi posse, necnon fieri communicationem inter artus & intestina. Quamquam de hoc forte dubitari potest.

*In Coac.* Præterea quid respondeat Fernelius Hippocrati, qui ita scribit; *Dysenteria intempestive suppressa abscessum in costis aut visceribus, aut in articulis facit. Num igitur biliosus abscessus in articulis, sanguineus in costis aut visceribus fit?* Ubi duo adversus Fernelium notari possunt: prius est, si humor qui dysenteriam committit, sive biliosus, sive melancholicus sit, inclinationem habet in alvum interiorem: & idem in artus potest abscedere, & rursus ab artubus in alvum. Ergo error est manifestus Fernelii comminisci, a capitis tantum partibus externis humorem dimanare qui arthritin sit commissurus. Posterius est quod tacite biliosas etiam fluxiones & sinceras in articulo fieri indicat Hippocrates, quod tamen non aridet Fernelio, ut qui omnem arthritin ab humore frigido esse velit: Tamen loco illi de dysenteria respondere posset Fernelius, quod nimirum fluxionum alvi & dysenteriarum sæpe Hippocratis opinione caput origo sit: quod si verum est, nil hic locus contra illum facit. Nam qui humor a capite delabens dysenteriam facit, si desinat dysenteriam inducere, & alio cursum suum inflectat, utpote in partes externas, tum articulares affectiones potest inducere. Ut quum Hippocrates scribit in Aphorismis vomitum diuturnam diarrhœam solvere, id videtur fieri quod a capite humor in ventrem descendat, qui alvum sollicitans & laxigans id afferat. Quod si illa materia vomitione excludatur, cessat affectus. Sic quum humor a capite delabens in extima cutis decurrat, dysenteriae finem affert. Atque hæc probabilitate nituntur. Contra Fernelium & id facit. Si lassitudines spontaneæ & articulorum quædam debilitationes & effeminationes ut gressus impotentia sit, ab humorum per corpus sparforum, & a maligno sero quod in corpore superfluit, ori-

untur:



untur : numquid causa aucta articulorum veros dolores excitabit ? & tamen caput in vitio non est . Vidimus juvenem annos 15. natum , arthriticum , ea maxime ratione factum , quod in eruptione exanthematon non esset legitime repurgatus : an non humor iste a capite est ? & Hippocrates aliud videtur contra Fernelium objicere : *Quibus sanis hieme circa lumbos frigiditas & gravitas ex levi causa , & alvus suppressa , ventriculo probe agente , his ischias , aut renum dolor , aut urine stillicidium contigerit forte .* Hic declarat ischiadem ( quæ ad arthritin refertur ; quamquam Galenus ischiadicos negat proprie arthriticos a Græcis appellari ) oriri non tam ab externo capite , quam ab interno corpore . Et si suppressio mensium , aut hæmorrhoidum , aut solemnus alicujus evacuationis potest arthritin immittere , cur necessario caput tamquam mali auctorem accusabis ? Internas autem humorum *ροπαὶς καὶ ὀργασμοὺς καὶ παλινδρομαὶς* in ischium aut articulos manifestissime aliis in aphorismis Hippocrates docuit , idque contra Fernelium . Atque utinam summus vir Fernelius eas audivisset : *Quibus de repente dum sine febre sunt , præcordii & oris ventriculi dolor , ac circa crura ac infernas partes , & alvus in tumorem elevatur , solvit venæ sectio & alvi fluxio : his febre nocet . Longæ enim febres fiunt , & tusses , & singultus , his ad solutionem tendentibus dolor fortis coxarum aut crurum , aut puris sputum , aut oculorum privatio contingit . Item : Dolores ad hypochondria in febre , voce intercepta , sine sudore soluti , malum ; his ad coxendices dolores fiunt .* Quibus locis patet materiam coxarum morbum effecturam in hypochondrio latere , non autem a capite derivari .

Com. in  
part. 3.

sect. 4.

Epidem.

& in

part. 3.

lib. 6. E-

pidem.

Apho. 65.

lib. 5.

In Coac.

Rationes quidem multas , easque probabiles Fernelius affert , quibus convincere se posse putat necessarium esse humoris arthritin commissuri defluxum a capite , tum quod non ita sincerus humor ab interno corpore ex venis & arteriis raperetur ad morbum generandum . Neque tam liber aditus foret , quam est pituitæ , aut sero a capite prolapsa per subjectas cuti partes & occultas quasdam vias . Attamen videmur multa opposuisse Fernelio quæ ejus sententiam valde debilitant .

Non videtur parum verisimilis ea ratio quam affert de crudo succo qui in hydropicis tibiis occupat , tumoremque facit , & tamen articulare morbum non parit . Goræus putat hoc argumento voluisse Fernelium pituitam non committere arthritin , & rationum machinas in Fernelium struit . Sed errat toto cælo Goræus . Nec enim hoc placuit Fernelio , alioqui sui plane dissimilis foret ut qui acriter defendat omnem arthritin a pituita frigidoque humore esse aut ejus sero . Sed hoc voluit Fernelius tuendo pertinaciter suam sententiam , a cerebro necessario defluere humorem frigidum qui malum committat : Quia si humor qui ab interno corpore aut per venas , aut per arterias , aut per alios aquæductus in tibiis cruraque natus esset generaret arthritin , maxime id fieret in copia succi crudi ac pituitosi , qui etiam redundat in tibiis & brachiis hydropicorum . At hic humor non id facit .

Sed respondeat Fernelius : Numquid qui fluit ac refluit in tibiis hydropicorum



picorum pituitosus humor si in articulum influat potest facere dolorem & arthritim? Si idem humor & natura & ingenio, & numero a cerebro manaret, numquid arthritin posset committere in articulum illapsus? Quid impedit quominus id faciat? An quia per venas & arterias influit? At tu ipse fateris per alios ductus quam per venas fluere. Numquid iidem sunt ductus occulti per quos & humor a cerebro deflueret? An quia iste humor non a cerebro est? Quasi vero humor crudus aut vitiosus ab hepate malo & male officium faciente non æque dolores excitaret ac qui a cerebro est? Quasi vero in cerebro istam idiosyncrismam, indolem, naturam, ac proprie talem acquirat qua dolores arthriticos efficiat? Cur ergo in tumentibus tibiis virginum fœdos colores patientium dolores etiam in vacuitate quadam febris quotidie observamus acerbiores? Numquid idem humor qui fusus dolores in tibiis excitat, si idem in articulum quempiam incideret, articulum quoque divexaret? In ictericis quibusdam fusio ab hepate & interno corpore sero humorum acri ac maligno implacabiles dolores comperimus, nihil etiamnum hepate ad id conferente. Hippocrates auctor admirabilis obscure quidem rationem videtur dedisse cur in hydrope quum multus circum articulos humor sit qui distentionem faciat (distentio autem maxime dolorem in articulis facit, ait Galenus) dolor quoque non adsit: in arthritide autem quum paucus humor sit, tanta doloris sit acerbitas. Ita autem scribit postquam de hydrope locutus est: *Si modicus fluxus fuerit (respectu magni fluxus qui in hydrope fit, unde repente intumescere & detumescere partem videmus) coxendicum & articularum dolorem facit quum fluere cessaverit. Nam ut modicus & undequaque ab omnibus partibus fortioribus depulsus ad articulos refugium facit.* Tamen non videtur hæc ratio satis. Nam si paucus humor arthritin facit, cur non multus faciet? In cachexia & hydrope multus est. Frustra igitur & temere Fernelius affert tumorem istum cachecticorum ut doceat necessario a cerebro affluere humorem, quia qui ab aliis partibus emanat humor natus esset dolores arthriticos parere, id maxime fieret in copia succi crudioris. Pace tanti viri dicam, idipsum non intellexit. Atque dicendi confutandique initium ab ipso Hippocrate sumam. Et quia mancus in hac parte est, cetera supplebo. Tria requirit loco superius adducto ut fiat dolor articularis, ut sit modicus fluxus, ut fluere desinat, ut refugiat ad articulum: quartum & addemus, quod vim quoque suam habet, ut a partibus omnibus fortioribus ad articulum depulsus sit. Vis in eo ponitur, quod dicit paucum esse & depulsum a partibus omnibus fortioribus; nam si multus est, æqualem quamdam intemperiem facit, immo sua mole obruens indolentiam affert. Et quibus intument tibiæ, brachia, artus quoque ipsi (ut *ἀναρτοί* dicantur) ii stuporis sensum habent: sed quum paucus & effusus in nervos cum mole sua non obruat, satis quid ejus possit qualitas ostendit. Deinde quod a partibus pellatur satis indicat sua qualitate adeo molestum esse, ut necessarium sit aliquid virulentiae habere, declarat acerbitas doloris, orgasmus. Nam nunc hic articulus obsidetur, nunc ille: & totius manus & pedis, modo hic digitus, modo il-



le, modo veterem sedem occupans in ea consistit & furorem exercet. Unde videmus sæpe magnos esse cruciatus quum nil tumens & dissimile appareat, nil lacunosum, nil salebrosus. At in leucophlegmatia quum intumeat corpus totum præ copia crudi humoris, & in cachexia quum redundet humor serosus & malus, sæpe a dolore vacuitas est quædam. Secunda conditio est ut humor fluere desinat; quod bifariam audiendum, vel ut jam actu consistat fluxio, alioqui dolor non adesset, nisi fugax fortassis, vel ut per nervosum genus, non autem per venosum humor vagetur. Quod ad prius attinet, falsum est dicere non excitari dolorem nisi consistat fluxio: oportet quidem materie partem consistere, aut omnino fluxionem cessare non oportet. Sed ut dolor perseveret, humor consistat oportet. De posteriore ita dicam: Hippocrates primus docuit morbos venarum leviores esse, fugaces, contra nervorum obstinatos ac contumaces. Et hic locus maxime conferet ad eorum intelligentiam, perspicientiamque quæ dicimus. Ac primum audiatur Hippocrates: *Quicumque morbus a venis oritur debilius & levior est quam qui a nervis. Diffluit enim una cum humore qui in venis inest, & non quiescit. Et natura venis in humore est in carnibus, Græce & ἡ φύσις τῶν φλεβῶν ἐν ὑγρῷ ἐστὶν ἐν τῇ σαρξί. Nervi autem sicci sunt, & cavitates non habent, & ad ossa consistunt, & maxime ab ossibus nutriuntur; nutriuntur autem & a carnibus, & colorem inter carnem & ossa medium habent, & humidiores sunt ac carnosiores quam ossa, sicciores & magis ossei quam carnes. Quicumque morbus ad nervos ipsos pervenerit, firmatur, & quiescit eodem loco, & difficile est ipsum educere.* Qui locus docere potuit Fernelium quæ causa sit cur sæpe tumeant detumescantque partes, quum tamen dolores non excitentur in articulis. Humor enim in venis continetur, non in nervis, aut saltem non consistit quiescitque in nervis. Oportet autem quietem habere antequam ibi dolorem creare possit. Et antequam ultra progredior, quoniam ille locus obscurus est quo ante paullo dixit, & *natura venis in humore est in carnibus*: & nonnullis difficultatem negotiumque dedit, illum explicabo. Comparat genus venosum cum nervoso. Nervosi generis nomine & membranas & tendines, & ligamenta, & periostium intelligit, item & nervos proprie dictos qui musculos proprie dictos contexunt. Nam caro simplex, nervi & venæ musculum condunt. Et dum ita comparat nervos cum venis, vult venarum naturam humidiores esse duabus de causis, tum quod ratione suarum cavitatum humores contineant, qui quum ὑγρὰ dicantur, & consistentiam liquidam habeant, & humectent corpus cui insunt, & quod sæpe perfluunt & perluunt: tum quod venæ in carnibus ipsis sint quas enutriunt: Sic quum dicit, *Natura venis in humore est in carnibus*, idest, proprium est venarum, ut & humorem contineant, & in re humida sint, idest, in carne. Et nisi multiplex earum tunica impediret, facile rumperentur. Sic nervi venis dicuntur duriores, (quamquam multiplex sit tunica) quod cavitatem non habeant, quod tendines sint, quod ligamenta, membranæ, venæ molliores ob cavitatem, quia in carne molli sunt, quia continet rem fluxilem. Sic metonymicis res continens di-



dicitur mollis & humida ratione & rei quam continet, & rei in qua continetur & fovetur. Vel quum dicit, Natura venis est in humore, in carnibus: ut nomen illud, *carnibus*, sit explicatio nominis, *in humore*. Caro enim res humida est, sic vena in humore est, idest in carnibus, in quibus & sedem, & firmitatem, & augmentum, & munus habet vena. At nervi siccus sunt, quia non sunt in carnibus, & res humiditas non continent ut venæ, & a rebus siccis oriuntur, idest, ab ossibus, quod ipse Hippocrates docet dum ait, Nervi ad ossa consistunt, & maximam partem ab ossibus nutriuntur: Quamquam sunt & alii qui a carnibus nutriuntur, ut qui musculos componunt. Et ut omissa interpretatione illius periodi quam obiter explicavimus, ad rem redeamus, ideo morbi qui in nervis sunt, firmanter quod dura eorum consistentia sit, qui in venis, idest, a venis sunt, fluunt fugacesque sunt magis: quod hac ratione ma-

*Lib. de locis in homine.* xime demonstrat Hippocr. *Communicant omnes venæ & confluant inter se mutuo, aliæ sibi ipsis committuntur ac coincidunt, aliæ vero & venulas e venis extentas.* Ac de distinctione morborum nervos occupantium ac genus venosum initio illius libri de locis in homine ita scribit: *Quod siccus est morbus magis recipit, & magis dolet a natura: humidum vero minus. Morbus qui in sicco est stabilitur ac consistit, qui in humido est, diffluit, & alias aliam partem occupat, & transmigrans quietem facit, & citius sedatur ut pote in humido non stabilitus.* Quem locum de intemperie humida & sicca intelligunt, sed male: Vere enim hic locus pertinet ad alium qui sequitur de morbis nervorum ac venarum. Sed hæc relinquamus.

Tertia conditio ex his quas proposuimus, est ut ad arthritidis generationem humor in articulum, aut saltem partes proxime articulum ambientes, & exquisito præditas sensu, incurrat. Quod miror non animadvertisse Fernelium, qui indistincte proponit in cachexia non oboriri arthritin, quum tamen sit humor crudus: proinde necessario a cerebri manare. Adeone ignarus Fernelius ut non fateatur oboriri dolorem articulare si qui redundat in cachecticis humor in articulum descendat, includatur, atque ibi interceptus interclususque corrumpatur? Nam non omne excrementum quod in partem impingitur statim dolorem parit: sed alias quum sua natura efferrum est & mordax primo quoque tempore dolorem infligit: alias nonnisi temporis successu acrimoniam, aut dolorificam aliam qualitatem nanciscens eundem infert dolorem: itaque pace Fernelii dicam nil quicquam efficit quod de humore cachecticorum objicit. Siquidem si pituita sit *ἄπυος*, si tantum sit crudus humor infra sanguinem, sed qui proxime in sanguinem degeneret, si calor esset melior, non est necesse a tali humore, dolorem excitari. Nullas enim molestias exhibet, ut nec sanguis.

Nam in hydropicis quoniam hepar aliqua ex parte est refrigeratum, sanguis quoque aliqua ex parte refrigeratus est, & crudus: sed incoctus non dicitur. Alibi autem ex Galeno distinximus *ἀπεπτον καὶ ὥμον*. Et talis semicoctus sanguis dolorem non creat. Hinc leucophlegmaticos non videmus laborare: In cachecticis quibusdam & iis præsertim virginibus quas foedus detur-

pat



pat color, dolores capitis, artium & furarum intolerabiles videmus. Et quemadmodum ex muccis & pituitis quæ a capite descendunt aliæ tusses excitant alias humidas, alias siccas, nonnullæ nullas tusses proritant, aliæ statim negotium dant pulmone eumque ulcerant, ut quæ sunt effera & ichore præditæ, aliæ etiam ingenti copia nil incommodi afferunt, sed postquam moram aliquam in pulmone sine ulla molestia egerunt, coctæ crassefactæque facillime extunduntur: Idem iudicium est de humoribus qui in artus dilabuntur. Nam quum tibiæ intumescunt humore, aut brachia, & articulorum loci, non statim dolor fit, ne si quidem in articulum humor influxerit, sed requiritur certa quædam qualitas qua humor donatus repente concitat dolores atroces. Et in hoc disputationis cardo vertitur. Proinde docuimus ante ex Galeno in libro 6. Epidem. pituitam quidem torporem inducere, sed si aut falsa sit, aut acida ea atrocissimis cum doloribus sese prodit. Quod & in doloribus colicis usuvenit. Quot sunt enim quorum intestina multa pituita sunt oblita oblitæque, quos nullus coli dolor cruciavit? At si gypseæ est pituita, falsa, acidaque, aut vitrea; ea suæ præsentia excitandis gravibus doloribus notas ac argumenta edit. Et hæc adversus Fernelium de loco, quamquam pluribus res explicari posset: obiterque de humoris qualitate & conditione diximus, sed rem totam negotiumque de humore accuratius sumus jam pertractaturi.

De humore qui causa est arthritidis, ita sentit Fernelius: *Humor continens arthritidis causas tam varius non est atque traditur: nec enim sanguineus, nec biliosus, nec melancholicus est umquam, sed omnino vel pituitosus, vel serosus.* Tam graviter iterum peccandi, & hoc contra veteres asserendi occasionem dedit illa alia erronea opinio quam paullo ante explosimus, de origine arthritidon omnium cerebro, quod aut pituitolum solum humorem, aut serosum cerebrum suppeditet. Sic duas illas erroneas opiniones ita complicavit, ut alia alteram pepererit, & toti antiquitati opposuerit. Si enim humor unus foret pituitosus tam sævi articulorum hostis auctor, quid veteres practicos in eam opinionem adduceret, ut pro arthritidon distinctione & causarum, remedia quoque distinguerent? At remedia instituunt ad biliosam arthritin, ad sanguineam, ad serosam. Ergo verum est tot esse species, alioqui in rem ægrorum gravissime peccaretur. Atque ante jam refutavimus argumenta eorum qui negant fluxionem ullam esse sanguineam quæ arthritin quoque sanguineam creet, quod necesse esset in pus sanguinem verti. At sanguis quidem quum dicitur suppurari quum in ventrem erumpit, verbum suppurari generalius pro corrumpi sumitur, ait Galenus. Et aliud est in ventrem, aliud in articulum irruere. Quamquam & in articulo suppurat, idest corrumpitur, malam alienamque qualitatem accersit, unde in sua generatione, & in loco, a quo mittitur, laudabilis ex eventu mala qualitate insignitur. Deinde sanguis in carnibus corrumpitur quidem ac suppurat proprie, sed non in articulis. Immo quum in articulum incidit, recrudescit quodammodo, & suam maturitatem amittit. Quod forte imposuit Fernelio, quod videat inflammationes in articulis nonnisi intra 40. dies solvi, & pituitescere quodammodo omnes qui in articulos fluunt humores; immo

*Aetius  
terrab. 3.  
sermo. 4.  
14. 15. 16*



*Lib. 3. de morbis cap. de pleuriti- de ex dorso.* Immo si prius calidi forent, ob loci naturam incrudescere. Quod mirum ne sit. Nam & Hippocrates in libris de morbis scribit contingere, ut a pulmone ipso pus in thoracem erumpat, & tametsi antequam eruperit maturum sit, tamen dies aliquot expectari vult donec rursus pus ipsum maturescat: Sic mutatione loci maturitas puris exolefcit, aut saltem diminuta retunditur tamquam materia perfrigerata.

*Comm. in part. 15. sect. 3. lib. 6. Epid.* Similiter in febribus materia cocta mitificataque in partem aliquam relegata recrudescit. Et in sexto Epidemiorum quum loquitur Hippocr. de concretionem lapidis in vesica, ait Galen. frigiditate vesicæ, tamquam corporis ex sanguis lapidis coagmentationem juvari. Itaque fieri potest ut frigiditate articuli sanguis, aut alius humor eo influens, licet sit calidus, facile suum calorem amittat. Non tamen ideo frigidus humor arthritidis causa est. Ideo

*Lib. de corde.*

*Comm. in Aphor. 9. lib. 6. Aphor.*

Hippocr. dicebat sanguinem esse natura frigidum, quia quum sit de genere aqueorum, facile suum calorem amittat. Sed ad hujus rei de qua agitur demonstrationem conferet plurimum ea demonstratio quam attulit Galen. in Aphor. explicans cur inflammatio in podagricis intra dies quadraginta cesset, & non ante. Quod forte pro Fernelio faciet. Nam inflammationem quæ arthritidi supervenit ex eventu tantum contingere ait, nempe vi doloris. Ita autem scribit, *Quæ carnosas partes occupat inflammatio morborum acutorum subjicitur termino, quoniam carnis substantia mollior est & rarior natura ligamentorum. Unde & tardius inflammantur chordæ ac nervi si vulnerati fuerint (Græce τραχηλῶν, Leonicens vertit, ex iclu) & longiori tempore ad consistentiam inflammationis perveniunt & tardius sanantur. Quæ enim ratione vix aliquid externi in se recipiunt, quum duræ sint ac densæ hujusmodi partes, hac ipsa ratione vix a se dimittunt. Quapropter solutionis terminus est dies quadragessimus, quia quum in articulationibus humores sint, & ligamenta amplexantia ipsas oportet evacuari ἀποδοῦν, idest, in modum vaporis.* Mirum autem est cur dicat tam agre admitti humores a membranis & ligamentis, & a nervis quum videamus eos qui articulari dolore tenentur facillime modo hanc partem, modo illam laborare. At si tam agre admitterent humores, non tam subito dolor inde surgeret. Quin etiam facillime & tremores, & convulsiones in febribus videmus excitari: si nervorum ea est durities & tendinum & membranarum, quomodo tanta est aptitudo? Nam videtur æquum esse ut idem fiat, quod & in pleuride fieri scribit Galenus: dum enim confert pulmonem cum membrana costas succingente, ait pulmonem ratione suæ mollitudinis paratum esse ad recipiendum quemvis humorem, non item membranas, quod hæ non ita facile admittant humorem quemvis, sed biliosos magis: unde major pleuritidon pars ab humore est bilioso. Si articulorum ea comparata ratio est ut eadem horum sit natura, atque membranarum succingentium costas, oportet necessario, aut tenuem & biliosum, aut plane serosum humorem qui arthritides faciat, aut falsum est quod in hoc atque illo articulo tam subito dolor excitetur. Duræ sunt partes, humor est frigidus & pituita, ut vult Fernelius: immo negat, aut esse bilem, aut sanguinem, quomodo tam facile humor admittitur? æquum non videtur. Quomodo enim tam crassus hu-



humor in cavitatem & locum διαρραίνωνες , subiret, quum lentor & pigrities id impediatur? Quamquam possit quis respondere imbecillitatem partis quamdam dissectionem asserere, & aptitudinem ad fluctionem facile admit- tendam. Accedit quod humorem in orgasmo esse oporteat: orgasmum autem adjuvat ichor quidam malignus qui animat, impellit, ciet, & movet humorem sua natura segnem & pigrum. Atque articulares dolores etiam a valde calida causa oboriri testatur Gal. ubi docet morbos connutritos in senecta relinquere: interpretatur de calida hemicrania, calido renum affectu & articularibus doloribus a calida causa obortis, quibus omnibus obrepens senectus tamquam frigida remedio existit. Nec dissentanea docet in Aph. dum ait dolores articularum in squaloribus a fluxione non fieri, quod quum tempus siccum sit non videtur natum ad superfluitates generandas quæ arthritin committant: Sed si caliditas immodica fuerit ab acribus humoribus possunt arthritides excitari. Itaque miror quomodo Fernelius tam longe a veterum dogmatis desciverit, ut præjudicatam suam opinionem tam mordicus defendat. Etsi enim magna arthritidon pars, sive per defluxum id fiat, sive per congestionem, ab humore frigido est, tamen errore non vacat asserere omnes ab humore frigido esse eoque a capite emananti. In quo graviter in ægrorum commoda peccatur: Nam est ubi calidis utendum remediis, est ubi frigidis, est ubi moderatis. Quod si omnis a pituita esset, ad calfacientia perpetuo esset recurrendum. Item aliud est agitare medicamentis caput eique consulere, aliud aliam partem. At si solum caput auctor existeret, ad id unum dirigendum esset omne consilium nostrum: Itaque magni inter est ad curationem morbi, & ad ægrorum salutem multo ante constituere an soli capiti malum acceptum sit ferendum, an sola pituita aut ejus serum in vitio sit. Quamquam ut ante dictum est forte imposuit Fernelio quod humor qui actu in articulo continetur quadamtenus frigidus, aut frigefactus sit, quod ita sit comparata ratio articularum, ut quia multas habeant partes spermaticas & frigidas, affluentem humorem etiam natura calidum, & a calido loco derivatum infrigident ac incrudent, ut ita loquar, quod ex Hippocrate demonstratum est. 9 Cum itaque & experientia, & ratio, & auctoritas Hippocr. 10 quam supra non meminimus asserere, quæ statuit aliquas arthritides a bile esse, dicet præter pituitam alias esse causas arthritidis, & aliam auctorem mali partem quam caput, relicto Fernelio amplecti oportet methodum medendi aliorum, ne mala rei opinione inducti male remedia alia pro aliis usurpemus: Ac facile mihi persuadeo, ideo sæpe articulares dolores invalescere magis, ac ægrescere medendo ægros, quod audito arthritidis nomine statim ad calida remedia deveniamus eaque impense calfacientia & digerentia. Quod si semper materia frigida foret, non esset verisimile, ita malum inolescere, ac furere, quum contrariorum curatio per contraria legitime instituatur, nisi forte dicas (quod etiam probabile est) dolorem quoque augescere, quod usu rerum ita calidarum quibus statim utimur sine judicio & distinctione quod morbi nullæ sint induciæ, sæpe fluxiones irritentur, qua irritatione dolor quoque increfcit. Dum enim humor turget fluitque nil est deterius quam fotibus, aut emplastris ex

Com. in  
part. 6.  
sectio. 5.  
lib. 6.  
Epid.

Com. in  
Apho. 16.  
lib. 3.

Gal. ad  
Apho. 2.  
lib. 6.

Hippocr.  
lib. de  
internis  
affectioni-  
bus.



rebus calidis uti: Vel etiam usu nostrorum remediorum sæpe dolor auge-  
tur, quod materia sit *ἐτερογενής*, ut quod remedium uni humoris parti  
convenit, alteri plurimum obfit, ut quod remedium primo loco usurpan-  
dum duxeris, illo relicto statim ad aliud confugas. Accedit quod humor  
qui arthritides efficit, maxima ex parte venenati cujusdam feri naturam resi-  
piat redoleatque quod per se pepasum mitigationemque non admittit:  
Immo usu remediorum, nisi valde sint anodyna, incandescit ferocitque ma-  
gis. Nec mirum est si sæpe irrita sit opera nostra, morbusque iste medi-  
corum nuncupetur opprobrium. 11. Ceterum contra quam senserit Fernelius  
certa sunt signa quibus dignoscas a capite humorem subtus cutim, aut per  
spinalem medullam defluere, aut ab hepate & visceribus per venas & arte-  
rias derivari. Et quæ defluxiones a capite sunt, magis sunt sinceræ, quæ  
a visceribus, minus sinceræ sunt, quod humores promiscue in vasis coerce-  
antur ac confluant. 12. Quod miror Fernelium non animadvertisse. Signa  
ista diagnostica & Aetius & Rondeletius sunt persecuti. Nos illa omitemus,  
& si quando usus inciderit, ex istis venabimur, ne si illa adjiciamus, in mo-  
lem oratio excrescat.

Quum iniretur consilium pro Forcerii mercatoris cognato cui dolores ar-  
thritici sunt familiares, & autumno & vere repetunt maxime, creditum est  
serum maxime putre a visceribus manans, causam reducis istius mali esse. 13.  
Declarat curatio. Nam nullâ habitâ capitis ratione quum primum expurga-  
ta regio prima ventriculi & educti multi serosi humores electuario diacarth.  
& syrup. rosarum solutivo, præripiebatur occasio reditus: Ac quæsitum est  
si humor frigidus & pituita arthritidis auctor, cur pituitosi non sunt podag-  
rici, quum peculiaris iste humor redundet?

*Lib. de  
glandul.*

Si a capite est, cur qui chæradas habent, quarum origo maxime tribui-  
tur ab Hippocrate, non sunt podagrici, aut aliâ specie arthritidis laborant?  
verisimile id esset si caput auctor esset mali. Nil obstat obijcere tophos qui  
in arthritide apparent ut doceas materiam esse phlegmaticam: nam biliosus  
humor & alius a pituita usu refrigerantium, aut digerentium nimium, aut  
a parte frigida frigefactus tophos inducere potest.

Multi olim arthritici liberati sunt morbo, sed epileptici, aut apoplëctici  
interiere: repertum est cerebrum aqua plenum, sic verisimile est a cerebro  
malum esse.

Si semper a frigido humore esset arthritidis, eoque a cerebro labente, chæ-  
radas efficeret, aut dolores in transitu excitaret, aut præeuntem haberet gra-  
vitatem capitis, aut nuæ colli. At sæpe nil tale apparet, unde colligas  
aliunde plerumque esse.

Ad præcautionem tam sævi mali, & evacuationem feri illius putris morbi re-  
lapsum committentis visum est ut uteretur hieme decoct. foliorum senæ cum her-  
modactylis, & sæpe Syrup. rosarum pallidarum cum succo mercurialis.

Vere pilulæ commendantur sine quibus, de hermodacty. & foetida. Au-  
tumno & vere si quid suadeat, tundatur vena, vivat abstemius.

Partibus dolentibus adhibeatur unguentum de limacibus; aut madeant  
panni in mucagine limacum.



Urgentibus doloribus folia hyoscyami cocta in lacte cum capitibus papav. & floribus chamameli adhibeantur parti.

## ANNOTATIONES.

1. Hipp. lib. de dieb. Decretoriis docet Ischiadicos dolores esse a conge-  
stione & concretionem humorum in acetabulis præsertim post incalfectionem a  
sole.

2. Gal. Com. ad Aphor. 49. lib. 6. ita ait, fluctionem arthritin facien-  
tem primum suscipiunt loca dearticulationum, deinceps circumstantia om-  
nia ad cutim usque. Et quia implentur articulationes etiam quæ circumja-  
cent ligamenta extenduntur. Nervi & chordæ illic non inflammantur, sed  
tantum dolent quum dearticulationes extenduntur.

3. Gal. Comm. in Aphor. 49. lib. 6. tanti doloris in arthritide causam  
ad distensionem revocavit.

4. Fernelius hic valde ratione niteretur, quod si humor biliosus arthritin  
committeret necessario inflammationem faceret. Cur enim membrana in tho-  
race tam facile inflammantur in pleuritide, & in arthritide tam agre si ea-  
dem est materia?

5. Et in 2. Epid. 1. sect. 3. splenis & viscerum tumores & inflammatio-  
nes in articularum morbos desinere scribit: Et in sectione 7. lib. 6. Epidem.  
Tusses in articularum morbos desinunt per translationem, ut credere est.  
Maxime vero sunt sicca tusses, quia alio materia præripitur. Et sub finem  
sect. 8. lib. 6. Epid. in suppressione mensium dolores & rubores articularum  
nascuntur: ergo id est ab interno corpore, non a capite. Et quod majus,  
in ulceribus articularum & partium externarum si tumores sint rubicundi,  
& statim evanescunt, dysenteria cruenta oboritur, vide consensum externo-  
rum cum internis, ut a capite id non fiat.

6. Locus est præclarus cap. 12. Sermonis 4. Tetrab. 3. Aetii ubi docet  
multas causas ob quas suppuratio in articulis non fiat.

7. Hippocr. lib. 2. Epid. part. sive historia 3. docet quomodo topi in  
arthritide generentur.

8. Anno 1575. qui siccus & squalidus erat maxima fuit articularum do-  
lorum ubertas.

9. Hic locus est valde notandus: et contra Fernelium facit, idem in  
cerebro visitur: nam substantia cerebri vaporem calidum et refrigerat.  
Quod si quis neget illum librum germanum esse librum Hippocratis, legat  
Aphorismum 25. lib. 5. Aphor. ubi vult auctor affusione aquæ frigida arti-  
cularum tumores et dolores tollere, tum ob revocationem caloris, tum propter  
inductionem torporis. Quid respondebitur Galeno qui in coxendicis dolore in  
malleolo arteriam secuit quum affectus esset ab humore calidissimo? sub fi-  
nem lib. de sanguinis missione. Quid diceret Fernel. quum plerique acerbis  
articularum doloribus vexantur, quum nullos aut exiguos dolores, aut in  
capite, aut in collo senserint? Quasi vero tam effera materia et serum a  
capite manare queat, et non excitare dolores transeundo? fieri id non pos-  
set.



set. Si nitrosa et salsa fluxio a capite tantos in transitu dolores excitat, im-  
mo et in metaphreno, et qua transit quamdam inducit phthisin; an credi-  
bile materiam qua guttam facit pepasmi ex se expertem, opinionem Fernelii  
per tot partes subtus et cuniculose transmitti, et nullos sane dolores excita-  
ri? Sic credendum est imbecillitatem naturalem partis, aut acquisitivam,  
quia omnis dolor in parte digestivam facultatem et coëtricem debilitat, et  
propterea facilis sit proventus excrementi loco vere nutritionis, facile ad  
arthritin facere, ut si qua depuratio et defecatio sit sanguinis, eam faciem  
facile admittat. Nisi Fernelius dicat in sua generatione non esse tam ma-  
lam materiam, sed tempore et mora eam acquirere malignitatem. Quod  
idem dixit Gal. de tussis materia qua in scrotum descendit par. 12. sect. 1.  
lib. 1. Epid.

11. Si cruditates, crapula et similia ejusmodi arthriticos efficiunt, quid  
causa est cur caput accuses?

12. Quid impediet quominus dicamus nec a capite esse materiam arthri-  
tidis, nec forte ab interno corpore, sed eo modo per dispositionem articula-  
rem generari in habitu corporis quo elephas in aliis, et chærades in aliis.  
Nam in habitu ipso vitium est, et cancrosa et chæradica dispositio, et arti-  
culosa, ut sic dicam.

## CONSILIUM XCV.

### De Gonorrhœa virulenta.

QUEMDAM fœda Gonorrhœa detinebat. Quum eam negligeret,  
nec medicorum consilio satis diligenter audiret, suppressa est, & ea  
contingere de quibus paullo ante dictum est. Imprudenter & parum sciens  
quid tam virulentæ materiæ suppressio vehat uxorem suam compressit. Me-  
dio graviditatis tempore dysentericum & serosum profluvium mulier pa-  
ritur, quo vix liberatur. Ac prudenter Medici non censuerunt statim  
suppressio isto profluvio, laboranti consultum iri. Audiverant enim non-  
nihil de mariti diversione ad alias mulieres & quævis impura prostibula.  
Ideo in eam suspicionem venerunt, ut contractum hoc malum a portio-  
ne virulenti feri crederent. Ac, opinor, ea forte in luem veneream in-  
cidisset. Nono mense fetus educitur purus & incontaminatus. Quod mi-  
rum fuit quum satus esset patre adhuc semen tam diri veneni continen-  
te. Sed non diu impune tulit innocens hæc proles impuritatis paternæ  
luens pœnas. Nam quum forte matri propinatum esset pharmacum aliud  
rei causa, & jussum esset lactari infantem etiam medio purgationis tempo-  
re: Repente multis corporis partibus argumenta certa luis & scabiei Hispa-  
nicæ paruerunt. Continuo vocari medicos & Chirurgos, iniri consilium,  
rem reformidari, metui matri nutrici. Ablactatur infans nondum duos men-  
ses natus. Parvo lacte pascitur ex vitreo vase collum gruis habente. Pro-  
visum puello hoc remediolo:

*M. butyr.*



℞. butyr. recentis non falsi lauti in aq. salvia ℥ iiij. argenti vivi exstincti aq. eadem salvia ℥ ij. facta subactione in mortario diligenter, paretur linimentum.

Ad arcendam autem luem veneream quæ vere eam posset tandem adoriri, ita matri providetur:

℞. Limatura ligni sancti ℥ iiij. salu. beton. chamæpit. stæchados utriusque meliss. morsus & scabios. an. m. j. s. Absinth. centaurii minoris buglos. borag. an. m. j. rad. ireos florent. scordij, tormentil. tunicis & dictamn. an. ℥ j. s. seminis cit. card. sesel. fileris monta. pæonia an. ℥ s. rad. pæonia & angel. an. s. gentiana ℥ iiij. theriac. veteris & mithrid. an. ℥ i. s. Opiata Fernelii ℥ i. s. madeant omnia in vino albo odorifero, adde succi pomorum ℥ iiij. pul. diamarg. frig. letit. & diarrh. abb. an. ℥ j. aqu. nenuph. lib. s. concludantur omnia alambico, & fiat distillatio.

℞. Conf. flo. nenuph. bugl. anth. an. ℥ j. conserva acori ℥ s. cort. citrij. cond. ℥ ij. pul. el. diamar. coral. rub. carab. seminis angel. & rad. bistort. an. ℥ j. marg. elect. ℥ j. elect. diarrh. abb. triasant. an. ℥ i. mithrid. ℥ iiij. cum syrup. conserv. citrij fiat opiata, utenda ad ℥ ij. hora somni.

℞. aq. theriac. scab. cardui. an. ℥ iiij. s. passentur per manicam Hipp. cum sacch. & pauco cinn. cap. cochle. duo jejunnus a somno excitatus.

℞. Sarseparil. q. i. meliss. stæchados radicum omn. aperit. scordii, mercur. salvia, beton. an. m. j. rad. acori, eryng. aristo. ang. an. ℥ s. enul. camp. m. j. frusta pomorum redolentium, fumar. absinth. an. p. j. bipinell. m. j. poly. passul. an. m. j. seminis pæon. sesel. an. ℥ s. fiat decoctio ad lib. j. infunde foliorum senæ ℥ iiij. adde express. ℥ j. s. agar. trochis. infusi in aqu. beton. & sal. cum ℥ ij. cinnam. & ligni aloes ℥ j. adde syrup. ros. pallid. ℥ iiij. & sacch. sufficiens.

℞. conserva stæch. sal. beton. meliss. anth. an. ℥ j. s. cort. citrij. conditi. ℥ j. zinzib. conditi. ℥ ij. conser. accori ℥ i. s. myrob. emblic. & confectionis alk. an. ℥ iiij. conserva buglos. ℥ ij. theriaces ℥ iiij. opiata Fernelij ℥ j. s. excipiantur omnia cum syrup. conservationis citrij.

℞. Ambra gris. ℥ j. pul. let. de gemmis archonit. an. ℥ s. diarr. abb. & diamarg. frig. an. ℥ i. cinnam. gr. 4. pul. rad. angel. & tormentilla. an. ℥ j. cum sacch. soluto. in aqua card. infusionis ℥ s. ligni aloes, fiant tabellæ pondere ℥ s. utendæ?

℞. Theriaces, mithrid. an. ℥ ij. confectio Alkermes ℥ 6 elect. de gemmis ℥ s. limatura interioris guajaci. ℥ iiij. seminis pæonia & citrij. an. ℥ 6. conserva viol. & buglos. an. ℥ i. s. succi pomor. odorifero. & aq. nenuph. an. lib. s. Ponantur omnia in alambico & utatur ea aqu. intrando in laconicum.

Item ℞. rad. enula, angel. tormentil. capparum. Eringio. apij, petro, poly. an. ℥ ij. meliss. scab. bipinel. plantag. an. m. ij. lupul. buglos. scolop. ceterach. an. m. j. fumar. primul. veris. au. p. j. semin. bomb. dictam. citri. an. ℥ ij. conf. enul. camp. acori. meliss. an. ℥ i. s. pul. elect. de succo rosarum diamarg. frig. an. ℥ s. decoct. ℥ iiij. guajaci, & ℥ ij. china ℥ ij. decocti plantag. ℥ iiij. theriac. & mithrid. an. ℥ i. s. Adde aquarum cordialium lib. ij. Ponantur omnia in alambico.



## CONSILIUM XCVI.

*De febre lenta symptomatrica .*

**C**ONSULIS Amorræi filia annos duodecim plus minusve nata sæpe animo deficitur , immo alias putat sibi præcludi fauces , alias halitum nescio quem sentit cum cardiogmo , capitis dolore , præsertim in anteriore parte . Dolor non est pertinax . 1. Coloris est vicissitudo in facie , modo cum pallore quodam rubescit , modo pallet solum , suffusa alias aliqua ex parte est facies . Argumenta sunt fœdorum colorum : destillatio tenuis est in pulmones , aliquando spirandi difficultas . Metuebatur illi ne periculoso aliquo tandem cerebri morbo tacta intereat : ut ejus sorori contigit , quæ Cataleptica post febres erraticas , interiit .

2 Initum consilium prophylacticum potius quam therapeuticum calido & sicco hepate erat , adeoque calido ut partim alimentum corrumpere , ( unde illud 6. Epid. *qui ventre sunt calido , carnes habent frigidas* ) partim aliquid attraheret , reliquum media veluti via in lactibus resideret . Nam quoties repurgatur , pulti simillimam excretionem facit biliosam , olidam , vermium parentem ; unde & aliquando vermium molestiam sustinuit . Sic obstructio id ipsum juvat . Quod autem obstructio sit eaque cruda , declarant urinæ in calidiusculo corpore aqueæ existentes . At nec ratione corporis , nec ratione febriculæ quæ sæpe apparet , nec ætatis ratione tales apparere debent . Nam in pueris aqueæ urinæ ab Hippocrate damnantur in prognostico . Quamquam in nostris Epidemiorum libris animadvertimus ex Hippocrat. *In erraticis febribus aqueas urinas splenicæ esse* . Quod forte in hac contingit puella . Mutationem colorum ad elationem vaporum fugacium referebamus , nec non ad animi imbecillitatem & caloris , qui facile intro recurrat . Hippocrates hujus quidem rei generalem rationem dedit , *Colorum mutationes fiunt corde constringente se , aut laxante* : laxante quidem fiunt bene colorati & rubicundi , constringente vero pallidi & virides . Et illa *ἀσώδης* , quæ aliquando apparet , in malis poni potest , aut homonymas bona est . Caloris in pulmonibus majoris indicium esse potest . Videtur quidem dolor iste capitis symptomaticus esse , tum quod fugax sit ( quamquam si dolor capitis per protopathiam sit , necessario non existat stabilis ) & videatur tantum per vaporis , aut exhalationis elationem fieri . Nam punctionem morsumque in ventriculo præsentit . At verendum tandem ne dolor iste ita jus vindiciarum in caput habeat , ut non amplius per sympathiam , sed per protopathiam fiat . Nam quum partes laborant per consensum , id fit aut quia facultas non suppeditatur , aut materia ut in respiratione , aut per vapores . 4. Quum prioribus duobus modis sit id , actio quidem læsa est , sed pars a qua suscipitur actio illæsa est , sed quum pars aliqua per consensum laborat ob summissos vapores , actio quidem partis læditur , & ipsa pars laborans per sympathiam afficitur : sed ita afficitur , ut si dispositio in parte aliqua fiat , jam non amplius secundario , sed primario pars laboret ipsa . Ac probabile excitari ichores a partibus inferis . Porro opinione Galen. ichores tribus de causis in ventriculum incidunt , aut propter marores ,



marôres, aut dolores, aut infirmitatem ventriculi: Accedit & longa abstinencia, & compassio. Ac revera statuere oportet in hoc corpusculo caliditatem & siccitatem cum squalore, unde magna excitandorum fumorum occasio nata est. Quemadmodum enim excedens humiditas immoderato calori juncta corpus languidum & decoctum reddit, necnon effeminatum; ita calor acer mordaxque dum humores accendit, acuit, irritat, excitandis vaporibus magnam ansam porrigit. Post unam atque alteram purgationem syrup. solennis est institutus ex bechicis, thoracicis, splenicis, folliculis, fena, agarico præparatis, & coctis ut decet. Item hæ tabellæ institutæ.

℞. *Seminis pæoniae gra. 8. marg. el. corall. utriusque spod. trochiscorum e carabe. an. ʒ j. eboris, cornu cervi an. ʒ s. ossis de corde cervi pulveris coriandri & diarrh. abb. an. ʒ j. cum sacch. in aqu. card. soluto, fiat tabell.*

℞. *Conserv. beton. stæchad. ros. buglos. an. ʒ j. conservæ anthos ʒ ij. corticis citrij conditi ʒ iij. rasura eboris, cornu cervi an. ʒ j. theriaces ʒ j. fiat opiata cum syrup. conserv. myrob.*

℞. *Pulveris hiera ʒ j. agar. trock. & rhab. an. ʒ j. cap. ʒ j. aut ʒ s. hujus massa.*

*Utatur quotidie jusculo mane in egressu lecti: æstate lacte asina: Paretur pulvis ex lumbricis terræ & chalybe præparato si utile videatur.*

## A N N O T A T I O N E S.

1. *Febris ista lenta est & continua, & symptomatica qualem Fernelius describit libro de febribus cap. de symptomaticis lentis.*

2. *Huc pertinet locus memorabilis lib. 2. de Dieta acutorum part. 22. Quod Hippocrat. velut concoctionem esse elixationi similem docet, tamquam coctio fiat a calido non sicco squalentique, cujusmodi est febrilis, sed humida & vaporoso, cujusmodi est qui in animalibus secundum naturam existit. Fernelius cap. 13. lib. de urinis istis tenuibus, & aqueis abunde satis.*

3. *Arculanus cap. de Cephalea, ait, qui dolores capitis sunt per sympath. sæpe cum periodis, & cum paroxysmis fiunt prout sunt causæ periodi, in membro communicante. Quamquam hoc non verum est perpetuo. Nam etiamsi in capite humor sit qui morbum per protopathiam faciat, tamen non perpetuo vexat, sed suas habet periodos: Id ut intelligatur, quoniam difficile est admodum, legendus est commentar. ad Aphorism. 28. lib. 6. Aphorism. Et de hoc diximus lib. 2. nostrorum consiliorum in hist. de fratre hujus puella.*

*Nam Galenus comm. in Aphor. 19. lib. 2. de Chronicis morbis disputans, ait illos a crassis humoribus fieri, & paucos ex his per sympathiam fieri, & absque loco affecto, utpote venis æqualiter humores corruptos continentibus. Sed διὰ δὲ οὐκ ὁμοῦ, ut in hemicraniis longis contingit, possunt esse sine humoribus illis crassis. Sic aliud est, χροῖον νόσημα, aliud*



διὰ τοῦτο ἡ πόσις. Ceterum quum dolor est per propriam affectionem est magis continuus quam quum est per sympathiam. Et vis ponenda in verbo, magis, id autem fit, ait Arculanus, aut quia membrum, longo dolore debilitatum facile aliarum partium excrementa excipit: aut quia per dolorem spiritibus resolutis digestiva & expulsiva facultas languet, unde non probe conficit alimentum, nec superfluitates quæ in qualibet digestionem rescantur, debite expellit, &c.

## CONSILIUM XCVII.

### De Pleuritide notha.

**J**OANNES LE MIRE, mercator quum Meloduno Parisios lintre de-  
 vectus petit rigente admodum hieme, vi frigoris ita calor intro cogi-  
 tur, ut inde horruerit valde, deinde calorem ingentem conceperit. Me-  
 dia nocte cœpit queri de dolore fixo ac pungente ad nothas costas.  
 Magna nothæ pleuritidis suspicio est. Is narrabat sæpe se ea in parte do-  
 lores quos colicos vocabat, solitum esse sentire, qui fomentorum usu non  
 ita multo post levarentur. Ac primum ei credidimus quum tamen apud  
 nos potius valeret opinio ac suspicio pleuritidis per congestionem aliquam ex-  
 citatæ, quam narratio de vetere dolore, coegimus ut alvus enemate sub-  
 lueretur. Ac dolore perseverante, ut urgeretur occasio, tertia pomeridia-  
 na bolum cassiæ addita confectionis de dactylis portiuncula ne medica-  
 mentulum ignavum maneret, exhibuimus: hujus usu multa corrupta ad-  
 modum educta sunt. Sequenti die relicta sede priore, dolor ad orifi-  
 cium ventriculi pertinebat. Tunc nos pœnituit, quod non die præceden-  
 te venam secuissemus, ut ne inflammatio ad aliam nobilem partem, uti  
 contigit, serperet, ac oberraret. Valdeque timuimus ne in ventriculo ma-  
 lum figeretur, gravioraque omnia nascerentur. Quod aliquando a nobis  
 observatum est in vitriarii filio: Qui quum per tres dies de dolore late-  
 ris questus esset, & neglecta iterum esset phlebotomia, repente malum  
 regionem ventriculi ad xiphoidem cartilaginem obsedit, vomendi deside-  
 rium, febris ἀσώδης lipyria, mors repentina. Per tres dies continuos  
 venam ter secuimus: purulentus sanguis detractus est, ne guttula qui-  
 dem puri sanguinis: viribus metuebatur ob ætatem ingravescentem. Do-  
 lor non erat fixus. Thoracem dilatare omnino non poterat. Respiratio  
 alioqui erat facilis, nisi quum magnum respirare cogeremus. At tum nar-  
 rabat se aliquid imis costis inhærens sentire quod respirationem elideret. Si-  
 tis & febris erat ingens, omnia cruda. Nam nec alvus nisi sollicitata fere-  
 batur, nec quicquam ex facili e pulmone educebatur. Dubitabamus an dia-  
 phragmatis esset inflammatio præsertim in parte concava, præsertim qua at-  
 tingit nothas costas, si inflammatio foret illius partis cur non deliraret, quære-  
 bamus. Suspiciabamur collectam ibi illam materiam & præsertim serosam  
 (quod dolores vagi apparerent) quæ olim colicos dolores excitarat. Idque eve-  
 nisse arbitrabamur ob ambientem impense frigidum, unde suppressio nata fo-  
 ret.



et. Ad id cogitandum situs partis dolentis incitabat. Tamen quærebatur, si ea in parte inflammatio esset cur non ad claviculas dolor pertineret? Sed sectio corporis post mortem omnia de quibus dubitabamus aperuit. Ergo quum circa finem diei quarti dubitaremus an quarto secanda vena esset in tanta siccitate morbi, febre, difficultate spirandi, dolore: Ecce primarius medicus videns nostras sectiones inutiles, ratus collectionem esse quamdam (uti ante monuimus) ad catharticum confugit idque vehemens admodum, ut vi deturbaretur humor qui infra diaphragma consisteret. At quum humor nullus esset infra diaphragma morbi auctor, irritum medicamentum fuit, & duabus post horis hypercatharsin induxit, perturbationem tantam ut brevi ægro interendum fuerit. At ut Hippocrates scripsit: *Turpis est calamitas dato medicamento eodem die agrum interire*. Erat infra subsistendum.

Lib. de  
medica-  
mentis:

Quamquam hic difficultas magna est. Nam novimus mulierem cui post phlebotomiam quum datum esset medicamentum sequenti die, quia inane fuit medicamentum & non potens satis, statim delira facta est. Vehementia febris a tam valido medicamento debebat dehortari, item virium infirmitas, tum ratione ætatis, tum multa venæ sectione inducta. Potius sequendum erat Gal. consilium cujus verba ad unguem tenenda sunt: *Ubi non solum acutus morbus fuerit, cujusmodi est pleuritis, verum & cum febre vehementissima, multo magis vitanda purgatio, atque per sectionem venæ vacuandum magis etiam si ad hypochondrium dolor finiatur. Nempe & si minus quidem auxilium quam per purgationem venæ sequatur, securius tamen multo existit. Immo nullum periculum impendit ex eo quod fit per sectionem venæ, eo discrimen maximum subeunte quod per purgationem tentatur, maxime si laborantis naturam non fueris expertus. Si enim naturam non noveris, metus est ne plus justo vacues, aut nullo pacto naturam moveas, aut si moveri, non sufficienter vacues. Quæ omnia magnis in morbis offensas pariunt: quod non facile ut in iis qui non febricitant, emendatur. Quum igitur febris non fuerit vehemens, & naturam laborantis expertus fueris, ad medicamentum purgans te conferes, iis quæ ab Hippocrate dicta sunt usus. Atque hoc in loco tria animadvertere oportet, dum sectionem venæ antefert purgationi: primum est quum meminit febris vehementissimæ, ut vehementia febris dehortari debeat purgationem, præsertim & quum adsit inflammatio: febris autem vehemens & inflammatio purgationem dehórtatur, quod medicamentum calorem sit adaucturum: Secundum quod minus auxilium a sectione venæ sequatur, quam a purgatione: Tertium, quod securitas sit magna in sectione venæ, non item in purgatione.*

Com. ad  
part. II.  
lib. 2. de  
Diatæ  
acut.

Quæ tria sunt diligenter animadvertenda, ne forte sententia Galeni male intellecta nos valde munitos putemus, quum alioqui gravissime erremus. Quid enim obeſt illud quod objicitur de febre ardentissima? nam in pleuritide ea præsertim quæ occupat hypochondrium: (de ea enim illo loco agit, quamquam & generaliter illud intelligi potest) non est tanta febris: si non tanta febris, & si minus auxilium affert sectio venæ quam catharsis, ut idem fatetur Galenus, omni ratione amplexanda est purgatio, non autem purgationi præferenda sectio ut securius consilium, & remedium.

Quor-



Quorsum enim ista securitas, si non prosit remedium? Præterea si febris **ve-**hemens, possumus dare medicamentum non ita eradicans, non calfaciens, non agitans. Item quod ad eum calorem quem præbitum medicamentum *Aph. 24. lib. 1.* afferet, jam respondit Galenus in Aphor. medicamentum quidem calfacere, sed majus sequi commodum ex evacuatione humorum morbificorum, quam incommodum ex ea calfactione & febris auctione. Denique si purgatio in vehementia febris nocet, cur non & sectio venæ? Relinquamus Arabas qui in biliosis morbis phlebotomiam reformidant, sequamur ipsum Galen.

*Com. in part. 6. se- Etio. 2.* Is Com. in part. 6. Prorrhēt. ait resiccatos, nec rigorem, nec vacuationem insignem, nec simile quid ferre. 2. Ac exsiccatorum nomine & biliosos audiemus, & eos qui biliosissimis & siccis morbis tenebuntur. Pleuritides maxima ex parte biliosæ sunt ex Galen. Quum ergo siccus sit morbus bifariam, & ratione *ὑπάρξεως*, & quia sæpe nil excernitur præsertim initio, & febris juncta est, affectus & siccus, & siccans, an locus erit vacuationi per phlebotomiam? Præterea si ex Hippocr. in mulieribus biliosis etiam naturalis mensium eruptio formidabilia affert symptomata, ut ipse eo loco docet, frequens sectio venæ conferet? Quamquam in Comment. in Aphorif. 23. lib. 1. in biliosis & ardentibus febribus non reformidat sectionem venæ, etiam ad leipothymiam usque Galenus. 3. Ad superiora uno verbo respondebimus. Omnis inflammatio facile juvatur & tollitur sectione venæ. Nil enim est quod tam facile refrigeret corpus, & inflammationis occasionem tollat. At pleuritis inflammatio est. Quod autem medicamentum daretur, illud suo calore febrem & augebit & corpus siccabit, & vix de inflammato loco quicquam educet. Quum dicit minus auxilium a sectione afferri, sed securius, illud intelliges de inferiorum costarum inflammatione. Nam si de inflammatione superiorum intelligeret, hoc falsum esset. 4. Non enim liber est exitus ad excretionem materiæ per partes infernas. At quum pleuritis inferior est, quum fiat à congestione potius, & quæ infra diaphragma sunt purgatione per inferiora potius exigi debeant quam alia arte, libero etiam existente exitu, potius ad catharsin accedendum est. Sed ignoratione naturæ ejus qui purgatur, & metu incrementi febris vult nos impediri ne tam audacter purgemus, ac venam secemus. Jam vero hoc loco statuendum est purgationi potius intendendum esse in pleuritide & dolore occupante nothas costas, si tria illa animo comprehenderes: Si medicamentum non sit perturbans & calfaciens multum, si febris non sit intensa: si inflammatio non sit magna, sed potius dolor a congestione quadam humoris. Unde graviter hodie peccatur ab iis qui festinanter nimis audito nomine doloris ad latus ( ubicumque is dolor sit ) statim ad sectionem venæ confugiunt. Immo etiam si nulla adsit febris, aut exigua, etiam audacter venam secant, persuasi illa sententia Galeni superius adducta, quod securius sit remedium phlebotomia, minus tamen auxilium. At nosse debent illas condiciones quas attulimus, & quas nisi noverint, non sunt digni medicorum nomine. Itaque quemadmodum tardos nimium esse non oportet in sectione venæ celebranda, ita festinatio probro est. Multi enim dolores



dolores pleuritici mentiuntur, in quibus aut solum fomentum, aut leviuscula purgatio abunde erit: ut ita in humano sanguine fundendo liberaliores non simus. Nec nos ad sectionem venæ iterato immo pluries faciendam incitabit impuri sanguinis effluxus: Quod plerisque occasionem porrexit celebrandæ phlebotomiæ sæpius, & virium frangendarum non sine magno vitæ periculo.

Aperto cadavere ægri nostri ren sinister plane putris & corruptus reperi-  
tus est. Inventi duo in vesica calculi, qui suppressioni urinæ in progressu morbi occasionem dederant. Morbi mortisque causa erat hæc: Pulmo erat admodum amplus, thorax angustus. Semiputris erat pulmo: Et ita contumaciter ad latus dextrum adhærescebat, ut vix avelli potuerit. Abscessus in ea parte erat. Et sua mole & magnitudine ad nothas fere costas descenderat. Erat inflammatio mediæ partis pulmonis, præsertim ejus quæ abscessum fovebat. Adacto cultello chirurgico putris & foetens sanies manavit, cujus portio dum decurreret per membranarum continuitatem, dolorem excitabat: & quum esuebat, dolor cessabat. Ut mirum non esset, si modo pars doleret, modo non doleret. Et quoniam osculum alvi medium diaphragma transcurrit & secatur, dum per gibbas diaphragmatis serum decurreret a parte putrefacta manans attingeretque osculum ventriculi, non mirum si dolorem in ventriculo sentiret, ac si in capacitate ejus malum foret. Quamquam non erat inflammatio in ventriculo; tamen adeste videretur. Hippocrates in libris de morbis falsæ, ementitæque illius pleuritidis descriptionem facit: *Fiunt suppurati si a capite delapsa pituita ad latus agglutinata fuerit & putruerit. Tunc enim latus ut plurimum inflammatur & patitur eadem quæ & ex pleuritide suppuratus.* Et quod de pituita a capite delapsa, dicit Hippocrat., idem potest audiri de pituita cui localis est in pulmone generatio, maxime vero in senibus, aut quibus pulmones non bene perspirant ob crassitiem, ut in quibusdam visum est, quorum pulmonis substantia caseo duriusculo erat assimilis. Aut propter immoderatam vitæ rationem. Quod huic ægro nostro contigerat. Nam majorem suæ vitæ partem in venando occupabat, in cibo & potu, quum nulla vitæ ratio ejus animum alio revocaret. Inter cetera hepar erat maxime vitiatum, & præsertim pars ejus superior erat friabilis, & ὑπολαΐδους. Actum Calend. Febr. 1575.

Lib. 1. de  
Morbis.

## A N N O T A T I O N E S.

1. Hip. lib. 2. de morbis mulierum, ait fulvum fluorem mulieri evenire quum exhaustus per alium fluorem sanguis biliosus sit: unde patet evacuationem sanguinis bile facere humores, & reliquum quod adest. Sic in biliosis pleuritidibus frequens sectio non confert. Et ut dicam conferre nunc ad malum urgens, dum biliosior est factus sanguis, major est in pleuritici incidendi occasio.

2. Si Arabum opinio valeret, minus tuto in pleuritidibus vena secaretur, quod omnes fere sint biliosa declarat periodus. Immo Hippocr. lib. de locis in homine nomine bilis pleuritici intelligit.



3 Hippocr. part. 74. lib. 4. acutor. in pleuritide sanguinem ad leipothymiam mittit, si dolor acutus fuerit. At acutiem morbi bilis facit. Ergo presente bile leipotymia sectione induci potest. Gal. non probat omnino illud Hippocratis, aut quidem plus sanguinis vacuari debere quod dolor sit acutus, sed quod liberius sinamus fluere, non ab acutis sumitur indicatio, sed si vires valent, si etas floruerit, sanguis abundarit, laborantis natura densior, & minus perspirabilis si consentit tempus anni.

4 Manardus ea de re disputavit copiose satis Epist. 5. lib. 12. Sed & locus est apud Galenum in arte parva ubi scribit, ubi corpus plenum est universum per partem affectam vacuandum non est: quo ex loco possis reprehendere sectionem venæ quæ fit in pleuritide corpore universo pleno, aut quum pleuritis per regurgitationem sanguinis fit ab hepate. Tunc enim ἀντιπνοῦς necessaria foret; hunc locum adduxit Scaliger in comm. de insomniis docens sectionem quæ fit in parte opposita necessariam esse. Vide Com. Akakia in locum prædict. Idem Akakia com. in lib. 2. ad Glaucon. difficultates istas proponit constanter defendens opinionem de sectione venæ ex eodem latere. Sed mihi videtur falsum attexere, quod inflammato utero sit potius demendus sanguis ex malleolo.

## CONSILIUM XCVIII.

### De Ischiade.

**D**UOS exercuerè dolores ischiadici, alii quidem oborti per humoris ἀποθέρσις sub finem febris longæ: alteri vero media hieme per decubitum materiæ in musculos natium. Atque ad utriusque dolores compescendos, tum ad causam morbi amovendam, multa remedia sunt instituta, inter quæ nonnulla huc transtulimus.

℞. Massæ pilul. de agar. cocciarum, & sine quibus an. ℥ j. malaxentur cum infusion. ℥ j. turbith. gummosi. infusi in hydromel. cum zingib. fiant pilulæ.

Item ℞. pulveris diacarth. ℥ iiij. pul. aromat. rosati, & triasantal. an. ℥ j s. cum sacch. soluto in aqua cuscute infusionis. ℥ iiij. foliorum senæ mundatorum. fiat elect. per lozangas.

℞. Summitatum fœnicul. aneth. & centaur. minoris. an. p. j. baccarum lauri. ℥. s. seminis anisi & cumini. an. ℥. s. yvæ arthrit. hyperici. an. m. s. salviæ majora. an. m. j. rad. capp. ireos, eryng. an. ℥. j. fiat decoct. infundendo agar. optimi, & turbith. gummosi. an. ℥ ij. ol. aneth. dissolu. ad ℥ ij. & mel anthosatum cum diaphœnico: fiat clyst.

Aliquando bulliant. in decoct. clysteris folia senæ: hermodactyl. pulverizat.

Apozemata ex salvia, hyssop. stœchade folliculis & agar. conferunt.

℞. Rasuræ ligni guajaci ℥. j. passul. ℥. s. coriand. ℥. iiij. infunde per horas sex in libris sex aquæ: fiet decoct. ad medias: coletur cum cinnam. capp. ℥ 6. mane ad sudores provocandos.

℞. Mal.



℥. Mal. bifmal. pariet. flor. chamameli summitatum anath. an. m. j. s.   
 Aninis anisi & fœnicul. an. ℥ j. fiat decoct. in sacculis in aqua & vino pro   
 fotu locorum dolentium.

Sunt qui ceroneum applicarunt ex emplastr. philagr. de melilo. ceroneo,   
 & oxycro. diachylo. alb. gummi elemj. pulv. hermodactylo. ereos & baccis lauri.

℥. Rad. alt. cacum. agrest. cyp. calam. arom. an. ℥ s. folio ebul. yvæ   
 rathr. & herba paraly. an. m. j. chama. m. j. semi. anis. fœnic. seseleos.   
 an. ℥. iij. absinth. ros. an. p. j. fiat sacculi. bulliant ad fotum.

Linatur pars oleo lilio. lumbricorum cum aliqua parte olei de salvia.

℥. Rad. camp. bryonia, sigil. beata Maria an. ℥ j. mal. bis. pariet.   
 yvæ, hyper. salv. beto. meliss. majo. an. m. j. chama. p. j. rad. cyp. cala-   
 mi arom. schoœnuanth. an. ℥. s. seminis lini. alth. & fanig. an. ℥. s. fiat   
 decoct. pro fotu.

℥. Eadem materialia pistentur. adde facis vini ℥ iij. pone in stupis   
 comabinis macerandis in aqua vita.

℥. Rad. lilio. cocta cum vino alb. ℥ iij. axung. huma. & suill. an. ℥ ij.   
 ol. chama. ℥ ij. fiat litus.

℥. Empl. de melilo. & cerati philag. an. ℥ iij. pul. rad. ireos florent. & cyp.   
 an. ℥. s. sol. lumbrico. ℥ ij. cera nova, quod suff.

℥. Picis nigrae ℥ 6. terebinth. Veneta ℥ ij. cera nova ℥ iij. sulphuris vivi.   
 ℥ s. rad. ireos pulv. ℥ ij. fiat emplastr.

Post usum causticorum hæc sunt admota.

℥. Unguenti martiati & comitissæ an. ℥. ij. emplastr. palmei ℥. j. de   
 melilo. & mucag. an. ℥. s. ol. myrt. & irini. quod suff.

Ad confirmationem ventriculi hoc electuarium præscriptum est.

℥. Pul. elect. triansant. ꝰ ij. rasura eb. cornu cervi margarit. ele-   
 starum coral. rub. an. ꝰ j. rhub. ℥ ij. sacch. dissolut. ℥. iij. fiat elect.   
 per tabell

℥. Cassia ℥. iij. catholici & manna an. ℥ j. pulpa sebest. ℥ s. foliorum   
 sene pulver. ℥ j. cum syrup. violato. fiat opiata.

## CONSILIUM XCIX.

Pro carcinomate uteri.

**M**ULIER Xantonensis carcinomate in utero laborabat : ita consul-   
 tum est a medicis.

Purgatio sit blanda corporis per intervalla, clysteres anodynii, fatus,   
 infessus ex anodynis, injectiones in uterum ex lacte asinino, vaccino tum   
 per se, tum ex succis plantag. solatri, hyoscyami si dolores urgeant addito   
 etiam momento Philonii.

Post injectiones insuffletur pulvis lithargy. pompholigos, myrrhæ, ari-   
 stoloch. lotæ in aqua solatri & siccatae, fiant pessi ex unguento diapom-   
 pholigos inducto super linteum, & immisso in uterum per specillum ut   
 proxime contingat tumorem filo appenso, ut extrahi queat. Vitentur calidiora.

Ratio



Ratio victus euchyma . Utatur vino rubello subadstringente : Provideatur robori partium principium elect. conditis, epith. His remediis non curationem quæ sperari possit, sed paullo longiorem vitam & dolorum levationem speramus. Id apud Jo: Goræum felicem & primarium medicum fuit decretum.

## C O N S I L I U M C.

*Ad destillationem in pulmones.*

**Q**uidam difficultate spirandi detinebatur: necnon catarrhus in pulmones eum infestabat. Consultum illi est cassia & catholico in boli forma, hordeatis, syrupis promoventibus sputum & suspendentibus catarrhum.  
*℞. Rad. gram. poly. passul. gly. an. ℥ s. agrimo. beton. hyssopi semini frigid. an. ℥ ij. jujub. sebesth. an. m. 6. ficus pingues & dactyl. num. 4. florum. p. j. fiat. decoct. ad lib. j.*

*℞. Prædictæ decoct. medium infunde foliorum senæ ℥ j. infunde in col. agarici trochisc. ℥ s. dissolu. syrup. viol. & capil. ven. an. ℥. ij. sacch. candi. ℥. s. fiat ut syrup. coctus, in reliquo dissolve diatrag. frig. ℥. j. diatr. simpl. ℥. s. syrup. capill. ven. ℥ ij. fiat syrup. utend. loco lohot.*

*℞. Salvia major. flor. nenuph. an. m. j. rosarum. p. j. cinn. ligni aloes caryo. an. ℥ j. ponantur simul pro cucupha.*

*℞. Succ. bras. rub. ℥ iiij. sacch. candi. ℥ j. oxymel. ℥ j. fiat lohot.*

*℞. Rad. acor. pæoniæ, aristolo. rotun. poly. petro. aspa. an. ℥ s. foliorum beton. samb. agrimo. meliss. scolop. an. m. j. flor. stæch. rorism. sal. an. p. j. passul. glycy. thamar. an. ℥ iiij. scyllæ præparata ℥ s. fiat. decoct. in qua infunde folio. senæ. ℥ ij. s. agar. ℥ j. santal. citr. ℥. ij. rhub. ℥ s. diss. sacch. lib. j. syrup. de prassio, & de stæchade. an. ℥ ij.*

## C O N S I L I U M C I.

*De febre continua.*

**Q**uidam annos natus 20. Delphinus a multo labore in febrem incidit. Tempus erat æstivum & australe, febris insignis, corpus squalidum & macilentum. Tertio die secta vena. Sexto fluxit sanguis e naribus liberaliter: perseverat toto die ac nocte. Fit tum symptomata. Nulla arte compesci potuit. Qui aderat medicus sinebat fluere sanguinem, id e natura esse ratus. Quum tamen minuerentur vires, sistendo illi incumbitur, fit pessus in nares ex fimo asinino in oxycrato lauto, nihil non fit, sed in palatum effluxit, & ut credibile in ventriculum. Singultiebat: ac dubium erat an singultus esset ab inanitione, an a grumo sanguinis in ventriculo, de utroque suspicio erat: hoc præscribitur.

*℞. Terra sigil. boli arm. an. ℥. s. corall. rub. lapid. ham. an. ℥ i. oxy. sacch. ℥ s. cum aqu. ros. fiat potus.*

*℞. De-*



℞. Destill. restaur. lib. s. succi granat. ℥j. qu. plantag. & ros. an. unc. s. cum sacch. fiat. julep.

*Litus regio: ventriculi ex ol. rosato de absinth.*

℞. Confectionis alkermes. ℥s. diamarg. frigid. rasur. eb. coral. rub. an. ℥j. theriac. ℥s. cum syrup. granat. fiat opiata.

℞. Conserva ros. viol. bugl. an. ℥ij. diamarg. frig. ℥s. corall. ℥j. the-  
ria. ℥s. fiat bolus cum syrup. granato.

Ad nonum diem tremulus erat, delirabat, cogitabundus, melancholus, urinæ perturbatae, nigricantes, in visceribus incendium erat, & κακονίδες. Medici negabant convaliturum, ne si centies essent coctæ urinæ: alvus foetida deiciebat, nigricantia. Parotides futuræ prædicebantur, nisi hæmorrhagia avertisset. Et quid mirum circa diem 13. rudimenta parotidon apparuerunt, dolorque pone aures surgere incipiebat.

Injecti sunt clysteres refrigerantes.

℞. Aqu. ros. scabios. mornenuph. an. ℥ij. succi lymonum crudi. unc. ℥. passentur per manicam cum ℥s. santali.

℞. Unguenti rosati refriger. unc. ij. succi semperni. & lact. unc. j. contundantur omnia in mortario cum aceto ros. pro unctione lumborum, & spinæ dorsæ: Decimo septimo interiit.

## CONSILIUM CII.

## De Dysuria.

**G** Ratius querebatur de ardore urinæ & dysuria: Putabat in vesica calculum esse quod tenues urinæ, deinde subalbidae fluerent: necnon aderat desidendi cupiditas, & penis pruriebat. Retulit tum demum se prima hujus mali rudimenta sensisse quum critice post ardentem febrem multa urinæ fluxisset. Et quum ille indulgisset veneri multum, non mirum si partes illæ debiles facile ulceratae fuerint profluvio urinæ criticae. Quæ autem causa effecit plurimum, est quod diureticis sæpe usus fuerit, falso persuasus calculum esse: usu eorum provocatae urinæ & partes calfactæ ulcerari potuere, verisimile quoque parastatas suo glutinoso humore destitutos, ut facile vim transeuntis & seminis & urinæ non sustineant. Res ad catheteris fidem revocatur: Nullus lapis deprehenditur: immisso cathetere purulenta fere urina profluxit. Sic suspicio erat ulceris. Asperitates quædam in collo vesicæ deprehenduntur. Ac illud non omittendum perennem fuisse defluxionem falsæ pituitæ a capite. Quod facile irritationem in vesica excitabat. Nam facile ventriculus laxabatur: alvus irritabatur, & eodem filo in vesica stranguria excitabatur. Narrabat se nocturna seminis excretionem intolerabilem dolorem sentire, anodynis fomentis perinæi somnus conciliatus est: usu hydromelitis aquosi initio pastus & intermissione vini provisum est. Ventriculo consultum.

℞. Mastiches. ℥s. cort. citr. major. absinth. cyp. an. ℥i. j. nucis moscata, caryoph. galang. an. ℥j. Cum oleo de absinth. fiat scutum.

Item usus tabellis roborantibus stomachum ut artis est.

Magna



Magna erant argumenta ulceris aliqua in parte latentis. Tamen dicebat se numquam renes laboravisse. Imperata sunt ea quæ humores mitigarent. Aliquando excernebatur per urinas materia pituitosa lenta, ductilis & longa instar filamenti. Dominus magnus dicebat duo esse in eo incommoda, exulcerationem orificii vesicæ, & contractionem. Hæc facit ut fere indefinenter urina ad excretionem tendat, immo & involuntaria aliquando seminis sit excretio. Illa vero ut dolorem urina transitu ipso inferat. Sic censuit utendum decocto falsepar. alias, alias lacte asinino. Ad vigilias assiduas & dolores ei provisum est usu philonii rom.

## CONSILIUM CIII.

*De mola & fluore uterino.*

**N**OBILIS mulier querebatur de mola, & uterino profluvio, ut nulla esset conceptus spes, hæc sunt præscripta.

Molæ & uterini effluvii tam frequentis causa videtur nimia sanguinis humidioris copia, qua semen & ejus vis prolifica obruitur, indicio sunt menstrua copiosiora, & a molæ excretionetamquam puerperia per mensem integrum, eoque amplius fluentia. Itaque corpus siccabitur victus ratione, medicamentis, & iis quæ provocant urinas & sudores, corporis exercitatione, fame, pauciore victu, & jusculem abstinentia. Particulatim vero siccandus uterus, tum fotu, tum ceratis quæ eam vim habent, nec menses movendi. Vere & autumno uteris decoctio. rad. schinæ. Aliquando e basilica sanguis parcius adimetur. Si vero humidior temperamento videbitur, semenque habere humidius, eadem ratione victus utetur. Parcior sit venus, qua tamen commode utetur tribus aut quatuor diebus a mensum eruptione.

## CONSILIUM CIV.

*Ad animi defectionem.*

**J**OANNI RIVIERE, sine febre frequentes animi defectiones, præsertim si animo moveretur: Erat enim oxythymus, frigidiusculo temperamento præditus. Ei consultum est infuso rhei ad corroborationem ventriculi, & sequentibus pilulis.

℞. Aloes lota in aqu. endiv. ℥ ij. rhub. ℥ i. s. specier. aromat. ros. ʒ s. cum syrup. de absinth. fiat massa.

℞. Rad. cichor. ℥ i. s. fiat decoct. in qua infunde absin. pont. p. j. in col. ad unc. ij. dissolv. vini alb. unc. s. fiat potio arom. cinn. & dulcorata.

*Data opiata ex confectioe Alkermes & conservis.*

*Fotus est ventriculus decoct. solenn. herbarum stomachicarum.*



## CONSILIUM CV.

*Ad facilem uteri gestationem.*

**M**ULIER ægre ferebat quod uterum gestare non posset, ei post purgationem totius corporis iis remediis consulitur.

℞. Galiopseos. matricar. calamenti, puleg. an. m. j. major. p. j. cyp. calam. aromati. an. ℥ j fiat decoct. pro fotu, vel semicupio.

℞. Picis cedrina ℥ iij ladani, stiracis calamitæ, benjoing. artemis. & florum melilo. an. ℥ j. cum ol. & cera fiat empl. pro ventre & osse sacro.

Contineat se in lecto, & utatur syrup. capil. vener. cum decoct. artemisia & galiopseos aromat.

℞. Galanga & ammo. an. ℥ j. involvatur baculus crassus ad longitudinem sinus uteri: ex iis solutis cum cera & pulvere majorana fiat pessarium.

## CONSILIUM CVI.

*Pro ulcere in regione pubis.*

**N**OBILIS mulier Xantonensis annos nata 40. laborabat ulcere in regione pubis. Aliquando foetens materia instar facis excernebatur illac. Quum hic tumor & ulcus multis de causis oriri possit, vel in ipsis inguinum glandulis, vel ab intestini, aut omenti prolapsu, vel ab utero in eam incumbente partem, vix resciri potest unde hoc sit, quum non rescriptum fuerit an ante tormina præcesserint; an menses suppressi fuerint. Itaque nullis apparentibus signis, aut male affecti uteri, aut intestini majoris, aut ilei, verisimile est in inguen prolapsam esse cæci intestini apophysin, quæ tandem computruit & sinum effecit: Ea apophysi ita affecta non est necesse ea sequi symptomata quæ consequi solent in aliorum, aut tenuiorum, aut crassiorum intestinorum affectu, ut sunt volvulus, alvi profluvia, vomitiones. Remedia non alia sint quam quæ ad detergenda ulcera conveniunt, ut sunt injectiones frequentes, immo & usus lactis asinini. Si male affecti uteri signa aderunt, huic providendum.

## CONSILIUM CVII.

*De urinae incontinentia.*

**V**IRGO jam matura viro urinam continere non poterat, quod i parentibus valde molestum erat: Ea arte illi occursum est. Abstineat omni jusculo, præsertim in quo radices ureticæ inerunt. Institutus syrupus laxativus ex agarico, folicu. & rheu. additis in decoct. myrobalan. addito quoque syrup. rosarum pall. & addita in coquendo plantag.



℞. *Salvia major. orig. calam. primæ veris, lavandula, ruta, an. m. j. acori cy. an. ℥ j. flor. chamem. p. j. absinth. p. j. medii corticis quercus & balaust. an. p. j. fiat saccu. qui bulliat in aquis partibus vini adstring. & aqua fabror. foveatur extremo pars spinæ.*

℞. *Ol. costini, & ol. samb. an. ℥ j. s. de hyperico. ℥ 6. pul. cyp. ireos florent. an. ℥ ij. pul. balaust. ℥ s. fiat litus. Item valet emplastr. contra rupturam.*

℞. *Ossium omnium myrobal. assatorum & exstinctorum aceto. an. ℥ j. seminis nasturt. coriandri preparati exstincti succo omphacii. an. ℥ i. s. ambra citrina, cupul. gland. nucis cupress. an. ℥ iiij. cum sacch. suff. fiet pulvis adde cinn. & corall. rub. an. ℥ j. pellicula interioris stomach. gall. ℥ iiij. utetur jure lentium coctarum.*

*Utatur clysteribus ex carminativis cyp. acoro, calamo arom. sal. majorana melle anthosato, & confectioe hiera.*

### A N N O T A T I O.

*Ea de re caput ab Hollerio conscriptum est cap. de iis qui noctu permejunt lectum, lib. de compos. Medicamentorum.*

### CONSILIUM CV.

*Ad visus imbecillitatem.*

**C**UIDAM annos undeviginti nato non ita acutus erat visus, sed in rem intuenti acrius imminuebatur, sentiebatque tenebricosum quid ob oculos obversari: Quod potius ad vitium ventriculi cruditate laborantis relatum est. Itaque his remediis providetur:

℞. *Specierum hiera picrae dupl. aloe, massæ pilul. sine quibus. an. ℥ j. fiant pilule cum aqu. euphrag. utatur sæpe drageta communi a pastu.*

℞. *Aqu. fœnicul. chelid. ruta. an. ℥ 6. aqu. ros. & berb. an. ℥ j. misce pro ablutione oculorum.*

℞. *Seminis fœnicul. aceto macerati & exsiccati. ℥ j. pulv. euphrag. coriandri prepar. an. ℥ s. cinnam. & mast. an. ℥ j. seminis end. mel. & citrii mundati. an. ℥ ij. diarrh. abb. & diamarg. frig. an. ℥ j. sacch. ros. quod suff. fiat pulvis utend. a pastu.*

*Frictiones capitis, cucurbitula, jussus mandere caryophyl. zedoariam, fœniculum dulce.*

℞. *Specierum aromat. ros. ℥ j. seminis fœnic. dul. pulveris euph. an. ℥ j. cinnam. ℥ j. macis gra. 4. sacch. ℥ iiij. fiat pulv.*



## CONSILIUM CVI.

*Pro quodam qui jam per tres menseis integros laborarat, ut tantæ diuturnitatis causa in medicos tacite referretur.*

**D**UO maxime hoc loco quærentur, quæ tam diuturni hujus mali causa esse videatur: & an ars nostra tantum possit, ut qui morbus, tum ratione sui, tum ex eventu forte protractus est, is brevior artificio nostro reddatur. Nam hoc videmus in tacitis eorum qui huc venire, & qui ægro adsunt, aut amicitia gratia eum invisunt, eo maxime animo ut si aut re, aut alia ratione juvare possent, id ipsum lubentissime præstarent ne amici deessent officio: tacitis, inquam, animis, & mirum & latens esse, ut frequentiore & crebriore medicorum, & coitione & consilio promptius aliquod diuturni languoris præsidium expectent. Quasi factum sit, aut incuria medici qui quotidianam diligentiam præstitit, aut artis defectu, ac impotentia, ut qui morbus & specie, & natura longus futurus erat, talis forte redderetur. Ac primum & veterum auctoritas, & ratio ipsa, & medendi usus jam confirmavit necessario morbos existere chronicos, in quibus potius ægrotantis miseri patientia tolerantiaque leniendum est desiderium, quam ut se sinat flagrantiore sanitatis (cujus absentia extabuit pene ac afflictus est) cupiditate languescere ac consumi. Ut iis contingit qui rem aliquam voluptate impulsæ depereunt, tantoque magis affliguntur ac languent, quanto idipsum quod tantopere expetunt, longius abesse opinantur. At iis minuenda levandaque opinio. Quum Hippoc. scribit, *Natura morborum Medici*. Duo maxime proponit, & in morbis plerisque naturam cum arte concurrere ad oppugnationem morbi, & etiam sine arte, idest, sine artis manifesto ministerio, naturam morbos tandem evincere ac superare. Non quod hoc de natura elogio Hippocrates artis medicæ dignitatem offendant, aut tollat, sed ut & naturæ & arti, duobus morborum oppugnationibus, quæ debetur in evictione morborum gratia referatur. Nam si sola hæc natura morbis mederetur, cur tot se fregisset laboribus in arte excolenda quæ multis profuit? An tamquam quid fortuitum, & in fortunæ inani conatu positum? Scio enim id quod a Celso scribitur: *Quum in morbis multum & fortuna conferat, eademque sæpe salutaria, sæpe vana sint, dubitari potest secunda valetudo medicina, an corporis beneficio contigerit. In his quoque in quibus medicamentis maxime utimur, quamvis profectus evidentior est, tamen & sanitatem, & per hæc frustra queri, & sine his reddi manifestum est. Sicut in oculis quoque deprehendi potest, qui a medicis diu divexati, sine his interdum sanescunt. At in ea parte, quæ manu curat, evidens est omnem profectum (ut aliquid ab aliis adjuvetur) huic tamen plurimum trahere.* Et Aetius disputans de melancholiæ hypochondriacæ curatione & essentia, monet, ut sæpe desistamus instituto; utpote operam ludentes & temere validis medicamentis nullum operæ pretium afferentibus miseros ægros fatigantes & vexantes. Ut jam infinitorum morborum cura relinquatur, magno medicorum dedecore: Immo & plerique con-

6. Epid.  
part. 1.  
sect. 5.

Cap. 1.  
lib. 7.



tumaces morbi magna cum eorum vituperatione, medicorum vocentur opprobrium: ut jam in iis tantum morbis sese jactent venditentque medici, qui sua sponte soloque naturæ adminiculo facile sanarentur. Sed quorum morborum abstrusior est cognitio & paullum ardua curatio, eos pro derelictis & conclamatis habent: in quibus tamen ( si quis artis medicæ, & honos, & usus, & profectus esset ) suam industriam & acuere & explicare deberent. —

Atque idem fere medicis contingit quod & navium gubernatoribus. *Qui navem regunt in tranquillitate, si forte aut deficiant, aut delinquant, non sunt manifesti: quum vero deprehenderit ipsos ventus & tempestas, palam jam conspicui sunt omnibus hominibus quod & ignorantia & culpa erroris sui navem perdiderint. Sic sane & multi mali medici quum curant homines nil grave patientes: in quos etiam si quis graviter delinquat, nil grave faciat. Sunt autem multi tales morbi, & multo sapius quam graves hominibus accidunt. In talibus sane delinquentes non sunt manifesti hominibus idiotis: ubi vero obtigerit magnus, & fortis & periculosus morbus, tum ipsorum delicta, & ars omnibus in conspicuo sunt. Nec enim longe absunt singulorum*

Hippocr.  
lib. de  
veteri  
medici-  
na.

Aetius  
cap. 10.  
Tetrab.  
2. serm. 2.

*pœna ac cruces, sed brevi adsunt. Hæc Hippocrates. Atque his docet & artis vim, & medici industriam maxime elucere in magnis morbis, quum & leves morbi facile per se ipsi sanescant, & si quid in iis satagat medicus nullum tamen operæ pretium faciat, quum nulla hic artis vis vigeat. Atque Aetium loco prædicto audiamus: Multi melancholici ex efficacioribus vomitoriis male habuerunt. At proinde operæ pretium est nosse, quod multi sic agrotantes in tempore curationis parum commodi perceperunt. Dimissa vero curatione restituti sunt, natura ante curationem prævalente contra morbos debiles ex medela factos. Quapropter naturæ remissionem dare oportet. Videtur enim una cum curationibus affligi: in quiete vero invalescere & superare morbos jam attenuatos. Quum itaque morbi, aut breves, aut longi sint, & in brevium curatione nil habeat quod ostendet medicus præsertim si leves sint, quum etiam solus sudor extemporaneam afferat medelam, longi autem solo naturæ adminiculo tollantur: immo plus sæpe ars ipsa officiat quam profit: videndum an non casu & fortuna sanitas contingat. Ac primum: idem olim in artem medicam omnium præstantissimam & apprime ad humani generis salutem facientem conjiciebatur quod & nunc. Nam primum quod desperatis salus artis ope restitui nequeat, id vitio arti tradunt: quod autem restituantur aliqui, id a fortuna pendere contendunt. Ac si cæcus & temerarius fortunæ conatus in hac maxime arte spectetur: Hippocr. a talibus convitiis artem, utpote innocentem, quibus olim illam verberabant, vindicavit. Ego, ait, non privabo fortunam tamquam nihil operæ pretii afferat. Puto enim morbis qui male curantur infortunium accedere, qui vero bene, eos bonam fortunam nancisci. At eo loco multam commendationem arti attribuit, quam ipsi fortunæ detrahit. Alioqui agris laborantibus erat ad fortunam confugiendum, non ad artem. Contra tamen faciunt: ac sic orationi factum dissonat. Idem Hippocr. superius dictum amplius confirmat: Non est quod amplius aliquis eorum qui sine medico convalescerunt casum spontaneum vero sermone veho-*

de Arte.  
Hipp. lib.

Ibidem.

*re.*



re possit tamquam sanationis causam. Spontaneum quidem nihil apparet ac deprehenditur. Omne enim quod fit propter aliquid fieri comperitur: atque etiam in singulis adeo propter aliquid fieri videtur, spontaneum autem nullam essentiam habet, sed nudum nomen est. Medicina & essentiam habet, & de industria aliquid agit. Et alio in loco præclarius multo docet: Medicina tota inventa esse dicitur quæ sic habet & docet singulas consuetudines & occasiones. Qui sic medicinam novit, minime fortunam respicit, aut exspectat, sed & citra fortunam, & cum fortuna recte facit. Constans enim ac firma est medicina, & doctrina in ea optime compositæ minime fortuna egent. Nam fortuna sui juris est, & nullius imperio subest, nec optantis est ad eam pervenire. Si enim morborum medicamenta clara sunt, non exspectant sane fortunam ad sanandos morbos.

Lib. de  
locis in  
homine.

Sed est ubi medicus fortuna uti videtur, est ubi non videtur; Ut si quum dat pharmacum ad unum finem tendens, & duo sequantur felices exitus, fortunatus dicitur: Contra si dum datur medicamentum iuste & legitime, & loco & tempore præscriptum, & in purgatione ipsa casu forteque vena rumpitur, aut abscessus, quum hoc minime medicamenti viribus tribui debeat, tamen δυσυχία, dicitur infelixque eventus. Quæ omnia plenissime ab Hippoc. describuntur in libris de morbis, & sub finem libri de locis in homine.

Lib. I.

An fortuna partes aliquas in arte medica teneat disputatum est eo modo quo Galenus dicit fortunam: Sape medico non contemnendam acquirenda laudis occasionem porrigere, quatenus ob imperitiam vulgus medicorum uti nescit: Nunc duo breviter explicanda sunt, prius an artis defectus sit aliquis quod deploratis morbis nil opis adhiberi possit, posterius est ut quæramus de morborum longitudine, & cur ars ipsa non possit sæpe cursum tam diuturni morbi intercipere, quin aliquando annui, aliquando septennes morbi reperiantur. De priore Hippocrates abunde egit contra artis medicæ juratos capitalesque hostes, qui illius artis, quæ tot ante sæculis exulta, salutarem hominibus opem adjunxit, laudes obterere ac labefactare etiam Hippocratis ætate conabantur. At εἰρωνικῶς Hippocr. in eos invehitur, dum ait, Qui ideo rejiciunt artem medicam quod ea victis a morbo suppetias non ferat, si medicis indignarentur quod ipsorum talia dicentium, ut delirantium curam non habeant, magis hercle merito succensere debeant, quam justam artis reprehendenda occasionem habeant. Si quis enim ab arte potentiam in ea quæ non proficitur, requirat, aut a natura facultatem in ea ad quæ nata non est exigat, is ignorat insaniam potius dementia quam ignorantia convenire. Quare artis vim magis ex merito admiremur, si quem ex clandestino morbo agrum restituat, quam si impossibilibus & desperatis opem aliquam ferre studeat. De priore fatis hæc sunt. Nunc ad posterius.

Cap. ult.  
lib. 5. de  
locis aff.

Lib. de  
Arte.

Hippocrates mirus brevitatis auctor, sed magnarum & sublimium rerum & adumbrator, & scrutator, passim duos humores constituit, bilem & pituitam, & eos, τὰ συγγεγονότα vocat: hujus hæc sunt verba, ἡ μὲν χολὴ ἐπὶ τὸ φλέγμα γινομένοις τι συγγένεται, & ἔστιν ἐν τῷ σώματι καὶ πλέον καὶ ἔλασσον: idest, nascentibus nobis & bilis, & pituita congenerantur, suntque in corpore plus minusve.

Lib. I. de  
morbis.



Eosdem humores solos duos statuit aliis quoque locis. Libro quarto de morbis quatuor *τὰ συγγεγονότα*, constituit bilem, pituitam, sanguinem, hydropem, sive aquam. Galenus com. in Aphorismos dictum illud Hippocratis de duobus humoribus interpretatur: immo nomine *τῆς χολῆς*, omnes fere humores laconice intelligi docet. Eandem sententiam libri de morbis adumbrare videtur in epidemiis dum ait: *Si hominem calor corripit, non a bile aut a pituita, sed a lassitudine, aut alias febriat, aqua multa irrigato &c.* Ac si Hippocr. omnem morbum humoralem, aut a bile, aut a pituita nasci doceat. Sed non abs re hoc scripsit Hippocrates. Nam quum videret morbos omnes aut breves esse, aut longos, duo statuendi sunt humores qui illorum morborum causæ ac principia existunt. Non quod adeo jejuna fuerit Hippocr. ut præter duos illos nullum alium subesse docuerit. Verum ut experientia manifestum facit omnis mos, indoles & ingenium morborum, aut pituitam, aut bilem facile resipit.

Nam sanguis facile in bilem degenerat, immo & videtur Galenus dicere pituitam, per putrefactionem bilis naturam redolere: succus autem melancholicus & pituita aliquid habent *συγγενές*, ut Galenus demonstrat in Aphor. com. Itaque qui duos humores constituit, aliorum vim quodammodo adumbrat, & satis indicat duo summa morborum genera, unum acutorum, alterum longorum. Atque illorum *κρίσις* est & repentina mutatio litisque contestatæ diremtio, horum vero *λύσις*, ut in libris de crisis demonstrat Gal. Itaque ex humorum natura qui interna sunt insitæque nostræ generationis principia necessario statuere oportet morbos longos, alios breves. Ut omnem vim naturæ generationisque primordia adimere conentur, qui omnes longos morbos, aut breves omnes esse posse credant. Sic humorum vis ipsa & natura pro morborum varietate pugnat. Atque Gal. & Hipp. ex humorum varietate duo ista summa morborum genera duxerunt: *Morbi acuti sunt, ait, quorum natura in humoribus calidis consistit, qui vel æqualiter per omnes partes animalis fusi sunt, vel aliquam partem obsederunt. Morbi vero longi ob lentos, crassos, ac frigidos humores sunt qui non facile concoqui possunt, & in partibus patientibus impatti sunt. Ita ut eorum dispositiones magis præduris tumoribus quam inflammationibus similes existant.* Deinde subdit, morbos istos longos, aut atræ bilis, aut pituitæ naturam habere. Porro illud verum, quod scribit Galenus omnes morbos diuturnos frigidos esse: quamquam in Epidemiis quosdam affectus calidos diuturnos esse docet, & qui successu temporis conquiescant, ac præsertim ætate senili. Atque hos affectus, *νέσος συντρόφος* vocat, nomine *τῆς νέσος*, generalius sumto, quemadmodum & ab ipso Hippocrate fames morbus appellatur. Immo generaliter, quicquid homini molestiam ac tristitiam affert, id morbus vocatur. Affectus autem isti diuturni & calidi, tamen sunt renum passionibus calidæ & hemicranie calidæ. Quamquam maxima ex parte succus frigidus morbos longos facit, calidus breves. Quod & Galenus explicat, dum docet quid Hippocr. nomine veteris doloris aut recentis cranone oborti velit. Itaque jam apparet quomodo ex parte humorum qui morborum sunt parentes & causa materialis, alii morbi sint longi, alii breves



breves. Eodem pertinet ætas, tempus, regio. Nam hieme etiam omnes hu-  
mores pituitescunt. Immo ex Hippocrate si medicamentum etiam quodvis  
hieme dederis, pituitam multam eliciet, tametsi cholagogon sit, ob domi-  
natum humoris illa tempestate, hinc qui in eam incidunt morbi, longi  
sunt, tum quia materia est contumax, tum quia vires ad tantam diutur-  
nitatem ferendam sufficiunt. Sed præter humores qui causæ sunt aut bre-  
vitatis, aut diuturnitatis morborum, est & alia causa potentissima, nem-  
pe διαδεσις quædam in partibus, quam efficere potissimum vult Galenus  
relapsum, & circuitiorem morborum.

Lib. de  
Natur.  
humana.

Apho. 25-  
lib. 2.

In fine  
lib. 2. de  
differ.  
febr.

Unde tametsi omni arte curaque effeceris, ut humores pellantur, nihil  
tamen præstiteris nisi dispositio ipsa penitus sublata fuerit. Ut mirum sit  
cur post diuturnum profluvium quo omnis corporis sentina exhausta est,  
febres etiamnum maneant æque pertinaces ac ante. Adeo magna vis ip-  
sius διαδεσις, ad alendum fovendumque morborum semen. Ac propterea  
plerisque visum est tantæ in febre quartana diuturnitatis causam non ali-  
unde petendam quam ex cancrosa dispositione in corpore lienis. Nam quas  
quartanas solus humor melancholicus accendit, eæ non sunt ita diuturnæ:  
Sed quum lienis ipsius temperies est mutata, citra inflammationem, aut  
scirrhum, aut obstructionem (quod de hepatis κακοπαγία, docet Galen.)  
mirum quam protrahantur affectus ipsi. At quum non sit in manu medici  
situm, istam aut partis διαφθοράν, aut διαδεσιν, aut notam quæ elui non  
potest, & quæ lanis assyrio colore tinctis similis est, tollere (ut de alte-  
rato cerebro loquitur Gal.) non est quoque in potestate illius ut morbos  
inde natos, fautos, productos & altos tollat. Immo ne impediat sæpe,  
quominus aut septennis, aut septimestris morbus fiat. Itaque non humo-  
ri hæc morborum tædiosa prolixitas, non naturæ, non artis impotentia  
tribuat, sed isti partium διαδεσις, quæ fomitis instar & alit & fovet &  
renovat morbos fere extinctos.

Cap. 2  
lib. 5.

de loc. aff.

Com. in  
part. ul-  
timam

lib. 1.  
Prorrh.

## ANNOTATIONES.

1 Ideo Hippocr. lib. 2. Aphor. monebat omnia secundum rationem agen-  
ti &c. Et Galen. apte ad hunc locum, ut quum gutta lapidem ferit, vix  
est in lapide sensibilis passio: sic in crudis coctuque difficilibus dispositionibus,  
in quibus quum aliquid sit cum ratione, non desistendum.

2 Id fortassis mirum fuerit, sed Galen. idem demonstravit, comm. ad  
part. 17. sect. 2. lib. 1. Prorrh. Ubi docet non proficere quicquam humorum  
evacuationem, quum jam morbus inductus est.

## CONSILIUM CVII.

De Febre quartana arthritide & variis affectibus.

JOANNES FORMAGEUS dum juvenis, esset valde famelicus erat  
& ciborum appetens. Vix famem satiabat. Observarunt primarii medi-  
ci eos, quibus aut imbecillus est lien, utpote non satis officiose expurgans



hepar, aut putris, voraces esse ac veluti voulimo quodam generaliter dicto occupari. Ac revera hic de quo nunc agimus splenicus erat, corpore & habitu melancholicus per adustionem, sed tamen moribus & animo satis festivus & hilaris. Sed litteræ illæ interiores, quibus vitiosissima etiam natura potest emendari ( exemplo Socratis, ) illum ad istam æquitatem & hilaritatem traducere potuerant. At febris quartana longa qua detentus fuerat, & dolor fixus ad hypochondrium sinistrum, & apertio cadaveris satis testantur quale in liene vitium fuerit. Vix enim quis diuturna febre quartana, & nulla arte medicinali detinetur quin vitium sit in liene, & antecedens, & consequens. Antecedens vero vitium infirmitatem, aut in substantia ipsa aliquid latens & contra naturam quod congenerem affinemque morbum accersat, pariat, alat, foveat, & in multos dies ac annos etiam deducat. Si enim quamdam congestionem, humoris melancholici sustuleris, quæ autumnalis, aut hiemalis quartanæ febris auctor esse potest, fere fit, ut diuturnæ quartanæ focum habeant in liene, sed tanto diuturniores fiant, quanto vitium est interius, ut totius substantiæ esse dicatur morbus, & κακοπραγία, contingat in parte ipsa. Consequens autem vitium voco, illud quod sequitur ex longa obsidione & occupatione ipsius partis. Nam non potest fieri ut morbus aliquis in parte diutius stabuletur, quin partem ipsam in qua residet infirmet officiatque, immo deteriorem faciat quam antequam morbus ipse eam occuparit. Dolor autem qui illum sæpe affligebat in sinistro hypochondrio, satis indicabat subesse quippiam contra naturam. Si verum illud quod scribit Hippoc. *Ubi dolor & calor, ibi morbus*. Et quum cibum ingesserat, conquiescebat dolor. Sic enim credebatur esse ab inanitione, quod ingestio cibo mitesceret. At palliativa & fictitia ista erat doloris sedatio. Atque eo modo multa fiunt & adhibentur quæ dolorem leniunt, quum tamen ea non sint legitima illius doloris sedandi remedia. Sed id fit κατὰ τὸ συμβεβηκός. Aperto autem cadavere putris & semilacer inventus lien, & in magnam molem excreverat, sed corruptione propriæ substantiæ in partes veluti minimas concisus & semirofus videbatur. Præter autem naturale & insitum ipsi lieni vitium, quod corpusculum istud in tantam corruptionem adducere non poterat, sed juvare tantum, causa erat προκαταρκτική, quæ noxam magnam intulerat ipsi lieni. Nam quum forte in equum conscendisset, ut eum fingeret & moderaretur, artis equestris parum peritus tanta vi ab equo depressus ac decussus est in solum, ut mirum fuerit cur repente oppressus non sit. Inciderat in latus sinistrum, & pulmo & lien vitium ceperant. Nam lobi pulmonis sinistri adhæserant costis, & in liene sanguis concretus erat qui e propriis vasis effusus, tandem ruptis tunicis quibus concludebatur, inopinatam mortem eo quo dicemus modo, intulit.

Ad medium mensis Martii dolere cœpit pedem dextrum, revera arthritis erat, eaque residua ex febre illa quartana de qua paullo ante dictum est. Nam narrabat se diuturnitatis suæ febris quartanæ tædio affectum omnia remedia undique quæsisisse quibus posset cito ( sed non tuto ) febre ista defungi. Consultum est ut hauriret cyathum unum aceti destillati aqua diluti.



luti. Revera febris visa est exstingui. Sed vice illius totum corpus scabie est infectum, nec non ab eo tempore in magnis temporum mutationibus articularibus doloribus est impeditus. Quum ergo duos integros dies magno pedis articulo laborasset, & ad anodyna more solito confugisset, dum cessat dolor iste, paullo post de doloribus hypochondriorum, & præsertim sinistri conqueritur, in neutrum decumbere poterat. Erecta cervice spirare cogeatur. Murmur erat magnum & flatuum Ilias: dolores istos a flatibus esse putabamus, alii vero ab illius refluxu materiæ, & orgasmo materiæ antecedenti, quæ ejusdem erat naturæ cum ea quæ dolores articulares committebat. Revera autem, ut multis colligebatur argumentis, contra paradoxon Fernelii dolores isti articulares non a capite erant, sed ab interno corpore. Etenim ante docuimus quomodo cessans quartana febris in arthritin cesserit. Credibile esse putabamus quod Hippoc. in Epidem. scripsisset: *Cui intestinum in dextera parte dolebat & articularum morbo laboravit, erat quietior, postquam hic curatus fuit, erat dolentior*: Hujus in com. duas causas Gal. reddit: Priorem, quod duobus doloribus una non eundem locum infestantibus, major obscurat minorem: Posteriores, quod humorum in artus currentium impetus ad colon intestinum conversus est. Allegabatur illud Hippoc. De eo cui pollex in pede affectus tam repentinam mortem intentavit. Et de Calvo cui femur doluit & desinente femoris dolore mentis alienatio subinde est consecuta, & quarto die mors. Ac tam subita spiritus interceptio, tam subitus dolor, & impotentia decumbendi in alterutrum latus, magnam translationis symptomaticæ a parte affecta, ad ventrem suspicionem afferebat. Et revera adjuvans causa esse potuit, datum medicamentum ex Catholicone: totus dies quo datum medicamentum plenus fuit molestiarum & leipothymiarum. Quæ excernebantur erant virulenta: & istas animi defectiones, a motu istius virosæ materie esse putabamus. Vox faucibus pæne hærebat, facies fere hippocratica reddita est repente. Quod omnibus terrificum fuit. Accusabatur medicamentum innocens, quod satius fuisset secare venam quam purgare. Duabus tribusve de causis abstinendum fuisse a medicamento contendebant: prima est in generali illo proloquio firmata, quoties duorum solemniū remedium purgationis, & venæ sectionis usus incidit necessarius, a phlebotomia est auspicandum: quod quum alias ex usu esset, tum maxime in isto casu erat usurpandum. Nam inflammatio, & dolor qui aderat, & orgasmus maxime phlebotomiam postulabant. Sed inter ceteras causas orgasmus. Nil est enim quod efferos, & tumultuarie agitados humores compescat æque citò ac phlebotomia. Quod non cito, nec tam facile facit purgatio. Immo purgatio sæpe turbat humores, & motu ipso deteriores reddit. Omnis enim humor pravus motus, deterior seipso fit, dum quiescit. Ac præsertim ad sectionem venæ festinandum est, quum per vasa fluxus, refluxusque esse videtur. Quod si in ventre humor est ac veluti a massa secretus, tum per alvum, aut aliam commodam viam, apte repurgatur.

2 Alia ratio quæ nos ad sectionem venæ adducere debuerat, est illud quod vulgo observatur, in articularibus doloribus, & vomitionibus, & cholera morbo,

Part. 3.  
sect. 4. lib.  
6. Epid.

Hist. 9.  
sect. 3. lib.  
1. Epid.

Com. in  
partic. 6.  
sect. 1. lib.  
6. Epid.



morbo, dum humor est in motu, agitaturque huc & illuc, a medicamentis purgantibus magna infertur noxa, si tum usurpantur, quum humores efferi sunt, ac tumultuose evagantur. Nam rursus agitati a medicamento efferantur magis, & naturæ vis infertur, ut quæ lædatur valde ob dolores varios quos modo in hac parte, in quam repit humor, per sentit, modo in illa in quam suam tyrannidem humor illabens exercet. Immo fatiscit sæpe natura in ejusmodi purgationibus repente factis dum humor ὀργᾷ nisi exspectes sedationem aliquam & quietem ipsius humoris. Quod si tibi certo constaret medicamenti usu humorem vagantem variasque in partes deductum, in ventrem liberumque spatium impulsum iri, quo natura sese illo facile expediat, tunc tuto purgabis. Sed quia sæpe dum tu intendis avocare humorem, & in alvum intestinaque tamquam idonea & conferentia ad evacuandum loca, intruditur humor in partes inanes & membranarum interstitia, unde crudelissimi oboriuntur dolores, præclare consulunt, ut coquatur humor: idest mitigetur, reprimatur, modificetur; (nam coctio proprie dicta humorum est crassorum, non autem tenuium & efferorum,) ne impellatur, quo non oportet, & majores in ea parte excitet turbas quam ante, & vis naturæ inferatur. Propterea ita audire oportet sententiam istam. Alioqui facile quis persuaderi possit, tum maxime purgationi locum esse quum turbatur & vagabunde incitatur humor. Ideo dum in arthritide dolores implacabiles excitantur; modo in hac, modo in illa parte, propter raptum humorum, conferret (diceret aliquis) humorem purgare: non exspectare donec quiescat, quia forte sero nimis id fieret, & metus est ne dum ita fuerit effrenis humor, nobilem partem obsideat, antequam illam suo virore contaminet quam opem subsidiumque præsens afferre possis. Ratio autem ista

22. li. 2. versatur in Aphorismo Hipp. *Concocta medicari oportet, non cruda, neque in principiis, modo non turgeant.* Dum addit, *modo non turgeant*, videtur insinuare occasionem purgandi maxime dum jaçtatur humor, nec consistit. Ac si dicat Hippoc. tum maxime purgationi locum esse quum impetum humores faciunt, & dolores suo motu excitant: Nam motus iste quodammodo adjuvabit & attractionem & exclusionem. Contra si figi humorem siverimus, & tempore ad eum exigendum opus erit, & majore vi amoliendi humorem jam consistentem & fixum. Cui opinioni Galenus subscribit nos admonens, ut primo quoque tempore accingamur ad amovendos vacuandosque humores qui insolenti motu & tumultuario huc atque illuc feruntur: verba Galeni hæc sunt: *Tales humores evacuare convenit, hoc est, qui agitantur, & de loco ad locum moventur, ac transflunt. Eos vero qui sunt aliqua in parte firmati, nec alio auxilio movere oportet, nec medicari ante coctionem. Tunc enim naturam habemus evacuationi adminiculantem, &c.*

In Com-  
ment.

Atque ex hoc loco adduci facile possumus, ut in clamosis ipsis arthritidis doloribus corpus repurgemus. Tamen cavendum id est valde: alioqui dum commovebis humores, verendum est ne eos inflames, & in partem affectam incites & impellas, & consistendum in eo quod diximus ante. Si dum purgans medicamentum damus, nobis constaret mitigatum esse & quodammodo repressum humorem qui tantas in corpore excitat tragædias,



gædias, & liberos esse exitus, tuto id quidem fieret. Sed quum in artus, aut per vasa, aut per inanitates feratur, metus est ne augeatur fluxus: Ideo videndum, ut dolores placentur ( quibus infirmum corpus redditur ) quos excitat materia conjuncta, & e vasis elapsa, at tuto tum ad antecedentem concurrens. Quamquam concedimus clysmata, aut eccoprotica, non ea, quæ calore suo, & vi incitent magis humores & commoveant. Ac præsertim cunctari oportet, & a valido medicamento abstinere quum materia est valde effera nullumque pepasum admittit. Contemperanda est potius, deinde contemperata mitificataque impunius evacuabitur. Materia autem arthritin faciens ferre illius modi est. Et eo forte id sensu Hippoc. eos qui pravo utuntur cibo ægre medicamenta ferre scribit, nomine eorum qui pravo utuntur cibo iis intellectis, & qui pravy assumunt cibos, & quibus intus tamquam diarium reconditi sunt humores pravi qui nomine τῆς τροφῆς, maxime comprehenduntur Hippocrat. libro περὶ τροφῆς. Sed ista relinquamus.

Aph. 36.  
lib. 1.

Mors quæ repente ingruit non fuit ( quemadmodum putabamus ) recursus illius materiæ quæ in pede dolores excitaverat, aut suppressæ materiæ virulentæ & antecedentis commotio, sed rupta veluti vomica interiit. Etenim pulsatio erat in hypochondrio sinistro adeo potens, ut quæcumque ei hypochondrio superessent ea subsultarent: & pulsatio talis percipiebatur, qualis in abscessibus ad suppuratum tendentibus. Sed quæstio, unde collectio ista sanguinis. Eam ad casum prædictum referebamus, ut idem ei contingerit quod & Barnabæ Pantho consarcinatori, ( de quo ante ) qui apostema annum fere fovit ac aluit intus a casu inflictum, quo repente interiit. Et revera casus iste juvare potuit, & infirmitas lienis innata quæ tam diuturnam febrem quartanam foverat. Quamquam audio illum solitum esse queri de sinistro hypochondrio ante casum istum. Sed infirmitas & debilitatio partis & mala diathesis maxime effecit, ut res admodum levis, & occasio exigua tam formidandum malum advexerit. Numquam memoria nostra tam alte palpitans pulsansque hypochondrium contigeramus. Ut mirum non fuerit si ei pars hæc doluerit semper, & si ita repentinæ cladis interitusque causam intus foverit. Ac initio quidem tanti momenti rem esse non putabamus. Sed quemadmodum Galenus annotat, *In doloribus ita obortis nec precipitanter timidum, nec temere securum esse oportet.* Ac nos fateri oportet mali essentiam ignorasse deceptosque similitudine tantum. Idem de se confessus est Hippocrates, ait Celsus, more magnorum virorum & rerum magnarum fiducia habentium, quibus nimirum convenit simplex erroris veri confessio, præsertim in eo ministerio quod utilitatis publicæ causâ memoriæ traditur. Quod si cujusmodi eventus rei foret animadvertissemus, nec rem in certa desperatione positam ante novissemus, prognostico ( quod ajunt ) reliquissemus: Nec illud evenisset, magna artis nostræ quæ multis est auxilio, calumnia, quod contigit: Nam tribus a venæ sectione horis, derepente arteria vasisque aliis, ut credibile est, in lienis regione ruptis interiit. *Turpis autem est calamitas dato medicamento eodem die agrum interire,* ait Hippocrat. Idem de phlebotomia solemni remedio dici potest. Et quemadmodum præcla-

Com. in  
historia  
5. sect. 3.  
lib. 3.  
Epid.

Cap. 4.  
lib. 8.

Lib. de  
medica.  
purgan-  
tibus.

re



Cap. 26. re scribit Celsus: *Prudentis est hominis primum eum qui servari non potest*  
lib. 5. *non attingere, nec subire suspicionem ejus ut occisi, quem sors ipsius pere-*  
*mit.* Aliaque commemorabilia illic scribuntur: Sed mirum quod contigit: *Natura*  
*conabatur per vas venosum in capacitatem rejectare eum sanguinem*  
*quia sua copia & quantitate molestus erat: unde adeo intumuit induruitque*  
*ventriculus, ut saxeus lapideusque esse videretur. Sed, credo, libera non*  
*erat via qua id præstaretur. Ac plerique eructatione viscerum in ventricu-*  
*lum aut sanguinis, aut humoris a subita repentinaque morte sunt vindicati.*

Cap. 1. Atque eum in sensum ita scribit Galenus de evacuatione sanguinis ex cor-  
lib. 6. pore lienis, eaque naturali: *Lien, ait, hepatis exemplo excrementa ex se*  
loc. aff. *rejecit, itaut & vomitione melancholicum sanguinem aliquando excernat,*  
Cap. 6. li. *qui interdum per inferiora quoque decedit.* Et alio loco ita scribit: *Sunt qui*  
5. De loc. *putent nequaquam fieri posse ut sanguis vel ab hepate, vel a liene effluens*  
aff. *per ipsum evacuetur: similiter de pure ab ipsis erumpente existimant: Ve-*  
*rum per artis exercitationem utramque opinionem contemplanti mihi, visa est*  
*per ipsum ventriculum fieri evacuatio ex dictis visceribus.* Non dicit an id  
Aph. 25. commodè fiat, an non. Sed generaliter de his dictum in aphorismis: *San-*  
lib. 4. *guis quidem supra, qualiscumque fuerit, malus, infra bonus.* Tamen aliquan-  
do videmus excerni. Et juvari ægros plurimum tali excretionem, si modo sine  
ferendo: Item si non sit perennis generatio, sed tantum congestio. Quomo-  
do & Galenus docet pravas etiam urinas tum colore, tum substantia, tum  
Cap. ul- contentis laudabiles esse ob eam commoditatem quæ inde consequitur. Nam,  
timol. 5. ut ait, tales urinæ excernuntur viscere aliquo ac præcipue jecore sese re-  
loc. aff. purgante facultate sua expultrice.

At vero in dextro hypochondrio παλμός erat iste & pulsus qui aneurisma  
subesse declarabat. Itaque ne quis decipiatur eadem ratione qua nos decepti  
Vide c. 8. sumus de aneurismate, palmo & pulsatione valida in parte aliqua, paucis  
lib. quod est expediendum. Hippocratem dicunt aut numquam, aut raro in libris  
animi qui exstant meminisse του σφυγμού, eo modo quem accipimus 4, & Gale-  
mores. nus ipse accepit in longa enarratione de pulsibus: Sed quoties nomen του  
Hæc Gal. σφυγμού reperitur in germanis libris Hippocr. pro manifesta & sensibus con-  
c. 9. lib. 6. spicua arteriarum pulsatione sumitur. Sic in Ep. scribit, *Cui vena in cubi-*  
De De- *to pulsarit, insanus & iracundus est,* Græce, ἢ φλέψ σφύζει: Utitur ver-  
Hippocr. bo σφύζειν. Et in libro acutorum loquens de usu vini meracioris, ait, hoc  
sectio. 5. autem meracius sumtum παλμόν τῶν φλεβῶν, idest, σφυγμόν σαφέα facit: Et alio  
lib. 2. loco dum loquitur de iis qui plus solito comedunt, οἱ κρόταφοι πάλλονται, id-  
Epid. est αἱ ἀρτηρίαι ἐν τοῖς κροτάφοις κινεῦνται & σφύζειν, arteriæ temporum mi-  
Lib. 2. de cant & pulsant manifesto, nomine τῆς φλεβὸς ἀντὶ τῆς ἀρτηρίας, vetuste sum-  
Diata to. Et Hippocrates τῶ σφυγμῷ nomine, generaliter παλμόν continet καὶ πα-  
acut. Ca. λμῶδι κίνησιν, ut vocat Galenus in Aphorismis (ut paullo post dicemus) om-  
9. lib. 6. nemque motum cordis & arteriarum, siue is naturalis sit, siue contra na-  
De De- turam. Quamquam ut proprie accipiatur nil nomen σφυγμός, homonymon  
cretis. habet ut contra Agathinum disputat Galenus. Agathinus enim nomine  
σφυγμῷ, & pulsus proprie dictum, & palpitationem, & vehementem istum  
motum qui in furiosorum hypochondriis percipitur, comprehendebat. Et  
tamen



tamen ea in re Hippocratem forte secutus est Agathinus . Sed debuerat <sup>seren.</sup> nosse Hippocratem nondum de proprietate τῆ σφυγμῆ statuisse . Galenus <sup>puls.</sup> vero diligens scrutator doctrinæ de pulsibus , rerum distinctiones diligentius persecutus est .

§ Sed de pulsante hypochondrio , seu palpitante , nunc plenius dicamus , hujus meminit plerisque in locis Hippocrates . Proprie autem palpitans hypochondrium , vel quum pulsus percipitur a medico , aut ab ægro eo modo quo dum contingitur arteria in carpo , vel quum tumultuarie palpitatur hypochondrium , ut idem percipiatur quod in corde dum palpitatorio motu agitur vitio vel existente in corde ipso , ejusque ambiente membrana , vel aliunde elata materia subiectaque in cor . Ac primum de Sileno ; *Hypochondrii contentio submollis utrimque promissa ad umbilicum* . Gal. in comm. <sup>Histo. 2. sectio. 3. lib. 1. Epidem.</sup> de contentione illa Hypochon. & de palpitatione assidua ejusdem Hypochondrii loquens , ( nam Hippocr. addit sub finem historię , *Hypochondrii perpetua palpitatio fuit* , ) Ita scribit : *Palpitatio illa perturbationis , vel delirii signum fuit , videtur & aliqua inflammatio fuisse in septo transverso . Dum enim* , ait Hippocr. *Submollis contentio* Græce ὑπολαΐπρος , idest , ὑποκενὸς , *subvacua* , idest , *citra tumorem qui tumor adest quum hypochondria inflammantur . Sed ubi inflammatione septi transversi hypochondrium per continuitatem sursum trahitur , contenditur absque tumore .* Atque illo loco apparet hypochondrii palpitationem perturbationis signum esse aut delirii . Et hoc in acutis morbis verum est . Hinc Hippocr. in prognosticis ita scribit : *Si pulsus insit hypochondrio* , Græce , ἢν σφυγμὸς ἐνταῖν ἐν τῷ ὑποχονδρίῳ , *perturbationem significat , aut delirium* , Græce δόρυβον ἢ παραπροσύνην : pulsus intelligit perceptionem motus arteriarum , aut a medico , aut ægro sine admotione manus . Quidam legunt non pulsus , sed palpitacionem , ut legatur eodem modo quo & in historia de Sileno cui erat palpitatio in hypochondrio assidua , eaque aut perturbationis , aut delirii erat velut antesignanus & prænuntia , quam de vera palpitacione hoc non potest audiri : hæc enim a spiritu crasso & flatulento fit . Sed pulsus & palpitacionis nomine audienda vehemens & perceptibilis quædam motio arteriarum , aut magnæ arteriæ dorso incumbentis , eo modo quo in magnis inflammationibus , ac præcipue quum ad suppuratum tendunt , contingit . Nec enim omni inflammationi pulsus adest , sed si ea sit ingens , & suppurato proxima , ut ait Gal. Atque apud Galenum locus est præclarus quo docet palpitantem motum in magnis inflammationibus contingere : consentit enim iis qui istum Aphorismum ita interpretantur : *In febribus circa ventriculum , & fortis æstus , & cordis morsus , vel dolor , malum : nomine τῆ καρδιῶγμῆ* , audiunt quidam ( ait Galenus ) *crebrum & velocem cordis motum & præcipue palpitacioni similem . Ac tum extremum malum significatur , vim scilicet vitalem maximo incendio laborare .* Ergo pulsus seu palpitatio , seu perceptibilis motus arteriarum in hypochondrio delirium facile declarat & perturbationem : delirium quidem si cetera consenserint . Ideo subjunxit Hippocrates . Sed oculos inspicere oportet , &c. Sed maxime delirium significatur , si inflammatio sit , aut in ventriculo , aut in septo transverso , eaque quæ in ventriculo

*Particul. 31. lib. 1. prognost.*

*Cap. 1. lib. 3. Method.*



culo satis insignis, ut in commentario scribit Galenus. Jecur & lien, & magna arteria partes sunt in corpore quæ momentaneæ sunt, 7 & maxime magna arteria, ait Galenus, quæ si inflammata fuerint forte non illud delirium quod aut ventriculus, aut diaphragma inflammata afferunt, inducet, sed perturbationem. Quamquam si insignis inflammatio fuerit, perniciosum & letale est. Et nomine perturbationis Galen. *vult intelligi commune accidens periculosarum omnium affectionum ex quibus non modo agri, sed & medici perturbantur*: Ut delirium & insania sit quid majus quam perturbatio: sed ipsa perturbatio adest proxime ad delirium accedens. Volunt quidam perturbationem significare timorem quemdam de periculo mortis, & ipsius ægri turbationem, nempe corporis ipsius. Atque duo hic notare oportet, prius cur Galenus dixit perturbationem dici relative, & ad ægros, & ad medicos. Hoc enim ridiculum videtur: Posterius quid sit intelligendum, per verbum *ἐνέμν*. De priorē dicam. Miror cur Gal. dicat pulsum significare perturbationem, idest, ut perturbetur & æger tum animo, tum corpore, & medicus videns ipsum pulsum hypochondrii. Nam idem Galenus ridet similem interpretationem dicti Hippoc. in Prorrh. &c. *Faciei color bonus, & mæstitia multa, malum*. Subsannat enim interpretes Hipp. qui referebant nomen mæstitiæ ad medicos, & ad ægros: ad ægros quod qui colore rubro saturati sunt facile in melancholiam incidant, dum corpus perspiratione caret, ut docet Galenus *περὶ ἐξερύδρων*: & ad medicos, ut qui doleant & terreantur, quum viderint bonum colorem in ægro præter rationem. Posterius est de verbo *ἐνέμν*. Utitur enim verbo isto cum magna energia & significationis vi: Significat enim vel pulsum, vel palpitationem profundam, ut excludatur pulsus & palpitatio musculorum abdominis, qui aut pulsantes, aut palpitantes, nec delirii, nec perturbationis signum dant ullum. Præterea in tertio Epid. dum loquitur de Philista ait, dextrum hypochondrium, intro contractum est ac inclinans: & in Com. Gal. ait, Hypochondrii contentionem fieri quum septum transversum alias partes convellit: tenditur autem septum per idiopathiam & sympathiam. Per sympathiam ratione pleuritidis ob inflammationis magnitudinem, & ob nervorum ipsius tensionem. Per idiopathiam ob ipsius inflammationem. Denique inflammatio lienis, hepatis, & septi transversi eam contentionem hypochondriorum afferre solet Galeni opinione. Denique ut generaliter dicamus quoties apud Hippocratem legitur, Hypochondrium hoc vel illo modo contentum esse, in eo febrilis affectionis sedem esse oportet, ait Galen. Comment. in histor. de Hermocrate, hist. 2. sectio. 1. lib. 3. Epid. Atque sunt plerique alii loci, in quibus palpitantis Hypochondrii meminit Hippoc. ut in historia ejus qui in Dealcis horto jacebat, lib. 3. Epid. scribit, *Ad umbilicum perpetua erat palpitatio*. Et in Coacis, *Juxta ventrem in febre palpitantes, mentis emotiones inducunt; Sanguinis autem fluxio horrorem efficit. Item, dolores circa umbilicum palpitatorii habent & aliquid mentis emotorium, &c.* Ac de ægro nostro hoc verum fuit quod & in Coacis Hippoc. scribit: *Quibus præcordiorum dolores, oris ventriculi, hepatis, partium circa umbilicum, hi sanguine per alvum egesto*

servan-

Part. 14.  
lib. 2.

Prorrh.

Cap. 7.

lib. 3. de  
loc. aff.Hist. 4.  
sect. 2. li.  
3. Epid.Com. in  
hist. 8.  
sect. 2. li.  
3. Epid.  
& Histo-  
ria ultie  
ma lib. 3.  
Epid.



*servantur, non egesto moriuntur.* Quis enim dubitat quin si per venam a liene in ventriculum tendentem, aut per alvum fluxisset, sanguinis copia servatus fuisset? Atque ad perpetuam memoriam hoc est menti infigendum, quoties quis etiam dum rectus agit de dolore hypochondriorum præsertim profundo conqueritur, oportet non temere securum esse, sed verendum est de re aliqua latente. Declarat hic noster æger, & Apollonius in Epidemiis cui consuetus dolor erat ad dextrum Hypochondrium, & hic mortis causa tandem fuit, quum levi alia de causa laborasset. Nam mirantur aliqui sæpe nos levi de causa in morbos incidere: at hæc per se non est causa sufficiens: *Etenim, ait Galen. sunt quadam quæ per seipsa committere morbum nequeunt, quæ si ad corpus, morbo opportunum accesserint, totius causam morbi creduntur sustinere.*

Duo nunc restant breviter explicanda, prius de sanguine cur non conversus in pus fuerit tanti temporis diuturnitate: posterius de aneurismate. De Priore dicam, Hippocrates ita scribit: *Si in ventrem sanguis præter naturam effunditur, necesse est suppurari* Græce ἐκπονήναι, idest, φθαρῖναι corrumpi & in pus verti. Ac primum nosse oportet id quod placet Hippocr. Si umquam sanguis a propria cavitate in aliam quamcumque pervenerit, omnino est impossibile ut sanguis permaneat. Sed an necesse suppurari? Non placet Galeno, quum suppurari nomen sit unius mutationis in sanguine factæ. Itaque generalius referunt ad τὸ φθαρῖναι, idest, vitiari. Sed tribus modis vitiatur sanguis, aut enim in pus vertitur, aut livescit, aut grumescit; grumescit autem præsertim si in magnam cavitatem ceciderit. Atque non mirum si in ægro nostro non suppuratus fuerit sanguis, sed nigrefactus, & in grumos versus: erat enim magna pars ejus in amplam cavitatem elapsa. Nec necesse fuit in grumos verti quod quibusdam placere visum est. Et Galenus ait, dolor pulsans inflammationis est comes, suppuratio autem magnarum tantum inflammationum comes est. Sic sanguis in ventrem illapsus non proprie suppurat, nisi adsit inflammatio magna. Ceterum in magnis inflammationibus, & phlegmonis sanguis per minimas partes dispergitur in eas cavitates quæ sunt in musculis quas sola ratione contemplamur: sed in ecchymosi in spatia quæ vasis circumjacent effunditur, ut ait Galenus. Ac obiter ne quis similitudine vocum decipiatur, aliud est, ἐκχύμωσις, aliud, ἐγχύμωσις. Nam ἐγχύμωσις, significat suffusionem humoris non egressi e propriis conceptaculis, (unde τὰ ἐγκεχυμωμένα vocat) ἐκχύμωσις autem significat effusionem humoris e propriis conceptaculis eo modo qui dictus est. Et Galenus vocat τὰς ἐκχυμώσεις, ex vasculis effusiones & inanitiones. Sic quamdiu sanguis a natura regitur ac præsertim si in magnam capacitatem effusus fuerit, non vertitur in pus, aut aliquid simile, præsertim si inflammatio, aut ingens fuerit febris, quæ sanguini ut & humori omni facile malam qualitatem accersat, sed manet in grumos versus. Ac in ægro nostro multus erat effusus, deinde rursus aneurismatis ruptio repentinam mortem attulit. Sic iste magnus & apparens pulsus non delirium significabat, sed contineri aliquid contra naturam in capacitate ista, & arteriam dilatatam valde. Ac forte de isto ægro audiri po-

Hist. 13.  
sect. 3. lib.  
3. Epid.

Com. in  
part. 1.  
sect. 1. lib.  
3. Epid.  
Et com.  
ad Histo-  
riam de  
Silen. lib.  
1. Epid.

Aph. 20.  
lib. 6.

Galen.  
in Com.  
Aphor. il-  
lius.

Cap. 3.  
lib. 1. De  
loeis aff.

Com. in  
Aph. 20.  
lib. 6.

Et com.  
in part. 9.  
sect. 2. lib.  
6. Epid.  
Lib. de  
humorib.



*Aph. 23. ri potest Aphorismus lib. 4. Quibuscumque ex morbis acutis, ac diuturnis, sive quovis alio modo extenuatis nigra bilis, sive uti sanguis niger desubter exierit, postridie moriuntur. Sed inter ceteros locos unus est commemorabilis libro primo de morbis: Sape quibus venarum aliqua rupta est a laboribus, aut exercitiis, quum coaluerit alio tempore iterum rumpitur: Ubi vero iterum rupta est sanguinem fundit, & statim pereunt sanguinem multum fidentes, pus autem per totum diem excernentes, consimili modo pereunt. Veluti in aliis morbis dictum est. Hæc Hippocrates. Ceterum de aneurismate, aut aneurysmate cum littera y, dicendum puto, quod ad tumorum genus relatum sæpe videtur, & tamen de ejus vena essentia nondum plane constat. Galenus de aneurismate, ita agit: Quum quis secare venam ratus arteriam vulnerarit, agre confestim sanguis compescitur. Tamen si res optime cadat, perducta nimirum ad cicatricem divisione, tamen aneurisma fit. Sic ea essentia est aneurismatis, ut dilatatio vulnusque etiamnum ipsius arteriæ adsit, cute ad cicatricem perducta. Magna porro quaestio est, an in aneurismate sit dilatatio solum, pote vena, aut arteria, ob sanguinis impetum valde ampliata, ac dilatata, an reipsa sanguis e vase sensim profluat profiliatque. Et id pertinet ad ea de quibus jam a nobis actum est, dum quæreremus an necesse sit sanguinem e proprio vase elapsum, sed tamen aliqua ratione in capacitatem retentum ac cohibitum, putrescere. Si enim in aneurismate sanguis & spiritus e vase effluxit, si corrumpitur, cur non abscessum facit, & pus fit? Quæ ratio impulit Fernel. ut credat id non fieri: Credi vix potest, ait, per varicem & aneurisma ruptam apertamque esse venam aut arteriam. Si enim sanguis e vena aut arteria profiliens, non amplius illis contineretur, mox corruptus putresceret, tumorque fieret generis diversi: In quo a Gal. in duobus dissentit. Eam esse aneurismatis naturam statuit, ut sectæ arteriæ vulnus maneat, arteria nimirum, nec coeunte, nec glutinata, nec carne obturata: Si vulnus manet, ergo ut sanguis, & spiritus defiliat necesse est. Tamen hoc absurdum esse Fernelius contendit. Posterius in quo dissentit est, quod si sanguis efflueret, putresceret, & abscessum diversi generis faceret. At jam superius ex Galeno docuimus non esse necesse, ut sanguis e vasis suis elapsus putrescat ac suppuret. Alias enim mutationes subire posse sanguinem a pure demonstravit. Tamen probabilitate quadam nititur opinio Fernelii. Si enim maneret arteria aperta, intra dies aliquot aut intumesceret valde pars, aut si præ conformatione obsequi ampliusque dilatari non posset, creparet diffringereturque media. At aneurisma diutius etiam durasse oculata testatur fides. Aut igitur ita vulneratum vas connivet, ut parum admodum transfiliat ac exsudet, aut si vas apertum hiansque supponitur, breve intra tempus abrumpitur tumor: unde Galenus lib. de sanguinis missione asserit se advocatum esse ut arteriæ vulneratæ mederetur in malleolo, quod sanguinis cursus non posset cohiberi, credibile est aneurisma fieri non potuisse, quod aperto nimis arteriæ corpore sanguis & spiritus largius coeffunderetur. An vero necessario e vasis propriis effusus sanguis putrescat, alius forte est loci atque temporis. Ceterum aneurisma a varice sejungunt, quod varix ad venæ dilationem*



tionem referatur, eamque a sanguine, aneurisma autem ad arteriam dilatam idque copia spiritus & sanguinis tenuioris. At varix in cruribus proprie intelligitur, quamquam & ad alias partes potest pertinere. Hippocrates dilatationem venarum in pulmonibus veluti varicosam adstruit, idque *παδών*, vocat *ἀπὸ τῆς παύσεως*, quod præ dilatatione divellantur membranae præ sanguinis copia ibi inundantis. Et sic in omnibus corporis partibus ob violentum aliquem conatum ille *παδών*, seu, *κίρσις*, potest contingere. Et eodem modo sese res habet in aliis partibus ac in cruribus. Aetius de aneurismate abunde differit, & ejus interpretes communiter vasorum dilatationem vocat: vel quod omnis vasorum dilatatio aneurismatis nomine prehendi possit, vel quod aneurisma æqualiter, & ad arterias, & ad venas pertineat, vel quod quum aneurismatis naturam constituat arteriæ sectio, alia simul vasorum sit dilatatio & explicatio. Atque in omnibus corporis partibus aneurisma fieri posse docet, sed in quibusdam peculiariter. Deinde subdit: *Oritur autem omnino vasorum dilatatio, aut dum sanguis & spiritus ex arteriis persultant, aut dum oscula earum rumpuntur, aut aperiuntur. Sanguis autem & spiritus paulatim excreti sub cute colliguntur. Et tunc signa sunt certa ejus rei, (de quibus eo loco) ut tumor parvus aut magnus, concolor, indolens, ad tactum mollis & spongiosam laxitatem præ se ferens. Digitorum pressui cedit, us fere evanescat, sed amotis digitis statim revertitur: Id quod in aneurismatis quæ sine vulnere sunt apparet. Sed quum arteriæ vulnus præcessit, & deinde coalescente cute vasorum dilatatio contingit, tumor non similiter mollis percipitur. Sanguis enim copiosior spiritu est, qui in grumos coit, & tumorem attollit. Sic explicat clarissime aneurismatis naturam, & paucos animadvertisse credo illius morbi veras notas. Et ex ejus doctrina licet aneurismatis omnis duplex genus statuere, ut alias sit cum vulnere arteriæ, atque tunc plus sanguinis quam spiritus est, coëfunditur enim ratione vulneris: vel sine ulcere est, quod fit, ait, ob conatum, aut causam externam, aut internam. Internam ut in melancholicis in quibus malignitas est sanguinis. Atque fit vera dilatatio, & effluxio spiritus & spirituosi sanguinis per quamdam *διαπύδνσιν*, ñ quamdam speciem *ἀναστομώσεως*. Quamquam in quibusdam sine apertione manifesta, aut ruptione potest fieri dilatatio eo modo quo in varicosis venis. Quis enim dicat effluere e vasis ruptis, aut erosiss, aut apertis sanguinem? Quæ opinio impulit Fernelium, ut crederet non exsilire e vasis sanguinem in aneurismate. Sed errat Fernelius, & quicumque credit, aut in omni aneurismate esse effluxionem reipsa factam, aut numquam effluxionem esse. Uterque enim graviter errat rerum ignorance & neglecta auctorum auctoritate. Quum Hippoc. ut paullo ante memini & docet in pulmonibus *παδών* fieri & vasorum *πάσμα*, (vulsuram ad verbum Cornarius vertit) ut in vasis sit tamquam quædam varix (Græce *κίρσις*) si ea in parte magna dilatatio fiat, quis tandem non opinetur verum aneurisma fieri? Atque cum arteria dilatata est valde tum in signis pulsatio adest. De aneurismate, quod *ἀπὸ τῆς ἐνρύναν*, ducitur quod ampliare, & dilatare significat, ut potius per τὸ ὑ, quam per τὸ*

In libris  
de morbis  
bis.

Cap. 10.  
serm. 3.  
Tetrab. 4.



scribi oporteat abunde clarissimus Gorraeus in definitionibus medicis pertractavit. Atque inter cetera belle explicuit quomodo differant aneurysmata in quibus jam conclusus sanguis est, & in quibus sensim influit ac effluit spiritus in capacitatem coalescente jam carne.

Quod ad partes aneurysmatis pertinet, quum alia externas corporum occupent, alia internas, quum in omnibus difficilis admodum curatio sit, maxime vero in partium internarum aneurysmatis. Quæ in caput & guttur incidunt ea medentis manum non admittunt. Quæ ad internas partes spectant, ea derepente & minime opinantibus medicis ægros ad exitium precipitant.

Quæri hoc loco potest, an si in sinistro hypochondrio lateat, tuto sectio fieri possit. Hippocrates in libris de affectionibus urit sæpe regionem hepatis, renum, & lienis: sed in earum partium aneurysmate minime, hoc tutum non est.

Remedia ægro instituta, quum tamen non ei latenti & incurabili aneurysmati occurreretur, hæc sequuntur.

Injecta enemata carminativa quæ ob dissipationem flatuum quibus ille abundabat, aliquam allevationem attulerunt.

Dolenti lienis regioni fots ex anodynis ex rad. bryoniæ, scolopendrii, florum chamæmel. baccarum lauri, juniperi, semin. rutæ adhibentur.

Applicantur frequenter cucurbitulæ: & iis remed. allevabatur.

Opiata hæc instituta:

*℞. Myrobolan. emblicam unam minutim concisam, conservarum buglosi. viol. nenuph. & anthos. an. ʒ iij. corticis citrii conditi ʒ ij. rasura eboris, cornu cervi, margarit. elect. an. ʒ j. ossis e corde cervi ʒ ss. pulveris diarrhodonis abb. & lelitia. an. gran. 10. ambre griseæ gran. 8. cum syrup. conservationis citrii fiat opiata.*

Mirum hoc est, quum remedia a nobis instituta directe non oppugnarent morbum, quum ille medicis incognitus foret, ut eventus probavit, quomodo tam fotuum usu se levare diceret. Cave ne nimium credas ægro, & non interim diligenter animi nervos intendas ad investigationem morbi, ut non cesses quamdiu certis notis morbum deprehendas. Sunt enim plerique qui malum lenientes quibusdam remediis satis ægro factum credunt: atque interea miserrime ægri opprimuntur morteque rapiuntur. At hoc non satis. Et hac una re multi sunt decepti, qui applicito uno remedio videntes dolorem leniri, ab investigatione ideæ morborum desistunt. Quod multos in vitæ discrimen adduxit.

Et hæc Historia a nobis adducta cautiores nos & diligentiores debet redere, ne cum ignoratione nostra juncta sit ægrorum calamitas magno cum artis vituperio, quam tanta hominum coluit celebritas.

Atque ad historiam morbi hoc quoque addi potest, forte usu cucurbitularum & fotuum, & cataplasmaton ex radice Bryoniæ (quæ omnia confuse administrata sunt ut nihil non agere videremur) attractionem majorem factam fuisse, & mortem acceleratam. Quod in primis Aetius commemorat, & hoc loco sicce non est prætereundum, ne sinamus longius

manare



manare errores qui quotidie committuntur: *Vidisti tu eodem tempore quum fomentum cuidam adhiberetur cum difficulter spirasse omni superfluitate ad praeordia per calorem attracta . Hic itaque mortuus est quum cataplasmata instar cucurbitae superfluitates ad partem attrahant . Quidam etiam ipsa cucurbita usi sunt in praeordiis , hoc unum ipsi cogitantes ut aliquid circa agros agere viderentur . Actum die 12. Maii 1575.*

## A N N O T A T I O .

1 Hippocr. sectio. 3. lib. 2. Epid. Narrat quartanam quoque febrem longam facto impetu in universum corpus, & tumore qui ad lienem erat evanescente desisse.

Idem contigit Joanni Mereffe, cujus totum corpus lassitudine ὀρεοκόπη laborabat facta translatione a centro ad totum corpus. Et 4. Epid. notat. De quodam servo quartanario cui febris conquievit quum factus esset τυφώδης aut τυφλωδης, idest stupidus, vel in totum corpus translata materia, vel in caput. Unde comatosam & catalepticam induxit affectionem.

2 Hinc dices in metu arthritidis, nonnisi cum cautione purgandum quoniam irritatur saepe materia: Vide librum 2. meorum Epidemiorum.

3 Hoc adverbio impunius utitur Cicero. 2. de Divinatione.

4 In Coacis dum de lethargo disputat, utitur nomine σφρυγς, proprie accepto.

5 De palmo summo & admirabili ad umbilicum & os pectinis narrat, sed rationem non reddit Hippoc. 7. Epid. initio in historia de filio Eratolai dysenterico.

6 Et Hippocr. notat 5. Epid. Uxori Gorgiae pulsum in utero exstitisse, idest, motum arteriarum manifestum post menses suppressos. In uxore Philini historia 4. sect. 3. lib. 1. Epid. die 14. palpitantes fuerunt, sed eas ad crassos & crudos succos in Com. Galenus refert.

7 Magna arteria pars est principalis, comment. in part. 31. lib. 1. prognost.

8 In Collegio Rhemensi cuidam sacerdoti aneurisma erat in cruribus. Aperto cadavere reperta est magna dilatatio arteriae, & sanguis in ea arteria concreverat induraveratque: Indurationis causa tribuebatur immoderato rerum refrigerantium usui.

9 Multi falluntur in principio aneurismatis a sectione arteriae non orti. Credunt enim non esse aneurisma, sed tumorem tantum aliquem prae naturam. Si enim a sectione arteriae non incipit, non est necesse ut sit ea pulsatio quae adesse solet arteria vulnerata.

10 Quaestio est an in omni aneurismate necessaria sit pulsatio, sine hac enim ne aneurismatis quidem rudimentum esse posse contendunt.



**N**obilis vir D. de Cervenay, ad insigne crucis viridis quum accubisset uxori suæ exanthemata patienti, in febrem degenerem incidit. Erat continua, sed exacerbationes habens noctu. Dolores quidam erant circumnothas costas, sed ii adeo parum erant molesti, ut medicos non adduxerint ut eis mederentur. Corpus erat plane bile ac ictero infectum: Præcalida habebat viscera, & ante quartana annua laborarat. Pulsus erat parum elatus, non feбри, ac calori, ac linguæ respondens. Qui sanguis detractus est biliosa sanie plenus erat & corruptus, dejectiones plane biliosæ. Et quod nos terruit quinto aut sexto die inopinato sputum reddidit permistum sanguine & bile, & parum nigricans. Pleuritici esse dicebant quod febris esset, & tussis: At ista tussis erat a collecta corrupta ista materia in pulmone. Revera si pulmonia aut vera pleuritis eum adorta fuisset in tanta materie in pulmone collectæ corruptione, intra paucos dies interiisset, accedente maxime pulmonis imbecillitate. Sed quoniam nondum aderat occasio, ut aut costæ aut pulmones laborarent, febris tantum continua occupavit vera & essentialis. Dicat quis, quid illa sputa tam prava & horrenda designabant? Si sputum album esse debet, & omnis expers tincturæ, si vomitiones humorum qui colores alienos habent, aut graveolent malæ sunt, cur non & excreatio alieno colore imbuta? revera si ista colorum pravitas inflammationis comes fuisset, aut si actu inflammatio pulmonem prehendisset (ut ante dictum est) vix ulla vitæ salus sperabilis fuisset. Sic erat excrementum collectionis, non subitæ generationis, aut inflammationis consequens. Atque in hoc maxime ægro, ut & in filio Noë fabri lignarii verum comperimus quod scripsit Hippocrates, *περί ἀποχρέματος*.  
*Aph. 47. Jew: In febribus quæ non intermittunt excreationes sanguinolentæ, liventes, graveolentes, biliosæ, omnes malæ sunt. Si bene procedant, bonæ: eademque ineunda ratio in iis quæ per alvum & urinas feruntur: Quid? fieri ne potest, ut quantumvis facile cedant sputa cruenta, biliosæ, graveolentiæ, liventia, ea ad salutem pertineant? Sunt enim malæ ut signum, quod partium a quibus manant vitium & corruptionem significant. Nam non modo videndum quam bene procedant ista, sed ut in qualitate tantopere non peccent. Galenus in com. Ait, Hippoc. debuisse potius dicere omnes malas excreationes, si facile fiant, bonas esse excretionis modo, non qualitate, non loco, non materia, non causa. Nam omnes malæ excreationes pravarum signa sunt dispositionum, & sunt eo modo quo in ulceribus putridis quibus ichores saniosi defluunt, nil dispositioni conferentes. Nonnumquam vero ita sicuti pus ex abscessu disrupto bene expurgans partem laborantem. Indicia vero quod bene excernatur, maxima sunt, & coctio & ægri tolerantia, item morbi species, tempus anni, regio, ætas, naturaque egrotantis.*

At sæpe coctionis argumenta non apparent, quum ea materia quæ excernitur non sit morbi ullius, sed tantum congesta sit in parte, ut de instituto in ea mitiganda regendaque Natura non fuerit occupata. De excretionem



e pulmonibus multa Hippocr. in prognosticis, sed tum de apparentibus pulmonum morbis, ut de pleuritide aut peripneumonia loquitur. *Inter cetera*, Part. 44. ait, *permixta appareat flava bilis admodum screatione oportet. Screatione* lib. 2. *flava si sincera est, cum periculo est, candida vero, glutinosa & rotunda, progn. inutilis est. Si viridis & spumans admodum est, mala est.* Numquid hic alienos colores, alienamque qualitatem in ptyalismo vituperat? & tamen docuimus & ex quarto Aphorismorum, & ex historia quam hoc loco narravimus excretiones e pulmone pravas aliquando bonas esse propter eam utilitatem quæ consequitur ex tali excretionem, quod interea partes liberantur ea corrupta materia qua præpediebantur. Tametsi enim materia mala sit, per accidens tamen ratione finis & boni qui inde secutus est eventus, bona dicetur esse. Sic tametsi Natura fluxum sanguinis per hæmorrhoides non instituerit, tamen quia inde commoditates ad sanitatis & custodiam & morborum repulsam consequuntur, fluxus iste opus naturæ ex instituto paratum dicitur e Galeno.

Ac duo sunt celebres loci, & omni memoria digni apud Galenum, ut jubeamus valere & exfulare imprudentem quorundam temeritatem & crassam ignorantiam quum vident pravas aliquas excretiones: Prior est in lib. de locis affectis: *Sæpe, inquit, hepate robustiore aliqua ex parte effecto pessime dejectiones & colore & consistentia apparent, item & urina. Unde decepti medici putant gravissimum morbi periculum subesse. Sed errant. Nam quibus sine ratiocinatione rudis dumtaxat experientia suffragatur, de iis quæ raro accidunt, experimenta habere nequeunt, veluti eorum quæ sæpe accidunt, facile meminerunt.* Alter locus quo explicat illum Hippocrat. locum. *Omnis screatione mala quæ non sedat dolorem, quæ vero sedat dolorem, omnis melior est. Sæpe valuit natura, (ait Gal.) pravam vinctens affectionem expurgare corpus: & in hoc terrentur multi adspicientes secreta vitium materia, nequaquam cognoscentes utrum id symptomatis fiat ratione, an quia natura pravam materiam foras expellat.* Atque excretionis bonæ & utilis notas assignat levationem doloris (quamquam id non sufficit Galeno) & in primo Aphorismorum, *εὐφορίαν* 2. Atque ut id terminemus de quo dictum est: Notanda duo sunt, prius cur Hippocrates usus sit nomine ἀποχρέμψις, non πτυέλαι, ut in progn. aut πτύσεως: posterius, cur dixit, in febribus non intermittentibus. Quasi vero in febribus essentialibus (nam nomen πυρετός, absolute positum febres essentielles notat) excreatio alicujus sit momenti, propriumque sit excrementum febris, quum ejus materia sit in majoribus vasis clausa non in pulmone. Nam quemadmodum in morbis thoracicis parvi penditur urinarum inspectio, quod non sint proprium pulmonis excrementum: Ita in febribus ipsis veris non valet sputorum inspectio, nisi auctoris vice. Quia si ad bonitatem actionis ipsius materie febrilis sputorum appareat jungaturque bonitas & faciliseductio, bonum id signum. Ego vero conjecturas aliquas afferam quibus adductus forte fuit Hippocrat. ut τῆς ἀποχρέμψις meminerit. Ac primum id docere voluit ut iis occurrat qui præprope ac præcipitanter de morbis judicant, & quum vident aliquid alienius

*Sub finem lib. 5.*

*Part. 51. lib. 2. prog.*

*Com. in Apho. 2. lib. 1.*



Lib. 2.  
part. 46.

e. de  
morbis.

e parte , ac præsertim e pulmone excerni , quod non viderint , statim male de morbo ominantur , ac sinistrum eventum prædicunt . Immo putres esse pulmones dicunt , ut si contingat ægris mori suam inscitiam ( cum forte male curaverint febrim ipsam essentialem ) excusatione ista tegant . Aut dixit hoc , ne relictæ febre ad excretiones istas malas convertant se , quum tamen male id fiat . Collectio tantum erat per transudationem ichoris a cacochymia traducti in pulmonem . Aut monet hoc Hippoc. ne territi medici inspectione eorum malorum sputorum ægros deserant tamquam clamatos . At , tametsi materia ista mala sit , bona tamen est si excretionis modus adsit legitimus , quod vis naturæ paruerit in desiccanda materia , quæ ob moram talem corruptelam contraxerat . Nonne etiam videmus integra fruentes sanitate mungentes subviride saniosum , *δυσώδες* ; Et tamen quum mala sit materia , bonum est quod virtus expultrix valeat in excernenda ista materia , quæ alioquin maiore mora partem labefecisset . Quod si pleuritis adesset , aut morbus proprius pulmonis , & tale sputum appareret , forte non tam securum esset , quam si in essentiali febre appareret . Quare ? Quoniam si vigeret morbus pulmonis cum tali sputo , generationis perennis talis sputi suspicio foret , quod malum est . Sed quum inopinato in febre essentiali talis mala *ἀποχρέμψις* apparet , non tam generatio est , quam veteris excrementi collectio , ut ista mala qualitas & coloratio non tam nata sit ob alienum calorem , quam moram longam in pulmone . Quamquam non dubium est quin si illa putresceret inflammationemque accerferet in pulmone , malum deterius inveheret , quam si alius esset coloris & consistentiæ . ; Unde in prognosticis spumantem & viridem ex pulmone excretionem vituperat & maxime si sincera sit excretio . Præterea duo notari debent cur dixerit *ἀποχρέμψις* , & febres non intermittentes , quod utrumque ( si potest conjectura aliquid ) non citra rationem adjectum est . Nam quum nomine *τῆς ἀποχρέμψεως* utitur , non autem nomine *τῆς πτυέως* , videtur significanter notare non tam esse materiam thoracis morbificam quæ excernitur , quam excrementum aliarum partium , quod in pulmonem influxit , & ob moram aliquam alienum colorem accersivit . Quum autem significatur vera excretio e pulmone , si quis affectus instrumenta respirationi devota tenuerit , utitur voce *πτύσεως* , aut *πτυέως* . Ideo dixit , *in febribus non intermittentibus* : ut declaret ratione præsentis cacochymiae & vi caloris humores fundentis , & per modum attractionis ipsius pulmonis a partibus inferis , aut per modum transumptionis & transudationis colligi in pulmone materiam alienam , quæ aut tussi , aut alio modo expectoratur . Et sic de pulmone male affecto non oportet nos male ominari . Per quamdam anastomofin , aut similem passionem cruentæ possunt fieri excretiones e pulmone agitatæ humoribus , & ob suam acrimoniam vasa referantibus . Si enim facile in febribus continuis , auctore Hippocrate , & inflammationes cerebri , & pulmonis facile possunt succedere ; numquid pars materiæ febrilis a pulmone potest attrahi jam per se maligna , & *κακῆδης* , & alieno colore imbuta , quæ sputa ordinaria potest tingere , ut inde excreatio derepente immutetur ?

Unde



Unde dubium esse non debet, quin, si materia illa diutius moretur ibi, pulmones inficiat, ac labefactet. Itaque peropportune excernitur, bonoque est si ejus facilis fiat eductio, & sola fiat ἀπόχρεμψις, idest, per simplicem excreationem sine vi, sine tussi, sine violento motu aliquo εὐπετέως, ut loquitur in libro προγνωστικῶν, eductio fiat. Sic nomen ἀποχρέμψων, facilitatem excretionis declarat, ac si materia ipsa in os occurrat eo modo quo quum a capite ῥῶμα descendit sine tussi, sed solo linguae motu expuatur & excreetur id ipsum quod occurrit. Et non mirum si ἀπόχρεμψις fuerit biliosa; nam totum corpus erat biliosum, cacochymum, & ἰκτεριῶδες. Et quum Hippocrates ait ex signis mox apparentibus de morbo judicandum esse, ut in qua pleuritide mox sputum apparet, ea brevior & securior dicatur, hoc debet intelligi de morbi excremento, non autem de illa materia extraordinaria. Nam multos pulmonicos & pleuriticos vidimus qui primo die morbi e pulmone rejecerint quibus & protractus morbus & mors ingruit. Quoniam educebatur non id quod morbum faciebat.

Aph. 12.  
Lib. 1.

## A. N. N. O. T. A. T. I. O. N. E. S.

1. Error medicorum qui quum sputum, aut cruentum, aut subcruentum, vident, putant esse aut pleuritid, aut peripneumoniam. Quae opinio etsi opinione Gal. & Hippoc. paullo post confutata est, quod ex pulmone saepe pravae fiant excretiones, ut floridae (idest cruenta) nigricantes, pallidae, quum tamen nec sit inflammatio, nec pleuritis, nec peripneumonia. Inter cetera locus est commemorabilis in historia de Pythione, lib. 3. Epid. part. 4. sect. 1. ubi docet sexto die varia Pythioni, & cruenta sputa apparuisse, quum nec peripneumonius, nec pleuriticus foret, nec a capite malum esset, sed a defluxu tantum materiae quae non erat tanta, ut inflammationem pareret, aut forte in pulmone congesta, sed quae incendium non conceperat.

2. Huc pertinet locus praclarus lib. 2. Epid. sect. 2. ubi loquitur de eruptione Terminthorum in febre continua, & ait, aeger autem erat subsplenicus, ac si dicat istam eruptionem non fuisse propriam morbo, sed corpori.

3. Ad hunc locum pertinet historia lib. 5. Epid. de Hipposthene: is ceciderat luctans: cruentum ἔχρεμψε, ait Hippoc. & addit, ὅτι ἦν σίαλον. Non erat sputum: quod notandum, erat quidem ἀπόχρεμψις, sed non erat πτύαλον, seu σίαλον. Ideo dixit, Videbatur medicis esse peripneumonia, sed non erat. Sic cave ne quid in his erres. Et puto nomen σίαλον, pro πτύαλον sumsisse. Quamquam σίαλον significat tantum salivam, non sputum.

## CONSILIUM CIX.

De cordis palpitatione.

UXOR LYSÆI annos 22. nata palpitationes cordis persentiscit quas formidinem appellant, alii tremorem & improprie quidem. Quidam



ex veteribus imperite infundunt cum cardiogmo & cardialgia, maleque tremorem vocant. Etenim facultatis animalis imbecillæ symptoma non est, nec motus est mixtus naturæ & morbi, & pars loco non dimovetur: quod trementi parti contingit. At tantum elevatur & deprimitur pars. Tamen quod ægri putant cor e loco moveri, ideo tremoris nomine improprie donatur, quo modo & singultum ventriculi convulsionem dici demonstravimus. Conatur enim cor excutere id quod ei molestum est: & cordis elevatio depressioque definitur subinde præter naturam facta. Cardiogmos autem, & παλμός, iidem affectus non sunt, quamquam aliquid affine habent. Ante exposuimus Aphorismi illius particulam, *In febribus circa ventriculum & fortis æstus, & cordis morsus vel dolor, malum*. Miror cur Gal. in comment. iis assentiatur qui nomine τὸ καρδιωγμὸν, intelligant crebrum, velocem & palpitationi similem motum ipsius cordis ob incendium ingens in corde ipso: ex qua Galeni opinione conficiunt incendium ac phlegmonem in corde τοῦ παλμοῦ causam esse posse. Quod a ratione alienum videtur quum Galenus ipse alio loco (sed nondum occurrit locum istum legere) a causa frigida repetat palpitationem. Declarant frigida remedia quæ ad hunc affectum instituta videntur 2. Ac primum magna est absurditas statuere idem esse καρδιωγμὸν καὶ παλμόν, quum cardiogmos ad os ventriculi pertineat maxime, palpitationem autem cordis affectio est, quamquam per aliarum partium, & maxime ventriculi consensionem nasci potest. Item καρδιωγμός, in cholera morbo & febribus continuis ob morsum ventriculi a flava bile frequens esse solet, ut propterea non debeat numerari inter alia symptomata mala. Quid vero est dicere cardiogmon significare vehementem quemdam motum palpitationi similem? dicam quod sentio. Nomine τοῦ καρδιωγμοῦ, non intelligit affectionem ventriculi ob morsum, sed symptoma quoddam consequens suum æstum in febre, sive æstus sit simplex, sive ob ebullientem flavam bilem in tunicis ventriculi: ut vult in commen. Galenus, ut ὁ καρδιωγμός indicet cordis ipsius affectionem cujus affinis est motus quidam palpitatorius, ut quasi unum ex alio consequatur. Et ideo illi veteres καρδιωγμόν non palpitationem significare dixerunt, sed motum vehementem palpitationi similem. Unde ægri dicunt sibi palpitare cor & quasi ardere præ ingenti æstu quo conflagrant. Hoc quod diximus ne confingere videamur, confirmabimus auctoritate Hippocr. qui admirabili quadam explicandi vi docet quænam symptomata consequantur erysipelas pulmonis. Atque inter cetera sunt vomitus bilis & pituitæ, nec non deliquia animi. Quod mirum esse potest, quum erysipelas pulmonis propria sit affectio. Sed admirabilius est id quod dicit de causa cur deliquia animi sequantur pulmonis inflammationem, propter *sanguis transmutationem derepente contingentem*. Id est, quum inflammatus est pulmo duo sequuntur horrenda, nam spiritus cordis inflammantur: immo & aer attractus dum pulmonem transmittit ita incalescit, ut nullum solatium refrigerii afferat, sic cor languere, & languide moveri contingit, & dum crebriore & frequentiore motu cietur, aliquid παλμῶδὸς contingit: Item attractio



fit sanguinis & spiritus major ob ardorem, nam incendium attrahit, ait Hippocr. Et ob istam attractionem subita fit transmutatio sanguinis quæ palpitationis aliquam speciem affert. Sic vides, in magno æstu & deliquia evenire & palpitationi aliquid simile, ut & deliquium & elevatio depressioque pulsus, & crebra mutatio conjungantur. Immo & in morbo, & per sanitatem quum evariat pulsus, ut e magno in parvum, e frequenti in rarum, e veloci in tardum mutatio fiat, palpitationis magna sunt argumenta. At dum æstus ingens in corde est, præsertim si de repente magna fiat attractio spiritus & sanguinis, & mutatio pulsus & palpitandi occasio facile incidit. Ergo quum ingens aliquod incendium est, & aliquid est palpitans, ob similitudinem quamdam cum palpitatione, motus iste *παλμώδης* dicitur. Ceterum, ut ante dictum est, volunt ex Galeno veræ palpitationis causam esse frigidam. Quod si verum est, cur veteres practici alia remedia instituunt calida, & phlebotomiam præscribunt? Nam in causa frigida venam secare tutum non est. 4 Galenus omnem pal- Lib. 5.  
pitationem juvari venæ sectione auctor est. Et qui Galenum interpretan- loco aff.  
tur, ideo locum sectioni venæ dant etiam posito quod causa frigida pal-  
pitationem inducat, quoniam aut minuatur plethora, aut obstructio sectio-  
ne venæ liberetur, aut revellatur cursus materiei flatuosæ. Supponit enim  
Galenus a crasso vapore palpitationem fere omnem oriri, ideo non est du-  
bium quin & ad divertendum revellendumque cursum phlebotomia, & ad  
attenuandum attenuans victus conferat. Mesuæus de sectione venæ loquens  
in palpitatione ex hypothese loquitur, Arculanus etiam ad syncopen usque  
exclusive in palpitante sanguinem mittit. An propterea imitando istorum  
senum consilium audacter sanguis mittetur? Nequaquam. Nam eorum qui  
palpitationi sunt obnoxii ita comparata ratio est, ut *βραχύβιοι* sint, ac  
sæpe in phlebotomiis ipsis & purgationibus opprimantur & moriantur:  
Quod quum calamitosum sit, prudentis est medici diligenter inspicere ne  
suspicionem subeat ejus, ut occisi, quem sua sors peremerit. Mesuæus ita  
de phlebotomia in palpitatione scribit: Si cum cordis tremore fuerit pul-  
sus velocitas & febris, æger ex basilica minuendus est. Ex dextra qui-  
dem, ait Arculanus, ad minuendam plethoram, ex sinistra ad removen-  
dum repletionem vaporosam. Melius enim Arculanus sentit, meo judicio,  
de sectione ista venæ partim ex sinistra, partim ex dextra quam Avicen-  
nas & Arabes, qui ideo dextras secant, quod palpitationem a sanguine  
esse credant, sinistras, quod quum a vapore orietur, commode id fiat.  
Vix enim evenit ut sanguis hunc morbum pariat, sed a vapore est po-  
tius, aut a causa consimili. Quamquam sunt qui venam in cruribus, aut  
poplite fecent, si præsertim ab hypochondriis malum est, ut per arteriam  
cœliacam a parte sinistra, præsertim vero e lienis regione vapor crassus,  
quem in cor elatum facultas ipsius partis tamquam subsultantem hostem  
nititur expellere 5. At erroneum hoc est. Siquidem si hoc valeret, quum  
palpitationum pars major ab hypochondriis sit, venas poplitis, aut mal-  
leoli utique aperire conveniret. At hoc non fit. Sed exclusa ista ratione  
tamquam parum probabili, duabus de causis inferiorum venarum referatio



ex usu futura est, prior est si suppressio, aut mensium, aut hæmorrhoidon in causa sit, posterior autem si revellendi studium est: Alioqui brachiorum sectio profutura est potius.

Quod autem attinet ad sectionem venæ ad leipothymiam usque, videtur ea nocens esse, præsertim quum, ut ante dictum est, palpitationi obnoxii fere dum evacuantur, inopinata præcipitique morte eripiuntur. Accedit quod palpitatio cordis, ut annotat quidam in Arculanum, dispositio quædam media sit inter pulsum & debilitatem & syncopen. Quod si verum est, & ideo metuatur iste morbus quod connatam in se debilitatem, & quasi annexam syncopen habeat (quæ quidem syncopæ morti finitima est quum nomen invenerit ἀπὸ τοῦ συγχόπτειν, quod vitæ nostræ filum concidat ac defecet) quid attinet nostra larga sanguinis evacuatione, in qua spirituum magna sit dissipatio, accersere syncopen, & ita mortis periculum creare? Sed Arculanus ut acutus & optimus auctor, unam tantum rationem affert, quæ nos inducere possit ad tam luculentam & copiosam in palpitatione sanguinis effusionem, ut pote quum in sanguinis copia & orgasmo, & ad cordis arcem raptu metuitur, ne derepente in corde apostema concipiatur, & mors proinde subita intentetur: 6 Aut etiam si inflammationis subitæ sint argumenta quæ ipsius palpitationis causa sit. 7 In isto enim casu, quoniam insignis & subita refrigeratio requiritur, ne brevi tota ipsa regia inflammetur ac conflagret, nullum præsentius auxilium venæ sectione eaque conferta & copiosa. In ceteris a largis istis evacuationibus temperandum est. Ac de causis illius morbi, qui per se terrificus est, dum cetera sedulo lectori legenda relinquimus, breviter percurramus. Aliquando in corde ipso affectionis causa est, & tum periculosior existit: aliquando a partibus vicinis est, aliquando a remotioribus, ut ab utero, a maligno tibiæ ulcere. Tuberculum in corde, abscessus item affectionis causa esse potest, multus sanguis obstructionem faciens, intemperies calida, vermes cor vellicantes, subita evacuatio, imprægnatio. Quemadmodum enim mulieres quædam veteribus affectionibus prehendi solitæ, quum utero conceperunt iis liberantur & miraculo absolvuntur, edito vero fetu repetunt, ita quoque prægnantes mulieres, insolentes morbi possunt invadere, ut palpitationes & Epilepsiæ, dentium dolores implacabiles, & capitis gravitates. Præter causas commemoratas inflammatio, aqua tunica cordis inclusa, item si tunica, aut humorem putrem ac male olentem in se contineat, aut lapillos, palmum inducit. Item venenata qualitas, spirituosus, aut crassus halitus, vel ab arteriis, vel a corpore cordis, aut a pulmone, aut a liene aliave parte, aut propinquiore, aut remotiore elatus: Constrictio major, decubitus in renes & dorsum, præsertim si magna arteria perreptans spinam prematur, a succensis putribus lignis elatus vapor, ductus & attractio spiritus auræque pestilentis. Adhæsi pericardii corpori ipsius cordis, quod in duobus hydropicis observatum est. 9 Mucus per quamdam colliquationem in cor illabens, (unde dicunt vulgo quosdam repente interire quod adeps colliquatus in cor influxerit, ac tum quum colliquationis modo mucus iste



in cor labitur falso asthmatici creduntur ægri . Si palpitationem aut inflammationem aut erysipelas committit, febris ingens est, pulsus durus & veluti ferrans . Si a venenata aura inferne in cor surgente, fugax est malum . Quum a venenata aura in pestilente statu, præceps virium omnium lapsus est . Quum a muco per modum colliquationis in cor fuso, æger fit anhelosus, parva & densa spiratio est . Vidimus palpitantem affectum ob aneurisma in liene, quod si in corde ipso aneurisma sit, letalis est affectus . Quæ palpitatio syncopen veram junctam habet, insanabilis est . Quæ ab adhæsu pericardii est, letalis est . Quæ a colliquatione est, insanabilis quoque est : Item & ea quæ a venenata aura est . Atque inter ceteras palpitationis causas una & communis & vulgaris est, intemperies frigida ventriculi, & jecoris calida . Dum enim ventriculus non bene suum facit officium, & secundam coctionem tamquam correctionem & emendatricem sui prima non agnoscit, jecur calidius rapit crudius alimentum, hinc anathymiasen proventus multus, obstructionum ilias, & ab istis obstructionibus palpitandi occasio . 10 Quod hypochondriacis solenne est, cachecticis, & virginibus fœditate coloris infectis usu-venit . Galenus horum demonstrationem videtur asserere tamquam aliud agens com. in istum Aphorismum, *Qui regio morbo laborant, non multum ventosi sunt*: Nam ventorum flatuumque generationem a duabus causis repetit, una est materies ipsa, altera est partium corporis earum præsertim quæ ad ventrem attinent, debilitas . Materia est crudus, pituitosus ac frigidus humor qui facile in flatum solvitur . Atque quum regio morbo laborantes calorem habeant acrem, necnon bile potius abundant quam phlegmate, credibilius est flatuosos non fieri quum desit materia . Sed debilitas ventriculi & primarum venarum flatus potest esse parens ob cruditatem . Cruditas autem ipsa idem fere præstat, quod ad generationem ventorum spectat, quod & pituitosus humor . Quamquam diverso quodammodo id fit . Sic icterici, & qui calore abundant acri fere in tympanitem incidunt, speciem hydropis a flatuum copia nati, non ratione phlegmatis in flatum soluti, sed ob debilitatem ventriculi, & cruditatem & corruptionem alimenti ob dominatum caloris acris omnia corrumpentis, & tetros halitus flatusque in chylo corrupto & intercepto mediis viis excitantis . Ut mirum sit cur dicat Gal. *Non admodum contingere, ut oī' ἰκτερίδες, partium ad ventrem attinentium habeant imbecillitatem* . Nam tales icterici sæpe corrumpunt alimentum, coquunt quidem sed male . Quum enim Hipp. ait, *δερμοκοίλας*, carnes frigidass habere, numquid *δερμοκοίλας*, & *τοὺς ἰκτερίδας* confundere possimus? Quamquam ita Galeni auctoritatem audire possumus, ut dicamus ictericos raro habere imbecillitatem partium ad ventrem attinentium, præsertim quod ad munus coctionis attinet: coquunt enim facile etiam *δυσπεπτότατα* . Non quin dicamus male coquere, idest, inducere pravitatem quamdam in cibum, unde eos videmus subviridia, & biliosa facile & vomitu, & per alium excludere, sed non est ea debilitas, ut male coquat, idest, imminute . Ac si dicamus, icterici, & *οἱ δερμοκοίλοι*, quum calore multo, sed eo quodammodo alieno abundant, supra chylum coquunt,

Aphor.

ultimo

lib. 5.

Com. in

Aphor.

ultimum

lib.

6. Epid.



quunt, & plus biliosi humoris in massa sanguinis generant: quibus debilitas est ventriculi infra chylum coquunt, & imminute. Hic est quædam *βραδυρυσία*, & chylus dicitur *ωμός*, illic *δυσρυσία*, ob excessum qualitatis, & chylus *ἀπέντρος* dicetur: idest, eo modo affectus ob qualitatem, ut in laudabilem succum non vertatur. Atque ex iis facile est demonstrare valde credibile esse eos palpitationibus obnoxios esse quibus ventriculus, & hepar contrariis fere prædita sunt temperamentis, ratione cruditatum quæ hinc oriuntur.

Ergo quum palpitatio motus sit cordis præter naturam, medio veluti situs inter pulsum, debilitatem & syncopen, quo referri debeat, videntum 11. Quatuor omnino motus contra naturam generantur, convulsivus, tremulus, concussivus & palpitans. Tremulus & palpitans causam morbosam sequitur: quamdiu quis palpitat, tamdiu se jucunditati tradere non potest. Si quid incidat impediens vicissitudinem systoles & diastoles, attractionem & exclusionem spiritus, id causa esse potest palpitationis. Porro quum quæritur, an quia cor dilatatur, impleatur, an vero contra, respondendum est, quum cor bene affectum est, quia dilatatur, impletur, at quum male habet, quia impletur, dilatatur, quod quum maxime in palmo contingat, a causa solum morbifica palpitatio pendeat, necessum est.

Ac de palpitatione plura non scribemus, quum operosum hoc foret, & plenam opinionibus ex aliorum scriptis desumptam tractationem conscribere ridiculum esset, tantum aliquot remedia huic Damisellæ, cujus ergo hæc Commentatio suscepta est, instituta adscribemus. In ea maxime duas causas palpitationis agnoscimus, unam latentem quamdam arteriæ dilatationem in corpore ipsius lienis, quod verisimile, quum in regione ipsius lienis palpitans pulsatio percipiatur. Ac id contingere potuit ob diuturnitatem quartanæ febris qua est conflictata. Quartana autem aliquid semper residui facit. Alteram, ventriculi imbecillitatem ob caloris imbecillitatem, & jecoris calidam temperiem: quod ex excrementis, & colore, & actionibus facile collegimus.

℞. *Melissæ, buglos. foliorum cardui, scabios. calendula. an. m. j. s. scolopend. ceterach. chamædry. an. m. j. agrimo. scariol. an. m. ij. seminis erdiviæ melonum, citri, card. an. ℥ ij. fumiter. absinth. pont. an. p. j. seminis angelicæ & pæoniæ. an. ℥ j. fiat dec. ad lib. j. s. Infunde in col. foliorum senæ. ℥ iij. setæ in Kermes tinta ℥ s. granorum Kermes. ℥ ij. bulliant ad lib. j. In col. dissolve sacch. ros. lib. j. expressio. ℥ ij. rheib. & ℥ s. agar. in nodulo positi, cum ℥ j. s. cinna. infusorum in parte decocti: fiat syrup. mediocriter coctus. 12*

℞. *Meliss. foliorum lauri, calamenti, chamem. anethi & melilo. an. p. j. seminis cum. baccarum lauri contusa. an. ℥ s. rad. bryonia taleolatim secta capp. an. ℥ j. sabin. p. ij. fiat sacculus bulliat in aqu. chalyb. cum vino rub. pro fotu lienis cum spongiis: adde santala.*

*Adhibeatur cucurbitula magna, post fotum ante sequentem litum.*

℞. *Ladan. soluti in aceto, benioing. & stiracis solutorum in succo amygdal.*



*dal. dulcium. an. ℥ ij. express. nucis moscata. ℥ ij. pul. nucis cupress. santalorum, rosarum & cyperi. an. ℥ j. cera nova, & ol. de capparib. quod suff. fiat litus ad regionem lienis.*

*℥. Conserva meliss. buglos. nenuph. an. ℥ j. elect. diamarg. frig. ℥ iij. confectionis alkermes. ℥ j. theriaces & mithrid. an. ℥ j. cum syrup. de pomis: fiat opiata.*

*Institutus Syrupus ex succis in quo madet seta in Kermes tineta.*

## A N N O T A T I O N E S.

1 Galenus aliquando sumsit nomen τοῦτρόμος ἀντὶ τοῦ παλμοῦ. *Quæ causa fuit nonnullis cur existimarent tremorem & palpitationem idem esse. At differunt longe & ipsa definitione, & aliis multis: Nam palpitatio motus est momentaneus, tremor diu affligit. Is porro nascitur ex diversis causis quæ facultatem possunt labefactare: & pro varietate causarum, varie curatur. Palpitationis una causa est, una curatio, nempe flatus discussio, hæc Josephus Struthius in arte sphygmica. An sint vera, considerato. Aristotelis interpres παλμὸν pro tremore accipit cap. 4. libr. de respiratione, vide libr. 2. Epidem. meorum.*

2 Savonarola tremorem cordis & palpitationem confundit cum cardiaca passione. Aliud tamen longe est. Et id desumfit ex comm. Aphorismi de quo hac in pagina, in quo Galenus videtur καρδιωγμὸν confundere cum ea affectione cordis in qua crebra & vehemens est pulsatio palpitationi similis. Quod si ita est, nomen καρδιωγμοῦ cum cardiaca affectione confundit.

3 Istud languide moveri non est accipiendum quin sit vehementior cordis agitatio; sed ea agitatio est cum crebritate quadam, & quasi cum extremo conatu cordis. Immo quum est iste æstus in pulmonibus & erysipelatodes dispositio, dum pulmo vehementer attrahit, sese sanguine implet, & agri obruuntur conculcato in pulmone sanguine: & est ea affectio quæ a Gordoxio sanguisugum dicitur, egerque sanguisugosus nominatur. Quamquam proprie sanguisugum dicitur quum non potest præ obstructione, aut densatione aerem foris attrahere, intus e partibus propinquis sanguinem & spiritum attrahit & sanguinem pro aere veluti sugit & eo impletur, unde præsens suffocationis est periculum.

4 Pulsus palpitantes aliquando in senibus observantur: sed id nihili fieri debet. Si enim per totum corpus alia arterie palpitent, deterius multo est. Atque huc pertinet quæstio, an cor palpitare potest, & arterie naturaliter moveantur? Struthius enim observat contingere, ut cor ex irritatione edat majorem pulsum, celeriore & vehementiore quam qui in arteriis appareat. Et qui ægrotant, de pulsu, aut saltu cordis conqueruntur. Hoc autem contingit in febribus continuis phlegmaticis quum venæ & arterie crudis & frigidis refertiuntur humoribus:



Interea tamen cor contentis suis calidum est, arteria frigida. Et caliditas cordis, frigiditasque arteriarum dum concurrunt, moderatum quemdam pulsum (saltem quod ad sensum pertinet) efficiunt: Et tamen cor ipsum aliter multo afficitur & movetur quam arteria ipsa. Unde medici hinc decepti putant tales egrotos non febricitare, quum tamen periculose febricitent.

5 Si natura ad motum palpitatorium concurreret, palpitatio ipsa esset affectio non a solo pendens morbo, sed a natura. Tremor quidem & morbi est & natura, at palpitatio solius morbi effectus, si hoc verum est, quare vaporem palpitationis causam tamquam hostem natura nitetur expellere?

6 Si enim ratione etiam cujusdam doloris irritetur fluxio in partem aliquam, & metu majoris raptus commode vena percutiatur, cur non id fiet, in metu raptus & sanguinis, & spiritus ad cor?

7 In omni palpitatione cordis est flatulentum quid & ἀνεμία. At ad hoc valet maxime phlebotomia, ut sectio. 5. lib. 2. Epidem. Hippocrates. Contra multorum opinionem facit. Horum praclara est demonstratio, lib. de flatibus. Et quodam in loco scribit, Hippocrates. ἐπὶ μελαγχολικῶν διὰ φλεβῶν πνεύματος ἀπολήψεις ὅταν ἐῷσι φλεβοτομὴν λύει.

8 Ut in juvenibus excedentibus ex ephebis quibus debet esse frequens haemorrhagia, si ea desit, palpitatio potest contingere. Idem & non menstruis virginibus potest contingere remeante ad superiores partes sanguine.

9 Causa potentissima palpitationis est metus. Unde etiam dum quis metuit, ei videtur cor palpitare. Et vidimus quemdam bajulum qui forte in grassantium manus inciderat, cui praemetu tanta immutatio in pulsum incidit, ut per longum tempus pulsus palpitans esse videretur.

10 Omnes Hypochondriaci specie cruditatis laborant: Unde non mirum si graviter confluentur, & si facile in palmum cordis incidant.

11 In iis qui palmo cordis sunt obnoxii manifestus arteriarum motus percipitur & micatio: & hujus micationis manifestae causam dicunt plenitudinem humoris: quamquam in iis qui faedos colores habent, & in melancholicis, flatus melancholici resolutio potest facile istam micationem & pulsationem venarum inducere. Aristo. cap. 4. lib. de respiratione, de palpitatione suo modo philosophatur. Legendus iste locus si forte de eo dicendum sit.

12 Rhabarbarum hic in palpitationibus cordis ratione morbi non quadrat, sed ob ventriculum qui cordi maxime consentit, & ad vehementiam morbi augendam facit.



## CONSILIUM CVI.

*De febre continua cum multis & gravissimis Symptomatis.*

**S**ANGERMANUS annos 50. natus plethoricus tum quia desiderans maxime vitam ageret, tum quia avide & multum comederet, ut pote magnis præditus visceribus, in febrem incidit. 1. Ea primis quidem diebus blanda visa est, ut propterea eam negligeret, & a consuetis & muniis, & cibis non abstineret. At satis ex historia quadam Hippocr. in Epid. patet quantum periculi attulerit intempestiva cœna, quum alioqui febris subobscura tantum foret.

*Historia*  
12. sect.  
3. Epid.  
lib. 1.

Quanto vero magis isti viro pravis & multis pleno humoribus nocuit quatruiduana morbi tolerantia, & cœna satis liberalis quum noctes febriles forent? 2. Ut non mirum sit, si inde mortis periculum adventarit. Morbi hæc fuit historia. Quum quatuor jam dies morbum tulisset, de repente suffocatorius dolor oboritur, & peripneumoniæ, necnon cujusdam hepatitidis magna adsunt argumenta, frequens erat respiratio, pulsus ferrans, vibrans, & durus, lateris dextri & scapularum dolores erant, & sensus ponderis in sterno: non poterat thoracem dilatare, falso putabant esse pleuritidem, quum, ut ante monitum est, peripneumoniæ & sterni, & laterum, & scapularum dolores habeant familiares, immo tamquam quid παθογενωμονικόν. Poterat quidem & esse fluxio a partibus superis. Hujus rei fidem faciebat, & quod superioribus temporibus gravissimis doloribus ob fluxionem a capite prehensus esset, item quod ne minimum quidem manus appulsum ferret, in partibus metaphreni. Quamquam & inflammatio ista interna facere poterat. Sed maxime suasit hoc quod eo tempore vagarentur morbi similes, quos partim a descensu latentis materie efferae & nitrosæ, & pepasmi incapace oriri credebamus, partim a resudante sero tenui & maligno a genere venoso in nervosum, unde ulcerosus fuit sensus in multis, & ὀσκόπος adeo incredibilis, ut blandæ manus appulsum ægri non ferrent. Sic in agro crudelis hujus affectionis causas & a descensu materiæ repetebamus, & a genere venoso pleno seri maligni (quod ex phlebotomiis illius temporis maxime intelligere potuimus) transcolationem, & raptum a visceribus. Nam pulmō inflammatus attrahit, & incendium quod inerat abdomini valde inflato orgasmum facit materiæ. Et illud est quod Hippocr. scribit, *Venulas arefactas ichores a partibus attrahere*. Febris erat assidua, alvus non reddebat nisi ὑδατόχολα, licet alvus aliqua ratione medicamentis irritata flueret, non levius habebat, nec subsidebat abdomen, inæqualitates multæ erant, mox manus temperatæ erant, mox æstuabant, morbus erat plane ficcus, urinæ non satis tinctæ, nec morbo, nec redundantī humori analogæ, difficilis spiratio manebat, non aderat dolor capitis. Septimo die sudor diaphoreticus. At quartus tantum dies erat decubitus & apparentis exacerbationis, aliis enim diebus se narrabat ἀπύρεττον εἶναι: manus refrigerantur & pedes: vespere mors. Noctes erant inquietiores & insomnes: vix loco consistebat. Reduplications

4. Acute.



plicationes vesperi fiebant, pulsus durus, vibrans & ferrans manebat: detractus sanguis perfecte corruptus erat & χλωρός.

Hoc vero loco tria aut quatuor quæri possunt, quorum cognitio plurimi sit momenti. Primum quid significarent istæ inæqualitates, an purulentum quid, an materiæ ἀνωμαλίαν κ' τὸ ἑτερογενές, an caloris naturalis paupertatem, dominatum vero caloris contra naturam, an aliud præterea. Secundum an in febribus continuis παροξυσμοὶ esse possint, an non potius τοῦ παροξυσμοῦ nomen κ' ἀναδιπλώσεως, ad febres interpolatas referatur. Tertium, quum tanta humorum saburra foret eaque tum medicamentis, tum clysmatis agitata, cur alvus non fuerit soluta biliosis excrementis, aut plane adstricta ob phlogosin. Quartum accedet, an non ad inflammationem lactium & ventris contulerit frequens & quotidianus usus hydromelitis quum esset μεγάλως πλεονέκτης. Quod non abs re in quæstionem vocatur ne temere iis assentiamur, qui quoniam hoc vel illo potu delectantur, promiscue omnibus ægris illud propinandum putant quod illis in deliciis est. At ut concedam vinum, aquam, hydromeli, oxymeli, absinthites & sexcenta alia, magnas habere opportunitates, habent quoque & sua incommoda. Sic in usu, in arteque medendi alium cibum poculumque pro alio substituere ignorantia, & inscitia plenum est, ut & indistincte hunc ea re interdicere, alium vero ad eandem invitare temeritatem redolet. Ut non abs re quosdam ætatis suæ medicos redarguerit Hippoc. qui absolute pronuntiabant vinum bonum esse, caseum malum, & id genus alia, quorum aliquis usus foret, & incommoditas quædam, prout vel loco, vel jure, vel tempori in usum aptarentur.

Libro de  
veteri  
medici-  
na.

Ac de inæqualitatibus, de quibus primo duximus agendum, jam supra aliquatenus satis esse factum puto, non abs re fuerit tamen nonnihil attingere. Multis modis videmus in febribus etiam dum æstus adest horrores leves incidere, ac si novi paroxysmi nova foret occasio: Item & manus videmus alias moderato calore perfusas, alias veluti incendio confragere. Quæ duo aliquando simul incidunt aliquando seorsim visuntur. Visuntur simul in ingenti cacochymia, quum non modo in mesenterio, quod est totius corporis sentina, verum etiam in genere venoso corruptio est humorum & sanguinis, & qui detrahitur sanguis purulentus est: Hinc & vulgares dicunt se malum sanguinis cursum sentire. Quod non abs re dictum, Etenim secta illis bis aut ter vena, eductoque sanioso sanguine & subviridi, sensum punctionis quem habebant, & horrores illos parvos amplius non habent. Domina a Chalmontio hoc docuit satis: Nam per totum cursum morbi, perpetui fuerunt horrores (quod forte numquam visum est) & sanguis omnis in massa sanguinis contentus putruerat atque exalbuerat. Aperto corpore quicumque e venis effluebat sanguis merum pus erat. Quod ob dominatum caloris contra naturam omnia corrumpentis contigerat, nec non corporis interioris intestina cacochymia toti sanguinis massæ ita communicata, ut inde totius corporis corruptio infecuta fuerit. In Vicario sancti Gervasii sensus deambulationis formicarum quem in brachiis & metaphreno percipiebat, & quædam inæqualitatis sensio, non aliq-



aliunde erat quam a sanguinis corruptela per venas fusi. Declaravit curatio. Nam ista cessarunt misso ter aut quater sanguine satis cumulate.

Horum demonstratio peti potest ex lib. 6. Epid. Ubi Galenus scribit, *Omnes cacochymos, quum repente incalescunt, inhorrescere*. Testatur & quotidiana experientia. Nam si quis pravis scatens excrementis in sole versetur, statim inde redibit inhorrescens. Sic calor febrilis dum agitatur humores putres idem præstat quod & solis calor. Inducit enim rigores & horrores, nam humores corrupti incalescenti seipsis acriores fiunt, moventur & ita lancinant atque feriunt membranas, item & ichor excitatur a calore agitante qui sensum horroris, morsus, & inæqualitatem invehit. Atque eorum qui in febribus ex facili horrescunt multa genera reperio a variis causis nata, ut non sit temere pronuntiandum, de hac aut illa causa si quis inæqualiter horreat. Nam quidam quum vident istos horrores & inæqualitates sæpe incidentes, de suppurato verentur, ac sæpe eo recurrunt, at falso. Inter cetera videmus istos rigores & horrores (nam rigores parvi de quibus sæpe in Epid. Hipp. non differunt ab horroribus, ut docte explicavit Galen.) initio paroxysmorum contingere, de iis non loquimur. Aliquando per totam febrem adsunt, quod de semitertiana intelligit Gal. in qua horrores per omne tempus & particulare, & generale febris percipiuntur, siue intensio (Græce ἐπίτασις) faciat reduplicationem, siue ascensus fiat inæqualis, ideo *φεικώδης*, dicitur κατ' ἐξοχῶν. Hoc efficit materiæ diversitas in qua febris accenditur. Etenim ex duobus humoribus contrariis simul mixtis fit, bilioso & pituitoso, atque dum biliosus incanduit, calfit pituitosus, & sic ascensus inæqualis fit, idemque contingit quod & initio paroxysmorum, quo præsertim tempore urgent horrores. Quia enim inæqualiter & calfit & movetur humor unus: ideo inæqualitas contingit & horror. Quum totus humor æqualiter affectus est, desinunt horrores, & tum incrementum & vigor adest. Quod si in uno humore interpolatam febrem committente fit, multo magis in duobus confusis fieri potest. Immo & febris *τετραοφύης*, de qua sicuti & de hemitritæo amplissime diximus in nostris definitionibus medicis, ab humore bilioso fit majoribus vasis concluso, eoque, ut ait Gal. & pigriore ad motum, & coctionis difficilioris, & quia a sua natura ita bilis degeneravit, horrores quoque junctos habet: Immo & ea ratione *φεικώδης* appellare possemus. Nam de ea loquens ita disputat, febres erant continuæ, uno die temperatiores, altero acerbiores, rigores parvi (idest horrores, ait Gal.) erant omnibus sine ordine, & erraticæ, ac minimi in his febribus fuerunt. Quod dixit ut non confundatur *τετραοφύης* cum hemitritæo: quum in hemitritæo sint horrores magni & velut cum ordine. Quod mirum quomodo febris *τετραοφύης*, si unum humorem habet, nempe biliosum motum pigriorem habentem, idest biliosum quodammodo pituitifacium ita continenter horrores inducat. De hemitritæo quidem minus mirum esse debet, quum hic agnoscat auctorem sui duplicem humorem biliosum & pituitosum simul confusum. Ac dicere oportet duplicem esse *τετραοφύης* febrem, una est quæ duplicem habet quoque humorem, sed non paribus gradibus affectum, ut est in hemitritæo,

Com. in  
part. 23.  
sectio. 2.  
lib. 1.  
Epid.  
Com. ad  
part. 5.  
sectio. 3.  
lib. 1.  
Epid.

Loco supra allegato.

Part. 25.  
sectio. 2.  
lib. 1.  
Epid.  
Vide  
Hippocr.  
lib. 1.  
Epid. in  
Historia  
Sileni.



altera unum habet tantum nempe biliosum pituitosiorum. Quæ duplicem habet humorem, ea fere confunditur cum hemitritæo; quæ unum habet, ea longius ab hemitritæo differt. Quo in sensu audienda sunt quæ ab Hippocr. & Gal. dicuntur. Nam quum uterque vult distinctionem duarum illarum febrium afferre, utramque confundit, & in causa, & in specie, & in more. Nam quodam in loco tu leges τριταίφου febre agnoscere unum humorem, alio duos; quod difficile est ad cognoscendum, quum ista ex adverso pugnent. At dicemus (ut rerum distinctio audiat: ) ideo in tritaephyea febre, tametsi humor unus statuatur, horrores contingere posse quod & multus sit humor circum majora vasa conclusus, & quum sit unus, habet in se partes quasdam ἐτερογενείς, quarum ratione horroris inducitur sensus, ac præsertim dum calor extraneus sese insinuat in materiam istam. Quod dum æquabiliter in omnes materiæ partes non præstat, ideo inæqualitatis sensus adest. Sic tres causas istas animo concipies, ut distinctionis notas comprehendas. Prima est de multitudine humoris ad concipiendum incendium & putredinem parati. Secunda, quod unus humor diversas partes contineat. Tertia est de calore. Quod ad multitudinem humoris spectat, id verisimile: Nam in febribus interpolatis pauca est materia, & longe a magno foco semota, ideo tota digeritur in accessione, dum manet interea empyreuma, quod concurrentibus aliis causis, novæ accessionis auctor existit. In tritaephyea multus est humor, majoribus vasis contentus, cujus quum pars digesta est & evicta, dum continenter calor agit, fit anadiplosis, & novus veluti paroxysmus, ut quod semel fit in febre intermittente fit ob paucam materiam eamque sub finem paroxysmi dissipatam, id fiat sæpius confusione quadam paroxysmorum. Nam pars evanuit, & exhalavit, pars putredini obnoxia, affecta, mota, irritata, novam affert exacerbationem. Quamquam remissio aliqua præcesserit remissis ac temperatis partibus materiæ quæ vigorem & incrementum suum materiæ suæ proportionatum habuerant. Galenus enim uni humori duplicem inesse posse substantiam statuit, unam crassiorum, tenuiorem alteram. Quis enim dubitat a materia putrente in majoribus vasis non eripi ac surgere tenuem aliquam & halituosam partem quæ dolores in capite & partibus propinquis excitet, quum alia pars crassior in intestinis deses sui generis alia pariat symptomata? Sic tenuior pars materiæ biliosæ multæ, pituitæfactæ quodammodo, pigrioris, coctu mitificatuque difficilioris quæ τριταίφου, facit accessiones, facit momentaneas, dissipabiles, quia materia ista tenuis exhalat facile ac digeritur, alia crudior pars & crassior continuitatem facit, & per calorem pars alia attenuata similes prioribus accessiones inducit. Sed in semitertiana quum duplex sit materia confusa (quamquam duos focos statuunt quidam) mali moris dum calidior febre acutam accendit statimque discutitur, & dum corpus tenetur ista acuta febre contingit interea frigidioribus corrumpi ac putrescere, & sic accendi ex illa remissione, quod est veluti requie & imminutione febris. Quod & Galenus de tritaephyis dixit, sed ut ante dictum est, tales τριταίφου proxime ad semitertianas accedunt & in motu, ingenio, specie, causa &

Com. in  
part. 48.  
sectio. 3.  
lib. 3.  
Epidem.



consimilibus affectionibus. Ergo inæqualitatis una & maxime præcipua  
 causa est humorum varietas, ac præsertim eorum qui genere & natura  
 dissident, ut sunt pituita & bilis, ut quoties inæqualitates, varios insul-  
 tus, rigores parvos & horrores audias, toties de varietate ista materiæ  
 non dubites, tantoque magis metuere oportet, quanto in febribus conti-  
 nuis frequentius id evenire conspexeris. Addam & illud, frequentia ista  
 horrorem & reduplicationum mala est, ut signum & causa, ut signum  
 quidem, quoniam declarat varietatem materiæ putredinem concipientis.  
 At quo plures humores vitium contraxere, eo multo plus metuendum:  
 & quo plures humores negotium dant, diversisque temporibus, eo natu-  
 ra plus habet negotii, & malo victa potius succumbit: Ut causa, quo-  
 niam naturam dum proritat ad pugnam plus illi molestiarum infert, &  
 quum natura post unam atque alteram pugnam vires colligere vult, id  
 non facile potest, quoniam nova est in procinctu materia, quæ naturam  
 rursus ad conferendas manus provocat jam jam fractam debilitatamque  
 priore discrimine. Interea quum alterna requie & induciis, quibus sese  
 paullulum colligat ac erigat, carere videatur, non mirum si langueat ac  
 victa succumbat. Ideo Hippoc. dicebat, *Quoquomodo febres intermiserint,*  
*periculum abesse significant.* Et quod Galenus dixit de febribus quas vocat  
 τεταλιοφύεις, more malignorum morborum, diebus criticis deteriores fieri,  
 idest, deterior status & conditio est. Signa cruditatis repræsentantur, quo  
 loco signa coctionis adesse deberent. Atque eo modo possumus id inter-  
 pretari, quod meo iudicio est difficillimum, & a nullo, quod sciam,  
 animadversum, nimirum, quare proprium sit febrium τεταλιοφύειν, quem-  
 admodum & malignarum, ut diebus criticis deteriores fiant, possumus  
 (inquam) interpretari eo modo quo & Gal. explicat, *Circa initia & fi-* Ad Aph.  
*nes omnia esse imbecilliora, quum vero consistunt, fortiora: Symptomata* 29. & 30.  
*quidem & accessiones in vigore fortiora esse multo, quam aut in fine, aut* lib. 2.  
*initio, sed dispositio morbi in iis qui salvari debent, melior est multo quam*  
*initio:* Idest, symptomata graviora, quoniam iudicium instat, & in pro-  
 cinctu res est, sed si morbus funestus non sit, quoniam cruditatis signa  
 non adsunt, dispositio morbi melior est. Ut, dum in apostemate febris  
 augetur ob suppuratum quod actu jam fit, symptoma quidem augetur,  
 & ratione symptomatis in vigore omnia fiunt fortiora, nempe & dolores,  
 & febres, sed morbi dispositio melior est, quia evicta putredine & crudi-  
 tate, lævitas, æqualitas, & albor in pus inducitur, qui sunt legitimi  
 characteres bonæ materiæ, & melioris factæ per naturæ victoriam. Sic  
 in febribus continuis, iis præsertim in quibus naturæ multum negotii da-  
 tum est ob varietatem materiæ, ob continuitatem, ob malignitatem mor-  
 bi, quum diebus criticis symptomata quidem sæviora esse debeant, & ob  
 materiæ coctionem dispositio febrilis & morbifica melior esse debeat, tunc  
 dicuntur omnia esse diebus criticis deteriora, idest, dispositio morbi dete-  
 rior est, quum alioqui melior esse deberet ob signa coctionis apparentia.  
 Dicam id quod ego observavi in plerisque laborantibus febre continua  
 qua ipsi interierint; septimo & nono & undecimo die febris videbatur



remissior, urina, quæ notas coctionis paullo ante habebat, crudior erat ac turbata magis: sic omnia fiunt ὕστερον ὀρότερον: Quandoquidem febris & alia symptomata vehementiora esse debebant, urinæ coctiores esse quoque debebant: Sic dispositio morbi deterior est, symptomata remissiora sunt & imbecilliora. Atque meo quidem iudicio, hoc est, in febribus τεῖταιοθυεῖσι & malignis, deteriores esse criticis diebus morbos, idest morbi διαδέσεις. Quod valde notari debet, quoniam puto id neminem unquam pro rei dignitate animadvertisse.

Unam vero maxime causam inæqualitatis & horroris in febribus explicuimus exemplo hemitritæon, & τεῖταιοθυῶν, ut hoc posito exemplo de similibus judicare liceat. In quo longiores de instituto fuimus, ut id innotesceret maxime quod obscurum est, & ut temere non pronuntiemus hunc vel illum ideo suppurato teneri quod in febribus inordinate horreat. Tale enim iudicium puerile est, & ineruditum, quum sedulo magis causæ hujus rei vestigandæ sint ac perlustrandæ. Atque ceteras causas istorum horrores sigillatim persequi accommodate ad id quod quærimus, deliberaveramus, sed longitudine sermonis territi, & quod passim alibi & cursim, & abunde ea de re attigerimus, superfluum & ταυτολογίας plenum existeret, tractatione ista sumus supercessuri. Nunc vero tria persequi breviter in animo est: Primum, quæ causa fuerit in nostro agro Sangermano inæqualitatis istius: secundum, si humorum varietas causa est tam frequentis insultus, cur non idem in omnibus & interpolatis, & continuis febribus eveniat, quum ubique saltem & duo, & tres humores in vitio sint, & fere semper & bilis & pituita in menterio confusa sint, quorum unus sine altero vix attingitur, saltem vix calfit unus sine altero. Nam quod de humoribus & spiritibus dixit Galenus, exemplo lebetis, nimirum dum incaluerunt spiritus, humores quoque partem caloris concipere, & dum humores incaluerunt, in solidis partibus calorem quoque concipi, id hoc loco maxime considerandum. Quasi vero sive humores sint confusi, sive separati sint, fieri queat ut intacto alio, alius ardeat. Quod si fit, cur non in omnibus febribus inæqualitates & horrores fiunt? Tertium a nobis propositum, est ut Arculani doctissimi opinionem proponamus necnon Holle-  
*de diff. febr.* rii artis nostræ scientissimi de febribus horrificis, & horroribus qui in febres incidunt 4.

De causis inæqualitatis in agro ita statuo: Phlogosis erat interna maxima, maxima saburra humorum ita conclusa, ut nil evacuari arte posset, credo proxime hepar putrefactos humores ita fuisse conclusos, ut proxime ejus parenchyma afficerent, urinæ nihil biliosi humoris in tanto æstu continebant: pulsus durus & vibrans ita totam massam & sanguinis per omnes humores promiscue confusos arsisse ac putruisse significabat, ut non possent non multi horrores & inæqualitates surgere. Nam quum vapor a putrentibus humoribus calidus efferebatur, sensum caloris proximum inducebat, qui quum exhalaverat, tepor partium remanebat. Atque ita factum est, ut septimo die de repente fere interierit, calore naturali victo a calore contra



naturam, qui una quoque extinctus est ut denuo reaccendi non potuerit : Quod sciri amplius potest ex his quæ a Galeno dicuntur in historia de Pythione, ut ante explicuimus. Recurre ad locum istum. Item Galenus, *Part. 8. lib. 2. Proverb.* *In morbis summe malignis partium extimarum permutatio una hora ad contraria efficitur* ( ideo Hippoc. in textu dixit, ) *Si celeriter partes commutentur. Interdum quidem ut hieme fit, perfrigescant, interdum, ut æstate fit, ut incalescant. Id autem contingit quum propriam caliditatem non habuerint, atque a febrili calefiant. Quæ a corporis medio incipiens, flammisque similis totum corpus depascens, extrema concalfacit, quæ & quum transpiraverit, statim & ea refrigescent, extincta nimirum nativa caliditate.* Est enim magnum argumentum calamitatis quum ne sufficit quidem calor minimus ad conservandum mediocrem caliditatem in manibus & pedibus. Immo & exstinguitur ipse calor contra naturam. Nam in quibus multus inest & expansus, saltem manus sua caliditate acri perfundit. Maxime vero sensus horroris & inæqualitatis adest, quum non modo contenti in mesenterio & præcordiis humores sunt affecti & putrefacti, sed quum in venosum genus labes ipsa serpsit ac dimanavit. Quod huic maxime viro contigerat.

5 Quod ad quæstionem secundo loco positam, nimirum quum in corpore raro unus humor peccet, ut declarant evacuationes quotidianæ, & quod quotidie dantur cathartica non unum humorem evacuantia, sed multos simul, quare non omnes sunt febres horridicæ? Dicendum alios quidem humores ob communicationem incalescere, sed unus maxime incalescit per putredinem, alii nondum putredinem contraxere. Vel, dicemus multitudinem materiæ *ἐτερογενές*, in semitertianis, & aliis febribus horridicis inæqualitatem inducere, quæ si similis esset in interpolatis febribus, & conclusa in vasis majoribus & confusa, pares rigores induceret. At illa quum initio paroxysmi horrorem induceret, quod diversiformis quodammodo foret, accedente incremento fit uniusmodi. Et quod in corpore multi sunt humores qui a medicamentis educuntur, sunt potius fæces quam humores, qui quum abstrusi sunt, si putredinaliter accenderentur, facerent febrem. Si conjuncti, febrem sui generis, si diversi & distincti, erraticas febres. In febre tertiana una pars humoris putret, & alia impurtris manet: Item in Epiala, & tamen caloris & frigoris sensus simul non inducitur in utraque febre. Quod notandum, ut scias quid materiæ varia dispositio, & varietas efficiat.

Tertium de quo diximus nos dicturos explicando quid his de rebus sentiat Arculanus, pertinet quoque secundum universale propositum, quo quæsieramus an in febribus continuis paroxysmi sint. Et an non nomen *παροξυσμός* commodius ad intermittentes febres referatur.

6 Arculanus ita de istis rebus statuit ut doceat, & quomodo febres intermittentes sine rigore, horrore, & frigore incipiant, aut eo saltem levi: *Cap. 4. de febrib.* item quomodo febres continuæ reduplicationes habeant cum horrore, rigore ( nam non intelligimus hoc loco nomen rigoris qui præcedit crisin aut sudorem in continuis ) ac si periodicus esset & typicus. Verba sunt ejus, initio phlegmaticæ febris continuæ, ait Avicennas, quod idem de



febris aliis audiri potest, exacerbationes incipiunt a frigore, aut horrore non quia materia ejus spargatur per membra sensilia, sed quia materia movetur propter copiam sui ad venas minores naturalem calorem suffocantes: Id est, dum putrens materia a loco in quo coercebatur in venas minores & aliquas angustias movetur, sensus quidem aut rigoris, aut frigoris percipitur. Item quod febres periodicae & intermittentes possint incidere in quempiam nullo praecedente typico, aut frigore aut rigore, causa haec est ait Arculanus, fieri potest ut materia quae per membra sensilia spargitur eo modo sit disposita quo est post rigorem in incremento alicujus paroxysmi. Atqui in augmento rigorem non infert: quia potius est benigniorem illam materiam effectam esse, & ideo tarde moveri ad membra sensilia, & sicut movetur, ita calescit, & acquirit dispositionem similem ei quae est in augmento. Et tunc non suboritur rigor. § Immo (ait) in paroxysmis febrium interpolatarum videmus subintrare alium paroxysmum sine rigore, aut frigore. Porro quomodo in febribus continuis paroxysmus fieri dicatur, explicatum est hoc in lib. 9. Et in definitionibus meis medicis. 10 Ex his quatuor quae a nobis proposita sunt, duo restant breviter explicanda: prius cur alvus nil reddiderit de materia morbifica, quum tamen liquida redderet, sed nil proficientia: posterius de hydromelite. Quod ad prius attinet: Quum in febribus ardentibus, qualis erat ea quae Sangermanum affligebat, calor multus sit, cur non excrementa sunt *αυραδωδεα*; An in febribus istis continuis liquidior alvus esse potest? Ita sane & tunc malum est ut signum & causa. Ut signum quia vel colliquationem significant, vel tantam phlogosin, ut omnia intro revocet, & avidè retineat, ut potius sequatur colliquatio, quam quicquam e materia extrahas, vel significat vi caloris contra naturam labefactatas esse partes naturales, unde saepe chylosa excernuntur, vel declarat tantum decedere aliquid liquidiusculum ob copiam potus quo immoderatus utuntur ii quibus interiora aestuant. Ut causa vero, quoniam vires interea labuntur, quum non excernantur qualia excerni debent, quum defraudetur saepe naturae genius debilitato ventre, & quod non est amplius locus medicamentis solutivis educturis materiam morbificam. Eorum enim vis eluditur ab ista qualicumque versa superfluitate quae alvo egreditur ac effluit. Et multos sic interire vidimus excretis quibusdam liquidioribus, & retentis partibus crassioribus quae morbum foveant. 11 Et in talibus quo plus effluit de ista superflua humiditate, eo magis a calore contra naturam subigente venter intumescit.

*Part. 2.* Medici plerique delectantur tali vacuatione, nos contra. Hippocrates in *lib. 2.* Prognosticis, & in libro Acutorum docet quomodo inflammatis venis lactium alvi fluor symptomaticus contingat, tum ob *ἀνάδυσιν*, prohibitam vi inflammationis, tum ob generationem ichoris & saniei vi ejusdem inflammationis. Atque in acutis febribus liquidiores saepe esse alvum docet, ratio

*Part. 4.* est, ait Gal. quoniam tales humores sunt crudi ac serosi, & tenues, quia *lib. 4.* omnis coctio crassescit. Et in Epid. In febribus continuis observat excretionem multarum superfluitatum aquosarum quae nihil fere juvant. Et quod *de diata acut.*

*Part. 36.* notandum eodem libro ait, duabus de causis profusorem alvum fieri in acu-



acutis, ob colliquationem & phlegmonem. Sic diversa ratione in acutis <sup>sect. 2.</sup>  
 alvus adstringitur & effluit. Mallem adstringi, quoniam humectando solve- <sup>lib. 1.</sup>  
 retur, & purgatio sequeretur: sed quum effluit liquidis excrementis fere raro <sup>Epid.</sup>  
 proficit, & non purgatio est, sed evacuatio tantum eaque symptomatica. <sup>part. 40.</sup>  
 Immo effluunt sæpe ea quæ retineri debent. Vide de iis plura capite de fluo- <sup>lib. 4.</sup>  
 ribus alvi ante, & in nostris definitionibus medicis in voce *σπυραθῶδες*. <sup>acuto-  
rum.</sup>

Nunc ad hydromeli convertatur oratio. Quærebamus an quum *μεγαλό-  
 σπλάχνος* esset (interpretis vertit, *viscerosus*) non læsus fuerit usu hydromelitis  
 quotidiano. Ac primum quid τοῦ μεγαλοσπλάχνου nomen significet viden-  
 dum. 12 Reperio apud Hippocratem τοῦ μεγαλοσπλάχνου, & active &  
 passive sumi. Active quidem ut quum dictum est vinum dulce esse *μεγαλό-  
 σπλάχνον τοῦ σπληνός κ' ὕπατος*, idest, dulci vino inesse vim tumefaciendi, & 2. <sup>particu.</sup>  
 in molem efferendi splenem & hepar, propter eam quam paullo post explica- <sup>sect. 3.</sup>  
 bimus rationem. Passive autem quum dicitur ὁ ἄνθρωπος μεγαλοσπλάχνος, <sup>lib. acu-</sup>  
 cui hepar & lien, aut alterutrum intumuit, vel ob scirrhum, vel ob phleg- <sup>torum.</sup>  
 monem, vel œdema aliquod, aut affectum aliquem consimilem, quomodo <sup>Parti-</sup>  
 affectis melicratum nocet, ait Galenus in comm. Tertium venari licet ex Ga- <sup>cul. 9.</sup>  
 leno Commentario in eandem particulam significatum, ut ὁ μεγαλοσπλάχνος <sup>eiusdem</sup>  
 dicatur is cui ex naturæ prima conformatione viscus illud duplex magnum  
 est ac elatum. Atque eo in sensu æger noster dum integræ sanitatē frue-  
 retur dici potuit *μεγαλοσπλάχνος*, erat enim ut sic loquar, jecorarius, idest  
 amplo jecore, fervente, æstuoso, & ideo rerum dulcium usu valde eum  
 offendi par erat. Immo quod tam sæpe agrotaret, & tam gravibus indo-  
 mitisque morbis sæpe teneretur, non aliunde causa quam ab uno hepate  
 quærenda fuit. Ut etiam quum lubrica sua sanitatē uteretur secundum  
 vocis illius *μεγαλοσπλάχνου* significatum attribuere non fuerit alienum. Non  
 enim dubium fuit quin latens obstructio, aut aliquid simile fuerit. Atque  
 melicratum illi obfuit per se & ex eventu. Ex eventu quidem, quoniam <sup>Vide</sup>  
 quum melicratum alvum solvat bifariam, aut generando bilem, quia mel <sup>part. 12.</sup>  
 biliscit, aut acquirendo acrimoniam, quia in biliosis æstuosisque alvis mel <sup>lib. 3. acu-</sup>  
 facile acrimoniam acquirit, proptereaque alvum sollicitat, contigit ut iste <sup>torum.</sup>  
 æger alvi libertatē donatus neglexerit ea solemnia remedia quibus propter  
 plethoram & cacochymiam sæpius in anno utebatur. Satis enim sibi suæ-  
 que plethoræ factum putabat, quod liquidiuscule alvus ferretur. Immo  
 initio pastuum quum primum hausisset jusculum ad desidendum desurge-  
 bat, & id in lucro deponebat in bonisque ducebat. At ista alvi subdu-  
 ctio non erat naturalis, sed potius erat veluti quædam *σπατίλη*, idest, hu-  
 mida quædam excretio, ita enim verto, non quomodo interpretis qui no-  
 men τῆς σπατίλης, reddidit nomine lenteria. At aliud longe est. Nam si  
 quis præter consuetudinem nondum mitificato, aut diviso cibo edat bibat-  
 ve, laxatur alvus liquidiore excremento, immo sæpe dejiciuntur ea quæ  
 assumpta sunt parum mitificata, an lenteria dicetur? Nequaquam, sed pro-  
 prie *σπατίλη* vocabitur. Quod notandum, ut teneantur rerum distinctio-  
 nes, quas negligit otiosa hominum sciorum ignorantia. Ac dum solēm- <sup>part. 22.</sup>  
 nes purgationes neglexit, ita congesti sunt pravi humores, ita sanguinis <sup>lib. 2.</sup>



*Acuto-  
1212.*

massa infecta, ut adoriēte gravi morbo, ei necessario fuerit intereundam. Notandumque unum est. Solebat colicis doloribus divexari. Non eum per annum integrum insolito exercuerunt: sed ea prava materia istorum dolorum parens aliquo tempore feriata infeliciores eventus suam frequentiam compensavit. *At quicumque olim gravibus morbis occupari soliti sunt, tamen se dent inducias immo plane extincti videantur, de iis securos esse non oportet, quum saepe alii morbi pro aliis succedant. Quod multos fefellit, quos incautos, aut reviviscentes morbi, aut novi & insolentes, aut oppresserunt,*

*Com. in  
lib. 3.  
acutor.*

*aut funditus e medio sustulerunt.* Porro de hydromelite hoc dici potest, quod de vino dulci dicit Galenus, docens quomodo & ratione dulcedinis, & crassitie offendat. Dulcedinis quidem quia omne dulce dum impense coquitur amarum fit, ratione crassitie, quia quum dulce fit, & ideo facile attrahatur ab hepate tamquam fere crudum & incoctum facile obstruit hepar & lienem. Subit enim minutissimas venas, in quarum anfractibus mel, & aliud dulce contentum dum effervesceat, & incrassatur sibi ipsi viam obstruit, & præcludit. Et notanda sunt ea valde de distinctione facilitatis

*Ibidem.*

obstructionis in pulmone, hepate, & liene. *Pulmo non ita leditur usu vini dulcis, ut hepar & lien, quum bronchia crassum habent humorem. Nam in hepate ex amplis venarum portis ad angusta vasorum tum gibba, tum sine progreditur extrema, per quæ eorum omnium quæ in corpus totum digeruntur transmeatio sit. At in pulmone contrario evenit modo. Nam per venas multas digestum confectumque in amplam bronchiorum, & primo minorum irruit capacitatem, atque ab ipsis ad majora excipitur, secum & crassos tollens humores, quibus non calidius solum, verum quoque & tenuius existit, &c.* Neque quæ de vino crasso dicuntur, ea de melle omnino dici debent. Si quidem non est ea partium crassitudo, quæ inest vino dulci. Ut ne quis omnino ea ratione hydromelite aquoso carendum putet. Sed si inflammata sint viscera, magnas mel incommoditates affert. Quod non modo de vera inflammatione audiendum est, sed etiam si quis natura hepar habeat præcalidum, & alvum durum habeat ob ventris caliditatem. At noster eger calidissimo erat temperamento, ut fere longe a medio discederet. Declarabat suffusa rubore facies quam magno esset hepate, & calido. Et minimo vini usu offendebar, quod declarabat vim caloris alieni, & vaporum ab hepate calido excitatorum copiam. Ergo quum visceribus nativa quædam esset *δυσκρασία*, hydromeli nocuum fuit.

*Com. ad  
part. 11.  
lib. 3.  
acutor.*

Nam viscera rapiunt mel avidissime, & eo impense delectantur. Quæ omnia a Galeno præclare demonstrantur. Et longum esset ea referre.

*Duplex  
biliosum.*

Aliam quoque incommoditatem affert mulsæ, quam in hoc agro novius, biliosa deiecit, aliquando bona, aliquando mala. Bona biliosa non dicuntur, quod quæ excernantur bona sint, sed quia serum suum habent, mala biliosa dicuntur ea quæ sincera sunt, & nativo suo sero ob colliquationem

*Com. ad  
Apho. 6:  
lib. 7.*

et ardorem destituta, ut hoc loco & in Aphorismis dixit, hinc ignea bilis est, flava, crassaque quæ mala est ut signum & causa, ut signum, quoniam ardorem immoderatum & phlegmonem inducat, ut causa quoniam nil, dum excernitur, juvat, ardorem non exstinguit, sed ferme auget. *ἀσπρά*,



πυρρασμὸς καὶ δυσφορίαι infert, ut ait Hippo. quod mirum est, immò & intestina *Gal.com.*  
 exulcerat 13. Quærique hoc loco potest an mulsa per se ista biliosa bo- *ad parti-*  
 na, aut malefica malignaque ( ut Galenus loquitur insolito loquendi mo- *ticulas*  
 re, dum vocat biliosum malignum & maleficum ab effectu, & generatio- *12.13.14*  
 nis modo ) efficiat, an excernat per se, an ad generationem faciat, an ea- *lib. 3.*  
 tenus mala, aut bona. Revera facilitatem excretionis potest afferre, sed dum *acutor.*  
 auget incendium, & promptissime bilescit in vitio viscerum & δυσκράσις, mul-  
 tis modis potest dici afferre σίτεια καὶ βλάβας, læsiones & offensas: multa ad  
 eam rem afferri possunt, at verendum fuit ne satietas fastidiumque tanta  
 orationis prolixitate pariat. De melle legi aliqua possunt eo loco ubi de  
 lacte disputamus.

## A N N O T A T I O N E S.

1 Hinc numquam salubrius vixerat, numquam omni ex parte magis  
 sanus, quam quum eo morbo funesto captus est. At ἄχροια, & sanitas  
 ista suspecta erat: verumque comperimus illud. Circa faciem coloris sua-  
 vitas & sudores sine febre, aut vetus stercus subesse significant aut diata  
 ἀταξίαν, Vide locum præclarum cap. 2. lib. 2. Celsi.

2 Vir iste quindecim ante mensibus laboraverat, quadam specie arthriti-  
 dis in omnibus articulis, in collo a corruptione humorum & sero maligno.  
 Talem speciem morbi unus Hippocr. animadvertit in fine lib. 2. Prorrhetic.  
 Quin dicit eos quibus viscera magna sunt, & quibus primis annis hamor-  
 rhagia frequentes fuerunt, doloribus articulorum esse opportunos. Quæ con-  
 ditiones in isto viro apparuerunt. Præterea de eo illud fuit verum quod ait  
 Gal. ad par. 70. sect. 3. lib. 3. Ep. quod quibus multus sanguis generatur isque  
 calidus, ii facile melancholici fiunt.

3 Ad Hist. 2. sect. 3. lib. 1. Epid. de Sileno locus est præclarus. Ubi do-  
 cet quomodo & biliosi humores & crudi simul generentur: unde (ait) mor-  
 bi gravissimi generantur. Id quod ad semitertianas extendi potest.

4 Vere illius inæqualitatis hujus horridicæ causam ad phlogosin retulimus.  
 Nam Gal. commen. ad part. 42. sect. 2. lib. 1. Prorrh. docet horrores fre-  
 quentes circum dorsum, & cum jactatione significare phlegmonem harum  
 partium.

5 Inæqualitas materia maxime facit febres per totum tempus inæquales  
 ut sunt horridicæ. In multis morbis & corporibus unus humor in vitio est,  
 & facit orgasmum. Ut in biliosis fere sunt febres uniusmodi, ut tertiane,  
 aut continuæ. In melancholicis similiter. At in quibus temperamentum ad  
 biliosum tendit, & hepata sunt calidiora, vite vero institutum est pitui-  
 tosum, aut alia ratione pituita generatur, in iis inæquales, erraticæ sunt  
 febres. Quemadmodum tum cholera morbus pessima & flatuosa & sicca ge-  
 neratur, quum calidis & frigidis simul quis usus est. Quia contrarietas  
 materia impedit uniformem motum. Ita quum simul putrent & moventur,  
 & concipiunt calorem, sed inæqualiter duæ materia, tum duplex naturæ  
 datur negotium. Declarat uxor Domini Courtilier, & vidua Joannis De-  
 bures. Id quod Gal. ad hist. De Sileno lib. 1. Epid. sect. 3. explicavit.

Decet



Docet enim gravissimos tunc morbos generari quum est bilis proventus & crudorum simul humorum. Quomodo autem uterque humor succrescat abunde docet.

6 Hoc saculo magna pars ardentium februm a rigore incipit. Tamen Gal. ad part. 75. sect. 2. lib. 1. Epid. ait rigorem statim initio proprium esse malignitatis. Et hoc anno 1580. quotquot fere correpti sunt peste, iis præcurrit rigor. Et rigor prodromus fuit pestis adorientis.

7 In febribus paroxysmi sæpe sunt apparentes, aliquando non. Et in continuis annotationes sunt, seu παροξυσμοί, seu, ἐπισημασίαι, aliquando diurnæ, aliquando nocturnæ, sine rigore, aut manifesta molestia. Has ἐπισημασίας ἀδλιπτας Græci vocant, ut Gal. docet cap. 9. lib. 1. de different. februm. Interpres vertit incompressas, sed inepte. Alius, æquales. Minus inepte, inepte tamen. Et quamvis cap. 7. ejusdem lib. διήλειος nomen pro compressione ad pulsum refertur, tamen τὸ ἀδλιπτον, pro incompressa summi non debet. Ergo ἡ ἐπισημασία ἀδλιπτος dicitur, quod careat iis angustiis & molestiis quibus premuntur alii per accessionem initia. Et docte Galenus explicat & quomodo illud τὸ ἀδλιπτον in hecticis, & in quibusdam aliis febribus observandum.

8 Unde qui tertianarii se lecto continent, sæpe rigorem, aut eum exiguum, non sentiunt.

9 In febribus continuis præsertim ubi multa inæqualitas materia & motus, si corpus debile, & minime obsequens materia, horrores apparent, & deinde incandescentiæ, sed isti horrores aggressionis tantum sunt inanis, vide 7. Epid. de muliere quadam.

10 Hippoc. lib. 4. Acutor. part. 13. In causo febre non legitimo alvum solvi docet, non de materia morbifica parte excreta aliqua, sed corruptione alimenti quod sumtum est. Et quod valde notandum docet quomodo foco febris ardentis existente in hepate alias alvus solvatur, alias adstricta sit, particula 17. libr. 4. acut.

11 De his verus Aphorismus & quem in multis deprehendimus: Ventris circumtentio ad necessitatem liquida dejiciens, cito intumescens convulsivum quippiam habet. Aph. 7. lib. 3. Prorrh.

12 Et fundati sumus opinione ipsius Hippocrati: nam dum facit mentionem de inflammatione lactium & jejuni, nam inflammationem necessario sequitur alvi fluor ( & hic fluor non debet dehortari venæ sectionem ) sed talis fluor, nec dolorem solvit, nec ventrem mollit: Inflammatio autem & morsus intestinorum & doloris causa est, & fovet istum tumorem.

13 Ideo lib. 2. Epidemior. & in Prorrhetic. fines morborum in dejectiones sinceras desinentes damnat, quia sunt mala, ut signum & ut causa.



## CONSILIUM CXI.

*De febre continua & destillatione ferina.*

**F**ilius Domini Chaluæi equitis torquati, annos natus decem, in febrem continuam incidit cum ferina destillatione conjunctam. Et quemadmodum omnes morbi qui vehementer hominem adoriuntur, facere solent, hic morbus statim terrifica attulit symptomata. Lejenterica fuit fluxio, deinde alvus plane adstricta est. Tussicula erat inanis, arida, effera, tenuis. Metus erat febris hecticæ, quum videretur calor arens, siccus, squalidus, genarum rubores fugaces, calor summus in pectore, lingua fuliginosa, sitis, dolores in latere dextro fugaces. Denique morbus erat κακοίθης. Nam in quavis febre præter rationem collabi, malum. Quod quomodo intelligi debeat, & tamen ad artem faciat plurimum, abunde explicuimus ante. Et omnes morbi maligni, quorum aut in acrimonia caloris colliquantis natura posita est, aut in ferina destillatione, aut in translatione maligni humoris, hoc habent peculiare, ut subitam consumptionem, & collapsum afferant citra ullam insignem evacuationem. Ac revera si is morbus fuisset neglectus, aut si temere de eo medici securi fuissent inopinato repente fuisset ereptus sideratis veluti pulmonibus a ferino. Observarunt enim primates quidam medici rerum diligentes indagatores in paribus destillationibus sideratis pulmonibus & lateribus redditis βλητοῖς καὶ ἀποπληκτοῖς, repente interiisse. Adeo magna est vis τοῦ δέισης καὶ θνητῶδους. Vide quod sit τὸ θηρίον, apud Hippocr. lib. 6. Epidemiorum. Atque non tam in metu febris erat, quam destillatio quæ speciem siccæ pleuritidis, aut peripneumoniæ fecisset, tum per translationem a capite, tum per raptum a partibus inferis. Nam pulmo accensus undelibet trahit magno impetu, & unam speciem peripneumoniæ facit eo modo, ut explicuimus ante. Et observavimus in eo valde magnam tachochemiam (numquam enim ægrotaverat) eventusque probavit juvisse plurimum ad dolorem lateris & accersendam inflammationem colluviem humorum, ut contra vulgarem opinionem sæpius melius sit in doloribus laterum præsertim quum opinio est de translatione tenuium ichorum a partibus inferis, purgare quam secare venam. Ideo dicebat Gal. minus auxilium ex sectione venæ quam ex purgatione sequi, sed securius: quia medicamenta augent febrem. Nunc vero quum alia habeamus lenientia, & majus, & promptius & æque securum præsidium in purgatione locabitur.

Sicca erat pleuritis, non eo modo quo dicitur morbus siccus, idest, crudus, sed sicca, sine sputo dicitur. Quod ne mirum sit, hanc appellationem Hippocrates primus invenit. Vocat enim quamdam pleuresin, Pleuritidem ἀνευ πτυέλων. Rubor est genarum fugax, & quædam ἄχαια, quæ in malis ducitur. Et revera rubor genarum inflammatorum pulmonum, aut inflammationi proximorum est indicium. Quidam aliquando, ut hoc probaret citavit prognosticon Hippoc. At revera de rubore genarum illo loci, ait Hippocr. sed de purulentis sermo est: præter ruborem est indolentia, jactatio, dormiendi impotentia, caloris acris, sed fugacis sensio, tussis inanis, sca-

Hipp. par.  
11. lib. 1.  
Prognost.

3. de mor.  
bis, & li.  
1. Et par.  
21. lib. 4.  
acutor.  
Meminit  
orthop-  
nea sicca

bra



ob spiri-  
tuum in  
terceptio-  
nem.

Part. 12.  
sectio. 1.  
lib. 1. Ep.

2. Pro-  
gnost.

Par. 28.  
sectio. 1.  
lib. 1.  
Epid.

Lib. de  
locis in  
homine.

Pruritus  
in pul-  
mone.

Lib. de  
locis in  
homine.

bra lingua, fitis ingens, summi caloris in thorace perceptio, sputum elu-  
dit spiritum, ut paullo post ex Galeno dicemus. Ac tussium inanum &  
aridarum duo sunt cum materia tenui quidem, sed quæ tandem aliquam  
crassitudinem acquirit in pulmone, cujusmodi est pleuriticorum tussis ini-  
tio. Alia est tussis inanis, quæ nil postea relinquit, est autem ejus causa  
spiritus ichorosus, aut ichor spirituosus omnis expers pepasmi. De priorē  
agit Hippocr. infestabantur arida tussi, nil excreabant, quibusdam testicu-  
lus inflammabatur. Qui factus fuisset abscessus illius materiei, nisi moram ea  
traxisset, & satis ejus fuisset ob abscessum commemorabilem? De posteriore  
potest intelligi ex eo quod Hippoc. scribit quum ait in inflammatione hepa-  
tis ob serum refudans fieri βήχας καὶ θυμόν. Tussim & tussiendi inaniter de-  
siderium. Tussis, si magis materiale est serum, θυμός, conatus tussiendi si  
magis efferum, tenue, spirituosum. De ea materia mala, cacoethe, pepas-  
mi incapace quum passim alibi Hippocr. tum maxime in Epid. agit, fauces  
dolebant, ruborem habebant, rheumata parva, tenuia, acria, statim exte-  
nuata, & male affecta fuerunt. Et de filia Euryanactidis, huic fauces initio  
dolebant, gurgulio retractus, destillationes multæ, acres, tenues, & addit  
sub finem συγγενικὸν φθινῶδες. Plura nos explicuimus in voce ἐνρόν. Cete-  
rum non dicam plura de hoc ægro, quum idea hujus morbi explicata fere  
sit, & ad unum expressa in duobus pueris Joanne de Herville, & Melchior  
du Fresnoy. Tantum de duobus monere oportet, quod video nullos apud  
Hippocratem legisse duplices esse pleuritides, alias cum sputo, quæ & siccæ  
& humidæ dici possunt: siccæ, initio, quum nondum procedit sputum.  
Alias sine sputo, ut quales sæpe hieme grassantur, & quæ a calore funden-  
te & colliquefaciente sunt, item quæ a ferino oriuntur, quæ omnium deter-  
rimæ quum sensim cuniculos agant. Alterum est quod omni ratione in siccis  
pleuritidibus humectare convenit, tum ad retundendam humoris acrimoniam,  
tum ut tranquillior redditus cedat Naturæ, nec ita per colliquationem pesti-  
lentem hominem κατὰ κράτος offendat ac necet. Et Hippocrates visus est hujus  
morbum pueri & descripsisse, & præsensisse quid futurum fuisset nisi arte cau-  
tum fuisset: *Resiccatum id quod influit, & in gutture compactum, utpote  
quod non eluitur, sed paulatim influit ac detinetur, tussim excitat, &  
quod defluit in aortis detentum angustum spiritui locum exhibet, & talem  
spiritum habere facit, qui veluti defectus semper respirare concupiscit (id est  
quedam βραχύπνοια & δύσπνοια fit) & in pulmone veluti non vehementer hu-  
mido existente pruritus contingit: Quum multum e capite fluxerit, pruri-  
tus in pulmone non fit.* Locus præclarus. Et revera ista inanis tussis erat a  
pruritu, & qui tenuis & paucus humor pruritum faciebat, idem dolores fu-  
gaces in thorace faciebat. Revera observavimus quod dixit nempe ob pruri-  
tum istum difficultate spirandi laborasse: Immo si moveretur minimum, di-  
cebat sibi spiritum deficere. Quomodo autem omni ratione in sicca pleuriti-  
de humectandum sit Hippocrates docuit, & nos hunc secuti id præstitimus  
in hoc puero, in Damisella in hospitio Briennæ. Item & ea quæ omni ratio-  
ne inspiciarent exhibuimus. Sic enim consuluit Gal. Scis, ait, *pulmonem  
ipsum ab humoribus crassis & viscosis per tusses expurgari. Nam qui sunt  
aqueosi*



*aqueosi & extreme tenues, aerem qui tussiendo emittitur, circumfluunt: Aer enim tamquam manus quædam existit, quæ sursum crassos humores ferat. Quod si crassi fuerint, non humiditate tantum opus est, sed* *Com. in part. 2. lib. 3. acutor.* *& deterfione quæ ab acidis fiat succis. Itaque puer, de quo agitur, alvo soluta leniendo, temperato calore, sectione venæ, anodynis, & omni humectationis forma brevi restitutus fuit, & suo pulmonis pruritu liberatus. Ceterum unum annotare oportet qui fiat, ut in multis morbis acutis somnus laborem faciat, convulsiones & timores afferat, quum contra juvare debeat. Ac primum quatenus in somno revocantur intro spiritus, calor unaque humores, ea ratione nocet maxime in febribus & inflammationibus internis, nisi ratione coctionis quæ fit per revocationem istam majus commodum sequatur, quam sit id commodum quod ex revocatis intro humoribus insequatur. Nisi quis dicat parum etiam prodesse somnum in febribus ratione primæ & secundæ digestionis, quod per vigilias urgeat, utraque, ut tertia digestio per somnum viget. Ut declarat involuntaria feminis excretio quæ nobis dormientibus fit. Ac de somno, causis, vigiliis, utrorumque formis ante a nobis dictum est. Nunc explicemus qua ratione fiat, ut somnus aliquando obsit in febribus, & quomodo id fiat. Ac primum de somno mirabile est quod ab Hippocrate scribitur: dum enim nititur demonstrare in sanguine magnam vim inesse ad prudentiam & intelligentiam, docet ex contrariis effectis tum in somno, tum in morbis acutis. Atque in somno quidem quoniam refrigeratur sanguis, ideo vacuitatem quamdam prudentiæ contingere docet. Nam (ait Hippocrates) quum corpus somnus invaserit, sanguis frigesit. Infrigiditate autem sanguine languidiores fiunt meatus, hinc constat, quoniam somno ad gravata corpora reclinantur, & oculi ardent, & prudentia permutatur, opiniones peregrinæ mentem occupant, quæ insomnia appellantur. In acutis morbis quoque apparet quantum sanguis ad prudentiam conferat, quoniam quum primum in sanguinem mutatio aliqua evenerit, tum demum mutatur & deterior fit prudentia. Sanguis (ait Hippocrates) qui est in homine, maximam partem ad prudentiam facit, quidam dicunt totum. Quum bilis commota ad venas & ad sanguinem ingressa fuerit, sanguinem ex consueta compage ac motione dimovet, & serosum facit ac calfacit. Calfactus autem etiam totum corpus calfacit, & desipit homo, & non sibi constat, præ febris copia, & sanguinis ad serositatem transmutatione, & motione non solita contingente. Quæ quatuor notanda sunt ut generetur phrenitis, nimirum ut bilis commoveatur, & sanguinem conturbet, ut dimoveat sanguinem ex compage, οὐσαν Græce κίνοισι: tum ut serofus fiat sanguis, Græce διουρησι, (cujus verbi magna vis est) & calfiat. Sed hæc sint παράπρην, præclara tamen. Ergo somnus refrigerat, interiora tamen calfacit ex eventu, corpus reddit gravius & stupefacit. Sed in febribus ob dominatum caloris contra naturam gravia sæpe inducit symptomata. Ideo, (ait Gal.) in somno & labores, & tremores, & convulsiones sunt quum in somno humor infestus ad somnum pervenerit, tunc magis intra, quam extra natura mota. 2 Et ut somnia cibo replent caput, sic in* *Com. ad Apho. 67. lib. 4. plethor.*



Com. in  
Apho. 1.  
lib. 2.

sectio 3.  
lib. 3.  
Epid.

plethoricis dispositionibus, somni ipsum replentes aggravant cerebrum. Et in somnis acervati mali humores magis evaporant, quum juncti permaneant, sicuti actiones utiles somnos conciliant. Et notandum quod in comm. isto addit Galenus, in morbis exitialibus ista terrifica ex somno evenire symptomata observavit. Ac si dicat, non semper evenire, ut somnus noceat, sed quum victor pæne est calor extraneus, & humorum indomita est *κακὸν δεινὰ*. Alia autem signa lædenti somni ex eodem Gal. sunt quoniam per somnum non solvuntur febres, immo extenduntur, dolores augentur, fluxiones multiplicantur, crescunt inflammationes, hæc contingunt ob humorum pravitatem, quos calor innatus fortior evincit, & coquit. Quum debilior, succumbit, & ab his viscera aggravantur: Ac quum juvat, bonum. Non quod omnino verum sit propterea salvari ægrum. Non desinit enim aliquando etiam mori, præsertim si qua dispositio sit funesta, ut abscessus internus. Et Gal. citat Hippocr. in Epid. inter hos multi erant gravi somno oppressi & delirantes, nonnulli vero ex somno. Nam illo loco Hippocr. meminit phreniticorum & febre ardente laborantium, quæis altus sopor obortus est. Phreniticis quidem ratione accumulati in cerebro humoris, & ratione affectionis ipsius cerebri, in febribus autem ob copiam vaporum a calore extraneo summissorum, & excitatorum.

## A N N O T A T I O N E S.

1. His consentiunt multa præclara lib. de vetere medicina scripta. Ubi ex professo docet quid sit coquere in catarrhis, & quomodo a vehementibus medicinis sit cavendum.

2. Et com. ad particul. 34. sectio 3. lib. 3. Epidem. Notat Gal. crinata in febrem ardentem incidere, & qua ratione id feret. Quod nostro Sangermano contigit.

## CONSILIUM CXII.

### De Hypochondriorum phlogosi.

NICOLÆA LE BE, annos nata quatuordécim nondum menstrua, calidis & squalentibus visceribus prædita, post multam insolationem in ripa Sequanæ, & potum tum aquæ immoderatiorem, tum etiam vini (quod tamen ei nocentissimum est) cœpit graviter dolere totum ventrem & hypochondria. Alvus substitit. Minimum pressum digitorum non fert in utroque Hypochondrio, nec in pube ipsa, immo nullâ non in parte totius abdominis inflammatio erat, & multa colluvies humorum, cujus pars tenuior, & ichorosior, & malignior speciem inflammationis fecerat ac si de hydrope subito oborto metus esset. Et revera siccus hydrops facile ortus fuisset per lactium inflammationem. Nullam in partem moveri poterat quinqueretur de dolore. Alii ad instans menstruum tempus hoc referebant, quo tempore sæpe orgasmus & impetus fit sanguinis in omnes partes.

Hoc:



Hoc quidem juvare potuit. Nam constat ex libro de virginibus Hippocr. quæ & qualia accidunt virginibus instante tempore menstruæ purgationis. Tandem neglectis multis quæ utramque in partem afferri possent, tentato medicamento ad venæ sectionem accessimus ter aut quater repetitam, etiam ex utroque brachio. Magna erant argumenta latentis inflammationis, & quæ vires majores acquisivisset, nisi tempestive puellæ occursum fuisset. Ideo autem cunctantius medicamentum tentavimus, quod frustra nos aliquid agere putaremus. Moniti quoque eramus iis quæ ad hunc fere scopum ab Hippocrate scripta sunt dum loquitur de Hypochondriis inflammatis phlogosi quadam sine tumore, five sint *συσροφαί*, ut ibidem loquitur, idest, ut in partibus ipsis intumescentiæ sint aliquæ: *συσροφή*, enim dicitur *ἀπὸ τοῦ συσπρέφειν*, quod congeratur, concludatur, ac colligatur in parte humor aliquis. Verba Hippocratis hæc sunt: *Hepatis dolores & splenis gravitates, & alie inflammationes, ac morborum collectiones (idest, ait Galenus) quum vitiosi aliqui humores in partem quampiam confluunt, & in ea coacervantur, quod a fine συσροφῆς dicitur, solvi non possunt, si quis prius medicamentis purgantibus purgare aggrediatur. Nam venæ sectio in talibus principalis est, deinde infusa per clysteres. Et post venæ sectionem, purgans medicamentum securitate ac moderatione opus habet. Quicumque ea quæ inflammata sunt, statim in principio morborum medicamento solvere volunt, ii non solum ab intensa & inflammata parte nil adimunt, quum non cedat quæ cruda est affectio, verum & quæ morbo resistunt, & sana sunt, absument colliquantque. Ductoque ad imbecillitatem corpore morbus superior evadit, qui ubi corpus vicerit, remedium non habet. Idem in Aphorismis scripsit: Quicumque, ait Galenus, multa cruditate laborant, vel qui tenaces ac crassos cibos assumerunt, quibus itidem Hypochondria intenta atque inflata sunt, aut supra modum calida atque ignea sunt. (quamquam in quibusdam codicibus legitur: καὶ οὖρα πυρωδέα καὶ δερμαὶ sed male, quum locus desumptus sit ex 4. acutorum ubi legitur ὑποχόνδρια φλεγμαίνοντα, non autem τὰ οὖρα φλεγμαίνοντα) & si hoc ipso loco aliqua inflammatio est, omnes hi handquaquam ad purgationes apti sunt.*

4. Acutorum.

Part. 11. lib. 4. de Acut.

Com. in part. 12. lib. 1. Et in Aphorism. 24. lib. 1.

Sed dicet aliquis: si hæc adfunt, præsertim inflammatio ilium, si adest *συσροφή* præsertim calida; morbus acutus est: Si acutus initio agendum aliquid, nec valet tum aphorismus *πέποντα φαρμακένειν*, quid facias? fines ægrum sine ullo remedio interire? In omni febre ardente numquid phlogosis est? si phlogosis, non valet agitatio: Et tamen si quid in ardente febre agendum, maxime initio morbi dum materia turget. Revera aliud est materiam *ὀργάν*, aliud *φλεγμαίνειν ὑποχόνδριον* & *συσροφῶν* aliquam esse. Et ut patet ex comm. in Aphor. 22. lib. 1. Hinc sumitur omnis distinctio & definitio tantæ difficultatis. Nisi dicas sæpe inflammationem esse & *συσροφῆς*, & orgasmum esse ob serosos & acres humores attractos a venulis arefactis: Si purgas, consulēs orgasmo, sed augebis inflammationem, & contra Galenum peccabis. Et revera si habetur ratio ipsius materiei impactæ, & quæ velut radices in parte egerit, a valido medicamento abstinere: quomodo intelligi debet illud Hippoc. supra citatum, quod a parte



a parte inflammata nil conaberis avellere: Sed si junctus sit orgasmus, ob serofos ichores a partibus inflammatis manantes & gravia symptomata excitantes, aut ob materiam aliquam non ita sequestratam & συσπορῶν facientem, sed per mesenterium sparsam, & quæ facile arte nostra educi queat, non erit alienum tunc moliri evacuationem. Nunc ad Galenum revertamur. Quum humores, ait, de loco ad locum moventur, nec consistunt, tunc primo quoque tempore evacuandi veniunt, sin parte aliqua hærent ac confidunt & impinguntur, expectanda coctio, atque tunc naturam habituri sumus adminiculantem. plura supra.

Part. 21.  
lib. 4.  
acutor.

Ceterum quum plerisque videamus derepente suspensa intentaque habere hypochondria, nec non satis liquidam habere alvum, aut statim, aut ad sectionem venæ veniundum est, quod existimemus distentionem istam ab inflammatione esse, an vero ille fluor alvi nos a sectione venæ debet revocare: quod videmus omnes in eam venire opinionem, ut credant nusquam locum esse venæ sectioni dum alvus lubrica est. De his ergo breviter quæramus, quamquam & in nostris definitionibus medicis in voce συρραβῶδος dictum est, & in historia de Sangermano. Audiamus Hippocratem, *Obsessa inflammatione Hypochondria, non spirituum interceptione, septi transversi intentio, vel spirituum protensiones, sed a spirituum interceptione pathemata hæc superveniunt. Hæc inquam sectione vena solvuntur.* Ubi notandum est hac prima periodo tres affectus indigere venæ sectione, Hypochondrii inflammationem non spirituum interceptione, idest, si modo quæ juncta est tumefactio & inflatio inflammationi non sit a flatu, quamquam habere potest flatus conjunctos: Secundo diaphragmatis intentio, Græce ἐπίτασις: Tertio spirituum protensiones, Græce τῶν πνευμάτων προτάσεις. 2 Sed quum venam secat in Hypochondrii inflammatione, excipit, si non sit ἐκ τῆς ἀπολήψεως πνευμάτων, si non sit ex spirituum interceptione, quum autem in septi transversi intentione, & spirituum protensionibus venam secat, ait hæc, idest, & transversæ septi intentionem, & spirituum protensiones ex spirituum interceptionibus esse. Si ergo quum sint a spirituum interceptione, quemadmodum & inflammata Hypochondria cum spirituum interceptione esse possunt, cur hæc circumstantia, Spirituum interceptio? Indicat non secandam venam in inflammatione hypochondriorum, in diaphragmatis intentione, & spirituum protensione, eadem conditio suadet sectionem venæ? Ait enim Galenus: Qui a spirituum interceptione patiuntur difficultatem spirandi, ii secta vena juvantur. Cavet autem ne venam secemus in Hypochondriis inflammatis si spirituum interceptio sit. Sed quod dixit Hippocrates hunc habet sensum. Primum quum dicit, Obsessa Hypochondria inflammatione, non spirituum interceptione, hoc ambiguum est. Non enim spirituum interceptio inflammationem infert. Quare ergo dicit, hypochondria inflammata non spirituum interceptione, quasi vero ἀπόληψις, spirituum inflammationem accersat? Nequaquam. Etenim Galenus ita scribit, Numquam spirituum interceptio flagrantem Hypochondrio diathesin infert. Sed flagrans diathesis potest proventum flatuum facere, ut de ictericis ante abunde demonstratum est.

Com. in  
part. 21.  
lib. 4.  
acutor.

Atque



Atque Gal. ut doceat cur Hippocrates hæc verba addat, *Non spirituum interceptione*, quoniam nulla est cohærentia cum his, *Hypochondria inflammata*, scribit nihil aliud hoc loco esse apud Hipp. τὰ ὑποχόνδρια φλεγμαίνοντα, quam ὑποχόνδρια εἰς τὸ ὄγκον ἡρμένα, idest, Hypochondria in tumorem elata: Sic valet consecutio, Hypochondria in tumorem elevata, non spirituum interceptione, idest, ut ista elevatio non sit a spiritu, sed ab inflammatione. Nam inflatio vel sit a flatibus, vel a mucore, aut thrombo, aut ab inflammatione. Et talis sensus est Hippocr. Si Hypochondria eleventur, (quum enim φλογώσεω; meminit, tacite audit tumorem aliquem excitari) sectio confert venæ, sed hoc verum si elevatio sit inflammatoria non πνέματώδης, idest a flatu excitata. Non quin non eadem sit ratio medendi, si inflammatio Hypochondrii sit cum flatu aut sine flatu, sed oportet signis syllogisticis assequi an flatus interceptio non causetur istam elevationem. Hic in verbo φλεγμαίνοντα, audit tacite aliquam elevationem. Et Gal. citans fere hunc Aphor. in lib. 1. Aph. docens quibus non conveniat medicamentum, ait: *Non convenit medicamentum*, οἷσι τὰ ὑποχόνδρια διατεταμένα πεφύσηται, ἢ ὑπερξασθόντων ἐς τὸ δερμὶ καὶ πυρώδεια, ut τὸ διατεταμένον ad caliditatem tamquam ad causam referatur. Nam si alia de causa distendatur venter, quis dubitat quin sit locus medicamento calido? At quum Hypochondria sunt elevata & calefacta ob phlegmonem, non convenit purgatio metu συντηξέως. Ceterum si spirituum interceptio difficultatem spirandi & orthopnoeam inducat, sectio confert, præsertim si aliqua sit phlogosis. Et quæ spirituum interceptio per se non postulat phlebotomiam in ventre inferiore, eadem postulat in ventre superiore. Nam quum spirituum interceptio est, aperiendo secta vena juvat. Quamquam dubitari potest, nisi suspicio sit de phlegmone, quod Galenus videtur indicasse, com. in illam particulam 21. lib. 4. acutorum.

Duo restant explicanda, prius quomodo isti puellæ inflato toto ventre per inflammationem putrefacto quodam sero istam faciente phlogosin alvus etiamnum liquida dejecerit: secundum quomodo audacter liquidior, & veluti diarrhœica fluxione tentata alvo missus fuerit sanguis: duo alia addentur præter rem quidem, sed non omittenda, cur in ista phlogosi non fuerit insignis febris, & an causa procatactica aliquid efficiat ad morborum generationem. Primum explicuimus ante, & ad hoc intelligendum valent ea quæ Hippoc. scripsit in 2. prognostic. Ubi Galenus explicat, quomodo hydrops ab inflammatione lactium & jejuni nascatur, & multis de causis junctus sit alvi fluor. Quod non idem contingit in hepatis inflammatione. Sed talis fluor, ait Hipp. nec mollit deprimisque ventrem, nec doloris levationis est. Part. 2.  
lib. 2.  
Progn.

Secundum, an fluente alvo potest tuto vena secari, quod in ista puella fecimus. Nam contra docet Hippoc. *Si cui sanguinem auferre confert, ventrem confirmabis*. Gal. in Com. *Si post detractionem perseverat fluor, virutem prosterne*. Sed quum phlogosis est, aut calor adurens & colliquans, non alienum est demere sanguinem, ut ardorem exstinguas. Part. 116  
lib. 4.  
acuto.

Ceterum valde notandum est illud tertium quod quarebamus quomodo non



erat magna febris quum æstuant Hypochondria . Videtur enim æquum esse ut febris insignis internas inflammationes consequatur . Tamen id non placet Galeno , is enim etiam de inflammatione hepatis & diaphragmatis loquens ait : *Si in jecore , septo ventriculo phlegmone oriatur , acuta febris forsan fuerit , quamquam ne hoc quidem perpetuo verum , nondum vero maligna est .* Et in Aphor. vult magnas esse inflammationes in partibus internis ut acuta febris sequatur : Non simpliciter dixit , inflammationes , sed magnas . Et de utero loquens vult etiam magnas esse inflammationes ut febris consequatur acuta . Sic si sit phlegmone , aut phlogosis mediocris , ad manum mordax febris non insequitur .

De causis procatarcticis ita statuendum . Placet quibusdam earum non esse habendam rationem in morborum curatione . Quamquam earum magna vis existit . Et in Epidem. narraturus de febribus continuis , sæpe comesationis meminit , irarum , insolationis , intempestivæ cœnæ , laborum & consimilium causarum procatarcticarum . Et notandum est quod de his scripsit Gal. Corpore nostro ad morbosam dispositionem nonnumquam parato , ita ut prope completa sit , externum quippiam obveniens eam manifestavit , febre videlicet accendens , vel capitis dolorem , vel catarrhum excitans . Deinde ex eo continenter ad morbosæ affectionis preparationem non sine periculo languent . Item & alia multa præclara illo loco scribuntur .

4 Quum ter puellæ venam aperuissemus , omni ratione dolorem sedare & mitigare conati sumus , phlogosin istam metu abscessus : fere in malleolo vena secta est ad revellendum ad partes inferiores . 5

℞. Malvæ totius , acetosæ , violariæ , florum chama. melilo. an. m. j. senecionis & cressionis. an. m. s. seminis melonum cucurr. lact. an. m. ij. seminis lactucæ. ʒ j. senum psylli & fœnig. an. ʒ i. s. fiat decoct. in sero lactis pro fotu : Deinde extrahatur muccag. cum qua ponantur ol. rosati. ʒ iiij Aceti ʒ i. s.

℞. Ceroti santal. macerati in oxyrhodino lib. s. fiat litus ad totum ventrem .

Item ℞ ol. de nymph. & rosati. an. ʒ iiij. aceti. ʒ. i. s. caphura parum pro litu .

Cocto madeat in ol. viol. & butyro recenti & applicetur & repetatur sæpe : Item vesica suilla impleta admoneantur . 6

℞. Decoctionis omazorum lib. 5. in quibus coque folia vitis , salicis , acetos. lactucam , caput papaveris & flores nymph. & semina frigid. major. Addatur serum lactis ad lib. i. s. dissolv. ol. rosati ʒ i. s. cassiam & similia. Item syrupum de nenuph. succum lactucæ pro clysmatis .

Date potiones ex syrup. nenupharino , decoct. lactucar. & cap. papaver . Item hordeata .

Immissa in balneum aquæ dulcis . Sic reſeratis viis , materia temperata , sedato æstu facillime ea alvus lata est quæ agnositis tantum ferebatur .



## A N N O T A T I O N E S.

1 Notandum in quibusdam vi ipsius inflammationis circa aliquas abdominis partes videtur colligi quippiam. Et id *συσροή* proprie nuncupatur.

2 Quamquam Hippo. sectio. 5. lib. 2. Epid. ventositatem flatuosam quam vocat *ἀνέμιον*, venæ sectione solvit.

3 Ad curationem hujus mali, ut & ad tympanitem ortum ob phlogosin lactium valet illud Hippoc. 2. Epid. sect. 5. Ventositatem flatuosam, (Græce *ἀνέμιον*,) phlebotomia solvit. Nam præ calore spiritus multus excitatur qui distendit & vexat.

4 De hac verum illud erat. Dolores Hypochondriorum hepatis, umbilici sanguinis missione levantur. In Coacis.

5 In Hypochondriorum tumoribus, nec mollientia nimis, nec siccantia valent.

6 Enemata ex pinguibus præscripsimus secuti consilium Hippocrat. lib. 4. Acutorum, quum loquitur de Cholera arida, in qua flatus seditionem faciunt estque calor acer & mordax.

## C O N S I L I U M CXIII.

*Ad febrem continuam horrificam & destillationem.*

**D**E Tonfore Caroli successore superius dictum est. Idem eodem tempore quo & Sangermanus febre assidua horrida laboravit. Ingens erat cacochymia, & destillatio a fero nitroso omnes nervorum propagines quæ a cervicis vertebra, & principio vertebrarum dorsi oriuntur, imbuente, quo tantopere divexabatur, ut ne minimum tactum ferret, eo modo quo & ii qui ulcerosa lassitudine detinentur. Nec non ingens renum dolor erat, & quum nephriticus sit & lapidosus, metuebamus de renis inflammatione aut consimili affectu: Et hercle multa erant argumenta. Quoties is laborat, putrida febre maxime laborat, quum hepate sit præditus calidissimo & cibos corrumpente, ut dejectiones, & alia satis detexerunt. Et quum vena cava plena pravo sanguine incubans spinæ dorsi tota ardet & æstuat, non mirum si doloribus lumborum valde divexatur, si jactatur perpetuo, & magnam scabritiem habet, nec non *ἀνροπήξιαν*. Et revera peculiaris quædam erat affectio in renum regione, peculiaris in dorso, unde vix spirare poterat: & aderat febris partim essentialis partim symptomatice ob eos effectus commemoratos. Renis affectum eum esse dicebamus quem Hipp. explicat, & revera magna erat affinitas, verba Hippoc. hæc sunt: *Quartus renum morbus a bile fit & pituita, maxime æstate. Dolores urgent in laterum mollitudine, & in lumbis & lumborum muscibus, & patitur qualia solet mulier ex partu laborans, & non potest in sanam partem decumbere, sed valde dolet, & ex lateris mollitudine quædam pendere videntur velut abrupta. Urina vix prodit præ sua pituitositate*



*tositate & visciditate*. Pari morbo nutrix Domini Roysæi laboravit, & iste piscator qui decumbebat in vico de la Mortellerie, e regione uretoris. Quod attinet ad dolores summos quos circum dorsum, & præsertim omoplatas sentiebat, ut nec libere spirare, nec moveri, nec decumbere posset, immo blandæ manus appulsus non ferret, etsi ob consensum aliarum partium infernarum poterat laborare, omnino tamen id erat a diffusione nitrosi feri, efferi, & pepasmi expertis qui dum imbueret quartam, quintam & sextam conjugationem nervorum a vertebra colli nascentium, difficultatem spirandi summam afferebat ob diaphragmatis consensum. 2 Nam, ut anatomici scribunt, sextæ conjugationis pars diaphragmatis nervo inserta non modice eum auget. Et qui diaphragma moturi sunt nervi, e cervicis medulla omnes prodeunt, in partem diaphragmatis mediam sese inferunt, in ipsaque via fulciuntur intersepiente membrana thoracis. Duo alii per initia his copulantur nervi, qui tamen mox inde intro sub eos pectoris evecti, tandem in diaphragmatis sinum & ad mali punici sedem contendunt, ut mirum non sit, si initio istorum morborum affecto, aut imbuto humore pravo & maligno difficultas sit respirandi, ut istius difficultatis causa non sit revocanda ad propriam affectionem diaphragmatis, sed ad nervorum principium ita laborans. Et revera eo tempore quo iste laboravit, vulgo grassabantur istæ malignæ fluctiones in omoplatas, & partes posticas thoracis. 3 Ægroque nostro omni ratione occurrimus fotibus, & cataplasmatibus, tandem erumpente sudore: die iudice plane dolores isti conquieverunt effluente isto sero quod villos & stamina, nervorum ita obliterat imbueratque, atque dicto citius facilitas ducendi spiritus est restituta. Hoc notatum volumus quia sæpe difficultates respirandi adsunt aut propter istorum nervorum a spinali medulla ortorum affectionem, aut propter affectum renalem, 4 aut hepar tumens, aut hypochondriacam affectionem, & temere inscieniterque multi recurrunt ad pulmones & thoracem, putantque affectionis causam illic latere, falluntur autem plurimum, & sæpe deterius esse putant quam sit. Et ita interpretandus Aphorismus Hippocratis: *In febre assidua difficultas spirandi & delirium si acciderit, letale*.

## A N N O T A T I O N E S.

1 Revera in eo erat ulcerosa lassitudo & ostroscopos quæ in causon solet incidere. Nam ut Gal. docet part. 2. lib. 4. Acutorum, totum corpus laborat lassitudine ulcerosa propter tenuium humiditatum acrimoniam declaravit morbi exitus. Nam quum nulla ratione cessaret dolor iste & lassitudo ossearia, copioso manante sudore omnino sanus evasit. Quidam quum hac vident ad catarrhum hos dolores revocant. Male. Quamquam & destillationes a capite idem causantur præsertim quæ a sero sunt malo. Et credibile, & serum per corpus sparsum cum eo quod a capite est concurrere.

2. Et in historia de Pythione docet comment. in part. 4. Quomodo occupatio nervorum qui a primis spondylis cervicis ducuntur, difficultatem



*motus in manibus afferat, immo & tremorem. Et lib. 6. Epidemior. par. 4. sect. 4. de filia Agesii docet quomodo imbibitio primorum colli spondylorum noxam communicet manibus.*

3 *Si quando id contigit in parvo Petro evenit a destillatione seri crudi in partes subjectas, ac si κατάρροος esset πνιγώδης.*

4 *Difficilis inflexio spina, & ad lumbos dolores sunt lapidis indicia.*

## CONSILIUM CXIV.

*De capitis dolore.*

**M**ARIA BERTHIER, jam annos aliquot capitis anteriora dolet, frigus se sentire in futura coronaria narrat. 1 Sed uno ab hinc anno manifesto sentit fluxionem a capite in scoptula operta per collum, in metaphrenum & lumbos. Et eo humore fluente dolores sentit vehementes, & sensus caloris & acrimoniæ adest. Si hic humor subeat artus & membrorum articulationes, illam arthriticam reddet. Sed dum subtus cutim fluit, nec in interiores capacitates sese insinuat ac infert, nondum profundos dolores & arthriticos infert. Atque hæ sunt rationes quibus adversus Fernelium contendimus in eo commentario quem de arthritide conscripsimus. Etenim si omnis dolor articulorum materiam & causam sui repetit a cerebro, quum tantos dolores in articulis excitet, quum in sua prima origine sit humor venenatus, acer, nitrosus, & ἀπικτος (quamquam non negamus quin etiam majorem tractu temporis malitiam acquirat) an esset verisimile a capite subtus cutim defluere, & nullum dolorem excitare? Nequaquam. At videmus multos arthriticos derepente conquerentes de dolore pedis aut genuum, nullo prægresso dolore in metaphreno & partibus superioribus, quibus acuties est sensus, per quas tamen partes decurrere humorem a capite labentem Fernelius contendit. Sic quaeritur hoc loco quomodo generetur iste humor in capite & inde effluat, qualis sit, an ratione caloris, an ratione frigoris, & si acer, nitrosusque est, cur tam facile horreant. Hippocrat. duplicem mucum facit a capite orientem & dolorem excitantem unum ab interno cerebri corpore per infundibulum defluentem, alterum a transudatione sub pericranio in partes externas sese proripientem. Si ab interno capite est, mordet & dolorem facit, si ab externa parte, non mordet. Hoc tantum probabile est: sicut & illud quod scribit si fluxus mulieris mordet, a corpore est, idest, ventre ipso in quo pravus humor latitet, si non mordet, a capite est. Nam in hac muliere, de qua agimus dolores capitis & vicinitas locorum qui primum dolent, deinde transfundunt eundem dolorem in partes contingentes, & significant a capite humorem manare, qui nitrosus est, malus, efferus, & qui quamcumque in partem irruerit, suæ malitiæ virus expandet. Talem enim inferret & ea omnia quæ ab Hippocrate explicantur. Hujusmodi humoris & generationem, & fontem, & effectus Hipp. explicat, & sæpe ex-

*Lib. de locis in homine.*

*Lib. de natura muliebri.*

*Lib. de Glandulis.*



perientia patent. Si enim constat partes omnes internas sæpe labefieri ob nitrosum falsumque humorem a capite manantem, cur humor qui in partes externas refunditur, aut liquatus subit, aut expellitur vi pellente naturæ, & qui cum eo qui interiora subit habet & affinitatem, & ut verbo Hippoc. accomodato utar, ὁμοειδὲς ἔστω, similia symptomata non progignet?

Lib. de  
locis in  
homine.

Audiamus Hippoc. *Tabes ex fluxione retrorsum, qui hac affectus est, caput ei purgabitur debili pharmaco*: Deinde ait paullo ante, *quum retro in carnem juxta vertebra fluxus ilapsus hydropem fecerit, sic medeberis. Caro in collo inter venas crustis uratur, cicatrices quam tenuissimæ inducantur, & quam pituitosissimis utatur*. Quod est intelligendum, quoniam abhorret in omni specie hydropis (si tympanitem exceperis) uti pituitosa & humida diæta: sed primum nomine hydropis intelligit quamdam speciem hydropis dorsalis a ferina destillatione a capite manante per posticas partes, quæ destillatio dum calori & humori nativo bellum indicit, & tacitam, latentem furtivamque depastionem & consumptionem partium solidarum & spermaticarum, quæ plurimæ sunt in metaphreno: unde ab his horrores incipiunt facile, inducit, & dum inducit naturalis humoris inopia marcorem quemdam, adventitium tumorem infert per excrementi cumulum & veri nutrimenti corruptionem, sic pituitosos cibos consulit, ad ἀνάληψιν istarum partium, quia partim tument tumore adventitio, siccantur paupertate humidi nativi corrupti. Quod nos explicuimus in Histor. Petri Guerard. Et idem Hippoc. copiosius explicat eodem lib. *Quum in medullam fluxio contigerit, tabes occulta oritur, quum autem retro ad vertebra, & in carnes fluxerit, fit hydrops. Siccæ sunt partes anteriores, caput videlicet & nares, oculis hebetudo accedit, sunt cum virore pallidi, & reliquum corpus, &c.*

De locis  
in homi-  
ne.

Erat do-  
mina du  
Plessis.

Quod notandum valde. Nam & in hac muliere, & in plerisque in quibus istæ fluctiones fiunt, videris oculos cavos, genas contractas, alias pendulas, & nitorem viriditatemque oculis deesse. Superioribus paginis docuimus quanta sit vis falsarum, acrium & nitrosarum fluctionum ad afferendam consumptionem corpori toto, quoquo se humor proripuerit ac subierit in vico Sandionysiano ab acri sero dolores excitati sunt in omoplatis, ardoris & acrimoniæ sensus erat, & nil juvabant remedia, immo ne opium. Talis dolor viginti menses perseveravit Joanni Beauchant, qui laqueo vitam finivit calamitoso supplicio infinitatem (ut verbo Tulliano utar) suorum scelerum expiaturus, in omoplatis dolores erant incredibiles qui ex intervallis, repetebant. Aperto cadavere repertum est pingue & efferum serum quod omnia ligamenta & nervos obliverat imbibe- ratque.

Generatur autem peculiariter tale serum in quibusdam, & eo facilius generatur quo magis tempus & aer est idoneus ad talem generationem ut austrina constitutione per corruptionem acquisita falsedine & nitrositate. Et ad id facit si calor corporis est acer, corrumpens, squalidus: talis enim calor non actionem facit, sed corrumpit potius, ut pluribus explicuimus ante. 4 Atque primum ejus malignitatis prima labes ab hepate est: alimentum enim, idest, sanguis, aliquando acrior est & serosior, & tractu tempo-



temporis dum majorem malitiam acquirit, tum virulentus fit quodammodo. Id observavimus in ea muliere, & in uxore Domini du Bourglabe, quæ utraque doloribus capitis est obnoxia & uxor Lodoici Michaelis, & in iis quibus corpora sunt macilenta, & *δερμόκοιλα*, juxta illud, *Qui ventre sunt calido, carnes habent frigidas*. Cujus Aphorismi magna vis, magna intelligentia, ut nos in libris nostris de morbis mulierum conscriptis docuimus. Et inter omnes locos memorabilis est, ubi docet Hippocrates duo, prius cur partes superiores vitium potius capiant a fluctione, unde caput etiam ipsum a quo fluxio est, siccatur, extabescit, ac squalescit quod paullo ante diximus ex Hippocrate: posterius cur biliosi, sicci, arecentes fluctionibus opportuni & eas facile corpus excipiat quasi lucrum aliquod faciat, sed frustra. Omitto textum, quoniam longiore interpretatione opus haberet.

*Lib. de  
loc. in  
hom.*

Ac præter vitium in sanguine, potest esse peculiaris dispositio in capite, quæ efficiat ut alimentum in capite ipso corrumpatur: Et quum non videamus ullum fluxionibus malignis opportunum (nisi forte per totum corporis habitum diffusus sit calor acer & corrumpens) qui non doloribus capitis frequenter exerceatur, fit ut propter impressionem a dolore & vim factam parti facultas partis debilitetur, calor infirmetur, & pro nativo extraneus inducatur, immo & febris quædam capitalis inducatur, idest, calor extraneus, siccus, malus, corruptor ac alimenti depravator. 5 Et sic perennis fit generatio humoris, fit & perenne effluvium, & tum quum extra caput ille humor non educitur, tum vertigines, Epilepsiæ, apoplexiæ quoque fiunt ipsæ. Vide quæ ex Arculano supra annotavimus, & illa est vere *ἡ δεισις*, quam morborum statâ rataque periodo reducum causam *συνεχῆ* constituit Galenus.

*Lib. de  
diff. feb.  
2. sub  
finem.*

Et quod notandum, istæ mulieres tres de quibus ante dixi, & quæ erunt veluti regulæ aliarum, quum calorem habeant acrem, mordacem, multum, & tali humore abundant, tamen se ne minimum frigus posse ferre dicunt, & sibi perpetuo in rhachitide, & in occipite, quod parte anteriore est frigidius, sensum quemdam frigoris & catarrhi fontem perennitatemque constitutam dicunt: ac si ab ea parte defluat humor tantas in partibus remotis molestias excitaturus. Causam hujus rei evolvemus. Quum cerebrum peculiari morbo laborans, & veluti quadam febris sibi propria impeditum, non capiat eum fructum ex alimento quem capere debet, illud corrumpit, unde pars aliqua jam sequestrata est quæ continuos dolores aut parum intermittentes, committat, pars alia a cerebro valente pellitur foras. Si nitrosum falsumque quid habet *ῥῥμα* 6 per putredinem, sensum caloris, & acrimoniæ infert, & sic putant sibi partes deuri, si qua pars mixta frigidior & crassior dum confunditur massæ sanguinis, dum nervosum genus ferit & imbuat, sensum quoque frigoris infert, sic paret & surgit ea inæqualitas, & vicissitudo caloris & frigoris quam innumeris locis in hoc volumine explicavimus. Immo si initio paroxysmorum minimus appulsus externi aeris frigidi, aut sparsio humoris etiam calidi & biliosi sensum horroris & rigoris infert, quanto magis id præstabit humor a capite labens, qui



Lib. 1.  
de mor-  
bis.

tametsi & falsedinem & nitrositatem habens, caliditatem intrinsecam habet, tamen quia omne excrementum retinet aliquid de ea parte cujus est excrementum, quum cerebrum sit natura frigidum, non mirum si in isto humore sit aliquid ἐτερογενές. Ac de rigoribus & horroribus locus est apud Hipp. *Rigor*, ait, *in morbis fit ab externis, ventis, aqua, serenitate, sub dio degentibus, fit & ab ingestis cibis et potu. Maxime vero fit quum bilis et pituita remissa fuerit sanguini, aut altera ex his, aut utraque. Magis si pituita sola fuerit, nam est frigidissima: calidissimus sanguis. Bilis vero aliquanto frigidior sanguine; Quum autem ambo humores, aut ex his alter, ad sanguinem mixti fuerint, congelant: idest sensum frigoris, aut rigoris, aut horroris inducunt. Ut mirum non sit si catarrhosi sæpe horreant aut rigeant, & in febribus, & extra febres, ut non necesse sit ad istas horripilationes febrem sequi, quod temporibus Hippocratis eveniebat 7. Nam horrorem rigoremque proxime febris sequebatur. Præter autem alias rationes quas aliis in locis, si quid meminimus, explicuimus; hæc forte probabilis est. Quod si rigoris & horroris primus impetus, & in internis partibus & ab internis fit, præsertim si materia præparata est, maxima ex parte febris suscitatur: sin autem potius deforis est, & ab externa causa, & manifesta occasione, non est ita necesse accenso calore & humoribus febrem consequi.*

Lib. 1.  
de mor-  
bis.

Porro quæ causa sit cur humor refundatur ita brevi expedio. Superius unam ex causis diffusionis pituitæ in capite, quam Hippoc. διαχυσις vocat, non συντηξιν, diximus esse & calorem & frigus, quoque modo id fieret explicatum est. Nam instar spongiarum madefactarum quæ manu premuntur, cerebrum oppletum ab ambiente aere exprimitur alias atque alias in has aut illas partes. Alia causa diffusionis est vis facultatis expultricis quam irritat humor, aut sua qualitate, aut quantitate peccans. Accedit quod omne serum, & humor nitrosus sua mala qualitate præditus facile sibi viam quærat atque pareat.

4. de  
morbis.

Porro tum ex Celso, tum Hippocrate eruenda est harum fluctionum medela. Primum quantum spectat ad usum rerum humidarum (quoniam vulgo dicunt liquidiora non quadrare catarrhis) convellenda est ista opinio. Quamquam ex Hippocrate quo plus humidi sumitur, plus quoque pituitæ videtur in cerebro (quod phlegmatis fontem facit) accumulari, & sic occasio fluctionum suppeditari. Sic hoc expediemus: Deinde an locus sit validis & attrahentibus medicamentis, quod placere Galeno visum est in methodo medendi, ut ante explicuimus, quod est valde notandum &. Tertio quid sibi velit Hippocrates, & Celsus qui recurrunt ad ignem & cauteria in his affectibus. Pituitosis & præpinguibus frequens rerum liquidarum usus non quadrat, ut nec iis in quibus humiditas multa præsertim excrementitia: Ideo Hippo. in Aphor. scribit famem convenire iis qui humiditas carnes habent, quia fames exsiccat ex eventu, ait Galenus in commento. Et quod dicitur nutritionem per similia faciendam esse, hoc verum quidem est quod ad optimam temperaturam spectat quæ ceterarum sit regula: sed quoniam facile fit ex illa egressio, juvat mediocris rerum contrariarum

Aphor.  
19. lib. 7.



riarum usus. Sic intelligendum putat Galenus naturarum aliam ad hoc vel illud tempus melius habere. Sic quoque explicat Galenus de iis qui humido victu uti consuevere. At catarrhosi maximam partem humiditate multa abundant: Immo quum catarrhus nullius morbi peculiare nomen fit, sed morbidam excretionem significet quæ prout in has aut illas partes procumbit ita varias morbus qui inde sequitur appellationes sortitur, si excessus sit humiditatis, quis dubitat quin siccandum sit? At contra aliter faciendum est. Si excessus sit multus humiditatis, si cerebrum sit humidius, nemo dubitat quin siccare non sit bonum, contrario contrarium opponendo; At quoniam nitrosæ, acres, falsæ, subtiles quoque sunt defluxiones & catarrhi, vel quia qui a partibus inferis surgunt vapores in cerebrum talem naturam habebant, vel quia ob peculiarem in cerebro constitutionem, & malam diathesin talem nanciscatur naturam, vel quia hepar calidius proventum facit istius humiditatis per modum effumationis & sublimationis, in hoc casu ab humectantibus (etiam si corpus videatur humidiusculum) & ἀπὸ τῶν ἐπιχεραστικῶν, abstinere non oportet. Plura ea de re alias. De rumpendis crustis ferro candente Hippocratis locus est præclarus ante a nobis expressus, ut repetitioni non sit locus. Hoc autem fit ut fiant emissaria per quæ educatur serum nitrosum quod perreptando corpus totum, & sese sensim insinuando dolores intolerabiles facit, immo & maciem toti corpori conciliat.

Unum porro obliti fuimus, quod attexendum erat isti disputationi quam habuimus paullo ante de usu rerum liquidarum & humidarum, an in fluxionibus istis & φάρμακισμοῖς nitrosis tuto balnea præscribantur universalia, hoc non caret difficultate. Balnea præscribuntur ad contemperandum, non ad evacuandum: nam quum balnea evacuent auctore Gal. si tantum in aquam egelidam æger mittitur, nec elicitur sudor, temperatur quodammodo humor nitrosus per cutim fusus, saltem sub cutim diffluens & dolores excitans partesque labefactans. Quod consilium est Hippocratis dum loquitur περὶ ῥόων γυναικείων, ab humoribus falsis & acris & nitrosis: si ea quæ effluunt bilis fuerint & falsago, & non solum internas partes, sed & externas exulcerent, diatam transmutabis & humectabis ut fluctiones quam aquosissimæ fiant, & minime mordaces balneis multis calidis uteris, & cet. Et quodam in loco Aetius in fluctionibus & congestionibus humorum acrium & mordacium utitur τοῖς ἐπιχεραστικοῖς, idest iis quæ affusa, aut circumfusa, aut applicita vim habent mitificandi & moderandi humoris, & ejus impetum sistendi: Sic huic nostræ agræ valere ac conducere credidimus usum balneorum 10.

Atque omnia hæc ad unguem tenenda sunt, ne temere, quod alias magno ægrorum incommodo factitatum vidimus, quoties quis de defluxionibus conqueritur, ad hidrotica recurramus præsertim valentia, ut est lignum indicum. Nam ejus usu sæpe eam adaugemus intemperiem, quæ tam pravarum fluctionum auctor existit. Et ut concedam elicitis sudoribus adjumenti aliquid afferri, plus tamen incommodi affertur augendo intemperiem omnium malorum causam. Si simplex esset & absoluta humiditas,

Apho. 2.

lib. 3.

Apho. 16.

lib. 1.

Com. ad

Aphor. 2.

lib. 4.

Lib. 2.

de morb.

mnl.

miditas,



miditas, quæque solum sua quantitate molesta foret, discussione ejusmodi humoris sanitas compararetur: huic mulieri Hypochondriacæ syrupus ordinatus sequens in hanc formam.

*℞. Cort. pomor. redol. 15. rad. lapath. acut. cichor. acetos. an. ℥ ij. intyb. utriusque ad m. j. bugloss. m. ij. beton. meliss. an. m. j. polypod. cum draget. communi cont. ℥ i. s. mercur. p. ij. rad. alth. secta enul. campan. an. m. j. passul. jujub. sebesth. an. num. 20. prun. quart. flor. cordial. an. p. ij. sem. papav. albi. ℥ iiij sem. frigid. ℥ i. s. pæon. angel. sesel. an. ℥ i. s. fiat decoct. ad lib. ij. adde folior. sen. vino albo laut. ℥ iiij. fiat ebullitio longa ad lib. in colatur. dissol. express. ℥ i. s. agar. trochisc. in aqua meliss. cum ℥ ij. cinnam. & serici crudi in nodulo posit. ℥ iiij. & cum sacch. quart. iiij. oxymelit. simpl. ℥ iiij. succi pomor. quart. 1. fiat syrupus utendus ex decreto medici.*

## A N N O T A T I O N E S.

1 Nos tandem deteximus illud totum de quo illa queritur esse hypochondriacum, & non tam caput per se affectum esse quam propter flatulentam & malignam naturam flatus melancholici & atrabilarii. Olim excretioni sanguinis per nares erat obnoxia, quod forte fecit reddiditque humores sinceriores, & veluti suo privatos sero naturali. Et quod modo de una parte conqueratur, modo de alia: idque in superficie corporis quid impediet quominus dicamus affectum esse ipsius habitus corporis eo modo quo illam auram qua a pede efferebatur ad convulsionem non esse ab interno corpore, sed ab externo, ita placet Avicenna, est enim ubi quidam morbi in habitu sunt, alii non, & si extuberaret aliquid in cute, omnino istis punctiōibus liberaretur.

2 Hippoc. in Tabescentibus & phreniticis oculos ἐπίχους, pulverulentos possis dicere, observavit, part. 17. lib. 1. Prorrh.

3. Tandem quum interiisset, reperta est collectio putris & olida materiei in thorace, cujus serum eos dolores faciebat in partibus vicinis, & id pulmonicis est familiare.

4. Ceterum videmus plerisque salivam dulcem & veluti insulsam esse, aliis salsam nitrosam, aut alius vehementioris qualitatis, ita quoque de fluctiōibus dici potest. Talis autem generatio peculiarem naturam corporis cujusque sequitur. Unde Hippocrates lib. 2. Epid. sub finem sectionis primæ vocat corpus ἀλμώδες, quod humore nitroso & salso abundat, & a cujus capite maxime fluit talis humor præsertim quum a pulmone caput calefactum fuerit. Quod notandum.

5. Accedit quod mulieres quæ calidiore & arente calore sunt præditæ, & corrumpunt alimentum, & pravis utuntur cibus, ut inde augeatur cacochymia.

6. Immo idem rheuma in coryzis urit & refrigerat, quum in cerebro est calor extraneus, & calor naturalis paucus est dum vi caloris non naturalis excitatur in solum ambitum cerebri, & præsertim in occipitis & syn-  
cipitis partem aliquam humor tenuis qui sudoris instar exsudat, dum ille  
hu-



humor refrigerescit ob membranas sensus adest frigoris : sic calent aliquando , & se gelu sentire dicunt in capite : Causa vero potissima propter quam dum ab interno corpore cerebri exprimitur humor in membranas , aut in pericranium sensum frigoris in ipsis membranis inducit , tametsi & a loco calido efferatur , & forte ipse sit nitrosus & salsus , causa , inquam , est quoniam iste humor de natura cerebri retinet , at cerebrum frigidum est , quia spermaticum : Deinde quatenus ille humor de natura aquea retinet , tametsi sui interiore principio calidus sit , quia nitrosus , quia salsus , tamen quia retinet de natura aqua , facile frigiditatem inducit & accipit : sic sanguis ab Hippocr. frigidus dicitur , & humor melancholicus dicitur siccus , quum tamen humidus consistentia sit . Maxime vero puto sensum frigoris inducere ex eventu eo modo quo videmus humorem calidum , a calido loco per sudores profectum inducere sensum frigoris , quia in habitu refrigeratur , & non regitur a calore suo , sed is calor evanuit sic , credo , in membranas , roris modo , inutilis humor exprimitur , qui restitans ibi & ob densitatem ossis non transpirans refrigeratur . Et sic a nitroso humore sensus frigoris inducitur .

7. An rigorem febris sequatur . Vide Gal. cap. 1. lib. 2. de diff. feb. libro de inaequali intemperie : com. 3. in lib. 1. Epidemion . Et in nostro lib. de Epiala febre .

8. Praclara est decisio de ea re apud Arculanum cap. de phthisi ubi docet quomodo in phthisi sit evacuandum , & quomodo non evacuandum .

9. Et Hippoc. lib. de vetere medicina , abunde docet in salsis et acutis fluxionibus mitificandum esse , non autem evacuandum .

10. Inter ceteros locos , ad hanc maxime mulierem pertinet locus lib. 2. Prorrh. in quem Gal. non scripsit ubi graphice morbus illius describi videtur .

12. Atque hac mulier si tussiret , corpus internum subiret catarrhus , nunc vero quum non tussiat , sed externam capacitatem fluctio appetat , non mirum si tot dolores persentiscat . Et duo sunt commemorabiles loci huc pertinentes , prior est ex lib. 2. Epid. sect. 2. ubi docet cuidam virgini manum , et crus siderata esse quum nil commemorabile tussiret , quasi vero suppressio materiae qua tussim excitare deberet , eam siderationem attulerit . Ita Heracle : Nam et Hippoc. in Coacis ait , Quibus salsuginosa , sputa et tussis supprimuntur , his corpus velut a pustulis rubescit . Vide Com. in part. 4. lib. 6. Epid. sectione 4.

13. Ad hanc historiam valet locus praclarus ex sect. 3. lib. 2. Epid. ubi agit de asperitatibus cutis , etc. Et inter cetera Langii Epist. 15. lib. 2. De puncticula . Et lib. nostr. Ephemeridon . Et de exanthematis quae ut culicum morsus erant : Et Hippoc. rationem generationis horum proponit . Quod ad institutum valde pertinet , lib. 5. Epid. Et Aetius cap. 129. Tetrab. 2. serm. 1. Febres in quibus puncticulae apparent sunt adurentes , et facile ad manum calor remittit : forte de iis audiendus locus lib. 6. Epid. sect. 8. de febribus quas περιχαις vocat . Et lib. 7. Epid. locus praclarus de eruptione exanthematon περιχαιδων .



## CONSILIUM CXV.

*De febre semitertiana.*

Uxor proscibæ nomine Guillemine, quum & catarrhosa foret, & colicis doloribus obnoxia, tamen fervidiore hepate in febrem incidit continuam mense Junio. Vagabantur tunc febres ardentes satis mali moris. Statim initio horrenda fuerunt omnia, dolor ingens capitis, & veluti cujusdam παραφορᾶς, & perturbationis mentis argumentum, vomitiones frequentes, ardor summus, erat revera aliquid hemitritæon. Nam humores ita erant ἐτερογενεῖς, & bilis pituitæque adeoque crudi succi, tum qui a capite descendens per quamdam colliquationem, aut diffusionem potius in venas, & habitum corporis irruerat horroris sensum inferens, tum peculiariter in ejus corpore & redundabat, & ob diuturnitatem constitutionis humidæ & austrinæ, in qua congeritur humor, nec difflatur; præsertim in mulieribus quarum corpora sunt ὑπόλακα καὶ βρώδεια, succrescebat, copia (inquam) tanta fuit, ut mirum non sit, si inæqualitas summa fuerit, curandi difficultas, & periculum mortis, quam nos certo expectabamus. Varietas enim ista humorum partim confusorum, partim diverso loco positorum, & putrescentium, nullum non dat negotium naturæ, febris ad 14. diem perseveravit. Primis diebus multa judicatoria non judicantia apparuerunt. Et quum urinæ initio valde confusæ existerent, flammæ, tenuiores factæ sunt. Sed id non placebat. Reduplications erant nocturnæ, & perfrigeratio quædam levis præcedebat, ac si novus esset paroxysmus. Sed id motu fiebat non periodico, sed a venis in venas, & a loco in locum, non in habitum corporis, quomodo fit in febribus intermittentibus periodicis, ut nos in historia de Sangermano explicuimus. Sed tria valde terrifica fuerunt: Primum quod erat comatosa, sed κῶμα erat potius ἄγρυπνον, & somnus tædebat, nam quum primum in somnum se componeret, statim delirabat. Secundum perfrigeratio tibiarum & pedum sæpe erat, ut recalferi fere non posset. Unde in lipyriæ febris suspicionem veniebamus: Tertium pulsus imminutus valde erat, & nescio quid διαφορτικόν. Quartum, metus erat inflammationis pulmonis, ut pleuritidis latentis. Perpetuo enim fere de latere dextro ad manus regionem quæsta est, ut propterea consultum fuerit ei tamquam pleuriticæ, neglecto reliquo morbo. Et de dolore isto lateris valde laborabamus, an vere esset pleuritis, an congestio ibi esset (erant enim magna congestionis argumenta, unde excrevit e pulmone multa satis horrenda) an fluxio a capite, an translatio a ventre inferiore: Unde fit ut (quod Hippoc. libris de morbis annotavit) facile febris ardens peripneumoniam & lethargicam quamdam dispositionem, non a capite ipso primo affecto, sed pulmone & affecto, & obstructo, ut liber non sit exitus spirituum, & ob copiam vaporum a pulmone incandescente elatorum, & maligne ferientium: Quod notandum. Ac valde decipiuntur medici. Hac de re Hippoc. Caput præclarum scripsit de Lethargo, ubi lethargum ait oriri per quamdam peripneumoniam

Hippoc.  
lib. 1.  
de morb.  
& lib.  
3. cap. de  
febre ar-  
dente,  
& lib. 2.  
Epidem.

neumoniam



numoniæ affinitatem, & in isto lethargo potius pulmone quam capiti con-  
sulit. Hoc morbo laboravit Domina le Boindre. Et aliquid simile fuit *meorum*  
in vidua Domini Garnier, ut nos in lib. 2. Epid. nostrorum scripsimus. *Quid sit*  
Ac primum consimilem huic historiæ quamdam historiam scripsit Hippoc. *letharg.*  
lib. 2. Epid. *In perinthum circa solstitium venimus, etc. Æstate febres ar-*  
*apud Hippocr.*  
*lib. 3. de*  
*morbis.*  
*dentes populariter grassata sunt multa.* Et cetera consequuntur quæ lon-  
gum esset recensere.

Quod ad primum pertinet, quomodo nimirum obfuerit somnus tum  
ob malignitatem materiei revocatæ a superficie ad centrum, tum ob do-  
minatum caloris, dictum jam ante est abunde, quod ad infinitos prope  
ægros pertinere potest. Nam quum calor contra naturam superat natura-  
lem, fere turbati sunt somni. Ac revera terrifica omnia fuerunt, ut ante  
dictum est, tum ob corruptorum humorum *καλοΐδαν*, quæ communem  
corruptionem superat, tum ob caloris febrilis dominatum. Unde in Epid.  
notatum est terrifica sæpe accidentia initio morborum evenire, ob sum-  
mam humorum intus latentium corruptionem ut Gal. annotat. Et inter  
cetera commemorabilis locus in lib. 2. Prorrh. in quem Gal. non commen-  
tus est: *In principiis febrium sive delirium accesserit, sive alicujus membri*  
*sideratio, perituum hominem scito, si non ex optimis signis aliquod acce-*  
*dat, aut corporis vires adsunt.* At hæc mulier tantopere initio animo con-  
cussa est, & perturbata, ut ea omnino deliratura putaretur.

Valde perturbabat quod non poterat *ἀναδερμαίνεσθαι*, & quod frigus erat  
pedum summum non periodicum, sed velut judicatorium, non judicans  
tamen. Multis locis docuimus malum esse in febribus modo calferi, mo-  
do incalescere, pejus vero esse celerem in utrumque mutationem: Quod  
cur fiat non dicendum, quum & ex antecedentibus, & ex lib. nostro  
Epid. satis patere possit quum distinxerimus frigus positivum & privati-  
vum. Revera putabamus frigus esse privativum, sed potius ad positivum  
accedebat, quum & catarrhosa esset, & colicis doloribus a crudo succo  
obnoxia, quo fit ut ob humorum varietatem hoc facile eveniret. Accedit  
quod quum frigus istud apparet, natura aliquando idem vult conari quod  
& in rigoribus, sed quum materia parata non sit, illud totum quod ap-  
paret judicatorium est, non judicans. Et revera nisi in florenti ætate fuisset,  
interiisset. Numquam enim tot judicatoria vidimus. At hæc mala  
sunt. Siquidem verum quod aut mortem intentent, aut malum denun-  
tiant. Sed ex lib. 2. Epid. & alio loco patet duo genera esse *ἢ κρείμω*, *Lib. 2.*  
quædam enim simpliciter judicatoria dicuntur, quæ quoniam absolute non *Epidem.*  
judicant, aut ob indispositionem materiæ, aut quia omnino natura vali- *sect. 1.*  
da non est, ideo *δύσκειτα* dicuntur, & judicarent si nil impediret. Alia *Judica-*  
judicatoria præterquam quod vim judicandi non habent, aut omnimodam *toria di-*  
materiæ pravitatem significant, aut *πάλινδρομῶ* ad partes nobiles, aut na- *plicia.*  
turam labentem, ut vires protritæ omnino fatiscant, ut ad *τὰ κρίνοντα*  
nullus amplius sit gradus. Et hæc omnino prava sunt. Et vere in morbis  
malignis apparent in quibus morbi status solet deterior multo apparere  
die critico, quo tempore aut perfectæ coctionis, aut saltem incipientis no-  
ta.



Part. 35. ta aliqua deberet apparere. Quo in sensu accipere oportet illud Gal. quod  
 lib. 3. in morbis malignis proprium sit, ut diebus criticis deteriores fiant. De  
 Prorrh. quo amplius dictum est ante, & tamen sine hac disputatione ea quæ an-  
 te dicta sunt nullo modo intelligi possunt. Sed si quando occurrat dispu-  
 tare *περί τῶν κρισίων*, amplissimus est locus in com. in Prorrheticon. In  
 quo plenis velis ea explicat quæ pertinent ad τὰ κρίσιμα, quorum duo ge-  
 nera explicantur, unum eorum quæ *δύσχευτα* vocantur, & ea τὰς ἀνεύσις  
 faciunt, alia ad deterius vergunt, & omnino mala sunt, ut cujuscumque  
 sunt ea quæ in pestilentibus morbis spectantur, ut sudor diaphoreticus,  
 nigrarum dejectionum excretio, & sexcenta alia.

Atque Galenus in comm. in illam particulam maxime inter judicatoria  
 mala numerat partium, aut totius corporis perfrigerationem quæ calefieri  
 non potest. Quod maxime agræ nostræ contigit.

Pulsus erat valde imminutus, quod quum præter vacuationem aliquam  
 insignem evenit, malum est ut signum & ut causa. Etenim *κακὴ δέιας*  
 sæpe signum existit. Videatur Gal. in Prorrh.

Com. in part. 5. Porro ad hujus tractationis finem nonnulla adjiciemus quorum intelli-  
 lib. 2. gentia ad medendum apprime pertinet. Nam quum urinas hujus mulieris  
 Prorrh. crassas & turbidas videremus, annuentibus ceteris, libentius secandi ve-  
 & in nam, & purgandi consilium capiebamus. Sed omissa venæ sectione, vi-  
 partic. dendum quid statuatur Galenus; & Hipp. de indicatione purgandi sumenda  
 17. lib. 3. ex urinis, ita ait: *Quibus initio urinae crassæ ac nebulosæ fuerint, hos an-  
 Prorrh. nuentibus ceteris, purgare convenit. Quod si urina inter initia tenues fue-  
 Part. 43. rint, tales non purgabis.* Nomine crassarum urinarum Gal. coctionem &  
 lib. 4. mitificationem quamdam materie audit, contra, tenuium nomine, crudi-  
 Acutor. tatem. Et hæc verba Hipp. magni sunt ad medendum momenti. Nam  
 quum incidimus in morbos, sæpe sunt urinae tenues, aliquando sunt gru-  
 mosæ & crassæ. Priores a medicamento eradicante dehortantur. Postero-  
 res nonnumquam suadent, at quum perturbatae sunt, & crassæ cum ali-  
 qua æqualitate, tunc audacius purgandi occasio capiatur. Et quo propius  
 ad sanitatem accedimus, eo suam quamdam tenuitatem cum bonitate ca-  
 loris repetunt ac recipiunt. Inter cetera de duobus monere oportet, quo-  
 rum prius aliqua ex parte explicatum est, sed propter rei difficultatem &  
 dignitatem majore explicatione opus habet, posterius vero est de quibus-  
 dam vertiginibus & perturbationibus capitis quæ initio morborum prehen-  
 dunt. Prius est de partium quarundam perfrigeratione quæ in morbo  
 acuto, & febre continua valde periculosa est. De hoc ante & in hoc ca-  
 pite, & infinitis locis dictum est quam explicaremus quid differret privans  
 frigus a positivo. Galenus autem nova quadam explicatione illustravit rem  
 totam de perfrigeratione partium in causo. Ac primum explicat duplicem  
 Part. 13. *καύσος*, apud Hipp. 4. Acutorum, unum a tenui & seroso ichore cum ter-  
 lib. 4. rificis symptomatis, alium autem ab alia quadam causa ortum. Nam cau-  
 Acutor. sus exactus a flava bile est, non exactus a pituita quadam falsa aut aci-  
 da, unde eorum qui tali causo tenentur, lingua falsa seu falsuginosa exsi-  
 stit, non autem amarulenta, ut in exquisito causo. Non adeo urens ca-  
 lor



or percipitur, ut in vero causo, lingua nigra non est, sunt tamen multa communia symptomata, ut jactationes, vigiliæ, &c. Et inter cetera notandum est unum de alvi constitutione in utroque causo, nam dum loquitur de vero causo ait, *dejectiones sunt liquidae & pallidae*: Est enim consentaneum, ut quoniam humor est tenuis, quoniam facile movetur, & febris ob perennem generationem ichoris reaccenditur facile, ut alvus solvatur pallida excretionem, quæ est morbo analogæ: At in non vero causo dixit simpliciter, alvus soluta, non addit, talibus vel talibus excrementis, quoniam humor pituitosus qui febrem facit non tam facilem habet exitum, ac humor biliosus & pallidus. Et ideo Galenus in eo comm. ita ait: *Pituitosus humor nec facile excernitur, nec febrem auget, nec sitim ardentem habet, nec in spiritum vertitur. Ideoque de febre a tali humore nata ita ait Hippocr. Alvus soluta, quatenus ea excernat quæ excernere ipsi non adversatur. Solvitur enim venter non tamen secundum humoris cujuscumque formam & speciem, sed iis quæ in alimentum sunt ministrata, corruptis*. Id est, in vero causo ob tenuitatem materiei facile laxatur alvus, eaque redduntur quæ morbo sunt analogæ ob sequacitatem materiei: at in alio non exquisito causo quum materia sit crassior viscosior, si forte alvus solvitur, non tam ea materia excernitur morbifica, quam cruditas quædam ob ea quæ assumpta sunt. Quod nos in Domini Bironii nepote Domino du Plessis observavimus: Nam quum laboraret febre continua ad causon non legitimum accedente, & esset habitu pituitoso aliquantum, non excernebantur biliosa, ichorosa, qualia excerni potuissent in vero causo, sed quædam glutinosa, ac si chyli magna pars in gluten & corruptam similem materiam versa fuisset. Et si quando alias, in hoc ægro verum comperi quod Hippocrates, & Galenus illo loco conscripserunt.

Nunc ut ad rem reditus fiat, quum duplex iste sit *ναύσος*, unus verus a bilioso humore, alter non verus ab humore pituitescente magis: Hipp. dum secundi *ναύσος* mentionem fecit, meminit refrigerationis extremorum. An vero partium refrigeratio extimarum non æque ad verum causon ac ad non legitimum referetur? Galenus meo quidem judicio non satis distincte rem explicavit. Ait enim non in causo omnino verum esse ut eveniat partium extimarum refrigeratio, sed si malignus sit. At quis dubitat non potius in vero causo evenire istam refrigerationem quam in non vero? Nam in vero causo phlogosis est summa in partibus internis cujus occasione revocatur facile calor foris intro, unde sensus frigoris summus in extimis adest. Et tamen etiam in vero causo non adest ista refrigeratio extremorum, nisi etiam per se malignus sit. Omnino autem in febre omni partium extimarum refrigeratio evenit (ait Gal.) aut propter phlegmonem internam, aut summam naturæ imbecillitatem, addo, caloris naturalis paupertatem ex com. in part. 8. lib. 2. Prorrh. Et fieri potest ut secundus causus nascatur ob phlegmonem a crassis & viscosis humoribus natam (nam secundi causi originem & causam a crassis & pituitosis repetivimus,) tunc quis dubitat quin ob talem phlegmonem revocetur intro calor, & sic partium

Com. in  
part. 16.  
lib. 4.  
Acutor.  
& in



part. 47.  
ejusdem  
libri.

tium extimarum refrigeratio contingat. Et tunc malignus est ut voluit ante Galenus. Sed non video cur potius attribuerit istam extimarum partium refrigerationem posteriori & illegitimo causo quam priori & legitimo. Ego vero aliam probabiliorem rationem afferam. Quum Hippocrates ex symptomatis propriis secundi causi numerat extimorum refrigerationem, non tam intelligit de ea refrigeratione quæ aut paupertatem caloris sequitur, aut phlegmonem internam, aut summam naturæ imbecillitatem, quæ ob crudos, frigidos, pituitosos, & viscidos succos, fit. Prior refrigeratio in veros causos incidit, & privativum frigus est. Posterior pituitosiores morbos potius comitatur, & positivum frigus est. Quomodo catarrhosos, & pituitosos, & crudis abundantes succis videmus refrigerescere in partibus extimis. Sic quum secundus causus agnoscat crudum succum causam sui, non mirum si partium quædam refrigeratio contingat non perniciofa. Nisi forte (ut excusemus Galenum) dicamus istam perfrigerationem in secundo causo evenire ob speciem quamdam phlogoseos quam fovet crudus humor conculcatus & congestus in parte aliqua, ut in mesenterio & pancreate, ac si interna quædam phlegmone foret.

Com. in  
part. 16.  
lib. 4.  
acutor.

Quod vero notandum est, & quod pertinet ad historiam de Domina a Chalmontio, urentis caloris & flammei perceptio non solum est in biliosis corporibus, & biliosis febribus, sed sæpe in pituitosis præsertim si pituita sit falsa. Ne quis decipiatur ratus igneum calorem a bile tantum esse, audiatu ea de re Galenus: *In pituitosis febribus fumosa est caliditas substantia, quum scilicet, vel in ventre, vel hepate, vel pulmone falsus humor putruerit, ob quam fumosam substantiam caliditas ignea redditur.* Quod declarant peripneumonix a pituita falsa, in quibus calor extinguibilis non est, & inexhausta sitis. Nam multo facilius temperatur ardor & sitis excitata ob materiam biliosam, quam ob phlegma putre & falsum. Et ex duobus quæ ad explicandum proposita fuerunt, unum jam a nobis expositum est. Restat alterum de illis gravibus vertiginibus, quibus plerique vexantur in magnas febres casuri. Deinde unum addemus de alvi facilitate, ut lejenteria metueretur; tamen contulit valde qualificamque fuerit ista solutio alvi, Aphorismus est Hippocratis: *Quibus in febribus vertigines ab initio & capitis pulsus sunt, & urina tenuis, his ad judicationes usque febris accessionem expectare oportet, quod si quoque delirerent, nihil mirum.* Quæ omnia huic ægræ conveniunt. Et quoniam multa præclare dicuntur a Galeno in eo Comment. de causa vertiginum, de vi caloris contra naturam in effundendis & dissipandis, & provocandis humoribus, quorum intelligentia ad ea quæ hoc loco dicuntur valde pertinet, Lectorem ad ejusmodi Commentarium relegabimus.

Part. 42.  
lib. 4.  
acutor.

Alvus in ea facilis & liquida fuit, quod nos paullo ante docuimus evenire in causo non legitimo, & quomodo fieret, aperuimus: Item & in tractatu de Sangermani morbo, nunc addemus locum præclarum a Galeno conscriptum, dum reddit rationem cur in febribus *καυσώδεις*, quarum focus est in pulmone, alvus adstricta est, maxime vero quum hepar est inflammatum. Hoc enim inflammato alias excrementa sunt *αυραώδεις* & alias

Part. 17.  
lib. 4.  
acutor.

focus est in pulmone, alvus adstricta est, maxime vero quum hepar est inflammatum. Hoc enim inflammato alias excrementa sunt *αυραώδεις* & alias



alias liquida, atque ita ait: *Quibus in jecore causi radix subest, & qui ob jecur causo laborant, iis quæ excernuntur alias sunt liquida, interdum sicca sunt, combustis scilicet a visceris phlegmone, & in nucleum formatis excrementis. Quum igitur viscus hoc phlegmone solum tentatur, indurabuntur excrementa: Verum si cum phlegmone fuerit & imbecillitas, liquida dejiuntur, viscere scilicet alimentum ad se attrahere nequeunte. Sed dejectiones ejusmodi ab iis quæ ventre affecto fiunt chylositate distinguuntur: Græce τῶ κεχυλῶσαι, melius chylicatione, aut chyloseos actione interpretaberis. Nam si chylus non attrahitur, chylosa fere sunt excrementa.*

## A N N O T A T I O.

1. *Quacumque mulieres, idem & de viris, dum sanae sunt dolent de latere aliquo, quum febricitant, aque dolent ac si pleuritica essent vere: Et revera cum illis, ut cum pleuriticis agendum.*

## CONSILIUM CXVI.

*Ad febrem & dentium dolorem.*

**C**onsulis Scaronis puerio sedecimestris, jam per menses sex aut quinque contabescit ac emaciatur. Magnum argumentum est cutis laxitas. Nam omnis extenuatio primum laxat, deinde distendit, contra refectio distendit, deinde laxat, laxitate quadam laudabili, non qualis ab evacuatione insequi solet. Deprehendimus illum febrientem, dentientem erumpentibus dentibus molaribus: Quæ omnia febres, vigilias, alvi profluvia consecutione quadam afferunt. Notandum enim quod demonstrat Aetius turbari ventrem dentientibus pueris propter exsolutionem, & inflammationem ventriculo communicatam. Nam inflammatis gingivis peculiaris in ore febris esse videtur: facile autem ventriculus in illius partis ob continuitatem membranarum trahi solet. Sic putant pleuritidi succedere fluorem alvi, inflammationis communicatione cum hepate & partibus nutritioni consecratis. Sed quoniam extenuationis macieiue rudimenta aliqua, non ita pridem paruerunt, illius causa altius repetenda, vel a pueri habitu, & ἰδιουγκρησίᾳ, vel a nutrimento. Puer natus est, & satus parentibus biliosis, hepate sicciore & calidiore præditis: Nutrix emaciata est, sicca, æstuante corpore & squalido, & ob perpetuas pueri vigilias somno blando non indulget: ut non mirum sit si in symptomaton malorumque communione & pueri & nutricis neuter proficiat. Lac nec colore, nec odore, nec sapore laudabile est. Album esse debet & æquale, gustu dulce & velut mellitum, olfatu gratum, ut pluribus definit Aetius. Itaque providendum nutrici, puero, tum ratione febris, tum ratione dentitionis, tum inveteratæ jam emaciationis.

*Part. 29.  
sect. 3.  
lib. 6.  
Epidem.*

*Cap. 9.  
Tetrab.  
1. ser. 4.*

*Cap. 5.  
Tetrab.  
1. ser. 4.*

Adjungenda nutrix alteri, ne si altera ablegetur continuo ob insolentiam



alterius nutricis puer ægrius ferat, & novi casus occasio adsit. Sic interponent operas, & altera alteri vicariam supponet manum. Nutrix præfertim dentitionis tempore vino abstineat Aetii consilio: hordeata aqua utatur & jusculis multis alterantibus. Puer nutriatur pane in jusculis infriato: Decocto pullorum: & ad facilitatem exertionis dentium gingivæ melle anacardino aut communi narbonensi illinantur, aut lacte canino, & conferet cerebrum leporinum consilio Aetii: Item circumliætur oleum dulce partibus vicinis: Item radix colocynthidis in cannula aurea aut argentea inclusa & gestata confert. Aut jaspis viridis. Nil mandat duriusculum: & omnino non est prohibendus alvi fluor, alioqui metus est translationis ad partes superiores. Consultus est litus ex oleo rosato in toto corpore, ad caloris contemperationem. Sed quum perseverasset alvi fluor, & oborta esset febris continua cum vigiliis, jactationibus, ut inde *αὐτὸς* foret, nec non interiora arderent, partibus externis parum refrigerantibus, denique vomituriendi finis non esset, & magna esset suspicio febris lipyriæ, & brevis mortis, hæc quæ sequuntur imperantur.

Primum, Epithemata ad regionem cordis & hepatis additis trochiscis de caphura.

Litus ex rosacero tum in ventre, tum in rachitide.

Item eodem confert litus ad totum ventrem ex mucaginibus seminis altheæ psyll. cydoniorum addito succo lactucæ, & oleo rosato cum mastichino. Et quum præter puerorum morem digitum in os immitteret ad ciendum vomitum, hoc suspicionem attulit aut vermis in os ventriculi reptantis (idem enim paullo ante in puellula evenerat, & excretus vermis est) aut oris ventriculi *κακώσεως*, quod *ρίπτασµοῦ ἢ ἀλυσµοῦ* causa est inter ceteros auctore Galeno in primum prognosticon: ideo visum est medicis utile fore si grana aliquot theriaces aqua cardui dissolverentur, & potui darentur, ad vermem, si quis sit, sopiendum, & *κακὴν δειαν*, si qua sit, domandam. Non longe post data infusio ex rheo, & granis unicornis. Et quoniam ingens erat sitis, & febris, unaque nutrix vix esset, maxime quoniam calor igneus ex ore pueri manans lac exstinguit, aut minuit, nutrix jubetur vino abstinere, jusculis nullis uti, maxime vero decocto avenæ ubera perfundere: immo & eo decocto in potu uti, bracteolas seu folia aurimammæ papillis applicare, ad lactis conservandam temperiem. Puero somnus conciliatur litu temporum ex oxyrho applicitis foliis lactucæ: In jusculo pulli incoquantur tres dragmæ sem. papaver. alb. cum lactuca in taleolis secta. Miraculo hoc profuit somnum conciliando, & ardorem mortis, aut marcoris auctorem futurum. Non parcitur potui. Immo ætatula usum lymonum frustra tim incisorum non dissuadet. Lacte asinæ dentium acetabula linuntur: convaleuit.



## CONSILIUM CXVII.

*Seu Enchiridion sanitatis D. Henrico Hervillaeo, in militiam  
profecturo praescriptum.*

**S**I necessitas urget infundetur clyisma ex hydrom. aut jusculo domest. aut aqua falsa dissolvendo catholicon.

¶ Pilulis ex rheo ad ℥ j. utetur si forte gravior sibi videatur, aut ante coenam tres pilul. sine quibus deglutiet.

Si nec febris adest, nec dolor capitis in vino alb. rheum ad ℥ ij. s. infundet, sin minus, in ptisana dissolvendo ℥ j. syrup. ros. pallid. aut cath. ℥ 6. diaphoen. ℥ j.

Nonnisi urgente necessitate demendus sanguis, nam cum sit λεπτόφλεβος, non facile feret phlebotomiam, nisi aut affuerit febris αξιολογος, aut difficultas spirandi, bechicis utetur si forte tussis urgeat.

Utetur bolo aut cassiae, aut catholiconis dupl. Ad vitandum aerem corruptum pomum odoriferum gestabit, aut nodulum ex caryophyllis & cinnam.

Utetur mithridatio ex vino alb. aut conserva rosarum.

Si vulneratus fuerit, pulvere rhei cum mumia utetur, addito mithridatio.

Si forte oppressus fuerit, aut pessundatus, involvetur panno in vino madefacto. Item mithridatio ad proliciendum sudorem.

Si dolor colicus urgeat, fots ex chamæmelo, & seminibus lini, & fœnig. utetur: Valet quoque equinum stercus.

## CONSILIUM CXVIII.

*De febre continua.*

**V**icarius Sanctorum Gervas. & Prot. ad Natalitium Domini, quum caput doluisset (sed id ad usum novi vini referebat) in febrem incidit. 2 Ea erat lenta, & in viscerum latente phlogosi posita. Siquidem fauces erant velut inflammatae & erysipelatosae phlogosi tentatae. Quod aut exaltationis vi fiebat, aut flammea quadam anathymiasi. Immo non tam de febre querebatur, quam de amarore quodam oris, & dentium luriditate scabritieque & squalore, necnon de faucium ardore isto. Alii ad destillationem ferinam referebant, alii ad pulmonum quoddam latens incendium, alii ad viscerum calorem & dyscrasiam, alii quoque ad cordis calorem impenſe auctum, & hepatis quamdam siccitatem. D. Magnus carbunculofam quamdam dispositionem dicebat subesse, ut habitu corporis existente δυσδιαφορήτῳ, & ichore sanieque difflatione prohibitis, & calore effumationem difflationemque non habente, tum ob corporis constitutionem, nam densus est habitu, & quodammodo citrinus, tum tempus ipsum quod austrinum fuerat, & post proxime hiems successit quæ omnia suppres-



ferat, sic corpore minime existente diffilabili suppressum est excrementum quod circum perioftia dolores excitat, & dum tumultuarie sanguini admisceri vult rigoris cujusdam sensum exhibet, & veluti formicarii morsus & deambulationis. Ita enim veteres symptoma hoc velut formicarum deambulationi comparaverunt. Et tale symptoma revera paralyseos aliquando est velut prænuntius & præambulo: aliquando catarrhi est comes, aliquando est cacochymi sanguinis consequens. Unde videmus cacochymos si in sole apricentur horrere, & sensum punctiōis formicationisque circum partes sentientes habere: fit enim ut morborum principiis sanguis purus existat, ut non calfactus & alteratus a calore febrili qui omnia corrumpit & immutat, item non mutatus mixtione rei alienæ, utpote feri a cacochymia contenta in mesenterio per transumptionem in vasa communicati. Quod in libris de morbis Hippocrates appellat accomodato verbo τὸ αἷμα διαπεῖν; idest ferosam naturam acquirere, relicta temperie, & qualitate, & propria sanguinis natura, aut ea valde immutata. Revera in hoc viro, si quo in alio peculiaris excrementi est suppressio, ad hanc fecit peculiaris natura, habitus corporis, tempus, & prætermissa occasio sanitati suæ studendi. Nam quum diligentius suum munus ecclesiasticum prosequitur, ei non vacat esse agroto, & non expectat illud tempus in quo natura post coctionem tandem secretionem facta victrix ac domitrix morborum existit. Nullus enim morbus diuturnus umquam superatus est, nisi cum ingenti & longo renum ἐπερογενῶν profluvio, aut sudoribus diu emanantibus præsertim a somno coctis humoribus & domita cacochymia. Quod in plerisque a nobis observatum est, qui diu laborantes ultro citroque purgati, non cessarunt de adversa valetudine queri, donec per 20. aut 30. dies copiosus sudor toto corpore emanarit. Sic in hoc agro nostro puto exactam quidem portionem materiæ, sed τὸ ἐμπύρευμα, & anima morbi intus relicta est. Sed & dolor ingens capitis cum constrictionis sensu, & punctiōe, & lancinatione declarat eum dolorem qui olim per sympathiam erat factum, esse per protopathiam. Ut ea effumatio magna facta ob diffilationis cutis prohibitionem caput obsederit; & in venis, arteriisque cerebri & jam in quibusdam inanitatibus (alioqui malum non tam foret rebelle & obstinatum) sedem firmaverit, melancholici humoris jam deterioris, quam antea esset, facti naturam adipiscens. Quomodo audiendum illud Hippocr. Cavitates corporis nostri dum sani sumus spiritu plenæ sunt, dum agrotamus, ichore & sanie. Sic qui diu agrotant, alterato fere omnino sanguine & reliquis quæ fluunt & refluunt, modo in hac parte, modo in illa dolorem sentiunt. Immo & veluti impetu quodam facto impetiginosi, aut leprosi, aut scabiosi fiunt, relicto in cute vitio, & perpurgato corporis centro, ut Simoni contigit. Sic quibus hoc beneficium naturæ negatum est, nisi alia via & ratione sese natura expediaverit, dum semen morbi & fermentum ipsum fovet, non est mirum si aut in novos morbos incidant, aut si priores alant. In hoc agro & totius corporis, & capitis ratio habenda. Et antequam hiems accedat, præsertim dum autumnales morbi sunt in procinctu, bonum est eum arte juvare. Itaque ea me-

*Diagn. de arte.*

*C. Epid.*

thodo



thodo progrediendum erit in oppugnatione mali obstinato animo aegrum impetentis.

Primum parabuntur clysteres ex decocto melissæ, bugl. borag. & herbarum spleniticarum.

Purgabitur decocto radicum aperi. & rerum splenicarum additis hepaticis humidis, ut hepatica, intybo utroque, scariol. chondrilla, portulac. cichorio omni viol. pomis redolentibus, cardiacis frigidis ut rosa, viol. nymph. ebore, fantalis, oxalide, serico crudo; item splenicis refrigerantibus: Cortice rd. tamari. asplenio, adianto, seride, feminibus frig. foliis vitis, in decoct. agar. folia senæ & turbith. (pauca id quantitate) addentur.

Post duas doses supradictas utetur apoz. ex his herbis additis succis & serico crudo.

Aperietur vena basilica sinistra.

Dabitur tertia dosis apozematis solutivi.

Balneo utetur universali ad tres dies.

Caput ablueur lixivio ex sarmentorum cineribus additis folliculis & agarico.

Si dolor perleveret, aperietur vena pulsatilis in temporibus.

Apophlegmatismo utetur.

Tandem si non conquieverit dolor, arteriotome fiet.

## ANNOTATIONES.

1. *Morbus istus Vicarii erat febris lenta continua, essentialis & cujus ideam, speciem ingenium & essentiam Fernellius explicavit libello de febribus.*

2. *Affectio isti redolet aliquid Hypochondriacum. Et admirabilis est successus atatum in quibus alias per quaterniones, alias per septenarios magnæ mutationes eveniunt. Et tunc incredibili quodam modo de valetudinis bono statu deceditur, & donec tempus istius mutationis transiverit, non cessat animans male habere, & queri de valetudine. Nam & in libris de Diata Hippocrates doct, quibusdam qui diu sani vixerunt circum 40. annum mutationes evenire & eas perniciosas: cur non etiam eodem modo in atatibus nostris evenit, quod & in magnis temporum mutationibus Hippoc. lib. de aere, & loci evenire observavit? Quid illud quod Hippocrates vitam nostram septem iterum esse ait?*

3. *Quum sæpe detractus esset sanguis, quod impurus videretur, tandem mitificatis humoribus, laudabilis apparuit. Nam fallebantur medici existimantes superficiem pituitosam esse sanguinem corruptum. Galen. enim docet & aquam, & pituitam sæpe in superficie sanguinis apparere. Et medici decipiuntur. Cap. 2. lib. de Atra bile.*

4. *Sensum hunc deambulantium formicarum numquam legi nisi semel apud Hippocratem dum disputat de tabe dorsali. Et apud Hollerium quum agit de catarrho lorsali com. in Coac.*



## CONSILIUM CXIX.

*Ad vermes.*

**D** Omino de la Bournaliere, a vermibus afflicto hæc sunt præscripta quibus vere & autumno appetente usus est.

℞. Absinth. vulg. agrimo. centaurii minoris. an. m. s. lupul. seminis contra. an. ℥ s. florum chama. stœch. an. p. i. fiat decoct. in aqua hordei in col. ad lib. s. dissolv. confectionis hiera ℥ iij. fiat clyster.

℞. Pul. hiera dupl. aloe ℥ j. rheib. ℥ ij. mass. pilul. issaieret & cort. myrob. citrin. an. ℥ j. cum syrup. de absinth. fiat massa utenda ad ℥ j. ante pastus.

℞. Conserva florum anthos & cichorii beton. an. ℥ s. ortic. citrii conditi. ℥ j. coriandr. prepar. ℥ s. cornu cervi, & rasura eb. an. gr. vj. mithrid. & theri. an. ℥ s. confectionis Alkermes : ℥ i. cum syrup. de pomis & stœchade : fiat opiata utenda sepe.

F I N I S.





# INDEX RERUM

## ET VOCUM MEMORIA

scituque dignarum quæ hoc toto opere continentur. Numerus paginam designat.

### A.



CTIO cur multiplex  
quum tempera. unum.

166.

Aloe etiam calidis cor-  
poribus confert. 2

Alvus fluens non de-  
hortatur phleboto-  
miam. 406. 417.

Aneurisma. 384

Anginæ siccae remedium. 226

Animalis facultatis infirmitas quid faciat in  
morbis, & an sit æstimanda. 289

Antipatri hist. ex Gal. 249

Aphthosum quid in orificio ventriculi. 48

Apoplex. causa Galeno. 238

Apoplexia lædit actones a cerebro. 114

Aquæ molles alvo ardenti dandæ. 290

Aquæ potus perniciosus cuidam. 239

Arabum error in phlebotomia. 362

Arabum opinio de phlebotomia in feb. ter-  
tia. 231

Arcul. de doloribus capitis. 359

Arteriæ venosæ &c. examen. 148. & seq.

Articularium dolorum paroxysmo non dan-  
da medicamenta. 377

Arthritidis biliosæ curatio 12 & an sit bi-  
liosa arthritidis, ibidem, & cap. ea de re  
scripto.

Arthritidis cura. 378

Asthmatis curatio. 33

Athletarum habitus. 280

### B.

B Alnea catarrhosis quando conveniunt. 425

Balnea p̄p̄ yuvæis confert. 425

Balneum cholerae sicce confert. 222

Balneum Epilepticis an confert. 124

Balneum quibus. 124

Balneum resurgentibus: partu an confert. 124

Biliosa corpora ut fiunt melancholica. 2

Bilis bona, bilis mala quid sit. 407

Bilis & pituita duo principia Hippoc. 373

Bilis maligna quæ. 245. 407

Bilis nigra excretio quorsum. 173

Bilis nomine quid Hipp. audiat. 373

Borborygmi explicatio. 276

### C.

C Acochymi incalescentes rigent. 251

C Coeliaca Celso. 235

Calor acer an coquat. 395

Calor corporis malus nullo tumore conspi-  
cua. 45

Cal. & frig. mutationes quorsum. 159

Cal. frig. mutatio in extimis partibus mala,  
in toto corpore non. 251. 405

Capitis dolores contumaces. 398

Capitis dolorum examen. 358, & seq.

Capitis dolor guajaco curatus. 59

Capitis dolor insignis in quartana. 59

Capitis dolorum remedia. 59

Capitis dolor repentinus quos morbos facit.  
358

Capitis læsiones, ut sunt æstimandæ. 181

Capitis dolores unde oriantur. 2

Capite se in ventrem exonerante mali mor-  
bi de Aetii sententia. 51

Caput auctor longorum fluorum alvi. 17

Carcinomatis uteri cura. 365

Cari & apoplexiæ differentia. 114

Caros, catalepsis, comata sub finem morbo-  
rum incidunt. 27. 241.

Cassia catalepticum quid affert. 27

Catarrhis acribus non conferunt evacuationes.  
Hippocrati. 425

Catarrhi curatio. 3. & 36

Catarrhi maligni quid agant. 411

Catarrhis non quadrant medicamenta for-  
tia. 413



- Catarrhi ut curandi. 413  
 Catarrhorum origo explicat. & ante. 423  
 Catarrhorum ferinorum curatio. 36  
 Catarrhosis balnea quadrant & quando. 431  
 Catarrhosis cauteria conveniunt. 424  
 Catarrhosis potulenta conferunt. 425  
 Catarrhosi saepe rigent & horrent. 423  
 Catholicon cur datur si humor unus pec-  
 cat. 406  
 Causæ procatarepticæ quid agant. 160  
 Causarum procatarepticarum consideratio. 418  
 Causus an habet junctam partium extima-  
 rum refrigerationem. 441  
 Causus duplex. 431  
 Cerebrum afficitur ut organum, & ut non. 166  
 Cerebri catarrhosa dispositio explicatur abun-  
 de. 423  
 Cerebri oppressio an delirii causa. 241  
 Cerebrum læditur puncto nervo. 237  
 Cerebrum hydropis auctor. 99  
 Cerebrum auctor fluctuum. 52. 60  
 Cholerae siccae balneum. 222  
 Clysteres validi initio colicæ nondandi. 234  
 Colica in Iliacam degenerans. ibid.  
 Colica mortalis secundum Arnaldum. 234  
 Colica remedia. 53. 116  
 Colici doloris explicatio. 211  
 Colicos dolores sedans. 293  
 Colici & nephritici doloris differentia. 65  
 Colicus dolor an situ percipiatur. 210, &  
 211  
 Colicus dolor falso existimatus, ut curetur  
 & quid sit. 8  
 Coloris mutatio unde. 280  
 Coma & Carus in vigore morborum. 323  
 Coma febrium comes cur. 413  
 Comatis in febre curatio. 27  
 Comatis explicatio. 164  
 Conceptum juvans. ibid.  
 Convulsionis causæ quærentur. 237  
 Convulsionis curandæ nova ratio. 238  
 Convulsionis & melancholiæ cerebialis an  
 eadem causa. 114  
 Convulsio statim in morbum incidens quid  
 significet. 108  
 Cordis æstus Cardiogmon facit. ibid.  
 Cordis vehemens æstus quos motus creat. 392 & seq.  
 Cordis & arteriarum non idem omnino mo-  
 tus aliquando. 393  
 Cordis saltus quid. ibid.  
 Cordis tremor. 392  
 Corpora macilenta an purganda. 395  
 Corpora sicca etiam catarrhis obnoxia. 422  
 Corporis moles non ubique bona. 280  
 Corpus αλμωδες. 422  
 In crisis siccata corpora non vacuantur. 104  
 Criticis diebus qui morbi deteriores. 250.  
 403.  
 Criticorum dierum & periodorum examen. 109  
 Cruda movere non oportet quomodo intel-  
 ligendum. 291  
 Cruditas palpitationis causa. 395. & ante.  
 D  
 Defectionis animi examen. 337. 340.  
 Defluxionum causa disputatur. 427, &  
 ante.  
 Dejectiones colliquativæ non fœtent aliquid. 104  
 Dejectiones cruentæ non sunt hydropicæ. 117. 120  
 Dejectiones mali coloris non ubique malæ. 7  
 Dejectiones sinceræ quæ. 104  
 Deliquia animi in erisipellate pulmonis. 512  
 Delirium an ab oppressione cerebri. 241  
 Dentium fœtoris remedia. 34  
 Desipientia an ab inanitione. 240  
 Diabetes ῥῆ̃ suppressio succedit. 232  
 Diarrhæa in causo cur. 406  
 Diæta quæ in pleurit. & perip. 136  
 Diathesis in morbis malet humoribus edu-  
 ctis. 374  
 Diathesis morborum paens. 423  
 Dioclis explicata sententia de Hypochondria-  
 cis. 114  
 Dolore cessante an causi tollitur. 122  
 Dolores hypochondriorum sanguine fluente  
 cessant. 9  
 Dolores non cedentes remediis, suspecti  
 sunt. 58  
 Dolores vagi sunt Hypochondriaci. 112  
 Dolores ventris post fœres ut curandi. 8  
 Dysent. an adstringenta conferunt. 212  
 Dorsi dolores unde. 419  
 Dysenteria caput causa. 51  
 Dysenteria αιματηρά quid. 209  
 Dysenteria duplex Hipoc. ibid.  
 Dysenteria examen. 209  
 Dysenteria explicatio α 2. Prorrh. 215  
 Dysenteria mulieri gravidæ an mala. 236  
 Dysenteria remedia. 32  
 Dysenteria remedia. ibid.  
 Dysenteria suppressa quid inde. 206  
 Dysenteria ut inappetentia succedit. 207  
 Dysenteria ut splenici confert. 207  
 Dyspnœa an vitio renum. 171  
 Dyspnœa remedia. 366  
 E



<b>E</b>	
Epilepsiæ causa Galeno.	228
Epilepsiæ examen longum.	256
Epilepsia prægnantibus familiaris.	261
Epilepsiæ remedia.	260
Epilepticis cur ratiocinatio lædatur.	114
Erasist. de hydrope opinio.	118
Erysipelas pulmonis ut fit. 55. 392	
Erysipelatis pulmonis causæ. 57. & 512	
Exanthematon examen.	252
Extenuationis causa explicatur. 135. & 159	
<b>F</b>	
Facultatis animalis an ratio habenda in acutis.	289
De Facultatibus examen.	165
Fames quos juvet.	424
Febres an sint magnæ in interna inflammatione.	74; 114
Febres catarrhosæ quid afferant.	47
Febres cur non omnes epialæ aut horrificæ.	405
Febres hæctica pestilens ut oriatut.	11
Febres intermittentes desinunt in dolores colicis similes.	9
Febres lentæ ut oriantur.	11. & 24
Febres malignæ aliquando non fitim magnam habent.	29
Febre hydropi juncta quid agendum.	45
Febre quartana cessante homo fit <i>σπιταίφυνς</i> .	241
Febres horrificæ quæ.	401
Febres continuæ habent rigorem & rigorem, intermittentes non, & cur.	406
Febres cum vertigine.	423
Febres quæ in vigore coma habent.	324
Febres quartanæ blande tractandæ.	102
Febres sine ratione desinentes suspectæ.	110
In febribus tertianis an paroxysmus evanescentis tutus.	109
Febribus in phlegmaticis cor & arteriæ non habent eundem motum semper.	393
Febribus quibus somnus non proficit.	393
Feb. quart. quotid. & tertianæ longa disputatio, 278, & sequent.	
Febribus in putrid. cur os non foetet.	128
Febribus continuis cur fluor alvi junctus.	466
Febres somno aliquando augentur.	414.
Febricitantes multi calescunt & rigent fere simul.	291
Febris hæctica an perpetuo refrigescat a cibo.	11
Febris an hypofarcidion vincere debet.	45
Febris desinunt in soporosos affectus.	240
Febris an volvulum sedat.	65
Febris singultiens quæ.	48

Febris quotidiana ut tractanda, quum aliud febris, aliud materia suadet.	45
Febris semel anno.	177
Febris cur quosdam non adoritur.	176
Febris tertiana an phlebotomiam cito requirit.	154
Febris ardens in peripneumno. abit.	429
Febris hæctica putris examen.	135
Febri quando coma jungitur.	414
Febris semitertiana.	401
Febris <i>τυφλώδης</i> .	401
Febris quartana quum primoprehendit, quid significet.	281
Febris Hypochondriis inflammatis quæ.	418
Febris an sequitur rigorem.	424
Febris hæctica pulsus.	104
Febris an est in hypochondriacis.	114
Febrium an periodi ad criticos dies bene comparantur.	109
Febrium a pituita consideratio.	432
Febrium periodi explicantur.	109
Febrium quartanarum focus, causa.	281
Febrium malignarum typus.	29
Febrium epialarum natura.	248. 251
Febrium initio terrificæ symptomata.	428
Febrium essentialium & symptomaticarum causæ.	324
Fernelii opinio de hydrope explosa.	120
Flatus choleram morbum facit.	222
Fluor alvi hydropico malus.	45
Fluoris alvi remedia.	32
Fluor alvi unde, multiplex.	15, & 16
Fluor <i>ἀπρὸ αἵματος</i> cur malus.	169
Fluor alvi non tollens tumorem malus.	168
Fluorum alvi examen.	200
Fluor a mesent. & ab inflam. mesent.	205
Fluori alvi syrupus conveniens.	253
Fluor dysentericus an in gravida sistendus.	23
Fluoris in tabidis curatio.	40
Fluor longus alvi non citra caput.	16, & 129
Fluor nocturnus quid indicet.	16
Fluoris mesenterici & hepatici distinctio.	129
Fluor muliebris.	231. 271
Fœtoris a dentibus remedia.	34
Fortuna potest in medicina.	373
Fœtor oris.	125
Frigus partium extimarum fugax quid.	250
Frigus privativum & positivum.	250
<b>G</b>	
Galeni opinio de morb. complicatis.	131
Galeni opinio de phlebotomia in tertiana, male intellecta.	154



- Galen. reprehendit Erasistratum qui omnem morbum ulcus & tumorem posuit & non reprehendit Hippocratem. 119
- Galenus sui oblitus in causa hydropis. ibid.
- Guajaci decoctum valet etiam in lapidis curatione. 96
- Guajaci decoctum contulit in dolore capitis diuturno etiam a lue non orto. 59
- Gnidiorum reprehensio. 238
- H
- H**epar non desinit male habere, etsi nil foris apparet. 43
- Hepar tenditur dulci vino. 408
- Hepatis intemperati notæ. 156
- Hepatis regionis dolor curatur. 340
- Hepatis gibbum inter partes superiores. 104
- Hepatis remedium opt. 107
- Hippocrates veteres reprehendit de qualitatibus. 238
- Horrorum frequentium causa in febribus continuis. 63
- Horror & rigor etiam in febribus continuis, in intermittentibus non. 406
- Humores veneni vim acquirunt. 108
- Humores falsi & nitrosi qui. 422
- Humoribus pene omnibus evacuatis non tollitur morbus. 374
- Hydromel non convenit melancholicis & *μεγαλοπλάγχοις*. 407
- Hydromelitis vires. 407
- Hydrops a suppressis hæmorrhoidibus. 119
- Hydropicis non sunt cruentæ dejectiones. 118, 120
- de Hydropse commentarius. 116
- Hydropicus fluente alvo interit. 45, 120
- Hydropis aliis morbis succedentis descriptio. 45
- Hydrops corporibus impurgatis succedit. 45
- Hydrope febris juncto quid agendum. 45
- Hydrops succedens aliis morbis malus. 45
- Hydrops a cerebro. 99
- Hydropici an nullam cruentam evacuationem habent. 120
- Hydrops omnis an a scirrho. 117
- Hypochondriaca an a phlogosi. 112, 115
- Hypochondriaci an febricitant. 113
- Hypochondrii dolor curatur. 340
- Hypochondrii dextri dolor quid notet. 23
- Hypochondrii dolorem mentitur dolor stomachi. 24
- Hypochondria frustra tentantur. 202
- Hypochondriaci facile palpitant & cur. 395, 396
- Hypochondrii intenti ratio. 414
- Hypochondrii inflammatis quæ febres. 418
- Hypochondrii inflammati remedium. 418
- Hypochondriis inflammatis quid agendum. 414
- Hypochond. morbi ut detegendi. 202
- de Hypochondriis observationes. 415
- Hypochondrium palpitans quid. 380
- Hypochondrium quale debet esse. 21
- Hypochondriaci quid. 112
- Hypochondrii sani notæ. 202
- Hypochondrii tumoris examen. 21
- Hypochondrii tumores arte curandi. 22
- Hypochondriacis vagi dolores. 112
- Hypofarcidios morbus est interimens Hippocrati. 46
- Hypostasis quomodo fiat initio febrium acutarum docet Gal. 291
- Hystericæ affectionis remedia. 293
- Hystericæ affectionis remedium. 437
- I
- I**ctericæ an abundant flatibus & cur. 277, 395
- Icterus duplex. 277, 395
- Iliaca succedit colicæ. 234
- Inæqualitatis in febribus causa. 404
- Inappetentia dysentericæ succedens. 207
- Inappetentiæ examen. 207
- Inappetentiæ summa quid. 338
- Inedia exacta cur singultum non affert. 242
- Inflammati Hypochondrii ut est tractanda. 414
- Intemperies calida appetentiam dejicit. 207
- Intestinatorum dolor an major aut minor prout vel crassa, vel tenuia laborant. 211
- Intestinatorum dolor situ non percipitur. 210
- Ischiadis remedia. 364
- L
- L**ac asininum calculosis confert. 6
- Lacte asinino tuto utimur. 25
- Lactis examen. 183
- Lapidem in rene arguit spinæ inflexio difficilis & lumborum dolor. 419
- Lassitudinum consideratio. 252, 418
- Lateris dolores aliquando Hypochondriaci. 112
- Lateris doloris ante morbos ratio est habenda in morbis. 362
- Lateris dolor non negligendus licet non sit pleuritis. 362
- Lateris dolores pleuritini mentientes. 363
- Leienteria an intestinis aut ventriculo fit læso. 207
- Leipothymia an in peripneumoniis frequens. 55, 392
- Leipothymicæ examen. 337, 340
- Lei-



Leipothymia quæ purgationem postulet, quæ non. 340.  
Lethargum a pulmone. 248  
Lienosi ut dysenteria juvantur. 207  
Lixivium pro capite. 12  
Lochiorum suppressio hydropis auctor. 25  
Lochiorum suppressio quid. 45  
Luis venereæ remedia. 357  
Lumborum dolores explicantur. 419  
Luna ad epilep. facit. 122

## M

**M**acilenta corpora non sunt medicamentis agitanda. 3. 25. 290  
Macilenta corpora ut sunt purganda. ibid.  
Mador an conferat. 147  
Maniæ syrupus conveniens. 115  
Mania epilepsiam solvit. 99  
Medica ars a calumniis vindicatur. 373  
Medici nil falso debent supponere. 104  
Medicorum error qui & diebus criticis, & incoctis humores purgant. 102  
Medicamenta levia sub finem morborum efficacia. 291  
Medicamenta hypnotica queis danda. 287  
Medicamenta valida diaurosin habentibus valent. 316  
Medicamenta valida tabescentibus nocua. 3  
Medicamenta valida initiis morborum non danda. 291  
Medicamenta in paroxysmo arthritico nocent. 377  
Medicamenta valida non danda iis quibus alvus adstricta & ambusta. 290  
Medicamenta valida non conveniunt catarrhis. 413  
Medicamentis assuescere malum. 178  
Medicamentorum exhibendorum ratio. 290  
Medicamentum inutile malum affert. 241  
Melancholiæ cereb. & epilep. an causa eadem. 114  
Melancholici & epileptici cur delirant. 114  
Melancholica corpora non valide purganda. 14  
Melancholia Hypochondriaca. 13  
Melancholicis ut phlebotomia administranda. 157  
Melancholici qui fiant. 178  
Mel ut nocet. 408  
Menses moventia. 293  
Mens qui ægrotet. 168  
Menstruum provocans. 293  
Mesenterii inflammatio alvi fluoris causa. 205  
Mesenterii morboſa affectio quæ, 204. &c.  
Metus causa palpitationis. 395  
Morbi compositi explicatio proposito oculo. 132  
Morbi maligni fiunt deteriores diebus criticis. 252  
Morbi maligni habent potius *νεῖσιμα* quam *κρίσιμα*. 252

Morbis malignis somnus nocet. 413  
Morbi qui fiant deteriores diebus criticis. 250.  
404  
Morbi si ab uno humore, cur datur medicamentum varios humores purgans. 404  
Morbi coctio & præparatio quæ. 102  
Morbi connutriti qui. 203  
Morbi initio si terrificæ symptomata ut curanda. 179. & ante.  
Morbi in orgasmo ut curandi. 102  
Morbi eadē hora repetentes valide tractandi. 102  
Morbi acuti unde, longi unde. 406  
Morbi acuti cum alvo lubrica. 406  
Morbi cur necessario aliqui longi. 366  
Morbi melancholici an fortiter agitandi. 102  
Morbi quando blande tractandi. 102  
Morbi manent humoribus etiam vacuatis. 367  
Morbis incognitis ut medicamēta adhibenda. 281  
Morbi incipientes cum terrificis symptomatis unde. 108. 110.  
Morborum initio cur terrificæ symptomata. 249  
Morborum implicitorum examen. 129  
Morborum simpl. composit. & complex. differentia. 130. 133  
Morborum generatio non est ut adortio. 27  
Morborum cognoscendorum examen. 126. 129  
Morbus alteri succedens malus. 45  
Morbus longus aut brevis unde. 7  
Morbus ficcus quid. 136  
Morboſi si desinunt esse morboſi non est tutum. 407  
Morbus omnis an ulcus. 118  
Morbi a suppressione solemni ut tractandi. 46  
Motus contra naturam 4. species. 396  
Mulieres biliosæ non ferunt phlebotomiam. 337  
Mulieres gravidæ a cholera morbo pereunt. 24  
Mulieres pariendo epilepticantur. 121  
Mulieres decipiuntur in sensu frigoris in capite. 423  
Mulieri gravidæ an fluor alvi nocet. 236  
Mulieres quædā prægnantes melius habent. 121  
Mulieres cur capite dolent magis. 121  
Mulieri enixæ si latus doleat an secunda ventrum eunt lochia? 26  
Mulieri gravidæ an dysenteria mala. 236  
Mulsæ dotium observatio, vide Hydromel.

## N

**N**ephritica remedia, 5. 17. 95. 96. 197. 198

## O

**O**bstructio ne multum refrigeremus impedit. 7. 12  
Obstructio vehemens febrium symptomaticarum causa. 324  
Ocu-



- Oculorum remedia in metu cæcitatis. 33. 34  
 Oculus pulverulentus quid sit. 422  
 Omoplatarum dolores unde, non enim a catar-  
 rho ut creditur. 420  
 Oris foetoris examen, 125. & seq.  
 P  
**P**alpitationis causa metus. 394  
 Palpitationis causæ veræ explicantur. 396  
 Palpitationi confert Phlebotomia dextra aliquan-  
 do, sinistra alia. & cur. 393  
 Palpitationi cordis an phlebotomia conveniat  
 ad leipothymiam. 393  
 In Palpitatione cordis prudenter agendum. 393  
 Palpitatio contingit loco hæmorrhagiæ in ju-  
 venibus, & menstruorum in virginibus. 393  
 Palpitationis flatus nescio quis causa. 393  
 Palpitationis remedia. 396  
 Palpitationi obnoxii *βραχύβυτοι*, & inter me-  
 dendum moriuntur. ibid.  
 Paroxyfmi symptomata terrifica habent initio.  
 47  
 Paroxyfmi frustra abeuntes suspecti. 408  
 Partes corporis quæ superiores quæ inferiores.  
 103  
 Partium extimarum mutationes ad cal. & frig.  
 periculosa. 405  
 Peripneumonia an dextra an sinistra. 56  
 Peripneumonia an a bile, an a phlegmate. 54  
 Peripneumonia an exactam quærit diætam. 136  
 Peripneumonia lethargi speciem inferens. 428  
 Peripneumonia pleuritidi succedens an deterior,  
 57  
 In Peripneumonia ut phlebotomia celebranda. 56  
 de Peripneumonia multa. 55  
 Phlebotomia an celebranda in tertiana. 454  
 Phlebotomia ex brachio sinistro in peripneu-  
 monia. 56  
 Phlebotomia ad ventositatem quando. 394  
 Phlebotomia ad leipothymiam in palpitatione  
 cordis quando. 394  
 Phlebotomia an celebranda sanguine insigni-  
 ter mutato. 156  
 Phlebotomia in magnis doloribus statim usur-  
 panda. 377  
 Phlebotomia etiam alvo fluente. 406. 417  
 Phlebotomia quando purgationi præferenda. 377  
 Phlebotomia ex opposito latere an facienda. 363  
 Phlebotomiæ ratio expenditur. 349  
 Phlebotomia quibusdam sanguinis facilis, aliis  
 non. 38P  
 Phlegmone interna ne refrigeremus prohibet. 10  
 Phlegmatis nomen bifariam. 278  
 Phlogosis causa diarrhœæ in febre. 406  
 Phthifici an evacuatione egeant. 424  
 Pleuritis falsa cruditate. 51  
 Pleuritis an exactam diætam quærit. 136  
 Pleuritini mentitur lateris dolor. 428  
 Pleuritis sine sputo. 411  
 Pleuritidis consideratio & methodus curandi. 360  
 Pleuritidis falsæ consideratio. 362  
 Procatasticarum causarum vis. 160. 418  
 Puerorum nutriendorum ratio. 434  
 Pulmo juvatur dulci vino. 408  
 Pulmonis pruritus. 412  
 Pulmonis morbos quando rubor genarum co-  
 mitatur. 411  
 Pulmonis inflammationis quæ signa. 392  
 Pulmo febris hæcticæ sedes non est. 10  
 Pulmonum inflammatorum notæ, curatio. ibid.  
 Pulmonum remedia multa. 36  
 Pulmonum affectus an genarum rubore depre-  
 henditur. 54  
 Pulmonis natura, nutritio, victus ratio in ejus  
 morbis tenenda. 136. 137  
 Pulsu intermittente etiam vena secta. 249  
 Pulsus consideratio in febribus. 280. 282  
 Pulsus non idem aliquando cordis & arteriarum.  
 393  
 Pulsus inæqualitas ob affectum stomachi. 249  
 Pulsus intermissio senibus & pueris minus for-  
 midabilis. 248  
 Pulsus sensum terrificus aliquando, sed frustra.  
 248  
 Pulsus in utero. 381  
 Pulsus palpitantis causa. 393  
 Pulsuum intermissio an mala. 247  
 Pulsus in Hypochondrio sinistro. 381  
 Pulsus gravidarum qualis. 23  
 Pulsus intermittens, & deficiens quid. 19  
 Pulsuum intermissio an mala. 247  
 Pulsus inæqualitas unde. 249. 253  
 Pulsuum differentia. 250  
 Purgatio instituenda diebus paribus. 102  
 Purgatio resiccatis incommoda. 104  
 Puris excretio cur debilitat. 331  
 Pustularum eruptio quid significet. 170  
 Q  
**Q**ualitates primæ an sanitatis causæ. 238  
 Quartana ab adusto humore qualis. 44  
 Quartana desinens cito fecit hominem catale-  
 pticum. 376  
 Quartana desinit facto in totum corpus abcessu.  
 376  
 Quartanæ cura. 59  
 Quartanæ cur longæ. 376  
 Quartanis in febribus sudor inutilis. 44  
 R  
**R**enibus affectis cur dispncea. 171  
 Renum affectus hereditarii. 5  
 Renum morbi ex Hippocrate. 519



- Respiratio difficilis quibus cor aëret. 10  
 Respiratio magna definens ad *Βραχυπνοίαν*. 250 303  
 Rheuma idem urit & refrigerat. 423  
 Rigorem an sequatur febris. 423  
 Rigor initio febrium malignitatis est signum in continuis præsertim. 406  
 Rigoris frequentis in continuis febribus causa. 399. 403  
 Rigores frequentes unde. 291  
 Rigoris frequen. sensio quid significet. 244  
 Rondeletius de febre in hypochondriacis. 114  
 Rondeletii error de phlebotomia in tertiana. 155  
 Rubri facie fiunt melancholici. 114  
 Rubri fiunt melancholici. 278  
 Ructuosus morbus quid. 51
- S
- S** Alivatio multa Hypochondriacis adest. 2. 112  
 Sanguineorum quidam ferunt phlebotomiam alii non. 278  
 Sanguinis exeretio per os quid. 172  
 Sanguinis insignis mutatio dissuadet phlebotomiam. 157  
 Sanguinis extra vasa an suppuret. 383  
 Scaligeri opinio de phlebotomia oppositi lateris in pleuritide. 364  
 Sectio venæ & purgatio non acceleranda in morbis autumnæ & hiemis. 291  
 Seri maligni vis. 420  
 Sicca pleuritis. 411  
 Siccitas facultatem retentricem firmat. 165. 290  
 Siccitas cordis dyspnœam facit. 13  
 Siccus morbus quid. 136  
 Singultus a pressu costæ. 48  
 Singultus cur non fit in inedia. 242  
 Singultus a tumore & pressu hepatis. 358  
 Singultus ab inflammatione ventriculi cerebri & meningum. 239  
 Singultiens febris quæ. 47  
 Singultus in febre qualis. 47  
 Singultus in febribus senum hernia laborantium. 48. 237  
 Sitis remedia. 253  
 Somniferorum medicamentorum ratio & usus. 289  
 Somni incommoda in febribus. 413. 429  
 Somni explicatio longa. 289  
 de Somno locus Hippoc. præclar. ibid.  
 Somnus cur nocet & non. 413  
 Somnus quid faciat. 413  
 Somnus immodicus quid faciat. 288  
 Somnus an a sola refrigeratione. 287  
 Soporosi affectus usu cassiæ & similibus. 22  
 Soporifera an in febribus ardentibus, & calidis affect. cerebri conferant, & quando. 281. 292  
 Spinæ difficilis inflectio catarrhum non designat, sed aliquando calculum. 419
- Spirituum interceptio quid. 416  
 Spondylorum cervicis affectio ad manus pertinet. 420  
 Spumæ origo unde. 201  
 Spumosæ dejectionis unde. 201  
 Sputatio multa quid significet. 52. 112  
 Sputum sanguinis curatur. 38  
 Sputa sanguinolenta quid faciant. 425  
 Sternutamenti causa. 238  
 Stranguria cur vulvum affert. 79  
 Sudor in quartanariis siccis quare. 42  
 Sudor initio morborum quid. 110  
 Sudor multus ex somno quid. 110  
 Sudor particularis an malus. 110  
 Suffitus in catarrhis non præbentur. 2  
 Suppressio sanguinis inveterata, & recens an idem indicet ad phlebotomiam. 45  
 Symptomata terrificæ initio morborum. 124  
 Synceræ dejectiones quæ. 107
- T
- T** Abes an morbus hereditarius & contagiosus. 35. 36  
 Tabes dorsalis. 422  
 Tabescentis curatio. 3 37  
 Tabescentis fluoris alvi curatio. 40  
 Tabidi & hectici cur non singultiunt. 395  
 Tabidorum oculus pulverulentus. 422  
 Tabis causa. 422  
 Temperies si una, cur tot actiones. 165  
 Thermintorum eruptio. 252. 389  
 Thoracica remedia. 35. & sequ.  
 Tibiarum dolores sedantur. 340  
 Tremor cordis. 394  
 Tussis initio paroxysmorum. 47  
 Tussis remedia multa. 36  
 Tussis splenicis propria, & male a catarrho esse putatur. 131  
 Tussis ut fiat. 36  
 Tympanites unde. 395
- V
- V** Acuatio an phthisicis conveniat. 424  
 Venæ arteriosæ examen, &c. 147  
 Venenum ut in nobis generetur. 30  
 Venter ambustus, venter ardens, & siccus. 76. 290  
 Ventriculi an melanch. Hypochondriacæ sedes. 112  
 Ventriculi confirmandi ratio. 366  
 Ventriculo conferentes pilulæ. 3  
 Ventriculi morbi explicantur. 50. 102  
 Ventriculi oppressio ab hepate an singultus causa. 241  
 Ventriculi sideratio unde. 154  
 Ventris dolores ex situ non parent. 210. 211  
 Ventris dolorum sedativum. 20  
 Ventris elevatio alio fluente mala. 168



Vermes alvum fluidam faciunt.	16	Unguentum ad lienem.	60. 293
de Vermibus multa.	60. 61	Unguentum ad renum & spinæ ardorem.	293
Vertigo in febribus.	432	Urinæ aquæ in bilioso corpore quid.	107
Veterum error de bono habitu.	282	Urinarum oleosarum consideratio.	253
Victus rationis in morbis acutis examen.	136	Urinæ quæ sunt tenues, non purgandum.	337. 430
Vigiliæ cur fiant, & in quibus.	289	Urinæ crassæ & tenues quid agendum suadent.	431
Vigiliæ immodicæ quid faciant.	288	Urinæ crassæ purgationem suadent.	430
Vini dulcis dotes.	408	de Urinæ coctis ad bonum apparentibus Galeni explicatio.	158
Vinum dulce pulmoni confert, non hepati.	408	Urinis coctis an mors sequitur.	158
Vinum in febre an dandum.	45	Urinæ malæ aliquando ad bonum apparent.	321
Virgines decolores palpitant.	395	Urinæ nephriticorum infidæ.	22
Visus imbecilli cura.	370	Urinæ nigræ non semper malæ.	5
Volvulus an febre sedatur.	64	Urinæ suppressio initio morborum unde.	179
In volvulo an vomitus pessimus.	63	Urinæ suppressio an fit obstructo uno rene.	181
in Volvulo clysteres Hippocrates dat novo modo.	66	Urinæ tenues suspectæ.	107
Volvulo liberatis mali morbi accidunt Mesuæo.	65	Uteri carcinoma curatur.	365
Volvulus multiplex.	8	Uteri fluor.	292
Volvulus multiplex.	66	Utero inflammato quæ secunda vena.	362
de Volvulo multa.	63	Uteri pulsatio.	381
Vomere improprium dictum.	174. 175	Uterinus fluor.	232
Vomitionis diuturnæ causa.	57	Uterini fluoris remedia.	292
Vomitum an cruentum hydropicis.	120	Uterus an ex alto trahit.	272
Vomitum commoda.	103	Uterus an causa fluoris muliebris.	272
Vomitum & singultus differentia.	239		

F I N I S.



# I N D E X

## V O C U M G R Æ C A R U M

*Memoratu dignarum quæ in hoc opere continentur:  
numerus paginam designat.*

<b>Α</b> πειπτον κ' ὤμὸν differunt.	288	<b>Ε</b> υχροια an malum signum.	
Ατμῶδες περίττωμα.	ibid.	56. 279	
Αἶθρον.	212.333	Εὔμεαν καταχρησικῶς.	175
Αἰσώως.	ibid.	Επιγίνεσθαι τι.	207
Αυχμός.	217.226	Εξ ἐμέτε quid significet.	239
Αυχμός cum humore, sine humore.	221	Επισημασία ἀθλιπτος.	410
Αχροα.	223	Εἴκλυσις quid.	338. & ante
Απειπτον κ' ὤμὸν, an idem quod ξηρόν.	222	Εκχύμωσις κ' ἐγχύμωσις differunt.	383
Αίματος πτύσις.	38	verbi ἐνείη, vis.	382
Ασιτίας κ' ἀποσιτίας διαφορά.	206	Επιπαροξύνεσθαι quid.	247
Αθλιπτον quid.	410	Εξέρυθροι quid.	278
Απόληψις & πνευμάτων.	416	Εξέρυθροι cur melanch.	114
Ανομαλία, propria febr. putrid.	247		
Αδροτέρως τί.	102		
		<b>Ζ</b>	
		<b>Η</b>	
		<b>Θ</b>	
<b>Β</b> ηῖξ κ' θυμός.	412	<b>Θ</b> ερμόν τι.	163
Βραχύπνοια succedens magnæ respira-		<b>Θ</b> ηκ κ' θηρωδὲς vis.	411
tionis quid.	250.303	<b>Θ</b> εον frustra in morbis usurpatur.	248
Βραχύπνοια unde κ' δύσπνοια.	412	<b>Θ</b> λίψις & ἀνωμαλία in pulsibus.	247
		<b>Ι</b>	
<b>Γ</b> λῶσα περιπνεύμονική.	223	<b>Ι</b> σχρόν.	223
Γειφόμενον ἀλγημα.	274	<b>Ι</b> χῶρ τι.	209
Γνώμη quid.	167		
		<b>Κ</b>	
<b>Δ</b>		<b>Κ</b> αῦσος.	229
Διάσεις ἐρυσιπελατώδους λεητυρίαν parit.		<b>Κ</b> αῦσος κ' λεητυρίας διαφορά.	231
230.		<b>Κ</b> όπος.	255
Διάνοια quid.	167	<b>Κ</b> αρδιωγμός sumitur aliter apud Gal. in A-	
Διάχυσις.	424	phorismis.	392
Διαφθορά quid.	375	<b>Κ</b> ρίσεως κ' λύσεως διαφορά.	109
Διορεῖν quid.	413		
		<b>Λ</b>	
<b>Ε</b>		<b>Λ</b> άρυγξ.	224
<b>Ε</b> φθότης quid: item ἐψημένοι.	288	<b>Λ</b> απυρεικά.	230
<b>Ε</b> κσασις solvit maniam.	230.99	<b>Λ</b> ειτυρίαν χολέρα λύει.	230
<b>Ε</b> πίφυσις ὀχτώδης.	219	<b>Λ</b> ύην quid.	229
<b>Ε</b> πανάσασις.	ibid.	<b>Λ</b> ύσεως κ' κρίσεως differentia.	374
<b>Ε</b> πί κ' ἐπιφύεσθαι.	ibid.		
<b>Ε</b> ίλεός sumtum generalius.	230	<b>Μ</b>	
<b>Ε</b> ΰθοδος quid.	231	<b>Μ</b> ανίαν solvit ἐκσασις.	230.99
<b>Ε</b> κίσασις ἀθρόα.	212	<b>Μ</b> εγαλόσπλαγχοι qui.	407
<b>Ε</b> κρυσις quid.	19		
<b>Ε</b> κτρωσμός.	ibid.	<b>Ν</b>	
		<b>Ν</b> Αρκωτικά, an in febris conferant.	
		289, 290.	



Νόσημα ξηρόν .  
Νόσος σύντροφος .

218.221

223.

259

Συνάγχη χολώδης .

218

περί Συνάγχης .

217.218.219

Ξηρόν quid .

218

Σπυρατώδεια μετά περιττήξεως quid .

54

Ξηρὸς νόσος , an idem quod ὠμός καὶ  
ἀπεπτος .

222

Συνανδρωθῆναι quid .

124

Ξηρότη πολλή anginam parit .

218

Σπατίλη quid .

407

Ξηροφθαλμία .

220

Συσάσεως &amp; κινήσεως causa .

413

Ξηρασία .

223

Σπαδων quid .

385

Ξηραγχίνα fictum verbum .

226

Συσροφή ad Hypochondrium .

415

Σφυγμοῦ nomen quid Hippocr.

380

Σύντηξις .

424

Συνκινῆσθαι corpus quid sit .

337

Οφθαλμία ξηρά .

219

Οφθαλμία φθινώδης .

ibid.

Οφθαλμία ὑγρὰ .

ibid.

Οφθαλμία ροώδης .

217

ΤΕΛΕΥΤΑΝ ΤΙ .

106.164

Οφθαλμία ξηρά bifariam .

219

Τύφει species .

248

Οξυρεγμία in fluoribus alvi .

16

Τ

Τῆνος ἐπιτηδωθῆς .

288

Τηνωτικά quando conferant. 31.288.

289.

ΠΕΡΙΚΛΥΣΙΣ ἐξέρυδρος .

206.209

Πλαδύντα .

221

Τυραίνεσθαι .

221

τὰ Πολλά τι .

161

Τυρόν .

222

Πρίφασις quid .

160

Τποβορβορίζαν ἐν ξηρῷ .

218

Παροξυσμὸς nomen an ad febres intermit-  
tes pertinet .

400

Φ

Ποιὰ κράσις .

238

ΦΑ'ρυγξ .

224

Παλμὸς ὑποχονδρίου .

380

Φθινώδης ὀφθαλμία, vide ὀφθαλμία .

221

Παλμὸς καὶ τρίμα, differentia .

397

Φθίσις ὀφθαλμοῦ .

221

Φθίσις ἀσαφὴς τι .

167

Φθίσαν τι .

159

ΡΟΥς γυναῖκος .

16.231.271.337

Ρευματική διάθεσις .

202

X

Ρε'cura .

368

XΟΛΕΡΑ humida &amp; sicca .

222

Ρῶ γυναῖκος balnea .

425

XΧΟΛΕΡΑ λεπυρίαν λύει . 228.229.230

Σ

ΣΥΝΟΛΗ .

223

Ψ

Συνάγχη, συναγχικὸν πάθημα . 217.

217.

Ψωροφθαλμία .

221

F I N I S .



GRÆCARUM VOCUM,  
QUÆ IN HOC  
SECUNDO TOMO  
GULIELMI  
BALLONII

inter legendum, lectorem linguæ Græce,  
imperitum morari possunt, inter-  
pretatio Latina.

*Μία Ἀρχὴ αἰώνιος. Timens Locus de Anima Mundi.*



VENETIIS,

APUD ANGELUM JEREMIAM,

Via Mercatoria sub signo Minervæ.

---

MDCCLXXXV.

SUPERIORUM PERMISSU, AC PRIVILEGIO.







# CLARISSIMO VIRO D. WILHELMO MOOR

M. D.

Socio Berolinensi, Augustæ Rauracorum Practico felicissimo, Græcarum litterarum Groningæ in Batavis Emerito Professori.

A. M. Zanini M. D. Veronensis.

Εὐδαίμονως πρᾶττεν.



**L**IBUIT, WVILLHELME Præstantissime, sapius tecum per litteras colloqui, & inita Amicitia Sacra recolere; ex quo Te peregre proficiscentem Tragurii in Illyricis primum conspicatus, medullitus observare, ac diligere cœpi, & exacto triennio Venetiis auspiciatissimo, & insperato occurſu propius intueri Ipſemet potui. Statim Te veluti in ſinu fovere plurium dierum intervallo non deſtiti, uſque ad felicitatis invidiam totus delibutus. O qui complexus, & gaudia quanta fuerunt! Vel in medio foro oculos tuos diſſuaviari non veritus, indivulſus comes lateri tuo hærebam. Ab ore loquentis perdebam conticeſcens, intentuſque. Quanta litterarum græcarum ex tempore Ubertas! Quanta elocutionis granditas? Quanta in eruendis Vetuſtiſſimorum ſenſibus ſagacitas, & profunditas? Q. Calabri Παράλειπόμενα tuis notis illuſtrata, & nitidiſſimis formis Colonia Allobrogum poſteritati tradita, merum, & totum Euſtathium ſapiunt, Te interpretem, Te enarratorem ſapientiſſimum univerſo Orbi litterario promulgant. Coluthus inter Veteres vetuſtiſſimus Περὶ Εὐνάς ἀπ' αὐτῆς προπαιδὴν, beatiffimum tuum iudicium expeſtat. De MORBIS Uraſlaſſiæ, ut ad Medica tranſeam, & Te ad altioris ſubſellii conatus pertraham, opus a CHRISTIANO HELVICH inchoatum, a Te vero ad umbilicum perduſtum, extremam limam opperitur; ſed adhuc in ſeriniis occulitur. Diſ boni quam pretioſa merces! DE INSTAU-



RATIONE MEDICINÆ, DE PRESSURIS HUMANI COR-  
 PORIS Bartholomæi Moor toto Orbe Clarissimi, gentilis, & contri-  
 bulis tui, ad Sorani Ephesii amussim, & ad seculi Emunctiores na-  
 res excantatis laboribus, quot labores addidisti, nocturnasque lucubra-  
 tiones, & diurnas? Quibus bonis Universi inhiamus, nondum frui-  
 mur. Hippocrates, qui in profundissimis vocum involucris, totus in-  
 terdum in verbis delitescit, tuas suppetias præstolatur. Habes præ ma-  
 nibus salebrosas illas PRÆNOTIONES COACAS, quæ hætenus  
 Jonstonum, Foesium, Hollerium, Desiderium Jacotium, Gregorium Hor-  
 stium pro Magistris non adeo felici fato subierunt. LUDOVICUS DU-  
 RETUS immeritissimò Tantus. Habet summus ille Vir, inquit Cas-  
 par Hoffmannus XI. DE USU PARTIUM 3. ut in illa affectata gran-  
 diloquentia involo- se, non aliter quam Sepia atramento suo. Adhuc  
 in tenebris sumus, adhuc ex Verulamio noctu palpamus. Agedum præ-  
 libemus nonnulla IN PRÆNOTIONIBUS, Amicissime VVillhelme  
 in Specimen veritatis, quantum fert angustia brevitatis Epistolæ, tan-  
 quam DIPTOSOPHISTARUM mensis discumbentes, aut sabino  
 foco hiemali bruma admoti. Qui ex doloribus aphoni fiunt, crude-  
 liter moriuntur Οἱ ἐκ πόνου ἀφωνοὶ γίνονται, Δυστάτατοι.

Quis non attonitus obstupescat, si quis Aphoniam interdum pro im-  
 mensa vociferatione interpretetur; & Aphonos immensè vociferantes,  
 clamantes, ejulantes? Hanc significationem ÆMILIUS PORTUS CRE-  
 TENSIS pro aris, & focis tuetur Ἀλφα Elementum in principio  
 dictionis, multoties negare, multoties Ἐπιτατικῶς augere, & inten-  
 dere ipsi Impuberes sciunt litterulis græcis imbuti; n' si qui nondum ere-  
 lavantur. Ἰλῆν ἄξυλος apud Homerum Silva nemorosa. Πέλαγος  
 Ἀχανές. Pelagus immensum. ἈΒΙΟΣ apud Antiphontem, DIVES,  
 καὶ πολὺν Βίον κεκτημένος Nilus apud Nazianzenum Ἀσάχως, καὶ  
 καρποφόρος STICIFER, & fructiferus περὶ προσῶχεις in fine. Ac-  
 cidit ex eventu Testimonium. Vehementia doloris facientis vociferari  
 in Pleuriticis, omnino exitialis, ex Eben Syna, & suppuratoria;  
 ex versione Antonii Deusingii, & Vopisci Fortunati Plempii Lova-  
 nienfis. Testor Deum in animam meam, inquit Valescus de Taranta,  
 fere omnes Pleuriticos clamantes, vociferantes, exilientes, ejulantes  
 miserabiliter oppetiisse; Plerosque ad incitas redactos. VOX in rigori-  
 bus exitialis ex eodem Hippocrate in Coacis. Quæ tanti Mysteriorum Sacra-  
 nescivere Interpretes, & pro VOX non VOX infeliciter commutarunt.  
 Desiderio Jacotio subirascor. Datur quedam species clamosa, & per-  
 terebrantis



terebrantis Pleuritidis. Telum vocat Q. Sereus. VOX acuta plorantium similis Κλαυθρονος omnino exitialis, & spasmodica in acutis. Vociferari, ululare, ejulare Βοᾶν in posteram diem mortem significat, praesertim si contumax, & perenne silentium a principio in vociferationem inopinatam eruperit. Videndus Johannes Jacobus VVefferus de Voce stentorea. Silentes, exclamantes in malignis veluti attoniti, & in idu oculi rapiuntur. Quod tanquam THESMOPHORUM, & Eleusinum Sacrum custodivere Patres. Δυσθάνατοι agre morientes, crudeliter morientes, mori contumaces, inextricabiles ex Theodoro Gaza. apud Teophrastum 3. de Plantis κοκκυμνλέα δισώλεθρος. Ἀναφέροντες subsingultuosi moriuntur. Ἀναφέρειν apud Galenum in exegeſi de linguis est subsingultire, & spiritu faucibus eliso respirare. Καταφέροντες deficientes moriuntur. Ἵποφέροντες titubantes, ereſti Ὀρθοσάδειν moriuntur. Προσφέροντες, μικρὰ προσενεγκάμενοι comedentes moriuntur, ut nonnulli Tabidorum in prima cibi sumtione animam exhalant, Adstantibus nihil tale cogitantibus.

His veluti ἐν παρήγῳ observatis, ad alia properemus. Quibus ex stranguria Ileos supervenerit, in septem diebus pereunt, nisi febre superveniente satis urina fluxerit Ὁκόσοισιν ἐκ τραγγυρίης εἰλεός ἐπιγίνεσθαι, ἐν ἑπτὰ ἡμέρησιν διόλλωσθαι, ὡς μὴ πυρετὸς ἐπιγενομένης ἄλλως τὸ ἔργον ῥύη. Nullum, inquit Galenus in vita mea observavi stranguriosum, Ileosum objisse. Melius est itaque si fateamur, nos ignorare, quæ dixerit Hippocrates. Quot ambages, quot verborum circuitiones, & tortuositates in tanta claritate! Leonardus Fuchsius audacior, sed infelicior Athleta. Tanta est humani ingenii tenuitas, ut quæ etiam notissima sunt, ignoremus. A duobus millibus annorum tam conspicuum sensum latuisse. Quid clarius, quid expeditius, si Ileum pro occlusionē, & Ischuria interpretemur? Ileum Sepimentum appellat Salimachus apud Caelium Aurelianum. ILEOS hoc in loco obſignatio, interclusio, sepes est, ischuria est non ILEOS vulgi, aut Iliaca passio communis. Εἰλεῖσθαι est constringi, coangustari, convolvi, pæne insolubili perisystole tamquam vinculis constriſtis intestinis; gastricae lymphæ secretoriis oscillis obſignatis a crassioribus, & amurcosis succis, quibus a calore febrili solutis, & excretis, decretoria perirrhæa succedente, insperata salus contingit, urinis multis vitreis, acervatim, de repente, erumpentibus. Quid frequentius observant Clinici quam stillicidium urinae in ischuriam transire? Quæ morborum epigenesis adeo Practicos terrefacit. Res est miraculo similis, Galenum atticissimum atticissimæ



significationis exegetim ignorasse. Εἰπέων νόμος πολὺς, ἔνθα καὶ ἔνθα. *Vetustissimi Attici Πολυσήμως* loquebantur, ut *Richardus Bentleius* in scholiis *Aristophanis* saepius inculcat. *Flexus, subterfugia, diverticula* quarit ipse noster *Ballonius* διαλεπτολυγείται τοῖς δοκοῖς τῆς οἰκίας *Diis Avernuncis Sacra faciamus*, ut tantam caliginem ab oculis avertant. Occurrunt infinita similia, *Sapientissime Moor*, quibus praesertim divinum *Opus Coacarum* conspergitur; sed receptui canendum, nam subpudet quæ tua sunt tibi venditare, & proprias merces licitatori in auctiōnem proferre. *Ballonium* interim audiamus, & græcicas voces ex purissimo fonte depromptas in propatulo exponamus. Tu *Magister*, Tu arbiter censorio supercilio, si quid minus aptum interpretando subolfeceris, emendabis, & ceu male natam prolem sustuleris. Si libuerit, illines atrum transverso calamo signum. Vale, *Amicissime VVilhelme*, & me Tui sic amantem amore prosequaris.

Venetiis Kalendis Martii MDCCXXXV.





Pag. 4. In Affectibus Ραματικοῖς Reumatī-  
cis.

5. Urinæ Ταραχώδεις Perturbatae.

9. Τριταιογενὴς In modum Tertianæ  
Febris.

10. Συναδροισμὸς Coacervatio.

11. Χλωράσμα λαμπρὸν Viriditas splen-  
dida.

Μαρασμῶδης Marasmodes.

Εξίς Habitus.

13. Ἀπνὴν ἀπνοον sine respiratione, exa-  
nime.

15. Διέξοδος ταχία Cita alvus.

16. Οξυρεγμία Ructus acidus.

Ρῆς γυναικείος Fluxus muliebris.

17. Περὶ παθῶν De passionibus.

18. Ἀκίνησις, λεπιδυμία Immobilitas,  
Leipothymia.

Ἐκκοπή & ἑλληψις Detruncatio, & de-  
fectus.

Εφιδρώσις Sudatiuncula.

19. Ἐκρυσίς Effluxio.

Ἐκτρωσμὸς Abortus.

23. Τπόχλωρα Subviridia.

Διαφθορά Corruptio.

25. Ἀνατρέψα per ἐπίκρασιν Connutri-  
tio per epicrasin.

Περὶ τροφῆς De alimento.

26. Τποσαρχίδιος Hypofarcidios.

27. Ρέγχος Stertor.

41. Πνῦματίας Spirituosus, anhelosus.

46. Περὶ παθῶν De passionibus.

Μυξῶδης Mucosus.

48. Ἐπιγενόμενον σύμπτωμα Accidens  
superveniens.

Ἀφθῶδης Quidpiam aphthis simile.

51. Ορθοστάτω, Erecte, & ambulan-  
do.

Ἀπεψία, Βραδυπεψία, Δυσπεψία A-  
blatio concoctionis, tarda con-  
coctio, difficultas concoctio-  
nis.

Κληδῶνας Fluctus.

52. Ἐρυσιπελατώδης Erysipelatodes.

54. Τὰ πυρατώδεια μετὰ περιττήξιος μυ-  
ξώδους Spiriformia cum eliquatione  
mucosa, baccis caprini stercoris si-  
milis.

Περὶ παθῶν. De Passionibus.

56. Εύχροϊαν Bonum colorem.

58. Ἀνδρῶν αἱ νέσοι Pro quibus qui  
morbi.

Περιπνῦμονίαν ἢ πλερίτις ἰάται Pe-  
ripneumoniam pleuritis sanat.

Partes Ἀναιδήτοι insensiles.

Ἀνιάτοις Incurabilibus.

59. Θᾶτον τι Occultum aliquid, Quid-  
piam Divinum.

Περίοσιον Perioftion.

60. Τὸ πολιτικὸν & τὸ ἐπιδημικόν, Quid  
Politicon & epidemicum est.

Χλωράσμα λαμπρὸν Viriditas splendi-  
da.

6. Ἐπιδημικῶν 6. Epidemiorum.

61. Ἐκλαμψιν Elucescentiam.

64. Πρæpositionem Ἐκ accipit pro.  
μετὰ post.

67. Οὔτε ἄραδον κακὸν ποίει, Perturba-  
tio, neque perturbationem, sive  
malum affert.

κακὸν Malum.

ἄραδον Perturbationem.

68. Διάθεσις Diathesis.

λιθεντας Calculosos.

69. Ἐτερογενές. Quod est alterius gene-  
ris.

Πυρίς εὐήθεια Bonitas, & laudabili-  
tas.

70. Ἀτμώδης Halituosus.

71. Θερμὸν Calidum.

Πῦρ Ignis, igneitas.

Οξυπόρα Ἐκβρασικά & Ebullien-  
tia.

ἐρητικά Per urinas moventia.

ἐξατμίζον Exhalare faciens.

Ἀτμός Vapor.

Ἀπόρροια τῆς ὑποκαμένης οὐσίας Efflu-  
vium subiectæ essentia.

Ἐντελέχεια Perfectio.

Γχυρὸν θερμὸν Forte calidum.

72. Ἐκλαμψις Elucescentia.

Ἐπὶ προσέτι τῇ δυνάμει αἰσθητικῇ Et  
præterea imbecillitate existente po-  
tentia.

ἐμφράττονται πολλάκις ὠνεφροὶ & τὰς  
λίθους γεννῶσι, ὅταν Et obstruuntur  
renes & calculos generant, quan-  
do &c.

σύσασιν παρώδη Callosa concretio.

73. τὰς πλὴν ἐχάτῳ ἄγοντας ἡλικίαν,  
& ἐν αὐτοῖς καταπαύει τὸν λόγον ὡς  
ἀπάσαι ἡδὴ διεληλυθῶς Eos senex in-  
telligit Hippocrates qui extremam  
partem ætatis agunt, atque in iis



fermonem suum finit tamquam singulas ætatis partes emensus.

σύσασις Porrosis.

πωρώδης Concretio callosa.

74. ἐμφράττονται οἱ νεφροὶ ἔγγενωσι λίθους ἔσυσασις πωρώδης ἐργάζεται Obstruuntur renes, & generant lapides, & systasis callosa generatur.

συσάσεως πωρώδης Systaseos, sive concretionis callosa.

Humor παχύς ἢ γλιχρὸς crassus & viscosus.

σύναγμα Collectio.

76. φλόγωσις phlogosis.

συνάγμα Collectio.

ἀπὸ τοῦ ἢ γλιχρὸν συνάγεσθαι Ex eo quod humor viscosus concreascit, & coacervetur.

συνάγμα synagma.

μετ' ἔρησιν ἔπρὸ ἔρήσεως Post mictionem & ante mictionem.

ἔρήσεως mictionis.

77. ἔρημα Mictio.

ἔρα Urina.

aliud ἔρον, urina, aliud ἔρημα, seu ἔρησις Mictio.

ἔρα ἔστι θερμότεροι Nunc quod calidiores.

μᾶλλον magis

σύναγμα μᾶλλον magis concretio.

θερμὸς Calidos.

μετ' ἔρησιν Post mictionem

78. ἔρήσεως Mictionis.

79. συνάγματος Concretionis.

80. ἑτερογενῶν Partium diversi generis.

ἑτερογενῆ Partes diversi generis.

ὁμογενῆ Partes ejusdem generis.

81. θερμοκοίλοις ἄνω Ventre superiori calidis.

82. πυρετός ἐπιγεγόμενος κορύζαις ἔβραγχοις βεβαιοτέραν αὐτῶν ποιῶνται πέψιν Febris superveniens raucedini, & gravedini validiorem efficit concoctionem.

τὸ θερμὸν πλὴν λιθίαςιν ποιεῖν ἐξατμίζειν Calidum lithiasin efficiens, discutere, & exhalationem procurare.

83. In aquis αὐτοφύεσι sponte nascentibus.

86. Furfuracea γονιόδεια, & genituralia.

ἰσχρίαν, aut στραγγυρίαν, aut δυσουρίαν Ischuriam, & stranguriam, aut dysuriam.

88. συνάγματος Concretionis, πλὴν γένεσιν. Generationem.

τῶν νεφρῶν διαθεσιν Renum dispositionem.

τελείας Perfectos.

89. ἔρησις Mictio.

90. διάθεσις Dispositio.

91. γένεσις, διέξοδος & διαμονή Generationis, transitus, & mora.

ὀξείαν ὀδύνην Dolorem acutum

βαρεῖαν Dolorem gravem.

τῆς βαρείας ὀδύνης Doloris gravis.

92. θερμοκοίλοις Ventre calidos.

93. ἐκφρακτικὰ Deobstruentia.

πωρώδεις συστάσεις Callosas concretiones.

ἔρητικὰ Uretica.

διουρητικὰ Diuretica.

97. τὴν ἐξιν ἀθλητικὴν Habitum athleticum.

ἀθρόον, sive ἀθρόως ἐκχευθέν. Coacervatum, & acervatim excretum.

διαγνωστικὸν Diagnosticum.

98. γίνεσθαι Fieri. Generari.

μετ' ἔρησιν Post mictionem.

πρὸ ἔρήσεως Ante mictionem.

99. ἔκστασις Extasis.

ἀντὶ τῆς μανίας Loco maniae.

100. ὑδρῶς sed ἰδρῶς Non hydrops, sed idros, idest sudor.

102. ἀδροτέρως Validius, fortius.

104. σύντηξιν Colliquationem.

106. τελευτᾶν Finire, mori.

ἀντὶ τοῦ κρίνεσθαι Loco judicari.

109, κρίσις Crisis.

λύσις Lysis, solutio.

110. Non est ἐφιδρωσις ἀλλὰ ἰδρῶς πολὺς καὶ καθόλου τὸ σῶμα ἐπιχεόμενος Sudatiuncula sed sudor multus ab universo corpore effusus.

ἐφιδρωσις Sudatiuncula.

κατὰ τὰς κληίδας Secundum claviculas.

ὑπὸ τοῦ ὕπνου Sub somnum.

ἰδρωτὶ πολλῷ Sudore multo.

111. διαφοραμένης τροφῆς Quod alimentum discutiatur.

113. ἀνάδοσιν Distributionem.

φλεγμονῆς Inflammationis.

114. ἐξερύθρους Prærubros.



116. καθ' ἥττον καὶ μάλλον Secundum magis, & minus.  
 σπασμώδεις Spasmodēs.  
 ἄχροια Bonus color.  
 ὑπαρξίς existentia.  
 ἀποτυχία τὴν αἱματώσεως Frustratio sanguificationis.  
 119. αἱματοποιητικὴ Sanguificatrix, sive effectrix sanguinis.  
 122. Luna διχότομος dimidio orbe, semiplena.  
 124. συνανδρωθῆναι simul virescere, seu simul virilitatem adipisci.  
 τὴν ἰερὰν νῆσον συνανδρωθῆναι. Morbum sacrum, simul roborari, & virescere.  
 126. σοχασμὸν Conjecturam artificiosam.  
 130. φθορὰν Corruptionem.  
 131. ὁμογενὴ, sive ὁμοειδῆ Homogenea & consimilia.  
 132. κατὰ συμβεβηκός Secundum accidens.  
 135. περίψυξις καὶ ἀναδέρμασις Perfrigeratio, & recalcactio.  
 136. ἐπικρίαις Adiumenta.  
 137. τρίτη καὶ μέγιστη πασῶν ἀπὸ τῆς καρδίας ἀποπεμπιζομένη μὲν τοῦ αἵματος ἀκριβῶς ἐν ἐκείνῃ κατεργασμένη καὶ λεπτυσμένη Tertium autem, idque maximum est quod sanguis a corde ad solum pulmonem exquisitè in illo prius elaboratus ac attenuatus.  
 147. ἐκ προσαγωγῆς Quod sensim fit aut accessionem paullatim crescente, ex Budæo.  
 150. αἵματος πτύσιν Sanguinis sputum.  
 155. ὑπαρξίς Existentia.  
 πῦρ Ignis.  
 ἀπυρεξία Infabricitatio.  
 158. μὴ παντὰ πασιν ἐπιπολαίως Non omnino leviter.  
 159. σωτηῆσθαι Contabescere.  
 φανεράν πρόφασιν Occasionem manifestam.  
 διάγνωσις καὶ πρόγνωσις νοσημάτων Diagnosis, & prognosis morborum.  
 σωτηῆσθαι ἀντὶ τῆς λεπτύσεως Ex tabescere loco extenuari.  
 φθίνοντες Contabescētes.  
 ἴτωσιν σωτηκομένους Utcumque extenuatos.  
 ἀδιορίτως Sine distinctione.

- ἐν παντὰ πασιν ἐπιπολαίως Omnino leviter.  
 160. προφάσεις Occasiones.  
 Febbris σωτεκτική Colliquativa.  
 σωτεκτικὰς Colliquativas.  
 ξυμπτώσεως Collapsionis.  
 κακοήδεια Malignitas.  
 ἑξανθήματα Exanthemata.  
 κακοήδεις Malignum.  
 ἐφίδρωσις Ephidrosis, sudatiuncula.  
 161. τὰ πολλὰ ut plurimum, ex intervallis, magna ex parte.  
 ἀκρεὰ ταχὺ ἐπ' ἀμφοτέρω μεταπίπτοντα, καὶ δίψα τοιαύτη, πονηρὸν Si extremæ partes corporis in utrumque partem cito transmutentur, & sitis sit hujusmodi, malo loco res est.  
 ἀκρεὰ μεταπίπτοντα Extremæ partes corporis se permutantia.  
 δίψαν μεταπίπτουσαν Sitim, non sitim, seu potius sitiendi, & non sitiendi vicissitudinem.  
 μεταπτώσεως Permutationis.  
 ὁκόσοι πονέοντες τι τὸ σώματος, τὰ πολλὰ πρόνουν μὴ αἰσθάνονται. Quicumque dolentes aliqua parte corporis, ex intervallis dolorem non sentiunt, iis mens ægrotat.  
 πρόνουν sit μεταπτώσεως τις Aliqua dolorum permutatio & vicissitudo.  
 αἰσθήσεως μετάπτωσις τις aliqua sentiendi vicissitudo aliqua.  
 ἀναδερμαίνεσθαι Recalescere.  
 ἀμεταβολῆς Permutationis.  
 162. ἑτερογενὴ Heterogenea.  
 ἐκλάμπειν Emicare.  
 εὐσάρκω Eufarcho, & bene carnosō.  
 ἀνάκλημψιν καὶ ἐπανάκλησιν per reluscentiam, & revocationem caloris.  
 163. τῆς θερμότητος, καὶ θερμότητος Calidos, & ventre calidos.  
 ὁκόσοι δέρματα περιτίνεθαι καρφαλέα καὶ ξυρὰ ἀνὰ ἰδρώτος τελευτῶσι Quorum cutis arida, & præsicca circumtensa est ii sine sudore moriuntur.  
 τελευτᾶν Finire, mori.  
 τελευτῶσι Finiunt, moriuntur.  
 κρίνονται Judicantur.  
 164. τελευτᾶν Finire, mori.  
 τελευτᾶν ἀντὶ τῆς ἀποθνήσκου Finire loco interire, mori.



- ἀντί τῃ κρίνεσθαι. Loco judicari.  
 ἀγρυπνον. Pervigilem.  
 ἀδυναμίαν. Impotentiam.  
 κενεαργείης μὴ ἐΐσης Nulla præeunte va-  
 forum inanitione.  
 165. πρωτοπάθειαν Prothopathiam, essen-  
 tialem affectionem.  
 παθητικῇ Passive.  
 παρακτικῇ Active.  
 166. ἐντελέχεια Entelechia, perfectio.  
 ὑποθέσεως Hypotheseos.  
 κράσιν Crasin.  
 167. τῇ γνώμῃ Mentis.  
 δianoia Dianæa.  
 πρῶτον τὸ αἰσθητικόν Primum senso-  
 rium.  
 ἐντελέχεια Entelechia.  
 γνώμη Gnomes.  
 τῇ γνώμῃ τῶν ἐστίν, τῇ δianoias Gnomis,  
 idest dianæa.  
 ὡς μὲν τὸ ἀρρώστημα ῥέπει εἰς τὸ σῶμα  
 ἐπιληπτοὶ γίνονται, ὡς δὲ εἰς τὴν διάνοιαν  
 μελαγχολικοί. Si vero morbus in  
 corpus repat fiunt epileptici, si in  
 animam, melancholici.  
 δianoian Dianæam.  
 φύσις ἀσαφής Natura obscura.  
 πονέοντας Laborantes.  
 168. φρόνησις Prudentia.  
 χύλωσις Chylosis.  
 αἱμάτωσις Æmatosis, sanguificatio.  
 169. μὴ παντὰ πασιν ἐπιπολαίως Non omni-  
 no leviter.  
 171. σημεῖον συνεδρεύον Signum assidens,  
 concomitans.  
 σοχαστικὴ Conjecturalis.  
 ἀποδεικτικὴ Demonstrativa.  
 πωτεκμαίρεσθαι Probabilibus quibus-  
 dam rationibus, atque apparenti-  
 bus signis colligere.  
 ἀποδεικτικῶς & συλλογιστικῶς Demon-  
 strativè & syllogisticè.  
 172. νάρκη τῇ μηρῷ κατ' ἴξιν Torpor femo-  
 ris è directo, secundum rectitudi-  
 nem.  
 173. ὀρθοστάδην Erectè, & ambulando.  
 τραύματος Vulneris.  
 ἢ ἄλλως λελεπτυσμένοι Vel aliter exte-  
 nuatis.  
 174. ἐχάτως λελεπτυσμένοι Extremè exte-  
 nuati.  
 σωτηρία Salutaris.

- δυναμένον θεραπευθῆναι Quod capax est  
 & potens curari.  
 ὀλιγότροφα Quæ parum nutriunt.  
 175. καταχρηστικῶς Abusivè.  
 ἐμῆσαι Vomere.  
 πτύεσθαι Expuere.  
 ἐπικίνδυνος Periculosa.  
 182. Trepanum ἀβάπτιστον Abaptiston;  
 immerfabile, quod mergi non po-  
 test.  
 183. τῇ πικρῇ Amari.  
 τῷ ὀξεί Aceto, vel cuiusdam acido exi-  
 stenti.  
 186. ὁκόσοι ὕβοι ἔξ ἀδματος ἢ βηχὸς γίνον-  
 ται πρὸ τῆς ἡβῆς, ἀπόλλυνται Qui-  
 cumque gibbi ex asthmate vel tussi  
 fiunt ante pubertatem, moriun-  
 tur.  
 τὰ χήματα Figura.  
 187. δύσπνοια Dyspnoea.  
 ὁκόσοισι σπόνδυλοι ὑπὸ νοσημάτων ἔλκον-  
 ται Quibus vertebre ex morbis convul-  
 luntur sive trahuntur.  
 ὑπὸ ἀδματος Ex asthmate.  
 ὑπὸ τῶν νοσημάτων Ex morbis.  
 τῶν πυμάτων Tuberculorum.  
 πρὸ τῆς ἡβῆς Ante pubertatem,  
 ἀπόλλυνται Percunt, moriuntur.  
 ὁκόσοι ὕβοι γίνονται πρὸς τῆς ἡβῆς Qui-  
 cumque gibbi fiunt ante puberta-  
 tem.  
 ταχέως Velociter.  
 ἀπόλλυνται Pereunt, moriuntur.  
 νῦν τὰς πρὸ τῆς ὕβης ὕβωδέντας, ἐπὶ  
 ἀδματι & βηχὶ διαφθαίρεσθαι φησι τα-  
 χέως. Nunc inquit Hippocrates  
 quod qui fiunt gibbi ex asthmate,  
 vel tussi, velociter corrumpantur.  
 Galen. in Comment.  
 188. γυγλυμοσθῶς Cardinatim, ad mo-  
 dum ginglymi.  
 ταχέως Velociter.  
 νῦν δὲ τὰς πρὸ τῆς ἡβῆς, ὕβωδέντας,  
 ante pubertatem inflexos & incur-  
 vatos.  
 ὕβωθῆναι Inflecti & incurvari.  
 ὕβοι Gibbi.  
 ἀπόλλυνται Pereunt, & moriuntur.  
 οἷσι κυφῶνται ῥάχιδες πασὶν ἐΐσι, πρὶν ἢ  
 τὸ σῶμα τελεωθῆναι εἰς ἀύξησιν Qui-  
 bus ad pueri aut priusquam corpus  
 adoleverit, spina in gibbum contra-  
 hitur.



hitur iis corpus ad spinam augeri non solet.

ἔξ ἀσματος ὑβωθῆναι Ex asthmate gibbum fieri.

καὶ τὸ πρὸ τῆς ἡβης ὑβωθέντας : ἐπὶ ἀσματι & βηχὶ ὁρροθεῖρεθαι φησι ταχέως Qui gibbi ex asthmate, vel tussi fiunt velociter corrumpuntur.

ὑβωθέντας ἔξ ἀσματος Ex asthmate incurvatus & inflexos.

ἐπὶ ἀσματι In asthmate.

ἔξ ἀσματος, & ἐπὶ ἀσματι Ex asthmate, in asthmate.

ὑβωθῆναι Incurvari.

ἐπὶ ἀσματι & βηχὶ In asthmate, & tussi.

ἐπὶ ἀσματι In asthmate.

ὁρροθεῖρεθαι Corrumpi.

189. ἐπὶ ἀσματι ὁρροθεῖρεθαι In asthmate corrumpi, & interire.

ὅσοι ὑβοὶ τὸ πρὸ τῆς ἡβης γίνονται, ἔξ ἀσματος ἢ βηχὸς ταχέως ἀπόλλυται Quicumque gibbi ex asthmate, vel tussi fiunt velociter moriuntur.

κύφωσις Gibbositas.

189. ὑβὲς καὶ τυφὲς ἰσθὲν ὀνομαζέειν ὁ Ἱπποκράτης, ὅς ἀπαντες οἱ μὲν ἄνθρωποι προσαγορεύουσιν κυρτὲς & γὰρ ὄντως ἡ ῥαχὶς αὐτοῖς εἰς τὸ πῆσω γίνεται κυρτή; τῷ μὲν ἐν κυρτῷ τὸ κοῖλον ἀντικοιμῆως λέγεται, τῷ γὰρ ὑβῶ τε & κυφῶ τὸ λόρδον Galenus lib. VI. Aphorism. 46. Hippocrates solet appellare ὑβὲς & κυρτὲς, quos nunc gibbosos vocant.

Nam revera iis spina a tergo gibbosa fit, & opposita dicitur convexo cavum, & gibboso repandum, aut foras extuberanti, excavatum.

λόρδωσις Inclination spinae dorsalis aut recurvatio in partem anteriorem. Lordosis.

σκολιῶσις Scoliosis, incurvatio spinae in latus, aut perversio in latus.

σεισὶς Concussio spinae quum vertebrarum omnium tota compages concutitur.

ὄγκος Tumor.

φύμα ἀπепتون καὶ σκληρόν Phyma, sive tuberculum inconcoctum, crudum, & durum.

φύμα Phyma.

περὶ ἄρθρων De Articulis.

φύματα μεγάλα, χρόνια, ἀπепτα, σκληρά Phymata magna, diuturna, inconcocta, dura.

τὸ φύμα. Phyma, panus.

φύγεθλον Phygethlon.

ερυσιπελατώδης Erysipelatodes.

ἀποσάσεις Apostemata.

& ἀποσήματα Apostemata.

ὄγκος καὶ φύμα Tumor & tuberculum.

φύμα τῆς κύφωσης Tuberculum g. b. bositatis occasio & parens.

φύμα ἀπὸ τῆς φύγεθλος Phyma differt a phygethlo, quod phyma cito suppuret, & pronascatur paullo tardius.

φύμα Phyma.

190. παράρρηγον Appendix, perfunctorium.

κυναγκικὲς Anginosos.

παρανδύλεις εἰς τὸ κύφον ἑλκεῖσθαι ὑπὸ νοσημάτων Vertebras in gibberum convelli & trahi a morbis.

191. ὄγκος Tumor.

φύγεθλον Tuberculum.

αὐτομάτως ὑβωθέντες Spontè gibbosos & inclinatos.

ἐπὶ ἀσματι In asthmate.

ἡ ὑξημένους Adultos.

ἐκπυητικά Suppurantia.

φύματα καὶ τὰ πνέμονα Tubercula secundum pulmonem.

In autem ἐν τῷ πνέμονι in pulmone.

τὸ ἀσμαίνειν Anhelare.

τὸ ἐπιγενόμενον Superveniens.

192. ταχέως Velociter.

193. κύφωσις τῆς νόσου παρούσης κείσιν ποιεῖν Gibber morbi praesentis crisi facit.

κρίσεως Criseos, Judicationis.

λύσιν Lyfin, solutionem.

λύσεως Solutionis.

καταχρησικὸν Abusivum.

κυναγκικὲς Anginosos.

τῆς κυνάγκης Anginae.

194. τὰ κατὰ τὴν θώρακα φύματα Tubercula, sive phymata secundum thoracem.

ὅσα κατὰ συμπάθειαν γίνονται νοσήματα, τούτων ἕδεν λυτικὸν εἶναι τὸ ἔξ ἀρχῆς παθόν Quicumque per consensum, & communicationem fiunt morbi eorum nullus eos morbos solvit qui praecesserunt.



195. ἐξεχέβρογχοι Quibus guttur protuberat.

φυμάτια ὡς ἐπὶ τὸ πολὺ, καὶ πῶς πνέμονα ἔσι Tubercula ut plurimum sunt circa pulmonem.

ἀνακεφαλαίωσιν Per quamdam anacephaleosin, sive recapitulationem, ταχέως Velociter.

πρὸ τῆς ἡβῆς Ante pubertatem.

196. ἐπὶ ἅμα Simul.

ἐξ ἀσματος Post asthma.

κύφωσις G. bbofitas.

τοὺς πρὸ τῆς ἡβῆς ὕβωδέντας ἐπὶ ἀδματι Qui ante pubertatem fiunt gibbosi in asthma.

φύματα γίνονται ἅμα τῇ βηχί, & μὲν δυσπνοίας Phymata fiunt simul cum tussi, & post difficultatem respirationis.

πασμός ἐξ ἐλεβόρου θανάσιμον Convulsio ex elleboro letalis est.

ὑπὸ ἐλεβόρου In elleboro malum.

ἐξ ἐλεβόρου κακὸν Ex elleboro malum.

200. γαστήρ Venter.

τῆς δυσεντερίας Dysenteriae, difficultatis intestinorum.

ἐν τῇ κοιλίᾳ In ventre,

διάρροιαν Diarrhæam.

Excretiones ἐργώδεις καὶ πονόδεις Operosae & laboriosae.

θερμόκοιλος Venter calidus.

ἐπιτήδευμα Vitæ institutum.

αἱματηρά Sanguinolenta.

201. αὐτομάτως & συμπτωματικῶς Spontè & symptomaticè.

αὐτομάτως Spontè.

τὰ ἴοντα Quæ præterfluunt,

ἀθρόως Cumulatim.

συναδροισμὸν Accumulationem.

202. ρευματικὴν διάθεσιν Diathesim Rheumaticam.

τῇ ὅλῃ σίᾳ Ex tota substantia.

203. πυρατωδὲς ἔλκωρημα Excretio caprarum baccis similis, spyratodis.

ἀναδόσεως Distributionis.

ἀνάδοσιν Distributionem.

ρευματικὴ διάθεσις Diathesis Rheumatica.

205. ἐνεργείᾳ Energiae.

206. περιέκλυσιν ἐξέρυθρον Prærubram alvi proluviam.

τὸ ἔλκωρημα ὑπεροπτιζόμενον Excretio exallata.

τῆς ἀποσιτίας Aversionis a cibo.

ἀποσιτία Aversio a cibo.

ἀντὶ τῆς αἰσιτίας Loco aversionis a cibo, αἰσιτος Non comedens.

καὶ ἀπόσιτος Aversus a cibo.

ἀνορεκτος Cibum fastidiens.

Δυσεντερία Difficultas intestinorum.

207. ἐπιγινόμενον Superveniens.

ἐπιγίνεσθαι Supervenire, supergenerari.

ἀπόσιτος Cibum fastidiens.

Intestinorum κάκωσις Pravitas, & oblatio.

ἀπὸ τῆς ἐντέρων λαότητος a laxitate intestinorum, sive Leienteria.

208. καταχρησικῶς Abusive.

μόνῳ κάκωσιν Solam pravitatem, & cacosi.

κακώσεως Pravitatis.

ἐν τῇ κοιλίᾳ κάκωσιν Ventris pravitatem.

τῆς δυνάμεως ζωτικῆς νεκρωμένης Facultatis animalis mortificatae.

ἀποσιτία Cibi fastidium.

ἀνορεξία Ciborum aversio.

δυνάμεως ζωτικῆς Facultatis animalis.

φυσικῆς Physicis.

ζωτικῆς Animalis.

τῇ δυνάμει φυσικῇ, & τῇ ζωτικῇ Facultatem naturalem, & animale.

209. ἰχώρες Ichores.

ἀποσιτίαν Aversionem a cibo.

κέρωσιν Mortificationem.

αἱματηράν Cruentam.

τῆς κενώσεως αἱματηρᾶς Evacuationis cruentae.

αἱματηράν Cruentam.

αἱματηρά Cruentae.

Τυμοὶ ἐξέρυθροι prærubri.

μετάστασιν Metastasi, transmutationem.

τῆς δυσεντερίας αἱματηρᾶς Dysenteriae sanguinolentae.

περίεκλυσιν ἐξέρυθρον Proluviam prærubram.

212. ἀθρόως Accumulatim.

ἀθρόον Confertum.

ἐπίσσις Superficies.

ἀθρόα Conferta.

Πῦς τοῦ αἵματος Confertum, collectum, αἵματι



ἀθροον & ἀθρόως Accumulatim, & accumulate.

ἀθρόου Quod est collectum, & cumulatam.

216. κατ' ἑξοχὴν Per excellentiam.

217. σφακέλος Sphacelus.

Ophtalmiæ ῥοώδεις Fluxionales.

ξηραὶ Siccae.

αὐχμῆς Squalores.

συναγχικόν Anginosum.

218. τὴν ξηροῦ Sicci, & siccitatis.

ὀφθαλμίας ξηρὰς φθινώδεις Ophtalmias ficas, & tabificas.

ξηραὶ, Siccae.

ἐν αὐχμοῖσι. In squaloribus.

χολέραν ξηρὰν & ὑγρὰν, Cholerae ficas, & humidam.

Anginam χολώδεια, πικρόχολον Cholericam, & biliosam.

φλεγματικῶ Phlegmaticam.

κ' τὴν ξηρότητα πολλῶ. Et siccitatem multam.

ξηρότητα πολλῶ Siccitatem multam.

διὰ τὴν ὑπερβάλλουσαν ξηρότητα. Et superexcedentem siccitatem.

τὸ νόσημα ξηρὸν & ὑγρὸν Morbum ficum & humidum.

τὸ ξηρὸν Siccum, siccitas.

ὑποβορβορίζουσι ἐν ξηροῖσι, & χαλεπῶς καταβροκκίζουσι Qui inter potandum paullum strepunt, & submurmurant in ficcis, & qui difficulter deglutunt.

ὑποβορβορίζουσι ἐν ξηροῖσι. Submurmurant in ficcis.

ἐν ξηρῶ In siccitate.

ξηροῖσι Siccis, siccitatibus.

ξηρὸν ξηραὶ Siccum, siccitates.

219. ὀφθαλμίας & ὀφθαλμίας φθινώδεις Ophtalmiæ ficas, & ophtalmiæ tabificas.

ὑγραὶ humidæ.

ξηραὶ Siccas.

ἐπιφύσεις. Progerminationes.

σύκα Ficus, species eruptionis.

ἀπὸ τῆ ῥάματος ὑδατώδεις Ex rheumate præhumido.

ἐπιφύσεις Progerminatio.

ὀχθώδης ἐπανάστασις Sive eruptio verrucosa, callosa.

ὑδατώδεις Præhumidum, & aquosum, lymphaticum.

ἐπανάστασις Eruptio.

ἐπανάστημα Prorumpens eminentia.

ἐπὶ Super.

ἐπιφύεσθαι Progerminare.

ἐπιφύσιν, τὴν ἐπανάστασιν ὀχθώδην Epiphylin, progerminationem, & eruptionem callosam.

ὀχθὴ Locus præruptus, & eminens.

ὁ ὀχθὸς Colliculus prominens.

ὀχθὸς Extuberantias verrucosas.

τὴν ὀχθώδεα ἐπανάστασιν Eruptionem callosam.

220. ξηραὶ Sicca.

ξηρὰς ὀφθαλμίας Ophtalmias ficas.

τὴν ὑγρὴν ὀφθαλμίαν In ophtalmia præhumida.

φθινώδεις ὀφθαλμίας Ophtalmiæ tabificæ.

περὶ ξηροφθαλμίας DeOphtalmia ficas.

ἄσπεροφθαλμίαν Ophtalmiam asperam, scabram, & scabiosam.

φθινώδεις Tabificas.

ἐν αὐχμοῖσι φθινώδεις ὀφθαλμίας In squaloribus ophtalmiæ ficas, & tabificæ.

221. αὐχμόν Squalorem.

φθινώδεις ὀφθαλμίας Ophtalmias tabificas.

τῆς φθίσεως Phthiæos, tabis.

ξηρὸν νόσημα Morbus ficans.

τὴν ξηρὴν Sicci, & siccitatis.

ὑγραίνεσθαι Humesceri.

ἐπιφαινόμενον Epiphænomenon, superveniens.

πλαδούντα Madescencia.

222. ξηρὸν & ἄμικτον Siccum & crudum.

ἀπίπτων Incoctile.

ὅτι δὲ, ἢ Qualia oportet educantur.

γνωρίσματα Gnorismata, signa, indicia.

ὑγραίνεσθαι Humescere, madesceri.

νόσος ξηρὰ Morbus ficans.

χολέραν ξηρὰν & ὑγρὰν Cholerae ficas & humidam.

τὸ ὑγρὸν Præhumidum.

τὸ ξηρὸν Præficans.

ξηρότητος Siccitatis.

τῆς χολέρας ξηρὰς Cholerae ficas.

223. συνολκὴ Tractus uervorum, divulsio.

συναγχικὸν παθήματος ὑπαρξιν Essentiam morbi anginosi.

γλωτταν περιπνευμονικὴν Linguam peripneumoniam.

σύναν-



σύναγχος Angina.

πικρόχολον Biliosum & cholericum.

χολώδης Biliosa.

ἰχνα φαίνετο Quæ apparent gracilia, & minime tumentia.

ἰχνὸν Gracile.

πολλῶ ξηρασίῳ Siccitatem multam.

ἰχνα Gracilia.

ἄχροα Decolorata.

In margin. τῆς σπασμωδῆς πασμοῦς Di-  
vulsionis spasmodicæ.

224. νιτρώδες τι Quidpiam nitrosum.

ξηρά Sicca.

ξηρασις πολλή παραγίνεται Siccitas  
multa generatur.

ἢ ἡ φωνὴ ἀπέρρωγε τέτρεσι ἀπόλλυτο  
Quibus vox amittitur & perit.

λάρυγξ Guttur.

οἰδήματος μὴ ὄντος ἐν τῷ φάρυγγι Tu-  
more non existente in faucibus.

φάρυγγος Faucium.

ὁ φάρυγξ Fauces.

225. οἰδήμα Oedema, tumor:

Febrium καυσώδων ardentium.

226. ξηροφθαλμία Ophthalmia sicca.

ξηραγγίνα Angina sicca.

ξηρὸς σύναγχος Synanche sicca.

συντηκτικίῳ Colliquativam.

αὐχμὸν Squallorem.

227. προγνωστικῶν Prognosticorum.

228. τὰ ἰχνὲς Gracilis existentis.

τὸ μὴ ἐν ἐκδηλῶν ἐν τῇ φάρυγγι ἐμποιῶν  
Quod nil manifestum in faucibus  
facit.

Voces κατελθεῖσαι Solutæ, coactæ,  
compressæque, utpote exire ne-  
queunt.

Αὐχμὸς Squalor.

ἐνέργειαν Energian.

ξηρά Sicca.

τὰ παραπληγικά ξηρά Paraplectica  
sicca.

τὰ λειπυρικά μὴ λύονται μὴ χολέρας ἐπι-  
γινόμενης Leipyriæ febres non solvun-  
tur nisi superveniente cholera.

229. Καύσος Ardentis febris.

καύσος Ardentes febres.

ἐρυσιπελατώδες Erysipelatodes.

τὰ λειπυρικά μὴ λύονται μὴ χολέρας ἐπιγι-  
νόμενης Leipyricæ affectiones non sol-  
vuntur nisi successu cholera morbi.

λύεσθαι Solvi.

τρόμος ἐπιγενόμενος παραφροσύνη λύεται  
Tremor superveniens delirium sol-  
vit.

230. διάθεσις ἐρυσιπελατώδης Dispositio ery-  
sipelatodes.

ὑπαρξίς Essentia.

ἀθρόως Cumulatim.

τὰ λειπυρικά μὴ ἐπιγενομένης χολέρας ἐ-  
λύεται Quæ Leipyrica sunt non sol-  
vuntur nisi bile superveniente: sic  
interpretatur Ob/orphus.

Per quamdam αὐξησιν & ἐνέργειαν Auxe-  
sin, exaggerationem, & energiam.  
μὴ, οὐ Non, minimè, nequaquan-  
τῆς χολέρας καταχρηστικῶς Cholera a-  
busivè.

πυρετὸς μετ' ἐλεῶν Febres cum ileis.

χολέρα Cholera.

τὰ λειπυρικά Quæ Leipyrica sunt.

λειπυρικὴν Affectio quædam leipyrica:  
ρίπτασμαί, ἄσσαι Jactationes, fasti-  
dia, implaciditates.

τὸ λειπυρικόν, & ἡ χολέρα Quod est Lei-  
pyricum & cholera.

μανία Mania.

ἔκστασις Ecstasis.

(vit.

ἔκστασις μανίαν λύει Ecstasis maniam sol-

231. μανίαν Maniam.

ἔφοδος Impetus, conatus veluti cri-  
ticus.

ἔφοδον & ὄρμω ἐκστατικόν Impetus, co-  
natus veluti criticus, ecstaticum  
reddit.

καύσος Febris ardentis.

ΠΟΤΕ γυναικίῳ & καθαρσεως Fluxus  
muliebris.

κενώσεως Evacuationis.

Mulieres ὕδατα πλάσας Aquosas, & fe-  
rosa colluvie madentes.

232. ἀσθηξία Pulsus carentia, & defectus.

233. εὐήθης Boni moris.

234. ὀρθοστάδων In erectum stans.

236. ἐπώδυνος Dolorosus.

Excretiones λυσιτελείας Fructuosas,  
commodasque.

237. πασμός τις Quædam convulsio.

ᾤομαι κατὰ τὸν Ex arbitrio, & imperio  
voluntatis.

τέκμαρσις Cognitio conjecturalis per  
signa syllogistica.

λύγξ Singultus.

238. ποιὰν κρίσιν Quale temperamentum  
&c



- & qualitatum crasim :  
 κράσεως Craseos & temperamenti.  
 ἐν τῇ πραγματείᾳ In Praxi.  
 τέκμαρσι Cognitio conjecturalis per  
 signa syllogistica collecta.  
 μὲν τὸ συμβεβηκὸς Secundum accidens.  
 239. τὸ κρύος & ψύξις Frigus & perfrige-  
 ratio.  
 διάνοια Dianæa, intellectio.  
 ἐξ ἐμέτε Ex vomitu.  
 240. τὸ ἐπιγενόμενον Superveniens.  
 διαγνωστικὸν Diagnosticon.  
 κενώσεις Evacuationes.  
 τὰ σημεῖα διαγνωστικὰ Signi diagnostici.  
 241. & κατάληψιν Et catalepsim.  
 ἐπιγενόμενον Superveniens, Epigeno-  
 menon.  
 242. ἥπατιτις Hepatitidis.  
 ἀθρόως Cumulatim.  
 243. & ἀθρόαν Cumulatam.  
 καὶ μὲν μέρος Paullatim, pigroque  
 gressu.  
 ὑπερκαθαρτικὴ Hypercathartica.  
 244. ἀφῶνος Aphonus, Insonus, Invocalis;  
 ex Theod. Gaza.  
 245. ἀφῶνος, & κἀτοχος Aphonus, & Ca-  
 talepticus.  
 τυφώδης aut τυφλώδης Quasi excæca-  
 tus, aut lentè somnolentus, atto-  
 nite torpidus.  
 247. ἀδροισμα Acervus, & cumulus.  
 & συστηματικὸν Systematicum.  
 σφυγμὸς θλίψις Coarctatio pulsus.  
 ἀνωμαλίαν Anomalian.  
 ἐπιπαροξυνεῖν Repetere, annotatio-  
 nem novam habere.  
 θλίψις Compressio.  
 248. ἀνώμαλος Inæqualis.  
 θεῖον τι Quidpiam Divinum.  
 τύφος Typhi, morbi sic appellati,  
 stuporis attoniti.  
 ἀναδερμαίνειν Recalescere.  
 250. βραχύπνευς Brevispirus.  
 βραχύπνοια Brevispiratio, spiritus par-  
 vus, rarus.  
 251. κατ' ἐξοχὴν Per excellentiam.  
 Materix ἑτερογενὲς Heterogeneæ.  
 252. κρίσιμα μὴ κρίνοντα Judicatoria non  
 judicantia.  
 253. καρδιωγμός Cardiogmos, Cordis mor-  
 fus.  
 254. ἐπικράσις Epicrasi.

- ἀξιόλογον τὸ θεῖον Quod est effatu di-  
 gnum, & divinum.  
 255. κόπος Lassitudo.  
 257. διάδεσιν Diathesim.  
 πρωτοπάθειαν Primariam affectionem.  
 ὁμοειδὴ Homogenea.  
 ὁμογενὴ Homogenea.  
 258. πάθος Passio.  
 & ἀφωνίας Aphoniæ.  
 264. ἀναλογία Analogia.  
 268. ἀφῶνος Aphonos.  
 σωτήριος Connutritus.  
 σωτήριον εἶναι νοῆσον Esse morbum con-  
 nutritum.  
 271. ῥῶγαι κέτω Fluxui muliebri.  
 274. πρὸς ἀνάγκην Ad necessitatem.  
 ἑρόφες Tormina.  
 πόνον διαίοντα Dolorem turgentem.  
 Dolorem ἐμπεπαρμένον Infixum.  
 Dolores γριφομένους Reciprocus, revo-  
 lutos, & in uno puncto se se re-  
 volventes, irretitos.  
 275. Doloribus γριφομένοις Involutis veluti  
 in rete piscatoris.  
 ἐλκεῖν Convolvi.  
 276. ἀνελείδαι Revolvi.  
 εἰλεῖν Ilel.  
 278. διὰ τὴν φλέγματος Per pituitam.  
 φλέγματος Pituitæ.  
 & ἑξερύδρων Prærubrorum.  
 279. ἑξερύδρως Prærubri.  
 εὐεξίαν, & ἀχροίαν Bonum habitum,  
 & bonam colorationem.  
 εὐεξία Bonus habitus.  
 ἀχροίαν Optimam colorationem.  
 280. ἀεξίαν Evexiam.  
 ἀναρρόπια Humorū versus superiora  
 inclinatio.  
 καταρρόπια Humorū versus inferiora  
 impetus, & inclinatio.  
 ὑπόχλωροι Subvirides.  
 281. ἰδιοσυγκρῆσις Idiosyncrasia, corpo-  
 rum proprietas, & convenientia,  
 & cujushbet peculiaris tempera-  
 tura.  
 ἀπυρεξία Infébricitatio.  
 282. Humor ἑτερογενὴς aut ὁμογενὴς Hu-  
 mor aut Homogeneous, aut hetero-  
 geneus.  
 283. Humor φλεγματοποιούμενος Dilutus, &  
 in phlegma degenerans.  
 284, ἐπισημασίς Annotationis febrilis.  
 ἐκλάμ-



- ἐκλάμπη Enicat, & elucescit.  
 ἀπὸ ὕδ' ὑγρανόντων Ab humectantibus.  
 ξηρανόντων Ab exsiccantibus.
285. διαχύσεις Diffusiones.  
 εὖξια Bonus habitus.
286. ὀξύθυμία, Excandescencia, & iracundia.  
 ἀνεσιν Solutionem.
287. καταλήψεις Catalepses.  
 Sopor δυσδιέγερτος Ægrè excitabilis.  
 ἢ ὕπνον δυσδιέγερτον Soporem ægre excitabilem.  
 καρωδες π Quidpiam soporosum, & caroticum.
288. διάθεσιν Diathesim.  
 καριβαρίαι Capitis gravitates, Capiplenia, ut loquitur *Alexander Petronius de Viliu Roman.*  
 ἀτμώδεις Vaporosa.  
 ἰχυρά Fortes, & prævalidæ.  
 ὕπνον ἐπιτηδὲς ἄθύντα. Soporem inducentem & præparantem.  
 ἐφθόγητα Segnitiam, languorem,  
 ἢ ἐφθόγητος Excoctionis, languoris.  
 ut interpretatur *Foesius*.  
 πρὸ τόνου ἐκλυσιν Solutionem roboris ac virium.  
 ἐφθόγητος Excoctio, solutio virium, ac veluti effaminatio.  
 ἐφθήμενοι Recocti, excoctique, molles, segnes.
289. ἐρεθισμὸν Irritamentum.
290. καῦσος Febris ardens.  
 πρὸς ἀνάγκην Ad necessitatem.
292. τὰ ὥμα Cruda.  
 τὰ ἀπεπτα Incoctilia.  
 ἀσώδεις, ἀπόσιτοι, ἐφθοι Fastidiosi, implacidi, cibum fastidientes, molles, excocti.  
 ἐφθήμενοι Effeti, turgiduli, & excocti.
295. βραμώδες Quidpiam virulentum.
301. ἀδυναμία Impotentia.  
 ὕδατόχολα Aquoso-biliofa.  
 φλεγματίζονται In pituitam convertuntur.
302. ἀλυσμοί ναυπώδες καὶ ἀνέμεται, κόποι  
 Anxietates, jactationes nauseabundæ, vomituritiones, lassitudines.  
 ἀλυσμοί Jactationes.  
 κινεαγγίη Vasorum inanitio.  
 ἀδυναμία Impotentia.

- ἀλυσμοί καὶ ἄσας Anxietates, jactationes.  
 303. ἀνωμαλίαν Inæqualitatem.  
 τὸ ἑτερογενὲς Heterogeneum.  
 δυσφορίαι Difficiles tolerantia, dysphoria.  
 κακώσιν Malitiam, pravitatem.  
 βραχύπνευς Brevispiros, breviter spirantes.
304. δυσοκία Partus difficilis & laboriosus.  
 ἀφῶνος Aphonus.
305. τὸ κακὸν δὲς Mali moris.  
 σπασμὸς Contractiones, tractus venarum.  
 σπασμοί Spasmi.  
 ὁρὴ ἀνωδύνη καὶ χαλαστικὴ Anodynorum, & emollientium.
306. ἐπιφλογίσματος Incensionis phlogoseos.
309. τριταιοφυῶν De genere Februm tertianam referentium.  
 ἡμιτεριταίων In morem februm tertianam referentium, & hemitritæarum.  
 τριταιοφυῆς Febris tertianæ naturam referens.  
 ὑποκαρίζεσθαι Altero die remitti.
310. κακοήθειαν Malignitatem & pravitatem.
311. τὸ ἑτερογενὲς Heterogeneum.  
 Febres κατ' ἐξοχήν φρικώδεις Per excellentiam horrificas appellatas.  
 κατ' ἐξοχὴν Per excellentiam.
312. τριταιοφυῆς Tritæophyes.  
 ἡμιτεριταίαι Hemitritæas.  
 ἐπισημασίαι Annotationis febrilis.
313. ἀναρρόπες Sursum vergentes.  
 καταρρόπες Deorsum vergentes.  
 τυφόν Typhon, stuporem attonitum.
314. παροξυσμὸς Paroxysmi, & exacerbationis.  
 παροξύνεσθαι Exacerbari.  
 διάβρωσις Erosio.
315. διαβρώσεως Erosionis.  
 πτερυγώδεις Alatos.  
 φθολὴ Phtoen, tabem.
316. διὰ ἢ διάχυσιν πῖνα Per quamdam diffusionem.
318. ἀνόρεκτος Cibum fastidiens.
319. ὕδατόχολα Aquoso-biliofa.  
 ῥέγχος Stertor.  
 περιπνεύμονικόν Pulmoniacum, peri-



ripneumonicum.

Anxietas ἀνέμετος. Vomituriens.

Febris ἀσώδης Fastidiosa, anxia.

320. Δΐδης & Δσαθής Boni moris, & constans.

321. ἐφίδρωσις Sudatiuncula, ephidrosis.  
πνεύμα προσιπτον Spiritus, ispiratio, interrupta.

μελαγχολικόν Melancholicum.

ἡ μελαγχολία & τὰ μελαγχολικά Atra bilis, melancholia, & quidpiam melancholicum.

ἀκράτεια Impotentia.

322. τὸ δὲ μελαίνης χυμὸν Succum melancholicum, succum atræ bilis.

ἀκινήσις, ἐκπλήξεις Carentias motus, defectus motus, stupores, torpores.

μελαγχολικώτερα Magis melancholica.

ἀκινήσιαν Motus defectum, immobilitatem.

ἀκράτειαν Impotentiam.

ἀκινήσιαν Motum localem abolitum.

τὸ καρώδες ἀράγῃ κακὸν Soporiferum, & affectio carotica, aut somnus profundus, nonne malum est?

κάρος Caros, somnus profundus.

323. καρώδες πῖ Quidpiam caroticum, & soporofum.

ὁ κάρθ Caros.

τὸ διαδέσσειν Dispositionis.

κάρθ νοσώδης Sopor morbosus.

κάρθ, κῶμα, κατάρρα Caros, Coma, Cataphora.

ἀκινήσιω Carentiam motus.

ὁμολογηθείσης τὸ διαδέσσειν, ἐν ὀνόματι

μόνον ἢ διαφονία ἐστὶ Dummodo fateamur diathesim somni profundi,

& CARI non distingui; de solo nomine controvertitur.

τὸ κάρθ Cari.

κῶμα, & λήθαργος, κάρθ, κατάρρα Coma, Letargus, Caro, Cataphora.

τὸ ἀπυρεξίης Infabricitationis.

324. διαχωρήματα τὰ ἰόντα Excretiones ex-euntes.

κτὶ συμβεβηκός. Secundum accidens.

ἐν ἐπισημασίαις In Annotationibus febrilibus.

κάρον καὶ κῶμα Caron & coma.

κτὶ πρὸς πυρεπὲς Secundum febres.

κατὰ νόσους πυρεπώδεις Secundum mor-  
Ballon. Oper. Tom. II.

bus febriles.

325. ἰσοφόνως & παφλάζοντες Gracili voce præditos, & lingua hæsitantes.

βαυλός. Balbos.

326. Facies ἐξέρυθρος Prærubra.

ὕδατοχολα Aquoso-biliofa.

327. Affectus δυσχερὲς & δυσλῆπτες Ægrè judicabiles, & ægrè solubiles.

κακοήδης Mali moris.

328. δίψα ὡδύλως κυθεῖσα κακὸν Sitis præter rationem soluta malum.

Febris ἀσώδης assodes, fastidiosa, anxia.

329. ὡς ὁ συγγενικὸν φθινώδες Erat quidpiam tabificum cognatum.

Virgo ἀναρδρῶ Inarticulata, articulis non apparentibus, ut nec articuli nec venæ forent conspicuæ.

λεπτὴ Extenuata, macra.

Corpus ἀχρεὺς benè coloratum, & solidum.

331. Dysenteria, & hæmorrhagia ἀντόματοι Spontaneæ.

ἀθρόως Cumulatim.

332. τὴν κακοήθειαν Pravitatem, & malitiam.

333. ἀθρόως Cumulatim.

τὸ κτὶ βραχὺ, & τὸ κτὶ μικρὸν Quod breve est, & parvum.

ἐπίπωμα Operculum.

συνέπειναι & ἐκκρίνεσθαι Concomitari, & judicari, secerni.

Arteriotomia ἀπὸ τῆς τοῦ ἀρτηριῶν σώματος τέμναι ex eo quod secetur corpus arteriarum.

ἐκλυσιν Solutionem.

τὸ πνέματθ Spiritus.

τὸ ζῶηκθ πνέματθ Spiritus animalis.

τὸ συγκοπή Syncope.

ληποψυχία Leipopsychia.

334. τὸ ἐκλύσειν Solutionis, & animi defectus.

ἀντὶ τὸ ἐκλύσειν aut τὸ ἀδυναμία Loco defectus animi & impotentia.

Virium ἀρκεσία Sufficiencia.

πέψις Concoctio.

πύον φλεβὸς & ἀρτηρίας ῥοφή Pus venæ, & arteriæ alimentum.

335. ληποθυμία Leipothymia, & exsolution.

ἐκλυσις Exsolutio.



336. τὰ κρείσιμα Judicatoria.  
Dejectiones αξιολογοί notabiles, & ef-  
fatu digne.
337. ῥῆς γυναικίος Fluxus mulie  
συνκινείται Commovetur. bris.
338. ῥῆ Fluxus muliebris.  
ἐκλυσις Exsolutio.  
ἀπόσιτος Cibus fastidiens.  
Mulier ἐκκελυμένη exsoluta.
342. αὐγμές Squallor.
343. ὠξυδοξοποιός Paradoxa faciens.
347. ῥοπαίς καὶ ὄργασμός καὶ παλινδρομαίς Im-  
petus humorum, & orgasmos, &  
palindromas, recursiones.
348. ἀναρθροί Inarticulati, articulis non  
apparentibus, præ crassitie.
349. καὶ ἡ φύσις τῶσι φλεβὶν ἐν ὑγρῶ ἐστὶν ἐν  
τῶσι σαρκί. Et natura venis, in hu-  
more est, in carnibus.  
ὕγρα Humida.
350. Πιτυτα ἀπνοῶ Exanimis, humor  
crudus infra sanguinem.  
ἀπεπτον καὶ ὠμόν Incoctile, & crudum.
352. βωδῆναι Vulnerari, ex ictu, ut vertit  
Leoniceus.  
ἀτμωδῶς Vaporosè, in modum va-  
poris.
353. ἁρδρώσεως Articulationis.
354. Materia ἑτερογενής heterogenea.
358. ἀσώδης Fastidiosus.
359. διαθέσεις νοσώδεις Diatheses morbo-  
sæ, dispositiones ad morbos.  
χρόνιον νόσημα morbus diuturnus.
360. διαθεσις χρονία Dispositio diuturna.
362. ὑπάρξεως Essentia.
363. Pars ὑποψάδυρος Friabilis, subfria-  
bilis, & quæ facile in minimas par-  
ticulas potest dissolvi.
364. ἀπόθεσιν Depositionem, & separa-  
tionem, apothefim.
367. κακοήθης mali moris, malignum.
373. δυσυχία Infortunium, infelix even-  
tus.  
εἰρωνικῶς Ironicè.  
τὰ συγγεγονότα Quæ congenerantur.  
ἢ μὲν χολὴ καὶ τὸ φλέγμα γινόμενοι  
συγγένεσθαι, καὶ ἐστὶν ἐν τῷ σώματι καὶ  
πλέον καὶ ἑλάσσον Nascantibus nobis  
bilis & pituita congenerantur plus,  
minusve.
374. τὰ συγγεγονότα Quæ congenerantur,  
congenita.

- καὶ χολῆς Bilis.  
Quidpiam συγγενές cognatum.  
κρίσις Crisis.  
λύσις Solutio.  
νέσος σωφρότης Morbos connutritos.  
καὶ νέσος Morbi, dispositionis mor-  
bosæ.
375. διαθέσεως Diathesis, dispositio.  
διαθέσεως Dispositionis, Diatheseos.  
κακοπραγία Mala actio.  
ἐξερύδω, aut διάδεσιν Corruptionem,  
& dispositionem.
376. καὶ τὸ συμβεβηκός. Secundum acci-  
dens.  
Causa ἀρκαταρκτικὴ præincipiens &  
primitiva.
379. καὶ τροφῆς Alimenti.  
περὶ τροφῆς De Alimento.
380. παλμός. Palpitatio.  
τὸ σφυγμὸς Pulsus.  
Si vero ἡ φλέψ σφύζει Vena pulsare.  
σφύζειν Pulsare.  
παλμόν καὶ φλεβῶν Palpitationem ve-  
narum.  
σφυγμόν σαφέα Pulsationem conspi-  
cuam.  
οἱ κρόταφοι πάθονται Tempora pulsant,  
& concutiuntur.  
αἱ ἀρτηρίαι ἐν τοῖς κροτάφοις κίνοισθαι  
καὶ σφύζειν Arteriæ in temporibus mi-  
cant moventur, & pulsant mani-  
festo.  
καὶ φλεβὸς ἀντὶ τῆς ἀρτηρίας Venæ hoc  
in loco usurpatur loco arteriæ.  
Nominetur σφυγμὸς pulsus.  
παλμόν Palpitationem.  
καὶ παλμώδη κίνησιν Et motionem pal-  
pitantem.  
σφυγμός Pulsus.
381. τὸ σφυγμὸς Pulsus.  
ὑπολάπαρος Submollis.  
Contentio ὑποκενός Subinanis, sub-  
vacua.  
ὡς σφυγμός ἐν εἰν ἐν τῷ ὑποχορδεῖ Si  
pulsus insit in hypocondrio.  
δόρυβον ἢ ὠξυφροσύνην Perturbatio-  
nem, aut delirium.  
τὸ καρδιωγμὸς Cardiogmi, morsus cor-  
dis.
382. ἐνείη Insit.  
περὶ ἐξερύδω. De prærubris.
383. ἐκπυηθῆναι Suppurari.



- φθαρῶαι Corrumpi, & in pus verti.  
 ἐκχύμωσις Suffusio humoris.  
 τὰ ἐκχεχυμώμενα Quæ effusa sunt.  
 τὰς ἐκχυμώσεις Effusiones.  
 σπασμὸν Spasma.  
 ἀπὸ τοῦ σπᾶσαι A convellendo.  
 σπασμὸν, seu, κισσός Spasma, sive  
 varix.  
 διαπήδησιν, Diapedesin, persul-  
 tationem.  
 ἀναστομώσεις Anastomoseos, deoscu-  
 lationis.  
 σπᾶσμα Spasma.  
 κισσός Varix.  
 ἀπὸ τοῦ διρύνειν A dilatando, & am-  
 pliando.  
 387. Lassitudine ὅσσοκόπων ossa defatigante,  
 ostocopo.  
 τυφώδης, aut τυφλώδης Aut stupidus,  
 aut obcæcatus.  
 σφυγμὸς Pulsus.  
 388. περὶ ἀποχρεμῶν De Excreatio-  
 nibus.  
 389. ὀρεῖαν Facilem tolerantiam.  
 ἀποχρεμῶν Excreationis.  
 πτύελος Sputi.  
 πτύσεως Exspuitionis.  
 πυρετὸς Februm.  
 τῆς ἀποχρεμῶν Excreationis.  
 390. δυσώδης Graveolens.  
 ἀποχρεμῶν Excreatio.  
 πτύελος Sputi.  
 πτύσεως Exspuitionis.  
 391. ἀποχρεμῶν Excreatio.  
 εὐπετέως Facile proclivis.  
 προγνωστικῶν Prognosticorum.  
 τῶν ἀποχρεμῶν Excreationum.  
 ῥῆμα Rheuma.  
 ἰκτερίδες Ictericum, & morbo re-  
 gio obnoxium.  
 ἔχρεμψε Excreabat.  
 ἂν ὡς σίαλον Non erat sputum.  
 πτύαλον, seu σίαλον Sputum.  
 391. παλμός. Palpitatio.  
 τὸ καρδιαγμὸς Cardiogmi.  
 τὸ παλμὸς Palpitationis.  
 καρδιαγμὸν ἢ παλμὸν Cardiogmum &  
 palpitationem.  
 καρδιαγμός Cardiogmos.  
 παλμώδης Palpitatorius.  
 393. βραχύβιος Brevis vitæ, & vibrevioris.  
 394. ἀπὸ τοῦ συγκόπτειν Ab incidendo.
395. θερμοκοίλος Ventre calidos.  
 θερμοκοίλος, & τὸς ἰκτερίδας Ventre-  
 calidos, & morbo regio obnoxios.  
 δυσπεπτότητα Quæ sunt concoctu maxime  
 difficilia.  
 οἱ θερμοκοίλοι Ventre calidi.  
 396. βραδυπεψία Bradypepsia, tarda con-  
 coctio.  
 Chylus ὠμός Crudus.  
 δυσπεψία Dyspepsia, difficultas con-  
 coctionis.  
 ἀπεπτος Crudum, incoctile.  
 397. τὸ τῷ φόρμῳ ἀντὶ τοῦ παλμοῦ Tremoris lo-  
 co palpitationis.  
 παλμὸν Palpitationem.  
 καρδιαγμὸν Cardiogmum.  
 398. ἀνέμια Anemia, ventositas.  
 ἐπὶ μελαγχολικῶν διὰ φλεβῶν πνέματος  
 ἀπολήψεις ὅταν ἐῷσι φλεβοτομίῃ λύει.  
 Si fuerint venarum, & spiritus in-  
 terceptiones in melancholicis venæ  
 sectio solvit.  
 399. ὅσσοκος Ostocopos.  
 ὕδατοχολα Aquoso biliosa.  
 ἀπύρετον εἶναι Infebricitantem esse.  
 400. χλωρὸς Viridis.  
 ἀνωμαλίαν ἢ τὸ ἑτερογενὲς Anoma-  
 liam & quod est heterogeneous.  
 παροξυσμοί Paroxysmi.  
 τὸ παροξυσμὸς Exacerbationis, & Pa-  
 roxysmi.  
 καὶ ἀναδιπλώσεως Et reduplicationis.  
 μεγάλῳσπλαγχνος Magnis visceribus,  
 viscerosus; ex Fœsio.  
 401. ἐπίσσις Intensio.  
 φρικώδης Horrificus.  
 κατ' ἐξοχλή. Per excellentiam.  
 τριταυρουῆς Tertianæ naturam refe-  
 rens.  
 φρικώδεια Horrificum.  
 402. ἑτερογενὲς Heterogeneous.  
 403. τριταυρουέων De genere tertianarum.  
 404. ὕστερον πρότερον Hysteron proteron,  
 posterius prius.  
 In febribus τριταυρουέοι tertianæ na-  
 turam referentibus.  
 διαθέσις Diathesis, dispositio.  
 405. Materiam ἑτερογενὲς Heterogeneous.  
 παροξυσμὸς Exacerbationis & paro-  
 xysmi.  
 406. Excrementa σπυραθώδεια Spyrathodea,  
 caprarum baccis similia.



- ἀνάδοσιν Distributionem .
407. μεγαλόσπλαγχνος Magnis visceribus ,  
cui magna & lata sunt viscera .  
τὸ μεγαλόσπλάγχνυς Megalosplachni ,  
viscerosi , ex Foessio .  
μεγαλόσπλαγχνον τὸ σπληνός κ' ὕπατος  
Quod habet vim tumefaciendi &  
in molem efferendi splenem , &  
hepar .  
ὁ ἀνδρωπὸς μεγαλόσπλαγχνος Homo  
magnis visceribus .  
ὁ μεγαλόσπλαγχνος Elatis visceribus .  
σπαπλή Humida excretio .  
δ' σπαπλῆς Præliquidæ excretionis .
408. δυσκρασίη Dyscrasia .  
ἀσας , ρυπτασμός κ' δυσφορίας Anxie-  
tates , jactationes , & difficiles to-  
lerantias .
409. δυσκρασία Dyscrasia .  
σίνεα κ' βλάβας Læsiones , & of-  
fensas .  
ἄχροια Bona coloratio , bonitas co-  
loris .  
ἀταξίαν Inordinationem .
410. παροξυσμοί , seu ἐπίσημασίαι Paroxy-  
smi & annotationes febriles .  
ἐπίσημασίαι ἀδλίπτει Annotationes  
febriles incompressas sine submer-  
sione pulsus .  
θλίψις Compressionis febrilis .  
τὸ ἀδλίπτον Quod est incompressum ,  
& sine angustis , & molestiis qui-  
bus premuntur febricitantes per ac-  
cessionum initia .
411. κακοήθης Mali moris .  
βλητοίς κ' ἀποπληκτοίς Percussis , &  
apoplecticis , fideratis .  
τὸ θείον κ' θηριώδες Divini & maligni-  
τὸ θηριόν Therion , malignum , viru-  
lentum , pestilentielle .  
ἀνὰ πτύελον Sine sputo .  
ἄχροια Euchræa , bonitas coloris .
412. βήχας κ' θυμόν Tussim , & excande-  
scentiam .  
θυμός Excandescencia .  
συγγενικόν φθινώδες Quidpiam inna-  
tum tabificum .  
ξηρόν Siccum .  
λαθραίως Latenter , & occultè .  
βραχύπνοια κ' δύσπνοια Brevispiratio ,  
& dyspnæa .
413. σύστασις Systasis , compages .

- κίνησις Motio .  
διερεῖν Serosum fieri , a serositate trans-  
mutari . *magna vis hujus verbi ex  
Dureto , Ballonio , & Foessio .*  
πάρεργα Perfunctoria & in transitu .
414. κακοήθεια Malignitas .
415. συστροφή Systrophe , collectio , con-  
cretio .  
ἀπὸ τῶ συσέφρεθαι A colligendo ; &  
concrescendo .  
ἔδρα πυρῶδεια ἔθερμα Urinæ febriles ,  
& præcalidæ .  
ὑποχόνδρια φλεγμαίνοντα Hypochon-  
dria inflammata .  
τὰ ἔδρα φλεγμαίνοντα Urinæ inflamma-  
τæ .  
πέποντα φαρμακῶεν Concocta medicari .  
ὄργαν Turgere .  
φλεγμαίνειν ὑποχόνδριον ἔσυστροφῶν Hy-  
pochondrium inflammari , & ali-  
quam concretionem habere .  
συστροφάς Concretiones .
416. συστροφῶν Collectionem , & concretio-  
nem , Systrophen .  
στυραθῶδης Ad modum excremento-  
rum quæ scybala vocantur quasi in  
nucleum efformata ferè combusta  
caprarum baccis similia .  
τῶ πνιδμάτων προτάσεις Spirituum pro-  
tensiones .  
ἐκ τ' ἀπολήψεως πνιδμάτων Ex spiri-  
tuum interceptione .  
ἀπόληψις Interceptio .
417. τὰ ὑποχόνδρια φλεγμαίνοντα Hypo-  
condria inflammata .  
ὑποχόνδρια εἰς τὸ ὄγκον ἡρμένα Hypo-  
condria in tumorem elata .  
φλογώσεως Phlogoseos .  
Materia πνιδματώδης A flatu excitata .  
φλεγμαίνοντα Inflammata .  
οἷσι τὰ ὑποχόνδρια διατεταμένα πεφύση-  
ται , ἢ ὑπερβάλλοντα εἰς δερμά κ' πυ-  
ρῶδεια Quibus hypochondria disten-  
ta inflantur aut alterantur præcali-  
da & veluti igne accensa .  
τὸ διατεταμένον Distentum .  
συντήξεως Syntexeos , colliquationis .
419. συστροφή Systrophe , concretio .  
ἀνέμιον Anemien , ventosam flatuosi-  
tatem ; ut vertit Jan. Cornar .  
ἀνορεξίαν , Anorexiam .
421. κατάρρεσις esset πνιγώδης Catharrus suf-  
focativus .



- ἄπειρος Incoctilis.  
 422. ὁμοειδείῳ Affinitatem, & gentilitatem, cognationem.  
 ἀνάληψιν Analepsin, renutritionem.  
 423. Corpora θερμόκοιλα Ventre calido.  
 διάθεσις Diathesis.  
 συνεχὴ Continuam.  
 ῥῆμα Rheuma.  
 424. ἑτερογενὲς Heterogeneum.  
 διάχυσις Diffusionem.  
 σπώγιζιν Colliquationem.  
 425. ἀπὸ τῶν ἐπικεραστικῶν Alterantius, quæ epiceraistica appellantur.  
 ῥευματισμοῖς Rheumatismis.  
 περὶ ῥόων γυναικείων De fluxibus muliebribus.  
 ποῖς ἐπικεραστικοῖς Epiceraisticis.  
 426. Oculos ἐπίχνης Pulverulentos.  
 ἀλμῶδες Salfuginosum, humore nitroso, & falso abundans.  
 427. Febres περικαεῖς incensivas.  
 περικαύτων Exanthematon ambustorum.  
 428. ὁρμητικὴ Perturbationis mentis.  
 Humores ἑτερογενεῖς Heterogenei.  
 Corpora ὑπόλευκα καὶ ῥοαῖδες subalbiantia, & Rheumatica.  
 κῶμα ἀγρυπνον Coma vigil.  
 διαφρητικὸν Diaphoreticum.  
 429. κακοήθειαν Malignitatem.  
 ἀναδερμαίνειν Recalescere.  
 τῶν κρισίμων Criticorum.  
 δύσχεστα Quæ ægrè judicantur.  
 παλινδρομῶ Palindromen, recursum.  
 τὰ κρίνοντα Judicantia.  
 430. περὶ τῶν κρισίμων De judicantibus.  
 τὰ κρίσιμα Judicatoria.

- δύσχεστα Difficilis judicationis.  
 τὰς ἀκρισίας Injudicationes, acrisias.  
 κακοήθειας Malignitatis.  
 καύσον Febris ardens, Causon.  
 432. καυσώδεσι Febribus ardentibus.  
 Excrementa πυραυώδεα quæ baccis caprarum sunt similia.  
 433. πῶ κεχυλῶσαι Chylificatione, chyloscos actiones.  
 ιδιοσυγκρασία Idiosyncrasia, proprietas individualis singulorum.  
 434. ἀσώδης Anxius, implacidus.  
 κακώσεως Malæ affectionis.  
 ῥιπασμὸς καὶ ἀλυσμὸς Jactationis, & anxietatis.  
 κακοήθειαν Malignitatem.  
 435. λεπτόλεβοι Tenuibus venis, & angustis.  
 Febris ἀξιόλογος effatu digna, & conspicua.  
 Habitu corporis δυσδιαφορήτου ægrè evaporabili, difficilis evaporationis.  
 436. πὸ αἷμα διερεῖν Sanguinem ferofam naturam acquirere.  
 Dolendum porrò est quod non solum in hac voce, sed in aliis multis Græcis vocabulis prima exemplaria sint adeo fædis mendis conspurcata. Sed quæ Typographorum incuria irreperunt, veniam deprecantur. Pleraque tamen in verborum translatione sunt emendata, & integritati suæ restituta.  
 Profluvio ἑτερογενῶν diversi formi, & variarum.  
 πὸ ἐμπύρματα Empyreuma, & ignitio, & anima morbi, seminarium igneum.



Verba, quæ Græcè occurrunt in prima pag. appendicis, & in  
Præfatione ad VVillhelmum Moor M. D. Clarissimum,  
latinè reddita.

- I. Μία ἀρχὴ ἀγένητος Unum principium infectum. Sic vertit Daniel Heinsius ex  
*Clem. Alexand. Strom. V.*
- II. Εὐδαιμόνως πράττειν Feliciter agere. *Aristophan. Actu IV. Scen. I.*
- III. Παραλειπόμενα Quæ prætermissa sunt ab Homero. Q. Calaber, ab aliis Corinthus  
*Grammaticus* appellatus, exorsus a nono anno Iliacæ obsidionis, Halosim Tro-  
ja XIV. libris epicè & Homérico spiritu complexus est.
- IV. Περὶ Ἑλένης ἀρπαγῆς De raptu Helenæ Coluthus Poeta vetustissimus Raptum He-  
lenæ elegantissimè cecinit: Clarissimus vero Vir VVillhelmus Moor tantum opus  
interpretari, & nitidissimis notis illustrare aggressus est.
- V. Οἱ ἐκ πόνου ἀφῶνοι γίνονται δίδυμοι Qui ex dolore aphoni fiunt, crudeliter mo-  
riuntur.
- VI. Αἶψα Alpha, elementum.
- VII. Τῆ ἀξύλος Sylva nemorosa.
- VIII. Πέλαγος ἀχανές Pelagus immensum.
- IX. Ἀΐαχος καὶ καρποφόρος Nilus spicifer & fructiferus.
- X. Περὶ προσῶχης De Oratione.
- XI. Ἀβίος, καὶ πολλῶ βίον κεκτημένος Dives & qui multam substantiam possidet
- XII. Vox Κλαυθμώδης Clangosa.
- XIII. Βοᾶν Ululare, vociferari, clamare.
- XIV. Δυσθάνατοι. Ægrè crudeliter morientes.
- XV. Δυσόλεθρος Mori contumax, ex *Theod. Gaza.*
- XVI. Κοκκυμηλέα δυσόλεθρος Prunus sylvestris, apud *Theophrast. 3. Hist. Plant.*, vi-  
vax, inextricabilis, aboleri contumax.
- XVII. Ἀναφέροντες Spirituosi subingultuosi, ex *Galeno in Exegesi de Linguis.*
- XVIII. Καταφέροντες Deorsum ferentes, deicientes, ex *Foesio.*
- XIX. Τ'ποφέροντες Titubantes, erectè ambulantes.
- XX. Προφέροντες, καὶ μικρὰ προσενέγκαντες Comedentes, & paucis ingestis, in *Coa-  
cis* ex *Foesio.*
- XXI. Οἷσιν ἐκ σφραγγέως Quibus ex stillicidio urinæ.
- XXII. Ἐπείων νόμος ποικύς, ἐνθα & ἐνθα Verborum lex multiplex, hinc, & illinc, ex  
*Eustathio.*
- XXIII. Πολυσήμως Verbis polysæmis, & multiplicis significationis. Verba πολύση-  
μα, tortuosa, & multiplicia variis obnoxia interpretationibus [vocant Gram-  
matici].
- XXIV. Διαλεπτολογεῖται παῖς δοκοῖς τοῖς οἰκίαις Argutatur, & disputat subtiliter cum tra-  
bibus domus. *Aristoph. in Nebulis Act. V. Scen. IV.*















